



Bodleian Libraries

UNIVERSITY OF OXFORD


This book is part of the collection held by the Bodleian Libraries and scanned by Google, Inc. for the Google Books Library Project.

For more information see:

<http://www.bodleian.ox.ac.uk/dbooks>




This work is licensed under a Creative Commons Attribution-NonCommercial-ShareAlike 2.0 UK: England & Wales (CC BY-NC-SA 2.0) licence.









معلوم اوله که امر محال ايله
تکلیف سادات اهل سنتدن
اشاعره فتنده جاژ اولوب
مازیدیه ايله ساژ فرقی اسلامیه
فتنده جاژ اولمدیغی کتب
کلامیه ده تفصیل اولمشدر
بومقامده ابن خلدونک کلامی
مازیدیه مذهبیه جل اولوب
یا خود اشعری فتنده محال ايله
تکلیف جاژ ايسه ده واقع
اولمغله اشاعره مذهبی
اوزره دخی توجیه اولنور
مترجم محمد صاحب

ومصلاحه سوق وکریوه شروفساددن منع ايله ائمه وخلفایه امر ایلدی بودخی عقلا
وشرعاً معلومدر که حقسنده امر وتکلیف وارد اولان فعل وعمل مأمور ومکلفک مقدوری
اولقی لازم اولوب حوصله وسع وطاقتدن خارج فعل ايله تکلیف واقع اولمغله ملوک
وخلفانک تمثیت امور هبساد ايله مأموریتلری دخی دائرة ملک ودولتده حکم وتصرفه
مکنت وقدرتلی اعتبارلی موجب اولور حتی اهللام محققین تفسیر کبیر صاحبی
امام فخر رازی حضرتلری امر وخطابده قدرت اعتبارینه بناء طائفة نسایی قرآن
وحدیثده وارد اولان احکام شرعییه تک اکثرنده رجاله تابع قیلوب مسلمان و مسلمانه
اداسی فرض اولان طاعات وعباداتدن غیری آیات واحادیثده وارد اولان خطابات علیه
واو امر شرعییه بی ابتدا رجال حقیقه اعتبار ایدوب احکام نسایی احوال رجاله قیاس ايله
اثبات ایلدی زیرا طائفة نسوان  الرجال قوامون علی النساء  آیت کریمه سی مفادی
اوزره کندی امورلینه مالک اولوب غلبه رجال ايله قدرت واختیارلری مسلوب واکثر
احواللری زوجلرینک اذن ورأبیرینه موقوف اولغله اکثر احکامده خطاب ربانی
وامر صمدانی ايله بالذات مأمور ومخاطب اولدیلهر ودخی خلافت وامامتده بحسب الشرع
الانور قوت واقتدار مرعی ومعتبر اولدیغنه دائرة وجودده واقع نظام مشهود دخی
اهل شهوددر که بریتک صاحبی بابر قومک رئیس اولان شخصک اهل وعیالی واتباع
وخدایم حقیقه ریاست وولایت اهلیتی قدرت وكفایت ايله مشروط اولوب قوم وجماعتی
پینده حکمتی اجرا وتهدیدنی ایضا ه قادر اولمدهجه ریاسته اهل اولمدیغی
خارجدن بحسب العقل دخی معلومدر واحکام شرعییه تک اکثری دخی
خارجده موجود ومشهود اولان امر طبیعی به موافق اولغله
خلافت وامامتده قوت وكفایت اعتباری خارج موافق
امر شرعی اولور والله تعالی اعلم واحکم



سایه معارف فوائده حضرت پادشاهیه سده تقویمخانه عامره ده طبع وتمثیل اولمغله اولان
ابن خلدون ترجمه سنک اشبو جلد اولی رهین دستکاه حسن ختام اولمشدر
فی اواخر رجب المرجب

۱۲۷۵
سنه

کافه اهل اسلامه عام وشامل اولغله امامت و خلافت باينده دخی بو عموم وشمول
 معتبر اولق لازمدر * بو مقدمه معلوم اولدقده نسب قریشی اعتبارندن مطلوب ومقصود
 مجرد قوت وشوکت جهتيله امامت و خلافت اهلیت واسحقا قلمی اولوب مادامکه
 شوکت وسطونلری مختل اولیه سررخلافتنه احق والبق اولور کذلک شوکت وسطوت
 قریشی النسب اولیان خلیفه ده بولنورسه اول وقتده زمام امور مسلمانک کف کفایتنه
 تسلیم اولنوب کافه انامک اطاعت وانقیادی لازم اولور بوتقدیرجه امامت و خلافت
 هر عصرده قبیله قریشه مخصوص اولوب بلکه ترتیب جنود وحفظ حدوده قادر
 سارملوک و خلفا تک امامت و خلافتلری دخی امام قریشی کی صحیح اولور زیرا او اخر
 دولت عباسیه ده انقلاب دور زمان ایله قبیله قریشک شوکت وسطونلری مختل اولوب
 محافظه ملک وملت ورؤیت مصالح امتدن قوت وقدرت لری قاصر اولدقده وکلای
 شرح مبین و علمای دین سید المرسلین حضراتی اصحاب عز وشوکتدن قریشی اولیان
 ائمه و خلفایه بیعت ایدوب تنفیذ احکام شریعتده امر ونهی لری نه اطاعت ایلدیلر
 والامامت و خلافت هر عصرده قریشی به تخصیص وتعیین اولنسه جوق کره مختل شرط
 کفایت وموجب فساد ملک وملت اولغله هیجان فتنه به باعث اولوب ثمره ملک ودولت
 اولان نظام دین وملت وصلاح حال امت فوت اولغله عالم شر وفساد ایله مملو اولور
 بناء علی ذلک مالک رقاب انام وامام اهل اسلام اولان سلطان مسلمین و خلیفه رب العالمین
 کثرت اهوان وانصار و وسعت ممالک و دبار ایله عصرند موجود اولان امم ورجاله غالب
 اولوب ملک ودولتده تقدم و اسبق و بیعت اکثر ایله اطاعت وانقیاده احق والبق اولق
 لازمدر که رفع شقاق و خلافت ایله قلوب ناسی جمع وتالیفه قادر اولوب ایفاظ فتنه ایله بغی
 و خروج تصدی وایقاد نازه شر وفساد ایله تفریق کله اسلامه تشهی ایدنلری زجر
 وتعیف ایله بنیان ملک وملتی تشدید ایله و اوائل اسلامده سطوت وشوکت عرب کافی
 وبرکت خیر قرون ایله امداد الهی و قبض غیر متناهی وافی اولغله عامه افطارده حکم
 وتصرف امام واحده مقصور اولوب اهالی شرق وغرب منصب خلافتی تفریق ایله
 ایکی امامه بیعت ایتدیلر بعدده او اخر خلافت عباسیه ده اختلاف آرا واهوالیه مسلمین
 بینده شرور وفتن حادث اولوب اتحاد ووافق اختلاف وشقاقه مبدل اولغله منصب
 خلافتده تعدد واشتراك حاصل اولدی لکن امام واحده اقتدا مسلک سدید صحابه
 وتابینه اقتفای منضم اولوب سبب نظام عالم وباعت اسایش ام اولغله علمای متقدمین
 رجهم الله تعالی علیهم اجمعین حضراتی بومذهب منصورى اختیار یوردیلر
 * معلوم اوله که رتبه سامیه خلافت وامامت اسرار الهیه دن بر سر خنی درکه حقدده
 وارد اولان آیات قرآنیسه واحادیث نبویه تک اسرار و مزیانسنه وقوف ایله بورتبه رفیعه به
 اهتلاکال شوکت ومزید قدرت ایله مشروط اولدیغی ظاهر اولور تقریری بویله درکه
 جناب احکم الحاکمین جل شانہ حضرت لری ملوک وسلطینی دفع شر وفساد ایله تنظیم
 امور عباد مصلحتیچون طرف شریفندن نائب و خلیفه نصب ایدوب کافه انامی وتیره خیر

اطلاق اولمشدر اشبوقبیله قریش سرلوحه نسنامه نبوت و دیساجه مجموعه شوکت
 برهشیرت عظیمه ایدیکه شرف حسب و نسب و کثرت عدد و عهد دایله سائر قبائل عرب
 و بنی مضره غالب اولمغین جمله طوایف عرب انلرک قدر و منزلتسیرین اقرار و اعتراف
 ایدوب مضارعز و شرفده احراز قصب السبق تقدم ایله امتیاز و اختصاص صلیرین
 تسلیم ایدر لر ایدی شویله که امر خلافت قبیله قریشک غیر سائر قبائله تفویض
 اولنسه اصالت و کفایتلری عرق حیثیترینی تحریک ایدوب قدم نزاعه قیام ایله مخالفت
 و مانعتری احتمالی مظنون اولمغله افتراق کلمه مسلمینه مفضی و شق عصای موحدینه مؤدی
 اولوردی حال بوکه سائر قبائل عربده انلری رأی و عزیمت لرندن صرفه قدرت اولوبوب قریش
 دخی شوکت و سطو تدرینه اعتماد ایله کندیلردن اضعف قبیله به انقیاد ایتیمکه مسلمین بیننده
 فن عظیمه حدوتی ظاهر و مقرر ایدی مع هذا کتاب و سنت و اجماع امت ایله ثابتدر که
 حق سبحانه و تعالی حضرتلری اهل اسلام بیننده اختلاف کله و ابقاظ فتنه ایله خلاف
 و شقاق و فروعندن منع و تحذیر ایدوب دائماً اتحاد و اتفاق ایله تنظیم امور دینه مبادرت
 و مباشرت ایله امر ایلدی اما امر خلافت قبیله قریشه تخصیص و تعیین اولنوب زمام
 حکم و تصرف انلرک کف کفایتلرینه تسلیم اولندقد ه بونلر صدر اسلامده قوت قاهره
 و شوکت باهره ایله سائر قبائل عربه غالب اولمغله کافه ناس اطاعت و انقیاده مضطر اولوب
 بر فرد ابقاظ فتنه نائمه ایله تفریق کلمه اسلامه قادر اولماغله امور ملک و ملت منظم و ملتئم
 اولور بوسبیدن ناشی صدر اسلامده خلعت زربفت خلافت قبیله قریشک آرایش
 دوش کفایتلری قنوب عهد خلافت صدیقندن او اواخر دولت بنی عباسه دک فرما نفرمای
 مسند ملک و دولت اولدیلر شویله که بونلرک نیروی بازوی جلاد تدریله شجره طیبه دین
 و ملت ثابت و راسخ اولوب کافه قبائل عرب و عجم اطاعت و انقیاد لرینی التزام ایله
 آثار اسلام اطراف و اقطاره و اصل و جیع ممالکده ثبات دین و ملت حاصل اولدی
 نه کیم خلفای راشدین رضوان الله تعالی علیهم اجمعین ایلمنده دولت امویه و عباسیه ده
 واقع اولان فتوحات و مغازی بالجمله مبارزان قریشک میا من هم غالب لرله جلوه کر
 موقع حصول اولوب فتح و تسخیر بلاد و توسیع ممالک اسلامیه ده متأثر جیله لر می مهرة
 طاس شهرت اولمشدر شویله که مهرة فن تاریخندن ابن اسحاق و انک امثالی سائر اعلام
 مورخین و علمای محققینک کتب لرینه نظر و تتبع صحایف سیر ایله مألوف اولان رجال
 قبیله قریشک مزید قهر و غلبه ایله سائر قبائل مضر و عشا بر عربه سبق و تقدملرینه واقف
 اولوب صدر اسلام و زمان جاهلیته بونلرک هزت و شوکت لرینی مؤید نیجه آثار و اخباره
 واقف اولور فعلی ذلك امامت و خلافتده نسب قریشی اعتبارندن مطلوب و مقصود
 مجرد سلاله نبوتیه انتساب و اختصاص اولوب بلکه کثرت اتباع و خدام و شدت هزم
 و اقدام ایله بونلرک امتیاز و اشتها لر زینه بناء امامت و خلافت قریشیه تخصیص اولند بیغی
 ظاهر اولدی و بومعنا دخی معلوم و مقرر در که حکم شریعت بر عصر معینه
 و بر قوم مخصوصه تعیین و تخصیص اولنوب بلکه الی یوم القیام هر عصر ده

عصرنده قبیله قریشک سطوت وقوتلری مخسل اولوب دیلمه وسلاجقه خلفای عباسیه به غالب وزمام اموره مالک اولمغله علمای دین مبین انلره بیعت ایله اطاعتلرینی قبول ایلدیلر علمائک بعضیلری دخی نسب قریشی اعتبارینه بناء امام قریشی اقامت مراسم ملک و خلافتدن عاجزدخی اولورسه امامتی تجویز ایتدیلر* لکن پورای ومذهب اوزرینه برسؤال قوی وارد اولورکه امام قریشی امور مسلمینی قیامدن عاجز اولدقده اقدام شرایط خلافت اولان شوکت و کفایت شرطی فوت اولوب علی الخصوص کندیدن اسبق واقدم وباعث نظام کافه ام اولان خلیفه اسلام اوزرینه خروج ایله ایضاظفته و افتراق کلمه به مؤدی اولدیغندن ماعدا اجاع امت ایله ثابت اولان سائر شروطک عدم اعتبارینه دخی مفضی اولمغله رأی مذکوردرجه اعتباردن ساقط اولور ودخی امامت و خلافتنه نسب قریشی اشتراطنده حکمت و مصلحت بیانی امر مهم اولوب بسط مقال ایله بو باده تحقیق مقام و اظهار حق و صواب ایله تبیین مرام مناسب اولمغله کیت سیه زانوی عنبرین رقم خامه په بو وادیده رخصت تسکاپو ویرلدی

* معلوم اوله که حق سبحانه و تعالی حضرتلری فاعل مختار و حکیم مطلق اولوب بعث رسل و انزال کتب ایله طرف شریفندن عبادت تبلیغ اولنان احکام شرعیه حکم و مصالحی متضمن اولمغله هر حکمنده نیجه حکمت و مصلحت موجود در که بالجمله نکالیف شرعیه و احکام الهیه اول حکم و مصالحی ابراز ایچون وارد اولمشدر امامت و خلافتنه نسب قریشی اشتراطنده دخی حکمت و مصلحت ملاحظه اولدقده سلاله نبوته قرب انتساب ایله تبرک و تین شرفی موجود و مشهور ایسه ده هر عصرده عامه عبادت نافع و نظام امور جهوره راجع مصالح کلیه دن اولمغله شرط مذکوردن مقصود مجرد تبرک نسبه مقصوده اولماز بلکه اقدام شرایط امامت و خلافت اولان شوکت و سطوت و قوت عصیت جهتیه صدر اسلامده قبیله قریش سائر قبائل عربیه غالب اولوب تنفیذ احکام شریعت و تنظیم مصالح امت ایله غلبه و تفوقلری ظاهر اولمغله امامت و خلافت قبیله قریشه تخصیص و تعیین اولمشیدی زیرا امامت و خلافتنه شوکت و سطوت اصل و اساس اولوب امام و خلیفه مالک رقاب انام و متبوع خاص و عام اولمغله حکمنی اجرا و تهدیدنی ایضاچه قدرت اولدقده نزاع و شقاقه مفضی و افتراق کلمه اسلامه مؤدی اولور و صدر اسلامده قبیله قریش قوت و کفایت جهتیه سبق و تقدملرینه بناء امامت و خلافتنه جله دن احق والبق اولمغله حضرت ابی بکر الصدیق رضی الله تعالی عنه * الائمة من قریش * حدیثیه انصاره محاجه ایلوب اجاع صحابه ایله حضرت صدیقه بیعت اولندی * بو مقامک تحقیق و بیانی بویه در که قبیله قریش سلطان کونین حضرتلرینک اجداد اجمادندن نضر بن ککنانه اولادلرینه اطلاق اولوب نضر دخی دو حه ذات النضره صلب مضر دن منشعب برشعبه جلیله در که سلطان انبیا علیه افضل التحایا حضرتلرینک جدا مجدری هاشم بن عبد مناف بر قاق واسطه ایله نضره منتهی و نضر دخی وسایط عهیده ایله مضره منتهی در نضرک براسمی قریش اولمغله اولادلرینه قریش

صحت امامتہ دلالت اتمز دیدیلر کذلک صحت امامتہ نسب قریشی شرط اولدیغنه
 ذاهب اولانلرک بعضیلری دخی فاروق منیع الجناب عمر بن الخطاب رضی اللہ تعالیٰ عنہ
 حضرت تریبک زمره اصحاب کرامدن سالم مولیٰ حذیفه دینکله معروف صحابی حقندہ
 وارد اولان قوللریله احتجاج ایتدیلر سالم حضرت تریی صاحب طبع سلیم وزهن مستقیم
 اولوب مصالح دینیہ و دنیویہ ده حزم و بصیرت و شجاعت و کفایت ایله موصوف اولغله
 حضرت عمر انک حقندہ (لوکان سالم مولیٰ حذیفه حیا لولیتہ اولماد اخلتنی فیہ الضنه) قولنی
 ابراد ایله مدح و ثنا ایتدیلر یعنی اگر زمره اصحاب کرامدن و قبیله قریشدن حذیفه نیک معنی
 اولان سالم حیاتده اولدی مسند خلافتی اکاتفویض ایدردم یاخود تولیه خلافتده انک
 حقندہ بخسل وضنت اتمزدم یاخود اکانقبصه ویره جک برنسنه ایله اتهام ایلزدم دیو
 عمر بن الخطاب رضی اللہ تعالیٰ عنہ حضرت تریی سالم حضرت تریی مدح و ثنا ایدوب خلافت
 و امامتہ اهلیت و استحقاتنی خبر و یردی مع هذا سالم قریشی - النسب اولیوب موالی
 قریش دن اولغله خلافت و امامت نسب قریشسه مخصوص اولدیغنی حضرت عمرک
 بو قولیله استدلال ایتدیلر خلافتہ ذاهب اولان علمانک بعضیلری دخی مذهب صحابی
 قطع و یقینی مفید حجت قاطعه دکلدردیو عدم اشتراطه دلالتنی منع ایتدیلر یاخود
 حضرت عمرک سالم حقندہ وارد اولان کلاماری بووجه ایله توجیبه اولمقی جائزدرکه
 کرچه سالم قبیله قریشدن اولیوب لکن * مولی القوم منهم * فحواسی اوزره برقومک
 دخیل و منسوبی یا عبد معنی اول قومدن معدود اولغله سالم حضرت تریی دخی واسطه
 ولای عتیق ایله قریش قبیله سنه منسوب اولوب و علاقه سببیه قرابت نسبیه مقامنه
 قائم اولغله ثمره نسل و نسب اولان قوت و سطوت و عصیبت و کفایت سالم حضرت تریی
 دخی موجود اولغین قریشی النسب حکمنده اولور حضرت عمرک بو کلامدن
 مقصودلری خلافت و امامت امانت حقی و کفالت خلقی متضمن امر عظیم اولغله کمال
 زهد و تقوالرندناشی شروط خلافت کندیلرده مفقود و سالم حضرت تریی موجود اولمق
 ظنیله سالم حیاتده اولسه خلافتہ بدن احق و البقی اولوردی دیو هضم نفس ایله معامله
 یوردیلر زیرا سالمده نسبت قریشدن غیری سائر شرایط خلافت بالجمله موجود اولوب
 و نسب قریش اعتبارندن مقصود دخی مجرد سلاله نبوتیه قرابت نسبیه ایله انتساب
 اولیوب بلکه خلافت و امامتہ لازم اولان شوکت و سطوت اولغله سالمده نسب قریشی
 مفقود و معدوم ایسه موالی قریشدن اولغله ثمره نسل و نسب اولان شوکت و عصیبت
 موجود اولغین سالمک خلافتسه اهلیننی تجویز ایتدیلر بو کلامدن فاروق منیع الجناب
 عمر بن الخطاب رضی اللہ تعالیٰ عنہ حضرت تریی امور مسلمینه نظر و اهتمامده حسن
 همتلری معلوم اولوب اماناتی اهلنه ادا ایله تحصیل رضای ربانیده عنایتلری ظاهر
 اولور * و دخی کبار علمای اهل سنتدن عالم ربانی قاضی ابی بکر باقلانی حضرت تریی قتنده
 دخی امامت و خلافتده نسب قریشی شرط اولیوب قریشی النسب اولمیان ملوک
 و سلاطینک خلافت و امامتی صحیحدر دیدی زیرا قاضی ابی بکر باقلانی حضرت تریی

اگر بر پادشاهک حوزة ملك و سلطنته قهر و غلبه ايله براخر ملك مستولى اولوب اول دولتک
 سلطانی دائرة ملك و سلطنته بالکلیه حکم و تصرفدن عاجز اولسه سریر سلطنتدن
 ساقط اولدیغی ظاهر در * اما بر پادشاهک ملك و دولته کندی اتباع و اعواندن
 بعض متغلبه تسلط و استیلا ایدوب مصالح انامده حل و عقد ايله اکتفا و بحسب الظاهر
 حکم سلطانه اطاعت ايله عصیان و مخالفت صورتی اظهار ایتزسه بومرتبه تغلب ايله
 سلطان انام رتبه امامدن ساقط اولماز بوضورنده تغلب ایدن ذاتک حال و شانته
 نظر اولنوب اگر حکم و تصرفده حسن سیرت و لطف سیاست مسلکته سالک اولوب
 ایضا فتنه احتمالی بر طرف ایتسه اول متغلبه بی حالی اوزره ترك و ایضا اهندر دیدیلر
 والا خلیفه اسلامک ممالک دولته بروجه استقلال امر و نهی تنفیذ و اجرا قصد ايله
 عامه مسلمین اوزرینه سلطان انامه نصرت و اعانت واجب اولوب اول متغلب عنیدک
 دائرة دولتدن تغلب و تسلطی منع و دفع لازمه ذمت اهندر * اما نسب قریشی شرطی
 بیاننده واقع اولان اقوالک یسانی بویله درکه سلطان ملائک سپاه صلی علیه الاله
 حضرتلری داردنبان سرای هقبایه عزم ایتدک لری بوم مشهود و مشهورده قریش ايله
 انصار تعیین امر خلافت ایچون سقیفه بنی ساعده نام محله جمع اولوب اول وقتده
 شوکت و عصیت قریشده غالب اولدیغندن ماعدا ابی بکر الصدیق رضی الله تعالی
 عنه حضرتلری امامت قریشی ادله شرعیه ايله اثبات و انصاری اسکات ایتکله
 مهاجرین و انصار حضرت ابی بکرک خلافتنه اجماع ایلدیلر بعده خلفای راشدیندن
 عمر و عثمان و علی رضوان الله تعالی علیهم اجمعین حضراتی دخی علی الترتیب مسند نشین
 امامت اولوب خاتم الانبیاء علیه افضل التحایا خبر ايله خلافت نبوت او توز سنه تمامنده
 قرین ختام اولدی بونلردن صکره امویه و عباسیه دولتلری دخی ظهور ایدوب
 انلردخی مدت مدیده کار فرمای مسند ملك و سلطنت ایلدیلر * لکن اواخر سلطنت
 عباسیه ده قبیله قریش ترفه و شهه مألوف اولوب و اکثری دخی دار الملك خلافتدن
 آفاق و اقطاره منتشر اولغله طسائفه قریشک شوکت و سطوتنه ضعف و خلل عارض
 اولوب امامت مراسم خلافتدن عجز و قصور لری ظاهر اولغله حل و عقد امور دولت
 و تنظیم مصالح ملك و سلطنت خلفای عباسیه دن دیالمه و سلاجقه به نقل ایلدی
 بوسبیدن ناشی علمای محققین دن چوق کسنه لر خلافت و امامته نسب قریشی شرط
 اولمقی اوزره رأی ایدوب و بویله مشکاة صدر نبوتدن شرف فریزور و اولان احادیث
 صحیحه تک ظواهر ايله عمل ایتدیلر از جمله صحیح مسلمده ~~ک~~ شیده سلك نحر بر اولان
 جواهر زواهر احادیثدن * استمعوا و اطیعوا وان استعمل علیکم عهد حبشی کان رأسه
 زبینه * حدیث شریفی بحسب النظا هر امیر و والی عهد حبشی دخی اولورسه
 اطاعت و اقبادک و جوینه دلالت ایدر دیو امامت و خلافتده نسب قریشی شرط
 اولمقی اوزرینه بو حدیث شریف ايله احتجاج ایتدیلر و علمانک بعضیلری دخی
 بو حدیث شریفی اطاعت خلفا ده تمثیل و مبالغه به حل ایدوب عهد حبشی تک

زبینه قوری اوزوم دانه سیدر
 زبینه به تشبیه طریقیله
 باشی کوچک عهد حبشی
 دیمکدر مترجم صاحب

خلافت نبوت شرایطی مرعی اولیه جنی بیان ییورلغین صحت امامتده شروط
 مذکوره تک سقرطی اشعار اولندی * بو محلد مترجم کتاب صاحب فقیرک کلامی
 تمام اولوب بنه مورخ ابن خلدونک شرایط مذکوره تک فواندی بیسانده ذکر ابتدایی
 کلامک ترجمه سنه شروع اولندی * معلوم اوله که خلافت و امامتده علم و اجتهاد
 شرطنک فائده سی بودر که ائمه و خلفا من قبل الرحمن تنفیذ احکام شرعیه به ما مور اولوب
 تنفیذ احکام دخی ادله شرعیه دن ملکه علم و اجتهاد ایله استنباطه محتاج اولمغله
 امام و خلیفه عالم و مجتهد اولمق لازمدر دیدیلر لکن رتبه اجتهاده وصول متعذر اولدوقده
 علما و فقها دن استغنا یا خود قضاة عدوله تقلید منصب قضا ایله اجتهاد شرطندن
 استغنا حاصل اولدیغی ذکر اولمش ایدی * کذلک منصب خلافتده کتاب و سنته
 تمسک ایله عدالت اعتباری دخی بوندن ناشیدر که ملک و خلافت مناصب دینییه تک
 اشرف و اعلاسی اولوب اجرای عدالت ایله مشروط اولان منصب قضا و سایر مراتب
 علیا به ملوک و سلاطینک نظارت هاده سی اولمغله شرط مذکوره جمله دن اولی اولور لر
 لکن بعض امورده و تیره عدالتدن انحراف صحت امامتی محل اولدیغی بوندن اقدم
 ذکر اولوب نصب قضاة عدول ایله اجرای احکام شرع شریف ییور لر * اما کفایت
 و بصیرت شرطنک فائده سی بودر که نصب امامدن مقصود ترتیب غزا و جهاد و منع ظلم
 و فساد اولمغله معارک حرب و قتالده جسارت و جلالت و دار اسلامده اقامت حد و قصاصه
 مکننت و قدرت لازم اولوب ترتیب جیوش و حفظ نفور ایله تنظیم مصالح جهورده
 دقت و امر و رؤسادن شجعان و دهاته رغبت ایله حدود ملک و دولتی مکاید اعدادن
 حفظ و صیانت لازم و مهملر تا که ملوک و خلفا رابطه نظام امت اولان سیاست
 ملک و مملکتده کافی اولوب ساحه عزاجازی اطاله دست تعدیدن مصون و مأمون اوله
 * اما ملک و خلافتده صحت عقل و قوا و سلامت اعضا شرطی عندالعلما ایکی وجهله
 اعتبار اولوب وجه اول امامتک جواز و صحتده وجه ثانی کمال و اولوبینده شرط
 اولمشدر اگر عقل و حسده خلل و نقصان جذبه و جنون و عمامم کی اقامت مراسم
 سلطنته مانع و محل اولان علل و افاتدن اولورسه اول ذاتک سریر خلافتده تصدیق
 جائز اولوب رؤیت مصالح امتده تقصیری موجب اولمغله حس و شعور بومقوله خلل
 و قصور دن سالم اولمق لازمدر * کذلک اعضا و جوارحه واقعه خلل و نقصان دخی
 مباشرت اعمال سلطنته مانع اولوب اخذ و حرکتک محل اولان علل و افاتدن اولورسه
 بومقوله قصور دخی صحت امامته مانعدر دیدیلر * اما اعضا و جوارحه واقعه قصور
 و خلل رؤیت مصالح امته مضر اولان هلدن اولوب بلکه نظر و رؤیتده خلل
 و قصوری موجب معاییدن اولورسه بومقوله عیب و خلل دن سلامت امامت و خلافتک صحت
 و جواز نه مانع اولوب اولویت و کمالده معتبردر دیدیلر * معلوم اوله که تسلط متغلبه ایله
 ملوک و سلاطینی داتره ملک و دولته حکم و تصرف دن منع و مجرد دخی نقصان اعضا کی
 ایکی نوع اولوب برنوعی محل صحت امامت و نوع آخری مانع کمال و اولوبیندر دیدیلر

فن کلامه مساره نام تصنیفنده و سائر ائمه اعلام دین تصانیف معتبره لرنده نقل و بیان
 ابتدکری اوزره ائمه حنفیه فتنده صحت امامت و خلافتده امامک مجتهد و شجاع اولمسی
 شرط اولوب بلیکه مناصب علیه بی اهلنه تقلیدایله احبای حقوق و مراتب سیغیه بی
 بصیرت و شجاعت اصحابی رجاله تفویض ایله حفظ ثغور و اقامه حدود ملوک و سلاطینک
 ذاتلرنده اجتهاد و شجاعت مقاضه قائم اولور دیدیلر نته کیم کتاب مسایره ده ابن همامک
 کلامی بومعنایه دلالت ایتمکله بعبارته نقل اولدی * قال ابن الهمام فی المسایره
 وقیل لابشرط الاجتهاد والاشجاعة لندره هذه فی واحد و یکن تفویض مقضیات الشجاعة
 والحکم الی غیره او بالاستفتاء * كذلك جع احکامده قانون عدل و داده رعایت
 شرطی دخی اجتهاد و شجاعت کبی ساقط اولوب هلمر و ملک و سلطنتی اطالده دست تعدیدن
 حفظ و حایه یه قادر سلطان امامک بعض امورده و تیره عدالتدن انحرافی صحت امامته
 مضر دکلدن زبراقلا ده اطاعت سلطانی رقبه طاعتدن خلع و نزعه قیام بین المسلمین
 هیجان فتنه و استیلا کفاری موجب اولمغله ملوک و سلاطینک تعظیم بامر الله
 و شفقت علی خلق الله مظهر اولمیرنه دما ایله اکتفا لازمدر بومعنایه برهان العما
 حجة الفضلا صدر الشریعه حضرتلری تعدیل العلومده اشارت ایتمکله کلامی نقل
 و تسطیر اولندی * قال صدر الشریعه فی تعدیل العلوم سقطت العدالة عندنا
 ضرورة فان جنود المسلمین اذا اتقادوا الذی له شوکة عدل عن العدالة شینا قلیلا
 و فی مخالفته هیجان الفتنه و استیلاء الکفار فالضرورة داعیة الی القول بانعقاد امامته
 انتهى * كذلك ملک و سلطنتده نسب قریشی اعتباری دخی فی زماننا ساقط اولوب
 امام قریشی النسب اولدیغی صورته دخی امامت و خلافتی صحیحدر و الاقامت
 جمع و اعیاد و ترتیب امور جهاد و سائر مهمات دینی و مصالح دنیویه تک تعطیلی لازم
 کلکله نسب قریشی شرطی ساقط اولور دیدیلر نته کیم علامه صدر الشریعه
 کتاب تعدیل العلومده بومعنایه اشارت ایتمکله کلامی بعینه نقل اولندی
 * قال صدر الشریعه ثم فی زماننا تسقط القریشیة ضرورة حتی تقام الجمع و الاعیاد
 و تصح الانکحة بدونها * خلاصه کلام اکثریاشبو ذکر اولنان شرطک امام واحدده
 اجتماعی مبسر اولمغله ائمه اعلام دین بعض شرطک سقوطی صحت امامته خلل و برمز
 دیدیلر علی الخصوص سلطان اورنگ رسالت علیه افضل النجیه حضرتلری * الخلافة
 بعدی ثلثون سنة * حدیث شریفی مدلولی اوزره شرایط امامت و خلافتی جامع خلافت
 نبوت کندی زمان سعادت لرندن صکره خلفای راشدینه مخصوص اولدیغی نوری و الهام ایله
 کشف و اظهار ایدوب مدت خلافت نبوتی او توز سنه مقداری زمان ایله تقدیر و تعیین
 یور دیلر واقعا آخر خلفای راشدین اولان امام علی کرم الله وجهه حضرتلرینک
 خلافتی زمان نبوتدن او توز سنه یه قریب مدته تمام اولوب دیوان خلافت نبوت اول خاتم
 یمین ولایت ایله ختم اولندی بو حدیث شریف مغیباتدن اخباری متضمن اولمغله
 معجزات نبویه دن هدا و انوب زمان نبوتدن او توز سنه تمامدن صکره ملک و سلطنتده

غیری صفات الوهیتی جامع بر قاج اله اولسه ارض و سما و سائر اشیا موجود اولماق لازم کلوردی زیرا خلق اشیا شوندن خالی دکلدر که یا الهین مفر و ضبنک مجموعتک قوت و قدرتله حاصل اولوب یا خود مستقلا هر برینک یا انجق برینک خلق و اقتدار یله موجود اولور اکر خلق و ایجادده علی وجه الانفراد هر برینک قوت و قدرتی کفایت ایتوب ایکسنتک اقتدار یله حاصل اولور سه معبود واله ده کمال قدرت و استقلال و قوت شرط اولغله ایکبسی دخی الوهینه لایق اولدیغندن ماعدا ذا تلزده ترکب لازم اولغین حدوت و امکانی مقتضی و ممکناتک عدم وجود و فسادنه مقتضی اولور اکر خلق اشیا الهین مفر و ضبنک هر برینک قوت و قدرتی کافی اولوب علی وجه الاستقلال هر بری خالق و صانع فرض اولور سه بر اثرک ایکی مؤثر نامدن صدوری و معلول واحد اوزرینه علتین مستقلینک تواردی لازم کلکله فرض مذکور محال اولوب عالمک فسادی بالبداهه ظاهر اولور و اکر خلق و ایجاد انجق برینک قوت و قدرتیله حاصل اولوب آخرک تصرفی جاری اولماز ایسه ترجیح بلا مرجح فسادی لازم کلکله موجودات ممکنه خلق اولماق لازم کلوردی * خلاصه کلام تعدد آلهه ذکر اولندیغنی اوزره اوچ امر محالی مستلزم اولغله باطل اولوب جنسب حقک ذات و صفاتنده وحدانیتی ثابت اولور بناء علیه بو آیت کوریمه تک مضمون منینی مسائل اعتقادیه دن مسئله توحید باری اثباتی ایچون دلیل عقلی و برهان قطعی اولوب و مسئله امامت مکلفینک افعالنه متعلق احکام فقهیه دن اولغله ادله شریعه دن دلیل آخر ایله اثبات اولوب برهان توحید ایله ثابت اولماز مکرکیم نظم کریمی مسئله امامت و خلافتده دخی اجرا ایچون تقریرده بر مقدمه فقهیه ضم اولوب بو وجهله استدلال اولنه که اکر ارض و سماده حق تعالی دن غیری اله فرض اولنسه هر بری بحسب العاده آخرک رأینه مخالفت و آنک مراد ابتدکی نسنه تک حصولنه ممانعت ایتکله نظام عالم مختل اولوب و اختلال نظام شرعا ممنوع اولغله سر بر خلافتده ایکی سلطانک اجتماعی دخی اختلال نظام مملکت و اختلاف امور رعیتیه باعث اولور دبو مضمون نظم کریم ایله ایکی امامک منصب خلافتده اجتماعک عدم جواز نه شرعا استدلال صحیح اولور والله اعلم * اما منصب خلافتک شروطی بش اولوب در دنده ائمه دین اتفاق ایتدکن صکره وقت حاجتده سقوطنه دخی ذاهب اولوب و شرط خامسده اختلاف ایلدیلر اولکی شرط علم و اجتهاد ایکبسی شرط عدل و داد اوچجی کفایه و شجاعت ذردنجبسی حواس و اعضا تک رأی و عملده خلل و نقصاتی موجب علل و آفاندن سالم اولمسیدر شرط خامس نسب قریشی اولوب ائمه دینک بعضیلری بو شرطی عموم اوزره اعتبار و بعضیلری دخی ترک و اهمال ایتدیلر * مترجم فقیر شروط امامت بیاننده ائمه حنفیه و مشایخ ماتریدییه دن کتب کلامیه و فقهیه ده منقول اولان اقوال صحیحیه به نظر ایدوب خلاصه کلامری ثبت صحیفه تقریر قلندی معلوم اوله که علمای حنفیه و فضلائی ماتریدییه دن علامه فهامه صدر الشریعه حضرتلری تعدیل علوم دینکله معروف تا لیغنده و این همام

رضی الله تعالی عنه حضرت نوری سقیفه بنی ساعده نام محله محضر اعیان صحابه ده
 عقد اولان مجلس عالیده بعد الاحجاج لایسع سیفان فی غمد کلامیله منصب خلافتده
 اشتراکک عدم جوازی تصریح بیور ملریله جمله اصحاب کرام فریده کلام صدیقی
 زیور قلاده قبول ایدوب یکسر مهاجرین وانصار ابی بکرک خلافت وامامته اجماع
 واتفاق ابلدیله وعلماى حنفيه دن برهان المحققین وخاتمه المجتهدین هلامه الانام
 ابن همام حضرت نوری فن کلامده مسایره نام تألیف خطیر لرنده وائمه شافعیه دن
 امام ماوردی احکام سلطانیه ده وسائر ائمه دین کتب معتبره لرنده تفصیل ایندکلی
 اوزره جمهور علماى اهل سنت واكثر اعلام فضلاى امت بومضاده همدست وفاق
 اولشاردرکه اهل اسلام برعصرده ایکی امامه بیعت ایدوب بعضیله برینک و بعضیله
 آخرک امامتی قبول ایله سریر خلافتده ایکی امامی تصدیق ایتسه لر جمهور اهل سنت
 سبق وقدمه وامام غزالی بیعت اکثره اعتبار ایدوب دیدیله که فتنه سنک خلافتی اقدم
 واسبق پاخود فرمانبراطاعتی اکثر وافر ایسه سریر خلافتده اول ذات ستوده صفات
 احق والبق اولوب آخرک بغی وفسادی لازم و خلیفه اوله اطاعت ایچوب دهواسنده
 مصر اولورسه قتل واعدامی واجب اولور دیدیله باخصوص مملکت نوری میسانده
 بحر هندکی حائل وحاجز اولوب حفظ ثغور وحجابیه حدوده قدرت واقامه مراسم
 شرع شریفه مکنت مقرر اولدوقده متأخرین فتنده دخی تشریک خلافت ایله
 ایکی امامک اجتماعی جائز اولماغله مسئله مفر وضه متقدمین ومتأخرین فتنده اتفاتی
 اولور * مترجم صاحب فقیرک کلامی تمام اولوب هلامه ذوقنون مورخ ابن خلدونک
 کلامی ترجمه سنه شروع اولندی * معلوم اوله که علماى متأخرینک بعضیله
 منصب خلافتده ایکی امامک اجتماعتک عدم جوازنده امتناع شریک باری واثبات
 توحید الهی ده وارد اولان * لوکان فیهما آلهة الا الله لفسدنا * آیت کریمه سیله
 استدلال ابلدیله تقریری بویله درکه جناب حق و فیاض مطلق جل شانہ حضرت نوری
 ذات وصفاتده شریک ونظیردن منزله ومقدس اولدیغنی عبادنه یسان ایچون ارض
 وسماده ذات اعلا سندن غیرى خلق وایجاده قادر آلهه موجود اولسه ارض وسماک
 نظامی فاسد ومختل اولوب الوهیتده کثرت وتعدد فساد واختلال موجبدر دیو
 اثبات توحید باری ضمنده تعدد خلفساک عدم جوازنده دخی اشارت وارد دیدیله
 لکن جناب رب العالمین جل شانہ حضرت نوری بو آیت کریمه ده دلیل عقلی وبرهان
 قطعی ایله کندی وحدانیتی اوزرینه استدلاله عبادتی ارشاد ایدوب توحید باری مسائل
 اعتقادیه دن ونصیب امام احکام شریعه عملیه دن اولغله بونظم کریمک مضمون منینی ایله
 امامت مسئله سنن اثبات صحیح اولماز * بومقامک تحقیق وبیانی بویله درکه ائمه مفسرین
 وسائر علماى محققین بو آیت کریمه ایله جناب حقک وحدانیتی اوزرینه وجوه عقلیه دن
 برقاچ وجهله استدلال ایدوب نظم کریمه تعدد آلهه ایله فساد ارض وسما بیننده
 واقع اولان ملازمه عقلیه بی بویله توجه ایتدیله که اگر ارض وسماده الله تعالی دن

عمل ایدوب بلاد اسلامیة ده ایکی امامک سریر خلافتده اجتماعنی تجویز ایتدیلر
 لکن فروغ آفتاب اسلام اطراف واقطاره واصل و ممالک اسلامیة ده وسعت
 حاصل اولوب اطراف بعیده ده اقامت مصالح مسلمینه امام واحد کافی اولمغله بعض
 علمای متأخرین بلده واحده ده بالحقوق عون ونصرت ایله مسلمینه امداد واعانت
 ممکن اولان ممالکده ایکی امامک حکم ونصرتی جائز دکلدردیو متقدمین ایله اتفاق
 ایلدیلر * اما اول ممالک اسلامیة که ینلرنده بحر هند کبی حائل و حاجز اولوب
 خلیفه اسلام طرفندن بروجله حفظ و حجاب و قدر کفا به عسکرارسالی ممکن
 اولدیغنی صورتده بعض علمای متأخرین اقصای ممالک اسلامده امام آخر نصبتی
 تجویز ایلدیلر حتی شیخ المتکلمین استاد ابواسحاق اسفراینی ایله امام الحرمین حضرت نوری
 ارشاد نام کتابنده بورا به ذاهب اولوب و علمای مغاربه و اندلسینک رأیلرندن دخی
 بومسکی اختیار فهم اولنور زیرا عهد سابقده بلاد اندلسه علماء و فضلا کثیر اولوب
 کرسی ممالک عباسیه اولان دارالملک بغداد ایله ممالک اندلس میاننده مسافه
 فایده الفایه بعید و ینلرینه بحر سفید حائل اولمغله اندلس اهللسی اقارب خلفای
 بنی امیه دن ناصر عبدالرحمانی خلیفه نصب ایدوب ا که واندن صکره ار یکه نشین
 خلافت اولان اولاد و ابنارنی امیر المؤمنین لقبیه تلقیب ایتدیلر و کذلک بنی امیه دن صکره
 اقصای دیار غربده ملوک موحدین دخی مقر خلافتدن زیاده بعید ممالکده اجلاس
 اولدیلر لکن بعض علما ممالک بعیده ده نصب امامینک صحت و جوازنی اجاعه مخالفدر
 دیو متاخرینک کلاملرنی رد ایدوب تعدد خلفایی بروجله تجویز ایتدیلر * صاحب ترجمه
 هبد فقیر پیری زاده محمد صاحب التفسیر بو محله کتب معتبره کلامیه به امرار نظر
 ایدوب بو مسئله ده مشاهیر ائمه حنفیه و شافعیه دن و مشایخ اشاعره و ماتر بدیه دن نقل صحیح ایله
 منقول و بین العلماء معتبر و مقبول اولان اقوال صحیحه تک سرد و بیسانی مناسب اولمغله
 علی قدر الطاقه ذکر و نقلنه تصدی اولندی * معلوم اوله که تعدد ائمه و خلفا
 افتراق کلمه اسلام و اختلاف آراء انامی موجب اولوب اختلاف کلمه دخی اختلال
 نظام ائمه مفضی اولمغله علمای متقدمین خصوصاً صحابه و تابعین رضوان الله تعالی
 علیهم اجمعین حضرتانی لایسع سبیقان فی غمد واحد مدلولی اوزره برکامده
 ایکی شیرک و پرینامده ایکی شمشیرک اجتماعی جائز اولدیغنی کبی سریر خلافتنه ایکی امامک
 تصدیقنی تجویز ایتدوب زمام امور مسلمینی امامه سبحة نظام اولان امام واحدک
 کف کفایتنه تسلیم ایتدیلر و علمای متقدمینک منصب خلافتی امام واحد قاصر ایله
 ممالک اسلامیة ده تعدد خلفایی تجویز ایتملری بوندن ناشیدر که سلطان سریر رسالت
 علیه افضل التحیه حضرت نوری عالم ناسوتدن سرادقات لاهوتی تشریف ایتد کلری
 وقتده انصار سعدین هباده حضرت نرنی اوزر لرینه خلیفه نصب ایتک مراد ایدوب
 منا امیر و منکم امیر مدلولنجبه ککندیلردن برامیر و اصحاب مهاجریندن برامیر نصب
 اولمغنی اوزره ایکی خلیفه تک اجتماعی رأی ایتملرایدی بعده یازغارشقیق ابی بکر الصدیق

اکل و شربه و دوام نسل و نسبده مباشرت نسوانه محتاج اولغله قوه شهويه لازم اولوب شهوت ساقط اولسه نوع بشرک نحو و فاسانه باعث اولور کذلک دفع خصوم و منع هجوم اعدا ده قوه غضبيه اعمال اولغوب ترک و اهمال اولسه انسانک نفس و عیالی و ملک و مالی طعمه شمشیر تیز ور بوده چوکان ستمیز اولوق مقرر در لکن شهوت و غضبده افراط و تفريط ايله زياده و نقصان طرفلری مذموم و اعتدالی مدوح و هر یونی شرعا لازم اولان محله صرف ايله عبد مکلف مأمور اولوب اسراف و تجاوزدن ممنوع دردر بو تقدیرجه تعطیل شهوت و غضب سبب هلاک نسل و نسب اولدیغی کبی اهمال مراسم ملک و دولت دخی باعث اختلال مصالح امت اولور علی الخصوص داود و سلیمان علیهما الصلاة والسلام حضرت نوری اریکه نشین خلافت و امین خاتم نبوت ایکی پیغمبر عالی حضرت اولوب تأیید وحی آسمانی و شرف خطاب ربانی ايله مشرف ایکن تحت نشین خلافت و امامت اولوب ذات ستوده صفات لرینه مخصوص بر ملک و دولت احسان اولغوش ایدیکه بدایت خلقت عالمدن پیرامن دامن قیامتندک ملوک روی زمیندن بر فردک پیرایه افسر انبیاچی اولیه جنی نصوص شرعیه ايله ثابتدر اگر ملک و دولت ذاتنده مقدوح اولیدی حضرت سلیمان علیه الصلاة والسلام * و هبلی ملکا لا ینبغی لاحد من بعدی * خدای شریفی اوزره جناب رب العالمیندن ملک و دولت طلب ایتمزل ایدی * وینه طسائفه خوارچک شبهه و اهیم لریندن بر جواب باصواب دخی بودر که بونلر ملک و دولت مظالم و مفاسد دن خالی اولماز دیو امت اوزرینه نصب امامک و جونی منع ايله جمهور علمای امته مخالفت ایدوب لکن اقامت مراسم دین و ملت و تنفیذ احکام شریعت ايله عملاک عباد اوزرینه وجوبنده اهل حق ايله موافقت ایتمز بلر مع هذا اجرای احکام شریعت سیاست ملک و دولته موقوف اولوب نصب امام اولدیغی تقدیرجه دخی اتفاق امت ايله تنفیذ احکام ملت ضمننده ملک و سلطنتک حصولی امر ضروری اولور بو تقدیرجه فرقه خوارچک دلیل و شبهه لری مدعایینک خلافتی ایجاب و اقتضا ایتمکله کلاملری متناقض اولوب دعوائینک بطلان و فساد کندی دلیل لر ايله ثابت اولور چونکه مذهب حق اوزره اجماع صحابه و تابعین ايله نصب امام امت اوزرینه شرعا واجب اولوب اهل حل و عقد اختیار ايله عقد بیعت خلافت فرض کفایه اولغله * اطیعوا الله و اطیعوا الرسول و اولی الامر منکم * نص کریمی اوزره کافه انامک خلیفه اسلامه اطاعت و انقیاد لری واجب اولور * معلوم اوله که علمای متقدمین انار الله براهینهم حضراتی و متأخریندن امام نوی و امام مازری حضرت نوری فتنه بر عصرده ایکی امامک منصب خلافتده اجتماعی جائز اولوب تعدد خلفا شق عصای موحدین و اختلال امور مسلمینی موجب اولغله امام واحده بیعت لازمه ذمت امتدر دید بلر زیرا جمهور علمای ملت صحیح مسلمده کتاب الامارنده مسطور اولان احادیث نبویه دن * اذا بویع لخلیفتین فاقتلوا الاخر منها * حدیث شریفنک و بویایده وارد اولان سائر احادیث صحیحه تک ظاهر لر ايله

بو محله کلا بمن تمام اولدی * معلوم اوله که فرق ضالہ اسلامیہ دن بعضیبری
 امت اوزرینه نصب امامک عدم وجوبه ذاهب اولوب عقلا و شرعا واجب دکندر
 دیدیلر بورأی ضعیف و مذهب سخیفه معتزله دن اصم ایله بعض خوارج ذاهب
 اولوب دیدیلرکه عبد مکلف اوزرینه انجق احکام شریعت ایله عمل واجب و لازم اولغله
 اهل اسلام عدل و صلاح اوزرینه اجاع و اتفاق ایدوب احکام شرع شریعی تنفیذ
 و اجرایه سعی و اهتمام ایتسه لر امام و خلیفه نصبندن مستغنی اولورلر دیدیلر بونلرک
 رأی ضعیفتری اجاع امت ایله باطل و حلیه صحتندن عاقل اولوب صدر اسلامده
 صحابه و تابعین رضوان الله تعالی علیهم اجمعین حضراتک نصب امامده واقع اجاع
 و اتفاقریله مذهب بونلرک بطلان و فسادای ظاهر در و اهل بدعتک بومذهب باطلی
 اختیارده شهملری بودرکه دائرة ملک و دولته مقتضای شهوت و غضب ایله جور و تعدی
 کثیر و عدل و نصفت قلیل اولوب و لایه و حکام مسند عز و جاهه نائل و زمام امورده
 مالک اولدقده شهوات جسمانیه و اغراض نفسانیه لر فی اجرایه میل و رغبت ایدرلر
 مع هذا متابعت نفس و هوا و محبت دنیا شرعا مذموم اولوب زهد و تقوا واجبده
 ذمت عباد و ملک و دولت واسطه ظلم و فساد اولغله نصب امام امت اوزرینه عقلا
 و شرعا واجب اولماز دیدیلر بونلرک شبهه و اهیه لرندن علمای اهل سنت و سائر فرق ملت
 ایکی وجهله جواب و یروب دیدیلرکه حاشا کتب شرع شریعه مطلق ملک و دولت
 حقتده بحسب الذات قدح و ذم وارد اولوب بلنکه دولت و سلطنت ضمننده اتباع نفس
 و هوا و محبت متاع دنیا ایله واقع اولان جور و فساد دن منع اولنمشدر و بودخی
 معلوم و مقرر دررکه جناب احکام الحاکمین و خیر الممالکین جل شانہ حضرت نبری عدل
 و انصاف ایله متصف اولان قوللرنی قرآن کریم و فرقان عظیمده مدح و ثنا ایله
 ذکر ایتدیکی کبی مرتکب شر و فساد اولان عصاة مؤمنین حقتده دخی تو بیخ و تشدید
 ایلشدر و ملک و دولت ضمننده احکام شریعت اجرا و ماثر عدالت احیا اولدیغی کبی
 مظالم و مفساد دخی واقع اولوب ملک و دولت عدل و انصافه مقرر اولورسه
 شرعا ممدوح و ظلم و جورده مفساد اولورسه مذموم اولور لکن فرق ضالہ دن اصم ایله
 خوارج رأیبری اوزره ملک و سلطنت مظالم و مفساد دن خالی اولماز دیو سبب نظام
 عالم و باعث اسایش ام اولان ملک و سلطنتک مطلق مذمتی لازم کلیوب بلنکه نصب
 امام ایله حاصل اولان مصالح عظیمه و منافع جلیله مفساد جزو به به غالب اولغله
 امت اوزرینه نصب امامک وجوبی اقتضایدر نته کیم شهوت و غضب حقتده
 وارد اولان ادله شرعیه بویکی صفتک بالکلیه ترک و تعطیلی اقتضای تیموب بلنکه
 بحسب الشرع لازم اولان محله ده اعمال قوه شهویه و غضبیه واجب اولدیغی
 کتب شرعیه ده مسطور درر زبرا جناب حق و حکیم مطلق جل شانہ حضرت نبری
 انسانی ایجاد ایتدکده طبیعت بشرده شهوت و غضب خلق ایدوب جلب نفعده
 شهوتی و دفع ضررده غضبی آلت ایلدی شویله که انسان نشوونما و حیات و بقاده

اکل و شربه و دوام نسل و نسبه و مباشرت نسوانه محتاج اولغله قوه شهويه لازم اولوب شهوت ساقط اولسه نوع بشرک نحو و فناسنه باعث اولور کذلک دفع خصوم و منع هجوم اعداده قوه غضبيه اعمال اولغوب ترک و اهمال اولسه انسانک نفس و عیالی و ملک و مالی طعمه شمشیر تیز و ر بوده چوکان سستیز اولوق مقرر در لکن شهوت و غضبه افراط و تفریط ایله زیاده و نقصان طرفلری مذموم و اعتدالی مدوح و هر برنی شرعا لازم اولان محله صرف ایله عبد مکلف مأمور اولوب اسراف و تجاوزدن ممنوع دردر بو تقدیر چه تعطیل شهوت و غضب سبب هلاک نسل و نسب اولدیغی کبی اهمال مراسم ملک و دولت دخی باعث اختلال مصالح امت اولور علی الخصوص داود و سلیمان علیهما الصلاة والسلام حضرت نوری اریکه نشین خلافت و امین خاتم نبوت ایکی پیغمبر عالی حضرت اولوب تأیید وحی آسمانی و شرف خطاب ربانی ایله مشرف ایکن تحت نشین خلافت و امامت اولوب ذات ستوده صفات لرینه مخصوص بر ملک و دولت احسان اولغوش ایدیکه بدایت خلقت عالمدن پیرامن دامن قیامتهدک ملوک روی زمیندن بر فردک پیرایه افسر انبیاچی اولمیه جفی نصوص شرعیه ایله ثابتدر اگر ملک و دولت ذاتنده مقدوح اولیدی حضرت سلیمان علیه الصلاة والسلام و هبلی ملکا لاینبغی لاحد من بعدی * فحواى شریفی اوزره جناب رب العالمیندن ملک و دولت طلب ایتمز ایدی * وینه طسائفه خوارچک شبهه و اهبلرندن بر جواب باصواب دخی بودر که بونلر ملک و دولت مظالم و مفاسددن خالی اولماز دیوامت اوزرینه نصب امامک و جوبنی منع ایله جمهور علمای امته مخالفت ایدوب لکن اقامت مراسم دین و ملت و تنفیذ احکام شریعت ایله عملاک عباد اوزرینه وجوبنده اهل حق ایله موافقت ایتمز بلر مع هذا اجرای احکام شریعت سیاست ملک و دولته موقوف اولوب نصب امام اولغدیغی تقدیر چه دخی اتفاق امت ایله تنفیذ احکام ملت ضمننده ملک و سلطنتک حصولی امر ضروری اولور بو تقدیر چه فرقه خوارچک دلیل و شبهه لری مدعا لرینک خلافتی ایجاب و اقتضا ایتمکله کلاملری متناقض اولوب دعوا لرینک بطلان و فسادى کندی دلیل لرله ثابت اولور چونکه مذهب حق اوزره اجماع صحابه و تابعین ایله نصب امام امت اوزرینه شرعا واجب اولوب اهل حل و عقد اختیار ایله عقد بیعت خلافت فرض کفایه اولغله * اطیعوا الله و اطیعوا الرسول و اولی الامر منکم * نص کریمی اوزره کافه انامک خلیفه اسلامه اطاعت و انقیاد لری واجب اولور * معلوم اوله که علمای متقدمین انار الله براهینهم حضراتی و متأخریندن امام نووی و امام مازری حضرت نوری قننده بر عصرده ایکی امامک منصب خلافتنده اجتماعی جائز اولوب تعدد خلفا شق عصای موحدین و اختلال امور مسلمینی موجب اولغله امام واحده بیعت لازمه ذمت امتدر دیدیلر زیرا جمهور علمای ملت صحیح مسلمده کتاب الامارتده مسطور اولان احادیث نبویه دن * اذا بويع لخليفين فاقتلوا الاخر منها * حدیث شریفک و بو بایده وارد اولان سائر احادیث صحیحه تک ظاهر لر ایله

بو محله کلا بمن تمام اولدی * معلوم اوله که فرق ضالہ اسلامیہ دن بعضیبری
 امت اوزرینه نصب امامک عدم وجوبه ذاهب اولوب عقلا و شرعا واجب دکندر
 دیدیلر بورای ضعیف و مذهب سخیفه معتزله دن اصم ایله بعض خوارج ذاهب
 اولوب دیدیلرکه عبد مکلف اوزرینه انجیق احکام شریعت ایله عمل واجب و لازم اولغله
 اهل اسلام عدل و صلاح اوزرینه اجماع و اتفاق ایدوب احکام شرع شریفی تنفیذ
 و اجرایه سعی و اهتمام ایتسه لر امام و خلیفه نصبندن مستغنی اولور لر دیدیلر بونلرک
 رأی ضعیفیری اجماع امت ایله باطل و حلیه صحتندن عاقل اولوب صدر اسلامده
 صحابه و تابعین رضوان الله تعالی علیهم اجمعین حضراتک نصب امامده واقع اجماع
 و اتفاق ایله مذهبیرنک بطلان و فساددی ظاهر در و اهل بدعتک بومذهب باطلی
 اختیارده شهیدلری بودرکه دائرة ملک و دولته مقتضای شهوت و غضب ایله جور و تعدی
 کثیر و عدل و نصفت قلیل اولوب و لایه و حکام مسند عز و جاهه نائل و زمام اموره
 مالک اولد قده شهوات جسمانیه و اغراض نفسانیه لری اجرایه میل و رغبت ایدر لر
 مع هذا متابعت نفس و هوا و محبت دنیا شرعا مذموم اولوب زهد و تقوا واجب
 ذمت عباد و ملک و دولت واسطه ظلم و فساد اولغله نصب امام امت اوزرینه عقلا
 و شرعا واجب اولماز دیدیلر بونلرک شبهه و اهیه لردن علمای اهل سنت و سایر فرق ملت
 ایکی وجهله جواب و یروب دیدیلرکه حاشا کتب شرع شریفده مطلق ملک و دولت
 حقنده بحسب الذات قدح و ذم وارد اولوب بلکه دولت و سلطنت ضمیمه اتباع نفس
 و هوا و محبت متاع دنیا ایله واقع اولان جور و فساد دن منع اولمشدر و بودخی
 معلوم و مقرر دررکه جناب احکام الحاکمین و خیر الممالکین جل شانہ حضرتلری عدل
 و انصاف ایله متصف اولان قوللرنی قرآن کریم و فرقان عظیمده مدح و ثنا ایله
 ذکر ایتدیکی کبی مرتکب شر و فساد اولان عصاة مؤمنین حقنده دخی تو بیخ و تشدید
 ایلشدر و ملک و دولت ضمیمه احکام شریعت اجرا و تأثر عدالت احیاء اولدیغی کبی
 مظالم و مفاسد دخی واقع اولوب ملک و دولت عدل و انصافه مقرون اولور سه
 شرعا مدوح و ظلم و جوره مقارن اولور سه مذموم اولور لکن فرق ضالہ دن اصم ایله
 خوارج رأیبری اوزره ملک و سلطنت مظالم و مفاسد دن خالی اولماز دیو سبب نظام
 عالم و باعث اسایش ام اولان ملک و سلطنتک مطلق مذمتی لازم کلیوب بلکه نصب
 امام ایله حاصل اولان مصالح عظیمه و منافع جلیله مفاسد جزویه به غالب اولغله
 امت اوزرینه نصب امامک وجوبی اقتضای ایدر نته کیم شهوت و غضب حقنده
 وارد اولان ادله شرعیه بویکی صفتک بالکلیه ترک و تعطیلی اقتضای ایتوب بلکه
 بحسب الشرع لازم اولان محله اعمال قوه شهویه و غضبیه واجب اولدیغی
 کتب شرعیه ده مسطور درر زیرا جناب حق و حکیم مطلق جل شانہ حضرتلری
 انسانی ایجاد ایتدکده طبیعت بشرده شهوت و غضب خلق ایدوب جلب نفعده
 شهوتی و دفع ضررده غضبی آلت ایلدی شویله که انسان نشوونما و حیات و بقاده

دفع شرور و فساد او ثوب قوه قاهره ملوک ایله حوزة ملک و دولتری ظلم و تعدیدن
حایت و صیانت اولور یا خود بحسب العقل جائز و ممکن در که رفع شقاق و دفع نزاعده
عقل و بصیرت حاکم اولوب ظلم و فسادک قبح و حرمتی اکثر عقلا تک معلومی اولمغله
حین اجتماعده اصحاب عقل و دانش جور و ظلمدن خود بخود اجتناب و احتراز ایدر لر
فعلی کلا التقدرین فلاسفه و حکیمانک اثبات نبوتده و طائفه معتزله ایله زیدیه تک نصب
امامنده لدی الاجتماع دفع نزاع انجق اجرای حکم شریعت ایله حاصل اولور دیو ادعاری
صحیح اولوب بلکه نظام عالم و انتظام امور بنی آدم نصب خلیفه و امام ایله حاصل
اولدینی کی سطوت رؤسای قبائل و عشایر ایله یا خود ظلم و فساد دن ناسک امتناع ایله دخی
حاصل اولمق بحسب العقل جائز اولمغله نه مسئله نبوتده فلاسفه و حکیمانک و نه نصب
امامنده معتزله و زیدیه تک اشبوذ کرا اولنان دلیل عقلی صریح و جاری اولدینی ظاهر در
یو صورتده سادات اهل سنت مذهبی اوزره امت اوزرینه نصب امامک و جوی ادله
شرعیه دن اجماع صحابه و تابعین ایله ثابت اولوب دلیل عقلی ایله نبوتی حلیه صحتمدن
عاطل اولدینی متحقق اولدی * مترجم فقیر صاحب کثیر التفسیر کتب کلامیه ده امامت
و خلافت مجتهدده اهل سنت ایله معتزله تک ادله سنه نظر ایدوب اثبات و جوب امامنده
اهل سنتک شرعه و معتزله و زیدیه تک عقل ایله تمسکری حسن و قبح افعالده و اقم اولان
اختلافه مبنی اولدینی ظاهر اولدی زیرا اشاعره قتنده افعال عبادک حسن و قبحی شرعه
ثابت اولوب عقل ایله معلوم دکدر یعنی حق جل و علا حضرت نبری عبادته بر فعلی ایشلمک ایله
امر ایدر سه اول فعل حسن اولوب ایشلمدیکی صورتده دنیاده ممدوح و آخرتده ثوابه
نائیل و ترک ایتدیکی صورتده دنیاده مذموم و آخرتده عقابیه مستحق اولور کذلک بر فطندن
نهی ایدر سه ایشلمدیکی صورتده دنیاده مذموم و آخرتده عقابیه لایق اولوب ایشلمدیکی
صورتده دنیاده ممدوح و آخرتده عذاب و عقابدن خلاص اولور یومضایه حسن و قبح
اهل سنتدن اشاعره قتنده انجق الله تعالی حضرت نبرینک امر و نهی ایتیه سیله معلوم اولوب
عقل بشر بو امری ادرا کندن قاصر در اما معتزله دبر لر که افعال عباد ذاتنده
یا حسن ایله یا قبح ایله متصف اولوب حسن اولدینی صورتده البته حق تعالی انکله
امر و قبح اولور سه فعلندن نهی ایدر و عقل بشر بعضی افعالک حسن و قبحی
ادراک ایدوب امر و نهی الهی و رودنی ایجاب ایتکله بعث رسل و انزال کتب دخی واقع
اولسه عبدک اوزرینه فعل حسنی ایشلمک و فعل قبیعدن بحسب العقل اجتناب لازمدر
دیدیلر کذلک نصب امام دخی نظام عالم و صلاح بنی آدمه باعث اولمغله امت اوزرینه
اقامتی عقل و واجب اولوب کتاب و سنت و اجماع امت ایله ثابت اولسه دخی امت ترک
ایتدکری صورتده دنیاده مذموم و معلوم و آخرتده عقابیه مستحق اولور دیدیلر
اما اهل سنت قتنده افعالک حسن و قبحی شارح طرفندن امر و نهی ورونه
موقوف اولمغله نصب امامک حسنی و امت اوزرینه و جوی دخی ادله اربعه شریعه دن
اجماع امت ایله ثابت اولوب عقول قاصره انسانیه ایله و جوب و حرمت ثابت اولماز دیدیلر

صافیهل بنک حکم و قضای سنه مبنی قلوب کتاب و سنتدن برسند شرحی به مسند دکلدر دیدیلر و نصب امامک امت اوزرینه بحسب العقل و جوب و فرضینی بو وجه ایله بیان ایدوب دیدیلر که بالطول و العرض صحیفه معموره ارضده ساکن اولان آحاد ام و زمرة بنی آدم کسب معاش و تحصیل مایه انتعا شده بر بر ایله معامله و معاونه محتاج اولملا یله اما کن متفرقه ده حیوانات و حشیه کی منفردا سکون و اقامتلی ممکن اولوب بلکه دشت و صحرا ده یا امصار و قراده هلی وجه الاجتماع سکون و اقامته احتیاجلی ضرور یدر و طبیعت بشرده شر و فساد و عنف و عناد مر کوز اولمغله لدی الاجتماع بر بر بنک مال و عیالینه تعرض ایله اطاله دست تعدی ایتدکده اصحابی دخی داعیه حفظ مال و غیرت عیال ایله قدم نزاعه قیام ایدوب بینلرنده منازعات کثیره و مخاصمات شدیدیه جاری اولور و کیدرک منازعه و مقابله دخی مقاتله و محاربه به باعث اولمغله ایچلرنده تهدیدی ایقاعه و حکمنی اجرا به قادر بر سلطان قاهر اولمدقیجه نظام عالم مختل اولوب وجه ارضده نوع بشرک محو و هلاکته مؤدی اولور مع هذا مشبه علیه الهیه و حکمت بالفه صمدانیه وفقی اوزره روی زمینده نوع بشرک حیات و بقاری مطلوب و مقصود اولوب و صحیفه معموره ارضده انلرک امن و سلامت اوزره دوام و بقالرنده حکمت و مصلحت اولمغله امت اوزرینه نصب امامک و جوبی ثابت اولدی دیو بو دلیل عقلی ایله استدلال ایتدیلر و بو معنای بیعنه جمهور فلاسفه و حکما اثبات نبوت و رسالت ماده سننده ملاحظه ایدوب ارسال رسال و بعث انبیا حق جل و علا حضرت تری بنک اوزرینه واجبدر دیدیلر مع هذا فصول سابقه ضمننده حکمای قاصرین و فلاسفه خاسرینک اقوال شنبه لری دلیل قوی و برهان قطعی ایله ابطال اولنوب جناب حق و حکیم مطابق فاعل مختار اولمغله اوزرینه بر شبتک فعل و ترکی واجب اولدینی تفصیل و تحقیق اولمشیدی خصوصاً عنوان کنسایده ذکر اولنان دلیلده حکما بر مقدمه ذکر ایشلر ایتدیکه ملک و دولتک حصولنی حکم شریعتیه تخصیص و شریعتیه سلطنت اولساز دیو تصریح و تنصیب ایدوب دیدیلر که ملوک و سلاطینه ناسک اطاعت و انقیاد لری معجزات باهره و آیات ظاهره ایله مؤید انبیا واسطه سبیل طرف باریدن نازل شرع شریعتیه موقوف اولوب کفایه انام اول دین و شریعتیه مؤمن و معتقد و ملوک ستوده سلوک دخی تنفیذ و اجرا سنی متعهد اولمغله عامه ناس ملوک و سلاطینه اطاعت و انقیاد ایدرلر دیو جمهور حکمای متأخرین جمله دول و سلطنتلرک نظام و قیامنی اجرای احکام شریعتیه ربط و تعلق ایتدیلر مع هذا بو مقدمه تک جمیع ملک و دولده صدق و جریانی مسلم اولما مغلله کذب و بطلانی ظاهر در زیر حوزه حجابیه ملک و دولتدن و پیرامن ساجه سلطنتدن دفع ظلم عباد و منع شر و فساد اجرای احکام شریعتیه ایله حاصل اولدینی کی کاهیجه دخی مجرد سطوت ملک و دولت و قوه قاهره اهل شوکت ایله دخی متحقق اولور نته کیم تارک دین و شریعت و منکر یوم آخرت اولان طائفه مجوس منحوس و عبده اوانان ایله قطعاً سمع لینه دعوت نبوت و خبر شریعت و اصل اولیان قومه مخصوص دولتدرده انجیق سطوت ملک و دولت ایله

امر و نهی عبادی بینده تنغیذ ایدن ذاته علی طریق المجاز اطلاق اولنور بعضیبری دخی سلطان مسلینه خلیفه الله اطلاقک صحت وجوازنه آیات قرآینه دن * اتی جاغل فی الارض خلیفه * آیت کریمه سبله * وجعلکم خلایف الارض * نظم شریفیله استدلال ایدوب دیدیلرکه بو آیتلر کافه بنی آدمک وجه ارضده جناب حق طرفندن خلافت عامه لرینه دلیل اولمغله جله بنی آدم خلفاء الله اولوب ملوک و سلاطینه دخی بومعنا ایله خلیفه الله اطلاق اولندی دیدیلر لکن وجه اصح قول اولدرکه جمهور علما ذکر اولسان آیتلرده خلافتی خلافت عامه معناسنه جلدن منع ایدوب معنای آخر ایله تفسیر و تأویل ایتدیلر و بعضی علما دخی خلیفه الله اطلاقنی تجویز ایتیموب خلیفه رسول الله ایله تلقیب و تسمیه بی لایق کور دیلرکه یار غار شفیق ابی بکر الصدیق رضی الله تعالی عنه حضرت نبری سریر خلافتی تشریف ایتدکده اصحاب کرام حضرت صدیقه یا خلیفه الله دیو خطاب ایتلریله حضرت ابی بکر بن خلیفه الله دکلم لکن خلیفه رسول اللهم دیو صحابه کرامی کندویه خلیفه الله اطلاق ایتدکدن منع ونهی ایتدیلر لکن اکثر علما ذکر و تفصیل اولنان وجه اوزره خلیفه الله اطلاقنی تجویز ایتدکله سلاطین اسلام بولقب سامی ایله تلقیب و تسمیه اولمشدر * بوندنصکره معلوم اوله که انقضای زمان نبوتدن صکره امام و خلیفه نصبی امت اوزرینه واجب اولوب و وجوبی اهل سنت قتنده ادله شرعیه دن اجماع امت ایله یعنی کبار صحابه و تابعین رضوان الله تعالی علیهم اجمعین حضرتتک اتفاقلریله ثابتدر زیرا سلطان تاجدار رسالت رونق طراز اریکه نبوت علیه افضل التهمیه و التسلیم حضرتلرینک طائر علیین مسیر روح پرفتوح لری سرادقات لاهوته شهر کشای عزم اولدوقده اول نور اقدسک دفن جسد مقدس لری ایله صندوق زمینی تشریف ایتزدن مقدم صحابه کرام رضی الله تعالی عنهم اجمعین حضرتانی هجرت لری دلارای طیبه طیبه ده سقیفه بنی ساعده نام محله جمع اولوب تعیین منصب خلافت پابنده اجاله اقداح مشورت تقدیمندن صکره یار غار شفیق ابی بکر الصدیق رضی الله عنه حضرت نبری جله دن احق اولوب شایسته منصب امامت اولمغله بیعت اولنوب عامه اموره زمام حکم و تدبیری کف کف ایتلرینه تسلیمه مبارزت ایتدیلر و صدر اسلام وعهد تابعیندن الی بومنا هذا هر عصرده حال و شان بومنوال اوزره جاری اولوب برونقنده ناس بوسنت متبعه به مراعاتی ترک و اهمال ایله امر لنده انفراد و استقلال داعیه سننده اولدیلر فعلی هذا نصب امامت اجماع امت ایله ثابت و واجب اولوب و اجماع قطعی احکام شرعیه به دلالتده سند قوی اولمغله نصب امامت سادات اهل سنت قتنده دلیل شرعی ایله ثابت اولمش اولور و فرق ضاله دن جمهور معتزله ایله زیدیه طائفه لری نصب امامتک وجوبنده همدست و فاق اولوب لکن وجوبی عقل ایله ثابتدر د بورای ایتدیلر شویله که نصب امام حقتده دلیل شرعی دخی وارد اولسه بز عقل ایله امت اوزرینه وجوب و فرضیتی ادراک ایدوب ترک ایتدکلری صورتده دنیاده مذموم و آخرتده عقابیه مستحق اولور لر دیدیلر حتی صحابه و تابعینک نصب امامده اجماع و اتفاقلرنی دخی عقول

طبیعی اولغله هر برینک حقیقت و ماهیتی بیان اولنور که نه محله ده وارد اولور سه بونلرک معناری فهم و ادراک اولنوب هر برینک شرایط و احکامی اجرا و اعتبار اولنه ملک طبیعی اول دولت و سلطنتدر که انده اهل دولت قطعا عقل و شرعه نظر و اعتبار ایتموب قطاع طریق کبی دائما مقتضای عنف و غضب اوزره غضب اموال و قتل رجال ایله مدار حکم و تصرفلری مظالم و مفساسده مقصور اولور ملک سیاست اول دولت و سلطنتدر که آنده اعمال فکر و نظر دستور العمل قبلنوب اجماع عقلا و اتفاق حکما ایله ترتیب اولنسان هر اسم ملک و دولت و قوانین سلطنت ایله عمل اولنور اما خلافت و امامت اهل شرع شریفه مخصوص بر دولت عادل و سلطنت فاضله در که اول دولتک صاحب هر خصمه و صده شرع شریفی نصب هین رضا ایدوب امور دینیه و دنیویه ده حکم و تصرفلری قانون شرع شریفه مطابق و موافق اولور بناء علیه امامت و خلافتده مدار اصلی شرع مبین اولوب ملوک نصیفت آیین حفظ قواعد شریعت و ضبط سیاست امت ایله صاحب شریعت مقامه قائم اولغله اقسام ملک و دولتک بونوعه خلافت تسمیه اولندی و الله الحکیم العلیم

❖ فصل ❖ فصول کتا بدن اوچنجه فصلک بکری در دینی فصلی خلافت و امامتک ❖
❖ شروط و احکامنده اهل ملت و علمای امتک اختلافلری بیاننده در ❖

معلوم اوله که اشیه فصل سابقده ذکر و تفصیل اولندیغی اوزره رتبه سامیه خلافت ضبط دعایم شریعت و حفظ قواعد سیاستده صاحب شریعت و سلطان سریر رسالت مقامه قائم اولغله علمای متقدمین انار الله براهینهم حضراتی بومنصب و الاقدرک عنوان عز و اعتبارنی خلافت اسمیه مزین و محلا ایدوب ملوک منشر هین و ائمه مسلمین القاب سامیه خلفا ایله تلقیب اولندی لکن صدر اسلامدنصکره نور ساطع الظهور دین مبین ایله اقطار زمین روشن و منور اولوب مسافت حدود اسلام واسع و مسالک و ممالک منسع اولغله شرایط منصب خلافتسه رعایت متعذر و پینلرنده بجهند کبی حائل حاجز اولان ممالکده ملوک و سلاطین متعدد و متکثر اولدقده ائمه متأخرین امام مسلمینه سلطان تسمیه ایتدیلر اما خلیفه اسلامه امام اطلاق امام صلاته تشبیه طریقیله واقع اولوب جماعت مسلمین ادای صلاتده امامه اقتدا و اتباع ایتدکلی کبی کافه اهل اسلام دخی امور دینیه و دنیویه ده اولی الامر و اطاعت و انقیاد ایتلریله رتبه سامیه خلافتده امامه کبرا و خلیفه اسلامه امام المسلمین دیدیلر و دخی سلطان اسلامه خلیفه اطلاق بوندن ناشیدر که متبوع کل هادی السبل سلطان سریر اصطفی و پادشاه هر دوسرا رسول کبرا یا محمد مصطفی علیه افضل التحصیا یا حضرت تیرینک طرف همایونلرندن بین الامه تنفیذ احکام شرعیه ده مقاملرینه قائم اولغله مطلق خلیفه اطلاق اولنوب و خلیفه رسول الله دخی تسمیه اولنور لکن سلطان اسلامه خلیفه الله اطلاقده علما اختلاف ایدوب علمای دین مبینک اکثری بو اطلاقک جواز و صحیحته ذاهب اولوب دیدیلر که اگر چه جناب حق هر حالده حاضر و جله احواله ناظر اولوب و خلافت و وکالت فائیه مخصوص اولغله بو مقامده خلیفه لفظی ایله معنای حقیقیسی مراد اولنموب بلکه جناب رب العالمین جل شانہ حضرت تیرینک

مشتمل اولغبین ملوک نصفت آیین اول احکام عادلہ و شریعت فاضلہ بی بین الانام اجرا
 و مر اسم عدل و دادی احبب ایتکلہ سعادت دارینہ نائل اولور زبیر لذات نعیم دنیا
 نزل زائل و ضیف راحل اولوب غایتی موت و فناءہ راجع اولغله ایجاد امدہ حکمت و مصلحت
 انجیق امور دنیویہ بہ مقصور دکلدیر بلکه کریمہ حکمت احتوائی ﴿ انخسبتہم انما خلقناکم
 عبثا ﴾ مدلولی اوزرہ خلقت امم و ایجاد نبی آدمدن مقصود انجیق سعادت دارینہ موصل
 و مغضی اولان حبس متین دین مبین و منهج قوم شرع کرین اولغله بالجمله افعال و اعمال
 عبادہ مصالح معاش و معادری شرع شریفندہ تعیین و ہر امر دہ بر مصلحت نافعہ
 و حکمت بالغہ تبیین اولمشدر حتی ملک و دولت اجتماع طبیعی بشرہ نسبت ایلہ امر
 ضروری ایکن نہج قوم شرع شریفہ سلوک ایلہ ملوک و خلفا مأموردر فعلی هذا
 بر ملک و دولتدہ کہ مر اسم عقل و دین ترک و اہمال اولنوب متابعت نفس و ہوا ایلہ جل ہمتلری
 غصب اموال و قتل رجالہ مقصور اولہ اصحاب شریعت و اہل حکمت قتلندہ قبیح و مذموم
 اولور و اگر نظام ملک و دولت اجماع عقلای امت و اتفاق اساطین حکمت ایلہ مر سوم
 و مرتب اولان قوانین عقلیہ اوزرہ جاری اولوب احکام شرعیہ بہ قطعاً نظر و اختیار
 اولنزابسہ اول دولت دخی بحسب الشرع الانور مقبول و معتبر دکلدیر زیرا اہیان دولتک
 زمام رأی و تدبیر لری دست عقلہ تسلیم اولنوب فر و غ نور شریعت ایلہ دیدہ بصیرت لری
 روشن و مستنیر اولماغله ﴿ و من لم یجعل اللہ لہ نورا فاولہ من نور ﴾ آیت کریمہ سی
 مدلولی اوزرہ راہ طلبندہ خبط و خطادن امن و سلامت متصور اولماز ثانیاً جناب حق
 و فیاض مطلق جل شانہ حضرت لری انسانہ عقل و قدرت و رشد و بصیرت احسان
 ایدوب بعدہ لطفا و کرما انزال کتب و بعث رسل ایلہ معاش و معاد عبادہ صالح منافع
 و مصالحی تذکیر و انہماک شرور و مفساددن تحذیر ایلہ لطف و احسانتی تکمیل و توفیر
 ایلدی خصوصاً دارعبادہ عبادہ نافع مصالح و منافعدن بتلدک لری امور لری دخی لسان
 نبوت ایلہ انلرہ تعلیم ایدوب ﴿ انما ہی اعمالکم ترد علیکم ﴾ حدیث شریفی مدلولی اوزرہ
 اعمال بشردن خیر و شرک جزاسی کندیلرہ راجع اولہ جفنی بیان ایلدی و انسانک
 مجرد کندی عقل قاصر لری و فکر فاتری ایلہ ترتیب ابتدکی قانون سیاست ملک و دولت
 معاش و معادرتک صلاح و نظامندہ کافی اولوب بلکه ﴿ یعلمون ظاہرا من الحیوة الدنیا
 و ہم عن الآخرة ہم غافلون ﴾ نص کریمی اوزرہ انجیق منافع دنیویہ لری تحصیلہ توسل
 و حکیم مطلق جل شانہ حضرت لریک ارادہ علیہ سی امور اخیرو بیہ لری نظامندہ تعلق
 ایتکین بعث رسل و انزال کتب ایلہ اصحاب عقل و فہمی منهج قوم شرع مبینہ ارشاد
 ایلدی و حفظ امانت کبرای شریعتی انبیاء عظامہ و مقاملرینہ قائم اولان ملوک و خلفایہ
 تفویض ایدوب بین العباد تنفیذ احکام شریعت ایلہ انلری مأمور ایتکین قانون
 شرع شریفی نصب عین قبول ایدن ملوک ستودہ سلوکک ملک و دولت لریینہ خلافت
 اسمی اطلاق اولندی ہونقدر جہ طبقات ملک و دولت و مراتب سلطنت اویچ نوع
 اوزرینہ مرتب اولوب بر قسمی خلافت و امامت و بر قسمی ملک سیاست و قسم ثالثی ملک

Handwritten text in Arabic script, likely a manuscript page. The text is arranged in several vertical columns. A prominent vertical line of text on the left side is written in red ink. The rest of the text is in black ink. The paper shows signs of age, including yellowing and small brown spots (foxing). A circular stamp is visible in the lower right quadrant of the page.



الحمد لله

الذي اكل عليه الكافور في ذنوبه الفرسين بحرم طه الامين ربيع قراطه في سنة الفجر
والرؤفة لمطهرت بتم فترق العلى ولقد رسين الفان في سنة حرم سيد المرسلين لينة لشفقة
ابن ابوسايفار رضي عنه الباء راوقاف شرفه وطلايق موزعي السيد مطوف رضا ابن جوفه محمد بن


عن محمول عاليه بنت ابراهيم توفيه حرر في شهر ذالحجه الحرام ١٢٧٥

خطيب نام حرر اب بنوي واغتباني عبد السلام فند زاده حافظ ابو العرفج فند زاده

المعشوق محمود النبوي







سائر صفات نفسانیه و اخلاق انسانیه دخی بومنوال اوزره واقع اولوب زیاده و نقصان طرفلری مذموم و عدل و وسطلری مدوحددر بناء علیه فرط ذکا ابله معروف اولان اصحاب مکر و حبله حقنده جن فیکرلی آدمدر دیو وصف ایدرلر والله یخلق ما یشاء

فصل ۳۰ فصل ثالث یکریمی اوچینی فصلی خلافت و امامت صبیغه لربنک حقیقت
و معناری بیاننده در

معلوم اوله که بوندن اقدم ذکر اولندیغی اوزره ملک و دولتک حقیقت و ماهیتی شرح و بیان اولوب زمره نوع بشرک حیات و بقاری وجه ارضده اجتماع ضروری په موقوف ولدی الاجتماع صلاح و نظاملری دخی ایچلرندن برینک قوه قاهره ابله مستند ریاستده حکم و تصرفنه منوط اولغله ملک و دولت نظام عالمده امر ضروری اولدیغی تفصیل و تحقیق اولغله ایدی لکن طبیعت انساننده اخلاق حیوانیه دن عنف و غضب مرکوز اولوب وسطوت سلطنت قهر و غلبه یی موجب اولغله اکرملوک و سلاطین اسب تند خوی عنف و غضبی زمام عقل و دین ابله منع ایتمزلر ایهه طریق عدل و انصافدن کرپوه جور و اعتسافه عدول ایدوب فرمانبر حکم و اطاعتلری اولان رجاله حوصله و سع و طاقتلرندن خارج تکالیف شاقه تحمیل ایتمکله محو و افتالرینه باعث اولورلر خصوصاً که اغراض و مقاصد مختلف اولغله هرملک و دولتک صاحبی کندی قصد و غرضنه موافق بریدعت سببه احداثه مائل اولغله رعایانک حیرت و اضطرابنه باعث اولوب اطاعت ایتمک لری صورتده ملوک و سلاطین سل سیف قهر ابله رعایای قتل و اعدام ایدرلر بناء علیه نظام ملک و دولت و سیاست مدینه ده لازمدر که ملوک و سلاطین سورت عنف و غضبلرنی میران عدل ابله تعدیل ایدوب بین الانام تصحیح معاملات و ترتیب عقوبات ایچون عقل و حکمته موافق و مصلحت و فته مطابقی قانون و قاعده لر فرض و تقدیر اولنه که کافه انام تسلیم و قبول ابله احکام ملک و دولته اطاعت و انقیاد ایدرلر نه کیم ظهور اسلامدن مقدم اکاسره فرس و عجم و سائر امم وقتنده حکما و عقلا اتفاقیه قوانین سیاست فرض و تقدیر اولوب جمله ناس تسلیم و قبول ابله دستور العمل ایتملر ایدی برملک و دولتده که ملایم عقل و حکمت اولان قوانین سیاست ابله عمل اولغله ضابطه نظام و انتظاملری مختل اولوب ملک و دولتلری کماله و اصل و آفتاب عزت لری افق استواده حاصل اولرندن مقدم محو و مضمحل اولق اوزره عادت الهیه جار و اوله کلمشدر معلوم اوله که نظام ملک و دولتده لازم و مهم اولان سیاست مدینه ایکی قسمه منقسم اولوب برینه سیاست عقلیه و برینه سیاست شرعییه دیرلر اکر قانون سیاست عقلای دولت و حکمای امت اتفاقیه بحسب العقل فرض و تقدیر اولوب بین الخاق تصحیح معاملات و ترتیب عقوباتده انکله عمله اتفاق اولنورسه اکا سیاست عرفیه و عقلیه دیرلر و اکر احکام عدل و سیاست حضرت حکیم بی علت جل شانده طرفندن فرض و تقدیر اولوب انبیاء عظام علیهم الصلاة والسلام واسطه سبیله امته تبلیغ اولنورسه اکا سیاست شرعییه اطلاق اولنورکه کافه عبادک معاش و معادلرینه نافع و حکم و مصالحی

غافل یا خود لمصلحه تغافل ایدن شخص عاقلدن صادر اولور زیرا اصحاب فراست
 و کاستک ذهن و قاد و خاطر نقاد لری فروغ نور ذکا ايله آغاز کاردن انجام حاله واقف
 اولغله فکر دقیق و نظر انیق ايله اموال رعایای ضبط و حساب ایدوب منافع دولتی توفیر
 قصدیه رعایایه حوصله و سع و مطاقتلرندن خارج تکالیف شاقه تحمل ایدرلر مع هذا
 مشکاة صدر نبوتدن شرف بزر عز صدور اولان احادیث صحیحه دن **سیر و اهلی سیر**
اضیفکم حدیث شریفی مدلولی اوزره **عجزه و ضعفانک قدرت و تحمللرینه رعایت**
امر مهم اولغله حاکم و والیده قلت ذکا شرط اولوب اصحاب عقل و دها مسند ریاسته
اعتلا اولغندن منع اولندی و یومنا حضرت معاویه تک قنداشی زیاد بن ابی سفیان
 قصه سندن اخذ اولمشدر که خلیفه منیع الجباب عمر بن الخطاب رضی الله تعالی عنه
 حضرتلری زمان خلافتلرینده زیاد بن ابی سفیان بممالک عراقه والی ایدوب بعده مدت
 قبله مرورنده عزل و پرینه آخری نصب ایتدکده زیاد بن ابی سفیان حضرت عمرک
 حضور مالیرینه واروب یا امیر المؤمنین بنی امر حکومته عاجز یا خائن اولدینمه بناء می
 عزل ایتدک دیو سوال ایتدکده جناب فاروق عادل رضی الله تعالی عنه حضرتلری دخی
 یاز یاد بونلرک بری ایچون عزل ایتدم لکن سن عقل و دها و فرط ذکاده سبب عقوقه
 غالب و ادراک و فهمکده فضل و مزیت ثابت اولغله عقلکده اولان زیاده بی رقاب انام
 اوزرینه تحملدن اجتناب سببیه عزل ایتدم دیو جواب باصواب و پردیلر و بواثر
 لطیفک اثرینه علمای شریعت اثار الله براهینهم حضراتی دخی اقتدا ایدوب زیاد بن
 ابی سفیان و عمرو بن العاص کی افراط عقل و کاست ايله موصوف اولان رجال مسند
 ریاسته تصدیر اولتماق کرکدر دیدیلر زیرا انشاء الرحمن اشبوکتانک آخرینده ذکر و تقریری
 تصمیم اولدینگی اوزره حاکمه فرط ذکا و عقل و دها طبیعت دولتک مزاجنی تغییر و تبدیل
 و مر اعم سلطنتی تحویل ایدوب خلقک مألوف اولدینگی و ایدین مسلك غیر معهوده
 سلوک و جاده انصافدن کر یوه جور و اعتسافه عدول ايله رجال دولتک و سائر رعیتک
 تشویش و اضطرابنه باعث اولور والله خیرالما لکنین **بو تقریر و تحقیقندن معلوم اولدیکه**
اصحاب ملک و دولت و ارباب سیف و سیاسته حق و بلاد قبیح اولدینگی کی افراط
عقل و ذکا دخی معاییدن عد اولمشدر زیرا صفات انسانیه دن هر صفتک زیاده و نقصان
 طرفلری مذموم و عدل و وسطی ممدوح و محمود اولغله عقل و ذکا تک افراطی دخی قبیح
 اولوب ناسک معاش و معاد لرینه صالح مصالح و منافعی استیجاب و مظالم و مفاسد دن
 اجتناب وافی عقل و بصیرت کفایت ایدوب فضله و زیاده سی معتبر و مرعی دکدر کذلک
 صفت جود و سخا دخی اسراف ايله بخل بیننده متوسط برخصلت حیده اولوب زیاده سی
 اسراف و نقصانی بخل اولغله ایکسی دخی مذمومدر و کذلک شجاعت دخی خصال
 حیده دن معدود جین ايله تهور میاننده متوسط برصفت حیده در که زیاده سی قوه
 غضبیه تک افراطی و نقصانی قصورندن اقتضا ایتکله شجاعتنک زیاده سنه تهور و نقصاننه
 جین اطلاق اولوب ایکسی دخی مذموم و صفت شجاعت متوسط اولغله ممدوح اولمشدر

ملك و دولتك ثمره و فائده می مستظل جناح سلطنت اولان عجزه و ضعفايه شفقت
 و مرحمت ايله حاصل اولوب و ديعه رب البرايا اولان فقرای رعيتی اطالاه دست تعدیدن
 حاجت و صيانته موقوفدر زیرا حقیقته ملك و سلطنت رعيتيه نسبت ايله حاصل و صف
 اضافی اولوب و والد ايله و لد مياننده صفت ابوت و بنوت کبی ملك و دولت دخی سلطان ايله
 رعيت بینده معقول امر نسبی اولغله ملك و سلطنتک معناسنده رعيتک سلطانه و سلطانتک
 رعيتيه تعلق و اضافتی مرعی و معتبر اولمشدر و بوتعلق و اضافت سلطان ايله رعيت
 کله رینک حقیقتلری ملاحظه اولندقدن ظاهر اولور که عرف ناسده سلطان اسمی
 رعيتيه مالک ذاته اطلاق اولنوب رعيت کله می دخی سلطانه منسوب آحاد ناسه اطلاق
 اولنور و پادشاهلرک رعایا به نظر و معامله رینه ملکه اطلاق اولنور که ملك و دولت
 معناسنه در اکر ملوک و سلاطینک رعایا و برابا حقیقته حکم و ریاستلری و ضبط و سیاستلری
 قانون عقل و حکمته موافق اولوب نظر و همتلری تأمین بلاد و ترفیه عبادت مقصور اولورسه
 نظام ملك و دولت اتم و اکمل اولوب سلطنت و خلافتدن مقصود و مطلوب اولان منفعت
 و مصلحت کما هو حقه حاصل اولور و اکر و تیره عدل و داددن کر بویه جور و فساده عدول
 اولنوب عجزه و ضعفايه رفیق و ملائمت ايله حسن معامله اولنور ایسه ضرر و زیان و خبیث
 و خسران ايله رعایا هلاک اولور زیرا ملوک و سلاطین بطش و شدت و عنف و رعوت ايله
 ترتیب حقوقاته مائل اولوب ناسک معایب و مثالبی تقبش و تفحص ايله تقبید ایدرلر ایسه
 خلقک قلوبنه رعب و هراس مستولی اولغله سطوت و قهر سلطانی ندن تخلیص نفس ایچون
 کذب و حيله و مکر و خدیعه ايله احوال لرنی کتم و اخفایه مضطر اولوب اخلاق ذمه ايله
 متخلق اولورلر و چوق کره واقع اولور که معرکه حرب و قتالده ملوک و سلاطینه نصرت
 و اعانت ایتموب قبلر نده هر کوز اولان بغض و عداوت سببیه ترصد فرصت و سوء قصده
 دخی جسارت ایتملری به بنیان ملك و دولتک خرابنه باعث اولور * اما اکر ملوک و سلاطین
 قانون عدل و داده مراعاة ايله رعيتيه رفیق و ملائمت و حسن معامله ایدوب جرم قبیله ايله
 ناسی مؤاخذه دن کف بد ایدرلر ایسه رعایا و برابا ک قلوبی محبت ملوک ايله بمولو اولوب
 هر حالده تقدیم رضای ملوک ايله اطاعت و اقباده تمکین و ثبات و مدافعه اعدای دولته بذل
 تقدینه حیات ایدرلر * معلوم اوله که نظام ملك و دولت حدود سلطنتی اعدادن محافظه
 و جور و ظلی رعایادن مدافعه به موقوف اولوب انجیق بویکی امرک حصولنه اهتمام ایدن
 ذاتک افسر ابتهاجی اکلیل سلطنت ايله اراسته و سر بر ملك و دولته شایسته اولور لکن
 اکر ملوک و سلاطین مستریح ارامشکاه عنایتلری اولان رعایا و برابا ک جیب امید لرین
 بذل نقدینه آمال ايله مالا مال ایدوب مستغرق نعم بیگران و مظهر لطف و احسان دخی
 ایدرلر ایسه شرایط فتوت و مرونی برینه کتور مکله رعایای طرفلرینه تحبیب و اماله
 ایتمش اولورلر * سریره شناسان عقل و دانشه پوشیده دکلدر که اصحاب فهم و ذکا
 و ارباب عقل و دها اولان رجال مسند نشین ملك و دولت اولدقلر نده ضعفاي رعيتيه رفیق
 و ملائمت ايله معامله ایتموب اکثریا رعایادن تخفیف مؤنت ايله حسن معامله عواقب اموردن

زیرا حقیقتاً منصب ملک و دولت اول ذاته مخصوص صدر که استخداام رعایا و جبايت اموال
 ضبط جنود و حفظ حدوده قادر اولوب حوزه جايه سنده داخل اولان ممالک و مسالکده
 کندیدن اهلا برحاکم عظیمک امری جاری اولماق لازمدر که قول مشهور اوزره ملک
 ودولتک اصل و حقیقتی بوندن هبارتدر فعلی هذا بر مملکتک حاکم و والیسی که حقیقت
 ملک و سلطنتده مذکور و معتبر اولان امورک بعضیسنی اجرایه قادر و بعضیسندن عجز
 و قصوری ظاهر اولوب یا ضبط جنود یا حفظ حدود یا خود جبايت اموالدن مکننی قاصر
 اولسه معنای ملک و سلطنت انده ناقص اولمغله ملوک و سلاطین اطلاقه شایان اولماز
 نته کیم دیار غربیده اغالیه دولتی وقتنده قیروان مملکتسند و واقع ملوک بر بریه ایله صدر
 دولت عباسیه ده ملوک اعجام و اترک اکثری مملکتسند حاکم و والی اولوب ملک
 و سلطنت و ظایفک جله سنی اتمام و تکمیله قادر دکلرابندی کذلک هضمای ملوک
 و سلاطیندن بر ملک عظیم الشانک وزرا و امراسی اطراف ممالکده والی و امر و فرمانی
 جاری اولوب لکن نصب و عزل لری و حکم و تصرف لری بالجمله رأی سلطانی و اذن خاقانی په
 موقوف اولمغله ملک و سلطان اطلاق انلرک حقیقتده دخی صحیح اولماز * معلوم اوله که اکثریا
 ملوک و سلاطینه ملحق وزرا و امراداره مملکتی زیاده و واسع دول عظیمه ده موجود اولور که
 اطراف و جوانبی دارالملک سلطنتدن ابعدا اولمغله تنفیذ احکام دولت و اعلان شعار
 سلطنت مصلحتی ضمننده اول مملکتلرک نظام و انتظامی وزرا و امرایه پر وجه استقلال
 تفویض اولنوب سرنامه منشور مجد و اجلال لری دستور مکرّم عنوانیه مزین و محلا قیلتور
 لکن کلیات امورده مرجع و مصیر حقیقتده سلطان جهانکبر اولمغله مسند وزارت
 و رتبه امارت درجه ملک و سلطنتده داخل اولماز نته کیم دولت اسلامده ممالک غربیده
 امرای سنهجاهه خلفای عبیدینه و رؤسای زنانه بر وقتنده امویه خلفاسنه و وقت آخرده
 ملوک عبیدینه تابع اولوب طرفلرندن آفاق و اقطاره حاکم و والی اولدیلر کذلک عباسیه
 وقتنده ملوک دیالیه و اترک دخی خلفا طرفندن مسند نشین حکومت و ولایت اولدیلر و کذلک
 ظهور اسلامدن مقدم دیار غربیده امرای بر بریه دخی ملوک افریجه تابع اولوب و فرس دولتی
 وقتنده طوائف ملوک اسکندر رومی په و سلاطین یونانه مطیع اولدیلر بونلرک امشالی
 اطراف و نواحیده ایالت و مملکت و ایلی لری کثیر اولوب لکن تنفیذ احکام عامه ده بر سلطان
 جلالت نشان عظیم الشانیه تابع اولمغله ملک و سلطان اسمی اطلاق اولنماز
 والله القاهر فوق عباده

❖ فصل ❖ فصول کابدن فصل ثالث یکریمی ایکنی فصلی ملوک و سلاطینک رعایا
 ❖ و برابیه عنف و شدت و بطش و حدت ایله معامله لری نظام ملک و دولته خلل
 ❖ و ضرر ایرات ایلدیکی بیاننده در ❖

معلوم اوله که مصلحت ملک و دولت ملوک و سلاطینک صفات جسمانیه و احوال
 نفسانیه لری نه راجع اولوب حسن شکل و ملاحظت جمال و کثرت علم و کمال وجودت خط
 و کتابت و سایر صنعت و معرفت امشالی صفت و عمل لری اعتباریله حاصل دکلدر بلکه

خلافت هشامده دولته تغلب وتسلط ایلدکده آبا واجدادی کچی حل وعقد امور ونظم مصالح جهورده تفر دوتغلب ایله اکتفا ایتموب ملوک وسلاطینه مخصوص اولان القاب وعادته مشارکت وهشامدن صکره مالک تحت سلطنت اولق اوزره هشامدن ههد نامه الدبغی اندلسده موجود اعیان بنی مروان وسائر اشراف قریشک معلوملری اولدقده جمله سی قدم نزاعه قیام ومنصور بن ابی عامری قتل واعدام ایتدکن صکره خلیفه لری هشامی خلع ایدوب عمی زاده سی محمد بن هبید الجبار بن ناصری استغلاف ایتملریله بنی عامرک معمره دولتی خراب اولوب تاج ونخت خلافت سلسله هشامدن عمی زاده لری اولان سلاطینه نقل ایلدی والله خیر الوارثین

❖ فصل ❖ فصول کتابدن فصل ثالث بکرمی برنجی فصلی ملک وسلطنتک حقیقت ❖
❖ وماهیتی واصناف واقسامی بیاننده در ❖

معلوم اوله که ملک ودولت زمرة نوع بشره مخصوص بر منصب طبیعی اولوب نظام عالم وانتظام بنی آدم بومنصب ایله صحیفه عالمده دائم وباقی اولور زیرا معمره ارضده افراد بشرک حیات وبقاری امر معاش وسائر مایه انتعاش اولان امور ضروریه لرینی تحصیلده اجتماع وعاونلرینه موقوف اولدیغی بوندن اقدام فصول سابقه ضمنده ذکر وتفصیل اولمشیدی وبودخی معلومدر که بونلر بر محله اجتماع واقامت ایتدکلرند
حوائج اضلیه وامور ضروریه لرینی تحصیل وندارکده بر بر لیه معامله به محتاج اولوب واخلاق حیوانیه دن طبیعت انسانده ظلم وعدوان مر کوز اولغله هر بری آخرینده موجود وکنندیده معدوم ومفقود اولان لوازم ومهماتنی اخذ وغصبه جسارت اولدخی مقتضای عنف وغضب اوزره دفعده مخالفت وممانعت ایتکله بیلرند ناره حرب وقتال مشعل اولوب قتل نفوس وسفک دما ایله هرج ومرجه مضی ونوع بشرک صحیفه عالمدن انقطاعه مؤدی اولور مع هذا جناب حکیم مطلق جل شانہ حضرت باری زمرة بنی آدمی خالق وایجاد ایدوب معاش ومعاد لرینک صلاح ونظامی حکمت بالغه صمدانیه سنه مطابق اولغله وجود وبقالی بنی خلل وفساددن حفظ وصیایته تکفل ایلدی بناء علیه زمرة بنی آدمی حاللری اوزره ترک وابقاد وام وبقالی بنی مخل اولغله حکمته مخالف اولوب ظلم وتعدیلری نسل وذریتلرینک انقراضنه باعث اولغله حفظ جوهر حیات ایچون دفع ظلم وجوره قادر برحاکم قاهرک وجودی لازمدر فلذلک نظام عالم وعمار ارضده ملک ودولت لازم وضروری اولوب نوع بشرک حیات وبقاسی حکومت وسیاست ملوک موقوف اولمشدر وملك ودولتک حصولی قهر وغلبه ایله مطالبه ومدافعه به منوط ومطالبه ومدافعه دخی نسل ونسب یا برغیری سبب ایله غیرت وحیث اصحابی رجالک نصرت ومعاونلرینه مر بوط اولغله رتبه رفیعه سلطنته اعتلا اقارب وخویشان وسائر انصار واعوان اجتماعیه حاصل اولور وخیل وحشم اصحابی رجالک مراتبی دخی مختلف ومتفاوت اولوب هر قومک لرینی تحت یدنده فرمانبر اطاعت اولان رجاله تحکم وتغلبه قادر ايسه دخی رتبه رفیعه ملک وسلطنته اعتلا به قادر اوله من

❖ زیرا ❖

صباوتی وقتنده حادث اولوب عقل وتدبیره قاصر ومحافظه امور دولت وضبط احوال مملکتند ن عاجز اولغله زرین کوی سلطنت ر بوده صولجان تغلب اولوب مرور ایام وکرورا عوام ایله خلع ر بقه سلطنته وسيله اولور کاهیه دخی ملک ودولته متغلبه ظهوری اول وقتنده واقع اولور که ملوک وسلاطین کندیله همسک قرابت اولان اهل بیت سلطنتی داتره دولندن طرد وتبعید ایدوب واجانب واباعدی تقریب ایتدکلرند اقارب وخویشانده غیرت وحجت غالب وظاهر واجانب واباعد صدق وامانتده قاصر اولغله وقت ضعهده ملک ودولته اجانب تغلبه باعث اولور لکن ملک ودولته طرد اقارب ومیل اجانب عوارض ذاتیه دن اولدیغی کبی وقت ضعهده متغلبه ظهوری دخی امر ضروری اولغله بویکی مرض هائلدن مزاج دولته سلامت نادر واقع اولور والله یوتی ملکه من یشاء

❖ فصل ❖ فصول کابدن فصل ثالث یکر منعی فصلی متغلبه دولت ملوک وسلاطینه ❖
❖ واهل بیت سلطنته مخصوص اولان القاب وشعارده مشارکت ایتدکری بیانده در ❖

بوامرک بیانی اولدر که رتبه رفیعه سلطنت بر منصب عظیم عزیز المنالدر که هر دولته صاحب تاج وتخت سلطنت اولان ذاتک نسل وذرینه مخصوص اولوب ابتدای ظهور لرند نبرو سلاله بیت سلطنته منسوب اولان اولاد وابناری بیننده داتر و جاری ومراسم ملک ودولت خاندانلرند داتم و باقیدر اگر دولته تغلب ایدن شخص اعوان وانصار ملوکدن یا کندی داترسی خلقدن کثیر الاتباع کسه دخی اولورسه انک سطوت وصولتی سایه ملک ودولته حاصل ورتبه رفیعهیه همت ملوک ایله واصل اولوب خدام عتبه سلطنتدن اولغله نقدر تغلب وتسلط ایتسه لر دخی ظاهر ده ملوک وسلاطینه اطاعت ایدوب تاج وتخت سلطنتی صاحب ملک یدندن خلع ونزعه جسارت وکندیله نامزد تخت دولت ایدو مز لر بلکه انجق ثمرات ملک ودولت اولان حل وهقد مهمام دولته قیام وضبط وربط احوال مملکتده نظام صورتی اظهار ایدوب داعیه ملک ودولتی درون خبانت نمونلرند اخفا واضمار ایدر لر شویله که رأی فاسد ونقد کاسدرینی ترویج ایچون نیکخواهان دولتن خولیسای فساد لرینی ستر ایدوب و رای پرده خفساده منصفه نشین احتجاب اولان سلطان مغلوب ومحجوبک امر ونهینی تنفیذ واجرایه وکالت وینا بتلرینی ایهام قصدیله شعار ملک ودولت اولان اوضاع واطوار ملوکانه ده مشارکتدن امتناع ایدوب تغلب وتسلطری حالده نفسلرینی داعیه ملک دولت نهمتیه اتمامدن اجتناب ایدر لر زیرا متغلبه دولت داعیه ملک وسلطنته تصدی ایدوب پرورشباب اولد قلمی خاندان سلطنتدن تخت دولتی خلع ونزعه قیام ایتسه لر سائر رجال دولت عصر لرند موجود اولان اینای ملوک کی انلردن احق واولی ییلوب پادشاهلرینه عصیان ومخالفت ومتغلبه به تخت سلطنتی تسلیمه جواز کوسترمیوب وهله اولی ده اعدام واهلاکلرینه سعی ایدر لر نه کیم ممالک اندلسده امریه دولتی وقتنده بومقوله فتنه حادث اولمشدر که اندلسده ملوک بنی امیه دن هشام وقتنده منصور بن ابی عامر اولاد امرادن اولوب عهد

چوق کره اولیای دولتدن بعضیلری دائره سلطنته تغلب واستیلا ایدوب ملوک وسلاطینک امر ونهیده انفراد واستقلالنه مانع اولورلر بونغانله هائله نك ظهور وحدوثی اکثریا بوندن ناشیدرکه اولاد ملوکدن برطفل اندک سال یا برشخص ضعیف الحال تحت سلطنته جلوس ایدوب حل وعقد ه قادر اولمغله آبا واجدادی وقتنده عظمای سلطنتدن بعضیلری تنفیذ احکام دولتده ولایت وکفایت ادعاسیله کار فرمای مسند حکومت اولوب تنسیق کارگاه امور وحل وعقد مصالح جمهوره تصدی ایدر کیدرک تعین واستقلال تام ایله مالک رقاب انام و خاص وعام امر و حکمنه رام اولوب دماغنده خولبای ملک وسلطنت اولمغله کربوه مکر وفساده سالک اولور بو طریق ایله که وارث تاج وتخت دولت اولان صغیر عدیم التدبیری اعین ناسدن ستر وسراپرده احتجابده حبس ایدوب واول سبی بوالهوسک داعیه نفس وهوا ایله حظوظات جسمانیه ولذا نذ نفسانیه دن میل ورغبت ابتدکی ملاعب وملاهی به سوق وتشویق ایله دائره ملک ودولتده حکم وتصرفدن اغفال ایتکله جمله امور دولتی کندویه قصر وحصر ایدر اول طفیل محجوب ومغلوب دخی مبالغ سن رجاله بالغ ونصاب عقل وادرا که واصل اولدقده سن صغر وحال صبادن برو مانوس ومألوف اولدیغی لذاند نفسانیه وشهوات جسمانیه ایله مشغول اولغین ملک ودولتدن مراد انجق سریر سلطنته جلوس وورای حجابده عیش وعشرتیه اعتیاد در دیوبالجمله حل وعقدی وامر ونهی مغلبه یدینه تسلیم وتفویض ایدوب ضبط جیوش وحفظ ثغور وسائر امور دولتدن برامره صرف لحاظه اهتمام ایتمکله ملک ودولت زور بازوی تغلب ایله آخره نقل وتحول ایدر * نته کیم عهد خلافت عباسیه ده اولاد خلفادن بعض صغار وضعفا مسند نشین خلافت اولدقده تدبیر وتصرفدن قدرتلی قاصر اولمغله بالجمله حل وعقد امور امرای دیالیه و تراکدن آل بویه وکافور اخشیدی وانلرک امشالی رجال یدنده اولوب خلیفه عصر دن بعد البلوغ رشد وسداد دخی مانوس اولمغله ذکر اولنان رجال دائره دولتیه تغلب و آخر الامر تسلطن ایتدیلر کذلک ممالک اندلسده امویه دولتنک وواخرنده دخی منصور بن ابی عامر نام امیر دایر تغلب ایدوب زمام حل وعقدی خلفا یدندن نزع ایلدی کاهیجه دخی دستبازی طلیع عون باری ورهمنونی بدرقه توفیق کرد کاری ایله خلیفه مغلوب مالک دستمایه رشد وسداد اولمغین مغلبه دولتی قتل وضرب ایله تعذیب وتنکیل یارته سندن حظ وتنزیل ایله شر وفساد لرین پیرامن دائره ملکدن طرد وتبعید ایدوب سلطان نافذ الامر تختگاه استقلال اولور لکن وواخر سلطنت عباسیه ده اولدیغی کبی بردوانده تغلب وتسلط مدت مدیده مستمر اولدقدن صکره ملوک وسلاطینک مغلبه دولتی دفع ایله مرکز سلطنته استقلال لری عسیر اولوب اولدیغی صورتده دخی قلت وندرت اوزره واقعدر زیر زمام ملک ودولت که گرفتار دست تغلب اولوب مدت مدیده مستمر ومتمادی اولدقده قبضه تسلطدن خروج بووجهله عسیردرکه اکثر اوقاتده مغلبه ظهوری ملوک وسلاطینک

وقتی قریب اولوب اکثر اس قنده اوائل حاللری معلوم و معروف اولغله رابطه نسبتلری
رتبه قرابتدن ممتاز اولوب ملك و دولت حصولندن مقدم منسوب بارگاه دولت اولان
اعوان و انصاره نسبت ایله بونلرک خدمت و عبودیتلری دخی قاصر اولور * بومد عامرک
صدق و ثبوت صحیفه عالمده ظهور ایدن دول و سلطنتلره نظر و اعتبار اولندقد .
ظاهر اولور که عهده قدیمدنبرو اعتبار رفیعه ملك و دولته منسوب اولان رجالی ملوک
وسلاطین توقیر و تکریمده سازه تقدیم ایدوب اقارب بیت سلطنت حقنده جاری اولان
معامله ملوکانه ایله خاطر لرین تطیب ایدر لر انلردخی محافظه حقوق نعمت و حفظ
ناموس سلطنتده تقصیر ایتیب ولی نعمتلی خدمتده شد نطابق اقدام و تشمیر ساق
اهتمام ایدر لر اما ملك و دولت حصولندن صکره انساب ایدن رجاله امکدار قدیم
معامله سی اولتیوب تقرب و اختصاصده او تاد قدیمه دولت اولان عظما وار ککان
مرتبه سنه بالغ اولدقلری مشاهد بالعیاندر حتی او اخر دولته ملوک و سلاطین
قوم و قبیله سنی طرد و تبعید ایچون * واجب مرسومه ایله اجنبی عسکر ترتیب ایدکلرند
انلرک عهد و زمانلری قریب و دولت و سلطنت ضعف و زواله مشرف اولغله اصحاب ملك
و دولت انلره امکداران قدیم کی اهزاز و اکرام ایتیب تحت قهر و جبرده استخدام ایدر لر
* معلوم اوله که ملوک و سلاطین عهده قدیمد نبرو خدمتکناران دولت اولان رجالی
طرد و تبعید و اجانب و اباعدی دایره لینه قریب ایتلرینک سروسپی اولدر که قدیمدن
دایره دولته منسوب اولان رجال ملوک و سلاطینک آبا و اجداد لینه خدمت و عبودیتلری سبق
ایتمکله ینلرند . مربوط اولان علاقه ولایت رحم و قرابت مثابه سنده اولغین طبیعتلرند
غرور و نخوت حاصل اولوب خضوع و انقیادده ظاهرا تهاون و تکاسل اوزره
حرکت حس اولغین ملوک و سلاطین بونلردن نفرت و اجانب و اباعده میل و رغبت ایدر لر
لکن اجانبک انتسابی حادث اولغله هر قدر ملتفت دخی اولسه ینه عز و شرفده امکدار قدیم
مرتبه سنه بالغ اولتیوب دایره دولتدن خارج اجانب و اباعد کی معامله اولنور و جله دول
وسلطنتلرک او اخرنده حال و شان بومنوال اوزره جاری اولوب اولیای قدیمه دولت دایره
سلطنتدن طرد و تبعید و مناصب سامیه اجانب و اباعده تفویض و تقلید اولنور لکن
بو وضع ناستوده کردار علامت نحس و ادبار اولوب مزاج ملك و دولتک اختلال و انحرافنه
دلالت ایدر و ککتب تاریخده اولیای دولت اسمی امکداران قدیمه اطلاق اولنوب
انتسابی حادث اولان رجالده خدام و اعوان لفظی استعمال اولنور و الله ولی المؤمنین

* فصل * فصول کتابدن فصل ثالثک اون طقوزنجی فصلی وقت ضعفده ملك و دولته *
* تغلب و تسلط ایدوب ملوک و سلاطینی تنفیذ احکامدن منع و حجر و فتق و رتیق *
* مصالح دولتی کندیلرینه قصر ایدن متغلبه بیاندده در *

معلوم اوله که داعیه ملك و سلطنت ایله خروج و ظهور ایدن رجال قهر و غلبه ایله ممالکه
استیلا و رتبه رفیعه ملك و سلطنته اعتلا ایدوب منازع و مزاحلرینی دفع ایتمکله اولاد
و احفادی واحدا بعد واحد نائل سریر جهانبانی و مالک تاج و تخت سلطنتی اولدقد .

خارجده اوزرینه ترتب ایدن ثمره وفائده سی اعتبار یله ظاهر و متعین اولور و نسل و نسب واسطه سببه اقارب و خویشا نك بررلرینه تعلق و ارتباطی بووجهله حاصلدرکه حجر تریه و آغوش جایه سنده نشو و نما بولمغله سفر و حضرده بینلرنده معاشرت و مرافقت و طول صحبت دائم و جاری اولوب حیاتلرنده صداقت و مماندنده وراثت ایله علاقه اتصال متین و محکم اولمغله لدی الحاجه بررلرینه عون و نصرت طبیعتلرنده راسخ اولدیغی جله نك مشهور و معلومیدر ککذک همدایله مولی و تابع ایله متوع بینلرنده دخی علاقه نسب کی برکونه تعلق حاصل اولور که لیل و نهار عبید و خدام مالک و مولی لرنک خدمت و عبودیتلرینه ملازمت و انلر دخی انفاق و تزریق ایله بونلره لطف و عنایت ایدوب بینلرنده معاشرت و مصاحبت جاری اولمغله حقیقت نسب معدوم ایسه ده ثمره وفائده سی ترتب ایدوب وقت حاجتده عون و نصرتیه قیام و ترک سر و جان ایله افندیسی خدمتی اتمام ایدرلر فعلی هذا برقبیله جلیله رتبه رفیعه ملک و سلطنته اعتلا لرندن مقدم اجانب و اباهددن برقوم دائره لرنه انتساب و سبق خدمت ایله عز و شرف اکنساب ایتدکده انلرک شجره انتسابلری ثابت الاصل اولوب علاقه اختصاصلری تمکین و ثبات و ظهور و جلاده بعد حصول الملک منسوب اولان رجالدن ایکی وجهله اظهر واقوادر * اول وجهلرک بری بودرکه اشراف قبائلدن برقبیله جلیله نك رتبه قبل حصول الملک انتساب ایدن رجال طول خدمت و سبق عبودیت ایله افندیلرینه زیاده تقرب ایدوب و قبائل اراسنده خادم ایله مخدوم لا ابالی معامله یه مألوف و بینلرنده مراسم تکلف مرفوع اولمغله خدام دولت ایله اهل قرابتک فرق و امتیازی ظاهر اولماز بوضورتده اتباع و اعوان اقارب و خویشان مثابه سنده اولمغله رئیس و متوعلری رتبه رفیعه سلطنته نائل اولدقلرنده وقع و شانلری عظیم و قدر و منزلتلری جسیم اولور اما ملوک و سلاطینه ملک و سلطنت ظهورندن صکره انتساب ایدن رجالک حال و شانی بونلرک خلاقی اوزره واقعدرکه طبیعت ملک و دولت مراتب و مناصبک فرق و امتیازینی موجب اولوب اعوان و انصارک اهل بیت سلطنتدن و خدام و اتباعک اصحاب عز و ریاستدن رتبه لرنک فرق و امتیازینی مقتضی اولمغله ملک و سلطنت ظهورندن صکره دائره دولته انتساب ایدن رجال اجانب و اباعد منزله سنه تنزیل اولنوب ملوک و سلاطینه انتسابی حادث اولان رجالک تعلق و ارتباطی ضعیف و خفی اولمغله وقت حاجتده عون و نصرتلری قاصر اولور * ایکنهی وجه بودرکه قبل الملک برخاندانه انتساب ایدن رجال طول زمان ایله خدمت و عبودیتلری سبق ایدوب هنوز اولیای نعمتلری رتبه رفیعه ملکه نائل و ترتیب مراتب و مناصب حاصل اولماغله بونلرک حال و شانلری ناس بیننده مجهول اولوب اکثرانام بومقوله اتباع قدیمه بی بیت سلطنته منسوب اقارب ملوک اولمق اعتقاد یله اعزاز و اکرام و توقیر و احترامده مبالغه ایتلریله بونلرک دخی عرق غیرت و جیتلری حرکت ایدوب اولیای نعملرینه معاونت و مظاهرتده همتلری بلند اولور * اما ملک و دولت حصولندن صکره دائره ملک و دولته منسوب اولان رجالک انتسابلری

ابی وقاص و عبیدالله بن زیاد بن ابی سفیان و حجاج بن یوسف ثقفی و مهلب بن ابی صفرة
 و خالد بن عبدالله قنسری و ابن هبیره و موسی بن نصیر و بلال بن ابی بردہ بن
 موسی الاشعری و نصر بن سيار امشالی رجال استخدام ایدوب ملوک امویہ ایله بونلرک
 رابطه قرابتلری ضابطه جهت وحدت و باعث عون و نصرت اولغله تمهید مبانی
 ملک و دولنده خلفای بنی امیه به مظاهرت و معاونت ایندیلمر کذلک خلفای عباسیه دخی
 اوائل ظهور رزنده کندیلره نسل و نسبه قریب اولان رؤسای عرب امانتیه بنیای ملک
 دولتترین تشدید واقامت ایدوب انلرک نیروی بازوی جلاد تلیله اعدارین قهر و تدمیر
 و ممالک کثیره بی فتح و تسخیر ایندیلمر بعد زمان ملک و خلافت نصابنده قرار ایدوب
 لوازی منصور و اهدازی مقهور اولغله صبت و صداری عالمکبر اولد قده رؤسای
 عربی دائره ملکده حکم و تصرفدن منع و حجر ایدوب منصبلرین انجم و اترا که توجیه
 ایندیلمر از جمله اوائل دولت رزنده رجال فرسندن برامکه و بنی سهل بن نوبخت و بنی طاهر
 نائل رتبه وزارت اولوب انلردن صکره دیلمه و اترا کدن آل بویه و بقا و وصیف و انا مش
 و بانکک و ابن طولون و انلرک اولاد و احفادی و انجم و اترا کدن سائر رجال استخدام ایندیلمر
 مع هذا دولت عباسیه نك دعایم عز و اقبالی و قوایم مجد و اجلالی قبائل عرب امانتیه
 استوار اولوب مبانی ملک و دولت لری انلرک نیروی بازوی جلاد تلیله قائم اولمش اینکن
 بعد المصلحه ظهور طور استقلال ایله آنلری ساحه قرب و اختصاصدن طرد و تبعید
 و اجانب و اباعده مناصب ملک و سلطنتی تقویض و تقلید ایندیلمر سنت الله فی عبادہ

❖ فصل * فصول کابیدن فصل ثالث اون سکرنجی فصلی ملوک و سلاطینک اقارب ❖
 ❖ و خویشانی زمره سندن اولیوب دائره زینه منسب اولان اعوان و انصار ❖
 ❖ و خدام و اتباعک دولنده حال و شانلری بیان اولنور ❖

معلوم اوله که دائره ملک و سلطنته منسوب و متخصص اولان اعوان و انصار و خدام
 و اتباعک حال و شانلری خدمت و انتسابده سبق و تقد مرینه قیاس ایله متفاوت
 اولوب عهد قدیمدنبرو امکدار و خد متکذار اولان رجالک ملوک و سلاطینه
 تقریبری انلردن صکره انتساب ایدن رجالدن ازید و اقوادر بو امرک سببی اولدر که
 قبائل و عشایر اینلرنده محفوظ و مرعی اولان هصیت و اجتماعدن مقصود
 انجیق جلب منفعت و دفع مضرتده حجت و غیرت و حوزة جایه لرینی اطالاه دست
 تطاولدن حایت و صیانت اولوب بومعنا ایسه نسل و نسلی قریب رجالده اجانب
 و اباعدن زیاد ظاهر در زیرا فصول سابقه ضمننده ذکر و تقریر اولندیغی اوزره
 اقارب و خویشان بر لرینه تعاون و تناسره مجبول اولوب اجانب و اباعد اینلرنده حجت
 و غیرت بو امر تبه به بالغ دکدر لکن مالک ایله مملوک و مخدوم ایله خادم میاننده دخی
 رابطه نسل و نسب کبی برعلاقه قویه حادث اولغله قرابت نسبه اوزرینه ترتب ایدن
 ثمره و فائده بونلرک اوزرینه دخی مرتب اولور زیرا علاقه نسب اگر چه ذاتنده خلقی
 و طبیعی برحالت ایسه ده لکن ولد و والد میاننده ملحوظ بر امر نسبی و تعلق معنوی اولغله

اولان قوم و قبیله لرني بعد زمان دائره قرب و اختصاص لرندن طرد و ابعا
 قصد يله اجنبي عسکر ترينه مباشرت ايتدکلری بيا ننده در

معلوم اوله که دعواي سلطنت ايله ظهور و خروج ايدن کسه لک مطلب و مراملری
 کندي اقارب و خویشانی و اتباع و اعوانی اولان قوم و قبیله سله حاصل اولدیغی
 بوندن اقدام ذکر اولندیغی بيا ننده در بو تقدیرجه بونلرک تمهید مبانی
 دولنده سبق ایدن خد متلری مقابله سنده ملوک و سلاطین قوم و قبیله سنی مناصب
 رفیعه و مراتب سامیه ده استخدام ایدوب ضبط و ربط مملکت و جبايت اموال
 سلطنته متعلق خدمات جلیله بی بونلره تفویض ایدر لر و ملک و سلطنتده بو حالت بالاده
 ذکر اولندیغی اوزره اطوار دولندن طور اولده واقع اولوب مبادی ظهور دولنده
 ملوک و سلاطین قوم و قبیله سنه اعزاز و اکرام و توقیر و احترامده مبالغه ایدر لر
 اما طور اول تمام اولوب طور ثانی ظاهر اولدقدد ملک و دولت نصابنده قرار و مرکزنده
 استقرار ایتکله ملوک و خواقین حکم و تصرفده منفرد و امر زنده مستقل و مستبد اولوب
 قوم و قبیله لرني استیصال ایتدکلر زنده بونلر طور اولده اولیای دولت ایکن طور ثانیده
 اعدای سلطنتدن معدود اولور لر بو صورتده بونلرک دائره دولته مشارکت
 و مداخله لرني منع و دفعده ملوک و سلاطین خار جدن اجنبي عسکر ترينه محتاج اولوب
 انلری ساحه دولته تقریب و بونلری طرد و تبعید ایدر لر و اتمام مصلحت ضمیمه اجانب
 و اباعده مظهر نوازش و التفات اولوب علی مرتبه هر برینک قدر و منزلتی ترفیع و دائره
 عز و حشمی توسیع اولور بونلر دخی قبیله دولته تغلب و تسلط لرني منع و دفعده
 ملوک و سلاطینه کمال مظاهره و معاونت ایدوب مصاف غیرتده تمکین و ثبات و بند
 نقد حیات ايله تکمیل مر اسم خدمت و اتمام لوازم عبودیت ایتکله ملوک و سلاطین بونلری
 محرم حریم دولت و مظهر لطف و عزت ایدوب قوم و قبیله سنه مخصوص اولان
 وزارت و امارت و ولایت و جبايته متعلق مناصب رفیعه و مراتب سامیه بی بونلره تفویض
 و تقلید و اقارب و خویشانی دائره سلطنتدن طرد و تبعید ایدر لر لکن دولته بو کیفیتک
 ظهوری مزاج ملکک اختلاله و طبیعت سلطنتک فسادینه علامت اولوب قوای
 دولتک ضعف و فتورینه دلالت ایدر زیرا ابتدای ظهور دولته اساس بنیان شوکت
 و ارکان دیوان سلطنت اولان اکابر و عظمای رجالی تذلیل و تحقیر و اجانب و اباعده
 تعظیم و توقیر عهد قدیمدنبرو خاندان دولته منسوب و مخصوص اولان قوم و قبیله تک
 خاطر لرني تکدیره باعث اولغله کانون درونلر زنده آتش حقد و حسد فروزان و کین خفاده
 دولتک زواله مترصد و نکران اولوب عاقبت بو کارنا جمهورک ضرر و زیانی ملک
 و دولته راجع و عائد اولور و اکثر یا طبیعت ملک و دولت بوعلته مبتلا اولدقدد علاج پذیر
 اولوب قرنا بعد قرن تراید ضعف و اختلال ايله قوای دولتک انحلاله باعث اولور
 بو امرک صدق و نبوتی بی امیه دواننده ظاهر اولور که خلفای امویه حروب و مغازیده
 و خدمات سارنده شجعمان قبائل عربدن کندیلرله همساک قرابت اولان عمرو بن سعدبن

باباسی دخی لحم غنمدر دیو جواب و برد کده ولد مزبور غنم نه مقوله حیواندر دیو استفسار
ایدوب باباسی دخی غنمک جثه و جسدنی اوصافی و علاماتیله تعریف و توصیف ایلد کده
ولد مذکور غنمی دایما زندانده مشاهده ایلدیکی فاره جنسندن برنوع اولوق کر کدر
دیوزعم ایدیکجک باباسی اوغل غنم ایله فاره نک مناسبت و مشابهتی اولوب هر بری باشقه نوع
حیواندر دیو هر چند که اوغله جواب و بردی اوغلی قطعا فاره نوعندن غیری حیوان
مشاهده ایتمکله باباسنک جوانی فهمده عاجز اولوب غنم و بقر فاره مقوله سی حیوان
اولوق اوزره زعمنده اصرار ایلدی بناء علیه کذلک بردولتده معهود و معروف
اولیان امور ممکنه دن بر امرک آخر دولتده وقوعی نقل و حکایه اولند قدده دولت اولی
اهالیسی اول امرک کندی دولت لرندده عدم وقوعه بناء رد و انکاره مبادرت ایتمه زبرا
کابیزک اولنده ذکر اولندیغی اوزره بعض کسهل بر شئی بیانده خصوصاً تعداد اموال
و رجالد اغراب و اعجاب قصدیله افراط اوزره مبالغه ایتمه کلری کبی دول و سلطنتلرده
وسار خصوصده واقع و محقق نیجه آثاری دخی رد و انکار ایله تفریط ایدر لر بناء علیه
بر امرک وقوعی نقل اولند قدده انسان اول امرک اصل و ماده سنه نظر و افراط و تفریط
جانبلرینه میل و اقبالدن حذر ایدوب میزان راست عیار عقل سلیم و طبع مستقیم ایله
امکان و امتناع طبیعتلرنی فرق و تمیزده دقت و وزن و عیارده اعمال معیار بصیرت
ایتمه کدن مسکره دائره امکانده داخل اولان اموری قبول و اقرار و درجه امتناعه و اصل
اولان احوالی رد و انکار ایلسون و بو بایده لفظ امکان ایله فرض عقلی و تجویز ذهنی
مضامی مراد اولنوب بلکه بر شئیک ذاتنده اصل ماده سی خارجده موجود اولدقد نصکره
زیاده و نقصان اوزره وقوعنک جوازی مراد اولنمشدر زبرا فرض عقلی مناسنه
امکان محال و متمنده دخی جاری اولوب عقل انسان امر محالک و وقوعنی دخی فرض
و تقدیره قادر اولغله حوادث ممکنه یینلرنده قدر مشترک اولغله صالح دکلدر خلاصه کلام
صحیفه عالمده بر امرک وقوع و حدوثی نقل اولند قدده اول امرک ماده اصلیه سنه و جنس
و فصلنه نظر اولنوب عظم شان و قوت و کالده مقداری معلوم اولدقد نصکره اول امرک
حال و شاننه لایق اعراض و آثاری تصدیق و امکان ذاتیسی تحقیق ایدوب رتبه امکاندن
خارج اولان احوالی رد و انکار ایدر ز پس طبیعت ملک و دولت دخی فی حد ذاته خارجه
ممکن و موجود اولان اموردن اولوب لکن وسعت و قوتده و شوکت و عزتده درجات
و مراتبی مختلف و متفاوت اولغله هر دولتک قوت اصلیه سی و کمال ذاتیسی اعتباریله نیجه
اعراض و آثار ظهور ایدر که قوت و کالده اکامعادل اولیان دولتلرده اول آثارک ظهوری
مشهود و معروف اولماغله دول ضعیفه نک رجالی اول دول عظیمه بی کندی سلطنتلرینه
قیاس ایله اعتبار ایدوب مناسقب و مأثر مشهوره سنی رد و انکار ایله مقابله قانون عقل
و حکمتدن خارجدر و قل رب زدنی علما

فصل فصول کتابدن فصل ثالث اون بدیجی فصلی ملوک و سلاطین ابتدای
ظهور لرندده قرابت نسب یا برغیری سبب ایله قدیم دن کندیله منسوب و منحصص

دیار غریبه . ملوک بنی مریندن سلطان ابی عنان عصرنده سواحل بحر سفید دن سینه
 بوغازنده واقع طنجہ بلده سی سکاندن ابن بطوطه نام بر پیر ساحلورده بلاد غربه قدوم
 ایدوب بکرمی سنه دنیرو دیار شرقه شد رحل عزیمت و بلاد عراق و هند و یمنه نقل
 و حرکت ایتشیدی حتی دارالملک هند اولان دلی نام مدینه کبیره به دخی واروب اول
 نارنجده اورک نشین مالک هند اولان سلطان محمد شاهه برتقریب ایله تقرب و انتساب
 ایتکله سلطان هند ابن بطوطه بی کرسی مملکتنده مذهب مالکیه اوزره تقلید منصب
 قضا ایله مقضی المرام ایش ایدی بعده بکرمی سنه تمامنده یمنه مغرب زمینه عودت ایدوب
 سابق الذکر سلطان ابی عنانه تقرب و انتساب و ملک مشار ایله دخی ابن بطوطه بی
 استصحاب ایتکله کشت و گذار ایتدیکی بلاد و دیارده مشاهده ایتدیکی عجایب و غرایبدن
 نیجه حکایات لطیفه نقل و روایت ایدردی و نقل مجلس نقل اولان آثار و اخبارک اکثری
 هند دولتی احوالنه دأر اولوب سلاطین هندک اوضاع و اطوار لرینه متعلق نیجه اخبار
 عجیبه نقلیله کوش هوش مستعینی مهرة طاس حیرت ایدردی از جمله ابن بطوطه نقل
 ایتدیکه سلطان هند بر محله فزنا قصدیله تحریک رکاب عزم ایتدکده ساکن اولدیغی
 شهرک رجال و نسوان و صبیاتی عد و احصا ایدوب هر برینک التي آبلق رزق و نفقه سن
 بعد الحساب خزینه سندن انعام و اعطا ایدردی بعده سفردن مملکتنه عود و رجوع
 ایتدکده شهره دخول ایتدیکی کون بر عظیم الای ترتیب اولنوب بالجملة اهالی مدینه سیر
 و تماشا قصدیله صحرايه چقبوب موکب سلطانی بی دأر امداد احاطه ایدر لر پادشاه
 هندک پیشکاهنده ظهر دوا به محمول فجنیقرا ایله اول جمعیه حاضر اولان اهالی به
 صره صره درهم و دینار رمی و نثار ایدرک الای ایله سرا به دخول ایدر دبو نقل ایلدی
 اهالی مغرب ابن بطوطه دن بو حکایات عجیبه بی و بونک امثالی سائر اخبار عجیبه بی استماع
 ایتدکلرند . تکذیب و انکاره مبادرت ایتدیلر بوقفیر دخی بو ائشاده سلطان ابی هنالك
 وزیر ی فارس بن و درار که صبت و صداسی عالم کبر روز بر ایدی ایتکله ملاقی اولوب
 ابن بطوطه نک سلطان هند حقتده نقل ایتدیکی حکایه بی مذاکره ایلدم و خلق یئنده
 بو خبرک کذب مشهور اولغله بندخی انکار صورتنده کورندیکیمده وزیر مشار ایله فارس بن
 و درار بکا دبدیکه زنهارد دولت و سلطنتلره متعلق بومقوله احوال و آثار مسموعک
 اولدقده بولندیغک دولتده مشهودک اولما مغله رد و انکاره مبادرت ایتده که زمان
 سابقده اسلاف و زرادن بروز بر محبوبسک زندانده نشوونما بولان ولدی کبی
 ضعف عقل و قصور فهم ایله متهم اولورسک دیدی * حکایه سی بویله درکده
 زمان سابقده و زرادن برنی ولی نعمتی اولان پادشاه زندانه وضع ایدوب مدت مدیده
 وزیر مزبور اول زندانده مکث ایتکله کندیله بیله بر اولد صغیری دخی اول محبسه نشو
 و نما بولمش ایدی کیده رک ولد مزبورک سن و سالی مبلغ عقل و کاله بالغ اولوب خیر
 و شری فرق و تمیزه قادر اولدقده باباسیله محبسه اکل و تناول ایدوب قطعاً جئه
 و جسد لر بی مشاهده ایتدیکی حیوانات لحومنی نه مقوله نسنه در دیو باباسندن سؤال ایلدی

خزنینه لنده اشیاء کثیره موجود در * از جمله ملوک موحدینک طقوزنجبسی سلطان ابی بکرک
 دولت و سلطنتی وقتیه بوقفیر ادراک ایدوب احوال و آثارندن معاینه و مشاهده ایتدیکم
 اموردند که سلطان ابی بکرک محمد بن حکیم نام اموال کثیره به مالک بر وزیر نامدار و امیر
 جلیل الاعتراری اولوب انقلاب اطوار ایام ایله رتبه وزارتندن عزل و بالجمله اموال و املاکی
 جانب میری به اخذ اولندقدده نقود موجوده سی فرق قنطار التونه بالغ اولوب و جواهر
 و لالی و فرش و اوانی و عبید و جواریدن ا که مناسب اشیاء کثیره بی بالجمله سلطان ابی بکر
 اخذ و خزنینه سنه وضع ایلدی * و کذلک تخت نشینان ممالک مصر اولان ملوکدن ملک
 طاهر ابی سعید برقوق وقتنده بوعبد فقیر محر و سه مصرده بولنوب ملک مزبور امیر محمود
 نام بر وزیرنی مصادره ایتدکه دفترداری بالمشافهه بکاخبر و یروب دبدیکه امیر محمودک
 اموالندن بنم بدمله خزنینه به وضع اولنان نقودک مبلغی یک کره بیسک و التیوزیک التونه
 بالغ اولوب بوندن ماعدا امتعه واقشه و دواب و مواشی و غلال و سایر اموالدن ا که مناسب
 اشیاء کثیره سی اخذ اولندی دیو خبر و بردی * فعلی هذا صحیفه ربع مسکونده واقع اولان
 دول و سلطنتلرده ملوک و سلاطینک جمع و ادخار ایتدکری اموال و املاک کت قلت
 و کثرت ایله اختلاف و تفاوتی اعتبار اولندقدده هر دولتک قوت و مکتسده بر بردن فرق
 و امتیازی ظاهر اولور بناء علیه برکسه کندی عصرنده موجود اولان ملک و دولتده معاد
 و متعارف اولوب آخر دولت حقیقه نقل صحیح ایله منقول اولان اموردن بر امری
 استماع ایتدکده اول امری مبالغه به جل ایله رد و انکاره مبادرت ایتوب دول اخراده
 واقع اولان امور ممکنه عصرنده معهود اولماغله استحصاله و امتناعنه قائل اولوق مناسب
 دکدر زبر و وسعت جاه و مملکت و قوت و مکتسده مراتب ملک و دولت مختلف و متفاوت
 اولغله درجات سلطنتدن رتبه سفلا ده یادرجه و سطاده واقع بر دولتک رجالی جمع مراتبی
 کندی بولندیغی دولته حصر و قصر ایدوب بوندن اهلا بر درجه تصور اولنماز دیو
 اصرار دائره امکانی تضییق ایتدکدر زبر اصحایف کتب معتبره نارینخده عباسیه و امویه
 و عبیدین دولتری حقیقه نقل و حکایه اولنان آثار و اخبار دن سند صحیح ایله بزه و اصل
 و وقوعنه علم قطعی حاصل اولان اموری ملاحظه ایدوب زمانم زده مشهود و معلوم
 اولان دول ضعیفه نک احوالنه قیاس ایتدیکم زده یسنلرنده فرق عظیم و تفاوت جسم
 حاصل اولور و هر ملک و دولتک بر بردن تفاوت و امتیازی و وسعت و عمارت مملکت و قوت
 و کثرت رجال دولته تابع و آثار و احوالی بونسبت اوزره جاری اولغله ازمنه ماضیه ده دول
 عظیمه حقیقه نقل اولنان آثار و اخبارک جمله سنی رد و انکار ایله منابله امر صواب اولدیغی
 ظاهر در زبر باخبار و حکایاتک اکثری زیاده مشهور و واضح اولوب بلکه بعضیسی
 حد تو تره بالغ و نیجه سی دخی ایوان کسرا و اهرام مصرکی حس و عبیان ایله مشهود
 و محسوس قبیلندن اولغین بومغوله اخبار و آثار ایله اثر دن مؤثره استدلال ایتدیکم زده
 هر دولتک ضعف و قوتده قدر و منزلتی مناقب و ماثرندن ظاهر و منکشف اولور * و اشبو
 مدعایمک صدق و ثبوتنه عهد قرینده مسوعمن اولان بر حکایه غریبه دخی دلالت ایدر که

ماعدا جواهر و لآلی و ظروف و اوانیدن بی مثل و بها اشیاء کثیره و امتعه عیدیه و اقمشه
 نقیسه و دوآب و مواشی متعدد موجود بولندی اما عباسیه و عبیدین دولت ندرت نصرکه
 حادث و ظواهر اولوب حالا وقت و زمان نزد موجود اولان دولت لارک اعظمی ممالک
 مصر ده اترک دولت بدر بود دولتک دخی ملوک اترکدن ناصر محمد بن قلاوون زمانده شانی
 عظیم و قدری جسم اولوب قوت و مکتبی درجه قصوایه و رتبه علیایه بالغ اولدی
 ملک مزبورک اوائل عهد سلطنتده امر اسندن بیبرس و سلار نام ایکی امیر نامدار دولتته
 تغلب و تسلط ایدوب بالجه حل و عقد امور وقتی و رتی احوال جمهور مزبورانک یدرنده
 اولغله ماقبت امیر بیبرس سلطان ابن قلاوونی خلع و کرسی مملکتی یدندن نزع ایدوب
 کندی تخت نشین دولت و امیر سلاری مسند ارای وزارت ایلدی بعد زمان ملک
 ناصر محمد بن قلاوون دخی دستبازی عون باری ایله ملک و سلطنتی امیر بیبرسک یدندن
 استرداد و مزبوزی مملکت عدم آباده طرد و ابعاد ایتد کد نصرکه امیر سلاری دخی
 تنکب و تدبیل ایدوب علی طریق المصا دره بالجه اموال و اشیا سنی اخذ و قبض ایلد کده
 امیر سلارک نقود و عروض و عقاری جمع و دفتر اولمش ایدی بوقفیر اول دفتره امرار
 نظر ایدوب اموال و املا کنندن واقف اولدیغ اشیا درکه ذکر اولنور اول جواهر ثمینه دن
 درت بچق رطل یا قوت و لعل بدخشی و اون طغوز رطل زمرد و ایکوز عدد نکین مجوهر
 و اوچبوز قطعه عین الهمرد بدکلری کوه تابنده اختر و یک مثقالدن بر در همه وار نیجه بیک
 ایکوز الی حبه در شاهوار و اولوی تابدار موجود ایدی کذلک اجناس نقود دن بیک
 کره بیک و درت بوز بیک عدد دینار ایله ینه امیر سلارک سرایتک برکوشه سنده ایکی دیوار
 اراسنده مخزون زر خالص العیار ایله مملو عد دری نامعلوم بر قاج کبسه التون ایله بیک کره
 بیک کره بیک اچقه دخی ظاهر اولدیغی دفتر مزبورده مسطور و مر سوم ایدی کذلک
 درت قنطار مقداری زر و سیمدن مصنوع اسلحه و اوانی واکه مناسب اطلس و دیبا و قاش
 و کتخا و رکوبه صالح دوآب و مواشی و عبید و جواری ایله عقار و اراضی معلومه بروجه
 محرر مر سوم صحیفه دفتر ایدی * بوند نصرکه دیار غرب اقصاده بنی مرین دولتی دخی
 خزائن کثیره به و اموال و افره به مالک اولوب دفتر در لری حسون بن بواق خطیله مر سوم
 بر خزینه دفترنده کوزدمکه ملوک بنی مریندن سلطان ابی سعید فوت اولوب مخلقاتی تحریر
 اولدقد ه اجناس نقود دن یدی بوز قنطار دن زیاده التون واکه مناسب نیجه ذی قیمت
 اشیاء کثیره موجود بولندی بعده سلطان ابی سعیدک اوغلی سلطان ابی الحسن پدری
 فوتندن نصرکه تخت نشین دولت اولدقد ه سلطان ابی سعیددن زیاده خزائن کثیره جمع
 ایدوب اموال و املا کده پدرینه غالب اولدی حتی سلطان ابی الحسن بلاد غربدن تلمسان
 بلده سنه استیلا ایتد کده ملوک بنی عبدالواد دن تلمسان سلطانی ناشقینک خزینه سنده
 مسکوک و نامسکوک اوچبوز قنطار دن زیاده زر خالص العیار و سائر که مناسب تحف
 بی شمار موجود اولغله جمله سنی اخذ و قبض و خزینه سنه وضع ایلدی و کذلک بقیه
 موحدیندن افریقیه ملوکی دخی ادخار اموال و املاک ایله معروف اولوب نقود و عروضندن

کره بیک اچقه ایله بکرمی بیک رطل غسل مصفا کلوردی و همدان ایالتندن دخی
 اون بریک کره بیک کره بیک و سکر یوزیک اچقه ایله بیک رطل رمانین ربی و اون ایکی بیک
 رطل انکین شیرین حاصل اولوردی و ماسندان ایله ریان و لایترندن دخی درت بیک کره
 بیک اچقه و شهرزوردن التی بیک کره بیک اچقه ایراد حاصل اولوردی و موصل
 ایله توابعندن بکرمی درت بیک کره بیک اچقه ایله بیک رطل غسل ایض حاصل
 اولوردی و بصره ایله کوفه ماینده اولان ممالکندن دخی اون بیک کره بیک کره بیک
 ویدیوزیک اچقه ایراد سنوی حاصل اولوردی و آزر بیجان اولکه سندن دخی درت بیک
 کره بیک کره بیک اچقه و بلاد جزیره دن و نواحی فراتدن اوتوزدرت بیک کره بیک کره
 بیک اچقه و کرچ ناحیه سندن دخی اوچبوزیک اچقه ایراد حاصل اولوردی و کیلان
 طرفندن دخی بش بیک کره بیک کره بیک اچقه ایله بیک رأس اسیر و اون ایکی بیک طولوم
 بال و اون صندوق شکر و بکرمی عدد کسوه حاصل اولوردی و ارمینیه بلادندن دخی
 اون اوچ بیک کره بیک کره بیک اچقه و بکرمی عدد فالجه و ایکبوز رأس قاطر و اوتوز
 صندوق شکر حاصل اولوردی قنسرین اولکه سندن دخی درت یوزیک التون و بیک
 یوک دهن زیت حاصل اولوردی و ممالک شامدن درت یوزیک بیک التون و ولایت
 اردندن طقسان التی بیک عدد دینار فلسطین ناحیه سندن دخی اوچبوز اون بیک التون ایله
 اوچبوز بیک رطل روغن زیت حاصل اولوردی و ممالک مصردن ایکی بیک کره بیک
 و طغوز یوزیک و اون بیک التون و برقه مملکتندن دخی بیک کره بیک اچقه ایراد
 حاصل اولوردی افریقیه دن اون اوچ بیک کره بیک اچقه ایله یوزیکرمی عدد
 مغرب بساطی ارسال اولوردی ممالک یمن و حجازدن التون بیک و یتس بیک التون ایله
 نیجه امتعه نفیسه حاصل اولوردی اما ممالک اندلسه امویه دولتک ایرادی و خزینه رینه
 حاند اولان اموالی خصوصنده اندلس تاریخلرنده ثقات مورخیندن منقوا سدر که ملوک
 بنی امیه تک سکر نجیبی ناصر عبدالرحمانکه بغداد خلفاسی لقبیله ملقب بر ملک عظیم الشان
 ایدی فوت اولدوقده خزینه سنده موجود اولان نقود وزن اولدوقده بشبوز قنطار التونه
 بالغ اولدی دیور وایت اولندی و ینه مریک نظر اولان توارنج دولت هباسبه دن
 هارون رشید تاریخنده منظور و مشهور من اولدیغی اوزره ایام خلافت رشیده داخل
 حوزه سلطنتی اولان ممالک عراق عرب و عجم و شام و مصر و حجاز و افریقیه و سائر
 نواحیدن بهر سنه خزینه بیت المساله یدی بیک بشبوز قنطار التون ایراد حاصل اولوردی
 دیور قزده براعه نقل و تحقیقدر اما خلفای فاطمین دن عبیدین دولتک وسعت ملک
 و مملکت وقوت و مکنت سلطنتده حال و شانلری بوندن قیاس اولنسونکه ابن خلکان
 تاریخنده مسطور اولدیغی اوزره عبیدین و زراسندن افضل بن بدر الجالی نام بروزیر
 دلیر دولتینه تغلب و تسلط ایشیدی ملوک عبیدین دن خلیفه وقت افضلی محروسه
 مصرده قتل و اموال و اشیا سنی جانب بیت الماله قبض ایچون خزینه سی فتح اولدوقده
 اجناس نقود دن التوزیک کره بیک التون ایله ایکبوز الی یوک بیاض اچقه بولنوب بوندن

رطل اصح احوال اوزره لسان
 عربده یوز اوتوزده رهمدر
 محمد صاحب

صقلی دیار مصری فتح و تسخیر داعیه سیله قیرواندن خروج ایتد کده سفرده خلقه
 بخش وانعام ایچون بیک دوه بوکی ایچه خزینه ایله صوب مقصوده توجه ایلدی بوانه دک
 ذکر اولنان اخبار و حکایاتدن غرض اژدن مؤثره استدلالات طریقیله دول و سلطنتلرک
 وسعت ملک و مملکتده حال و شانلرینی تعریف و توصیف اولغله هر دولتک قوت و شوکتی
 انعام و احسانده ترقیلرندن معلوم اولور * و کذلک خلفای عباسیهدن مأمون خلیفه تک
 ههد خلافتده حوزة حایه لرده واقع جمیع نواحیدن جمع و تحصیل اولنوب دارالمملک
 بغدادده خزینه بیت المالیه وضع و تسلیم اولنان اموالی کتاب ابدان احمد بن محمد بن
 عبداحمید کندی قلمیله جمع و دفتر و جراب الدوله نام کتایده دخی مرسوم و محرر اولوب
 بو محله نقل و بیانی مناسب اولغله ذکر و شرح بر اولندی اولاه ههد خلافت مأمونده
 سواد کوفه دن عمال و امانایدیله جمع و تحصیل اولنان غله و محصولات ثمنی بکرمی پدی بیک
 کره بیک کره بیک ویدی بوک سگسان بیک ایچه به بالغ ایدی وینه سواد کوفه ده سنوی
 حاصل اولان ساژ ابراد دولت دخی اون درت بیک کره بیک کره بیک و سکر بوز بیک ایچه به
 بالغ ایدی و نجران و لابندن بهر سنه ایکبوز عدد ثاب فاخره ارسال اولنوب و ثنتان
 ناحیه سندن دخی ایکبوز قرق رطل طین مختوم مقرر و مرسوم ایدی بیکه بهر رطلی بوز اوتوز
 درهم ایدی و کسکر ناحیه سندن بهر سنه اون بر بیک کره بیک کره بیک و التیوز بیک ایچه
 ایراد حاصل اولوب و دجله ناحیه سندن دخی بکرمی بیک کره بیک کره بیک و سکر بوز بیک
 ایچه حاصل اولوردی و حلوان ناحیه سنک ایرادی دخی درت بیک کره بیک کره بیک و سکر بوز
 بیک ایچه به بالغ ایدی و اهواز ناحیه سندن بکرمی بش بیک ایچه خزینه به اوتوز بیک
 رطل شکر کبلا ر خلیفه به عائد و واصل ایدی کذلک فارس اولکه سندن بکرمی پدی
 بیک کره بیک کره بیک ایچه و اوچ بیک شیشه کلاب و اون بیک رطل دهن زیت اسود
 ارسال معناد اولوب و کرمان ایالت سندن دخی درت بیک کره بیک کره بیک و ایکبوز بیک
 ایچه و بشبوز پارچه ثاب نفیسه ایله بکرمی بیک رطل خرما و بیک رطل کون ارسال اولنوب
 و مکران و لابندن درت بیک ایچه و سنند مملکتی ایله ساژ نواحی سندن اون بر بیک کره بیک کره
 بیک و بشبوز بیک ایچه ایله بوز الی رطل عود هندی حاصل اولوردی کذلک شجستان
 ایالت سندن دخی درت بیک کره بیک کره بیک ایچه ایله اوچبوز قطعه قاش و بکرمی بیک
 رطل سکر نبات ارسال اولتوردی و خراسان اولکه سنک ایراد سنوی بکرمی سکر بیک
 کره بیک کره بیک ایچه و ایکی بیک سبیکه سیم خام و درت بیک رأس فرس و بیک نفر
 اسیر و بکرمی پدی بیک قطعه قاش و اوچ بیک رطل هلیج کلوردی و ناحیه جرجاندن
 اون ایکی بیک کره بیک کره بیک ایچه و بیک دسته ابر سیم حاصل اولوب و قوس ناحیه سندن
 دخی بیک کره بیک کره بیک و بشبوز بیک ایچه ایله بیک کولچه سیم خام حاصل اولوردی
 و طبرستان و روبان و نهساوند جانلرندن دخی التی بیک کره بیک کره بیک و اوچبوز بیک
 ایچه ایله التیوز قطعه طبریه دوشمه سی و ایکبوز عدد کسوه و بشبوز پارچه ثاب و اوچبوز
 عدد دستمال و اوچبوز جامه جام کلوردی کذلک ری شهرندن دخی اون بیک کره بیک

ذی النونک وایمه و ضیافتی حقنده نقل اولنان حکایات بوندن اقدم ذکر و بیان اولنمشیدی
 وکذالک ملک و دولتک عظیم شان و علومکانه قدر و منزلتیه دلالت ایدن آثارک
 بری دخی خزینت سلطنتدن خلقه بخش اولنان عطیه زدرکه هر دولتک انعام و احسانی
 وسعت و قوتده رتبه سنه قیاس ایله حاصل اولور و هر دولتده معتاد و متعارف اولان عطیه
 و جائزه اول دولتک انقراض و زوالی وقتنه دک رجالی بیننده جاری اولوب انقلابات دهر ایله
 مزاج ملکه ضعف و هرم دخی عارض اولسه بنه ملوک و سلاطینک انعام و احسانده
 تنقیص و تقصیر همتلری مانع اولور زیرا اهل دولتک همت و همتلری فی الاصل ملک
 و سلطنتده قوت و اقتدار لری نسبتی اوزره واقع اولغله وقت ضعیفده دخی مالوف
 اولدقلری طوره مراعاته سعی و همت ایدرلر بو خصوصک صدق و ثبوتنه ملوک جبر
 نسندن سیف بن ذی یزنک قبیله قریشه انعام و احسانی شهادت ایدرکه ممالک یمن
 سنین هدیده دن بر و بوجه استقلال ملوک جبر و تابعه نک تحت حکومتلرنده ایکن حبشه
 طائفه سی ممالک مذکوریه بی بونلرک یندن نزع و تسخیر ایتد کدنصکره بی جبر و نسل
 تابعه دن سیف بن ذی یزن طائفه حبشه دن مملکتنی استرداد داعیه سیله عصر نده
 کسرای فرس اولان انوشرواندن استمداد ایدوب کسرا دخی امداد و اعانت ایتکلله
 سیف بن ذی یزن مالک تحت ممالک یمن اولمش ایدی بو ائنده قبیله قریش طرفندن
 سیف بن ذی یزنه بوجه سفارت بر قاج کسنه وارد اولمش ایدی بونلره ذی یزن اون رطل
 دینار و اون رطل درهم بذل و نثار ایدوب و حبشی الاصل اون عدد غلام و اون جاریه
 و پرشنامه کبرا عنبر سارا احسان ایلدی و رسول الله صلی الله تعالی علیه وسلم حضرت یزیدک
 جد امجد لری عبد المطلبه دخی ذکر اولنان عطایا و هدایا نک اون مثلنی اتحاف و اهدا
 ایلدیکی السنه رواتده داتر و مذکور و صحایف کتب تاریخنده مسطور در مع هذا
 اول وقتده سیف بن ذی یزن مالک ایالت یمن اولوب انده دخی حکم و تصرفی و حبشه
 طائفه سنه استیلا سی کسرای عجم اعانتی ایله حاصل اولمش ایدی لکن بی ذی یزنک اصل
 نسبی تحت نشینان ملک یمن اولان ملوک جبر و تابعه یه منتهی اولوب ابا واجدادی ازمنه
 ماضیه ده ممالک عراقین و دیار هند و بلاد غریبه استیلا ایتکلله بنیان ملک و دولت لری
 متین و قوت و سطوت لری ظاهر و مستین اولغین بونک دخی همت و غیرتی ابا واجدادی
 وقتنده معتاد و متعارف اولان مراسم جود و عطایا اعتباره داعی اولوب ضعف حالی
 وقتنده دخی انعام و احسانی تضعیف و توقیره و مهمان و مسافر لری تعظیم و توقیره سعی
 ایلدی و کذالک دیار غریبه افریقیه ملوک صنها جیون دخی امراء زنانه طرفندن کندیلره
 وارد اولان سفیرزه اجناس نفود و عروض و خیل و جمال دن اشیاء کثیره بخش و اعطا
 ایتدیلرکه تفصیلی ابن رقیق تاریخنده مسطور در و کذالک دولت عباسیه ده برامکه نک
 جود و عطا و لطف و سخالی بین الانام معروف و مشهور درکه بر فقیری مدد العمر اغنا
 و احیا ایدرک ملک و نعمت احسان ایدوب ایکی اوچ کونلک معاشنه وافق احسان ایله
 اکتفا ایتزلر ایدی و دخی خلفای فاطمیندن ملوک هبیدینک قائد الجبشی کاتب جوهر

فقطار افضت هریده یوز بگری
 رطلدن هبارندر که هر رطلی
 یوز او توز در هر مدر
 محمد صاحب

وتكامل اعضا وقوارنی ایجاب ایلدی زیر حضور موت ایله حیاتك زوالی قوت مزاج
 وقوای طبیعیه تك ضعف وانحلالی ایله حاصل اولغین مزاج وقواد قوت کامل اولدقده
 اعمار ازید اولور بناء علیه ابتدای خلقت عالمده اعمار واجسام بنی آدم اتم واکل اولوب
 بعده کرور اعوام ومرور ایام ایله ماده حیات ناقص اولغله عمر بشر قصیر اولوب
 عصر مرزجالنده معهود اولان مبلغه بالغ اولدی بوند نصکره دخی علی التدریج طبیعت
 بشرده نقصان وقصور ظهور ایدرک انقراض عالم وقتنده برمر تبه به واصل اولور که
 قوای طبیعیه بالکلیه منحل اولوب دفعه موت وهلاک ایله نشئه اولی تمام ونشئه آخری
 وقیامت کبرا قیام ایدر دیو بو مقاله بی امام مسعودی فلاسفه دن نقل وحکایت ایلدی
 لکن بو بر رأی فاسد وقول کاسد درکه دلیل قطعی وسبب برهانی ایله ثابت اولماغله زعم
 ونحکمه مبنی اولدیغی اصحاب بصیرت قنده ظاهر وهوید ادر حال بوکه قرون ماضیه ده
 منقرض اولان ام سالفه تک احداث وانشا ایدوب ساکن اولدقلری بلاد و دیارده مسکن
 ومزللری آثارنی ومرور وعبور ایتدکلری طریقلری ودخول وخروج ایلدکلری
 قبولی معاینه ومشاهده اولنوب حالا وقتمزده جاری اولدیغی منوال اوزره جشه
 واندامزده مناسب وموافق اولدیغی محسوس ومرئیدر نته کیم قوم نمود ههد سابقده
 بریه وبادیه ده مغاره شکلنده طاشدن اویمه مساکن ومنازل انخا ایدوب حالا آثار وسومی
 موجود وباقی اولغله وسعت ابوابی وار تفاع سقوفی عهد مزده متعارف اولان قدر معروفی
 تجاوز ایتامشدر زیر رسول اکرم صلی الله تعالی علیه وسلم حضرتلری بعضی غزواتده
 اول محلدن مرور وعبور ایتاننده منازل مذکورده قوم نمودک مسکن ومأوازی اولدیغنی
 تعیین واعلام ایدوب وقوم نمود وقتندن برو اول محلده جاری اولان میاهک شربندن
 وطبخ طعام وغسل ثیابده استعمالندن امت مرحومه زنی نهی وتحذیر ایتدیلر وینه حدیث
 وارد اولدیکه عهد سابقده کفر وشرک ایله نفسلرینه ظلم ایدن مشرکین خاصرینک دیار
 وبلا دینه ومأوا ومثوالرینه مرور وعبور ایتیکز الا انلره اصابت ایدر قهر وعذابک سزه
 اصابت ایتدسی خوفیه کریه وبکا ایدرک مرور وعبور ایدک دیو صحابه کرام رضوان الله
 تعالی علیهم اجمعین حضراتنه توصیه یوردیلر * کذلک ارض عاد ومصر وشام وشرق
 وغربده موجود ساتر دیارده واقع اماکن قدیمه تک درودر وازه وسقف وجدار لری حالا
 وقتمزده موجود بنی آدمک جشه لرینه مناسب وموافق اولدیغی مشهور ومعلوم اولغله
 بنی نوعزدن زمان سابقده موجود اولان رجالک قد وقاملتری وجشه وانداملری دخی
 طول وعرضده قدر معروفی تجاوز ایتامک اقتضا ایدر * وینه دول وسلطنتلرک قوت
 وضعفده درجه لرینک تفاوتنه دلالت ایدن آثار وعلائمک بری دخی انشاء سلاطین وبنات
 خواقین ایچون عقد اولسان سورختان وز فافده واقع جمعیت وضیافتلر درکه ملوک
 وسلاطینک ایام سرور ومجالس سورده ظاهر اولان حشمت وز ینتلی سطوت وشوکتده
 دولتلرینک قدر وشاننه دلالت ایدر نته کیم مأمون خلیغه وزیر اعظمی حسن بن سهلک
 کریمه سی بورانی تزوج ایتدکه ترتیب اولسان سور زفانی وحجاجک سورختانی وبن

نورانی اولغله کثافت مزاجیه دن بری و حرارت و بر و دندن عاریدر بلکه حرارت شمسک نور و ضیاسی ایله حاصل اولور که جرم شمس افقندن طلوع ایدوب وجه ارضی تنویر ایتد کدنصکره سطح زمیندن اشعه هوایه منعکس اولغله اول انعکاسدن ارضه قریب اولان محللرده زیاده حرارت حاصل اولور و شمسک عکس شعاعله ایجاب حرارتده برحد معینی واردر که اول حدی تجاوز ایدوب وجه ارضدن بعید اولدقده اصلا اول محلده حرارت موجود اولماز محل منور جهت فوئده وجه ارضدن قرق میل بعید کره زمهریر دیدکری محلدر که عند الحکما شمسک شعاعی اول محلله واصل اولماغله زیاده بارد اولوب تأثیر حرارت شمس ایله وجه ارضدن صعود ایدن انجیره وادخنه ایچون کثافت حاصل اولغله رعد و برق و سحاب و مطر اول محلده حاصل اولور بو تحقیقندن معلوم اولدیکیکه جرم شمسده حرارت اولیدی طاع باشلری دره لردن زیاده حار اولوب شمس قریب اولان مواضعده برودت موجود اولماز ایله هوج بن عناق حکایه سنده قرص شمسده طبع سمن ایله استدلال حلیه صحتدن عاری اولدی * و بو حکایه نک کذبته بر دلیل دخی بودر که کتب تاریخده منقول اولدیغی اوزره عوج بن عناق بنی کنعانندن بر شخص اولوب بنی اسرائیل محبس تیه دن خلاص اولدقندنصکره بلاد شامی فتح و تسخیر ایتدکلرنده بنی کنعان ایله محاربه و مقاتله ایدوب جبارة کنعانیانی محو و اعدام ایتدیلر بنی اسرائیلک اولتاریخده قد و قامتلری طول و قصرده حالا بو وقتنده بزم هیکل و جشمه لرمزه قریب اولدیغنه بیت مقدسک قبولینک مقدارلری شهادت ایدر زیرا برقاچ دفعه بیت مقدسک ابواب و حیطانی تخریب و تجسید اولنمش ایسنده لکن مهبط وحی و نبوت و مسجد عظیم البرکه اولغله انبیاء بنی اسرائیل علیهم الصلاة والسلام و قتلرنده موجود اولان ابوابک اشکال و مقادیری رسمنه رعایت و هر عصرده بو وجهله بناسنه همت اولمشدر بو تقدیرجه عوج بن عناق ایله معاصرلری اولان بنی اسرائیل اراسنده بحسب الطول بو مقدار فا حش ایله تفاوت بولنمق مستبعددر اهل تاریخک عوج بن عناق ماده سنده و انک امثالی رجال خصوصنده خبط و خطالری بوندن ناشیدر که بونلرامم سالفه نک صحیفه عالمده آثار عظیمه لری مشاهدده ایدوب دول و سلطنتلرک قوت و همتده حال و شانلرندن غافل و اجتماع و تعاون عمله و استعمال آلات هندسیه ایله مبانی عظیمه نک حصولندن ذاهل اوللریله بو آثار عظیمه نک کیفیت بناسنده سبابه کزای حیرت اولوب بانیلرینک اجسام و ابدانلرینک شدت و قوتلرینه و هیکل و جشمه لرینک عظم و ضخامتلرینه جل ایدیلر مع هذا اعتقاد منور حلیه صحتدن عاطل قول باطل اولدیغی ذکر و بیان اولندی * معلوم اوله که ائمة تاریخدن امام مسعودی علیه الرجه امم سالفه نک جسم و جسدلرینک کبر و ضخامتنی بیسان سیاقنده فلاسفه دن بر دلیل ضعیف نقل ایدوب لکن سند و مبناسی اولماغله تحکم صرفه جل اولندی فلاسفه دیدیلر که ابتدای خلقنده طبایع اجسام بنی آدم زیاده شدت و کمال قوت اوزرینه مجبول و مخلوق اولغله عمرلری طویل و جسم و بدنلری اقوا اولوب طبیعتلرنده موجود اولان قوت و کمال امتداد بقا

دخی ملوک فرسک متانت بنیاد ملک و دولت برینسه دلالت ایدر حتی خلفای عباسیه دن
 هارون رشید علیه رحمة الملك المجید ایوان کسرا بی هدم و تخریبه شروع اراده سبیله
 یحیی بن خالد برمکی ایله اسشاره ایتدکده مبادرت و مباشرت اولنماق اوزره رأی اتمش
 ایکن هارون اصغنا ایتوب هدم و قلعه شروع و ممکن اولماغله رأیدن رجوع ایلدی
 بوندن معلوم اولور که تخت نشینان دولت اولان ملوک و سلاطینک بعضیلری برینسای
 عظیم بنیادینه قادر اولور که سائر ملوک اتی هدم و تخریبه عاجز اولور مع هذا هدم ایله
 بنا بیننده سهولت و صعوبت جهتیه بون بعید اولدیغی ظاهر اولماغله اولمقوله ابنیه
 عظیمیه بی تشبید و بنا ایدن دولت ایله هدم و تخریبنده عاجز اولان دولتک قوت و قدرته
 تفاوتی ظاهر اولور و كذلك دمشق الشامده ملوک امویهدن ولید بن عبدالملک بناسی
 اولان سرای عالی طاق و قرطبه ده بنی امیه جامعی و برجسر عظیم که بونلرک هر بری
 بانیرینک عظم شانته دلالت ایدر و كذلك دیار اندلسده قرطاجنه بلده سنه اجرای ما
 ایچون متعدد مقوس طا قرا اوزرینه مبنی قنوات مسنات بنا و انشا اولمشدر که هر برطاق
 جوزا نطق کر که کشانه پیوسته اولمشدر وینه ملوک ماضیه دن سر سال نام ملکک
 دیار غریبه موجود اولان و مصرده مشهود و معروف اولان اهرام و سائر آثار جسم بانیری
 اولان ملوک و سلاطینک دولتسارینک قوت و ضعفده تفاوت و اختلا فلرینسه دلالت ایدر
 * معلوم اوله که ملوک متقدمینک و سلاطین اقدمینک آثار عظیمه لری انشای بناده ماهر
 عمله تک کثرت و اجتماعیه و جراثقال ایچون مصنوع و موضوع اولان آلات هندسیه
 استمالیه حاصل اولوب ایام سالفه ده ملوک ماضیه تک همت و غیرتلیله حصوله کلشدر
 و الاعوام ناسک زعم و اعتقاد لری اوزره شداد و عباد وانلرک امثالی رجالک جشمه لری بزم
 اجسام و ابدانمزدن اعظم واقوی اولدیغنه مبنی دکلدر زیرا افراد بشر نوع واحد
 نختنده داخل اولماغله عظم اجسام و کبر ابدانده آثار عظیمه لری کبی پینلرنده تفاوت
 و اختلاف یوقدر لکن قصه پردازان اخبار سلفدن بعضیلری بو خصوصده نیجه اقوال
 و ایه نقل و حکایت ایدوب قوم عاد و ثمود و عمالقه و بنی کنعناک جشمه لری عظم
 و ضخامت حقیقه حددن بیرون و قیاسدن افزون مبالغات عظیمه و اخبار کاذبه بی قلمه الوب
 کتب حکایاتیه درج و تسطیر ایتدیلر اول حکایات کاذبه تک عجایب و غرایبیدن
 بری دخی عوج بن عناق حقیقه نقل اولنان حکایه در که بنی اسرائیلک ممالک شامده مقاتله
 ایتدکلری بنی کنعاندن بر شخص مزبوری طول قد و قامت ایله و سفده مبالغه ایدوب
 دیدیلر که عوج بن عناق زیاده طویل قامه اولماغله قعر در یادن صید سمک ایدوب قرص
 شمسه طبع ایدردی دیو نقل و حکایت ایلدیلر حال بو که نوع بشرک طول و قصرده
 و صغر کبرده احوالنه جاهل اولدقلری کبی کواکب سما و به تک احوالنه دخی جهل لری
 اظهار ایدوب جرم شمسه حرارت اثبات ایتلریله قریب اولان مواضعک سخونت
 و حرارتی بعید اولان محالردن اشد واقوا اولور دیوزعم ایتدیلر بتلزلر که جرم اقیاب
 مرکبات عنصریه کبی طبایع مختلفه دن مرکب اولیوب بر جسم بسط مضی و جرم لطیف

مفاخرت و اهل حرب و بقیه اظهار هیبت و سطوت ایدر لر معلوم اوله که اطوار خسه دن اشبوطور ثالث اصحاب ملک و دولتک رأی و تدبیر ایله استقلال و انفراد لر اطوار بنک آخری اولوب تدبیر و تصرفه رجال دولتک استقلالی بو طوره تمام اولور زیر اولکی و اینکی و اوچنکی طور لک جمله سنده ملوک و سلاطین رأی و تدبیر ده اخرک اثرینه اقتدا ایتمیوب تنظیم مصالح دولت و ترتیب قوانین سلطنته کنندی رأی و اجتهاد لر یله عمل ایدوب کندیلردن صکره سر بر سلطنته مالک اولان رجاله ایضاح طریق ایتدیلر * ملک و دولتک در دنجی طوری اسلافک اثرینه اقتدا و ملوک اطراف ایله مصالحه به رضا طور یدر که بو طوره اولیای دولت سلف لر بنک ترتیب و تمهید ایتدک لر ی قوانین ایله عمل ایدوب کندیلرله همپا به اولان ملوک و سلاطین ایله حسن معامله به رغبت ایدر لر شویله که اسلافک ترتیب ایتدیکی قوانین مرسومه دن بر قانونه مخالفندن اجتناب ایدوب انلرک اثرینه تقلید ایتدک لر ی صورته نظام لر ی فاسد و رأی لر ی کاسد اولق زعمیله تقلید اسلافده دقیقه فوت ایتزلر * ملک و دولتک بشخی طوری اسراف و تبذیر طور یدر که اولیای دولت بو طوره اسلافک جمع ایتدیکی خرابی شهوات نفسانه لرینه و خواص و مقرینه صرف و اتلاف ایله اسراف ایدوب و امور عظیمه بی نا اهل اولان رجاله تقلید ایله بقیه اسلاف و عظما و اشراف دولتک قلب لر ی مکسور اولغین انلردن ی حقد و حسدی ضمیر لر نه اضمار ایدوب وقت حاجتده نصرتی و اعانتی ترک ایدر لر بو صورته اسلاف دولتک اعمال فکر و دقت و هزار کلفت و مشقت ایله تأسس و تمهید ایتدک لر ی قواعد مراعات اولنماغله مبانی عز و دولت مترزل و منهدم اولوب مزاج ملنکه بر مر تبه ضعف و هرم مستولی اولور که تدبیرنده حکما و عقلا عاجز اولور لنته کیم فیما بعد سرد اولنه جق فصول ضمننده ذکر و تفصیل اولند قدومه مدعا مزک صدق و حقیقتی ظاهر و مجلی اولور والله خیر الوارثین

* فصل * کتاب اولک اوچنکی فصلنک اون النجی فصلی دولت و سلطنتنک صحیفه عالمده *
 * دائر و باقی اولان آثاری اصلنده قوت و قدر تری نسبتی اوزره واقع اولدیغی بیاننده در *

بوامرک سر و سببی اولدر که هر ملک و دولتک آثاری طبیعت ملنکه ثابت اولان قوت اصلیه به تابع اولغله قدر و درجه سی اعتبار یله ظاهر اولور جمله آثار دولتک بری قلاع عظیمه و حصون منیع و سایر مبانی رفیع در که بواثار ایله ملک و دولتک قوت و وسعتنه استدلال اولور زیر بومقوله ابنیه عظیمه نک حصولی آلات و ادوات کثیره به وفن بنساده ماهر عمله نک اجتماعنه موقوف اولغله بر دولتک دائره سی وسیع اطراف و جوانبی فسح اولوب مملکت و رعایا سی کثیر اولد قدومه آفاق و اقطار دن عمله کثیره جمع اولوب فوق مایه تصور ابنیه شامخه بنساده اولور لنته کیم سوره شعرا ده و سوره بقره ده عاده و نمود قومنک تشبید و بنا ایتدک لر ی ابنیه عظیمه حقیقده وارد اولان آیات بینات بو خصوصه دلالت ایدوب کندیلردن ظهور ایدن آثار عظیمه ملک و دولتده قوت و متانت لرینه دلیل اتخاذا اولندی و حال عراق هر بده آثاری مشهود و معروف اولان ابوان متین البنیان کسری

قوم و قبیله سیله هر خصوصه مشارکت ایدوب انلردخی من کل الوجوه معاونت و مظاهرتده
 دقیقه فوت ایتمزل * ملک و دولتک ایکنجی طوری استقلال طور یدرکه ملوک و سلاطین
 ملک و دولت نصابنده قرار و مرکزنده استقرار ایتدکدن صکره حکم و تصرفده انفراد
 و استقلال مسلیکنه سالک اولوب قوم و قبیله سنی امور مملکتده مداخله و مشارکتدن منع
 ایدرلر بو طورده ملوک و سلاطین قوم و قبیله سیله ابتدای ظهورده ایتدکری معامله
 و مساعدده بی ترک ایدوب کالاول امور ملکه مداخله و مشارکتلرنی منع و دفع ایچون
 مواجب معینه ایله موظف اجنبی عسکر ترتیب ایدوب قبیله و عشیرتلرینک دائرة ملک و دولتده
 حکم و تصرفلرنی منعه اهتمام ایدرلر تا که بروجه استقلال مالک تاج و تخت دولت اولوب
 امور مملکتده امر و نهیلرینه و حکم و تصرفلرینه بفردک معارضه به قدرتی اولماغله
 ثمرات ملک و دولتی اولاد و ابناسدن و ندیم و مقر بلرندن اختیار ایتدکری کسه لره استدکری
 وجه اوزره توزیع و تقسیم ایدرلر * و ملوک و سلاطین ابتدای ظهور لرنده اهدالرنی
 مدافعه ده کنندی قوم و قبیله سیله مظاهرت ایتدکری کبی بو طورده دخی قبیله و عشیرتلرنی
 دائرة مملکده حکم و تصرفدن منع و زجرده ترتیب ایتدکری عسکر ایله استظهار ایدرلر
 بلکه بوائتاده کلفت و مشقت و شدت و محنت طور اوله غالب اولوب فوز و ظفرده عسرت
 و انجیح امر آمده صعوبت زیاده اولورزیرا داعیه ملک و دولت و دعوی سلطنت ایله
 ابتدای ظهور و خروجر لرنده اجانب و اباعدی اقارب و خویشان ایله مدافعه ایدوب اعوان
 و انصارده حیث قرابت تازیانه غیرت و علاوه همت اولغله اعدالرنه غلبه و استیلا ده
 سهولت حاصل ایدی اما طور ثانیده اجانب و اباعد ایله اقاربک دفعنه اهتمام اولنوب
 و اجانب و اباعدک همت و غیرتی اقارب به نسبت ایله اقل و ابعد اولغله امر مدافعه ده صعوبت
 مقرر در * دولتک او چهی طوری فراغ و راحت طور یدرکه ملوک و سلاطین ابتدا
 اعدالرنه غالب اولوب بعده قبیله و عشیرتلرینک مزاجه و مداخله لری دخی بر طرف اولدقدن
 صکره منافع دولت و ثمرات ملک و سلطنتی جمع و تحصیله سعی ایدوب طبیعتلرنده مرکز
 اولان امور جلیله بی اظهار و تحصیل مال و باقایی محاسن آثاره اهتمام ایدرلر شویله که
 دخل و خرج دولتی ضبط و جبایت اموال امیریله ده بذل جهد ایدوب ترتیب مصارف
 سلطنتده ضابطه عدله مرعات ایله افراط و تفریط و تذبذب و تقیردن احتراز ایدرلر و دخی
 حفظ حدود دولت ایچون تشبید قلاع و حصون و توسیع بلاد و انصاره صرف نقدینه
 همت ایدوب و ملوک اطرافدن وارد اولان سفیر و رسوللره حرمت و رعایت و اصحاب
 استحقاقه بذل مال و نعمت ایدرلر بوندن ماعدامنسوب درگاه دولت اولان اعوان و انصاره
 ایراد لرین توفیر و قدر و شانلرین ترفیع ایله توفیر ایدوب بهر شهر خزینه دولتدن معین
 و مرتب اولان هلوغه لرینه ترقی ضمیمه خاطر لرین تطیب ایدرلر خصوصاً عبدالرده
 و دیوانلرده و سائر ایلام زیننده اصحاب علم و قلم و ارباب سیف و علم ایچون مخصوص لباسلر
 ترتیب اولنوب اول کونلرده هر طاسا نفه کند و به مخصوص اولان زنی و قیافت و حشمت
 و زینت ایله مقامنده قائم اولغین عقد صلحه بینلری تألیف اولنان اصحاب دوله عرض

امام مسعودی نقلی اوزره مأمون خلیفه وقتندہ بیت المالدن ترزریق وانفاق مصلحتیچون اول وقتندہ اقارب خلیفه دن موجود اولان بنی عباس بن عبدالمطلب تعداد اولنوب سلاله عباسیاندن ذکور واثاوتوز بیک کسنه لابس حله حیات بولندی * خیرالناس حضرت عباس رضی الله تعالی عنه وقتندن مأمونک خلافتی زمانته کلنجه ایکوز سنه دن اقل مدت مرور ایدوب بوزمان قبلده نسب واحده منسوب اوتوز بیک نفس موجود بولندی بواهرک سر و سببی اولدرکه ملک و دولت مرکزنده قرار ایدوب اهل دولت اموال کثیره په نائل و املاک و ممالک مالک اولدقنده قوم و قبیله سی و خدمه و عونہ سی ترفه و تنعم ایله مستریج و مطمئن البال اولوب وفرت نعمت کثرت ذریتہ باهت و بادی و سبب عادی اولور بناء علیه صدر اسلامده فتح و نصرت ایله خلفای مسلمین مؤید اولوب خزائن قیصر و کسرایه مالک اولدقارنده فراغ بال و رفاه حاله آسوده نشین مہدراحت اولوب معصم بالله زماننده قبیلہ و عشیرتبری و خدام عتبہ دولتری طغوز بوز بیک نفره بالغ اولدی و الا قبل الفتح طوایف عربک مبلغ عددلری یوز الی بیک نفری تجاوز ایتدیکی بوندن اقدم مره بعد اخری ذکر و بیان اولمشیدی والله الخلاق العظیم

* فصل * کتاب اولک فصولدن اوچنچي فصلک اون بشنچي فصلي انقلاب ادوار ایله *
* اطوار دولت مختلف اولوب و هر طورده اهل دولتک احوالی دخی مختلف اولدیغی *
* بیانشده در *

معلوم اوله که ملک و دولت ابتدا سندن انتها سنه وارنجه نسق واحد اوزرینه قرار ایتوب مرور ازمانه برحالدن حال آخره نقل و تحویل ایدر و رجال سلطنت اطوار دولتدن هر طورده اول طوره لایق و مناسب خلق ایله متخلق اولوب طور آخر حلوانده خلق اولی ترک و اخلاقدن ا که مناسب وصفی اختیاره مضطر اولور زیرا انسانک خلق و خصلتی بولندیغی حالک مزاجنه تابع اولغله اطوار دولتدن هر طورده ا که مناسب برخلق و خصلت وار درکه اول طورده رجال دولته اول حالت ظهور ایدر * معلوم اوله که ملک و دولتک احوال و اطواری بش مرتبه اوزرینه مرتب اولوب اکثر یا اول مرتبه لری تجاوز ایتز * ابتدا مرتبه سی اوائل ظهور دولته فوز و ظفر طوریدر که انده دعوی سلطنت ایله تمهید مبانی ملکه قیام و استیلای مملکتہ اقدام ایدن رجال کندیلردن اقدم اول ممالکده مالک رقاب امم اولان ملوک و سلاطین ایله محاربه په اقدام ایدوب داخل حوزه جاییه لری اولان بلاد و امصار ی بدلزدن نزع و تسخیره اهتمام ایله مالک تاج و تخت دولت اولور دولتک بوطورنده ملوک و سلاطین قوم و قبیلہ سیله دستمایه عز و رفعتده و منافع ملک و دولته مشارکت ایدوب بولردن برینی کندیلره تخصیص ایله قوم و قبیله لری محروم ایتزل انلردخی مقتضای عصیبت و لازمه ذمت حیت اولان تعاون و تناسرده تقصیر و اهمال ایتوب متبوع و مخدوملرینک رتبه رفیعہ سلطنته اعتلاسنه سعی و همت ایدر لر زیرا دولتک بوطوری اوائل ظهورده واقع اولوب قبائل و عشایر میانده محفوظ و مرعی اولان عصیبت و حیت هنوز زائل اولماغله اصحاب دولت

مر بوط اولمغله اهل دولتک زینت وحشمتلری اموال واملاکه استیلاری مرتبه ظاهر اولور اکر بوانه دک ذکر اولنان اموره نظر و اعتبار اولنوب کما هو حقه فکر و تأمل اولنور سه صحیفه معموره ارضده ظهور ایدن دول و سلطنتلرک احواله اطلاع ایله مدعا مزک صدق و حقیقتی ظاهر اولور والله وارث الارض ومن علیها

❁ فصل ❁ اوچینجی فصلک اون دردیجی فصلی اوائل ظهور دولته وسعت نعمت ❁
❁ و حصول راحت ملک و دولته زیاده قوت ابراث ایلدیکی یاننده در ❁

بوامرک سر و سببی اولدر که داعیه ملک و دولت ایله خر و ج و ظهور ایدن رجال مطلبلرینه نائل و عزت و نعمته واصل اولدقلرنده زوال حزن و ملال و نظهور عز و اقبال ایله قوت شهویه لری قوی اولوب بوما فیومانسئل و ذر بتلری کثیر و متزاید اولور و اجانب و اباعددن دائرة لرینه منسوب و مخصوص اولان خدام و اتباعلری دخی سباط عجم النوال دولترنده شیرین مذاق حلاوت شهد نعمت اولوب اولاد و ابناری دخی وقتا فوقتتا نشو و نما بولمغله انلرک عدد و قوتلری انضمامیله دائرة ملک و دولتری زیاده واسع اولور اما مرور وقت و زمان ایله قرن ثالث حلول ایدوب قرن اول و ثانیسه اول دولتک اعیان و ارکانی اولان رجال منقرض اولمغله مزاج ملکه ضعف و هرم مستولی اولدقده خارجدن کلوب انلره انتساب و اتما ایدن خدام و اتباع تمهید مبانی ملک و دولته علی وجه الاستقلال تدبیر و تصرفدن عاجز اولور لر زیرا بونلر قبیلله دولته خدمت و اعانت قصدیله انتساب ایدوب حجر تریه لرنده محکوم و مرزوق هیاللری اولمغله حکم و تصرفلری مخدوم و متبوعلرینک موکول عهدئه همبتلری اولمش ایدی کیدرک اصول دولت منقرض اولدقده فروع ایچون تمکین و ثبات متصور اولوب ضابطه جمعیتلری پریشان و نام و شانلری کشته صحیفه نسیان اولمغله ملوک و حکامک مبادی ظهورده ثابت اولان قوت اصلیه سی محور اائل اولور شه کیم صدر اسلامده دولت عربک حال و شانی بو خصوصه شهادت و دلالت ایدر که بوندن اقدم ذکر اولندیغی اوزره عهد هما یون نبویده و خلفا ایامنده مضر و خطان قبیله لری رجالدن عدد مسلمین انجق یوز الی بیک نفره یا اکه قریب مبلغه بالغ ایدی وقتا که وعد کریم الهی اوزره افتاب عالمتاب اسلام آفاق و اقطاره پرتوانداز اولوب ممالک مشرکین داخل حوزه حیات دین مبین اولدقده خلفای اسلام مقانم کثیره ایله اغتنام ایدوب وسعت ملک و دولت و کثرت جاه و نعمت ایله نسل و ذر بتلری و خدام دولتلری متوفر اولمغله زمره موحدین و جنود مسلمین عدد مذکورک اضعا فیه بالغ اولدی ❁ منقولدر که خلفای بنی عباسدن معتصم بالله ممالک رومدن عموره فتحنه رایت افراز غزا اولدقده مبارزان اسلام طقوز یوز بیک رجال اولوب کثرت جنود موحدین ایله بلده عموره ضمیمه بلاد مسلمین اولدی معتصم بالله زماننده عساکر اسلامک طقوز یوز بیک نفره بلوغی استبعاد اولنسونککه عدد مذکور انجق خلیفه ایله عموره غزاسنه حاضر اولان جنود موحدینه محصور اولوب بلکه شرق و غربده قریب و بعید موجود اولان قلاع و ثغورده حفظ و حراسته مأمور حیات و محافظتینک مجموعی تعداد اولدقده نقل مذکور و موجه اولمغله درجه صحتدن بعید اولماز

وضع اولوب وهر لنگر زرينی بر پرری پیکر جاریه حسنايه تمجیل وهر سفره ده اکابر
 فرسدن درت کسه مر بع نشین بساط عز و بیجیل اولمشرایدی بونلرتناول نعم و طعامدن
 دست شوی فراغ اولدقدنصکره صاحب دعوت اولان ولی النعمت عالی همت سفره نشین
 اکرام اولان مسافرلرندن هر سفره ده حاضر اولان درت شخصه اول سفره نك آلات
 و اوائی سسندن سابق الذکر سیم تپسی ایله التون لنگر لری و پری پیکر جاریه لری هبه
 و تمليك ایلدی دیو اول شخص معهود حجاجه بسط مائده مقال ایلدکده حجاجک
 هنوز بدایت دولتی وقتی اولغله ترتیب ایتدیکی سور ختاندی بویله حشمت و ابهت اظهارنه
 مکننت و قدرتی اولدیغنی اذعان ایدوب وکیل خرجه همان دوه لری نخره اقدام و خلقی
 اطعام ایله دیو امر ایلدی * و کذلک صدر اسلامده بنی امیه دولتی دخی وقت بد اوتیه
 قریب اولوب هنوز بریه و بادیه ده جاری اطوار عرب مهمل و منسی اولماغله و لایم سور
 و ایام سرورده اکثر عطیه و جائزه لری جل و ناقه احساننه مقصور ایدی بوندن صکره
 بنی عباس ایله عبیدین دولت لرند و انلردن صکره ظهور رایدن دول و سلطنت لرده وسعت
 نعمت و شوکت و حشمت عظیم و جسم اولغله انلرک جوائز و عطا یاری اجناس نقود
 و عروض و انواع اقبشه و امنعه و اصناف خیل و جمال اولوب عهد سلطنت لرده علما و شعرا یه
 و فقرا و ضعفا یه انعام و احسان لری بین الانام معروف و مشهور و بطون صحایف اوراقده
 مر سوم و مسطوردر و کذلک دیار غربده قبیله ککامه نك افریقیه ملوکی اغالبه ایله و مصرده
 بنی طغج ایله حال و شان لری دخی بومنوال اوزره اولوب اغالبه و بنی طغج دولت لری بونلره
 نقل ایتکلک بسط نعم و بذل کرده اغالبه یه و بنی طغجه غالب اولدیلهر وینه دیار غربده
 لمتونه ملوکنک احوالی دخی اندلسده ملوایف ملوک ایله و دیار غربده موحدین ایله بوسیاق
 اوزره منساق اولوب بونلردن صکره دخی زنانه نك احوالی موحدین ایله بومنوال اوزره
 واقع اولمشدر * خلاصه کلام هر عصرده ملک و دولت سلغدن خلفه نقل و تحویل ایدوب
 عزت و نعمتده زینت و حشمتده سلف لرینک آیین و اطوارینه مر اعات ایدر لر از جمله صدر
 اسلامده دولت فرس بنی امیه یه بعده بنی عباسه نقل ایدوب بونلر ابتدای ظهور لرند
 بدو بیت طوری اوزره باقی و قدر حاجت ایله مکتفی ایکن رجال فرسی خدمت لرند استفاده
 ایله دولت لرند جاری اولان مر اسم ملک و سلطنتی انلردن اخذ ایتدیلهر کذلک اندلسده
 بنی امیه دولتی دخی حال عهد و زمانم زده موجود اولان سلاطین هر بدن موحدین و زنانه
 ملوکنه نقل ایدوب حشمت و زینتده انلرک آیین و عادت لرینه اقتدا ایتدیلهر * کذلک
 بنی عباسک حشمت و شوکتی تغلب و تسلط ایله ابتدا دیالنه بعده سلاجقه یه بعده مملکت
 مصرده موالی بنی ایوبدن ملوک اتراکه بعده عراق عرب و عجمده ملوک تاتاردن
 هلا کوخان بد کردار و نقل و تحویل ایلدی * معلوم اوله که رسم حضارت هر ملک
 و دولتک قدر و منزلتسه تابع اولوب زینت و حشمت لری شوکت و قدرنده قدر و شان لرینه
 نسبت ایله حاصل اولور زبر رسم حضارت دواعی نفسانیه و شهوات جسمانیه ده
 انهماک و اشتغاله مبنی اولوب بومعنا ایسه ثروت و نعمته منوط و ثروت و نعمت دخی ملک و دولته

یعنی شعرای عرب بن ابونواس نام شاعری الله قتل ایلسونکه صفت خجده نظم وانشاد
 ابتدیی بیت مشهوری کویا بو حصیری کوروب انک حقنده انشاد ایلدی دیدی
 معنای بیت ابونواس صهبای زرد فامله مملو برساغراوزرنده صغیر وکبیر باده جابلرنی
 کوروب بو حالنی التوندن مخلوق بر زمین دلنشین اوزرنده انجودانه لرینه تشبیه خیالیله
 بو بیتی انشاد ایلشیدی مأمون خلیفه دخی ساحه ایوان اوزرینه مفروش ودر وکهر ایله
 مزین حصیر زرتاری مشاهده ایتدکده بیت معهودی تذکر ایدوب ابونواسک باده وصفنده
 تخیل ایتدیکی تشبیه لطیف حصیر مزبورک وصفنده دخی جار بدر دیو ابونواسی یاد
 وشعرنی انشاد ایلدی * ودخی لبله زفافده ترتیب اولنه جق ضیافت عظماده طبخ طعام
 ایچون مطبخ عامره دارا خللافتده برسنه کامله بهر یوم اوچر نوبت یوز فرق قازینوی هیزم
 حطب نقل اولنوب انباره وضع اولنمش ایدی لبله زفاف حلول و طبخ طعامه شروع
 اولندکده برسنه دنبر و نقل و جمع اولنان هیزم و حطب کفایت ایتوب عاقبت خرما اغا جابلرنی
 قطع و اوزرینه روغن زیت صب ایدوب لبله مزبوره ده انلری ایفساد ایله تکمیل
 ضیافت اولندی واشبوسور زفاف مدینه مأمونده واقع قصر خلافتده ترتیب اولنوب
 وشهر بغداد ایله قصر مزبور میاننده نهر دجله تخلل ایتمکه ضیافتخانه عجم ~~لر~~
 خلیفه به مدعو و مأمور اولان خواص ناس نهر مزبور دن مرو رو عبور ایتمک ایچون
 طوب و تفنک ایله مشغون اوتوز یک سفینه احضار اولنوب وقت صبحدن آخر نهاره دک
 سفاین مذکور ایله فوج قلزم موج اعیان دولت صوب مأموره بادبان کشای هزم
 اولدیلر وکذلک ابن حیان تار یخنده و این بسام ذخیره نام کابنده نقل و حکایه ایتدیکی
 اوزره بلاد اندلسدن حلیطله نام بلده ده اندلس ملوک کندن مأمون بن ذی النون نام ملک
 دخی قانون عباسی اوزره بر سوز زفاف ترتیب ایدوب کمال زیب و زینت و فر و حشمت ایله
 اظهار هر اسم ملک و دولت ایلدی مع هذا خلفای امویه و عباسیه تک و سائر اصحاب
 دولت حال و شانلری اوائل ظهور رزنده طور بد اونه محصور ونیم و تبعش لری قدر
 حاجت و ضرورته مقصور اولوب جمع اسباب حشمت و انلری ترتیب و تکمیله آلت اولان
 حرفت و صنعتدن قوت و قدر تلی قاصرا و لغله اوائل ظهور دولتده ذکر اولنان
 اموردن عجز و قصور لری مقرر ایدی منقولدر که حجاج بن یوسف ثقفی بعض اولادی
 ایچون سور خنان ترتیب ایتدکده کسرای عجم دولتی رجاندن بعض اعیان قرایی احضار
 واکاسره عجم وقتنده ترتیب اولنان مجالس سوردن استفسار ایدوب اول تار یخده مشهود
 و معلومی اولان جمعیتلرک اشهر واعظمندن استخبار ایلدکده شخص معهود دخی سر پوش
 انداز طبقه خطاب اولوب حجاجه بو وجهله جواب و ردیکه نعم ای و زیر علی النعم
 وای امیر عالی هم امرای کسرادن بر امیر کبیرک مجلسنده حاضر ایدم اول بزم دلپذیره
 عظمای فرسدن بعضیلرنی دعوت و عقد انجمن جمعیت ایدوب بر عالی ضیافت ترتیب ایتمش
 ایدیکه اول مجلس کثیر از حامده تناول طعام ایچون مواضع عدیده ده سیم خامدن معمول
 و مصنوع متعدد تیسبلر ایله مجلس پر زیب و فروهر تپسی اوزرینه در در دانه التون لستکر

و اثاث بیت و سایر خصوصاً صرده غایب الغایه تکلف ایتدیلر کذلک ایام عید و سرورده و سور
 ختان و ز فافده ترتیب اولسان ضیافتلرد . دخی تکلفلر ایدوب کمال زیب و زینت و بذل
 نعمت ایله اظهار حشمت ایدرلر * و صحایف کتب تاریخده محمد بن جریر طبری و امام
 مسعودی و انلرک غیرى اعلام مورخیندن منقول اولدیغی اوزره مأمون خلیفه و وزیر
 اعظمى حسن بن سهل کریمه سی بورانی کندویه عقد و تزویج اراده سبيله بالذات
 دارالملک بغداد دن حسن بن سهلک فم صلح نام مقام جنت آساده واقع سرای دلاراسنه
 نهر دجله اوزرندن زورق سوار عزم اولدوقده وزیر مشارالیهک حاشیه مأمونه بذل
 و انفاق ایتدیکی عطایای بهیه نک و ليله ز فافده مأمونک بورانه بخش و اعطا ایلدیکی
 امتعه نفیسه نک کثرت و وفرتی و بها و قیمتی حقنده نقل اولسان حکایه به نظر اولندوقده
 دولت عباسیه نک مکنت و اقتدارده حال و شانلرندن تعجب و استغرابی موجب اموره
 اطلاع اولنور از جله وزیر اعظم حسن بن سهل روز فیروز ز فافده درگاه خلیفه به
 منسوب و متخصص اولان خدمه و اتباعه برضیافت عظیمه ترتیب ایتدیکه قرب و اختصاصده
 رتبه لری اعتباریله هر برینه حال و شاننه لایق عطیه جلیله و هدیه بهیه ایله توقیر و تکریم
 اولندی طبقه اولی ده واقع خواص و مقرر بین ایچون مشک از فردن معمول مدور حبلر
 ترکیب و تخمیر ایتدیروب و اوزرلرینه برکاغد وضع و هر کاغده منتفع به نیجه عقار
 و اراضی معلومه تحریر اولمشیدیکه اول حبه مشک آلودلری اطرافه نثر و تفریق
 ایتدکده حسب الطالع و الاتفاق هر کبک بدینه واصل اولورسه اول عقار و اراضی بروجه
 تملک داخل حوزة تصرفی اولوردی و طبقه ثانی ده بولنان خدام خلیفه ایچون دخی
 تام الوزن و کامل العیار اوزریک دینار اولوق اوزره بر صره ترتیب اولنوب هر بریمی
 فرق ایتها جلرینه بذل و نثار اولندی * کذلک طبقه ثالثه ده مرتب اولان خدمه و اتباعه
 دخی اوزریک درهم اولوق اوزره بر صره انعام و احسان اولندی و یوم ز فافدن مقدم
 مأمون خلیفه حسن بن سهلک سراینه نزول و اقامت ایتدیکی اثناده خدمتگذاران دولته
 بوذکر اولنان اموالک اضعافنی احسان ایدوب ضیافتخانه عمیم النوال جود و سخاسندن
 خاص و عام کامیاب لطف و انعام اولمشلر ایدی * و کذلک مأمون خلیفه دخی حلیله سی
 بورانه ليله ز فافده مهر مجلی مقابله سنده بیك عدد یاقوت رمانی اعطا ایتدیکه هر بری
 قیمت و بهاده بی مثل و همنا ایدی وینه شب سور پر سرورده عنبر سارا دن مصنوع سیم
 شمعدانلر اوزره موضوع متعدد شمعلر ایقاد اولندیکه من حیث الوزن و المقدار هر بری
 یوز من کامل و هر منی بر رطل و ثلثان رطله معادل ایدی * و مجلس ز فاف انواع زیب
 و زینت ایله آراسته و بساط سندس طراز ایله پیراسته قیلنوب حریم باهرالاختصاص
 عصمتسرای دولته بر حصیر دلپذیر بسط اولندیکه تار و بودی ذهب وزر و انواع در و کهرله
 مزین و مجلی ایدی مأمون بو حصیری کوردکده دیدیکه قاتل الله ابانواس کانه ابصر
 هذا حیث یقول فی صفة الخمر

* کان صغری و کبری من فواقعها * * حصباء در علی ارض من الذهب *

شویله که ماسکولات و مشر و بانده و ملبوسات و مفر و شاتده زیاده کلفت و تشبید
 مبانی و ترتیب او انبده کمال دقت ایدوب حظوظات نفسانیه لری تحصیل
 و تکمیلده لازم و مهم اولان صنایع و حرف اصحابنه اکرام و رعایت ایله ترتیب اسباب
 زینت و توسیع دائره حشمت ایدرل و ملک و سلطنتده بوحالت دولت لک قوت و مکنتی
 و رجالک میل و رغبت لری حسبیه مختلف و متفاوت اولوب هر ملک و دولتک وسعت
 و قوتنه و اهل بسنک میل و رغبت لریه نظر ایله ترفه و تنعمدن حصه لری متعین اولور
 بناء علیه تعیش و تنعم ملک و دولتک وسعت و قوتنه موقوف اولوب وسعت و قوت دخی
 تأسیس مبانی ملک و دولت و تشبید ارکان سلطنتدن صکره حاصل اولمغله
 اواسط ایام دولتده ظاهر اولان طور حضارت طور بدو ییدن صکره حاصل
 اولمش اولور و رتبه علیای ملک و سلطنته اعتلا ایدن رجال مستولی اولدق لری
 ممالک کندی لردن مقدم مالک اولان ملوک سالفه نک احوال و افعالی مشاهده
 و معاینه ایتملریله اکثر یا اوضاع و اطوارده انلرک اثرینه اقتدا ایدوب حشمت
 و زینتده انلرک ترتیبی اختیار ایدرل ننه کیم صدر اسلامده طائفه عرب اعلائی کلمه الله
 قصدیه بریه و بادیه دن شرق و غربه سفر و فوز و ظفر ایله مؤید اولوب ممالک فرس
 و رومی فتح و تسخیر و انسا و بنا لری اخذ و اسیر ایتد کلرنده هر خصوصده اوضاع
 و اطوار لری مشاهده ایدوب ملک و دولتده آیین و عادت لری مسلک کنه سلوک ایتدیلر
 مع هذا طوایف عرب عهد قدیمدن ایام فتوحات و مغازی به کلنجبه طور بدو
 اوزره ضرورت و قناعت ایله تعیشه مجبور اولملریله اکل و شربده و رکوب
 و لباسده و ساز خصوصده قدر حاجت ایله اکتفا یه مألوف اولوب
 اکاسره و قیاسره دولت لرنده معتاد اولان مراسم زیب و زینت و اسباب
 عبش و عشرت یانلرنده مجهول مطلق ایدی حتی منقولدرکه طوایف عربدن
 اهل اسلام ممالک عراقه مالک اولدقده قوم فرس کرده دیمکله معروف بوفقه اتمک
 یا یوب بونلرک مجلس لرینه احضار ایتد کلرنده بومقوله اتمک دیا رزنده مفعود و قطعاً
 مشهود لری اولمغله و هله اولی ده کاغد ظن ایتدیلر کذلک خزینه کسراده کافور مشهود
 و منظور لری اولدقده ملح اولق ظنیه خیر و عجب لرنده استعمال ایتدیلر وقتا که نیروی بازوی
 جلادت ایله فتح و تسخیر ایتد کلری بلاد و ممالکک رجال و نسواتی خدمت لرنده استخدام
 ایدوب اصحاب حرف و صنایعدن اول مملکت لرنده حوایج بیت و مهمات سائرته ترتیب
 و تنظیمه قادر و حذاقت و مهارت لری ظاهر اولان رجالی انتخاب و استحباب ایتملریله طبع
 طعام و نسج لباس مقوله سی بریه و بادیه ده مشهود و معلوم لری اولمیان اموری انلردن اخذ
 و تعلم ایدوب اسباب حضرتی جمع و ترتیبه مباشرت و مبادرت ایتدیلر کیدرک وسعت جاه
 و نعمت ایله هر خصوصده حذاقت و مهارت تحصیل ایدوب حضری و بلد لره مخصوص
 اولان اوضاع و اطوارده اکابر فرس و اعجامه سبق و تقدم ایتدیلر شویله که ماسکولات
 و مشر و بانده و ملبوسات و مفر و شاتده کمال دقت ایدوب طرح مبانی و اسلحه و او ایتده

ایتدیلر واقسام مزبوره دن هر قسم دور زحل اعتباریله اوتوز اوچ سنه درت شهر ایله تقدیر اولمغین اکثر اوقاتده حسب العاده عمر دولت یوز سنه ده منقرض اولمق اوزره السنه ناسده مشهور اولدی و دخی قرون رجالدن هر برقرن دور زحله قیاسا اوتوز اوچ ییل درت آی فرض اولندقده یوز سنه تمامنده اوچ قرن منقرض اولمش اولور بوصورته برطغلك آبا واجداددن هر یوز سنه ده اوچر شخص بولمغله بیک سنه تمامنده اجداددن اوتوز کسنه یکمیش اولور بناء علیه بر شخصك جد اعلا سندن کندی وقتنه کلنجه سلسله نسبتنه منظم اولان آبا واجدادنك اعدا دی مشکوک و مشنبه اولوب جد اعلا سندن کندی وقتنه کلنجه مرورایدن ازمنه محفوظ و مضبوط اولسه ازمنه معلومه نك عدد ایله اجداد استدال اولمق ممکن اولور * مثلاً برقبیله وعشیرتک جد اعلا لاری اولان زیددن کندی زمانلرینه کلنجه اوچ یوز سنه مرورایدنکی مجزوم و معلوم اولوب لیکن زیددن انلره کلنجه موجود اولان آبا واجدادلرینك عدد لری مشنبه اولسه اوچ یوز سنه ده طقوز قرن دورایدوب و هر قرنده آبا واجداد دن بر شخص فرض اولمغله سنین مزبوره ده اول شخصك آبا واجداددن طقوز نفر کسنه موجود اولمق اقتضا ایدر اگر اون نفر ظن اولندیسه بر نفر زیاده ده غلط واقع اولوب سکر تخمین اولندیسه بر نفر نقصان ایله خطا واقع اولمش اولور کذلک بر شخصك آبا واجدادنك عدد لری مجزوم و معلوم اولوب لیکن عدد ازمنه سی مشکوک اولسه آبا واجدادنك اعدا معلومه سیله سنین ماضیه نك عدد لری تعیینه استدلال اولنور والله مقدر اللیل والنهار

* فصل ثالث فصولدن اون اوچنجی فصلی رتبه رفیعه ملک و دولته نائل اولان
* رجال ابتدای ظهور لرنده بدویله مخصوص اولان ضرورت و قناعت
* طورنده اولوب بعده طور بدویدن طور حضارته انتقال و بلدی و حضریلرکی
* زیب و زینته و عز و حشمته اشتغال لری بیاننده در *

معلوم اوله که ملک و دولته اوائله بدویت و واسط و اوخرنده حضارت طور لری امر ضروری اولوب مبادی دولتده قناعت و ضرورت و واسط و اوخرده توسیع دائره حشمت ایله زیب و زینته میل و رغبت مقرر در زیر ادعوی دولت و داعیه ملک و سلطنت ایله خروج و ظهور ایدن رجالك قوت قاهره ایله ممالک استیلاری تعاون و تناسرده حیت و غیرت لرینه و نیروی بازوی جلادت ایله بطش و شدت لرینه موقوف اولوب و بو حالت اکثر یا جلب و سلبه مألوف و مداوم و بریه و بادیه یه ملازم اولان رجاله مخصوص اولمغله اهل ملک و دولت و اصحاب سلطنت اوائل ظهورده بدویت طورینه ملازمت ایدوب شجاعت و جلادتده قوی و قدر ضروری ایله مکتبی اولور بر بعده ملک و دولت مرکزنده قرار و نصابتده استقرار ایدوب رنج و همتا زائل و یسر و غنا حاصل اولدقده رجال دولت اهل بسی موفور و خصص و رخا ایله معهور اولان بلاد و امصاره نازل اولوب فراغ بال و رفاه حال ایله ترفه و تنعمه مشغول اولور لر

لله الحمد والمنة دستیاری
 هون باری ومددکاری فیض
 کرد کاری ایله دولت هلیه
 ابد پیوند عثمانیه شیدت ارکانها
 بالعنایات الصمدانیه بشیوز
 سنه یه قریب مدنر که چار
 جهت ربع مسکونده واقع
 بمالک فسیحه الارجا ومسالک
 بعبده الانحاده تنفیذ احکام
 دین مبین واجرای شرح سید
 المرسلین ایدوب عبده طاغوت
 وبقیه قوم جالوت اولان کفار
 خاسرین وفرقه مبتدعین
 یدارنده ظلمات کفر وبدعت ایله
 مظلم اولان بلاد وامصاری
 انوار آثار شرح شریف ایله
 روشن وتابداریلدیلر حق جل
 وهلا دعایم بنیان عزواقباللرین
 پایدار وقوایم اورنگ مجید
 واجلاللرین استوار ایدوب
 خصوصاً صاحبقران وقت
 وزمان وطلم دجه امن وامان
 اولان شهر یار بلند اقتدار
 سمی احمد مختار شوکتلو
 عظمتلو مها بتلو پادشاه
 عالمناه حضر تارنی سریر عالم
 مصبر عز ودولتده برقرار
 ایلوب همواره ایام سعادت لرنده
 طلوع تابشیر قمع ونصرت ایله
 آفاق واقطاری روشن
 ومستیر ایله آمین آمین
 للترجم محمد صاحب

وسلاطین ابتدای ظهور دولته کنیدیله مظاهرت ایدن قوم وقبیله سنی طرد وتبعید
 ایدوب اجانب وابعادن حرب وضر به قادر دلیر و بهادر عسکر ترتیبه مباشرت وانلرایله
 حرب وقتله مباشرت ایتکله دائرة دولتی اعدادن حایه وصیانت مشیت علیه الهیه
 تعلق ابتدیی وقتیه دک نظام کارگاه دولت پابرجای قرار اولور فعلی هذا ایشو تحقیق
 ویسان ایله ظاهر وعیان اولدیکه اکثر ازمانده ملک ودولت حد وقوفدن درجه انحطاطه
 ماثیل وطبیعت سلطنتدن رونق شباب زائل اولوب مزاج ملکه ضعف وهرم مستولی
 اولور کذلک برخاندانده نشئت ایدن رجالک حسب وشرف ایله امتیاز واشتهاری دخی
 دردخی بطنیده منقرض اولدیغی بوندن اقدم ذکر اولوب عقلی ونقلی برهان قطعی
 اقامت اولمشیدی اگر ادله مذکوره صدق وحقیقی ظاهر اولور * معلوم اوله که دوام وبقای
 ملکه اعتبار اولسان قرون ثلثه دن هر بقرن قرق سنه اعتبار اولمغله دولت عمر
 طبیعی فرض اولسان یوزیکرمی سنه ممر اولش اولور ومدت مذکوره اکثر وغالبه
 مبنی اولمغله هر دولته حکمی جاری اولوب بلکه بعض وقتنده یوزیکرمی دن زیاده
 تمت یادخی ناقص وقتنده زائل اولور لکن اکثر اوقاتده بالتقریب یوزیکرمی سنه بی
 نجاوز ایتوب یا اندن مقدسجه یادخی صکره مندرس اولور ودخی بعض اوقاتده
 عمر دولت یوزیکرمی سنه به بالغ وقواسنه ضعف وهرم مستولی ایکن خصم وعدوسی
 ظهور ایتوب یا خود تدبیر وعلاجه موفق اولمغله مدت مدیده باقی قالور لکن اگر انشای
 ضعفه خصم قوی ظهور ایتش اولسه مدافعه به امکان ومتقابله به تاب وتوان اولمغله
 دخی مقدم منقرض ومندرس اولوردی اما * فاذا جاء اجلهم لایستأخرون ساعة
 ولایستقدمون * نص کریمی اوزره اجال مقدره ام تقدم وتأخر قبول ایتکله
 ملک ودولت دخی اجل مستمسی حلول ایتدیکه زائل اولماز * معلوم اوله که حکما واطبعا
 اتفاق آرا ایله انسانک عمرنی اوج قسمه تقسیم ایدوب بر قسمه سن نما وقسم ثانی به
 سن وقوف وقسم ثالثه سن رجوع وانحطاط تسمیه ایتدیله بوامرک اصلی بویه درکه
 انسانک ابتدای خلقت ومبدأ فطرتنده رطوبت اصلیه سی حرارت غریزه سنه
 غالب اولمغله حرارت رطوبتده تأثیر وتصرف ایدوب علی التدریج وقتا فوقتا اعضا
 وجوار حده نشو ونما حاصل وسنین عمر دن یکرمی سکر سنه مرورنده تراید قواغایت ونهابت
 واصل اولور بوندن صکره حرارت غریزه رطوبت اصلیه به معادل ومساوی اولمغله
 نشو ونمایکرمی سکر دن قرقه وارنجه برقرار اوزره باقی قالور سن وقوف تمام اولور
 قرقدن صکره حرارت غریزه رطوبت اصلیه بی نقص وافنا به آغاز ایدوب اعضا
 وجوار حده وهن وفنور وقوای بدنه ضعف وقصور ظاهر اولمغله قوت کالبدن نقصانه
 عودت ایدوب هاتف قضایحله خاموشانه دعوت ایدر * کذلک دقیقه شناسان
 فن تاریخک بعضیلری دخی ایام ملک ودولتی مراتب عمر انسانه قیاس ایله اوج قسمه
 تقسیم ایدوب اوائل دولته سن نما وواسطه حد وقوف وواخره وقت رجوع اطلاق

والسلام ارض شامده کنعانیا نه غزا ایله بنی اسرائیله امر ایتدکده بونلر فرعونک
و جبارة قبطک تحت قهرنده مدت مدیده پامال ذل وهوان اولوب قلوب فاسیه رینه
رعب وهراس مستولی اولمغین بنی کنعان ایله محاربه دن استنکاف و امر الهی بی
استخفاف ایتملیله جناب رب العالمین جل شانہ بونلری قرق سنه صحرای تبه ده
حبس و افسا ایله مجازاة ایلدی بعده بونلرک نسلدن شجاعت و جلالت اصحابی رجال
خلق ایدوب بنی کنعانه غزا و ارض شامه اسنیلا یه اقدار ایله امر و حکمنی تنفیذ ایتدیکی
فصول سابقه ضمنده ذکر وتفصیل اولمشیدی * معلوم اوله که دولت و سلطنتلرک
اکثریا عمر و بقاسی اوج قرنی تجاوز ایتدیکی بوندن ناشیدرکه هر دولتک ایتدای
ظهورنده قرن اولده موجود اولان رجال فقر و فاقه و ضرورت و مضایقه به مألوف
و شدت و صلابت ایله موصوف اولوب معارک حرب و قتاله هجوم و اقدامده قدم اهتمامه
قیام و احراز عز و شرفده جله سی منساویه الاقدام اولملریله سورت عصبتلری
محمفوظ اولوب غیرت و حجت ایله قهر اعداده جانلیری مرهوب اولمغله خصملری
مغلوب اولور اما ایتدای ظهور دولتدن قرق سنه مقداری زمان مرور ایدوب نوبت
سلطنت قرن ثانیده اسلافدن اخلافه نقل ایتدکده هزا رکلفت و مشقت ایله
اسلافک مالک اولدقلری عز و شرفه بونلری رنج و تعب نائل اولملریله امن و راحت طلب
ترفه و تنعمه راغب اولوب ورؤسای دولت اظهار کبر و نخوت ایله اهوان و انصار دولتی
تذلیل و تحقیر ایتملیله قلبلری مکسور اولوب اسلاف زماننده مشاهده ایتدکلری لطف
و اکرامی اخلافدن مشاهده ایتاملریله عزم و همتلرینه فتور و سعی و خدمتلرینه قصور
عارض اولور لکن قرن اول ایله قرن ثانی مابیننه زمان مدید نخلل ایتیب اسلافک اوضاع
و اطوارنی مشاهده ایدن رجال هنوز بالکلیه منقرض اولمغله ایچلرندن بعضیلری حفظ
ناموس دولتده غیرت و حجتی ترک ایتیب هم رجال و نحن رجال فحواسی اوزره قرن اولده
اسلافک نائل اولدیغنی عز و شرفک عود و رجوعنی رجا یا خود حالا کنسیدیلرده دوام
و بقاسنی ادعا ایله میدان حرب و وفاده مدافعه اهدایه اهتمام ایدرلر اما سکسان سنه
مرورنده اوجغی قرنیکی رجالی قرن اولدن زیاده بعید اولمغین حرب و قتالده اسلافک
همت و غیرتلی ولذا ئد دنیویه دن شی قبل ایله قناعتلری مشهود اولوب ملک و دوانه
عز و نعمته نه وجهله نائل اولدقلری معلوملری اولمغله ترفه و تنعمه مألوف و مأنوس
و طرف دولتدن سلفلری حقنده سبق ایدن رخصت و مساعدده دن مأ یوس اولوب
شمشیر جلادتق آویخته طاق نیسان ایتمکله حفظ و تزییه به محتاج نسوان و ولدان کچی
دولتک عبالی اولورلر شویله که سطوت عصبت جوهر فطر نلرندن ساقط اولوب
محافظه ملک و دولت و مدافعه اعدای سلطنتده همتلری قاصر و مطالبه مملکتده
عجز و قصورلری ظاهر اولمغین اطراف ممالککه اعدا مستولی اولدقلده مقاومت
قدرتلی اولمغله مالک تاج و تخت و صاحب ملک و سلطنت اولان پادشاهلری اصحاب
شجاعت و جلادتدن بونلرک خیری رجال ایله استظهاره محتاج اولور بو تقدیرجه ملوک

فصل ثالث اونی ایکنجی فصلی ملک و دولتک امتداد و بقاده اشخاص بنی آدم کجی
 عمر طبیعی اولدیغی بیاننده در

Asmit

معلوم اوله که اطبا و مجتهدین زعماری اوزره انسانک عمر طبیعی یوز یکریمی سنه اولوب
 مادامکه بدن انسان مانع حیات اولان اسباب سماویه و افات ارضیه دن امین و سالم اوله
 بحسب الطبیعه یوز یکریمی سنه معمر اولور دیدیلر و عند المجتهدین عمرک زیاده و نقصان ایله
 تفاوتی کواکب سیاره دن قره منسوب اولغله طالع مولود ده اوضاع قمرک اختلا فیله
 امتداد مسافه عمر مختلف اولوب قراچون سنین صغری و سنین وسطی و سنین کبرا
 اثبات ایتملر ایله انسان ایچون عمر طبیعی فرض اولسان یوز یکریمی سنه قمرک سنین
 کبراسیدر دیدیلر و کذلک عند المجتهدین بین الکواکب واقع اولان بعض قراناتک
 دخی عمر بشرده تأثیری اولغله ادله قرانیه اقتضاسی اوزره بعض اعصارده برقران
 واقع اولور که اول عصرده متولد و موجود اولان رجالک اعمار یوز یکریمی سنه دن زیاده
 یادخی ناقص اولور دیدیلر شوبله که تقدیر عز بزعلیم ایله صحیفه آسمانده واقع اولان
 قراناتک بعضیمی عمر انسانک مائه کامله به بلوغنی اقتضا ایلوب و بعضیمی دخی
 سکسان و بعضی آخری یتیم و بعضیمی دخی الی سنه معمر اولوق اقتضا ایدر
 و ملت اسلامده اشوات مر حومه نک اکثرینک عمری الشمس ایله یتیم اراسی اولدیغی
 حدیث شریف ایله ثابتدر لکن انسان ایچون عمر طبیعی اولان یوز یکریمی سنه دن
 زیاده معمر اولوق نادر واقع اولوب مکرکیم مجتهدین زعمی اوزره بعض قرانات علویه
 و اوضاع غریبه فلکیه ظهور ایله حاصل اوله ننه کیم قرآن کریم ناطق اولدیغی اوزره
 حضرت نوح صلوات الله تعالی علیه و سلامه طقوز یوز الی سنه معمر اولوب
 و عاد و ثمود قومندن شمداد بن عاد و انک امثالی رجال حقتده منقول اولمشدر
 معلوم اوله که دول و سلطنتلرک امتداد و بقاسی دخی اعمار بنی آدم کجی قرانات
 فلکیه مقتضاسی اوزره زیاده و نقصان ایله مختلف ایه ده لکن اکثر اوقاتده اوچ قرن
 مدتی تجاوز ایده کلمشدر زیرا هر برقرن فرق سنه ایله تقدیر اولنوب اوچ قرن
 یوز یکریمی سنه به بالغ اولغله دولتلرک عمر طبیعی دخی انسانک عمر طبیعی بیله
 مساوی اولور بواصرک اصلی بویله درکه قرآن عظیمده ﴿ حتی اذا بلغ اشده
 وبلغ اربعین سنه ﴾ آیت کریمه سنندن مستفاد اولدیغی اوزره انسانک نشو و نما
 و تکامل اعضا و قوا جهتیله رتبه کماله وصولی فرق سنه ده حاصل و مراحل عمر دن
 فرق مرحله قطع ایتدکده مسافه سنک حد وسطنه واصل اولوب مدت مذکوره بدایت
 خلقت و نهایت شیخوخت میا ننده واسطه العقد قلاده عمر اولغله (خیر الامور
 اوسطها) خواسی اوزره برقرنک مدتی عمر وسط آدمی به قیاسا فرق سنه ایله تعیین اولمشدر
 و کذلک امر الهی ایله صحرای تبه ده بنی اسرائیلک فرق سنه مکث و وقوفلری حکمتنی
 بیانده سابقا ذکر اولسان نکته طبیعه دخی برقومک محو و فاسی و ذر بتلرندن قوم اخرک
 نشو و نما سی فرق سنه ده حاصل اولدیغنه دلالت ایدر که حضرت موسی علیه الصلاة

مبادی ظهور ملکه نهمل و تجرع ایتدکری متاعب حرب و ضربدن فارغ اولوب راحت و حضوره مألوف اوله لبر حال انس والفت ایله عادت خلقت و طبیعت منزله سنه تنزیل اولمغله بونلرک دخی فراغ بال ورفاه حال ایله امن و حضوره اعتیاد لری فطرت و نهاد لرنده هر کوز برحالت اولور که بونلردن صکره نشو و نما بولان اولاد و انسانی دخی ترفه و نعم ایله بساط انبساطده تریه اولتوب عیش و عشرته مشغول اولمیرله ابتدای ظهور دولتده آبا و اجداد لری نیک طایفه نده هر کوز اولان غیرت و حجت تکاسل و تهاونه مبدل اولوب رابطه نظام دولت اولان شجاعت و جلالت طینت لرنده مفقود اولمغله معارک حرب و قتالده قدم اقدام اوزره قیامدن قدر تلی قاصر اولور شو یله که بونلرایله رعیتک فرقی زی و قیافت و عقل و کتیا سندن غیری برسنه ایله حاصل اولمیروب حایه ملکه قوتلری ضعیف و بطش و شدت لری سخیف اولمغله شوکت و سطوت لرنه خلل و غیرت و حیثیت لرنه کسل ترتب ایدوب عاقبت رجال دولته اسنیلای ضعف و هر مکن ضرر و زیانی دولته راجع اولور کیدرک رقت حضارت خشونت بد اوته غالب و ترفه و نعمده ترقی به طالب اولمیرله قلم لرنده دستمایه شجاعت و جلالتدن اثر باقی قالمیروب حایه ملک و دولتده همت لری قاصر اولمغله کندیلری اعدادن حفظ و وقایه به قادر رجاله الهامیه مضطر اولور لرنه کیم صحیف کتب توار یخده مسطور اولان دول و سلطنت لرنک احوالی تدبیر اولمغله کشیده سلاک تقریر اولان امور ک صدق و حقیقتی ظاهر اولور و دخی چوق کره واقع اولمشدر که بعض عوارض قضایا اقتضا سبله مزاج دولت فساد مستعد اولدقده قانون حکمت اوزره و ککلی دولت تدبیر و علاج به وفق اولوب کندیلری قوم و قبیله سی جنس سندن خارج عسکر ندر کله جریحه ملکه مداوا و ایتدیلر شو یله که وقت حاجنده ضرب و حربه قادر و شداید فقر و جوعه صابر اولوب نفسنده دلبر و دلاور و دولته یار و یاور و رجال ایله طبیعت ملکه عارض اولان سوء مزاجی دفع ایتدک لرندن صکره اجل مسماسی حلولنه دک حفظ صحت دولت اهمیت ایلدیلر ننه کیم دیار شرقده ملوک اترک یومسلکه سالک اولوب دولت لرننک نظامی مختل اولدقده تدبیر مذکور ایله مداوا ته موفق اولدیلر زیرا انلرا کتیریا کندیلر هید و ملوک لرندن عسکر اتخا ایدوب عهد قدیمدن پرو و هجر تریه لرنده راحت و حضوره مألوف اولان قول اوغلا لرننک معرکه حرب و قتالده تهاون و تکاسل اوزره حرکت لرنی مشاهده ایتدک لرنده رجال اترک تنبه و تیغظ ایدوب ضرب و حربه قادر و شجاعت و جلالتی ظاهر اطراف ممالک کفار دن ولایت لرنه جلب اولنان اسارای نو آمده بی تملک ایلوب آداب دین اسلامی ولو ازم حرب و قتالی تعلیمدن صکره مصاف حربده انلرایله اعدا لرندن اخذ انتقام ایلدیلر کذلک مملکت افریقیه ده واقع موحدین دولتنده دخی طوایف عسکر به نیک نظامی مختل اولدقده قبائل عرب و طوایف بربریه دن عسکر جدید ترتیب ایدوب قوای ملکه عارض اولان سکتنه تعطیلی دفع ایله طبیعت دولت عارضه خللندن سلامت بولدی والله وارث الارض ومن علیها



عوااید مقررہ لزی مصارف ضرور بہ دن قاصر و صرف مالی موجب بعض حوایج دخی
 ظاہر اولمغلہ تکمیل و نظامندہ پادرکل عجز و حیرت اولور و ہوائنہ اعدای دولت ایلہ
 دخی محار بہ اقتضا ایتمکین ملوک و سلاطین قوم و قبیلہ سنہ عا ئد اولان ایراد و عوایدی
 امور جہادہ صرف ایلہ تضییق ایتمدکدہ ہونلر دخی مصارف معتادہ لرینہ خرج و صرف ایلہ
 اتلاف ایتملر ایلہ جوایدہ عاجز اولوب و مؤاخذہ و مطالبہ دن برو جہلہ تخلص
 کریسان ممکن اولمغلہ ملوک و سلاطین ہونلری حبس و ضرب ایلہ تعذیب و تجریم
 و تفریم ایلہ خانمانلرین تخریب ایدوب مالک اولدقلری اموال و اشیائی علی وجہ المصادرہ
 ید لردن نزع و خزینہ بیت المسالہ وضع ایلبوب اینسا و اقرار بندن و خواص مقر بیندن
 مراد ایتمدیکی کسمرہ بذل و صرف ایدر بوسورتدہ تمہید مبائی دولتدہ ملوک و سلاطینہ
 یار و یاور و دلیر و دلاور اولان قوم و قبیلہ سنہ قوت و سطوتلرینہ قصور و مکنت و قدرت لرینہ
 و ہن و فتور ترتب ایدوب انلرک ضعف حالی دائرہ ملکہ سرایت و اختلال نظام سلطنتہ
 باعث اولور و کذلک دائرہ دولتدہ کہ حشمت و زینت حدی تجاوز ایدوب رجال دولتک
 ایرادلری حوایج زائدہ دن قاصر اولدقلدہ اول دولتک سلطانی ہونلرک ضرورتلری دفع
 و مضایقہ لرنی رفع ایچون عواید معتادہ دن زیادہ عطیہ و عائدہ لرنی توفیر و تکثیرہ محتاج اولور
 حال بوکہ ایراد دولت دفا تر خزینہ دہ مضبوط و مرسوم و مصارف معینہ بہ مصرف
 و معلوم اولوب زیادہ و نقصان قبول ایتمککہ تکمیل مصارف و ترتیب وظائف ایچون باج
 و خراجی تضییقہ احتیاج مقرر اولمغین احداث بدع و مظالم ایلہ عمل و امنارعا یا و برابا
 اوزرینہ تسلیط اولنور و ہوجہ ایلہ تحصیل اولان مبلغ دخی ایراد قدیمہ ضم اولندیغی تقدیر جہ
 اولدخی حد معینہ مقصور و عدد معلومہ محصور اولمغین برو جہ تکمیل مصارف زائدہ بہ
 توزیع و تقسیم اولدقلدہ حوایج اصلیدن فضلہ خرج و صرفلری حدی تجاوز ایتمککہ
 کفایت ایچوب بالضرورہ قلاع و ثغور دہ حفظ و حراستہ مأمور اولان اہل رباط و اصحاب
 جہادک مواجب معینلری حط و تنزیل و اسرافات زائدہ اتمام و تکمیل اولمغلہ دائرہ دولتک
 حارس و حامیلری قلیل و سقوط قوا ایلہ مزاج دولت علیل اولمغین حد و دولتدہ مکین کین
 فرصت اولان اهدا یا خود قلمرو سلطنتدہ موجود اولان اراذل و اشقیافر جہ بولوب
 ہنک استار ملکہ جسارت و ایصال کزند و خسارتہ باعث اولور * و کذلک فصول
 کتابدن فصل حضارتدہ ذکر ای تصمیم اولندیغی اوزرہ طبیعت بشر الوان شر ایلہ مألوف
 و متلون اولدقلدہ صحیفہ حالی حلیہ صلاحدن عا طل و شرور و مفاسدہ ما ئل اولمغین
 علامت عز و اقبال اولان خصال حیدہ جوہر نفسدن زائل و دلیل نحس و ادبار اولان
 اخلاق رذیلہ حاصل اولور بو تقدیر جہ مزاج دولتدہ علامت رذیلہ ظاہر اولوب
 استیلائی مرض مزمن ایلہ ترکیب ملکہ ضعف و ہرم مستول و اجل مسماسی حلوندہ
 امری منقضی اولور * و دخی اختلال مزاج ملکہ باعث اولان علل و اسبابک
 او چہیبسی بودر کہ طبیعت دولت دفع مانع و رفع منازع ایلہ نصابندہ قرار ایتمدکدہ نصکرہ
 راحت و سکون اقتضا ایتمدیکی ہوندن اقدام ذکر اولمغشیدی وقتا کہ قبیلہ دولت

فصل * فصل ثالثک اون بزنجی فصلی اول ملک و دولتده که مجد و شرفده *
 * استقلال و نعمت و راحتہ اشتغال مستحکم اولوب آفتاب عز و شانی غایت *
 * ارتفاع و اصل اوله کو کب بخت دولت اوج اقبالدن حضيض زواله مائل *
 * اولديغی بیاننده در *

بوامرک تحقیق و بیانی اوله در که اولاطبیعت ملک و دولت حکم و تصرفده استقلال اوزره حرکت مجبول اولدیغی بوندن اقدام مذکور و مسطور اولغله بر قومک ریسی داعیه ملک و دولت ایله خروج و ظهور ایتد کده مادامکه عصبه و قبيله سنی نائل اولدیغی هر و شرفده تشریک ایدوب حسن معامله و رفیق و ملائمت ایله قبلر نی تألیف و خاطر لر نی تطیب ایدہ تمهید مبانی دولتده جله سی بکلخت وفاق و همدست اتفاق اولوب حوزه ملکی حیاہ و اعدای دولتی مدافعه به اقدام و اهتمامده مستویة الاقدام اولور لر شویله که تشدید ارکان دولت ایله احراز دستمایه عز و شرفده زهرا به موتی جام حیسانه تقدیم ایدوب مطلب لر نی تحلفنده هلاک لر نی اختیار ایدر لر اما کار فرمای ملک و دولت اولان ذات رتبه رفیعه سلطنته اعتلا و اطراف ممالک اسنیلا ایدوب حکم و تصرفده منفرد و مستقل اولغله قوم و قبيله سنی مجد و شرفده تشریکدن تعزز و امتناع ایله بالجمله منافع ملک و دولتی کند و به قصر و حصر ایتمکین بر فردہ فضای اطلاقده اماله لجام تصرفه رخصت و برمیوب دست رد ایله بونلری خاکه بست و بو وجهه آینه خاطر لر نی شکست ایتد کده قبيله دولتک تأثیر عارضه حزن و ملال ایله سعی و اقدام لر نی فتور و جلادت و شجاعت لر نیه وهن و قصور عارض اولور کیدرک بو حالت مترقی و متزاید و قلوب ملوکده راسخ و متأكد اولوب مبادی ظهور دولتده اسلاف ملوک قبيله سی رجائسه تشریک جاه و نعمت ایله ظهور ایدن عنایت لر نی وانلرک دخی ترک سرو جان ایله سبق ایدن خدمت لر نی طول عهد ایله منسی اولغین قرن تا نبده کلن رجال خزینه دولتدن کندیلره تعیین و توزیع اولسان عطایای ملوکانه بی حیاہ دولت و خدمت معونت مقابله سنده اجرت ظن ایدوب عقول قاصره لرینه بوندن غیر ی معنایح اولماز حالبو که عوض و اجرت ایله بر فرد موت و هلاک اقدام ایتمک متصور اولماغله ابتدای دولتده اسلافک عصبیت و جلاد لر نی اخلا فده باقی قالمیوب بطش و شدت جن و هراسه مبدل و منقلب اولغله شوکت دولتده خلل ترتبه باهت و بادی اولور * وینه شجره مثمره دولتک نشو و نماسنه خلل ابراث ایدن و جو هک ایکجه بی بودر که بوندن اقدام ذکر اولدیغی اوزره طبیعت ملک و دولت جمع اسباب حشمت ایله تجمل و تزینی مقتضی اولغین نصاب دولت مرکزنده قرار ایتد کدن صکره اولیای دولت جمع اسباب حشمته میل و رغبت ایتملریله دخل و خر جلری کفنه میزان احتسالدده مساوی اولیوب مصرف لر نی ایراد لرینه غالب اولور شویله که فقر امی غائله فقر و فاقه و ضرورت مضایقه ایله هلاک اولوب اغنیاستک دخی خرج و مصرف لر نی ایراد لر نی مستوجب اولور کیدرک قرنا بعد قرن داعیه نفس و شهوت ایله حشمت و زینت مرز داد اولوب

اقامت ایدن صغار و کباری جل و نایقه و وارنجه اموال و املاکده استند کلری کچی حکم و تصرفدن منع ایدرلر و ظهور طور استقلال ملوک و سلاطینک مکنت و اقتدارلرینه و قوم قبیلہ سنک مدافعه و مخالفتده قوت و قدرتلرینه تابع اولغله گاه اولور که ابتدای دولتده ظهور ایدوب کاهیمه دخی ایکنجی اوچمی بطنده تخت نشین دولت اولان اخلاف و ابنای ملوکده ظاهر اولور لکن بهر حال یا اوائل دولت یا واسط سلطنتده ملوک و سلاطین ایچون طور استقلال ظهوری مقرر اولوب عادت الهیه بحرای حکمتده بومنوال اوزره جاری اوله کلشدر * اما ملوک و سلاطینک تمهید مبانی ملک و دولتدن صکره ترفه و نعمه میل طبیعی لری بوندن ناشیدر که طوایف امدن برکروه پرشکوه قوت قاهره ایله برملکنه تغلب و استیلا ایدوب کندیلردن مقدم اول مملکتک اهللسی بدلرند اولان اموال و اشیا به دست رس اولدقلرنده بونلرک نعمت و دولتی کثیر اولغله ضرورت عیش و ضیق معاشدن خلاص اولوب جمع اسباب تجملده تکلف ایله قدر حاجتدن زیاده حشمت و زینته رغبت ایدرلر و کندیلردن مقدم اول مملکنه مالک اولان رجالک اوضاع و اطوارینه اتباعه سعی و همت ایدوب اول مملکنده سلفلری زمانلرنده حوایج اصلیه مثابه منده اولان عادات قدیمه به مراعاة ایدرلر کیدرک مطاعم و ملابسده و بساط و اواینده اسلافک اطوارنی دخی تجاوز ایدوب ترفه و نعمده سابقت اسلاف ایله بینلرنده فخر و مباهات ایتدکلرندن ماعدا ساژاهل دوله دخی عرض افتخار ایدرلر و انقراض دولته دک بونلرک اخلاقی دخی اسلافده اقتدا ایدوب ملک و دولته قوتلری و حشمت و زینتده دقتلری مرتبه علی حسب المراتب نواله چین سباط عز و نعمت اوله رق استیغای حظوظ آمالده ممکن اولان رتبه په نائل اولورلر سنه الله فی خلقه * اما ملک و دولته راحت و سکون اختیاری بوندن ناشیدر که ملک و دولتک حصولی رجال سلطنتک سعی و طلبده همت و حرکتلرینه موقوف اولوب سعی و طلب دخی حصول مطلب ایله منتهی اولغله تعب راحت حرکت سکونه منقلب اولور نته کیم بو مضمونه مناسب شاعر دیمشدر که

* عجب لسعی الدهر بینی و بینها * * فلما انقضی ما بیننا سکن الدهر *

یعنی تعجب ایدر که دهر غدار کینه کذار بنم ایله محبوبه تک مبانی تبعید و تفریقده سعی بلیغ ایدوب بعدده دلخواهی اوزره مرادی حاصل و سعی و حرکتی غایتیه واصل اولدقلده همته فتور عارض اولوب جد و طلبی سکون و راحت مبدل اولدی دیمکدر بناء علیه رجال ملک و دولت دخی دسترس عز و نعمت اولدقلرنده بوندن اقدام مبادی ظهور دولته تکلف و تحمل ایتدکلری متاعب شدیدہ بی برطرف ایدوب راحت و حضوره طالب و ثمرات ملکی تحصیله راغب اولورلر شویله که مبانی و مساکنده و ملابس و مطاعمده زیاده دقت ایدوب انشای حیاض و غرس ریاض و بنای قصور ایله تحصیل دستمایه آسایش و حضور ایدرلر و اشبو سلاله سلطنتک اخلاف و ابناسی دخی بو طوره مألوف و مأنوس اولملریله حشمت و زینتده سلفلرنی سبق ایدوب اوقات حیاتلری ختام ملکه دک امن و حضوره مقصور اولور

معلوم اوله که تخت نشینان جاه و جلالک حکم و تصرفده استقلاله میل و رغبتی
 بوندن ناشیدر که فصول سابقه ده مرتبه بعد اخری ذکر اولندیغی اوزره دستمایه ملک
 ودولتک حصولی حجت و غیرت اهوان و انصاره منوط اولوب دعوائی ملک ودولت ایله
 ظهور ایدن ذاتک قریب و بعید قوم و قبیله سنی میدان مضافه شمشیریک غلافی اتحاد
 اولمیرینه موقوفدر شویله که اهل نسب واحد و قلب و قالبری متحد بر قاج قبیله بریره
 جمع اولدقده ایچلرندن بری عدد و کثرتده وقوت وسطونده سارینه غالب اولمی لازمدر که
 جمله سنی انک منصب ریاسته لیاقتنی اذعان ایتملر یله رقبه طاعتلرنی رقبه اطاعتنه
 تسلیم ایدوب اجزای جمعیتلری شیرازه و خدت ایله تفرقندن مصون اوانین قوت قاهره
 وسطوت باهره ایله ملک و سلطنته نائل اولورلر بواصرک تحقیقی بودر که واسطه
 ملک ودولت اولان قبائل عدیده نک اجتماع و اتحادی عالم کون و فسادده اجسام
 طبیعه دن معدن و نبات و حیوان ایچون حاصل اولان مزاجه مشابه برحالت اولوب مزاج
 دخی عناصرار به نک اجتماع و امتزاجندن حاصل بر کیفیت متوسطه در که حرارت
 و برودت و رطوبت و بیوسنده انواع مرکباندن هر نوعک طبیعتنه مناسب مقدار
 معلوم اختیار اولمشدر و کتب حکمتده بیان اولندیغی اوزره تحت فلکده موجود
 اجسام طبیعه نک اجزاسی اولان عناصرار به که نار و هوا و ارض و مادر حین اجتماعده
 مقدارلری مساوی اولوب ایچلرندن بری سارینه غالب اولدیغی تقدیرجه پذیرنده تألیف
 و امتزاج حاصل اولماز اما عناصرک بری سارلرینه غالب اولدیغی صورته انلری ضبط
 و حفظ ایله احیاز اصلیه رینه میل و حرکتدن منع ایدوب طبایع اشیاذه مزاج دیدکلری
 کیفیت حاصل و ترکیب نوعی کالنه واصل اولور کذلک قبائل و عشایرک بری دخی
 سارلرینه کثرت و قوتده غالب اولدقده جمله سنی انک تحت حکومتنه جمع اولوب
 اجزای کثرت شیرازه و خدت ایله مضبوط اولغین مجموعی بر عصبه حکمتده اولور
 و بین القبائل عزت و قوت دخی ایچلرنده اهل یت و ریاست اولان اشراف قومه
 مخصوص اولوب و اول قومک ایچنده دخی شرف حسب و نسب جهتیه جمله دن ممتاز
 بذات موجود اولغله مجموع قبائلک اوزرینه ریاست و حکومت ایله سر بلند
 و سرفراز اولور کیدرک کثرت اهوان و انصار و مزید قوت و اقتدار ایله رتبه رفیعه
 سلطنته نائل اولدقده اخلاق حیوانیه دن طبیعت انسانیده مرکوز اولان عنف
 و رعونت و غضب و شدت مقتضاسی اوزره دائره ملکده حکم و تصرفده برفردک
 مشارکتنه راضی اولمیوب سلطان نافذ الامر تختگاه استقلال اولور بوندن ماعدا اثبات
 توحید باریده واسطه العقده سلاک اعجاز اولان فریده کریمه * لوکان فیها الهه
 الا الله لفسدنا * مقتضاسی اوزره تعدد حکام موجب اختلال نظام اولدیغنه بناء
 مسند حکومتده حاکمک استقلالنی اقتضا ایتمکله مسند نشینان ملک ودولت اولان
 ملوک و سلاطین عصبه و قبیله سنی حکم و تصرفده مشارکتدن منع و زجره مجبول اولوب
 انلره فضای اطلاقده ارخای عنانه رخصت و برمزله و حوزة جسامه لنده خطر رحل

مملکت مزبور به سلالة بربریه دن متونه و موحدین ملوک استیلا ایتمکله اندلس اهل بسنک
 به نلرک تسلط و تغلب نلرندن دلکیر اولوب کانون درونلرنده آتش حقد و حسد مکمون اولمغله
 پس پرده کین خفساده زوال دولت موحدینه مترصد اولدیلهر و ملوک موحدین دخی
 اواخر سلطنت نلرنده بقایای رجال امویه دن بلده مراکشده ساکن قبائل هر بی دفعه
 مشغول اولمغله ممالک اندلسده واقع قلاع و حصونه کفره استیلا ایتمکین اندلس اهل بسنک
 موحدینه بغض و عداوت لری ازدیادنه باعث اولمشیدی بو اتاده اتباع ملوک امویه دن
 ابن هود و ابن اجر و ابن مر دیش و انلرک امشالی بعضی اشراف قبائل عرب دخی دیار
 اندلسده واقع بلاد و امصار دن بریه و بادیه یه نقل ایدوب آیین حضرتی طور بدو یته
 تبدیل ایله ترتیب اسباب حرب و قتاله مشغول اولدیلهر ایچلرن دن ابتدا ابن هود ترتیب جنود ایله
 قدم نزاعه قیام ایدوب عصر نده دار الملک بغدادده سلالة بنی عباسدن مسند نشین
 خلافت اولان ذاتک اطاعتنه اندلس اهل بسنی دعوت و موحدین اوزرینه خروج
 و حرکت ایتدکده ناس امر و دعوتنه اجابت و اطاعت ایتمکله موحدین اندلسدن اخراج
 و ابن هود بر وجه استقلال مالک تخت و تاج اولدی بوندن صکره ابن اجر دخی ابن هودک
 رأینه مخالفت ایله شهره عزیمتیه سد کشیده ممانعت اولوب ملوک موحدیندن افریقیه
 ملکی ابن ابی حفصک اطاعتنه خلی دعوت ایلدی و بو او فائده دیار اندلس سلطان
 ورعینه منحصر اولوب عصیبت اصحابی قبائل و عشایر قلیل اولمغین ابن اجر اقرار بدن
 رؤسا نامیه معروف اولان شردمه قلیله ایله خروج و ظهور ایلدی بوندن صکره سلطان
 ابن اجر موحدین وقتنده ممالک اندلسده کفره ضبطنه داخل اولان قلاع و حصونی
 استخلاص ایچون دیار غریبه زنانه قبیله سی رجالیله استظهار و استمداد ایدوب
 انلر دخی بحر ایله اندلس جاننیه کچوب سلطان ابن اجره امداد و اعانت ایتمغریله
 اول قلعه لری اعدایدن نزع و تسخیریه اهتمام و خدمت محافظه یه قیام ایلدیلهر
 بوندن صکره دخی ملوک زنانه دن مغرب سلطانی ولایت اندلسه استیلا قیدنه دوشوب
 ابن اجر دخی سابقا دیار غریب کنندویه امداده کلن بعضی قبائل زنانه ایله مغرب سلطانی
 دفع و منع ایتمکین عز و تمکین ایله پیار بالش نشین اورنک سلطنت اولدی اندلس
 اهل بسنی ابن اجرک جلالت شان و سمو مکان ایله رتبه رفیعیه ملک و دولتمده تمکین
 و ثباتی مشاهده ایتدکلرنده اطاعت و انقیاده مضطر اولوب منازعه و مطالبه دن
 عاجز اولمغریله واحدا بعد واحد الی یومنا هذا اولاد و اعقابی سریر ملک و دولته
 متصرف اولدیلهر و مملکت اندلسده قبائل و عشایر قلیل اولوب غائله اختلاف
 و اختلال و دغدغه قیل و قال بر طرف اولمغله سلطان ابن اجر ابتدای ظهورنده
 کثرت عصیبتدن مستغنی اولمشدر و الله غنی عن العالمین

❖ فصل ❖ فصل ثالثک اونچی فصلی طبیعت ملک و دولت مرکزنده قرار
 ❖ ایتدکلن صکره انفراد و استقلالی موجب اولوب سرور و حبور و راحت
 ❖ و حضوره میل و رغبتی مقتضی اولدیغین بیان ایدر ❖

(ان افریقیة مفرقة لقلوب اهلها) کلامیله قبول احکام اسلام واطاعت حکام انامده بونلرک هتف ورعونتلرنی یان یوردیلر اماظهور دولت اسلامده مملکت شام و عراق بریه افریقیه کی مختل النظام اولیوب بونلرک سکان واهالیسی مدن وامصارده مر بی فرس و روم طائفه لری اولغله صدر اسلامده جنود موحدین بونلری اخذ واسیر و مملکتلرنی بدلرندن نزع و تسخیر ایتدکرنده قلاده اسلامی قبول و دائرة اطاعته دخولده ثابت اولوب و تیره و فاقدن کر یوه نفاقه عدول ایتدیلر لکن دیار غریبه و مملکت افریقیه ده ساکن قبائل و عشایر دائرة عد و احصادن خارج اولوب و بو دیارک اکثری بادیه و بریه و اهالیسی عشایر بریه اولغین هر نه زمانکه اچلرندن برقبیله دفین خاک هلاک اوله قبیله اخری جانشینی اولوب طور و دینده قبیله اولییه مخالف رأی باطله به میل ایتلریله مملکت غریبه طائفه عرب تمهید دولت اسلامده زجت و مشقت چکدیلر کذلک عهد بنی اسرائیلده ممالک شام دخی افریقیه کی طوایف موفوره ایله مشهون اولوب بلاد جزیره و موصل جانلرنده فلسطین و کنعان و بنی عیصوا و بنی مدین و بنی لوط و ادوم وارمن و عالفه و اکریکش و نبط طوایفندن سطوت و شوکت اصحابی قبائل کثیره موجود اولغله طائفه بنی اسرائیل بونلرک اوزرینه اسنیلا ایتدکده تشبید بنیان دولت و تمهید مبانی سلطنتده صعوبت چکوب مره بعد اخری طوایف مذکوره بنی اسرائیلک اوزرینه خروج ایتدیلر کیده رک شراره شروفساد بنی اسرائیله دخی سرایت ایدوب بونلر دخی ملکری اوزرینه خروج ایتلریله ایام تسلطلرنده دولت و سلطنتلری و تیره نظام و انتظامدن خارج اولوب اخر کار ایتدا فرس بعده یونان بعده روم طائفه لری نونلری اخذ و کرفته بند زنجیر تسخیر ایلدی و الله غالب علی امره اما قبائل و عشایردن خالی اولان بلاد و امصارک احوالی اشبو ذکر اولنان مواضعک حال و شاننه مخالف اولوب اول مواضعده هجوم قبائل ایله دغدغه قیل و قال و غائله حرب و قتال اولغله تمهید بنیان دولت و تشبید ارکان سلطنتده سهولت اولغین ملوک و سلاطین امن و راحت اوزره آسوده نشین متکای سلطنت اولوب حفظ دائرة ملکده کثرت عصیبتدن مستغنی اولورلر نه کیم حالا ممالک مصر و شام قبائل و عشایردن خالی اولغله ملک مصر غایبه الغایه امن و اسایش اوزره اولوب سلطان ورعیته منحصر در و ممالک مصر حالا و قتمزده ملوک اترک ضبطنده اولوب تاج و تخت دولت و احدی بعد واحد اسلافدن اختلافه نقل ایدر لکن تبرکا و تیمنا هصرلرنده بغدادده موجود ابنای خلفای عباسیه دن تقلد سیف سلطنت ایدوب رؤس منابره خطبا خلیفه عباسی اسمنی دخی ذکر ایلرلر کذلک حالا و قتمزده اندلس مملکتک احوالی دخی ممالک مصر و شام کی اختلاف اراء قبائل ایله اختلافدن خالی در ز بر اندلس ملکی سلطان ابن اجر ابتدای دولتده قوت عصیبت و مزید قوت صاحبی اولیوب فرمان فرمای ممالک اندلس امویه رجالدن و اول دولته منسوب بیوت عربدن باقی برخانده نشئت ایتددر * بوامرک اصلی بویله درکه وقتا که انقلا ب حوادث ملوان و اختلاف نواذب حد ثان ایله ممالک اندلسده امویه دولتی منقرض اولوب

موحدین صنهاجه نك تحت حكومتلرنده واقع قلعه و بجایه نام مملكتلره اسنبلا ایتدیكى
 وقته كلنجه صنهاجه دولتی دیار غریبه برقرار اولدی و حالاً عصر مزده موحدین دولتی
 دخی کثرت اعوان و انصار و وفرت بلاد و دیار ایله ابکیوز یتیش سنه به قریب مدتدرکه
 آفتاب عز و اقباللری مغرب زمینده منخسف عقده زوال اولماشدر فعلى هذا القياس
 صحیفه عالمده هر دولتسك عمر طبعی عیبسی و بقای ذاتیسی اصلنده اول سلاطنتك تمثیلت
 مبانی عز و اقبالنه ساعی اولان رجالك قلت و کثرتده تفاوتلرینه تابع اولوب سنت الهیه
 و عادت ربانیه بومنوال اوزره جاری اولشدر

❖ فصل ❖ فصل ثالثك طغوزنجی فصلی عصیبت اصحابی قبائل و عشایر کثیر اولان ❖
 ❖ محاربه بنیان دولتك ثبات و استحکامی قلیل اولدیغی بیاننده در ❖

بوامرک سببی اولدرکه قبائل و عشایر ینلرنده اختلاف آرا و تعدد رؤسا ایله اکثر اوقاتده
 اختلال عظیم واقع اولوب و هر قبیله کندی رأی و غرضی اجرا قصدیله قدم نزاعه قیام
 و طرف خلافتده بولسان قبیله بی اهدامه اهتمام ایله پیرامن دامن ملکه تعرضدن خالی
 اولوب هتک ناموس دولت و خرق استار سلطنته بادی درلو درلو فسادلره جسارت ایدرلر
 واکرجه قبائل و عشایر موفوره ایله مشغول اولان محاربه واقعه ملوک و سلاطینه تابع
 قبائل کثیره موجود ایسه ده لکن هر قبیله کندیله زیاده قوت و مکننت ظن ایدوب
 فطرتلرنده مرکوز اولان حیت جاهلیه ایله دعوائی ریاسته تصدیقن خالی اولمغین
 قدح زناد جور و فساد و اشغال نائرة بغض و عناد ایله خانمان دولتی بر باد ایدرلر
 بو خصوصه افریقیه ایله مغرب زمینده صدر اسلامدن بووقته کلنجه سبق و کذران ایدن
 وقایع عظیمه شهادت ایدرکه دیار غربک سکانی طوایف بربریه اولوب ابتدای اسلامده امرای
 عربدن ابن ابی سرج دین اسلامه دعوت ایله طوایف افریجه و بونلرک اوزرینه رفع لوای
 ظفر التوای غزا ایتدکده فوز و ظفر ایله غلبه میسر اولمغین طوایف بربریه قبول ربقة
 اسلامه فائز اولدقدن صکره مدت قلیله مرورنده مره بعد اخری بونلر دین اسلامدن
 ارتداد ایله فتنه و فسادله آغاز ایدوب و هر دفعه ده دستباری عون باری ایله لشکر اسلام
 بونلرک نائرة کفر و فسادلرین اطغسا ایلدیلر عاقبت بونلر مرکز اسلامده پا برجای قرار
 اولوب غائله ارتداد برطرف اولدقدن صکره دخی بنه دائرة ادیدن خروج ایدوب اشنع
 اهل بدع و هوا اولان خوارج مذهبه میل ایله مره بعد اخری خروج و ظهور ایلدیلر
 ائمه مالکیه دن ابن ابی زید نقلی اوزره دیار غریبه قبائل بربریه اون ایکی دفعه مرتد
 اولوب شجره طیبه اسلام بونلرک ساحه ضمیرلرنده پر وجهله ثابت اولدی تا اولوقته دك که
 مرد دلیر موسی بن نصیر خطه افریقیه بی ضبط و تسخیر ایدوب بمن قدم شرفلر و ملر ایله
 مغرب زمین مشرق شمس دین اولدقدن قبائل بربریه کر بویه کفر و نفاقدن مسلک رشد
 و هدایه سالك اولدیلر حتی خلیفه منیع الجباب عمر بن الخطاب رضی الله تعالی عنه
 حضر تبری مملکت افریقیه اها لبسنک افتراق کله ایله اختلافلرینه اشارت نیوروب

و حجازه مالك اولديلر كذلك بونلردن صكره دخي ينه ديار غريده قبائل بربر به دن زناه
 دولتك اعوان وانصارى ابتدای ظهور رنده من جهة العدد طائفه مصامده دن
 اقل اولغله زناه ملوكى وسعت دائره ملكده موحد بندين قاصر اولديلر وكذلك حالا
 وقمرزده ديار غريده موجود ملوك زناه اولادندن بنى مرين و بنى عبدالواد دولتلىك حال
 وشانى دخي ذكر اولنان منوال اوزره دركه بنى مرينك ابتدای ظهور رنده اعوان وانصارى
 بنى عبد الواد رجالدندن اكثر وازيد اولغله بنى مرينك مسافه ساحه دولتى بنى عبد الواد دن
 اوسع واعظم اولوب مره بعد اخرى حروب ومغازيده بنى مرين انلره غالب اولمشلردر
 منقولدر كه بنى مرينك ابتدای خروجلرنده عددلى اوچ ييكه و بنى عبدالوادك انجق
 بيك نفره بالغ اولوب لكن دفع غائله حروب ايله تمهيد مسافى ملك ودولت مبسر اولوب
 آسوده نشين ارامشكاه راحت وحضور اولدقدن صكره كثر اتباع ولواحق ايله عددلى
 دخي زياده اولدى اما وسعت ملك ودولته اعتبار ابتدای ظهور سلطنده واقع اولان
 قوت وكثرته وضعف وقتسه راجع اولوب صكره ظهور ايدن اطوار اصل اوله تفرع
 ورتب ايدر * و دخي معلوم اوله كه هر ملك ودولتك طول وامتدادى ودوام وبقاسى دخي
 اعوان وانصارك كثر وقوته تفاوتلرينه تابعدر زيرا عالم طبيعته دائره وجوده قدم
 نهاده شهود اولان حوادث اكوانك يعنى انواع حيوان وانسانك عمر طبيعلى قوه
 مزاجلرينه تابع اولدبغى كى مزاج ملك ودولت دخي اركان سلطنتك غيرت وحيت ايله
 اجتماعدن حاصل قوه عصبيتدن عبارت اولغله عصبيت عشيرت قوى اولدقده
 عمر دولت دخي مديدومزید اولور وینه امتداد زمان دولتك برسبب صحیحی بودر كه
 بردولتك آفتاب عز واقبالى طلوع ايتد كده يوما فيوما نور وضيائى هر كز نخت
 سلطنتدن اطراف وآفاقه منبسط ومنشور اولوب قطع مقطرات اقبال ايله غایت ارتفاعه
 واصل اولور بعده اوج اجلالدن حضيض زواله رجوع ايتد كده ظل ممدودى اطراف
 ملكدن هودت وهر كز نخت دولته رجعت ايدر بنشاء عليه اول ملك ودولت كه دائره سى
 عظيم ومملكتي كشيروله اول دولته تابع واطراف واقطارنده واقع ديار وممالك دار الملك
 سلطنتدن زياده بعيد اولغله سرحدلر ده موجود ثغور وقلاعه اهدا مستولى اولدبغى
 تقد برجه طول مسافه يا تخلل مصالحه ايله مقر سلطنته دشمنك هجومى وقت مديده
 محتاج اولوب اول دولت وسلطنتك عمرى مزید اولور نته كيم صدر اسلامده دول عظيمه دن
 دار السلام بغداد ده بنى عباس وجزيره اندلسه بنى اميه دولتلىك كثر فتوحات
 ومغازى ايله اشرف اقاليمه مالك اولوب در تبوز سنه دن زياده سلطنتلى ممتد اولدى
 كذلك ديار غريده خلفاى فاطميين دن عبيديين دولتى دخي ايكوز سگسان سنه مقدارى
 فرما نرواى مسند عز وتمكين اولديلر كذلك بونلردن صكره ينه ديار غريده صنهاجه
 دولتى دخي مدت مديده اريكه پيراي عز واقبال اولوب خلفاى عبيديين دن معد معز نام
 سلطان عالم مقام قلاعه حكومت افريقيه بنى ملوك صنهاجه تك اولى بلكين بن زيرى به
 اوچبوز اللى سكر سنه سنه ابتدا تقليد وتفويض ابتدكى وقتدن بشبوز اللى تاريخنده ملوك

جهانتاب ملك عرب زواله ايردى بونلردن مسكره شرق وغربده واقع اولان دول
اسلاميه دخی بومنوال اوزره ظهور ايدوب هر ملك ودولتک اعوان وانصارنك قلت
وكثر تلى ومكنت وقدرتلى اعتباريله ممالك ربع مسكوندن ضبط ونسختير ايتدكلى
مملكته عسکرلنى توزيع وتقسيم ايتلريله عددرلى نايته وقوتلى نهيته بالغ اولدقده
حدودلنى نجاوز ايله مطالبه ومطالبه دن عاجز اولمق اوزرينه عادت الهيه جارى
اوله ككشد

❖ فصل ❖ فصل ثالث سکن نجي فصلی امتداد وقت دولت واتساع دائره مملکت ايله ❖
❖ ارتفاع شان سلطنت اول ملك ودولتک مباني عز وشاقتى تمهيد ساعى اولان رجالک ❖
❖ قلت وكثر تلى اعتبارنه مبنی اولديغى بيانده در ❖

بوامرک سروسپى اولدرکه بنیاد کارگاه ملك ودولت عصبينه منوط وتعاون وتناصرده
خيرت وحيت عشرته مریوط اولديغى بوندن اقدام مره بعد آخرى ذکر وتفصيل
اولنمشيدى واهل عصبیت حيت وغيرت اصحابى رجالدن عبارتدرکه بعضيلرى
پای تخت سلطنتده ملازم رسکاب دولت وبعضيلرى دخی اطراف واکافده
محافظة غور مملکت اولوب قلمرو ضبط ونسختيره داخل اولان ممالکى حفظ وحراسته
مأمورلردر پس هر ملك ودولت که انک اعوان وانصارى کشير وموفور اوله انلرک
سطوت وشوکتى محکم وقوى واطراف وجوانى منبع ومحمى اولوب مملکت وولايتلى
واسع وحوزه خايه لرى منسج اولور تته کيم پادشاه ملائک سپاه تخت نبوت وسلطان عالی
علم سرير رسالت عليه افضل التحية حضرتلى دعوت عامه وبعثت کافه ايله مشرف
اولوب کلمه عرب ملت يضاى اسلام اوزرينه جمع وتالیف اولندقده آخر غزوات
مبارکلى غزوه تبوکده قبائل مضر ومحطاندن فارس وراجل عدد مسلمين بوز اون بيک
نفره بعده زمان تشریف هجرتسرای علبينه دک دخی زياده مرتبه يه بالغ اولغله شيردلان
اهل اسلام اطراف واکافده واقع کفره ومشرکينک يدرنده اولان ممالکى مطالبه قصديه
خروج ايدوب سل سيف وغاز ورفعلواى غزا ايتدکلرنده بونلرک شهره عزمتلرينه بر حصن
حصين حاجز وحائل اولوب شمشير خونباش مغز خراش ايله رؤس رؤسای روم وفرسى
حباب جويبار قهر ودمار ايدوب بوايکى دولت عظيجه يى آرزمانده محو وافنا ايلدبلر
بعده ديار شرقده کفره اترک بى ادراکى وممالک غربده طوايف افرنج وبربريه يى وجزيره
اندلسده قوط کفره سنى قهر وتدمير ايدوب فوج قلمر موج اسلام خطه حجازدن ديار
غربده سوس اقصابه منتهى وديار ايمن بندن اقصابه شمالده ممالک ترکستانه مستولى اولدبلر
بونلردن مسکره خلفای فاطميين ملوک عبیديين ايله صنهاجه وموحدین دولتلرينه نظر
اولنسونکه اوائل عهد اسلامده عبیديين دولتنى اقامته سعى وهمت ايدن قبائل بربريه دن
کلامه قبيله سى عدد وکثرته صنهاجه جماعته واعوان موحدین اولان مصامده
عشیرته غالب اولغله خلفای عبیديينک دائره ملک ودولتلى صنهاجه ايله موحدین
سلطنتلردن اعظم اولوب ابتدا مملکت افرقيه وغرب اقصابه بعده ديار مصر وشام

❖ وجزاه ❖

اطراف واقطاره واصل و مکنت و قدرت مرتبه سی قبح و ظفر حاصل اولدقده زیاده سنی
 طلبدن عجز و قصور ظاهر اولور نته کیم اجرام نیره دن برجرم ضیادارک مرکز و وسطندن
 مقابلنه انوار و اشعه منعکس اولدقده مرکز محاذی اولان محله نور و ضیاء تک حصولی
 قوی و اطرافه عکسی ضعیف اولور کذلک برحوضک دروننده مخزون اولان آبک و سطنه
 حجر و مدرکی بر جسم ثقیل القا اولنسه سطح ماده ظاهر اولان دوائر موجه تک مرکز
 و وسطلرده تصادم و تدافعی شدید اولوب کلا حوضه منبسط اولدجه اثری ضعیف اولور
 * بوندن صکره بودخی معلوم اوله که مزاج ملکه ضعف و خلل ابتدا اعضا و جوارح مقابله
 قائم اولان اطراف و کافدن ظهور ایدوب مادامکه مشیت علیه الهیه ایله مرکز دائرة
 دولت و کرسی ممالک سلطنت استیلای اعدادن مصون و محفوظ اوله اول دولتک اصل
 و اساسی باقی اولغله بنیان نظامی مصون الاندراس اولور اما اول امرده تخت دولت
 و مقر سلطنته اعدامستولی اولوب قوای ملک بو وجهله مختل اولسه اطراف و جوانبک
 بقای مفید اولوب وهله اولی ده عرضة وهن و اندراس اولور زیر تخت دولت بدن انسانده
 منبع حیات اولان قلب مقابله قائم اولغین تقدیر مقلب القلوب ایله قلبه فساد عارض
 اولدقده اعضا و جوارح مختل و ترکیب بدن مختل اولور بوامرک صدق و حقیقتی فرس
 دولتنده ظاهر اولور که صدر اسلامده شیردلان اهل ایمان بحسوس مهوس فرس اوزرینه
 رفع لوای غزا ایدوب اول امرده مقرر ملک و دولت و دارالملک سلطنتلری اولان مدینه مداینی
 قبضه ضبط و تسخیر کتور ملریله آخر اکا سره اعجام اولان یزد جرد لعینک یندنه باقی
 قالان ممالک کندویه فائده و برمیوب بالجمله داخل حوزه بهادران اهل ایمان اولغله وهله
 اولی ده سلسله اساسیان اوراق خزان کچی پراکنده و پریشان اولدی اما روم
 کفره سنک احوالی بوامرک عکسی اوزره واقعدر که صدر اسلامده دارالملک قیصره روم
 محبیه قسطنطنیه اولوب ممالک رومدن سرحد اسلامده واقع خطه مبارکه شام داخل
 حوزه اهل اسلام اولدقده طائفة روم مقرر سلطنتلری اولان مدینه قسطنطنیه ده تجمع
 و تحصن ایتمریله مملکت شامک یدلرندن اخذ و انتزاعی بونلرک زوال دولتلرنی موجب
 اولیوب ملک و دولتلری وقت مقدره دک پایدار اولدی وینه مدطامزه ابتدای اسلامده
 طائفة عربک حال و شاننی دخی شاهد درک ظهور شوکت دین محمدی ایله قبائل عرب
 اعلائی کلمة الله فصدیله اطراف واقطاری رایت افراز جهاد اولدقلرنده هددری کثیر
 و موفور اولغین مملکتلرینه مجاور اولان ممالک شام و عراق و مصره مستولی اولوب
 بعده دلالت قائد توفیق ایله ممالک سند و حبشه و افریقیه و مغرب زمینی اندن اندلس
 و لایتلرنی قبضه ضبط و تسخیر کتور دیلر لکن بوندن زیاده ممالک ضبطنه هددری
 وافی و قوتلری کافی اولماغله رخس عزیزتلی حد و قوفده قرار و نصاب دولتلی
 مرکزنده استقرار ایلدی بنه علیه فتوحات و مغنازیده بکنطوه سرحدلری تجاوزه قادر
 اوله میوب برمدت ممالک مزبوره تک نظامنه شد نطایق اقدام و شمیر ساقی اهتمام ایدوب
 بعده علی التدریج ظل افتاب دولتلی سرحد اسلامدن عود و رجوع ایدرک خورشید

وقهر ایله دخول ایلوب ابتدای ظهورندن قرق کون تمامنده قتل واعدام وهالکین
 اواین کبی لقمه نهنک انتقام اولدی * معلوم اوله که عالمده بومقوله مدعیلر کثیر اولوب
 لکن اعتلای رتبه رفیعہ ملک ودولتده اصل اولان سطوت وهصیت اعتبارندن غافل
 اولمربله مدت بسیره ده جعیلری محو ومضمحل اولور خصوصاً که خروج وظهوردن
 قصد وغرضلری خیره مقرون اولوب مکر وتزویرہ مبنی اولدیغی صورتده شروع
 ایتدکلی امرک اتمامی مبسر اولوب سوء صنیلرینک جزاسنه البق واول اولورلر وذلك
 جزاء الظالمین

﴿ فصل ﴾ کتاب اولک فصل ثالثک یدنبی فصلی هر دولت وسلطنتک قوت
 ومکنتی اعتباریله ممالک و دیاردن بر حصه معینه سی اولوب اندن زیاده محلله تجاوز
 اولندیغی صورتده حفظ وحجابہ ممکن اولدیغی یساننده در ﴿

بوامرک سروسببی اولدرکه بر دولتک ابتدای ظهورنده تمهید مبانی عزواقبالنه
 ساعی اولان اعوان وانصار اطراف واکافده مستولی اولدق لری ممالکی اعدادن
 حفظ وحراست واموال مسیره بی جبایت ایچون اول مملکتلره توزیع اولتمق
 لازمدرکه منتهای حدود دولتده واقع اولان قلاع وحصون اطالاه دست تعدیدن
 مصون ومأمون اوله بوتقدیرجه بالجلسه طوایف عسکر به اطراف واکافده واقع ممالکه
 منتشر اولوب داخل حوزه تصرفلری اولان قلاع وثغورندن هر برینه کافی وحفظ
 وحراسته وافی اوله جق مرتبه به بالغ اولدقده بهر حال مبلغ اعداد رجال منقضى وسرحد
 کرسی مملکت اولان محملره منتهی اولغله ماوراسنی ضبط وتسخرندن مکنت وقدر تلی
 قاصر اولور اگر بوندنصکره اولبای دولت حد ودملکی تجاوزه جواز کوسستروب
 یدلرنده اولان ممالکدن زیاده محملره وضع قدم اقدام ایدرلر ایسه ضبط وحجابہ به کافی
 عسکر لری اولمغله جوارلرنده واقع اعدای کین کسذاره کین فرصت اولوب شکاف
 دیوار دن سر بر آورده ظهور اولان ماردم بریده کبی بروقت خالیده اولمغله خروجه
 جسارت وزهرايه فسادلری اطراف بدن ملکه سرایت ایدر اما اگر اعوان ملک
 ودولت کثیر وموفور اولوب سرحد وسنورلر ده واقع قلاع وثغوره توزیع وتقسیم ایله
 عددری منتهی اولماز ایسه اول دولت وسلطنتک قهر وتغلب ایله سرحدلره مجاور
 اولان محملری ضبط وتسخریره قوت وقدر تلی وافی وحارس وحامیلری کافی اولوب
 توسع ممالکده نطابق همتلری واسع ومنسع اولور * بوامرک سبب حقیقیسی اولدرکه
 مدار نظام ملک ودولت اولان قوت عصیبت که اعوان وانصار سلطنتک اجتماع وانحادلرندن
 حاصل وقوای طبیعیہ کبی شدت وضعنی قابل برکیفیت اولمغله خارجه طبایع
 اشیادن ظهور ایدن افعال واثارک شدت وضعنی قوالرینه تابع اولدیغی کبی دائره ملک
 وسلطنتک وسعت وامتدادی دخی سطوت وشوکتده قوتلرینه تابعدر ملک وسلطنتک
 مقر دولت وکرسی مملکتده شوکت وسطوتی وعسا کرک کثرت ووفرقی اطراف واکافه
 نسبت ایله غالب اولغین تسخریر بلاد وتکشیر سواد ایله مرکز دولتدن قوت وسطوت

اعلان ایلدی بو وقعه تاریخ هجرتک ایکوز برنجی سنه سنده ابراهیم بن مهدینک بیعت
 اهل بغداد ایله خلافتی وقتیه مصادف اولغله ابراهیم سهل بن سلامه نک اوزرینه تجهیر
 جیوش ایدوب قهر و غلبه ایله اخذ و اسیر ایتدکن صکره بنه مرجه جرم و جناپنی
 عفو ایله قتلدن ازاد ایلدی * بوندن صکره اندیشه خام و فکر بی نظام ایله قتی چوق
 کسنهل بومسلکه سالك اولوب دفع شر و تغیر منکر داعیه سبیله پی در پی خروج
 و ظهور ایلدیلر لکن بومقوله دعواک حصول و قیامنده سطوت و شوکت و قوت و مصولت
 لازم اولدیغندن غافل اولوب انجام کار و نتیجه حالدن ذهول و غفلت ایله هیولای امیدلری
 صورت پذیر حصول اولدی بویله مدعیلک دفع و رفعنده رأی صواب بودرکه اصر
 بونلرک دعواری وسوسه و سودا و هلت خولسادن ناشی ایسه بیارستانه وضع و مذاوات ایله
 مزاجنی تعدیل ایدوب والا داعیه حب جاه و ریاست ایله تحریک فتنه و فساد مبنی ایسه
 یاقتل و ضرب ایله تعذیب و تکلیل یا شاهد زورکی تشهیر و تذلیل ایدلر بونلرک بعضیلری
 دخی آخر زمانده ظهور و خروجی معروف و مشهور اولان مهدی اولیق اوزره یاخود
 طرفندن دعوته مأمور اولیق دعوا سبیله خروج ایدوب ژاژ خالی لاف و کذاف اولورلر
 مع هذانه مهدینک حقیقت و ذاتی ونه احوال و صفاتی معلومی اولوب دعواری جنون
 و سودایه بلوسوسه و خولیا به مبنی در و اکثری دخی مهدی زمانم دیو نهفته ضمیر لری اولان
 مکر و تزویری صورت حقه تصور ایدوب قلوب قاسیلری حب جاه و ریاست ایله
 متلی و نیل مرآمده اسباب عادیه به تشبندن عجز و قصور لری ظاهر و مخفی اولغله بومقوله
 فکر عاقل و دعوای باطلی حصول مراملرینه سبب ظن ایدرلر بیلرلرکه احداث
 ایده جکلری فتنه و فسادک ضرر و زیانی کندیلره عائد اولوب زمان پسیرده جزای
 سزالی ترتیب و ضرب شمشیر تیز ایله تعذیب اولملری مقرر در و دخی اشبو مائه سابعک
 او اولنده مدینه سوسده مشایخ صوفیه دن توزیری نام بر شیخ ظهور ایدوب آخر زمانده
 خروجی منتظر اولان مهدی اولیق اوزره ادما ایلدی و بودعوا به شروع ایتزدن
 مقدم مکر و حیله سنی تحقیق و فطما بعد ظهور ایده جک تسویلات شیطانه سنی تصدیق
 و ترویج قصدیله مهدینک زمان خروجی قریب اولوب مدینه سوس جوارنده ساحل
 بحر ده واقع بر مسجد دن ظهور ایده جک در دیو خبر و پروب عوام ناسدن نیجه ضعیف
 العقل آدم لری دعوغ بیغروغنه توطین نفس ایتدر مک ایله خروج و ظهورینه منتظر
 اولدیلر بعد مدت قلیله میورنده مسجد مزبوره دخول و بودعوا به شروع ایدوب
 طوایف بر بریه دن مصاعده قبیله سی پروانه کچی بونک اطرافنه جمع اولدیلر بعده قبیله
 مذکوره نک رؤسای اتساع دائرة فتنه و فساد دن خوف ایدوب اولوقنده قبیله
 مصاعده نک رأس رئیس لری اولان عمر ساسکیوی مدعی مزبوری خفیه فرا شننده
 قتل ایله چرکاب فسادندن پیرامن دامن ساهره غبرای تطهیر ایلدی و کذلک ینه مائه
 سابعه او اولنده غماره قبیله سندن کابوس منحوس کچی عباس نام بر مرد عبوس مهدی
 زمانم دیو خروج و ظهور ایدوب سفهای قبائل غماره بلادندن بادس نام بر بلده به جبر

منع و تحذیر ایدوب برینہ او علی موسی نام صغیرك اسمی ذکر اولمقی اوزره تنبیه ایلہ ترتیب
 خلافتدہ باباسی رشیدك عهدنی تغییر ایلدی بوندن صکره ینلرنده آتش بغض وعدوان
 زیادہ فروزان اولمقله امین دارالخلافتدن مأمون ایلہ خراسانده محاربه ایچون تجهیز
 جیوش ایدوب اوزر لرینہ امرادن علی بن عبسای سر داروسپهسالار ایلدی بو ائشاده
 مشاهیر وزرا دن طاهر بن حسین مأمون طرفندن ری شهر نده والی اولمقله علی بن
 عبسی محل مزبوره واصل اولدقده طاهر ایلہ ینلرنده محاربات شدیدہ جریانندن صکره
 نسیم فوز و ظفر طاهر طرفنده ظاهر اولوب علی بن عبسای قتل و اعدام و سر مقطوعی
 خراسانده مأمونہ ارسال ایلہ کیفیت حالی اعلام ایلدی بعده طاهر بن حسین مأمون
 طرفندن لشکر بسیار و عسکری شمار ایلہ حوالی بغدادده ضرب خیام آرام ایدوب اشغال
 نائرة حرب و قتال ایلہ امین قتل و اعدام اولدقده نصکره مأمون بن هارون چاربالش نشین
 اورنك خلافت اولدی بوندن نصکره مأمون خلیفه خراسانده ائمه اهل بیت نبوندن علی
 رضا حضر تفرنی ولی عهد ایدوب منصب خلافتی سلسله عباسیه دن سلاله علویه به
 نقل و تحویل ایتدیکی خبری دارالسلام بغدادده واصل اولدقده بنی عباس مأموندن روگردان
 اولوب مأمونی خلافتدن خلعه قیام و ابراهیم بن مهدی به بیعت ایلہ مصلحتی اتمام ایتدیلم
 مأمون بو ائشاده خراسانده بولمقله کیفیت حال معلومی اولوب بو غائله هائله نك دفعی
 قصدیلہ دارالخلافته عود و رجعت ایدنجه زمان مرور ایتمکین دارالسلام بغدادده
 بر مرتبه هرج و مرج واقع اولدیکه اراذل و اشقیاء اهل عرض آدمیره اطالاه دست تعدی
 ایدوب و قطاع طریق ابناء سبلك مرور و عبورینہ ممانعت و اموال و اشقیاء بن نهب
 و غارت ایلدیوب اسواق بغدادده علنا بیع ایتدیلم اهل بغداد دفع غائله فساد ایچون امر
 و حکامه نظم و استعانت ایدوب و حکام دخی عدم قدرت ایلہ بسط معذرت ایتمکین اهل دین
 و صلاح دفع ظلم و فساد داعیه سبله هقد مجلس جمعیت و اجاله اقداح مشورت ایتدیلم
 ایچلرندن خالد در پوش نام برکسه بو مصلحتک اتمامی التزام ایلہ قدم اهتمامه قیام وناسی
 امر بالمعروف و نهی عن المنکره ترغیب و اقدام ایدوب خلق دخی اجابت ایتمکین اشقیاء ایلہ
 محاربه و مقاتله به قیام و ضرب و قتل ایلہ نام و نشا نلرین صحیفه مالیدن محو و اعدام ایلدی
 بوندن صکره سواد بغداد اهل بسندن ابی خاتم سهل بن سلامه الانصاری دینکله معروف
 برکسه دخی امور سلطینی جمع و تلقیق داعیه سبله بویننه بر مصحف شریف تعلیق ایدوب ناسی
 کتاب الله و سنت رسول آله ایلہ عمله دعوت ایلدی اشرف بنی هاشمدن و سایر اوساط ناسدن
 جمع کثیر و جم غفیر سهل بن سلامه نك دعوتنه اجابت و امرینه اطاعت ایتمیله سهل مأمونك
 وزیر اعظمی طاهر بن حسینك سراینه نزول و انده دیوان ایدوب اطراف بغدادی اتباع
 و اعوانی ایلہ دور و طواف و اراذل و اشقیاء طعمه تیغ خارا شکاف ایلدی برکون ابتدا خرورچ ایدن
 خالد در پوش سهل بن سلامه نك وضعنه تعریض طریقیلہ بن سلطان ائام و خلیفه اسلامه
 قدح و طعن ایلہ تعیب ایتم دیوب سهل دخی خالده جواب سیاقنده لکن بن کتاب و سنته مخالفت
 ایدن کسه رایله کائنا من کان مقاتله ایده رم دیو سلطان ورعبت نظر نده مساوی اولدیغی

وخامس اولوب آخرته دخی مثاب وما جور اولازلر زیرا الله سبحانه وتعالی حضرتلری
 انلرک حکام وولایه اوزرلر بنسه جمعیت ایله خروج و ظهورلرینی فرض ایتمیوب قدرت
 واستطاعت محسنده امر ایلدی ننه کیم سلطان انبیا علیه افضل النها یا حضرتلری
 یورمشلردر که برکسه شرع شریفه مخالف افعال منکره دن بر فعل مکروهی معاینه
 ایتدکده یدایله تغییر ایلسون اگر لندن کلزایسه لسانیه منع ایلسون ا کا دخی قادر اولدیغی
 صورتده قلیله اول امری تقبیح وانکار ایلسون دیونهی منکری مراتب قدرت اعتبار ایله
 ترتیب ونعین یوردیلر وملوک وسلاطینک بنیان ملک ودولتلی متین ومحکم اولمغین
 بومقوله ضعفای شیوخ وزهادک هجوم واقداملریله متزلزل اولمیوب خروجلری فائده دن
 خالی وضرر وزیانی کندیلر. راجع اولور زیرا بنیان متین الارکان ملکک انهدام
 واندراسی تعاون وتناصرده همدست وغاق ویکلیخت اتفاق اولان قبائل وعشایر
 عظیمه نك هجوم واقداملر بنسه موقوف اولمغین ملوک وسلاطین ایله مقابله قوت شدید
 وسطوت اکیده اصحابی رجاله مخصوصدر ککذک انبیا عظام صلوات الله تعالی
 علیهم اجمعین حضرتلرک تبلیغ احکام شریعتده حال وشانلری دخی اقامت ملک
 ودولت کبی عصیته موقوف اولوب الزام احکام شرع مبین قبیله وعشیرتلیرینک غیرت
 وحیلتلری یوزندن ظاهر اولور حال بوکه انبیا ومرسلین تأیید آسمانی ایله مؤید اولوب
 مشیت علیه الهیه ایله بلا اعانتة عالم کون وفسادده حکم وتصرفلری مجزوم ایکن حکمت
 بالغه صمدانیه ایله اقامت منصب نبوتده دخی اسباب وعاداته مراعات اولمشدر فعلی هذا
 چی آحاد ناسدن برکسه امر ونهی مسلککنه سالک اولوب جبارة ولات وحکام
 اوزر بنسه اظهار مرسم عدل وداد ودفع ظلم ویداد داعیه سیله خروج ایتدکده
 دعواسی صحیح وبنی خالص اولدیغی صورتده دخی سطوت وشوکتی اولماقله
 انجسام کارده ذلیل وخوار اولق مقرردر اما صورت حقه ظهور ایله قصد وغرضی
 مکر وتزویر ایسه اول ابلدس شریک مکر وخذیعه سی وسوء صنعی کند وپه عائد
 اولوب زمان قریبده صدمه قهر الهی ایله پایسته دام هلاک اولق مقرردر زیرارته رفیعه
 ملک ودولت خلافت حق وکفالت خلقی متضمن بر مصیبت عامه در که الیک حصول
 وقیامی انجیق رضای ربانی وعون صمدانی به موقوف اولوب عصیبت وسطوتدنصکره
 اخلاص نیت ومسلمین ایله حسن معامله به عزیمته موقوف اولدیغنده هیچ برمسلم صاحب
 بصیرت شک وارتاب ایتمز * معلوم اوله که ملت اسلامده ابتدا تغییر منکر ادعاسیله
 خروج وظهور عهد خلافت مأمونده دارالسلام بغدادده واقع اولوب مأمونک قرنداشی
 امینک قتلی وقعه سننده حادث اولدی اصلی بویله در که خلفای عباسیه دن هارون
 الرشید کشیدین صکره اوغلی امین بعده مأمون خلیغه اولق اوزره عهد ووصیت ایتمکله
 رشید مدینه طوسده فوت اولدقده حسب العهد امینه خلافت ایله بیعت اولنوب رؤس
 منابره خطبا ابتدا امینه بعده مأمونه دعا ایدرلر ایدی کیدرک ظهور غمزن وغفاق ایله امین
 ومأمون میاننده بفض وشقاق واقع اولماقله امین مأمونک اسمی خطبه ده ذکر اولمشقدن

بومعنايه اشارت ايدوب سعادت ايله بيورديلرکه انبياء عظامدن هر نبي باهر الشانکه ارشاد انام وتبايع احکام ايچون طرف باريدن عبادت مبعوث اوله بهر حال قوت وسطوت اصحابي قوم وقبيله دن ظهور ايدردبو منصب شريف نبوت عصبه وعشيرت ايله قائم اولديغني اشعار بيورلدي حال بوکه انبياء عظام صلوات الله تعالی عليهم اجمعين حضراتي طرف باريدن آيات ظاهره ومجربات باهره ايله مؤيد اولوب امداد ملائکه کرام ايله عصبيت انامدن مستغني ايکن انلرک دعوازي دخي قوم وقبيله لري معاوتيله پيوسته حصول اولوق اوزرينسه عادت الهييه جاري اولد قده دعواي ملاک وسلطنت وسائر مصلحت عامه تک تمشيتي شوکت وسطوت سز حاصل اولوق وراي طور حکمت وخلاف بجرای عادت اولديغني ظاهر ومقرر در بناء عليه مشايخ صوفيه دن علم تصوفده کتاب خلع النعلين صاحبي شيخ ابن قسي داعيه ملاک ودولت ايله ديار اندلسده خروج ايندکده تمشيت مر امني اتمامه قادر شوکت وسطوت صاحبي قوم وقبيله سي اولماغله هبولاي اميدي صورت پذير حصول اولدي اصلي بويله در که ديار غرب وممالک اندلسده فرمازواي مسند ملاک ودولت اولان لمتونه ملوکي اوزرينسه ابتدا سلطنت موحديني تمهيد وتشييد ايدن محمد بن تومرت مهدي لشکر بسيار وعسکر بي شمسا رايه خروج وظهور ايدوب لمتونه سلطتاني دخي مهدي بي مدافعه قصديله محاربه به مشغول اولغين شيخ ابن قسي مملکتی خالی بولمغله فرصتي غنيمت ييلوب عباي مشيختي قباي سلطنته تبديل سوداسيله حقه دعوت صورتده خروج وحرکت وهواسنه تابع کسه لر ايله هقد انجمن جمعيت ايدوب برمدن ديار اندلسده حکم وحکومت ايلدي لکن شيخ مزبورک خلباي بي مالتي تحقيه قادر عصبه وعشيرتي اولوب شيرازه مجموعه دولت وسرمایه نظام سلطنت اولان سطوت وشوکتدن بي بهره اولمغله موحدين دولتي لمتونه ملوکنه غالب وديار غربه قهر وغلبه ايله مالک اولد قده شيخ ابن قسي انجرام کاري ملاحظه ايلوب مضطرا موحدينه يعيت وتبعيت ايتمکله ديار اندلسده کرسی نشين حکومت اولديغني ارکش نام قلعه بي موحدين طرفنه تسليم ايندکدنصرکه ممالک اندلسده ابتدا خلقي موحدينه اطاعته دعوت ودعواي اولی دن فراغت ايلدي وشيخ مزبور کندي اصحابنه مر ابطين تسميه ايتمکله اصحاب تاريخ قتند بونلرک تغلب وتسلطري خروج مر ابطين عنوانيله معروف ومشهور اولدي وينه بو بابد ندر که عوام ناسدن وفقه ايدن نيجه کسه لر بعض ديارده تصحيح دين ومذهب دعواسيله خروج وظهور ايدوب لکن سطوت وشوکتلري اولماغله زمان قليله قطار کسسته مهار جمعيتلري پراکنده وپريشان اولور اکثر يا قبا پوشان عجب وريا اولان زهاد فتنه نهاد بومسلکه سالک اولوب امر بالمعروف ونهي عن المنکر ادعاسيله جناب حقدن رجای ثواب ضمننده جباره ولاه وحکام اوزرينه خروج ايدرلر بوتقريب ايله اراذل ناسدن قتي چوق کسسه لر فرجه بولوب اول زاهد فتنه نهاد اتباع ايله جور وفساده اجترأ ونفسلرني مهلکه به القيا ايدوب اکثری بويولده هلاک اولورلر حال بوکه خسرالدينيا والاخره غواصي اوزره وزر وفساده آلت اولميريله دنياده خائب

بهادران شیردلان اهل اسلامدن اکثر ایکن صدمه خاراشکاف جلا دتیرینه مقابله دن عاجز اولدیله از جمله عهد خلافت حضرت فاروق منیع الجنابده قادیسه وقعه سنده محوس فرسك عددی بوز بکرمی بیگه و پرموک غزاسنده امام واقدی نقلی اوزره طائفه روم درنیوز بیک نفره بالغ اولوب بومرکه رک هر برنده لشکر موحدین قرق بیکندن اقل ایکن بوا یکی طائفه کثیره دن هر بری حمله هجوم مسلینه طاقت کتوره میوب کندیلری طعمه تیغ قهر و تدمیر و ملککتلری ید لرندن نزع و تسخیر اولندی کذلک دیار غریده ملتونه و موحدین دولت لرینسک دخی حال و شانی بویله درکه مغرب زمینده قبائل بر بریه سطوت و قوت و عدد و کثرت جهتیله بوا یکی دولت لرک رجالنه غالب ایکن بونلرک اعوان و انصاری جبل متین شرع مینه تثبث ایدوب احراز فضیلت جهاد و شهادت قصد یله اعدا لر یله محاربه ده ثابت قدم اولوب طریق حقه موتی حیاته تقدیم یله دشمن لرینه غالب اولدیله اما تمهید هبانی ملک و دولت تمام اولوب اهماک لذاند اقبال و مالا یعنی به اشتغال یله اجرای مراسم شریعتده هم رجاله فنور مارض اولدقده ضعف دیانت سبب یله اقدام حروب و مغازیده سبب یله قاصر اولوب قهر و غلبه ده حال و شانلری اعوان و انصار لرینک عدد و قوتده رتبه لرینه تابع اولور بوتقدیرجه عدد و کثرتده عن اصل کند یله مساوی یازاند اولوب ابتدای ظهور دولتده قوت دین مبین یله غالب اولدقاری اعدا بونلرک اوزرینه قهر و غلبه یله خروج ایدر لر بو خصوصک صدق و صحتی موحدین دولتی یله زنانه طائفه سی میانده جریان ایدن محاربه ده ظاهر اولورکه دیار غریده قبائل بر بریه دن زنانه عشیرتی موحدین دولتک اعوان و انصاری اولان مصامده قبیله سنه عدد و کثرتده غالب ایکن مصامده طائفه سی دولت موحدینی تمهید ایدن محمدین تومرت مهدی به نصرت و اعانت ایدوب و محمد مهدی حلیه زهد و تقوا یله راسته بر رجل صالح اولمغین مصامده طائفه سی دخی قدر و شاننه رعایت و اعتقاد و عملده رأینه تبعیت ایتملریله مصامده نک دینده ثبات و متانتلری زنانه نک من جهة العدد کثرت و وفرتلرینه معادل و زنانه طائفه سنه قهر و غلبه یله مقابل اولدیله بعدده مرور ایام یله موحدین دولتک رجالی لذاند نفسانیله یله اشتغال و مراسم دین مینه رعایتده قصور و اهمال ایتملریله زنانه عشیرتی بونلرک اوزرینه هجوم ایدوب مصامده بی قهر و تدمیر و ملککتلرینی نزع و تسخیر ایتدیله والله غالب علی امره

❖ فصل ثالث النبی فصیلی دین و مذهب دعواسی دخی حسب العاده الالهیه ❖
❖ شوکت و سطوت اصحابی رجالک اعانتلرینه موقوف اولدینی بیاننده در ❖

بوا امرک سر و سببی اولدر که بوندن اقدام اشارت اولدینی اوزره کرک دهوای دین و ملت و کرک ظهور ملک و سلطنت کی هر اول امر که کافه انامک اطاعت و انقبادی آنده مطلوب اولوب خلاف یله عمل ممنوع و مسلوب اوله اول امرک قیام و نظامنده اتفاق کلمه و اتحاد ارا یله اعوان و انصارک اجتماعی لازمه رتبه کیم سه سالار انبیا و قلند الجیش اصغیا محمد مصطفی علیه افضل التحایا حضرتلری ❖ ما بعث الله نبیا الا فی منعه من قومه ❖ حدیث شریفنده

دولت و سلطنتی تمهید ضمندیه سر و جانترین فدا اید و ب قطعاً ملک و دولتترینه تغلب و استیلا ایتدیلر بوتقرب ایله عیبیدین سر بر سلطنته مالک اولوب انقراض دولت عرب وقتندک مدت مدیده مرکز خلافتده برقرار و پایدار اولدیلر و الله بحکم لامعقب حکمه

❖ فصل ❖ فصل ثالثک در دینی فصلی قهر و غلبه ایله اطرافه استیلا ایدن دول ❖
 ❖ عظیمة نك اصلی ادیاندن بر دین دعوا سیله یا مذهب حق ادعا سیله ظهور و خروجه ❖
 ❖ مبنی اولدیغی بیاننده در ❖

بوامرک اصلی بویه در که ملک و دولتسک حصولی قهر و غلبه به منوط اولوب قهر و غلبه دخی سطوت و عصیبت اصحابی رجالک شروع و مباشرتترینه موقوفدر و بردولتک قیام و نظاسی ایچون ناسک قلوبنی جمع و تألیف دخی ❖ لوانفقت مافی الارض جیعا مالفت بین قلوبهم ❖ نص شریفی اوزره مصلحت اقامت دین و شریعت ضمندیه انجیق جناب حقک عون و هایتنه موقوفدر بواحرده حکمت خفیه دخی بودر که بردولت و سلطنت که اقامت مراسم دین و شریعتندن عاری اولوب مجرد جلب خطام دنیا و اجرای نفس و هوا به مبنی اوله انده ناسک قصد و غرضلری مختلف و قلوب ناس متفرق اولور اما بر ملک و دولتسک طلوع و ظهوری اعلای کلمه الله ایله تحصیل رضای حقه مقصور اولوب محبت دنیا و میل نفس و هوا بر طرف اوله انده دعوا واحد و جهت متحد اولغله خلاف و شقاق قلیل و مناسبه و منازعه منقطع اولوب احبای دین مبین قصد ایله رجال دولت جل همشترین بذل ایدر لر بوسبیدن ناشی فصول آتیهده ذکر ی تصیم اولدیغی اوزره تمثیبت احکام دین مبین قصد ایله ظهور ایدن دولت و سلطنتلرک دائره سی واسع اولوب قلم و ضبط و حکومتلری عربض و منبسط اولور

❖ فصل ❖ فصل ثالثک بشیخی فصلی دعوی دین و ملت ایله ظهور ایدن ملک و دولت ❖
 ❖ سطوت و شوکتده و وسعت مملکتده سائر دولتله غالب اولدیغی بیاننده در ❖

بوامرک سر و سببی اولدر که فصل سابقده ذکر اولدیغی اوزره شرع شریفه اتباع و انقیاد قبائل و عشایر بیننده دائر اولان حقد و حسد و کبر و عنادی محو و ازاله ایدوب قلبلری نی هوادن هدایه نقل و تحویل و اخلاق ذممه لری خصال حمیده به تبدیل ایدر بوتقدیرجه جمله نك مطلب و مقصدی امر واحد اولغله تمثیبت مصلحتنه نور بصیرت ایله مباشرت ایدوب طریق حقه موت و شهادت جانلرینه منت اولغله شهره عزیمتترینه اهدای سدا کشیده مما نعت اولقی احتمالی بر طرف اولور و بونلر ایله مقابله و مقاتله قصد ایله خروج ایدن اهل دولت کثرت و هدد جهت ایله بونلردن اکثر دخی اولور سه خروج و ظهور لری دعوی باطله به مبنی و حب جاه و ریاسته مبتنی اولوب قبول دین ایله طریق حقه جهاد و غزا وسیله رتبه شهادت و واسطه نعیم جنت اولدیغی اذعان ایتمه لریله بجانا موت و هلاکدن اجتناب و احتراز ایدوب اهل دین ایله مقابله و مدافعه به قادر اولما زرنه کیم صدر اسلامده واقع اولان فتوحات و مغازی بو خصوصه شهادت ایدر که اعدای مشرکین من جهة العدد

کو روب و قوم و قبيله سز مرتب و موظف عسکرايه غلبه و اقتدار بني مشاهده ايند کده
او ائیل ظهور دولتی اواسط و او اخره قیاس ایدوب هر حالده اعوان و انصار دولت
مواجب معینه ايله مرتب عسکر اولمق زعنه ذاهب اولدی و الله یؤتی ملکده من یشاء

✽ فصل ✽ فصل ثالث او چچی فصیلی گاه اولور که بردولتک ابتدای ظهورنده اطراف ✽
✽ بعیده دن بر صاحب ظهوره اعانت قصد یله رجال جمع اولوب کنندی قوم و قبيله لری ✽
✽ عصیتندن مستغنی اولدیغین بیسان ایدر ✽

بو امرک سروسبی اولدر که چن رتبه سامیه ملک و دولته لایق و نسب و حسبده
اقرانسه فایق بر ذاتک عزت شان و علوم مکان ايله رجحان و تفوقی ظاهر اولدقده
اطراف بعیده ده ساکن کافه انا مک قلوبنده اکا اطاعت و انقیاد مرکوز اولغله
وقت حاجتده معاونت و مظاهرتنه قیام و دعوتی اقامته اهتمام ایدرل وقت اولور که
ظهور حوادث روزگار ايله ابنای ملوک و سلاطیندن بویله بر ذات عالی تبار مقرر دولت
و کرسی مملکتدن جدا دوشوب اطراف و انکافده کندویه محبت و اطاعتلری مجزوم
و معلومی اولان رجالک ممالکنه و اصل اولدقده اول مملکتک اهلیان و اشرافی تعظیم
و تکریم ايله مراسم استقبالی تقدیمدن صکره تمثیت مرانیه تشمیر ساق اقدام و شد نطق
اهتمام ایدرل شویله که رجال آفاق انجق اول ملک ذیشانک قدر و شانیه اعتبار و اعتنا
ایدوب اعداسنی مدافعه ايله سریر سلطنتده قرار و استقرارینی قصد ایلوب سلطنتنه
مشارکت و مداخله قیدنده اولما زلزله کیم خلفسای فاطمین و شرفای بنی هاشمدن
غرب اقصاده سادات ادارسه ايله ممالک افریقیه و مصرده خلفسای عبیدین دولتری
بوجهله ظهور ایدوب بونلر ایچون طرف شرقده خلفسای عباسیه خوفندن ناشی
دعوای خلافتیه قیام ممکن اولماغین بالجه اتباع و اعوانی ايله مقرر خلافتدن مغرب زمینه
عازم و طلب ملک و خلافتیه قائم اولدیله اهالی غرب دخی ادارسه و عبیدین خلفاسنک
اهل یت نبوته انتساب ايله سیادت و شرافتلیری و امویه دن صکره سطوت و عصیتک
بنی هاشمدن قرار و استحکامی ادراک و اذعان ایتملیله بونلرک دعوالینی تصدیق و مدعالینی
تحقیق ایدوب تمثیت مراملرنده سروجانلرین فدا ایتدیله ابتدا ادارسه دولتی قبائل
بربریه دن اوربه و مغیله قبيله لری اعانتلریله و عبیدین سلطنتی ینه بربریه دن کلامه
صنهایجه هواره عشیرتلی معاونتلیله قائم اولوب دیار غریده بنیان ملک و دولترین
تشهید و مبانی عز و سعادتلرین تمهید ایلدیله شویله که ابتدا ممالک غربی بعده افریقیه
عباسیه پدندن نزاع و تسخیر و طرفلرندن منصوب امر اور و سالینی قهر و تدبیر ايله
اول حوالیده دولت عباسیه تک ظل اقبالی مقصور و مفقود و عبیدینک سایه عز و جاهی
مدود اولدی کیدرک خلفسای عبیدین مصر و شام و حجازه مالک اولوب ممالک اسلامییه
بنی عباس ايله علی وجه المناصفه مقاسمه ایلدیله مع هذا بونلرک تشهید بنیان دولترینه
سعی ایدن قبائل بربریه سلسله مضر و قریشدن بنی هاشمک نسب و حسبده شرافت ايله
وسطوت و عصیت ايله ملک و سلطنته لیاقتلرینی اذعان ایتملیله خلفسای عبیدینک

اوضاع و اطوار لرینه قدح و طعن ایلدی

- * مایزهدنی فی ارض اندلس *
- * اسماء معتصم فیها و معتضد *
- * القاب مملکة فی غیر موضعها *
- * کالتهریحکی انتفاخا صورة الاسد *

معلوم اوله که اندلسده بنی امیه دولتی اصلنده بر عظیم سلطنت اولوب ابتدای ظهور لرینده کندی عشیرت لریندن بعض قبائل عرب اعانتیه دولتری قائم اولمشیدی بعده قبیله لرینک سطوت و قوتی زائل اولغله ایچ لریندن طوایف ملوک ظهور ایتدکه ده دیار غریبن بحر ایله اندلس طرفنه قبائل بربریه دن زنانه طائفه سی کچوب طوایف ملوک اعانت ایچلریله ممالک اندلسی یینلرینده توزیع و تقسیم ایلدی لر ایچ لریندن ابن ابی عامر مکننت و اقتدار ایله سائر لرینه غالب اولغله ممالک اندلسک اکثرینه غلبه و اسنیلا ایدوب باقیلری دخی بقیه ممالکی قطعه قطعه حصه ایچلریله هر بری مالک اولدیغی مملکتده مستقل حکومت ایلدی بعده ینه قبائل بربریه دن لمتونه قبیله سی رجالدن مرابطین دیمکله معروف بر طائفه مغرب زمیندن بحر ایله اندلس جانبنه کچوب سطوت و وصولت اصحابی بر طائفه اولغله طوایف ملوک ایله مقابله ایتدکلرینده غلبه ایدوب طائفه مرابطین طوایف ملوکوی قهر و تدمیر و بالجمله ید لرینده اولان ممالکی نزع و تسخیر ایتدی لر فعلی هذاهر دولت و سلطنتک ابتدا طلوع و ظهور لرلی کندی قبیله و عشیرت لری اعانتیه محتاج اولوب اجنبی متفرق عسکر ایله قیامی منصور دکدر * معلوم اوله که اعلام علمای اندلسدن امام طرطوشی علیه الرجه سراج الملوک نام تألیفنده مطلق حجابیه ملک و دولت موجب معینه ایله خزینته سلطانیه دن موظف عسکر ایله حاصل اولور دیوژ کر ایدوب اوائل و اواسط دولتی بو بایده فرق ایتدی لکن مر حومک کلامی ابتدای طلوع دولتده لازم اولان اعوان و انصارده جاری اولیوب بلکه تأسیس مبانی دولت ایله سطوت سلطنت مرکزنده قرار ایتدکد نصرکه دائره ملکی حفظ و حجابیه ایچون اقتضایدن رجاله مخصوص صدر زیرا ابتدا دهوای ملک و دولت ایله ظهور و خروج ایدن رجال نسل ونسبده مهتد قوم و قبیله لر یله مظاهرت ایدوب بعده موجب معینه ایله موظف عسکر استخدا میله دائره دولتی حفظ و حجابیه ایدر لر لکن امام طرطوشی عصرنده موجود اولان دولت لریک اواسط و اواخرینه یتشوب حفظ و حجابیه دولت موظف عسکر ایله جاری اولدیغی وقتده مصادف اولغله اوائل دولتی اواخره قیاس ایلدی زیرا امام طرطوشی دیار اندلسده طوایف ملوک وقتنده موجود اولوب اول وقتنده ایسه بنی امیه دولتی مختل و پریشان و قبائل عربدن اعوان و انصار لری بی نام و نشان اولغله امرای بنی امیه دن هر بری ممالک اندلسدن بر مملکتی ضبط ایتدکلر ایلدی طرطوشی طوایف ملوکدن مستعین بن هود ایله اوغلی مظفرک قلمرو ضبط و حکومتمنده واقع سرقسطه ایالتنده نشو و نما بولوب اول وقتنده ایسه بنی امیه تک اعوان و انصاری اولان قبائل عربک اوچوز سنه دنبرو عصبیت و سطوت لری زائل اولغین مستعین بن هود مداخله قیائلدن سالم و بی مانع و مزاحم سریر دولتده قائم اولدی طرطوشی مستعین بن هود خلیفک اطاعت و انقیادینی

بنیاء علیه ملوک و سلاطین دولت و سلطنتی بنک است حکامندن صکره محافظه ملک و دولته
 کندی نسل و نسبی رجانه محتاج اولیوب یا هیبد و احرار دن ههد قدیمدن برو سایه
 جایه زنده تربیه اولسان اتباع و خدام لریله مظاهرت ایدوب یا خود مستولی اولد قری
 ممالک رجاندن کندیله هنوز اطاعت ایدن اجانب ایله اعدالینی مدافعه ده استظهار
 ایدرل نته کیم عباسیه دولتنده خلفای بنی عباسدن معتصم بالله ایله اوقلی و اثنی زمانده
 قوم و قبیله لری بنک لدا یذ نفسانیه په انهما کلرندن ناشی سطوت و شجاعتی مختل اولد قد
 سلسله نسل و نسبلر دن خارج اعجام و اترک و دیالمه و سلاجقه ایله وانلرک غیر ی سائر
 اجانب و اباعد ایله دائره ملک و دولتری بنی اعدادن محافظه ایتدیله لکن بوندن صکره
 فرمانبر اطاعتی اولان امرای اعجام و اترک اطراف و نواحی په مستولی اولوب پیرامن
 ملکدن ظل دولت زائل اولغله خلفایک حکمی نواحی بغدادی نجماوز ایتمز اولدی
 بعده دارالاسلام بغداده دیالمه استیلا ایدوب خلفایک حکمنه مداخله ایله تغلب و تسلط
 ایتدیله بوندن صکره سلاجقه استیلا سیله دیالمه دخی منقرض اولوب خلفا په امرای
 سلجوقیه تحکم ایلدیله بعده چنگیز فتنه انکیز و قعه سندن صکره هلا کوخان استیلا سیله
 سلاجقه دخی محو و منقرض اولوب و خلیفه کشته تیغ غدر اولغله رسم دولت بالکلیه محو
 و مندرس اولدی کذلک دیار غریبه بعض قبائل عرب امانتیه صنهاجه دولتی ظهور
 ایدوب بعده بشبوز تار یخنده سطوت و شوکت لرینه ضعف و خلل عارض اولغله افریقیه
 حدود نده واقع و قلمرو ضبط و تصرفلر دن داخل اولان مهدیه و بیجا په و قلعه و سائر
 ممالکده حکومت لرینه بعض متغلبه مداخله ایلوب برمدت دولت و سلطنتی بومنوال
 اوزره جاری اولدی مع هذا ینه ارباب تغلب بحسب الظاهر ملوک صنهاجه په اطاعت
 و انقیاد ایدوب انقراض دولتری وقتنده ک استقلال صورتی اظهار ایتدیله بعده قبائل
 بربر په دن مصامده عشیری موحدین دولتی اقامت قصدیله همدست وفاق و یکلیخت
 اتفاق اولوب قوت قویه و عصیبت شدیدیه ایله صنهاجه اوزرینه رفع لوای استیلا ایدوب
 دولت و سلطنت لری تاراج و سینه پر کینه لری نیر قهره آماج ایتدیله کذلک ممالک اندلسده
 بنی امیه دولتی دخی طوایف عربدن قوم و قبیله لری امانتیه قائم اولوب برمدت هروردن صکره
 سطوت و عصیبت لری مختل اولغله بونلرک مملکت لرینه طوایف ملوک مستولی اولوب
 اطراف و نواحیده واقع ممالکی بیلر نده توزیع و تقسیم و هر بری مالک اولد بقی مملکتده
 کبر و عظمت ایله ساکن و مقیم اولدیله و عباسیه دولتنده تغلب ایدن امرای اعجامک خلفای
 بنی عباس ایله معامله لری خبری بونلره بالغ اولد قد متغلبه عباسیه کبی بونلر دخی القاب
 خلفا ایله کندیله بنی تلقیب ایدوب اوضاع و اطوارده وزی و شصارده خلفا په تقلید
 ایتدیله و اشبوطوایف ملوک وقتنده اندلس مملکتی قوت و سطوت اصحابی قبائل و عشایردن
 خالی اولوب اوضاع و اطوار لری تعیب ایله تغییره قادر رجال موجود اولما غله طعن
 و دخلدن امین و سالم اولوب مدت مدیده حال و شان لری بومنوال اوزره جاری اولدی
 نته کیم بلغای عربدن ابن شرف نام شاعر بویکی بینی بونلر حقنده انشاد ایدوب

بوندن صکره معلوم اوله که رتبه رفیعه ملک و سلطنت لذا ید نفسا نیه و منافع دنیویه بی جامع بر مرتبه جلیله در که آحاد امم و افراد بنی آدمک اکثری اکا بالاطیع طالب و راغب اولوب آخری نفسی اوزرینه ترجیح و تقدیمه مضطر اولدجه دایره ملکده زمام تصرفی و قلاده حکومتی دست غیره نسلیدن استنکافی ایتمکین دولت و سلطنتک قیامی نزاع وجداله مفضی و حرب و قتاله مؤدی اولور حرب و قتال دخی شوکت و عصبیتیه موقوف اولدیغنی معلوم اولغله دولت و سلطنتک قیامنده شوکت و عصبیتک لزومی ظاهر اولور حال بوکه بوذکر اولنان امری فهم و ادراکده اکثرناس غافل اولوب تمهید مسانی ملک و دولت عصبیتیه محتاج اولدیغنی بیتلز لر زیرا بولند قلمری دولتک ابتدای ظهورندن بری مدت مدیده مرور ایدوب قرنا بعد قرن سایه ملک و دولته راحت و حضوره مألوف اولملرله عنوان ظهور ملکده تصرف حقندن غافلدر بونلر انجیق نصاب ملک و دولت مرکزنده قرار ایتمدیکی وقتیه بتشوب قلوب ناسده اولیای سلطنته اطاعت و انقیادک استحکامی مشاهده ایتملرله اصحاب دولتی ابتدای امرده دخی قوم و قبیله لر یله استعانتدن مستغنی ظن ایتمیلر مع هذا مبادی ظهور دولته تقدیر متاعب شدیدیه تحمل اولنوب دفع غائله امداد ه حیت قرابت و غیرت عشیرت ایله اعوان دولت خونلر تجرع ایتمک لردن غافلدر خصوصاً اندلس مملکتی ازمینه بعیده دن بر وقبائل و عشایردن خالی اولغله اهل البسی ابتدای ظهور دولت عصبیت نسبه ایله پیوسته حصول اولدیغنی بیتلز لر والله قادر علی مایشاء

❖ فصل ❖ کتاب اولک اوچنجی فصلنک ایکنجی فصلی بردولت و سلطنتک منازع ❖
❖ و مزاحمی دفع اولوب نصابنده قرار و مرکزنده استقرار ایتمکدن صکره اولیای دولت ❖
❖ قوم و قبیله سیله امداد و اعانتدن مستغنی اولدیغنی بیان ایدر ❖

بو امرک سر و سببی اولدر که بر ملک و دولتک ابتدای طلوع و مطلع ظهور نده ناس انلرک حکم و تصرفلرینه مألوف و مأنوس اولوب خروج و ظهور لر ی علی خلاف العاده عجیب و غریب اولغله امر و نهیلرینه خلقک اطاعت و انقیاد لر ی عسیر اولوب انجیق قهر و تغلب لر ی خوفیه اطاعتنه مجبور اولور لر امدافع غائله اعدا ایله ملک و دولت نصابنده قرار ایدوب طول عهد ایله ثوبت سلطنت و احدا بعد واحد اسلافدن اخلافه نقل ایتمکدن صکره مرور ایام و صکرور اعوام ایله مبادی دولتک حال و شانی منسی اولوب قلوب ناسده اولیای سلطنته اطاعت و انقیاد راسخ و مستحکم اولور بو تقدیر جه عامه انا م دین اسلامده کندیله مخالف اولان اعدای مشرکین ایله مقاتله ایتمک لر ی کبی اهل اسلامدن پادشاه لر ی اوزرینه بغی و خروج قصد یله ظهور ایدن خارجیلری دفعده دخی حرب و قتال ایله عون و نصرتی لازمه ذمت ییلوب من کل الوجوه اطاعت ملوک طرف حقندن فریضه مکتوبه عدا ایتملرله ملوک و سلاطین بو طوره قبیله و عشیرت لر ی نیک عصبیتدن مستغنی اولور لر بوسیدن ناشی امامت و خلافت بجی فن کلامک آخرنده عقاید ایمانییه مباحثه الحاق اولنوب مسائل علم عقایدن عد اولنمشدر

بنیاد علیه ملوک و سلاطین دولت و سلطنت برینک است حکامندن صکره محافظه ملک و دولتند
کنندی نسل و نسلی رجانه محتاج اولیوب یا هیید و احرار دن ههد قدیم دن برو سایه
جایه زنده تریه اولسان اتباع و خدام لریه مظاهرت ایدوب یا خود مستولی اولد قاری
ممالکک رجالدن کندیلره هنوز اطاعت ایدن اجانب ایله اعدالینی مدافعه ده استظهار
ایدلر نته کیم عباسیه دولتند خلقای بنی عباسدن معتصم بالله ایله اوغلی و اتقی زمانده
قوم و قبیللرینک لذاید نفسانیه په اتمها کلریدن ناشی سطوت و شجاعت لری مختل اولدقده
سلسله نسل و نسب لرن دن خارج اعجام و اترک و دیلمه و سلاجقه ایله و انلرک غیر ی سائر
اجانب و اباعد ایله دائره ملک و دولت لری اعدادن محافظه ایتدیلر لکن بوندن صکره
فرمانبر اطاعت لری اولان امرای اعجام و اترک اطراف و نواحی په مستولی اولوب بیرامن
ملکدن ظل دولت زائل اولغله خلفا ک حکمی نواحی بغدادی نچا و زانچر اولدی
بعده دارالاسلام بغداده دیلمه اسنیلا ایدوب خلفا ک حکمنه مداخله ایله تغلب و تسلط
ایتدیلر بوندن صکره سلاجقه اسنیلا سیله دیلمه دخی منقرض اولوب خلفا په امرای
سلجوقیه حکم ایلدیلر بعده چنگیز فتنه انکیز و قعه سندن صکره هلا کو خان اسنیلا سیله
سلاجقه دخی محو و منقرض اولوب و خلیفه کشته تیغ خدر اولغله رسم دولت بالکلیه محو
و مندرس اولدی کذلک دیار غربده بعض قبائل عرب امانتیه صنهاجه دولتی ظهور
ایدوب بعده بشبوز تار یخنده سطوت و شوکت لری نه ضعف و خلل عارض اولغله افریقیه
حدود نده واقع و قلمرو ضبط و تصرف لرنده داخل اولان مهدیه و بیجا په قلعه و سائر
ممالکده حکومت لری نه بعض متغلبه مداخله ایلوب برمدت دولت و سلطنت لری بومنوال
اوزره جاری اولدی مع هذا ینه ارباب تغلب بحسب الظاهر ملوک صنهاجه په اطاعت
و انقیاد ایدوب انقراض دولت لری وقتنه دک استقلال صورتی اظهار ایتدیلر بعده قبائل
بربر په دن مصامده عشیرتی موحدین دولتی اقامت قصد یله همدست وفاق و یککخت
اتفاق اولوب قوت قویه و عصبیت شدید ایله صنهاجه اوزرینه رفع لوای اسنیلا ایدوب
دولت و سلطنت لری تاراج و سینه پر کینه زین تیر قهره آماج ایتدیلر کذلک ممالک اندلسده
بنی امیه دولتی دخی طوایف عربدن قوم و قبیللری امانتیه قائم اولوب برمدت مرورندن صکره
سطوت و عصبیت لری مختل اولغله بونلرک مملکت لری نه طوایف ملوک مستولی اولوب
اطراف و نواحیده واقع ممالکی یتلرنده توزیع و تقسیم و هربری مالک اولدینی مملکتند
کبر و عظمت ایله ساکن و مقیم اولدیلر و عباسیه دولتند تغلب ایدن امرای اعجام ک خلقای
بنی عباس ایله معامله لری خبری بونلره بالغ اولدقده متغلبه عباسیه کبی بونلر دخی القاب
خلفا ایله کندیلرینی تلقیب ایدوب اوضاع و اطوارده وزی و شعارده خلفا په تقلید
ایتدیلر و اشبوطوایف ملوک وقتنده اندلس مملکتی قوت و سطوت اصحابی قبائل و عشایردن
خالی اولوب اوضاع و اطوار لری تعیب ایله تغییره قادر رجال موجود اولماغله طعن
و دخلدن امین و سالم اولوب مدت مدیده حال و شان لری بومنوال اوزره جاری اولدی
ننه کیم بلغای عربدن ابن شرف نام شاعر بوایکی یتتی بونلر حقند ه انشاد ایدوب

بوندن صکره معلوم اوله که رتبه رفیعه ملک و سلطنت لذا ید نفسا ینه و منافع دنیویه بی جامع بر مرتبه جلیله در که آحاد امم و افراد بی آدمک اکثری اکا بالطبع طالب و راغب اولوب آخری نفسی اوزرینه ترجیح و تقدیمه مضطر اولدجه دایره ملکده زمام تصرفی و قلاده حکومتی دست غیره تسلیمدن استنکافی ایتمکین دولت و سلطنتک قیامی نزاع وجداله مفیضی و حرب و قتاله مؤدی اولور حرب و قتال دخی شوکت و عصبیتیه موقوف اولدیغی معلوم اولغله دولت و سلطنتک قیامنده شوکت و عصبیتک لزومی ظاهر اولور حال یوکه یوزکر اولنان امری فهم و ادراکده اکثرناس غافل اولوب تمهید مبانی ملک و دولت عصبیتیه محتاج اولدیغی بیلزلر زیرا بولندقلری دولتک ابتدای ظهورندن بری مدت مدیده میور ایدوب فرنا بعد قرن سایه ملک و دولتده راحت و حضوره مألوف اولملریله عنوان ظهور ملکده تصرف حقندن غافلدر بونلر انجق نصاب ملک و دولت میور کزنده قرار ایتمدیکی وقتیه بتشوب قلوب ناسده اولیای سلطنته اطاعت و انقیادک استحکامی مشاهده ایتملریله اصحاب دولتی ابتدای امرده دخی قوم و قبیله لریله استعانتدن مستغنی ظن ایتمیلر مع هذا مبادی ظهور دولتده تقدیر متاعب شدیدیه تحمل اولنوب دفع غائله اهداده حجت قرابت و غیرت عشیرت ایله اعوان دولت خونلر تجرع ایتمک لرندن غافلدر خصوصاً اندلس مملکتی ازمنه بعیده دن بروقا ئل و عشایردن خالی اولغله اهل البسی ابتدای ظهور دولت عصبیت نسبیله ایله پیوسته حصول اولدیغی بیلزلر والله قادر علی ما یشاء

❖ فصل ❖ کتاب اولک اوچنجه فصلنک ایکنجه فصلی بردولت و سلطنتک منازع ❖
❖ و مزاحی دفع اولوب نصابنده قرار و میور کزنده استقرار ایتمکدن صکره اولیای دولت ❖
❖ قوم و قبیله سیله امداد و اعانتدن مستغنی اولدیغی بیان ایدر ❖

بوامرک سر و سبی اولدر که بر ملک و دولتک ابتدای طلوع و مطلع ظهورنده ناس انلرک حکم و تصرفلرینه مألوف و مأنوس اولوب خروج و ظهورلری علی خلاف العاده عجیب و غریب اولغله امر و نهیلرینه خلقک اطاعت و انقیادلری عسیر اولوب انجق قهر و تغلبلری خوفیه اطاعتیه مجبور اولورلر امدافع غائله اعدایله ملک و دولت نصابنده قرار ایدوب طول عهد ایله نوبت سلطنت و احدا بعد واحد اسلافدن اخلافه نقل ایتمکدن صکره میور ایام و صکرور اعوام ایله مبادی دولتک حال و شانی منسی اولوب قلوب ناسده اولیای سلطنته اطاعت و انقیاد راسخ و مستحکم اولور بو تقدیرجه عامه انام دین اسلامده کنیدلره مخالف اولان اعدای مشرکین ایله مقاتله ایتمک لری کی اهل اسلامدن پادشاهلری اوزرینه بغی و خروج قصد یله ظهور ایدن خارجیلری دفعده دخی حرب و قتال ایله عون و نصرتی لازمه ذمت ییلوب من کل الوجوه اطاعت ملوک طرف حقندن فریضه مکتوبه عد ایتملریله ملوک و سلاطین بو طورده قبیله و عشیرت لرنسک عصبیتدن مستغنی اولورلر بوسیدن ناشی امامت و خلافت یحیی فن کلامک آخرنده عقاید ایمانییه مباحثه الحاق اولنوب مسائل علم عقایدن عد اولمشدر

بدو یلرک بلدیله حاجتلی شدید و احتیاجلی مزید اولوب بونلرک سکان بلاد و امصاره اطاعت و انقیاد لینی موجب اولشدر . بناء علیه اهل بادیه مادامکه دشت و صحرا ده اقامت ایدوب رتبه رفیعه ملک و سلطنته اعتلا ایله بلاد و امصاره اسنبلا ایتمه لر تحصیل معاشده بلدیله محتاج اولوب لدی الحاجه اهل امصارک واقع اولان خدمت لینی بوییت و اقتضا ایدن مصلمت لینی تمثیل ایله رضای لینی تحصیله سعی ایدر لر اکر اهل بادیه تک جوار لنده واقع بلاد و امصاره . صاحب امر و فرمان بر ملک عظیم الشان بولنور ایسه اول سلطانک سطوت و شوکتی خوفندن ناشی اطاعته مضطر اولور لر و اکر جوار باد یه ده واقع بلاد و امصاره تهدیدینی ایقاعه قادر بر سلطان قاهر اولوب اهل بسی اتفاقیه یینلرند . منصوب بر رئیس لری اولدیغی صورتده اول بلده . تک ضابط و حاکی جوار لنده واقع اهل بادیه بی اطاعت و انقیاد ینه ایکی وجهه حل ایدر یا حسن رضا ایله انلره بذل مال ایدوب و اهل بادیه تک محتاج اولد قلی امور ضرور یه دن بلده سنده موجود اولان اشیای احسان ایله خاطر لینی جلب ایدر یا خود اول حاکم و ضابط قوت قاهره صاحبی اولغله اهل بادیه بی اطاعته جبر ایدوب ادنی مرتبه انلردن بر قبیله بی بر طریق ایله کندویه اطاعت ایتدیر مکن باقیری دخی انلرک معاوت لری سببیه مملکت لری نه اسنبلا خوفیه اطاعته مضطر اولور لر خصوصاً اول بادیه تک جوار لنده واقع ناحیه لر دخی قبائل عظیمه ایله ملو اولوب دائره لر یسه اجانبک نزولی ممکن اولماغله جوار امصاره واقع اهل بادیه بولند قلی محلدن مفارقته قادر اولوب کندیلره قریب اولان سکان بلاد و امصاره زیاده مغلوب اولور لر و الله القاهر فوق عباده بو محله کتاب اولک فصل نانیسی فصولی تمام اولوب حالا بعنایه الله تعالی کتاب اولک اوچنجی فصلی بیانه شروع اولندی

❖ ❖ ❖ الفصل الثالث من الكتاب الاول ❖ ❖ ❖

کتاب اولک اوچنجی فصلی ملک و خلافت و دولت و سلطنت ایله مراتب سلطانه و مناصب دیوانیه و انلره متعلق احوال سائره بیسانند . در بو فصل دخی فصول عدیده بی حاوی و ابواب متعدده بی محتویدر

❖ ❖ ❖ فصل ❖ ❖ ❖ کتاب اولک اوچنجی فصلنک اولکی فصلی ممالک ربع مسکونده قائم اولان ❖ ❖ ❖
❖ ❖ ❖ دولت و سلطنت لریک ابتدا ظهوری عصبیت و قوت امحایی قبائلک اعانت لری نه ❖ ❖ ❖
❖ ❖ ❖ موقوف اولدیغی بیساننده در ❖ ❖ ❖

بو امرک بیانی اولدر که بوندن اقدام ذکر اولدیغی اوزره بر قومک داعیه ملک و سلطنت ایله ابتدا ظهور و خر و جلری و بر مملکت قهر و تغلب ایله اسنبلا لری سطوت و عصبیت منوط و مر بوط اولوب نسل و نسب لری واحد و کله لری متفق و متحد رجالک رأی واحد اوزر ینه اجتماع و اتفاق لری نه موقوفدر زیرا قرابت نسبی و سببیه ده مشترک اولان رجالک دائره لرینی جایه و اعدالینی مدافعه ده اقدام و اهتمام لری اجانبه نسبت ایله غالب اولغله وقت حاجتده بر بر لرینک بولنه صرف نقدینه حیات ایدوب سر و جان لری فدا ایدر لر

بونلر بوانسا ده بریه و بادیه ده اقامت و ضابطه عدل و سیاستدن فراغت ایدوب حفظ ناموس دولت و تدبیر امور امت بینلرنده مبهم و مجهول اولدی بلکه طوایف عربدن چوق کسنه ازمنه سابقه ده و ایام سالفه ده قبیله لرینک مالک زمام امت و مالک نصاب دولت اولدقلرین دخی بیلوب آبا واجدا لرینک اقامت دعایم ملک و دولته همت و خدمتلرندن بالکلیه غافل اولدیلمر مع هذا ایام ماضیه ده قبائل عرب ایچون حاصل و بونلرک واصل اولدیغی ملک و دولته بر فرد نائل اولوب ممالک شرق و غرب بونلرک ربوده چوکان قهر و تسخیری اولدیغنه عهد قدیمه عاد و ثمود و حبیر و عمالقه و تبعه ایله صدر اسلامده امویه و عباسیه دولتلرینک آثار و اخباری شهادت ایدر لکن طول عهد و زمان ایله احکام دین مبین بینلرنده منسی اولوب مراسم عدل و دادی ترک و اهمال ایله رقت حصارندن خشونت بد اوته عود و رجعت ابدیلر و دخی گاه اولورکه طائفه عرب حالا و قتمزده دیار غریبه واقع اولدیغی کی بعض دول ضعیفه اوزرینه رفع لوای استیلا ایدوب اول دولتک مملکتلرینی قهر و تغلب ایله ضبط و تسخیر ایدر لر لکن سوء حرکت و فحج سیرتلی سببیه انجام کار تخریب عمارته راجع اولوب زمان یسیره مستولی اولدقلری مملکت خراب اولق مقرر در و الله خیر الوارثین بو محمله فصل مذکور تمام اولوب فصل آخر بیانه شروع اولندی

❖ فصل ❖ کتاب اولک فصل ناینسک بوفصلی بریه و بادیه ده ساکن اولان طوایف ❖
❖ و قبائلک اهل امصاره اشدا احتیاج ایله محتاج اولدقلری بیاننده در ❖

معلوم اوله که بریه و بادیه نیک عمارت و معموری بلاد و امصاردن ناقص اولوب بدو بلر نعمت و ثروت و حرفت و صنعت جهتیله بلدیلرندن قاصر در زیرا انسانک محتاج اولدیغی امور ضروریه و حوایج اصلیه نیک جمله سنی تحصیل ایله بادیه قادر اولوب و تعیش و تغذیاری زراعت و حراشه مقصور اولغله آنکدخی آلات و اسبابنی تحصیل و تکمیلده عاجز در اصلی دخی بودر که انسانک اکل و شرب و سکنی و لباسده محتاج اولدقلری امور ضروریه و حوایج اصلیه نیک تحصیلی نجار و خیاط و حداد کی نیجه صنعت و حرفت اربابنک عمل و اعانتلرینه موقوف اولوب و صنایع و حرف دخی بلاد معموره ده موجود و بریه و بادیه ده معدوم و مفقود اولغله بدو بلر امر معاشده بلدیلرک اعانت و عنایتلرینه محتاج اولدقلری ثابت و ظاهر اولور کذلک بریه و بادیه ده ضابطه نظام معاملات و رابطه انتظام معارضات اولان درهم و دینار دخی اولوب بلکه معامله لری زرع ایتد کلمی محصولا تدن حنطه و شعیر ایله رعی ایلد کلمی حیواناتک زوائد و منافعندن بوک و دری و لبن و پنیر مقوله سی اشیایه مخصوص اولغله اول اشیایی بلاد معموره به کونور و آبها بسنه درهم و دینار ایله بیع ایتد کدن صکره اخذ ایتد کلمی مبلغی مصارف ضروریه لرینه صرف ایدر لر و دخی ساکن بادیه اهل امصاره محتاج اولدقلری کی اهل امصارک دخی ساکن بادیه به احتیاجلری مقرر اولوب لکن انلرک اهل امصاره احتیاجلری امور ضروریه و حوایج اصلیه ده و اهل امصارک انلره احتیاجلری حاجت اصلیه دن فضله بعض امور مخصوصه ده واقع اولغله

❖ بدو بلرک ❖

قبیحه قدیمه لری اوزره تحت ضبط و تصرفارنده اولان رعایانک مالک اولدقلری اموال
 و املاکی بدلرندن اخذ و غضب ایدوب ورؤسا و احرازلی دخی ظلمه نك جور و تعدیلرندن
 کندیلره نظم و اشتمکا ایدن رعایانک حقارنی احقاقیده اصلا اهتمام ایتمزلر بلکه
 مملکتلرنده ظلم و فسادده جسارت ایدن شقیلرک جرم و جنایتلری مقابله سنده ترتیب
 جزاده تجریم و تعزیم ایله اکتفا ایدوب شرور و مفاسدی تکثیر جیبایت و غرافته آلت
 ایدرلر بوضورتده دفع جرائم ایله مؤآخذده سهولت اولغله اشقیادخی اغراض فاسدهلری
 اجرایه رخصت بولوب هوا و هوسلرکی تحصیل ضمننده ضرر مال ایله غرامتی غنیمت
 عد ایتمز ایله مملکتده ظلم و فسادک کثرت و وفرتنه مفضی و تخریب ملکه مؤدی اولور
 بوسیدن ناشی سیاست ملک و دولت طائفه عربک حال و شانندن بعید اولوب طبیعتلرنده
 مرکوز اولان عنف و شدت و حب ریاست مقتضاسی اوزره شهراه عدل و انصافدن
 کر بوّه جور و فسادده عدول ایدرلر مکرکیم فصل سابقده ذکر اولنده بیغی اوزره بونلر
 تأیید ربانی و توفیق صمدانی ایله سیراب زلال صافی ایمان اولغله اخلاق ذمچهلری خصال
 حیدیه به مبدل اولوب عقیده صافیة ایمانیهلری شهوت و غضبلرینه غالب و نفس اماره لری
 اوزرینه حاکم اولغله بونلری طریق عنایت رفیق خیره دلالت ایله اولوقنده تشبید بنیان
 دین و دولت و تمهید مبانی عدل و نصفت ایله متصف اولورلر نته کیم افق ملک عربدن
 غور شید عالمتاب نبوت طالع اولوب طائفه عرب شرف دین اسلامه مشرف اولدقده
 احکام سیاست شرعیه به مراعاة ایله مصالح دین و دنیا بی تکمیله موفق اولوب خلفای
 راشدین ایلمنده بعد هم امویه و عباسیه دولتلرنده مبانی ملک و سلطنتلری متین و مستحکم
 اولدی حتی عهد خلافت فاروقده قادیسه وقعه سنده محاربه مسلمین ایچون کسرای عجم
 طرفندن لشکر منجوس مجوس فرس اوزرینه سردار نصب اولانان رستم نام هر دکشتنی صحابه
 کرامک آداب خضوع و خشوع و تعدیل ارکان ایله صلاته حضورلرین مشاهده ایدوب
 طائفه عربک زمان جاهلیتده مألوف اولدقلری اوضاع ذمچه اطوار حیدیه به مبدل
 اولدیغین معاینه ابتدکده انکشت بردهان و تعجب کان اکل عمر کیدی یعلم الکلاب الاداب
 کلامیه هرزه کوی کفر و فساد اولدی یعنی طائفه عرب کلب کبی ادب و وقاردن
 عاری ایکن خلیفه منیع الجناب عمر بن الخطاب بونلره تعلیم آداب ایتمکله بی هلاک ابتدی
 دیوناسف ایدوب بعد الاسلام حال و شانلرندن استغراب ایلدی بوندنصکره قبائل
 عربک بعضیلری دائره دولت اسلامیه دن منقطع اولوب احکام دین اسلامی و رای ظهره
 القا و مراسم عدل و دادی بالکلیه انفا ایله بریه و بادیه به عود و رجوع ایلدیلر شویله که
 آبا و اجداد لرینک صدر اسلامده خلفای راشدینه و امویه و عباسیه دولتلرینه سبکی ایدن
 خدمت جلیله لری ینلرنده محو و منسی اولوب نسب عدنان و قحطانده خلفایه مشارکت ایله
 قرابت بعیده دن غیری مراسم ملک و خلافتدن بونلرده بر اثر باقی قالمدی و دولت عباسیه
 انقراضیله طومار خلافت مطوی و مراسم ملک و دولت محو و منقضی اولدقدن صکره
 زمام سلطنت بالکلیه بدلرندن چیقوب بونلرک اوزرینه طائفه ترک و عجم و دیلم اسنیلا ایلدی

وهو واتباع حق وهدایه دعوت و بونلر دخی قبول واجابته موفق اوله لر رجای ثواب و خوف عقاب ایله اختلافی انفاقه مبدل اولوب اظهار حق و صوابده جمله سی منفق و متحد اولغله ملک و دولتری حسن نظام اوزره بردوام و مستدام اولور * معلوم اوله که قوم عرب کرچه توحش و رعونت ایله معامله به مجبول بر طائفه اولوب لکن کثرت اهالی ایله معبور و مشهور اولان بلاد و امصار کی بونلرک ساکن اولدقلری دشت و صحرا ده اسباب شهوت و آلات عشرت موجود اولماغله لذا ید نفسانیه به انهمالک و عبش و عشرته اشتغال ایله نفسلری متلون دکلددر بو تقدیر جه طائفه عرب بلدی و حضر بلر کی لذات فانیه دنیویه به افراط اوزره مشغول اولوب ملاعب و ملاهی و سایر شهوات نفسانیه ایله مألوف اولملریله کل مولود یولد علی الفطره حدیث شریفی مفسادی اوزره بونلرک نفسلری حتی قبول و خیره وصوله مستعد اولان فطرت اولی و خلقت اصلیه اوزره باقی قالمشدر بوسبیدن ناشی بونلر سلامت طبع و صفای طوبیت ایله موصوف اولوب دعوت انبیا به اجابت و قبول نور هدایتده سایر ناسه غالبلدر فصل مذکور بو محله تمام اولوب فصل آخری یانته شروع اولندی

✽ فصل * کتاب اولک فصل تائینسک بو فصلی طائفه عربک سیاست ملک و دولته *
 ✽ عدم اعتبار ایله تدبیر امور مملکتده همتلری قاصر اولدیغی بیاننده در *

بو امرک سر و سبی اولدر که طائفه عرب توحش و بداوتده سایر ناسه غالب اولوب افراد بی آمدن بفر دیک مسلولک قدم سلوکی اولیان بریه و بادیه زده کشت و کذار ایدر لر و فقر و فاقه و ضرورت مضایقه اوزره تعبشه معتاد اولملریله بلد بلر کی اغذیه نفیسه و اطعمه لذیذه ایله تنم و تغدی به محتاج اولوب اختیار توشه قناعت ایله دامن کوه استغنا به چکلمشدر بوسبیدن ناشی رؤسا و امرایه بونلرک اطاعت و انقیاد لری مشکل اولوب طبیعتلرینده مرکوز اولان رعونت و خشونت حکام و ولاته اطاعتلرینه مانعدر و رئیسلری اولان شخص دخی اعدا ایله مقابله و مقاتله ده اکثر یا بونلرک قوه یازی جلالیت ایله اجاتلرینه محتاج اولوب سطوت و شجاعتلرینه کسر و نقصان ترتیله کندینک و انلرک هلاکنه مفضی اولسون دیو دائم رفیق و ملایمت ایله بونلری خوش طوتوب تحت القهر ضبط و ربط ایله تذلیل و تحقیر لردن اجتناب ایدر سیاست ملک و دولت ایسه تهدیدنی ایقاهه قدرت و قهر و سطوت ایله ملوک و سلاطینک دائره ملکده حکم و تصرف لردن عبارت بر کیفیت اولغله قبائل عرب میاننده احکام سیاست جاری اولدیغی ظاهر اولور و بنه طائفه عربک تدبیر امور دولت و سیاست ملک و سلطنتده قصور لرینک بروجهی دخی بودر که قبائل عربک حال و شانی بوندن اقدم ذکر اولدیغی اوزره خلقک یلر نده اولان اموالی جبر و قهر ایله اخذ و غصبه مقصور اولوب قطعاً ضعف اوزرینه هجوم ایدن اصحاب بغی و شقاوتک مظالم و مفاسد لری دفعه همت و عنایتلری مصر و ف دکلدر بنه علیه فچن بونلر رتبه ملک و سلطنته اعتلا ایله بر مملکتده استیلا ایتدکلر نده حادث

حضرتلرینک مجلسلرینه بریدوی عرب کلوب خلیفه مشار الیه دخی طرفندن امیر اقلیم عراق اولان حجاج بن یوسفک حکومنده حال و شایقی مزبور اعرا بیدن سوال ایتدکده اولدخی حجاجی حسن تدبیر ایله مدح و ثنا سببا قنده ترکته یظلم وحده کلامیله عبدالملکک جواب و بریدی یعنی مالک عراقده حجاج سسار ظلمه نک عرفنی قطع وظلمی کندویه حصر و قصر ایتکلله اجرای مظالمده منفرد و مستقل اولدیغنی حالده ترک ایلدم دیوز غمجه مدح و ثنا ایلدی * و دخی طائفه عربک ابتدای خلقتدن برو قهر و تغلب ایله مالک اولدقلری دیارک احوالنه نظر اولنسونککه قبضه ضبط و تصرفلرینه داخل اولان ممالکک عمارتلری مختل و مشوش اولوب آثار قدیمه سی بی نام و نشان و مسکان و اهالیسی پراکنده و پریشان اولمشدر از جمله قرارگاه قدیملری اولان دیار یمن و مالک همدن خراب اولوب امصار و بلدانندن اقل قلیل معمور در کذلک اقلیم عراق عرب عهد ملوک فرسده عمارت ایله معمور و مشهور ایکن اسنیلای عرب ایله حالاً اکثری خراب اولوب اکثری ممالکک شام دخی مختل النظامدر و کذلک افریقیه ایله سار دیار غریبه دخی بشیوز تار یخنده قبا ئل عربدن بنی هلال و بنی سلیم قبیله لری اسنیلا ایدوب اوچبوز الی سنه مقداری اول ممالککده اقامت و حکومت ایتلریله دشت و صحرا زنده واقع بلاد و قرا خراب اولوب عمارتدن نام و نشان قالدی مع هذا بونلردن مقدم بلاد سودان ایله سواحل بحر سفید میابنده واقع افریقیه و مغرب زمین صحرا لری اهالی موفوره و بلاد معموره ایله آبادان ایدوکنسه آند موجود اولان آثار قدیمه و رسوم ابنیه شهادت و دلالت ایدر والله وارث الارض ومن علیها وهو خیر الوارثین بومحمله فصل مذکور دخی تمام اولوب فصل آخری بانه شروع اولندی

* فصل * کتاب اولک فصل ثانیسی فصولندن بو فصل عرب طائفه سی ایچون ملک * و سلطنت و آیین نظام سیاست حصولی یا انبیدان بر نبی عظیم الشانک دین و ملتیه انقیاد * یابر ولی باهر الکرامه نک ولایتیه حسن اعتقاد موقوف اولوب طریق آخر ایله ملک * و دولت لرینک نظامی مبسر اولدیغنی بیابنده در *

بو امرک دخی سروسبی اولدرکه طائفه عرب و حوش حیوانیه ککی بریه و بادیه ده ساکن اولوب خلقتلرنده کبر و نخوت و طبیعتلرنده حب ریاست مرکوز اولغسلله رأی واحد اوزرینه اجتماع و اتفاق ایله ایچلرندن برینه اطاعت و انقیاد لری صعب و عسیر در اما دستیارئی عون باری ایله تصدیق رسالت و اتباع شریعتیه موفق اولوب بر نبی ذیشانیه انقیاد یا برولی صاحب کرامته اعتقاد ایتدکلری صورتده قبلرنده راسخ اولان عقاید ایمانیه مألوف اولدقلری کبر و عجب و حب جاهی بونلردن محو و ازاله ایتکلله کلمه واحده اوزرینه اجتماع ایله حکام و ولایه اطاعت و انقیاد ایدر لر زیر قبول دین و شریعت عنف و خشوتی رقت و مصلامتیه تبدیل ایدوب عقیده صافیة ایمانیه آینه قلبی تنویر و اخلاق رذیله دن قلوب مؤمنینی تطهیر ایدر بناء علیه قچن قبا ئل عربده طریق حقه داعی بر نبی یا برولی ظهور ایدوب بونلری مخالفت نفس

واستیلا ایتدکری ممالکده واقع اصحاب حرف و صنایعی ایشلرنده استخداام ایدوب
 صنعت و عملرینک یا نلرنده قدر و قیمتی اولمامله مستحق اولدقلری اجر و ثمنی ادا ده تقصیر
 ایدرز عمل و صنعت ایسه اشبوکا بده باب کسب و معاشه ذکر اولندیغی اوزره کار
 و کسبک اصل و مدارای و عمارت بلدانک رکن اقواسی اولقله اعمال و صنایعک قدر و قیمتی
 ضایع اولدقله اصحابنک شوق و همتلری فایز و یدزی عملدن قاصر اولوب بازار کسب
 و معاشه کساد و نظام مملکتده خلل و فساد ترتبه باعث اولور * وینه طائفه عربک جمله
 اطوار ذمیه لرینک بری دخی بودر که اجرای احکام ملک و سیاست ایله تنظیم مصالح
 مملکتده سعی و اهتمام ایتوب مملکتلرنده اصحاب ظلم و شقاوتک ضرر و فسادلرنی دفع
 و زجره عنایتلری مصروف دکلدن بلکه دائم فکر و اندیشه لری ناسک یدلرنده اموال
 و اشیای نهب و غارت یا جریمه و غرامت طریقله اخذ و غصبه مقصور اولوب بوغر ضلری
 حاصل اولدقله نصکره مملکت و رعیته نظام و دفع شرور و مفاسد ایله ترفیه انام مطلوبلری
 دکلدن بلکه چوق کره تکثیر جبات اموال قصدیله اصحاب شقاوتک جرم و جنایتلری
 مقابله سنده عقوبات مالیه فرض و تقدیر ایدوب خیانت و جنایتلرینه کوره نجریم و نجریم ایله
 اکتفا ایدرل مال ایله عقوبت ایسه دفع شر و فساد ده کافی و دفع و منع مظالمده
 وافی اولوب اغراض فاسده لرنی اجراه نسبت ایله غرامت مالیه ایله تغیرده سهولت
 اولغین جنایت و خیانتک کثرت و وفرتنه باعث اولق مقرر در بو تقدیر جه ممالک عربده
 واقع رعایا و برابا مهمل و پریشان و مطلق العنان اولوب بی باک و پروا استدکری فساد
 اجراه قادر اولورلر بو حالت ایسه اختلال نظامه باعث و بادی و انتظام مصالح ملکه
 مانع قوی اولوب نوع بشرک هلاکنه و عمارتک خرابنه مفضی و مؤدی اولورلر زبرا
 وجه ارضده آحاد بشرک اجتماع و دوامی و خال لرینک نظام و انتظامی ایچون ملک
 و سلطنتک وجودی امر ضروری اولوب و نظام عالم اطاعت ملوک ایله جلب مصالح
 و دفع مفاسده منوط و مر بوط اولقله سطوت و قهر سلاطین بر طرف اولوب هر کس
 شهوت و غضبک مقتضاسنی اجراه مرخص اولدقله عالم خراب اولق مقرر در * وینه
 طائفه عربک اطوار ناشایسته لرینک بری دخی بودر که بونلرده حب جاه و ریاست ساثر ائمه
 نسبتله غالب اولغین طوع و رضاسار به زمام حکومتی دست غصیره تسلیم و آخری نفسی
 اوزرینه ترجیح و تقدیم ایتلری اقل اولوب استرسه ایچلرنده مسند ریاسته اعتلا ایده جک
 ذات باباسی باقرنداشی یا خود کبرای عشیرتندن بری دخی اولورسه حکومت و ریاستنه
 دخل و اعتراض ایدرل مکرکیم قوم و قبیله لری بیننده مخالفت و معارضه اولنقلدن
 استخیا اولنه جتی ذات حقنده اوله که کره مطاوعت و موافقت صورتی اظهار ایدرلر
 بو تقدیر جه قبائل عرب میاننده حکام و ولایه کثیر و متعدد اولوب جبات اموال رعیت
 و ساثر امور مملکت اختلاف آرا ایله مختل و مختلف اولقله استیلا ایتدکری ممالکک
 احوالی مجمل و مشوش اولور و طوایف عربک اطاعت حکام و امراده رعوت
 و خشونتلرینه دلالت ایدن اخبار و حکایاتد بیدر که مشاهیر خلفای امویه دن عبد الملک

وتنظیم امور مملکتده مکنت وقدرتلری قاصر اولغین تداول ایدی ایله اول ممالک
وقتا فوقتا خراب اولوب سکان واهالسی دخی مکین کین تراب اولورلر * والله غالب
هلی امره * بومحلده فصل مذکور تمام اولوب فصل آخری یانته شروع اولندی

* فصل * کتاب اولک فصل ثانیستک بوفصلی طائفة عربک مستولی اولدقلری *
* بلاد و دیار ازمنه قلیله ده خرابه مشرف اولدیغی بیاننده در *

بوامرک سر و سببی اولدر که طائفة عرب بلاد معموره واهالی موفوره دن خالی بریه و بادیه لده
خیمه و خرگاه ایله کشت و کذار ایدوب شیر زیان و پیل دمان کچی وحشت و وحدته و ایصال
ضرر و خسارته مجبول بر طائفة اولدیغی بوندن اقدم مره بعداخری بیان اولغش ایدی
و بونلرک بوخلق وخصلتی اصحاب عقل و کمال قنده اخلاق ذمیه دن معدود ایکن طائفة
عرب قنده ممدوح و مرغوبدر زرا و وحشت و غلظت و عنف و خوشنتلری سببیه رقبه
طاخترلی رقبه اطاعت و لاه و حکام ایله مقید اولوب شیخ و رئیسلری دخی آداب سیاست ملک
و سلطنت ایله بونلری زجر و تأدیه قادر اولمغله فضای اطلاقده مطلق العنان اولوب
بی باک و پروا شهوت و غضبلرینک مقتضالری اجرایه قادر اولورلر بویه ارخای عنان
ایسه تعمیر بلاد و ترفیه عباده منافی برحالت اولمغله بونلرک داخل حوزه تغلب و تسلطلری
اولان ممالک معمور و منظم اولوق متصور دکدر بوندن ماعدا طائفة عرب بومحلده
قرار و آرام ایتموب هلی الدوام برمحلدن محل آخره نقل و رحلت ایله سیر و حرکتیه مجبول
اولملریله عمارت بلادک اصل و اساسی اولان سکون و اقامته طورلری منافی اولغین نقل
و حرکت ایله عمارتک اجتماعی ممکن اولماز از جمله تعمیر بلاد و امصار جمع اخشاب
و احجار ایله بنای منازل و مساکنه موقوف اولوب طائفة عرب ایسه کشت و کذارلری
اثاسنده مصادف اولدقلری ابنیه نک اجارنی قلع و هدم ایدوب طبخ طعام ایچون اعداد
ایتدکلری چوملکلری تحتیه وضع ایله تخریب بنیان ایدرلر کذلک سقف منازلده واقع
الواح و اخشاب دخی نزع و قلع ایدوب خیمه و خرگاهلرینه عماد و اوتاد ایدرلر * خلاصه
کلام بونلرک لازمه حال و شای نلری اولان تخریب بنیان ایله عمارت بلدان میاننده مناسفاة
و مابینت اولمغله طائفة عربک مستولی اولدیغی دیار خراب و ییساپ اولدیغی ظاهر در و دخی
طائفة عرب خلقک یدر لنده ظفر بولدقلری اموال و اشیا بی نهب و غارتیه مجبول اولوب
نفقه و رزقلری نیره لری سایه سنده و تحت ظلال رما حلزنده واقع اولدیفندن ماعدا
اخذ اموال ناسده جور و تعدیلرینک دخی حد و قراری اولوب حرص و طمطلری بر حده
بالقدر که کوزلری کوردوکی اموال و امتعه به اطالاه دست تعدی ایتمک عادت مستمره لیدر
قیچن طائفة مذکوره نک مکنت و قدرتلری درجه کماله واصل اولوب رتبه ریاستدن
مرتبه علیای ملک و سلطنته نائل اولدقلرنده جور و تعدیده شیبه رذیله و خصلت ذمیه لری
مقتضا سبجه قبضه قهر و تغلبلرینه داخل اولان ناسک اموالی حفظ و صیانتده عدل
و دادی ترک ایله مستولی اولدقلری بلادک اهاالسی پراکنده و پریشان و مملکتلری
بینام و نشان اولور * وینه طائفة عربک عادت قبیحلرینک بری دخی بودر که تسلط

سلسله نسل و نسببری منقرض اولوب ایچلرندن اقل قلیل باقی واکثری * کان لم یکن
 شبتا مذکور * مدلولی اوزره محو وفاتی اولدیلمر مع هذا اصحاب و تابعین رضوان الله
 تعالی علیهم اجمعین حضرات تک رعیت حقنده و سائر خصوصده عدل و رأفت و انصاف
 و محترمی رتبه تعریفدن غنی اولمغله بقایای رعایای فرسک عهد صحابه و تابعینده
 انقراضبری ظلم و جور و لایه و حکامه مبنی اولوق متصور دکلسر بلنکه ذل و قهر ایله نوع
 بشری استخدام و استرقاق شوقلرینه خلل و همتلرینه کسل ایراث ایتک جلی برحالت
 اولمغله توالد و تناسله قصور و فتور لرینه مفضی و مدت قلیله ده انقراض و اندراسلرینه
 مؤدی اولور بوسبیدن ناشیدر که فصول سابقه ضمنده بیان اولندیغی اوزره امم سودانده
 انسانیت ناقص اولمغله اکثررق و عبودیتنه طائفه مذکورده انقیاد ایله کلسلردر یا خود
 عبد مملوک اولوق تقریبیله عز و دولت و یامال و نعمته دسترس وصول اولوق امید ایدن رجاله
 مخصوصدر نه کیم ممالک شرفده ترک و دیار اندلسده طوایف افرنجیدن معلوجا و جلالقه
 طائفه لری اسیر اولدقلرنده عادتاً نعمت و جاه و ثروت و یساره نائل اولمغله ذلرق و عبودیتدن
 اسنکاف و تحاشی ایتموب امنیه وصول نعمت و جاه ایله ذلت رق و عبودیتنه تحمل ایدر لر
 والله اعلم فصل مذکور بو محله تمام اولوب فصل آخر یاننه شروع اولندی

* فصل * کتاب اولک فصل ناینسک بو فصلی طائفه عربک نهب و غارت ایله تغلب *
 * واستیلاری دوز صحرا رده واقع محله مخصوص اولوب جبال عالیله و مواضع *
 * صعبه ده واقع قلاع و بلادده تسلط و استیلا به قدر تیری قاصر اولدیغی یاننده در *

بو امرک سببی اولدر که قبائل عرب سباع و وحوش کبی بریه و بادیه ده وحشت و خلوتنه مألوف
 برطائفه اولمغله قطع سیبل رجال و نهب و غارت اموال بونلرک عادت معتبره لری اولوب دائماً
 کین خفاده انهاز فرصت ایله و سعاری مرتبه خلقک اموال و اشبار نی اخذ و غصب ایدر لر لکن
 سائر اصحاب حرب و وغان کبی مواضع خوف و خطره هجوم و اقدام و میدان حرب و قتالده
 ترتیب مصاف ایله جنک و پرخاشه قیام ایتموب بلکه گرفته سر پیچمه قهر و تغلببری اولان
 اموال و اشبار نی اخذ و در حال قرار کاهلری اولان وطنلرینه عود و فرار ایدر لر مکر کیم
 سل سیف عدوان ایله اوزر لرینه هجوم ایدن اعدا لر نی نفس و مالرینه تعرضدن منع
 و دفع ایچون محاربه و مغالبه ده مبالغه به مضطر اوله لر بنساء علی ذلک طائفه عرب اخذ
 و تسخیری صعب و دشوار اولان محله عنان افکن عزم اولموب ضرر و خسارته جسامان
 و نهب و غارتی آسان مواضعه سیر و سفر ایدر لر بوسبیدن ناشی اهل قلاع و حصون بونلرک
 شر و ضرر لرندن مصون اولوب کذلک قلیل جبال و سائر صعب المنال اولان محله تحصن
 ایدن رجال دخی بونلرک غائله قهر و تغلب لرندن مأمون لر در * اما قلاع و حصوندن خالی
 و بسط و مستوی اولان صحرا رده واقع بلاد و قرا اهل بسنک حاللری ضعیف اولوب
 مملکتلری حفظ و حراسته کافی عسکر لری دخی موجود اولدقلده جوار لرنده واقع طائفه
 عرب انلرک اوزرینه مستولی اولوب مره بعدا خری و ایصال کزند و خسارت ایله اول ممالک
 مختل النظامی اخذ و تسخیر و اهل بسنی زبون قهر و تدبیر ایتد کدنصکره تدبیر ملک و دولت

بواصرک سر و سببی الله اعلم اولدر که زمره نوع بنی آدمک زمام اختیاری یدنده اولیوب رقبه
 عبودیتلری آخرک ربقه اطاعتنه داخل اولدقده ذل وهوان ایله و لاته و حکامک خدمتلرنی رؤیتنه
 آلت اولوب نفقه و معیشتلری دخی و لیلرینک عهده عنایتلرینه موقوف اولمغله بونلره برمرته
 بطالت و رخاوت عارض اولور که هر خصوصده سعی و همتلری قاصر و امید و رجالی
 فائر اولور تناسل و توالد ایله کثرت ذریت ایسه قوای شهویه بی تمیج و تحریکه داعی
 اولان اسباب شوق و نشاطک اجتماعنه موقوف اولوب واسارا و رعایا مخدوم و متبوعلرینک
 تکالیف شاقه لرنی تحصیل و خدمت مأموره لرنی رؤیتنه مشغول اولملریله سرمایه نسل
 و نسب اولان شوق و شهوتلری فاسد و مکنت و قدرتلری کاسد اولوب ذریت و عقب لرنده
 نقص و قصور و سعی و کسبلرنده وهن و فتور حاصل اولور و رقبه طاعتلرندن خلع ربقه
 اطاعتنه دست مکتلری قاصر اولوب کردن عبودیتلرندن زنجیر ذل وهوانی رفع و دفعدن
 عاجز اولملریله سر بجه قهر و تغلبه زار و زبون اولشلردر وینه نقصان تناسلده قهر
 و غلبه تک تأثیری ایچون الله اعلم بر سبب خفی دخی بودر که * واذ قال ربک للملائکة
 انی جاعل فی الارض خلیفة * نص کریمنده واقع اشارت ضمنیه اوزره جناب احکم الحاکمین
 جل شانہ حضرتلری زمره نوع بنی آدمی صحیفه ارضده شرف استخلاف ایله تشریف
 و تکریم ایله سائر مخلوقانک اوزرینه تفضیل و تقدیم ایتمکله نوع انسانک خلقت و جبلتده
 داعیه خلافت مستقر اولوب فضای اطلاقده مطلق العنان ایکن ریاست و خلافتنه مداخله
 اولوب یا ذل رق ایله عبد مأسور یا استیلای ملوک ایله مغلوب و مقهور اولدقده همتنه
 برمرته فتور و کلال عارض اولور که اکل و شربده دخی اشتهاستی استیفاده قاصر اولور
 و بو حالت انسانده موجود اولدبغی کبی حیوانات و حشیه دن شیر و پلنک مقوله سی و حشی
 جا نورلر صید و نخبیر و بسته قید زنجیر اولوب ذکور و انثی بر محله جمع اولدقده
 قطعا و طمی و سفاده رغبت ایتمکلی معاینه و مشاهده اولمشدر کذلک انسانک دخی
 کردن طاعتی بسته زنجیر تکلیف اولوب آخرک قبضه حکم و تصرفنه داخل اولدقده
 استیلای دهشت و نقصان شهوت ایله توالد و تناسلده قاصر اولوب مدت سیره ده سلسله
 نسل و نسباری محو و منقرض اولور و البقاء الله وحده بواصرک صدق فی ام فرسک احوالده
 ظاهر اولور که بونلر کثرت و وفرتده دایره حد و قیاسدن بیرون وانلر ایله اکثر مالک ربع
 مسکون مشخون ایکن صدر اسلامده ایل خلافت فاروق منیع الجناب عمر بن الخطابه
 بجوس فرسک لشکر منموسی طعمه شمشیر قهر و تدمیر و مملکتلری داخل قبضه تسخیر
 اولدقده نصرکه بونلردن بقیه السیف طائفه کثیره رعیت اولق اوزره باقی قالمشیدی
 حتی محاربه فرس ایچون طرف خلیفه دن قائد الجیش تعیین بیوریلان سعد بن ابی وقاص
 رضی الله تعالی عنه حضرتلری بو طائفه خذلان فریندن و راه مدینه مدا بنده باقی قالان
 رجالی عد و احصا ایتمکده مبلغ عددلری بوز اوتوز یدی بیک نفره بالغ اولوب ایچلرندن
 اوتوز یدی بیک نفری دایره و اتباع اصحابی رجال ایدی وقتنا که عهد خلافت عمریده هجوم
 شیردلان اهل ایمان ایله بونلر قبضه ذل و قهره داخل اولدقلرنده مدت قلیله مرورند نصرکه

❖ تابع متبوعه زی و قیافنده و سائر اوضاع و اطوارده اقتدا و اتباعه مائل ❖
❖ اولد یغنی بیان اولنور ❖

بوامرک سر و سببی اولدرکه انسانک نفسی داتما کندویه غالب و زمام امرینه مالک اولان کسسه حقنده کمال اعتقاد ایدوب رضاسنی تحصیله طالب و اطاعت و اتقیاده راغبدر بونک دخی اصل و سببی مغلوب غالبک کالنه نظر ایدوب علوشان و قدر و منزلته بناء نفسنده تعظیم و تکریمی راسخ اولغله اقتدا و اتباعه سعی ایدر یاخود خلقک متبوع و مقتدالرینه اولان اطاعت و اتقیاد لر نی متبوعک ذاتنده هر کوز اولان صفات کماله جل ایدوب ثروت و یسار و مکننت و اقتدار ایله قهر و تغلب لرندن ذاهل اولور بوتقدیرجه غالبک اوضاع و اطوارنه تقلید و اقتدایه کوشش ایله متبوعیت رتبه سنی تحصیله سعی ایدر بوسیدن ناشیدرکه مغلوب داتما زی و قیافت و طرز لباس و سلاحده و سائر احوالده غالب و متبوعک اثرینه اقتدا ایدوب هر خصوصده کندویه غالب اولان رجالک اختیار ایتدیکی مسلکده سالک اولور حتی ولدک والدینه طرز و قیافنده اقتداسی دخی بوقبیلدن اولوب اولاد و ابنا آبا واجدا لر ینک ذاتنده کمال اعتقاد ایتلریله اکثریا انلره تشبیه و تقلیده سعی ایدرلر واقطار ارضدن هر قطرده واقع ممالکک اهالیسی دخی اکثریا عسکری قیافتنه مائل اولوب جنود سلطانه رعایایه غالب و انلر مغلوب اولغله رعیت عسکری یه طرز و قیافنده اقتدا ایدرلر حتی بر مملکتک اهالیسنه جوار لر نده واقع مملکت اخرا اهالیسی غالب اولدوقده انلرک طرز و قیافنده آیین و اسلوب لر مملکت اولی اهالیسنه سرایت ایدوب اکثر احوالده انلرک وادیمی اوزره حرکتیه میل ایدرلر نته کیم حالابوهصرده ممالکک اندلسده واقع اهل اسلامه طوایف افرنجیدن جوار لر نده واقع جلالقه کفره سی غالب اولغله اهل اسلام ملابس و مرآکبده و سائر احوالک اکثر نده ذکر اولنان طائفه افرنجیه اقتدا ایدوب حتی مسکن و منزل لر ینک صفحه دیوار لر ینه افرنج طائفه سی کبی نقش صور و تمثال ایلدیلر دیده عبرت و عین حکمت ایله بواحواله نظر ایدنلر طوایف افرنجک اندلس ممالکنه استیلا ایتلرینه استدلال ایدوب تسلیط کفار دوزخ قرار ایله جناب حقک قهر و غضبیدن استعاده ایلرلر و دخی الناس علی دین ملوکهم قولنک مضمون و امالی دخی مغلوبک غالبه اقتدا و اتباعنه راجع اولوب ملوک سلاطین حوزه جایه لر نده ساکن اولان رجاله غالب انلر مغلوب اولغله ملکر ینک ذاتنده کمال اعتقاد ایتلرندن ناشی بالجمله اعیان و امرای و رعایا و برابعلی حسب مراتبهم مذهب و مشربده و سائر اتباعی ممکن اولان خصوصلرده ولدک والدنه تمیزک استادنه اقتداسی کبی ملوک و سلاطینه اقتدا و اتباعه میل و رغبت ایدرلر والله العلی الحکیم بومحله فصل مذکور تمام اولوب فصل آخر بیانه شروع اولندی

❖ فصل ❖ کتاب اولک فصل ناینسنک بوفصلی طوایف امم عالمدن بر طائفه ❖
❖ آخرک سر پنجه قهر و غلبه سیله زبون و مغلوب اولوب زمام تصرفی دست ❖
❖ اختیارندن ساقط اولدوقده اول طائفه نک نسل و اعقابی مدت قبله ده منقرض ❖
❖ اولد یغنی بیاننده در ❖

❖ بوامرک ❖

ایدوب بعده عذاب صیحه ایله مظهر قهر ربانی اولدوقده پرلرینه انلرک اخوانی قوم
 نمود قائم اولدیله بونلردن صکره دخی ملک و دولت جباره عمالقه یه نقل ایدوب انلردخی
 منقرض اولدوقده دولتری عمالقه تک اخوانی جبر قبیله سنه انلردن دخی تباعه یه انلردن
 ملوک اذوا یه نقل ایلدی بونلرک انقراضدن صکره دخی نوبت سلطنت قبیله جلیله
 مضره نقل ایلدی کذلک ملک فرس دخی کیا نیان دن اخوانی ساسانیانه نقل ایدوب بعده
 انلرک جله سی خلفای راشدین ایامنده محو و مندرس اولدی کذلک عهد سابقده
 بنیان دولت یونانیان مترزل و مندرس اولوب دولت و سلطنتلری انلرک اخوانی
 رومیانه نقل ایلدی کذلک دیار غربده طوایف بر بره تک اوائلی مغراوه و کلامه قبیله لزدن
 ملک دولت یه بر بره دن صنهاجه یه انلردن ملتمین طائفه سنه انلردن دخی مصامده
 عشرتیه انلردن دخی زناته قبیله سندن باقی قالان رجاله نقل ایدوب قرنا بعد قرن بین العباد
 عادت الهیه بومنوال اوزره جاری اوله کلمشدر و دخی انتقال دولده ذکر اولسان ترتیب
 عادی اتحاد نسل و نسب ایله کلمه واحده اوزرینه اجتماع ایدن رجالک تعاون و تناسرده
 همدست وفاق و یکلیخت اتفاق اولمیرینه مبتنی اولمغله قوه عصیبت بوباید اصل اساس
 اولمشدر و قوه عصیبه تک مراتبی دخی امم و رجال بیننده مختلف و متفاوت اولوب و قایه
 سطوتلری ملک و دولته منتهی وانسکدخی محافظه سی ترفه و تنعمه انهما کدن اجتناب
 و توفی یه مبتنی اولدیغی انشاء الرحمان عن قریب الزمان ذکر و تفصیل اولنور فعلی هذا
 بر دولتک بنیان وارکانی اندارسه میل ایتدکده سریرملکه نائل اولماز لایینه اول دودمان
 دولت و خاندان سلطنتک اقارب و خویشا نندن سطوت و شوکتده اسلافه مشارک
 اولان رجال نائل اولور که سطوت و قوتده قرب و مشارکتلرینه بناء اسلافه اولنان اطاعت
 و انقیاد بونلر حقیقه دخی جاری اولور بومعنا ایسه اسلافه درجه قرابتده اقرب اولان
 رجال حقیقه جاریدر که قوت عصیبت نسب اسلافه قرب و بعد ایله مختلف اولمغله
 انلره رتبه قرابتده اقرب اولان رجالک عصیبت و شوکتلری اقوا و ناسک اطاعت و انقیاد لرینه
 اولی اولور مکریم سبق قلم قضا ایله صحیفه روز کارده تحویل مذهب و ملت و ذهاب
 ملک و عمارت ایله بر تبدیل عظیم واقع اوله که اولوقته ملک و سلطنت ذکر اولسان
 خاندانن بالکلیه خاندان آخره نقل ایدوب مشبت علیه الهیه ایله کارگاه عالمده برنظام
 جدید جلوه کر موقع ظهور اولور نته کیم فیض تأیید ربانی و مقارنت عون صمدانی ایله
 قبیله جلیله مضردن طلوع نور احمدی ایله آفاق جهان منور و روشن اولدوقده شیردلان
 جنود اسلام اطراف و کافده و اقسع امم و دوله غالب اولوب فرس و روم و سائر ملوک
 و سلاطینک حوزه تصرفلرنده اولان مالکی بالجمله نزع و تسخیر ایلدیله مع هذا نیجه ازمنه
 متوالیه قبیله مضر و قریش وایه دار ملک و سلطنت اولوب غایه عز و شرفلری قبیله لرنده
 ریاست و مشیخته مقصور ایدی بومحله فصول فصل نائیدن بکرمی ایکنجی فصل تمام
 اولوب حالا بغایه الله تعالی بکرمی اوچنجی فصلک بیاتنه شروع اولندی

فصل ثالث و عشرین * کتاب اولک فصل نائینسک بوفصلنده مغلوب غالبه *

وسلطنته اعتلا ایلمری مپسراولماز الا کثرت اعوان وانصار ومزید شوکت واقتمدار ایله ناسی اطاعت وانقیاد لرینه جبر و تسخیر دن صکره حاصل اولور بو تقدیرجه حل وعقد امور دولت وفتق ورتق مصالح امت اول خاندانک سلسله سی رجالتدن اقرب اقرار لرینه مخصوص اولوب تدبیر امور جهوردده جمله سنک مشارکت ومداخله لری متصور دکلدر ز پرا جوهر ملک ودولت ایله تاج ابتهما جلری اراسته اولان اهل بیت سلطنتک اقارب وخویشانی واتباع واعوانی بیحد وشمار اولوب وغیرت وحیت ملوک کنسدی ساحة عز احوالی محافظه یه مجبول ورتبه سامیه ملک وجاهده مشارکت ومداخله یه تصدی ایدنلری زجر ومنعه مجبور لر در بوصورنده بر ذاتک سرصفحه عز واقبالی اراییده توقع رفیع ملک ودولت اولوق مپسراولوب سلسله سی رجالتدن بعضیلری مناصب عالیسه ومراتب سامیه ایله مشرف اولدقدده مساعده بخت واقبال ایله برمدت کلپستر ناز ونعمده عیش وصفایه مشغول اولوب کندیلره منسوب ومتعلق اولان کسه لری منافع دولتده تشریک ایله بهره دار راحت وحضور ایدر لر و تمهید مباتی دولتده سابقا کندیلره مظاهرت ایدن قریب و تقر بلرینک بعضیلری دخی پیرامن دائرة دولتدن طرود ونعم ورفسه ایله تعبددن محروم اولمغله سورت بطش وشدنلری وسطوت عصیبتلری هرگز اصلپسندده قرار ایدوب دائما طلب ملک ودولت ایله ظهور وخر وچلرینه دست برجام نهضت مترصد کین فرصت اولور لر وقتا که بر وفق عادت الهیه استیلا ی مصائب دوران واصابت عین زمان ایله بونلرک رایت عز واقباللری نکونسار و آینه بخت وطالعلری ژنکدار اولوب نواله عزیز المنال عز و جاهلری طعمه دهر غدار وآب خوشکوار عبشاری جرعه جام روزگار اولمغه مشرف اولدقدده

* کدودالقرینسج ثم یفنی * * بمرکز نسجه فی الانعکاس *

مصداتی اوزره کین خفاده مترصد فرصت اولان اقارب وخویشانک سطوت وعصیبتلری موفور اولوب انهماک لذات نفسانیه ایله شجاعت وجلادتلری مکسوز اولمغله سفلیری زماننده ممنوع ومحروم اولدقلری ملک ودولته همتلری سامی اولوب وشرف نسب وعزحسبده اسلاف لرینه مشارکتلری سببیه وراثت ملک وسلطنته استحقاقلری دخی خلقک مجزوم ومعلوملری اولمغله بی مانع ومزاجم حل وعقد امور دولت مسلم کف کفایتلری اولور * کذلک بونلرک دخی زمانلرنده سلسله نسبلری رجالتدن نیجه لری دخی ظل ظلیل عز ودولتده راحت وحضور دن محروم اولمغله پس پرده خفاده سلفلرینک زوال دولتلری اماراتنه مترقب اولوب وقت وزمانی کلدکده انلردخی نائل تاج وتخت جهان داری اولور لر والحاصل ملک ودولت بوخاندان جلالت نشانک سلسله نسل ونسبلرینه منتظم اولان رجالتک یئلرنده دا تراولوب سورت عصیبتلری زائل یاقبائل وعشارلری محو ومضمحل اولنجبه دق زرین کوی سلطنت علی طریق المنساوبه بونلرک رپوده چوکان جلادتلری اولوق اوزرینه سنه الهیه جاری اوله کلشدر زمان سابقده ام سالفه یئلرنده واقع اولان انقلابات وانتقالات بومدعا مره کواه بی اشباهدر که ملک عاد شدید عنیددن شدداده انتقال

مجاور اولان بلاد و امصارده واقف و افقری حدودنده ما کف اولیوب بلکه اقالیم
بعیده بی قهر و تسخیره اجاله لجام نهضت و سوق مطبیه عزیمت ایدرلر بو خصوصده
فاروق منیع الجناب عمر بن الخطاب رضی الله تعالی عنه حضرت لرندن نقل اولنان حکایه به
نظر اولنسونککه عز و اقبال ایله مسند خلافته اعتلا بیور دقلرنده اهل حجازی سفر عرافه
تخریض اراده سیله خطبه خوان و عظ و ارشاد اولوب بیور دیلرکه یا اصحاب رسول الله
دار حجاز من جهة الانتفاع سزک ایچون مقر و مأوی اولغه صالح اولماز الادواب
و مواشیلر بکری رعیه صالح بر محل اولوب ارض حجازده جهت اخرا ایله انتفاع و اغتنام
متصور دکلدرد قنده در اول رجال اخبارکه سعادت دارینی اجزاز ایتملری حقنده سبق
ایدن وعد کریم الهی به بنه سل سیف جهاد ایله فتح بلاد معموره ایچون دار و دیار لرندن
نقل و هجرت ایتدیلر وقتیدرکه * لیظهره علی الدین کله ولو کره المشرکون *
نص کریمی مفادی اوزره جناب حاکم قطر حجازدن بلاد عراقه سوق مطبیه هزم ایتملری
امر و فرمان بیور دیلر * وینه قبائل و حشیه نک توسیع ممالک و قطع مسالک ایله سائر
طوایفه سبق و تقدملرینه دلالت ایدن امورک بری دخی عرب سالفه دن جبر و تباغه
حقنده نقل اولنان حکایه درکه بونلر وطن اقامتلری اولان یمن اولککه سندن بردفعه دیار
غریبه و برکره دخی اقلیم عراق و بلاد هنده سفر ایدوب یمن ایله مغرب زمینک خصوصاً
ممالک عراق و بلاد هندک میاننده مسافه بعیده و مر اهل غیر هدیده موجود آنکن بی باک
و پروا مواضع مذکورده به سیر و سفر ایتدیلر امم عالم و افراد بی ادمده طائفه عربدن
غیری برامت ایچون مدت مدیده بوقدر مسافه بعیده به نقل و رحلت و فوز و ظفر ایله
و ظنلرینه عود و رجعت مہسر اولدیغی السنه انامده مذکور و صحایف کتب توار بنجده
مسطور دکلدرد * کذلک دیار غریبه قبائل بدویه و عشایر و حشیه دن ملتئمین طائفه سی دخی
ملک و سلطنت داعیه سیله رفع لوای جهاد ایدوب اقلیم اولده جوار ارض سودانده واقع
بریه دن نقل و حرکت و بی مدد و اعانت دفعه واحده ده اقلیم رابع و خامسده واقع اندلس
مما لکننه استیلا ایتدیلر * و الحاصل سکان دشت و بریه اولان اکثر قبائل و حشیه نک
حال و شانلری بومنونال اوزره اولغله دائره ملک و دولتلری سائر طوایفدن اوسع اولوب
مرکز سلطنتلرندن ابعد محللره حکومتلری جاری اولمشدر و الله یقدر اللیل و النهار
فصول فصل نابدن بکرمی برنجی فصل تمام و رسیدہ ختام اولوب حالاً بکرمی ایکنجی
فصلک بیاننه شروع اولندی

* فصل ثانی و عشرين * کتاب اولک فصل نائینسک بکرمی ایکنجی فصلی ملک *
* دولت سلاطه واحده به منسوب بر خاندان زائل اولدقده مادامکه سطون عصیتلری *
* باقی اوله ینه اول سلسله نک اقارب و خویشا نندن آخر خاندانه عود ایتمک مقرر *
* اولدیغی بیاننده در *

معلوم اوله که اهل انساب ذوی الاحسابدن بر خاندان معالی نشانک رتبه سامیه ملک

مقابله امید نداشتی امثال و اقربان بر برلینه اکرامه مجبور در اما اولیای دولتک امثال
 و اقربانری اولیوب سطوت و شوکت نردن اتقا و دولت و جاهل زدن امید و رجاری اولیان
 رجاله اکراملری شائبه عوض و غرضندن سالم اولوب مجرد شپه مرضیه زنده مرکوز
 اولان اخلاق ملکیه و کالات ملکیه به مبنی و سیاست ملک و سلطنت بالکلیه اقباله
 مبنیدر زیرا اعبان و اشرافک امثال و اقربانه اعزاز و اکراملری سیاست خاصه ده
 رعایتی واجب امر ضروری اولوب فضلا و علمایه و تجار و غربایه حسن معامله ری
 سیاست عامه بی متضمن کمال ذاتی در که صلحایه اکراملری محبت دین و علمایه تعظیمی
 اقامت مراسم شرع مینده احتیاجه مبنی اولوب اصحاب تجارتی رغبتی تکمیل حوایج
 اناج و تعمیم منافع خاص و عامه ترغیب و غربا و مسافری بی تطیب و نوازشلی مکارم اخلاقه
 مبنیدر بو صورتده طبقات ناسه مراعات و هر کسک خدمتیه مکافات ایله مالوف
 و موصوف اولان رجالده اشوائار مطبوعه و اوضاع مرغوبه مشاهده اولند قدده انارک
 سیاست عامه بی تنظیم ایله سریر ملک و سلطنته لباقترری و جناب حقک مظهر عون
 و عنایتی اولملرینه اسندلال اولنور زیرا سبق قلم قضا ایله بر ملک و دولتک زوال و اندراسی
 مقدر اولد قدده هلاکیم نحس و ادبایردن ابتدا اول دولتده علمای و صلحا و تجار و غربایه لایق
 اکرامده تقصیر و اهمال ظهور ایدر اکر بر دولتده ذکر اولنان اطوار ناشیسته ظهور
 ایدر سه اول اشبان هر و جاهدن همای مجد و اقبال پروازه آغاز ایتمک مقرر در و اذا
 اراد الله بقوم سوء فلا مرده * بو محله فصول فصل نایدن بکر منجی فصل تمام اولوب
 بکر می برنجی فصلک بیانیه شروع اولندی

* فصل حادی و عشرین * کتاب اولک فصل نایسنک بکر می برنجی فصلی دشت *
 * و بریه ده خیمه و خرگاه ایله کشت و کذاریدن قبائل و عشایرک دائره ملک و دولتلیری *
 * ساژل نندن اوسع اولدیغی بیانیه در *

بو امرک سر و سببی اولدر که بوندن اقدام ذکر و تقریر اولند بخی اوز ره سکان بریه و قبائل
 و حشیه تک تعاون و تناصره قیام ایدن اعوان و انصار لری کثیر و محسار به و مقاتله ده
 مکننت و قدرت لری مزید و غزیر اولغله ساژطوایف امک اوز لر پنه رفع لوای استیلا
 ایدوب پدلرند اولان ممالکی نزع و تسخیر و رجالی قهر و تذلیله قادر در * و دخی بریه نشین
 اولان قبائل و عشایرک بلدی و حضریلره نسبت ایله برویسا باندن تو حش ایدن
 حیوان و حشی مثابه سنده اولغله شیر زیان و بیری بان کبی سر پنجه قهر و غضب لری
 تیر اولوب چنکال سبیر زندن کر یز متصور دکلدن ذکر اولنان طوایف و حشیه قبائل
 عرب ایله دیار غربده زناته عشیرتی و طرف شرقده اکراد و ترکان قبیله لری وینه مغربده
 صنهایه قبیله سی اشرافندن طائفه ملتین و انارک امثالی و اشباهی ساژرام و رجالد که
 بونلر مزارع موفوره ایله معمور اولان بلاد و امصارده ساکن اولیوب دائما خیمه و خرگاه ایله
 کشت و کذاره مالوف اولملریله اطراف و اکافنده واقع اولان مواضع و مواطنک بونلره
 نسبت لری مساویدر * بو سبیدن ناشی در که بریه نشین اولان امم متوحشین کنندیلره

اوضاع مطبوعه و اطوار مقبوله لريله استدلال اولنوب سائق تقدیر انلری بو اخلاق
 کریمه یه توفیق ایتکله سطوت و شوکتلری رتبه رفیعه ملک و سلطنته بالغ اولسنه
 عنوان صحیفه احوالری براهه استهلال اولوز زیرا جناب حق و فیاض مطلق جل شانہ
 حضرتلرینک جله افعال و آثاری حکم و مصالحدن خالی اولوب خصوصاً عالم کون
 و فسادده سرمایه نظام امم و دستمایه مصالح بنی آدم اولان ملک و سلطنته لایق رجالک
 امر و نهیبی تنفیذ ایچون ابتدا پیرامن دائرة اطاعتلرینه اعوان و انصار دن جمع کثیر
 و جم غفیر رجالک قلوبی جمع ایله شوکت و سطوتلرین تأیید ایدوب بعده عدل و انصاف ایله
 تدبیر نظام عالم و ترتیب مصالح اممده ساعد همترلرین تسدید ایچون عنوان صحیفه ده
 ذکر سی سبق ایدن سیر حسنه و اخلاق مستحسنه ایله تخلق و اتصافه توفیق ایدر بناء علیه
 کثرت اعوان و انصار ایله مؤید اولان اهل ریاستدن قنغی خاندان عظیم الشانده که
 سطوت و عصیبت ایله حسن سیرت جمع اوله بومافیوما اول خاندانک حوزه حایه سی
 وسیع و دائرة عزتی منبع اولوب من طرف الله کامروای تاج و تخت جهان بنانی اولملرینسه
 علامت اولور * و بواهرک عکسی دخی بویله درکه بر ملک و دولتک زوانه مشبت علیه
 الهیه تعلق ایتدکده اول دولتک ارکان و عظامسی نظام ملک و دولته محل اوضاع ناجمهور
 و اطوار ناستوده کردار ایله منهج رشد و سداد دن عدول ایدوب مقام ریاست و نظام
 سیاسته لایق افعال حسنه و اعمال مستحسنه ده سعی و همتلری قاصر اولور شویله که
 محاسنی قبایحه مصالحی مفاسده تبدیل ایله روز بروز درجه عز و اعتبارلری انحطاطه
 میل ایدوب داخل قلمرو ضبط و تصرفلرنده اولان ملک و دولت قبضه حکومتلرندن
 بیرون و اسنیلای اعدا ایله زار و زیون اولورلر * بو تقدیر جه صفات رذیله و خصال
 ذمیه ملک و دولتک اندراس و انقراضه علامت اولوب کریمه جلیله * و اذا اردنا ان نهلك
 قریه امر نامتر فیها ففسقوا فیها فحق علیها القول فدمرناها تدمیرا * فخرای شریقی
 اوزره اول قومه احسان اولتان نعم جلیله نک سلب و اعدا منه مشبت علیه الهیه تعلقته
 دلالت ایدر * قرون ماضیه ده امم سالفه نک اقبال و ادبارده احوالی تتبع اولندقدده
 بومدعازدن قتی چوق امورک پیوسته ظهور اولدیغی ظاهر اولور * والله یخلق ما یشاء
 ویختار * معلوم اوله که شواهد بقای ملک و دولت و علایم دوام عز و سلطنت اولان
 خصال حیده نک اقدم و اعلاسی علمای عاملینه و صلحای کاملینه تیجیل و تعظیم
 و نسب و حسب اصحابی اشراف قومه اعزاز و تکریم اولوب بعده اطراف و اکافدن
 پیرامن دائرة دولته آمد شد ایدن اهل تجارت و اصحاب حرفته حسن معامله و غربا
 و مسافرینه ملاحظه و محامله اولنوب نامی منازل لایقه سنه انزال و هرکسک قدر و شانته
 کوره اکرام و ابجالی ایله قلبلری جمع و تألیف و خاطرلری تطیب ایده لر زیرا عصیبت
 و شوکت اصحابی رؤسای قبائل و امرای عشایرک لوازم ملک و دولت و اسباب عز و حشمتده
 کندیلره مشارک و معادل اولان رجاله تعظیم و تکریم ایله معامله لری امر ضروری
 اولوب یا عز و جاهه رغبت یا عداوتلرندن خوف و خشبت یا ایتدکلری اکرامک مثلی ایله

مثبتدر که سیاست ملک و دولت خلقک امورنی رویته کفالت و طرف حقدن احکام
 الهیه بی عبادی بینده اجرایه خلافتدن عبارتدر و بین العباد تشریح و ترتیب اولنان
 احکام الهیه حکمت و مصلحتی جامع و عبادیه نافع خیر محض اولوب شرور و مفاسد اغوای
 شیاطین و اتباع نفس و هوا یه مسند اولدیغنه کتب شرایع شهادت ایدر و اگر چه
 خیر و شر جناب حقه قضا و قدری و خلقی و قدرتیله حاصل اولور سه ده لکن شری
 قضاسی خیر کی رضای شریفنه مقرون دکلدن فعلی ذلک اول ذات عالی تبار که انک
 ایچون غلبه و اقتدار ایله ظهور و خر وجه وافی عصیبت و شوکت حاصل اولوب بعده جمال
 حالی حلیه حسن خصال ایله محلی اولغله احکام الهیه بی تنفیذ و اجرایه لیاقت و استحقاقی
 ناصیه استعدادنن تفرس اولنه اول ذات ستوده صفات خلافت حقه و کفالت خلقه
 منتهی و آماده اولوب صحیفه جبینده انوار عز و سعادت مهر درخشان کی لمعان ایدر
 اشود دلیل ثانی مطلوبه دلالتده دلیل اولدن او ضح و من جهة المینی اوثق و اصحدر
 ذکر اولنان ادله دلالتیه ثابت و ظاهر اولدیکه مدار غلبه و اقتدار اولان عصیبت و شوکت ایله
 محاسن اخلاقی جمع ایدن ذاتک کاهر وای عز و دولت و کما مکار ملک و سلطنت اولوسی
 مقرردر بناء علی ذلک فجز بظراف و جوانبده اصحاب عز و جاهدن رقاب انامه
 مالک و قوت قاهره ایله منصف اولان رؤسای قومه نظر ایدوب انلری مکارم اخلاقه
 راغب و خیرات و حسناته طالع بولدیفزده وقت مقدرده افسر انبها جلری آرایده
 ملک و دولت اولمرینه استدلال ایده رز مثلا داخل قلمرو اطاعتلری اولان رجالک
 زله و قصور لرین هفوا ایدوب ذیجاء و قدرت اولیان کسه لک تکلفلرینه مساعده
 و ثقللرینه تحمل ایله حسن معامله ایلوب ضیوف و مسافرینی اطعام واروا و عجزه و مسا کینی
 انفاق و اکسا ایدر * و دخی شداید و مکاره صبر و عهدده وفا ایله تحصیل رضای مولا
 ایدوب خلقک عرضنی صیانت ضمننده بدل اموال و شریعتنه تعظیم و علمایه اجلال ایله
 حققرنده حسن ظن اینسد کدنصکره احکام الهیه و شرایع ربانیه دن علمای دین مبینک
 تحدید و تعریف ایندکلری حدودی تجاوزه جواز کوستر بیلر * بوندنصکره صلحا و تقیایه
 میل و محبت ایله صحبتلری غنیمت مجلسلری برکت عد ایدوب قلبلری طرفلرینه عطف
 و اماله یه همت و دعوات خیر یلری استجلابه رغبت ایلبلر * و دخی بیرو اختیار اولان
 کسنه لردن استجیا و تعظیم و توقیر لنده تقصیردن احتراز و اتقا ایدوب خاطر لری
 تطیب ایله مظهر دعای خیر اولر * بوندنصکره اجرای حقدده سیف صارم عدل ایله
 قطع عرق ظالم و دفع مظالم ایدوب مظلومینه عدل و نصف و وضعفایه تواضع و ملائمت
 شکایت فقرایی استماع و اصفا و احقاق حق ایله مراسم عدل و دادی احیا ایدر
 بوندنصکره دخی طاعات و عباداته ملازمت و شروط وار کانه کرکی کی رعایت ایدوب
 معاملات ناسده غدر و خدیعه و مکر و مکیده دن نحاشی و نقض عهد و خلف وعد امثالی
 صفات ذمیه دن نجافی ایتمکله بو ذکر اولنان مکارم اخلاقی تحصیل و محاسن خصال
 تکمیله موفق اولان اهل ریاستک سیاست ملک و سلطنته لیاقت ایله استزاده قدر و منزلت لرینه

هبرت نمونی چشم انصاف ایله ملاحظه اولدوقده بر قومه تجریم و تفریم ایله معامله ذلت و حقارتلری موجب اولوب مشقت غرامتی تحمل ایدن رجالک سورت شجاعت و جلالدتلری مکسور اولدیغی ظاهر اولور بومعده فصول فصل نایسدن اون طقوز بی فصل تمام اولوب حالایکر منجی فصلک بیانته شروع اولندی

✽ فصل هشتمین ✽ کتاب اولک فصل نایسنک یکر منجی فصلی محاسن اخلاق ✽
 ✽ و خصال حیده به اعتنا و اعتبار دولت و سلطنت علامتدن اولوب اخلاق رذیله به ✽
 ✽ اعتیاد و رغبت زوال ملکه علامت اولدیغی بیاننده در ✽

معلوم اوله که عامه افراد بشر جلب خیر و دفع شرده بی نوعیله تعاونه محتاج و بر بر ایله اجتماعه مجبول اولمغله تصحیح معاملات و فصل منازعات ایچون ملک و سلطنته محتاج اولدقلری بوندن اقدم فصول سابقه ضمنده ذکر و تفصیل اولمش ایدی و جوهر ذات انسان جسد کتیف ظلمانی و روح لطیف نورانیدن مرکب اولمغله نفس ناطقه و قوه عاقله سی حسبیه خیره مائل و محبت و شردن معرض و محبت اولدیغی دخی ظاهر در زیرا انسانک شرور و مفاسده میل وانها کی قوای حیوانیه دن خلقتنده مرکوز اولان قوت شهو به و غضبیه سندن نشئت ایدوب زمام عقل و تدبیر ایله قانڈ توفیق شهراه رشد و سداده سوق ایتمدیکی تقدیرجه مغلوب نفس و هوا و پابسته دام اشتها اولسی مقرر در ملک و سلطنت و نظام سیاست دخی انسانک جوهر عقل نورانیسنی خصایصندن برخاسته جلیله اولوب قوای حیوانیه سی آثارندن اولما مغضله خیره رغبت و شردن نفرت ملک و سیاسته مناسب برصفت اولوب ملوک و سلاطینک محاسن اخلاق و خصال حیده ایله انصافی تمهید مبانی دولت و تشبید قواعد سلطنتده رکن رکن اولدیغی ظاهر در ✽ و دخی بوندن اقدم ذکر اولدیغی اوزره نوع انسانک احراز دستمایه مجد و شرف ایله رتبه سامیه ملک و سلطنته وصولی عصبه اهل انساب ذوی الاحسابندن قوت و سطوت اصحابی رجالک عون و نصرت ایله قدم اهتمامه قیاملرینه منوط و مبتنی اولوب مظاهرت اعوان و انصار و دعای عز و اقبالک قیامنه اصل و اساس اولمشدر ✽ لکن حسن خلق بواصلک فرعی اولمغله عصبیته منضم اولدوقده انکله نصاب ملک و دولت تام و کامل اولوب دولت و سلطنتک دوام و ثباتنه باعث اولور ملک و سلطنتک نظامی سطوت و عصبیته متوقف اولدوقده فروع و متمماتی اولان خصال حیده به دخی موقوف اولوب سریر ملک و دولته جلوس ایدن ذات عالیجاهک عصبیته و شوکت مایه عز و اقبالی اولدیغی کبی اخلاق حیده دخی آرایش جمال جاه و جلالی اولور زیرا حسن خلقه مقسارن اولیان ملک و دولت حلیه کالیدن معرا اولمغله اعضاسی ناقص یا باسدن عاری شخصه تشبیه اولمشدر ✽ معلوم اوله که خصال ذمیه و اخلاق رذیله عصبیت و شوکت اصحابی قبائل و عشایرک رؤسا و امراسی حقد و ذمی موجب اولیجق عز و نسب و شرف حسبده ذروه علیابه بالغ اولان ملوک و سلاطینک جلالت شانته دخی زیاده کسر و نقصان ایراث ایده جکی اظهر واجلادر ✽ و دخی محاسن اخلاقه رغبت شعار ملک و سلطنت اولدیغی بودلیل ایله

فعلی هذا قهر و لایة و حکام ایله جریمه و غرامتی تحمل ایدن طائفه پامال صدمه ذل
 و هو ان اولوب مذلت و حقارت ایسه طلب ملک ایله خر وجه مانع قوی اولدیغی فصل
 سابق ضمننده کشیده سلاک سطور اولمش ایدی و دخی حلیه صدق و صحت ایله محلی
 اولان احادیث شریفه دن اصحاب زراعت و حرثت حقه و رود ایدن حدیث نبوی
 بومدعا بی اثباته سند کافیه رکه برکون اول سلطان کشور رسالت علیه افضل التحیه
 حضرت لرینک زمره اصحابدن برینک منزلده زراعت آلا تندن صبان دهری دیدک لری
 آله نظر عالی لری تعلق ایتمکده سعادت ایله بیوردیلر که بوالث بر قومک منزله دخول
 ایتمدی الا اول قومه ذلت و مسکنت دخول ایتمدی دیوز راعت و حرثت اصحابک جریمه
 و غرامته ابتلا لری مذلت و حقارت لری موجب اولدیغنه اشارت بیوردی * معلوم اوله که
 بر ملک و سلطنتده که تجریم و تغریم ایله رعایا بی تعذیبده افراط اولنه اول مملکتک رعیتی
 لکد کوب صدمه عجز و مذلت اولدق لری کبی قول و فعل لرنده کذب و دروغ و مکر
 و خدیعه بی مرتکب اولوب کنسیدیلر دن دفع غائله تغریم ایچون جاده صدق و صوابدن
 عدول و کر بوه مکر و تزویره دخول ایدر لر * تنه کیم مشکات صدر نبوتدن شرف ریزعز
 صدور اولان احادیث صحیحه دندر که رسول اکرم صلی الله تعالی علیه وسلم حضرت لری
 تجریم و تغریمدن جناب حقه استعاذه بیورر لری ایدی اصحاب گرامدن بعضی لری سبب
 استعاذه دن سؤال ایتمک لرنده سعادت ایله بیوردیلر که بر کسه که تجریم و تغریم ایله تعذیبه
 مبتلا اوله قولنده کذب ایوب و وعدنده خلف ایدر دیو استعاذه نک علت و حکمتنی بیان
 بیوردیلر * فعلی هذا بر قبیله که قهر و لات و حکام ایله تجریم و تغریم اولوب سرکشته
 کرداب ذل و هو ان اوله اول قبیله ایچون الی آخر الدهر ملک و سلطنت امیدنی تصور
 اولماز * بو قولر دن بلاد غربده زنا نه امراسی خفته زعم اولنان خبرک خبط و خطاسی
 ظاهر اولور که بعض کسنه لر زنا نه طائفه سی ملک و دولته نائل اولر دن مقدم رعی غنم ایله
 تمییش ایدن رعایادن اولوب عهد سابقده رعیتی اولدق لری ملو که نیچه زمان باج و خراج
 ادا ایتمک لرنده نصکره نائل تخت و تاج اولدی لر دیوز عزم ایتمیلر اگر خبر مذکور صحیح
 و ثابت اولیدی زنا نه طائفه سی من بعد پیرامن ملک و دولته دسترس اولمکن اولماز ایدی
 بو خصوصه ملوک فرسندن باب الابواب ملکی شهر یرازک امرای عربدن عبده الرجن
 بن ربیع به دیدیکی مقاله دخی شهادت ایدر که امیر عبد الرجن شهر یرازه غلبه و اسذیلا
 ایتمکده شهر یراز عبد الرجن استیمان ایوب نیاز کونه دیدیکه بن البوم سزک سایه
 جناح طاعتکوزه النجا ایوب قلاده اطاعتکوز آویزه کردن عبودیتیم اولمش دردیو
 اظهار طاعت و تقدیم دعا و تحیتدن صکره تکرار زمین نیازه رخسوده ضراعت اولوب
 بو کونه رجا مند اولدی که طرفکوز دن اوز روزه وضع اولنه جق جزیه بدلی بزرزه وقت
 حاجتده نصرت و مراد کز اوزره خدمته تکفل ایوب سز دخی رعایا کبی رؤس و رقابزه
 وضع خراج ایله بزی تذلیل و تحقیر ایچوب مقابله اعداده و هن و فنور وضعف و قصورده
 داعی مع سامله دن امیر عبد الرجن کف بد ایتمسی رجا و نیاز ایلمدی بو حکایه نک مضمون

مخاصمه ده اظهار عجز و مسکنت ایدوب جناب کلیم الله صلی علیه وآله حضرت تلیرتک وحی ایله مؤید اولان خبرنه قدح و طعنه جسارت ایلدیلر * جناب منتقم جبار جل جلاله حضرت تلیری دخی طائفه بنی اسرائیلی ارض شام ایله ملک مصر میاننده واقع تیه اسمیه مسمی برخالی صحرا ده قرق سنه حبس ایله معاقبه ایدوب قرآن کریم ناطق اولدیغی اوزره مدت مزبوره تمامه دک اول بریه ده مکث و قرار و اراضی معموره دن بر محله فراره قادر اوله مدیلر بوقصه عجبیه تک یساننده وارد اولان * فانها محرمة علیهم اربعین سنه * ایت کریمه سنک مفهوم منبغدن ظاهر در که بنی اسرائیلک قرق سنه صحرای تیه ده حبس اولملری حکمته منی اولوب تا که مدت مدیده فرعونک قبضه جور و قهرنده مغلوب و مقهور و خاطر لری مکسور اولان طائفه صحرای تیه ده محو و فنا بولوب و پرلرینه انلرک سلسله سندن رجال آخری نشئت ایده که انلرک پیرامن دامن خاطر لری خار آزار ایله آزرده اولوب استیلائی خوف و خشیت ایله قلبلری لرزان اولمغله دستایه سطوت و شجاعتلری مرکزنده قرار ایتمکین مطالبه و مقاومت قدرت لری وافی و وعده کریم الهی اوزره جباریه عمالقه بی ارض شامده قهر و اعدامه ککافی اوله لر * واقعا محبس تیه ده چله چل ساله تمامه دک بنی اسرائیلک پیران کهن ساللری نهفته خاک هلاک اولوب سلسله لرندن ظهور ایدن اولاد و ابنالری جباریه عمالقه بی عون حق ایله قهر و تدمیر و ارض شامی بدلرندن نزع و تسخیر ایلدیلر * و دخی صحرای تیه بنی اسرائیلک مدت مکث و حبسلری قرق سنه ایله تعیین و تقدیر یورلدیغی مدت انقراض قرنه اشارت اولوب بر قومک محو و فاسی و قوم آخرک نشو و نما سی لاقول قرق سنه ده حاصل اولدیغنه اشارت حکمتنی متضمندر * بوندنصکره دخی تمهید مبانی ملک و دولته سطوت و عصیت اصل اولوب مقاومت و مدافعه و حمایت و مطالبه انجق کله واحده اوزرینه اجتماع ایدن قوم و قبیله تک معاونت و مظاهرت لریله حاصل اولدیغنه قصه عجبیه تیه دلیل واضحدر * بومحله اون سکرزنجی فصل تمام اولوب اون طغوزنجی فصلک یانته شروع اولندی

* فصل تاسع عشر * قبائل و عشایره باج و خراج مقوله سی تکالیف شاقه وضعی مذلت *
* و حقارت لری موجب اولدیغی یاننده در *

بو امرک تحقیقی بویه در که قبائل و عشایر دن بر قبیله بوقدر که بالطوع و ارضا رقبه طاعت لری رقبه اطاعت حکامه ادخال ایدوب تکالیف دیوانیه و غرامات سلطانییه بی قبوله راضی اوله لر بلکه ابتدا مذلت و حقارت تو طین نفس ایدوب بعده تحمل بار کران غرامت ایدر لر زیرا جرایم و مغارم عجز و مسکنت و ذل و حقارتی موجب اولمغله نفوس قویه بو جل ثقیلی تحملدن اعراض ایدوب تجریم و تفریمی قتل و تلفدن اهون و اسهل عهد ایتمد کچه قبولنه رضا داده اولمازلر بو تقدیر جه تحمل ائقال جرایمه مضطر اولان قبیله تک قوت و سطوت لری و اجتماع اعوان ایله عصیت لری ضعیف اولوب اطاله دست تعدیدن کندنی داتر لری حایه یه قدرت لری وافی اولمیحق آخرک تحت حایه سنده محمی اولان املاک و اموالی مطالبه یه قیامدن عجز و قصور لری مقرر اولور

﴿ قبائلك تحت اطاعت حكامه دخول وانقياد لري طلب ملك وسلطنت ايله ﴾
 ﴿ ظهور لرينه مانع قوی اولدیغی یاننده در ﴾

بو خصوصک سر و سبی اولدر که قبائل امدن برقبيله نک کندیلره غالب بر قومک امر و حکمنه اطاعت وانقياد لری سورت بطش و شدت لرنی نحو وافسا ایدوب صوت و سطو ت لرنیک ضعف و فتورینه دلیل قوی و برهان قطعیدر زیرا کثرت اقارب و خویشان و وفرت انصار و اعوان ايله بریه و بادیه ده بی باک و پروا سل سیف عدوان ایدن قبيله لک سر پنجه قهر و لاه و حکام ايله مقهور اولمیری مقاومت و مدافعه دن عجز و قصور لرینه مبنی اولوب مدافعه دن عاجز اولان طائفه طلب ملک ايله خروج و مقابله دن قدرتی قاصر اولدیغی ظاهر در بوا امرک مصداقی طائفه بنی اسرائیلک حقتنده وارد اولان حکایه مشهوره در که بونلری جناب رب العالمین جل شانہ حضرت لری فرعونک سر پنجه قهر و تغلبندن خلاص ایتد کد نصرکه ارض شامه مالک اولمیری حقتنده و عد کریم الهی سبق ایتدیکنی حضرت موسی علیه السلام بونلره خبر و یروب و جباره عمالقه یندن بو خطه مبارکه بی تزع و تسخیر ایچون عمالقه اوزرینه سل سیف جهاد ایتدیله امر ایتد کده بونلر انلر ايله محاربه و مقابله دن اظهار عجز ایدوب مقام اعتذارده دیدیلر که حالاً مالک شامه مالک اولان عمالقه طائفه سی جبر و قهر ايله معروف و بز عجز و مسکنت ايله مألوف اولدیغیز جهته انلر ايله مقاومت اقدارمن اولوب یاموسی سکا بر معجزه باهره اولمق اوزره بز حرب و غزایه مباشرت ایتکسزین حق سبحانه و تعالی حضرت لری کنندی قدرت کامله سیله عمالقه بی ممالک شامدن اخراج ایلسون بعده ارض شامه دخول ایده رز دیو محاربه دن امتناع ايله عناد و مخالفته اجتر ایلدیلر تکرار حضرت موسی علیه الصلوة والسلام وعد کریم الهی بی تذکیر و امر ربانی بی تأکید و تکریر ایدوب بونلرک ارض شامه غزا ايله استیلا ایتم لرنی امر ایتد کده طائفه بنی اسرائیل جبلت لرنده مرکوز اولان عناد و مخالفتده اصرار و بغی و عدوانلرین اظهار ایدوب یاموسی سن و ربک وارک انلره مقاتله و محاربه ایدک دیوهرزه کوی بغی و فساد و ژاژ خالی جور و عناد اولدیلر ﴿ طائفه بنی اسرائیل کثرت اعوان و انصار و قوت و اقتدار ايله موصوف طائفه اولوب و طرف الهیدن ارض شام کندیلرینک ملکی اولمق اوزره وعد کریم الهی سبق ایتدیکنی حضرت موسی علیه السلام دخی خبر و یرمش ایکن بنی اسرائیلک عمالقه ايله مقابله دن امتناع لری دکدر الا انجق بونلر سنین عدیده دن بر و فراغه مصرک و جباره قبطک چنکال قهر و نکال لر ايله زار و زبون اولوب مدت مدیده عجز و مسکنته مألوف و ذلت و حقارت ايله موصوف اولم لرندن ناشی سورت شجبا عت لری مکسور و ربقه مذلتده مقهور اولم لری مقاومت و مطالبه ده عجز و قصور لرینه مبنیدر ﴿ مع هذا بنی اسرائیلک ملک شامه استیلا لری و ایات اریحاده علم افزا ز بغی و شقا اولان جباره عمالقه بی قهر و استیصال ایده جکلری حقتنده حضرت موسی علیه السلام بونلره و یردیکی خبر بشارت اثری دخی کرکی کی تصدیق ایتوب قیلرنده قسوت و جبلت لرنده خوف و خشیت مرکوز اولمقله امر الهی به مخالفت واعدالریله

فصول سابقه دن اون التبی فصل تمام اولوب حالا بعنایة الله تعالی اون بدیجی فصلده
ذکر اولنه جتی امورک بیانه شروع اولندی

فصل سابع عشر * کتاب اولک ایکنجی فصلنک اون بدیجی فصلی قبائل وعشایرک *
ترفه وتنعمه میل ورغبته رتبه رفیعه ملک ودولته اعتلارینه مانع *
اولدیجی بیانه در *

بوامرک سر وسبی اولدرکه قوت انساب وجلالت احساب ایله معمور اولان قبائلدن
برقبیله تک رجالی کنندی اتباع واشباعی ایله جوارنده واقع اولان ممالک استیلا ایدوب
ضرورت معاش وقلت مایه انتعاشدن خلاص اولوب قوت وقدرتی وفا ایتدیکی مرتبه
عزت ونعمته ظفر یاب وترفه وتنعمه وصول ایله کامیاب اولدقده دول قدیمه دن
بردولته وسلطنتک اعوان وانصارندن معدود اولدقده اول دولتک رجالی ایله
انس والفت ونعمت وجهده انلره مشارکت ایدرلر بوتقدیرجه قبیله
مذکوره تک دائره دولته انسابدن قصد وغرضلری ترفه وتنعمه مقصور وتناول الوان
نعم عبش وعشرته محصور اولوب سایه حایه ملک ودولته راحت وحضور وذوق
وسرور ایله کسارنده اوقات حیات اولورلر * شویله که زی لباس وطرح بنا وسائر
اوضاع واطوارده اول دولتک رجالنه تقلید واقدا ایدوب نائل اولدقلری ثروت وغنا
مقداری ملابسه ومبایده دقت وکلقت ونحصول اسباب عزو حشمته صرف تقدینه
همت ایدرلر کرچه بوصورنده قبیله مذکوره بادیه ده مالوف اولدقلری ضرورت
معاش وخشونت انتعاشدن سالم وکلستر عبش وصفاده قائم اولوب لکن لذایذ
نفسانیه به میل وانهما کلری سبب قوت عصیته وسوره شجاعترینه ضعف واخلطاری
اولیق مقرر در * کذلک قبیله مذکوره تک اولاد واعقابلری دخی مهد عبش وصفاده
نشئت ایدوب نفس وعبداللرینک امور ضروریه لرنی تحصیل بالذات مباشرتدن تعزز
واستشفاف ایتلریله غفلت وغرور وراحت وحضوره مالوف اولوب وبوحالت انلرایچون
خلق وعادت وملکک وطبیعت اولغله قرنا بعد قرن عصیته لری بالکلیه محو ومضمحل
اولور * زیرا ترفه وتنعمه کثرت میل ورغبته سورت عصیته کسره آلت اولغله قبائل
وعشایرک لذات نفسانیه به انهما کلری مرتبه شجاعت وجلادتلری محو وفنا به مشرف
اولوب من بعد رتبه رفیعه ملک وسلطنته اعتلاری خویلی بیال وامر محال اولور وقبائل
وعشایرک قوت عصیته لری مندرس اولدقده دائره لرنی حایه واعمالرنی مدافعه دن
قدرت ومکنتلری قاصر اولوب انلرایچون ملک ودولت مطالبه سبب خروجه وظهور
بالطریق الاولی محال وامم سارته تک تحت قهرنده پایمال اولورلر * فعلی هذا عزو نعمه
انهمک قبائل وعشایرک ملک ودولته اعتلارینه مانع قوی اولدیجی ظاهر ومتین اولدی
* والله یؤتی ملک من یشاء * بو محله فصول سابقه دن اون بدیجی فصل تمام اولوب
حالا اون سکنجی فصلک بیانه شروع اولندی

فصل ثامن عشر * فصل ناینک اون سکنجی فصلی عصیته وسطوت اصحابی اولان *

عدیده بیت واحد حکمنده اوله والا * ولولارفع الله الناس بعضهم ببعض لفسدت الارض *
 مدلول شریفی اوزره ضابطه اتحاد دن خروجه افتراق کله واقع اولوب اختلال وفساده
 مفضی و اختلاف و تنازع مؤدی اولور بوندن صکره برقبيله نك متبوع و مقتداری اولان
 ذات قوت عصبیه و سطوت قویه ایله کندی جاهت و عشیرتی اوزرینه تغلب ایدوب
 مسند ریاسته اعتلا ایتدکن صکره کندی قوم و قبيله سندن خارج قبا ئل اخرا اوزرینه
 دخی تغلب و استیلا به طالب اولور اکر مطلوبی اولان قبيله قوت و قدرته اکه مما ئل
 و معادل اولوب مقابله و مانعت ایدرسه بونلر امثال و اقرا ن اولوب هر برینک ضبط و تصرفاری
 حوزه جاهه لرنده واقع اولان ممالکی تجا و زایلز نته کیم اطراف و افاقده کشت و کذار
 ایدن قبا ئل عربان و عشایر ترك و ترکا نك حال و شانلری بومنوال اوزره جاریدر و اکر
 ذکرری سبق ایدن قبيله مطلوبی اولان عشیره غالب و مستولی اولوب سسل سیف
 قهر و ضرب شمشیر ستر ایله کیندوله اطاعت و انقیاد ایتدر لر سه مغلوبك غالبه
 انضمامله غلبه ایدن قبيله نك اعوان و اتباعی مزید و قوت و شوکتی اکید و شدید اولغین
 و اصل اولدیغی رتبه دن زیاده ترقی به طالب و علی الدوام استزاده قدر و منزلته راغب
 اولوب همت و عنایتی بر رتبه به بالغ اولور که مساعده وقت و زمان ایله قدرت و مکنتی
 ملک و سلطنت قوتنه معادل اولور بوتقدیر چه بر دولت و سلطنتک ضعف و انحطاطی
 وقتنه مصادف اولوب اول دولتک ارکان و اعیانک اشبو طلب ملک ایله اوزر لرینه
 خروج ایدن قبيله ایله مقابله و مقاتله به قدر تیری وافی اولمز سه ید لرنده اولان ممالکی
 نزع و تسخیر ایدوب اول قبيله نك افسر ابتهاجی جوهر ملک ایله اراسته اولور اکر قبيله
 مذ کوره نك مطلوبی اولان دولت و سلطنتک دائره سنه هنوز ضعف و هرم مستولی اولوب
 انجق پیرامن ساحه عز تیرینه تعرض ایدن اعدا لرندن اخذ انتقام ایچون قوت و شوکت
 صاحبی قبيله رجالی ایله معاونت و مظاهرته محتاج لرایسه قبيله مذ کوره نك رجالی
 کسب شرف و شان ایچون اول دولته ملحق و منضم اولوب ارکان و عظما سندن
 معدود اولور * اما بوضو رنده قبيله مذ کوره علی وجه الاستقلال ملک و سلطنته
 مالک اولوب بلکه سکه و خطبه ده التجا ایتدیکی دولته تابع اولغله ملوک امر اعدادنه
 ملحق اولور نته کیم زمان سابقده امرای اتراکک عباسیه دولته و بلاد غریبه صنهجاه
 و زنانه قبيله لرینک کلامه به و بی جدا نك علویه و عباسیه دن شیعه ملوکنه معاونت
 و مظاهرت ایله تقرب و انتسابلری اولدیغی کبی اشبو فصلده سرد اولنسان مقال عبرت
 ما لر دن ظاهر اولدیکه رتبه رفیعه ملک و سلطنت قبا ئل و عشایرک قوه عصبیه و شوکت
 و سطوت لرینک غایبه و قصواسی اولوب قبا ئل امدن بر قبيله نك قوت و سطوتی غایت و نهایته
 بالغ اولدقده مساعده وقت و زمانه کوره یا بالاستقلال سر بر ملک و سلطنته اعتلا یا بر دولت
 عظمه به انتساب ایله رتبه علیا به نائل اولور و اکر ذکر اولنسان قبيله فصول آتیه ده
 ذکرری نصیم اولدیغی اوزره موانع عز و اقبالدن بر مانع قوی سببیه رتبه کاله و اصل
 اولمز ایسه عنایت ربانیه ظهور رینه دک مقرر نه قرار و پابرجای استقرار اولور بومحله

فصل سادس عشر * كتاب اولك فصل ثانیستك اون التنجی فصلى عصبه نسبه *
 * وسببه قوت و سطوته ترقی ایده رك ملك و سلطنته منتهی اولدیغی *
 * یسانده در *

بو خصوصك سر و سببی اولدر كه معوره ارضده قرابت نسبه یا ولایت سببه ایله اجتماع ایدن
 رجال دایره لری جایه واعدالری مدافعه و آخرك تصرفنده اولان اموال و املاکی مطالبه ایچون
 کلمه واحده اوزره جمع اولوب بو اجتماع مخصوصه عصبه اطلاق اولدیغی بوندن اقدم بیان
 اولمشیدی و دخی وجه ارضده اجتماع ایدن طوایف امم و افراد بنی آدم تحصیل امر معاش
 و دفع مضرت اعدای او باش ایچون بالطبع برحاکم قاهره محتاج در که اطالته دست تعدی ایله
 بغی و عداوتنه تصدی ایدن ظلمه نك شر و فساد لری مظلومین اوزرندن دفع ایله وسیله
 نظام عالم اوله اشبو حاکم حاسم دخی کثرت اعوان و انصار ایله مؤید شوکت و سطوت
 صاحبی برذات ستوده صفات اولق لازمدر که تهدیدی ایقاعه قادر اولغله قهر و غلبه ایله
 تأمین بلاد و ترفیه عباده مالک اوله والا خود بخود تنفيذ احکام سیاست و تنظیم امور
 مملکتده قدرت و مکنتی قاصر اولوب اندن مطلوب اولان مصلحت ریاست قوت اولق
 مقرر در ملك و سلطنت اشبو ذکرا و ثانیان قهر و تغلب ایله مملکتده تصرفدن عبارتدر که
 ریاست اوزرینه زائد بر امر در زیر ریاست بر قومك اشرف و اعیاننه مخصوص
 برصفتدر که اول قومك رجالی بیننده شرف نسب و حسب ایله معروف بر شخصك ذاته
 اجلال و شاننه اعتبار ایله اتباع و اقتدا ایدوب انی رئیس و متبوع اتخاذ ایدر لر لیکن قوم
 و قبیله سی اوزرینه قهر و غلبه ایله امر و نهیده مکنت و قدرتلری قاصر اولوب مجرد شرف
 نسب و حسبنه اعتبار ایله رأی و تدبیرنی دستور العمل ایدر لر * اما ملك و سلطنت
 رتبه ریاستدن اجل و اعلا اولوب ملوک و سلاطین فرما نبراطاعنی و داخل حوزه حجابی
 اولان رجال بیننده امر و نهینی قهر و غلبه ایله تنفيذ و اجرا به قادر در فعلی هذا قبائل
 و عشایر میاننده اعوان و انصار ری کثیر عصبیت و شوکت صاحبی برذات رتبه ریاسته
 نائل اولوب قهر و تغلب ایله ملك و سلطنت درجه سنه مستعد اولدقده بومنصب جلیل
 نفسك اعز مطالهی اولغله ملك و سلطنت شرفنی احرازه طالب اولوب بروجهله ترك
 و فراخته رضا و یرمز لیکن رتبه رفیعته ملك و سلطنته وصول قوت اکیده و سطوت
 شدید ایله حاصل اولوب طریق آخر ایله سلطان انام و متبوع خاص و عام اولق منصور
 دکدر فلا جرم قهر و غلبه ایله تنفيذ احکامه مدار اولان ملك و سلطنت عصبیتك غایت
 و نهایی اولدیغی ثابت و ظاهر اولدی * بوندنصکره معلوم اوله که قبائل امدن بر قبیله عظیمده
 اول قبیله نك سلسله سی رجالنسدن جلالت نسب و حسب ایله معروف و کثرت اعوان
 و انصار ایله موصوف برقاچ خاندان عالیشان موجود دخی اولورسه ایچلرنده عدد اعوان
 و جلالت شان ایله جله یه غالب بر خاندان عالیشان بولمق لازمدر بالجله اشرف و اعیان
 قبیله انك قوت و سطوتی و ریاست و حکومته لیاقتنی ادراك و اذعان ایدوب سایه جایه سنه
 النجا و امر و نهینه اتباع ایله جله سی کلمه واحده اوزرینه جمع اولغله اول قبیله ده موجود بیوت

نفسا نيه به انهما كلري قدر توحش و بداوتلرينه نقصان ترتب ايتمكله سورت شجاعتلري
 دخی مختل اولور بو خصوص حیوانات وحشیه و اهلیه ده دخی ظاهر درکه مثلا برغزال
 وحشی و یا چار و بقر یا بانی بنی آدم ایله مخلوط و ما نوس اولوب توحشی زائل و خصب
 عیبه واصل اولدقده جنبش و حرکت و جمله و شدتده اوضاع و اطواری مختلف اولوب
 حتی اثرانس و الفت مشی و سیر و حسن جلد وادیننده دخی ظاهر اولغله احوالی
 حیوانات وحشیه به مخالف اولور کذلک رؤس جبال و بطون تلالده نشئت ایدن
 بدو یلدلی حضری و بلدیلرله ما نوس و ما لوف اولدقده غلظت و خشونتلی رقت
 و ملایمتیه تحول ایدر بواصرک سروسپی اولدرکه صحبت قرین مؤثر و طبیعت ساروق
 اولغله انس و الفت سجیه و خلقت مقامه قائم اولوب عادات ما لوفه و اطوار ما نوسه ایله
 نفوس انسانیه متلون اولور بناء علیه ام و رجال ینشده حرب و قتالده قهر و غلبه
 اقدام و شجاعتیه منوط اولوب و اهل بادیده ده جوهر شجاعت و مایه بسالت حضر یلردن
 اشد واقوا اولغله مغازه بعیده ده ضرب خیام آرام ایدن اهل بادیده دن غلظت و خشوتی
 و وحشت و بداوتی غالب اولان شجعان و ابطال ترفه و تنعمه ما لوف اولوب عدد اعوان
 و انصارده کندیلرله مساوی فرض اولنان رجال ایله مقابله و مقابله ده غالب اوله کاشدر
 بومدعازمه قبیله مضر ایله انلردن اقدم ترفه و تنعمه ما لوف اولان حمیر و کهلان
 قبیله لری و عراق صحرالزنده توطن ایدن ربیع قبیله سنک حال و شسانه نظر ایله
 حاصل اولور که حمیر و کهلان و ربیع قبیله لری طور بداوتی ترک ایدوب کثرت
 خصب و رخا ایله معروف اولان بلاد معموره به نزول و ملک و نعمه وصول ایله کامیاب
 اولوب راحت و حضوره ما لوف اولملریله سورت شجاعتلرینه نقص و فتور عارض اولدی
 * اما قبیله مضر بریه و بادیه دن دشت و قرایه نقل و حرکت ایتوب غلظت و بداوتی
 رقت حضارته تبدیل ایتاملریله مایه شجاعتلری مرکز اصلبسنده قرار ایتکین قبا ئل حمیر
 و کهلان و ربیعیه به غالب اولوب حوزة حایه زنده واقع اولان اموال و املاکی بالجمله
 یدلرندن اخذ و نزع ایلدیلر * کذلک بونلردن صکره قبا ئل مضر و عشایر بمن دخی
 بریه و بادیه دن اقلیم عراق و سائر اطراف و آفاقده واقع بلدانه متفرق و منتشر اولوب
 تلذذ نعم دنیویه و انهماک لذا ید نفسانیه ایله سورت شجاعتلرینه خلل ترتب ایتدکن صکره
 قبا ئل عربدن بنی طی و بنی عامر بن صعصعه و بنی سلیم بن منصور قبیله لری بریه و بادیه ده
 قرار ایدوب قبا ئل مضرک دست رس ظفر اولدقلری امتعه دنیویه به قطعاً میل و رغبت
 ایتملریله قوه عصبیه و شجاعت و جلاد تلیری حالی اوزره محفوظ و باقی قالوب قبا ئل مضر
 و ینک یدلرنده اولان اموال و املاکی اخذ و نزع ایله غالب اولدیلر * کذلک سائر قبا ئل
 عربدن هر قبیله که بدوتی حضریته تبدیل ایدوب بلاد معموره به نازل و ترفه و تنعمه نائل اولدی
 بریه ده سکون و اقامت ایدن قبیله عدد و قوتده انله مساوی و مکافی اولدقده معموره به
 نزول ایدن قبا ئله غالب اولق اوزره عادت الهیه جاری اولشدر بو محله کتاب اولک فصل نایسی
 فصو لدن اون بشهی فصل تمام اولوب اون التهی فصلک بیاننه شروع اولندی

قبس قبیله سنک زبده سیدر بری دخی آل حاجب بن زراره درکه بنی تمیم قبیله سنک
 عمده سیدر بری دخی آل ذی النجدین درکه شبیان قبیله سنک مقتدا سیدر بری دخی
 اشعث بن قبس قبیله سیدر که کننده عشیرتنک رأس رئیسیدر کسرای عجم بوذ کراولنان
 اشراف قبائلی کنندیلره تابع اولان عشایر ایله جمع واحضار ابتدا کدن صکره بونلراچون
 بر مجلس عالی عقد ایدوب شرف حسیده مدعاری اثبات ایچون حکام عدول نصب
 ایلدی ایچلرندن ابتدا حدیفه بن بدر فزاری قیام ایدوب وجه سابق اوزره شرف حسب
 ونسبه سبق وتقدملرنی بیان سیاقنده بر خطبه بلیغه انشاد ایدوب بعده بنی شباندن قبس
 ابن اشعث قبیله سنک نعمان بن منذره قرابی اولغله انشا وخطبه ده حدیفه به ردیف
 اولدی بعده بنی شباندن بسطام بن قبس بعده حاجب بن زراره بعده قبس بن عاصم
 قدم اهتمامه قیام ایدوب شرف اعتبارده سبق وتقدملرنی ناطق خطبه بلیغه انشاد ایله
 اثبات مرام ابتدا کلدن صکره کسرای عجم هر برینه ساپاش خوان تحسین اولوب
 شرف وسبادت وعز وریاستلرنی تصدیق وتحقیق ایلدی اشراف عریدن اشبوذ کراولنان
 رجال بنی ها شمدن صکره جلالت نسب وشرف حسب ایله وعشایر یمندن بنی الحارث
 ابن کعب قبیله سندن منشعب بنی دیان عشیرتی دخی شرف حسب ونسبه ذ کراولنان
 بیوت اربعه یه ملحق ومساویدر اشبوذ کراولنان حکایه دخی بیوت احسابده درت بطن
 غایت ونهایت اولدیغنه دلیل در بو محله کتاب اولک ایکنجی فصلنک اون در دخی
 فصلی تمام اولوب حالا بعنایه الله تعالی اون بشتی فصلک یسانه شروع اولندی

﴿ فصل خامس عشر ﴾ کتاب اولک فصولندن اون بشتی فصل اهل بادیه ﴿
 ﴿ قهر وتغلبه سائر ناسه غالب اولدقلری بیاننده در ﴾

معلوم اوله که قلل جبال واطراف رمالده ساکن ومقیم اولان اهل بادیه نک
 مسکن وماواری سورمتین وحصن حصیندن خالی اولوب دائره لرنی جایه واعدارنی
 مدافعه یه بالنفس مباشرت ومبادرت مألوف اولملریله نفوس انسانیه ده مرکز
 اولان مایه شجاعندن حصه لری بلندی وقر وبلردن اکثر وافر اولدیغنی فصول
 سابقه دن فصل رابعده ذکر وتفصیل اولمشیدی فلاجرم بدویلرک قتل نفوس
 رجال وجلب واسب اموالده مکنت وقدرتلی حضر یلردن اشد واقوا اولوب معارک
 حرب وقتالده ثبات قدم ایله سکان امصاره تفوق وتقدملری ظاهر در لکن زمره
 بدویه وقبائل وحشیه نک دخی بر برینه نسبتله قهر وتغلبه حال وشانلری اختلاف
 عصر ایله مختلف اولوب مادامکه بلاد عامره دن کال بعد ایله بعید مفازه صعب
 السلوک وبریئه نامسلوکه شداند ومتاعبه صبروتحمل وترك اسباب تجمل ایله وطنلرینه
 ملازمت ایدولر سورت شجاعتلرینه کسر ونقصان ترتب ایتموب شیر زیان وبری بیابان کبی
 جرأت وجسارتلری وهن وتور دن مصون ومحفوظ اولور اما اهل بادیه دن اول قبیله که
 بریه ومفازه دن آب وهواسی خوب وچن ومرعاسی مرغوب محلازه نزول ایدوب
 ضرورت وخشونت بداوتی ترفه ونعمه تبدیل ووحشتی انسه تحویل ایده لر لذات

آخر ظهور ایتک اوزرینه عادت الهیه جاری اولدینی * ان یشأ یدهبکم ویأت
 بخلق جدید وما ذلک علی الله بهزیز * ککریمه سی مدلول شریفیه ثابتدر
 معلوم اوله کنهات امر حسبده درت بطن اعتباری غالب حاله مبنی دروالا بعض وقتده
 بت حسب ایکی اوچ بطنده منهدم ومندرس اولوب بعض احیانده درت بطنی دخی
 تجاوزایدوب بش التی بطنه یادخی زیاده ده که ممتداولور لکن اکثریابطن رابعدن صکره ضعف
 وانحطاطه میل ایدر وخاندان انساب واحسابک درت بطنده نهایت بولدیفنک سر و سببی
 اولدرکه ابتدا بطن اولده ظهور ایدن ذات بانئ بیت مجد و شرف اولوب ایکنجی سی
 مباشر و متمم اوچنجیبسی مقلد در دنجیبسی هادم اولغله ذکر اولنان اطوار اربعه مراتب
 امکان اقلی اولوب اکثریادوام حسب اشبورکان اربعه ایله قائم اوله کلمشدر
 ودخی نهایت حسبده درت بطن اعتباری مشکاة صدر نبوت علیه افضل التحیه حضرت نرندن
 شرفر زورود اولان احادیث صحیحه دن یوسف علیه الصلاة والسلام شرف حسب
 ونسب ایله مدح و ثناری سباقنده * انما الکریم ابن الکریم ابن الکریم یوسف بن
 یعقوب بن اسحاق بن ابراهیم * حدیث شریفیه دخی مؤیددر یعنی انبیاء عظامدن سلسله
 ابا و اجدادی کابرا عن کابرا کرم حسب و شرف نسب ایله موصول و متصل یوسف علیه الصلاة
 والسلامدرکه اوچ پیغمبر ذیشانک خلاصه اصلاط طاهره ریدر والد ماجد لری
 حضرت یعقوب علیه السلام انک پدر عالیقدری حضرت اسحاق انردخی جد الانبیا
 حضرت خلیل ابراهیم علیه السلام فرزند ارچندی اولغله یوسف علیه الصلاة
 والسلام حضرت نوری درجات مجد و شرفک غایتنه بالغ اولمشدر * وینه بومد طامزی
 تأیید ایدن ادله تک بری دخی بودرکه جناب منتقم جبار جل جلاله وعم نواله حضرت نوری اسفار
 نوراندن بر سفرده حضرت موسی علیه الصلاة والسلامه خطاب ایدوب بیوردیلرکه یاموسی
 عن و جلالم ایله بن اول معبود غیور بی زوال و سنی تربیه ایدن خالق ذی الجلالم که عبادمک
 ببارینک سببنا تیله اولاد لری اوچ درت بطنه دک مؤاخذه ایده رم دیو خطاب عزت
 و رودی نسب و حسبده درت بطن غایت و نهایت اولد یغنه دلالت ایدر
 * ودخی کتب ادیه دن ابوالفرج اصفهانی کتاب غانیده عویف قوافی نام شخصک اخباری
 ضمنده کشیده سلاک تقریر ایتدیکی فراند آ ناردندرکه یوما من الایام کسرای عجم امرای
 عربدن نعمان بن منذره خطاب ایدوب طوایف عربده شرف حسب ونسبده سارقانله
 غالب قبیله موجود میدر دیوسسؤال ابلدی نعمان دخی بلی وارددر دیو جواب و پردکده
 کسرا نعمانه ینه توجه خطاب ایدوب شرفده غلبه نه وجهله حاصل اولور دیوسسؤال
 ابلدی نعمان دخی اول کسه که انک سلسله نسبتده علی التوالی مسندر یاسته معتلی
 اوچ بیاسی اولوب بعده در دنجی بطنده موجود اولان ولدی دخی حلیه کمال ایله متحلی
 اوله شرف نسب و عز حسب ایله انک قبیله سی موصوف اولور دیدی بعده بین القبائل
 بو اوصاف جلیله بی جامع نه مقدار قبیله موجوددر دیو طلب و تقبش ایدوب
 بی هاشمدن صکره انجق درت قبیله به بالغ اولور انلرک پری آل حذیفه بن بدر الفزاری درکه

یانی اولیه در که بیوت انسابدن برخاندان عظیمک ابتدا ظهورینه باعث و بادی اولان کسینه تمهید مبانی عز و شرفده قدم اهتمامه قیام ایله سعی موفور و بذل مقدر ایدوب تأسیس و تشبیه ابتدیکی دعایم عز و شرفک دوام و بقاسنی موجب مکارم اخلاقی و محاسن اعمالی محافظهده شد نطابق و شمشیر ساق اهتمام ایدر بعده اخلاف و اعقابندن جا نشینی اولان ولد صلیبسی دخی والدی مسلکینه سلوک ایدوب اندن اخذ و استماع ابتدیکی وجه اوزره تکمیل قواعد مجد و شرفه مباشرت و مبادرت ایدر لکن لبس الخیر کالعیان فخری اوزره ابتدا تأسیس بنیان عز و اقباله تصدی ایدن سلفنه نسبت ایله نیمه اموره دخی تقصیر اتمک مقرر در بعده او چینی درجه ده نوبت ریاست اتمک دخی ولدینه نقل ایتدکده مقلدک مجتهده تقلیددی کی والدینک اثرینه اقتدا ایله اکتفا ایدوب تحصیل ماثر و مناقبه سعی فائز و همینی فاضل اولور بعده اشبو سلسله نك اولاد و ایناسندن بطن رابعده موجود اولان کسینه دخی بالورایه مسند ریاسته اهتلا ایتدکده آبا و اجدادی مسلکینه سلوکی ترک ایدوب تأسیس قواعد عز و شرفده اسلافنک وضع ابتدیکی عادات حسنه و سیر مستحسنه بی ترک و اضاعت ایله احسانی اساسه تبدیل و تحویل ایلوب آبا و اجدادنک اوضاع ما لوفه سنی تغییر و خاندانی رجالی تقصیر ایدر اولیه ظن ایدر که بونلرک طاعت و عبودیتلرنی ناسک التزامی و دائره لرنک نظام و انتظامی اصلنده کلفت و مشقت ایله حاصل اولوب بلکه ابتدا خلفت آدمدن برو بونلرک بنیان نسل و نسبیری مجد و شرف اوزرینه تأسیس اولوب تأثیر حسن خصال و اجتماع هم رجاله مبتنی اولیه زیرا بطن آخیره تولد ایدن رجالی ناسک کندوره تعظیم و اجلال ایله معامله لرنی کوروب طول همد و زمان ایله عز و دولتلرنک سبب ظهور و حد و نندن خافل اولغله نائل اولدقلری عز و شانی مجرد نسل و نسبیرینه مخصوص خاصه ذاتیه عد ایدوب کندویه نسب و حسبده مشارکت و تمهید مبانی مجد و شرفده معاونت ایدن ارکان و عظمایه تعظیم و تبحر ایله خاطر لرنی کسر و تشویش ایدر مع هذا بونلرک اسلافنه ناسک اتباع و انقیاد لری هر کسک قدر و شأنه کوره رأفت و شفقت و تواضع و ملائمت ایله معامله لرنینه مبنی اولوب دائما خفض جناح رأفته خاطر لرنی تطیببه اهتمام اتمکله قلوب انامی ساحه عز اجالینه جلب و اماله اتمشلا ایدی وقتا که نوبت ریاست مست باده نخوت اولان خلف ناخلفلرینه کلدکده بومعنادن ذهول و غفلت ایله دائره لرنه منسوب و متخصص اولان رجالی ککندیلردن تبرید و تبعیده تصدی اتملریله قوم و قبیله سنی روکردان اعراض ایدوب انلردخی بینه اول خاندانک رجالتندن محاسن اخلاقی جامع حکومت و ریاسته صالح کسینه نك اطاعت و انقیادنه کمر بسته عزیمت اولملریله کتدکجه اولکی خاندانک فروع و اعقابنی مضمحل و بیت شرفلری مندرس اولوب ابکنجی خاندانک قوت و شوکتی مکنت و سطوتی ترقی به آغاز ایدر بالجمله دول و سلطنتلرده و قبایل و عشایر و سکان امصاردن سائر خاندانلرده حال بومنوال اوزره جاری اولوب بیوت انساب و احسابدن برخاندانک رجالی منقرض اولدقده بینه اول سلسله دن پریت

مخدوم و متبوع علیه مسند و منسوب و نظر اعتبار لرزیه مکسوب و مجلوب اولوب
 قوت و سطوتی زائل و غلبه و اقتداری مضجیل اولان نسل قدیم لرزیه فخر و مباهاتک
 ثمره و فایده سی معدوم و مفقود اولغله اومقوله انسابه اعتبار او هام و وسوسدن
 معدود اولدینی اهل بصیرت قنده ظاهر در * ان اگر مکم عند الله اتقا کم *
 بومجلده اشیاون اوچخی فصل تمام اولوب اون دردنی فصلک بیانه شروع اولدی

* فصل رابع عشر * کتاب اولک ایکنی فصلنک اون دردنی فصلی اهل انساب *
 * و بیوت احسابدن برسلاله جلیله نک آبا واجداد نک سیر حسنه و صفات مستحسنه ایله *
 * علی التوالی ذکر و اشتہاری درت بطنه بالغ اولدقده نهایت بولدینی بیاننده در *

معلوم اوله که اشبو عالم سفلیده عناصر اربعه و انلردن مرکب اولان معدن و نبات و حیوان
 انواعدن هر بری مشیت علیه الهیه و حکمت بالغه صمدانیه وفقی اوزره عدمدن وجوده
 کلوب بعده صورتلری فاسد و مختل و ترکیب لری منحل اولغله دوام و بقاری محو و فناءه تبدیل
 و مہول اولور کذلک اشبو مرکبات عنصریه نک احوال و اعراضی و صفات و آثار دخی هیچ
 واحد اوزرینه قرار ایچوب هر و رایام و کر و راعوام ایله بر حالدن بر حاله نقل و رجوع ایله
 محو و مضجیل اولور خصوصاً زمره نوع بنی آدمه مخصوص اولان آثار و احوال دخی
 بومنوال اوزره جاری اولوب قوت استعداد و مزید اعتبار ایله نیجه علوم و فنون و صنایع
 کونا کون نشئت و ظهور ایدوب بعده اختلاف عصر و زمان ایله صحیفه عالمده نام
 و نشانی لری محو و منسی اولور بنیاء علیه شرف حسب دخی نوع بشره مخصوص
 بر صفت اولغله حق سبحانه و تعالی حضرتلری بعض اهل انسابک آبا واجداد ندن
 نیجه کسه لری کرم و شجاعت یا علم و فضیلت مقوله سی اوصاف جلیله ایله تشریف
 ایدوب سلسله نسبلری بر قاچ بطنه دلک دستمایه شرف حسب ایله مشرف اولدقدن صکره
 ینه بو خلعت زیبا دوش افتخار لر ندن خلع اولنوب عزت لری ذاته نعمت لری نعمته
 منقلب اولغله وجود عارضی عدم اصلی به رجوع ایدر و روی ارض و ادبم خاکده افراد
 بنی آدمدن بر فردک سلسله نسل و نسبی حضرت آدم علیه الصلاة والسلام دن کندویه کلنجه
 هر بطنده علی التوالی شرف حسب ایله معهور اولوب انجق بو خصیصه شریفه ایله
 حبیب رب مجیب رسول نسیب و حسب محمد مصطفی علیه افضل التحایا حضرتلرینک
 جوهر کرا نمایه ذات عالی لری تشریف اولنوب اگر امامن عند الله جدا مجد لری حضرت
 آدم دن تباشیر قدوم رحمت لزوم لرله صحیفه عالم خرم اولدینی وقتیه کلنجه منتظم
 سلاک اللال نسب عالی لری اولان اجداد عظام و آباء کرام لری پی در پی وایه دار عز حسب
 اولمشدر بنیاء علیه سلاله طاهره نبویه دن غیر بیوت اهل انسابدن برخاندانده شرف
 عز حسب قدیم اولوب بلکه اول خاندانک سلسله سی رجالتدن کسب نصاب عز و شرف ایله
 ابتدا ظهور ایدن شخصه عارض بر صفت جلیله اولوب بعده غالب حالده اول شخصک
 ذریت و اعقاب ندن درت بطنه وار نیجه ینه نهایت بولغله اصله رجوع ایدر بوا مرک

نسب اصلیلری حقلرنده نافع اولمغله منسوب اولدقلری خاندانك اتبباع وخدامندن
 معدود اولورلر اكر اعتبار رفيعه ملك وسلطنتدن برعبه عليه به يا برخاندان جليله
 خدمت وعبوديت ايله انتساب ايدن شخصك آبا واجدادندن برقاچ كسنه تك اول خاندانه
 خدمتى سبق ايدوب بين الانام مناقب و ما تری مشهور و مذکور اولورسه سائر خدمه
 دولت بينده امتياز و اختصاصی مزید اولوب آبا واجدادنك اول دولته سبق ايدن
 خدمت وعبوديتلرينه قیاس ايله اول شخصك شرف حسب و نسب جهتيه قدر و حرمتی
 زائد اولور لکن خدام دولت و اعوان سلطنتك وقع و اعتبارلری نسب اصلیلرينه
 راجع اولوب بلكه منسوب اولدقلری خاندانه اضافت و انتسابلرندن مكسوب وصف اضافی
 اولمغله درجه عز و اعتبارلری نه قدر رتبه عليه بالغ اولورسه دخی بنه منسوب اولدقلری
 خاندانندن من كل الوجوه ناقص و منقطع اولق مقرر در نته كیم عباسیه دولته امرای
 اترك ايله انلردن اقدم آل برامكه و بنی نو بخت امراسی سلطنت بنی عباسه انتساب تام
 و مدت مدیده خدمت خلفا ده قدم اهتمامه قیام ایتلریله درجه عز و اعتباره واصل
 و دستمایه مجد و شرفه نائل اولدقلری مشهور و معروفدر بوزمره دن جعفر بن یحیی
 بن خالد برمکی تك خلفای عباسیه دن رشیده و سائر اهل بیت سلطنته تقرب و انتسابی
 مزید اولوب تمهید مبانی عز و شرفده جمله عظمای دولت و ارکان سلطنته غالب اولدی
 و دخی جعفر ايله انك امشالی سائر ارکان دولت و عظمای سلطنتدن كسب نصاب
 عز و شان ايله معروف اولان مشاهیر امرانك احراز مجد و شرف ايله عز و اعتبارلری
 منسوب اولدقلری خاندان دولته قدم انتساب و خدمت و عبودیتده اهتماملری سببیه
 حاصل اولوب كندیلرینك نسل و نسبیلری اعتبار ايله اولدیغی ظاهر در و اعتبار رفيعه
 دولت و سلطنتدن برعبه عليه به خدمت و نصرت ايله انتساب ايدن رجالك بمضیلرینك
 قدیمدن نسل و نسبیلری مكنت و قدرت ايله معروف برخاندان عظیمه منتهی اولوب
 بعده تقالیب دهر ايله قوم و قبيله سی پرا كنده و پریشان اولمغله بیوت ملك و سلطنتدن
 بردولته انتساب ايله عز و شرف اکتساب ایتدكده قوت دولت و خدمت و عبودیتنه
 قیاس ايله انك ایچون شرف آخر حاصل اولور نته كیم برامكه حقیقه منقولدر كه بونلرك
 جدلری خالدك آبا واجدادی فرس دولتنده برخاندان عظیمده نشئت ایدوب
 مجوس فرس بیننده معتبر نو بهار اسمیله مسمی برآتشكده تك حفظ و حراستی بونلرك
 خانداننه جد بر جد موروث و عهده كفالتلرینه موکول اولمغله عهده نازاراسنده بونلرك
 وقع و اعتبارلری كکار علی علم ظاهر و مسلم ایدی وقتا كه خلفای عباسیه دن
 سفاح زماننده جدلری خالد دولت عباسیه دائره سنه دخول ایدوب بعده اوغلی یحیی
 و انك اوغلی جعفر و سائر اولاد برامكه سفاحدن رشید وقتنه كلنجه دولت عباسیه ده
 مراتب عز و اعتبارك غایت و نهایینه واصل و درجه علیای مجد و شرفه نائل اولدقلرنده
 ملك فرسده نسب قدیملری منسی اولوب شرف عز و اعتبارلری انبجق دولت عباسیه به
 خدمت و انتسابلرینه راجع اولدی * خلاصه كلام خدام و اتباعك عز و شرفی

جلالت شان و غلبه و اقتدار ايله انصافنه تعرض ايندى لکن بزاتک کثرت اقارب و اتباع ايله اطراف و جواني معمور اولوب قومی بيننده امری نافذ حکمی جاری اولديغی صورته مجرد آباواجداد تک اول شخصک ساکن اولديغی بلده به نزول لرینک سبق و قدمی کندي حفسده نفع و یرمديکی ظاهر در بو تقدیرجه ابن رشد قرطبی حسب لفظنی مجرد تعدیل محاسن آبا ايله تفسیر اینجه سی خطابه مقامنه مناسب اولديغی بیندر زیر اصطلاح حکما ده خطابه فتق و رتق اصحابی اهل حل و عقدک ترغیب و ترهیب ايله قلوب ناسی میل ایندیجه چک کلام لرینه اطلاق اولتور * اما اول کسه که وفور اعوان و انصار ايله محفوف اطراف محی الا کاف اولوب حل و عقد امور جهو ر ايله رأی متبوع و معتبر اولمه آنک امر و نهی مجز قبوله اصابت ایتوب ترغیب و ترهیب ايله بر فردی استمالته قادر اولديغی ظاهر در * لکن ابن رشد قرطبی دیار اندلسده نشئت ایدوب و قبائل و عشائرک قوت و سطوتلری زائل و عصبيت نسبه ايله مکنت و قدرتلری مضحجل اولديغی و فته مصادف اولمغله اهل انسابده صفت مادحه اولان حسی مجرد اسلاف و آبا لرینک شرف عز و شان ايله شهرت و تعدد نه قصر ایدوب نسب و حسب ايله موصوف اولان شخصک حد ذاتده کثرت اهوان و انصار نفوذ کلامه اقتداری صفت حسبده معتبر اولدیغندن غفلت ایلدی والله بکل شیء عالم بو مقامده فصل مذکور تمام اولوب اون اوچنجی فصلک بیاننه شروع اولندی

* فصل ثالث عشر * کتاب اولک ایکنجی فصلنک اون اوچنجی فصلی خاندان ملک *
 * و سلطنته و اصحاب یسر و غنا به منسوب اولان عمید و احرار و خدام و اتباعک عزت *
 * و شرفلری مخدوم و مولارینه انساب و اتمارینه تابع اولوب کندیلرک نسل *
 * و نسبلری بویاده مرعی و معتبر اولديغی یساننده در *

بو مقامک تحقیقی بویله در که شرف نسل و حسب حقیقته کثرت اقارب و خویشان ايله مکنت و قدرت اصحابی رجاله مخصوص اولديغی فصل سابقده تحقیق و بیان اولمشیدی بناء علیه اگر جلالت نسب و شرف عز حسب اصحابی رجال سلسله نسلرندن خارج اجانب و ابا هدی خد متلر بنده اسخندام یا هون و نصرتلری التزام ايله کندیلره تقریب ایدوب یا خود سی و استزفاق ايله ملک یمینلرینه ادخال ایتد کلرنده بونلرک کندی مخدوم و متبوع لرینه انساب و اتصا لری علاقه قرابت مقامنه قائم اولوب منسوب اولدق لری خاندانه معاونت و مظاهرتده عصبه نسبه لر ی سلکنسه منسلک اولورلر نه کیم مشکاة صدر نبوت علیه افضل التحیه حضر ت لرندن شرفریز عز صدور اولان * مولی القوم منهم * حدیث شریفده بو معنایه اشارت اولنوب بر قومک عبد و خادمی اول قومک عشیرتی کروهنه ملحق اولور دیو بیورلدی فعلی هذا بر خاندان عظیم الشانه ذکر اولنان و جوهدن بروجه ايله منسوب اولان کسه لک نسل و نسبلری اصلنده جلیل و شریف ایسه ده قوم و قبيله سندن مفارقت و انتساب ایتد کلری خاندانه دخول و مقارنت ايله ثمره نسب و حسب اولان قوت اصله لر ی زائل اولوب

زعمری دعوی مجرد اولغله درجه اعتبار دن ساقط اولور زیرا بودعوانک مالی اخلاف
 اسلافنک ابنا آبا سنک ازمند سالغله ده سبق ایدن محاسن و محمدینی ذکر وعد ایدوب
 کند یده ثمره نسب و حسب اولان شوکت و عصیته مفقود اولغله قول مجردی مایه افتخار
 و سرمایه عز و اعتبار ایتش اولور لکن جلالت عز و شان ایله قوت و سطوت اصحابی رجاله
 ذکر اولنان شخصک تعدد آبا ده مشارکت و مشابهتی اولغله مجاز طریقله صاحب حسب
 اطلاق اولنوب حقیقتی ارباب شوکت و سطوته مقصود در * و دخی اصحاب انسابدن بعض
 رجالک زمان سابقه اقارب و خویشانی موفور و جلالت نسب و حسب ایله اطراف
 و جوانی مرهوب و معهور اولوب بعده عشیرتی رجالی بلدان و امصاره متفرق و اجانب
 و اباعد ایله مختلط اولمیرله قوم و قبیله سنک قوت و مکتلری زائل اولدقدن صکره ینه
 اول نسلك اعقابندن باقی قالان ضعفا و عجزه نك دماغلرنده آبا و اجدادلرینک شهرت
 و شانی خویلیسی جایگیر اولوب کندیلرینی اشراف بیوت انساب قدیمه دن عدایله فخر
 و مباهات ایدرلر و طوایف عرب و عجمدن عهد سابقه معهور اولوخاندانلره منسوب
 اهل امصار دن قتی چوق کسنهلر بو خویلیسی بی مال ایله ژاژ خای لاف و کذاف اولوب
 سلسله نسل و نسبیلری رجاندن سلفلرینک محاسن و محمدیلله حالاً عهد مزده قتی چوق
 طائفه موجود در از جمله بوسودای خام و خویلیسی بی نظام بنی اسرائیلک دماغلرنده
 باقی قالوب حضرت ابراهیم صلوات الله تعالی علیه و سلامه حضرت تارندن صاحب ملت
 و شریعتلری حضرت موسی کلیم الله صلی علیه الاله حضرتلری زمانه کلنجه منبت
 نسل و نسبیلری انبیاء عظام و رسل کرام علیهم السلام حضراتی ایله محفوف و معهور اولوب
 حضرت موسی علیه السلام زمانند نصکره دخی حق سبحانه و تعالی نك وعد کریمی اوزره
 نیجه زمان ملک و سلطنت و شوکت و سطوت ایله سلاله لری محمی اولمشیدی بعده نعم
 المیه نك شکرنده قاصرو بغی و طغیان اوزرینه مصر اولمیرله یدلرندن ملک و سلطنت
 نزع اولنوب کمال ذل و هوان و جلای اوطان ایله تغریب و نیجه بیک ییل کفر و ضلاله لری
 مقابله سنده سبی و جزیه ایله تعذیب اولندقدن صکره ینه اسلاف عالی نژادلرینک شرف
 شان و علومکان ایله مباهات سیاقنده قوم و قبیله سنک بعضیلری نسل هارونه و بعضیلری
 دخی نسب یوشعه و بعضیلری کالب و بهودا اهقابه اتنساب دعواسیله ینلرنده افتخار
 ایدرلر مع هذا ازمند قدیمه دن بر و سعادت دینیه و ریاست دنیویه دن محروم و فپا بعد
 ظهورندن مایوس اولمیرله دعوی مباهاته اهل اولدقلری ظاهر در و طائفه بنی اسرائیلک
 غیری اهل بلدان ن نیجه عجزه و مسا کین دخی اصلنده جلالت شان ایله معروف
 اولان اسلافلرینک محاسن و محمدینی عدایله هذیان ایدرلر * و دخی اعلام
 فضلائی اندلسدن حکیم مغربی ابو الولید بن رشد قرطبی کتب ارستطالیسی
 شرح و تلخیص اتناسنده کتاب خطابه مباحتنه کلامی منجر اولدقدن حسبک تفسیر
 و تعریفنده کر یوه خطب و خطبایه سلوک ایدوب حسبی بر شخصک نسل ونسبی بر بلده ده
 سکون و اقامتلری قدیم اولان قومه منسوب اولمقدن عبارت طوتوب شخص مذکورک

❖ فصل ثانی عشر ❖ کتاب اولک ایکنجی فصلنک اون ایکنجی فصلی شرف حسب
❖ حقیقته اهل انساب جلیله دن قوت قاهره وسطوت باهره ایله موصوف اولان
❖ خاندانلره مخصوص اولوب بونلرک غیرتی به حسب اطلاق تشبیه و مجاز
❖ طریقیله اولدیغی ذکر اولنور ❖

بوامرک بیانی اوله درکه نوع بی آمده شرف حسب انجق نسل ونسبی مضبوط وشوکت
وسطوت ایله موصوف رجالک ابا واجدادلرینک اخلاق حسنه وخصال مستحسنه ایله
مناقب و ماثری السنه انامده مذکور اولغله حاصل اولور ودخی بیوت انساب واحسابک
معناسی برکسینه کندی آبا واجدادندن علم وفضیلت یا کرم وشجاعت یاخود بونلرک امثالی
برصفت ایله معروف اشراف رجالی عدایتمکدن عبارتدرکه اول شخصک ولادت ایله
انلره انسابی قوم وقبیله سی پینده کندویه تعظیم واجلالی موجب اولورزیرا اول شخصک که
آباء کرام واجداد عظامی اخلاق حسنه و آثار مستحسنه ایله معروف وموصوف اولوب
قوم وقبیله سنک نفوسنده انلره اجلال واکرام راسخ وثابت اولغله اولاد ابناسنه دخی
تعظیم و بیجیله مجبول اولورلر ودخی نسل ونسبه طبقات ناس معادن ذهب ونحاس کبی
مختلف ومتفاوت اولدیغی ❖ الناس معادن خیارهم فی الجاهلیه خیارهم فی الاسلام
اذا فقهوا ❖ حدیث شریفیله ثابتدر یعنی الله اعلم ورسوله زمره بی آدم اخلاق
وخصالده معادن جواهر کبی مختلف اولوب زمان جاهلیته خصال حیده ایله موصوف اولان
رجال شرف اسلام ایله مشرف اولدقدنصکره آداب شرع شریف ایله متأدب اولدقدنه
ینه خیار اصحاب انلردردیو نفوس بشریه نک اخلاق وخصالده تفاوت واختلافنه اشارت
یورلدی فعلی هذا حسبک معناسی نسل ونسبه شرافته راجع برصفت شریفه اولوب
ونسل ونسبک ثمره وفائده سی دخی اهل انساب واقاربک وقت حاجتده بربرلرینه تعاون
وتناصر اوزره اجتماعلرینه محصور اولدیغی بیان اولمشیدی بناء علیه اولکسه نک که
سلسله نسل ونسبی طاهر وزکی اولوب وکثرت اقارب وخویشان ایله ساحه عزتی
اطاله دست تطاولدن محمی اوله انده فائده نسل ونسب اوضح واقوا اولوب آبا واجدادنک
عزت وشانی ومناقب جزیله ایله اشتهاری فضیلت اخرا اولور بوتقد برجه محاسن آبا
واجداددن عبارت اولان شرف حسبک حصیته وسطوت اصحابی اولاد وابنا ده اعتباری
اصل اولوب خاندان انسابک قوت وشوکتلرینک تفاوتیله شرف حسبی وقدر ومنزتلری
دخی متفاوت اولور زیرا برقبیله نک اسلاف وآبارینک شرف شان وعلو مکان ایله اشتهاری
اول قبیله رجالنک ذاتلرنده قوت وسطوتلری اعتبارندن صکره متعب اولغله حصیته
وشوکت شرف حسبه اصل ومدار اولور اما بلدان وامصار دن بربلده ده فرد ووحید
ساکن اولوب اطراف وجوانبی محفوظ وقوی وکثرت اقارب ایله دائره سی محمی اولیبان
رجالک فی الاصل آبا واجدادنک عزت شان ایله اشتهاری کندی حقیقته مفید اولماغله
انلرده شرف حسب تشبیه و مجاز طریقیله اعتبار اولنور واکراهل امصار دن بمقوله
رجال محاسن آبا واجدادلرینی تعداد ایله کندیلرده جلالت نسب وشرف حسب ظن ایدرلرسه

و قبیله لری اوزرینه حکومت ایله استیلاری قوم و قبیله لری کثرت و عصیتلریله حاصل
 اولوب علویه و عباسیه و سائر انساب شریفه دن برنجه انتساب و اتنا به موقوف اولماغله
 سادات ادا رسه دن قاسم بن ادریسه انتساب تکلفنه محتاج دکلدر در
 معلوم اوله که امر نسبه اشبو ذکر اولنان خبط و خطا ملوک و سلاطینه مداهنه ایله تقرب
 ایدن دما و خواص مقرینک ابداع و اختراع ایتدکلی کلمات بی مال ایله حاصل اولوب کیده رک
 بین الناس کلاملری مشهور و منتشر اولماغله خلقک صحیفه قلیرنده راسخ اولوب رد و طعن دن
 بعید اولور لکن ابتداء زبان و ملوک بنی عبدالوادک ابتدا مبانی ملک و سلطنتلری تمهید
 و تشبیه اقدام ایدن یغراسن بن زیانه ندما و مقر بلری سلسله ادا رسه دن قاسم بن ادریس
 اولادندن اولمی اوزره علی طریق المداهنه تقرب مراد ایتدکلرنده کلاملری رد و انکار
 ایدوب لغه زنا تیه ایله بومضمون اوزره انلره خطاب ایلدیکه بز عالم دینا ده ملک و سلطنته
 سیف و شمشیر ایله مالک اولوب نسب علوی و عباسی به انتساب ایله نائل هر وجه اولمدیق
 و افعال و اطوار منک آخرنده نفی دخی جناب سلام الغیوبه موقوفه دیوندمانک
 مداهنه لری رد ایلدی * و کذلک قبیله ریاح شیوخ ذواوده عشیرتی ایله طرف شرفه
 طی قبیله سی امراسی بنی مهنادخی سلسله نسبلرینک برامکه خاندانه منتهی اولسنی
 ادعا ایدرلر وینه زغبه قبیله سندن منشعب بنی یزید جاعتنک شیوخ بنی سعد دخی ابی بکر
 الصدیق رضی الله تعالی عنه حضرتلرینک اولادندن اولمی ادعاسنی ایدوب و توجین
 قبیله سنه منسوب بنی بدلتن شیوخ بنی سلامه دخی سلیم عشیرته انتساب ادعا ایدرلر
 خلاصه کلام قبائل و عشایر میاننده بونلرک امثالی خبط و خطا کثیر اولوب لکن داخل
 قلمر و اطاعتلری اولان قوم و قبیله لری اوزر لینه بونلرک ریاست و حکومتلری اول قبیله نک
 سلاله نسل و نسبندن خارج انساب بعیده به انتساب ادعایلی مانع اولور بلنکه قبیله لری نیک
 صریح و خالص نسل و نسب لرندن تأیید ایدوب قوت و سطوت قاهره اصحابی کسه له مخصوص
 انساب لرندن اولملری تعیین ایدر بناء علیه بریه و بادیده بین القبائل ریاست و حکومت
 اول قبیله نک نسل و نسب لری رجالدن قوت کامله و سطوت قاهره اصحابی کسه له مخصوص
 اولدبغی معلوم اولدقده انساب رؤساده بوقاعده به مراعاة ایله خبط و خطا دن احتراز
 اولنور لکن دیار غریبه موحدین دولتلی اقامت ایدن محمد بن تومرت مهدینک سادات
 علویه نسبه انتساب ادعاسی امر نسبه غلط بایندن معدود اولیوب قوم و قبیله سی
 اوزر لینه ریاستنه خلل و یرمز زیرا محمد مهدی قبائل بر بریه دن هر غه قومنده نشأت ایدوب
 و قبیله سی میاننده فی الاصل ملک و ریاست خاندانه منسوب اولیوب من جهة النسب
 متوسط الحال ایکن بین الانام مزید عقیل و ذکا و کمال زهد و تقوا ایله معروف صاحب
 رشد و دها کسنه اولماغله مصامده قبیله سی بالکلیه تحت اطاعتنه داخل اولدقده نصکره
 کندلی عشیرتی اولان هر غه قبیله سنه رئیس و حاکم اولوب سلسله جلایله علویه به
 انتساب ادعاسی ریاستنه مانع اولمدی والله عالم الغیب والشهادة بومحمد کتب اولک
 فصل ثانیسی فصولندن اون برنجی فصل تمام اولوب اون یکنجی فصلک بیانته شروع اولندی

فرمانبر اطاعتلری اولان قوم و قبیلله زینک سلسلهٔ نسبلرندن خارج قبائل احرایه
انتساب ادعای حاکم اولدقلری قبیلله یه صکره دن دخیل اولملرنی ایجاب ایتمکله اولقبیلله ده
منصب ریاسته استحقاقلرینه طعن و قدحی موجب اولور از جمله حالاعهدمزمده بلادغریده
زنانه هشیرقی قبائل بربریه دن برقبیلله ایکن من حیث النسب طائفة عربیه منسوب اولملرنی
ادعا ایدر لر و دخی اهل بلاد غرب میساننده حجازیلر دینمکله معروف اولوب زغبه
قبیلله سندن بنی عامره منسوب بنی ریاب قبیلله سی دخی اصل و نسللری بنی سلیم ایله شرید
قبیلله سنه منتهی اولوق زعمبله ادعا ایدر لر که کندیلرینک جدلری فی الاصل صنایع تجارتدن
تا پو تجلیق صنعتیله بنی سلیم قبیلله سندن چیعوب بنی عامره ملحق اولوب انلرله مدت
مدیده اختلاط ایتمکله بنی عامره قبیلله سنه رئیس اولدقده بنی عامر بونلرک جدلرینه حجازی
نسمیه ایلدیلر وینه بلاد غریده توجین قبیلله سندن بنی عبدالقوی بن عباس عشیرقی دخی
عم پاک خیر الناس حضرت عباس بن عبدالمطلب نسلنه انتساب ادعا ایدوب جدلری
عباس بن عطیه نک عباس بن عبدالمطلبه اسمده مشارکتی اولمغله آل عباس نسلنه
منسلک اولملرنی زعم ایلدیلر مع هذا زعملری واقعه مخالف و نفس الامر مغایر اولوب
دعوازی حلیهٔ صدق و سداد دن عاقلدر زیرامغرب زمین دولت عباسیه نک ابتدا سندن
انتها سنه وارنجه آل عباسک اهداری اولان سادات علویه و خلفای فاطمین دن
عبید بین و ادارسه دولتلری ضبطنده اولوب بنی عباس ایله علویین میاننده عداوت
عظما و بغض و شخنا مستحکم اولمغله بنی عباس اهداری مملکتنه وصول و زمرهٔ علویینک
بلادنه دخول ایتک مستبعددر و كذلك بنه قبائل بربریه دن ابناء زین دینمکله معروف
بنی عبدالواد ملوکی دخی سادات علویه دن ادارسه خلفا سندن قاسم بن ادریس اولاددن
اولملرنی ادعا ایدوب بونلرک سلسلهٔ نسل و نسبلرنده قاسم اسمیله مسمی بر شخص اولدیغی
مشهور اولمغله السنهٔ بربریه دن لسان زنا تیده بنی قاسم معناسنه مستعمل اولان آیت القاسم
لفظیله بنی القاسم معناسنی مراد ایدوب جدلری اولان قاسمی خلفای ادارسه دن قاسم بن
ادریس یا خود قاسم بن محمد بن ادریس اولوق اوزره زعم ایدر لر اگر ابناء زینک بوداعاری
صحیح دخی فرض اولنسه ملوک ادارسه دن معدود اولان قاسم بن ادریسک نتیجهٔ حالی
و غایهٔ احوالی عباسیه نک ادارسه یه اولان معاداتلری خوفیله قاسم بن ادریس مقر خلافت
عباسیه دن بلاد غریه فرار ایدوب ابناء زین قبیلله سندن استمداد ایتمکله انلرک امداد
و اعانتلریله دعوت و دولتلری پارجای استقرار اولمشدر و الا قاسم بن ادریس سادات
علویه دن اولوب ابناء زین قبیلله سی سلسلهٔ سندن خارج اولمغله بریه و بادیه ده قبیللهٔ
مزبوره نک اوزرلرینه ریاست و حکومتی متصور اولماز بلکه ابناء زینک بودعوالرنده
منشأ غلطلری اولدر که سلسلهٔ خلفای ادارسه ده قاسم اسمیله مسمی اشخاص کثیره
واقع اولوب ابناء زینک سلسلهٔ نسبلرنده دخی قاسم نام بر شخص اولدیغی مشهور اولمغله
ککندی سلاله زنده اولان قاسمی ادارسه میاننده دوروز کری کثیر اولان قاسملرک
بری اولوق اوزره وهم ایتمشلردر مع هذا ابناء زینک سندن ریاسته اعتلازی قوم

لا بقدر که عرفه نك اصلی اژد قبیله سنه منسوب ایکن کندیدن صدور ایدن جنایت بنا، عقوبت و نواخذه خوفیله بیجیله قبیله سنه التجا وانلرك سلسله نسلیرینه اتما ایدوب حتی قبیله بیجیله دن مسند ریاسته اعتلا به اهلیت مرتبه سنه بالغ اولدی اگر طول عهد و زمان ایله اصلی مجهول اولیدی نسب اولی بالکلیه محو و منسی اولوب من کل الوجوه قبیله بیجیله رجالتدن معدود اولغله مسند ریاسته اعتلا ایدردی بو امری امعان نظر ایله تأمل ایدن اهل بصیرت باری تعالی حضرتلرینک امر ریاست و اجرای احکام سیاستده سر و حکمتی اعتبار و اذعان ایدر خالا عهد مدرده و عهد سالفده به بمقوله تداخل انساب کثیر اولوب مبدأ و منتهاسی مضبوط و دخول اچا بدن محفوظ سلسله خالصه اقل قلیلدر بو محله فصل عاشرتام اولوب اون برنجی فصلک بیانه شروع اولندی

✽ فصل حادی عشر ✽ کتاب اولک ایکنجی فصلک اون برنجی فصلی قوت و حصولت ✽
 ✽ صاحبی قوم و قبیله اوزرینه ریاست سلسله نسلیرینه داخل اولان رجاله مخصوص ✽
 ✽ اولوب ییکانه به تفویض و تقلید اولمادیغی بیاننده در ✽

معلوم اوله که حکومت و ریاست قهر و غلبه ایله ضبط و سیاسته موقوف اولوب قهر و غلبه دخی قرابت نسبه و عصیبت اصحابی قبائل و عشایرک مکنت و قدرت و شوکت و سطوتلری ایله حاصل اولدیغی اوائل فصوله رتبه صحیفه مقال اولمشیدی بنا علیه نسل و نسلیری واحد بر قومک اوزرینه ریاست و حکومت ایله استیلا ایدن ذاتک نسبی بر خاندان عظیم الشانه منسوب اولتی لازمدر که کثرت اقارب و اصهار و وفرت اعوان و انصار ایله فرمانبراطاعتی اولان سائر قبائل و عشایرک هر برینه غالب اولوب قومی بیننده ترتیب اسباب ریاست و اجرای احکام سیاسته قادر اوله زیرا بر قوم و قبیله کثرت اعوان و انصار ایله ریسلرینک کندیلرینه غلبه سنی مشاهده ایندکده مسند ریاسته لیاقتی حس و اذعان ایدوب امر و نهینه اطاعت و اتقیاده مضطر اولور اما قبائلدن بر قبیله نك اصل نسلیرندن خارج اولوب بالاده ذکر اولسان وجوهدن بروجه ایله ایچلرینه دخیل اولان شخصک کثرت اقارب و خویشان ایله قوت و سطوتی اولماغله بین القبائل ریاسته اهل اولدیغی ظاهر در و اگر برتقریب ایله بر قومه دخیل اولان کسینه نك اول قومه اتصال و اتسابق طول عهد ایله منسی اولوب دخولک ابتداسی معلوم اولماغله اول قبیله نك اهل انسابدن دخی معدود اولسه ینه اول قبیله نك اوزرینه نك اولاد و ابنا سنک ریاست و حکومت ایله استیلا سی منصور اولماز زیرا بین القبائل حکومت و ریاست اولقبیله نك اهل انسابدن بر خاندان عظیمده نشئت ایدن رجاله نسلا بعد نسل اجداددن ابایه ابادن ابنا به منتقل اولوب قرنا بعد قرن بر برینه ملحق و متصل اولور ✽ معلوم اوله که رؤسای قبائل و امرای عشایردن قتی چوق کسینه ل بین الامم محاسن و محامد ایله معروف و کرم و شجاعت ایله موصوف اهل انسابه دخول و اتسابق زعمیله کندی قوم و قبیله لری نسلیرینک ترک ایدوب کسب شرف ایچون سلسله نسلیرندن خارج قبیله اخرایه منسوب و منتهی اولماری ادعا ایدر بلبلر که بو ادعای کندی منصب ریاستلری شرفی محل اولوب

لیکن بو قبائل وشعوبك بعضیہنسك شرف علم وکمال یا جود وافضال یا محاسن اعمالدن
 برغیری جهتمله قبیلهٔ آخرا اوزرینه فضل و مزینتی اولمغله بو شرفدن محروم اولان
 رجال قوت و شوکت و حسن سیرت ایله معروف اولان خاندان انساب ذوی الاحسابه
 وچوه اتنساپدن بروجهله دخول و اتمایه سعی ایدرلر بعضیلری زمان جاهلیتده جاری
 اولدیغی اوزره لدی الحاحه بربرینه امداد و اعانت ایتک اوزره ینلرنده عهدومیشاق ایدوب
 ایمان غلاظ ایله عهدلرنی توثیق و تائکید ایدرلر بعضیلری دخی نشوونما بولدیغی قبیله ناک
 ضعف و فقرینه بناء انلردن مفارقت واقویایه مراجعت ایدوب حیسانده قوی ضعیفک
 جنایت و غرامتی تحمل و معاونت و مظاهرته تکفل شرطیله بعد المات کندویه وارث
 اولوق اوزره ضعیفاقویایله عقد و لا ایدرلر بعضیلری دخی قوم و قبیله لری پندنده جنایت
 اتمکله مواخذه خوفیله ایچلرندن فرار ایدوب قبیلهٔ آخرا اها لسنه اسناد و التجا
 و کتف جایه لرنی ملاذوماً وی ایدرلر بعده بونلرک جله سی سایه جایه لرنه التجا
 ایتدکلری قبیله ناک اعوان و انصارندن معدود اولوب ضمان جنایت و تحمل دیتده
 اولقبیله به مخصوص اولان منافع و مفارمده مشترک اولمیرله انلرک اقارب و خوبشانی
 زمره سنه ملحق اولورلر زیرا سلسلهٔ نسبلی اصل واحده منتهی اولان رجالک ثمرهٔ
 قرابتلری اول سلاله ناک رجالی میاننده منعقد اولان حقوق قرابتی محافظه و مرعاتدن
 عبارت اولمغله ثمره و فائده ده اشتراک نسل و نسبه اشتراک منزله سنه تنزیل اولوب
 ینلرنده منعقد اولان شرایط عهدی محافظه به اهتمام ولدی الحاحه عون و نصرت
 قیامه تعهد ایله برقبیله به داخل اولان رجال اول قبیله ناک اهل انسابندن معدود اولور
 بوندنصرکه طول عهد و زمان ایله بونلرک اصل نسبلی منسی اولوب حقیقت حاله
 واقف رجال دخی منقرض اکثر ناس قتمنده احوالری مجهول و مشتبیه اولور
 ودخی وقت جاهلیت و عهد اسلامده قبائل عرب و طوایف عجم میاننده شجرهٔ نسل
 و نسب برمنبتدن منبت آخره نقل وار تحالندن خالی اولوب هر عصرده عوارض اسباب ایله
 تداخل انساب واقع اولمشدر ازجمله قبائل عربدن آل مندر قبیله سی و انک امثالی سائر
 عشایر و قبائلک نسل و نسب لرنده مهرهٔ فن انساب ینلرنده جاری اولان اختلافاته نظر ایله
 مدعایک صدقی ظاهر اولور و بوجله دن بری عرفجه بن هرثمه ناک بجیله قبیله سنه
 ریاستی خصوصنده اولان حکایه درکه فاروق منیع الجناب عمر بن الخطاب رضی الله
 تعالی عنه حضرتلری زمان خلافت لرنده عرفجه بی بجیله قبیله سنه رئیس و والی نصب
 ایتدکده رجال قبیله عرفجه ایچلرینه صکره دن دخیل اولمغله ریاستدن عزلنی رجا ایدوب
 قبیلهٔ بجیله اشرفدن جریری اوزر لینه والی نصب ایتک اوزره حضرت عمر دن
 نیاز ایتدکلرنده عرفجه قبیلهٔ بجیله رجالی قوللرنده تصدیق ایدوب دیدیکه یا امیر المؤمنین
 بنم اصل نسیم ازد قبیله سنه منسوب اولوب قوم ایچنده قصاصی موجب بندن برجنسایت
 صدور ایتکله انلردن فرار و بجیله قبیله سنه دخول ایله ایچلرنده قرار ایلدم دیو ریاسته
 اهل اولدیغی اقرار و اعتراف ایلدی مضمون حکایه به دیدهٔ اعتبار ایله نظر اولنوق

فوت اولوب منفعت عصیتندن خالی اولغله درجه اعتباردن ساقط و علم وجهلی مساویدر
دیگدر بو محله سکزیجی فصل تمام اولوب طقوزنجی فصلک بیانته شروع اولندی

❖ فصل ناسع ❖ کتاب اولک ایکنجی فصلنک طقوزنجی فصلی طوایف ام یینده ❖
❖ حفظ نسب بلاد معموره دن بعید دشت و بریه ده ساکن قبائل عرب ایله ❖
❖ ساربدویره مخصوص و محصور اولدیغی بیانته در ❖

بو امرک سر و سبی بالطول و المرض صحیفه معموره ارضه ساکن اولان
طوایف ام و زمره بنی آدمدن قبائل عربک اسباب معاش و وجوه اکنسایدن
خط و نصیبری رعی جل و نافع به محصور و آنک زواید و منافعه تعبشه مقصور
اولوب جل و نافع دخی بریه و بادیه ده ثابت درخت مغیلان تناولنه و فروغ و نتاجندن
دفع ضرر برد ایچون رمال حاره ده تریه به محتاج اولغله تدارک ضرورت معاش
طوائفه عربی برویسا باندن توحش و توطنسه داعی اولوب متاعب و شدانده تحمل ایله
جمله بی سبق ابتدکاری بوندن اقدام فصول سابقه ضمنده ذکر و تفصیل اولتمشیدی
شویله که بونلر امر معاشده ضرورت و مضایقه و فقر و فاقه به صبر ایله ترک اسباب تحمل
و متاعب و شدایده تحمله معناد اولوب مفازه صعب السلوک و بریه نامسلو کده سکون
واقامته مألوف اوللریله بارکران ریج و عنایه ابتلا بونلره عادت و خلقت و جبلت لرنده مرکوز
بر کیفیت اولشدر که سار آحاد ناس ایچون بونلرک احوالنه میل و رغبت و تحصیل انس
و الفت متصور دکلدن بناه هلی هذا بلاد معموره ده ساکن و مقیم اولان رجال امن
و حضور و راحت و مسوره مألوف و بساط هیش و صفاده ترفه و نعم ایله موصوف
اولغله بریه و بادیه ده اقامت و بدویلر ایله انس و الفتندن اعراض ابتدکاری کبی اهل بادیه دخی
عهد صیادن آبا و اجداد لری حجر تریه سنده مألوف و معناد اولدقلری شدت و مشقتی
سرمایه راحت عدایدوب بونلردن بر فرد حسن اختیار ایله مألوف اولدیغی حالی ترک اتمک
ممکن دکلدن بوسیدن ناشی دشت و صحرا و بریه فقرایی مسکن و مأوا اتخاذ ایدن قبائل
عربک نسل و نسب لری اختلاط اجانبندن مصون و محفوظ اولوب سلسله قرابت لرنه
منتظم اولان رجالک ارارینه اجنبی دخول ایله اصل و نسب لری مدخول دکلدن بوا امرک
حقیقی اشراف عرب غار به نک جد اعلا لری مضر بن نزار دن منشعب قریش و کانه
و ثقیف و بنی اسد و هذیل و بونلره مجاور خزاعه قبائلنده ظاهر در که بونلر ممالک شام
و عراقده واقع مزارع معموره و مراعی موفوره دن بعید محللر ده زروع و ضر و هدن خالی
بریه لده ساکن اولوب کسب و معاشده خط و غلا و ریج و عنایه مبتلا بر قوم اولغین
قبیله لرن دن خارج کسنه بونلرک وطنلرنده سکون واقامته میل و رغبت ایتملریله نسل
و نسب لری ییکانه نخللندن مصون و محفوظ اولشدر اما قبائل عربدن حمیر و کهلان دن
منشعب لخم و جذام و غسان و طی و قضاعه و ایاد قبیله لری چمن و مراعی مرغوب
معدن خصب و رخا اولان محللر ده ساکن اولوب اجانبندن جوار لرنده واقع بلاد اهابسی
انلر له الفت و و انسته میل و رغبت ایتملریله نسل و نسب لری اجانب و اباعد ایله مخلوط

عون و نصرت لرینه قیام ایله حقوق موهومه قرابتی اجرایه اهتمام ایدرل * ودخی قرابت نسبه ایله عصیت حاصل اولدیغی کبی قرابت حکیمه و سببه ایله دخی حاصل اولور مثلا مولیٰ نك اعتناق ایتدیکی عهد اوزرنده حق و لاسی ایله كذلك نسبی مجهول پر شخصک شخص آخره النجا و عقد موالات ایله عهده درك و اما نسه دخول رجاسی ضمنده ثابت اولان حق و لادخی قرابت مقامنه قائم اولوب عهدك مولاسی و دخیلك ملتجاسی ملاذ و ملجأزی اولغله لدی الحاجه عون و نصرت لرینه قیام و اعدال بله مخصوصه و مقاومه اقدام ایدوب منسوب و متعلق لرینه لاحق ظلم و جور ی دفع ایله ساحة جیتلرنی غبار ذل و هو اندن صیانت ایدرل بوا مرک اصل و سببی اولدرکه ولای عتاقه و ولای موالات ایله حاصل اولان اتصال و اتحاد قرابت نسبه سببه ثابت اولان اختلاط و تعلقه مشابه و مماثل اولوب والدولدیك دنیا ده حیاتنه سبب عادی اولدیغی کبی مولاسی عتاقه عهدك و مولیٰ موالات دخیلك حیات معنوی بسنه و سببه اولملر بله یتلرنده علاقه قرابت نسبه کبی بر علاقه ثابت اولوب علاقه نسب اوزرینه ترتیب ایدن ثمره وفایده قرابت حکیمه اوزرینه دخی مرتب اولور بو تحقیق مندن سلطان سر بر رسالت و پادشاه اورنک نبوت علیه افضل التحیه حضرت لرندن مروی اولان * تعلموا من انسابکم ما تصلون به ارحامکم * حدیث شریفک معنای لطیفی ظاهر اولوب نسل و نسبک ثمره و فایده سی صلته ارحام و حفظ حقوق قرابتیه راجع و منحصر اولغله کتب علم انسابده تحریر اولندیغی اوزره تعداد و سبب نسل و نسب ایله اشتغال فایده کامله دن خالی اولدیغنه اشارت یورلمشیدر زیرا نسل و نسب پر شخصک شخص آخره ولادت ایله انساب و اتصالندن عبارت برامر نسبی اولوب والد و مولود کبی خارجه محقق امور موجوده دن اولدیغی معلومدر لکن موجودات خارجه به عارض برامر اعتباری و وصف اضافی در که انکله موصوف اولان ذاتلرک بر بر بله اتصال و اتحاد ایله علاقه لرینی موجب اولغله حیاتی و قنده عون و نصرت و بما تلرکه ارث شرعی فایده سی ترتیبی اقتضا ایدر اگر نسب و قرابت شک و شبهه دن خالی ظاهر و مجلی اولوب اصول و سبب کبی مضبوط و محفوظ ایسه اصحابک نفس لرنده غیرت و حیث ثابت و قائم اولغله حزن و سرورده مشارکت ولدی الحاجه بر بر لرینه معاونت و مظاهر ایدرل و اگر نسل و نسب طول عهد ایله منسی اولوب السنه ناسدن خبر بعید ایله مسموع و مظنون ایسه غیرت و جیتده فتور و امداد و اعانتده قصور مقرر اولغله ثمره و فایده سی فوت اولوب و مقوله حکایات ایله توغزل حقیقه نهی وارد اولان اعمال لهوه اشتغال مقوله سندن معدود اولور و علمای کرامک النسب علم لا ینفع و جهالة لا تضیر قوللرینک معناسی دخی اشجوتقر بر اولنان اعتباره راجعدر یعنی علم انساب بر علمدر که نه تحصیلی صاحبنه نافع و نه جهلی مضر در دیمکدر بوندن مراد و مقصود اول نسب و قرابت که مضبوط و محفوظ اولما غله اصحابی یتنده واضح و ظاهر اولوب بلکه کتب علم انسابده اخبار بعیده ایله معلوم اولان حکایات مقوله سندن اوله انده ثمره عون و نصرت

محتاج اولوب مدافعه دخی وحدت نسب وقوت عصبیه به موقوف اولدیغی کبی
 دعوی نبوت و رسالت یا اقامت ملک و سلطنت مقوله سی ناسک اطاعت و انقیادی
 لازم اولان امورک جمله سی دخی قرابت نسبه وقوت عصبیه ایله تمهید مبانی عز
 و اعتلا به منوط و مر بوطدر زیرا تشبیه بنیان دین و ملت و اقامت مراسم ملک
 و سلطنت ایله ظهور ایدن انبیا و مر سلین صلوات الله تعالی علیهم اجمعین حضراته
 و ملوک و سلاطینه خلقک اطاعت و انقیاد لری طبیعت بشرده مر کوز اولان
 صبر و عناده منافی حالت اولغله بهرحال سل سیف و سنان ایله محاربه و مقاتله به مؤدی
 اولوب ترتیب حرب و قتال دخی قوت و شوکت و عصیت صاحبی عشایر و قبایلک کله
 واحده او زرینه اجتماع ایله قدم و فاق او زرینه قیام لرینه و تشبیه مراد اولنان مصالح
 دینی و دنیویه بی انعامه اهتماملرینه موقوف اولدیغی بیان اولمش ایدی بناء علیه بهرحال
 انبیا و مر سلین و ملوک و سلاطینی قرابت نسبه اصحابی اشرف قبائلدن ظهور ایتمک
 او زرینه عادت الهیه جاری اوله کلمشدر و تدبیر امور جمهورده سر عصبیت و مرجع
 اصلی اولدیغی ثابت اولغله انشاء الرحمن فیما بعد اشبوککایم زده بیان اولته جق مباحث
 آتیه ده اصل و اساس اتخاذ اولنوب سر عصبیتک ثمره اعتباری ظاهر اولور فصل سابع
 و مخلده تمام اولوب سکرنجی فصلک بیانته شروع اولندی

فصل ثامن * کتاب اولک ایکنجی فصلک سکرنجی فصلی طوایف بشرک تعاون و تناسره *
 * مدار اولان شوکت و قوت ایله غایبه و ظهور لری اصل نسبه اشتراک و اتحاد محصور *
 * اولوب یا خود قرابت نسبه مقامه قائم اسبا بدن بر سبه موقوف اولدیغی بیانته در *

بو امرک سر و سبی اقارب و اهل ارحام میاننده حقوق قرابتیه مراعاة جبلت و خلقترنده
 مر کوز طبیعی برحالت اولوب اکثر ناس صله رحم ایله بر بر لرنیک خاطر لرنی تطبیبه
 مجبول اوللرینه منی در و بین الاقارب رعایتی واجب اولان امورک بری دخی اهل ارحام
 و ذوی القربان برینه ظلم و عدوان اصابت ایندکده قریب و نسبیلرنیک عرف جیلرنی
 تجریک ایدوب فی الحال دفع و منعه مبادرت ایدرلر زیرا اقارب و خویشان کنندی قریلرینه
 ظلم و عدوان تر بنیدن غیرت و جنبته کلوب انلرک حزن و انفعالی نفسلرینه ایراث مذلت ایتمکله
 قریلرینه عارض اولان مصائب و شدائده سپر اولوب سر و جانلرنی فدا ایله انلرک احیا و بقا سنی
 لازمه ذمت حبت ایتمشدرلر اگر ایکی شخصک میاننده علاقه نسب علی وجه الکمال
 اقرب اولوب سلسله نسبری منتهی اولدیغی شخصک زمانی قریب ایسه بینلرنده علاقه
 قرابت واضح و ظاهر اولغله بر بر لرنه مودت و محبت لری و تعاون و تناسره غیرت
 و جیلرنی شدید و اکید اولور و اگر درجه رحم و قرابت بعید اولوب اجانب و اباعد
 دخول و ازمنه مدیده و وسایط کثیره تخلیلله نسل و نسبری فی الجملة منسی و خیر بعید ایله
 بر شهرت مجرد باقی قالدیسه انلر دخی السننه ناسده داتر امر مشهوره بناء کندیلره نسبت
 قرابت ایله انسانی معرفت کسنلرک مظلوم و مغدور اوللرنی روا کور محبوب وقت حاجنده

ایدلر اما اهل بادیه و قبائل وحشیہ تک مسکن و مثنواری سور و جدار ایلہ محفوظ
 اولیوب برقبیلہ تک رجالی بینارندہ نازہ ظلم و عدوان مشتعل و فروزان اولدقده اول قبیلہ تک
 شیوخ و عظماسی اسالہ آب نصیح و یندایله اطفای ایدوب رجال قبیلہ دخی رؤسا و کبرایینه
 تعظیم و توقیرہ مجبول و یانلرندہ قوللری مقبول اولغله نصیحتلریله عامل اولورلر اما اهل
 بادیه دن برقبیلہ تک ضرب خیام آرام ایتدکلری محله قبیلہ اخرا سل سیف عدوان و اطالہ
 دست طغیان ایدوب قدح زناد شر و فسادہ آغاز ایتد کلرندہ قبیلہ اولی تک شجاعت
 و جلادت ایلہ مشهور و نام آور اولان دلاورلری نفس و عیال و ملک و مال لرینی و اقارب
 و جیراتی تعرض اعدادن صیانتہ اقدام ایدوب نعرہ زنان انصار و لالعار خرمن
 انجمن اعدایه شراره پاش نیغ آتشار اولورلر لکن اهل بادیه تک تعاون و تناصردہ قدم
 وفاق اوزره قیام و مدافعه اعدادہ اقدام و اهتماملری مبسر اولماز الا عصبیته مدار اولان
 نسب واحدہ اجتماع و اتحاد لر یله اولور زیرا قرابت نسبیہ اصحاب تک بر بر لرینه معاونت
 و مظاهرتلری اشد و اتم اولوب و عنایت الهیہ ایلہ نفوس بشردہ اقارب و ذوی الارحامہ
 شفقت و حیت موجود اولغله شوکت و صلابت لری شدید و تعاضد و تناصردہ همتلری
 اکید اولوب عد و لرینک انلردن خوف و خشیت لری عظیم اولور و بو خصوصه قرآن
 کریمده حضرت یوسف علیه السلامک اخوانی حقنہ و ارد اولان کلام الهی ادل دلیلدرکه
 یعقوب صلوات الله تعالی علیه و سلامه حضرت لری اوغلو یوسف علیه السلام اخوانیله
 صحرا یه عازم اولدیغی صورتده طعمه دهان کرک اولوق خوفیله عربتمته راضی اولدقده
 ﴿ قالوا لئن اكله الذئب ونحن عصبة انا اذا لخاسرون ﴾ آیت کریمه سی مدلولی اوزره
 اخوان یوسف باباری یعقوب علیه السلامه حلف و قسم ایدوب دیدیلرکه بز قوت و غلبه
 صاحبی اهل نسب و احد لر ای و تدبیرده متحد اون نفر رجال ایکن اگر یوسف علیه السلامی
 ذئب اکل ایدرسه جمله من عجز و مسکنت وضعف و مذلت عاریله هلاک اولوق لازم کلوردبو
 یعقوب علیه السلامه جواب و یردیار یعنی تعاون و تناصردہ قوت الظهر اولان عصبیت
 نسبیہ موجود ایکن اطالہ دست تعدی ایلہ بر فرده ظلم و عدوان تصور اولمدیغنه بو آیت
 کریمه ده اشارت اولندی اما اصل و نسب لری مختلف اولان رجالک ینلرندہ علاقه
 قرابت اولماغله بر بر لرینه معاونت و مظاهرتلری قلیل اولوب ایچلرندن بری پابسته دام بلا
 و گرفتار نیچ و عنا اولدقده آخرک امداد و اعانتی نادر واقع اولور شویله که وقت محاربه ده
 جو هوا ظلمت ظلم و عدوان ایلہ همر تک لیلہ ظلم اولوب شراره شر و فساد نجوم سبع شداده
 ملحق و منضم اولدقده قطار کسسته مهار کچی بونلرک جمعیتلری پراکنده و پریشان اولوب
 غائله بیم جان و داهیه تخلص کریبان ایلہ هر بری قراری فراره تبدیل ایدرلر فلهدا
 جهت و حدت لری ضابطه قرابت نسبیہ ایلہ مضبوط اولیان رجالک درودر و ازه دن خالی
 وزه شیران شجاعت ایلہ مالی اولان بریه و بادیه ده سکون و اقامت لری ممکن اولوب
 اتحاد نسب ایلہ تعاون و تناصردہ اقدام و عدولرندن اخذ انتقامه مجبول اولان عشایر
 و قبائله مخصوص اولمشدر فعلی هذا بریه و بادیه ده اقامت و سکنا حفظ و حسیایه یه

الامينك سلطان انبيا حضرت تيرى اوج دفعه شدت ايله معانقه بيورملييله نعليل ايلديلر
 لكن تاديب صناعى تعليم الهى به قياسدن خارج اولمغله معامله جبرئيل ايله تعليم
 متعارفه استدلال ضعيفدر والله العليم الخبير التنبى فصل بومحلده تمام اولوب
 بدىي فصلك بيانته شروع اولندى

❖ فصل سابع ❖ كتاب اولك ابكنجى فصلنك بدىي فصلى باديهده سكونا واقامت اتحاد
 ❖ نسب وحساب ايله بربرلينه عون ونصرته تكفل وتعهدايدن اهل عصيت
 ❖ وقبائله مخصوص اولد بىي پساننده در ❖

معلوم اوله كه الله سبحانه وتعالى حضرت تيرى ❖ وهديناه النجدين ❖ كريمه سى
 مفادى اوزره طباع بشرده خير وشرى ترتيب ايدوب ❖ فالهمها فجورها وتقويها ❖
 فحواي شريفى اوزره فجور وتقوانك حسن وقبحنى افهام والهيام ايله هدايت وغوايت
 طريق تيرى عبادت اهلام ايلدى وطبيعت بشرده حب شهوات ودواعى شر وفساد
 اسباب خير وصلاحدن اكثر واوفر اولمغين دلالت بدرقه توفيق ايله تهذيب اخلاق
 ايتديكي صورتده نفس اماره فضاي شهوتده مطلق العنان ومستغرق بجر عصيان اولور
 اكثر انام بو حالت اوزرينه مجبول ومغطور اولوب مكر كه مظاهرت توفيق وعصمت ايله
 آلايش مفساد وعاصيدن مصون الساحة اوله وطباع بشرده مركز اولان
 اخلاق شرك بى دىي ظلم وعدوان اولوب خشيت رحمان ياخوف سلطان ايله ممنوع
 اولد قلرى صورتده بى نوعى يدزدنه نظر لرى تعلق ايتديكي اشيائى اطالة دست
 تطاول ايله اخذ وعصيه سعى ايدرلر نته كيم بومعنايه ابو الطيب المنبى مك بيت
 مشهورى شهادت ايدر ❖ والظلم من شيم النفوس فان تجرد ❖ ذا عفة قلعة لا نظلم ❖
 يعنى ظلم وعدوان نفوس انسانيه مك شيم وخصائندن برخصلت رذيله اولوب اكر عفت
 وعصمت صاحبي برذات كور رسك البته ظلمدن نحايشى سى اسبابدن برسبب خنى به
 مستند در ديو ظلم وشرى طبيعت بشره عصمت وعفتى اسباب خارجه به اسناد ايلدى
 ❖ ودخى دفع مظالم ومفاسدده حضرى وبدويلك احوالى متفاوت اولوب قلاع منبعه
 وداخل سورده محصور اولان رجالك بربرلينه ظلم وتعديلر بى دفع واموال واعراض ناسه
 تعرضلر بى منعه حكام وولاتك بطش ومواخذة لرى كفايت ايدوب سكان امصاردن
 ظلم وجوره تصدى واطالة دست تعدى ايدن رجالك دندان حرص وطمع لرى سنك
 قهر ايله مقلوع ودهان تعرضلرى لجام حكيم ايله مكفوف وممنوع اولور كذلك خارج
 سورده تجمع وتحزب ايدن اعدائك اثنائى ايلده على الغفله درون قلعهده متوارى اولان
 رجاله قصد وتعرضلرينه دخى سور و جدار قلعه حائل وحاجز اولوب ووقت نهارده
 در ودر وازة قلعه كنهاده ايكن دخى اهابسى اوزرينه هجوم قصديله پيرامن قلعهده
 جمع اولان اشخاص اوباشى مدافعه به حات حوزه دولت واعوان ملك وسلطنت قدم
 اقدامه قيام ومكر ومكيدة اعداي دفعه اهتمام ايله سكان بلار وامصارى حفظ و حراست

معلمین و اساتذہ تک ناخن حکم و تآدیلر بلرله قیلرینی تخیدیش و خاطر لرینی تشویش
ایتمکله مدافعه اعداده لازمه دین و ایمان اولان سورت یأس و شدت لری و دستمایه
شجاعت لری و جوه خلل دن مصون و محفوظ اولمشدر حتی فاروق منیع الجنباب
عمر بن الخطاب رضی الله تعالی عنه حضرت لری آداب شرع ایله تآدب هدایه سوق
و هوایی منعه رکن اعظم اولوب شارع حقیقی جل شانہ مصالح عبادہ اہم اولدیغنه
تیقن ایتمکله امت مر حومه بی احکام شرع شریف ایله عمل و امتثالہ ترغیب و تخریض
ایچون * من لم یأدبه الشرع لا أدبه الله * کلام حکمت مآل یله زمام نفسی حاکم حاسم
شرع مینه تسلیم ایله تآدب ایتملرک دائره ابدن خروجرینه اشارت ایلدی و قسا که
عهد شریف نبوت و وقت خلافت منقضي اولوب بین الامه عقیده زده فترت و طبایعه
شر و فسادہ میل و رغبت ظهور ایتدی ایسه نفوس ناسده و قلوب انامده عقاید
دینیہ تک حکم و تآدبیری نافذ اولماغله ملوک و سلاطین مصلحت زجر وضع قصد یله قوانین
سیاسات و عقوباتی ترتیب ایدوب و علم شریعت حرفت و صنعت کی اساتذہ دن تعلیم
و تآدیب طریقہ ایلدی و تلبی اولوب طوایف انام بدویت طور ندن حضرتینه رجوع
و احکام قاهره سلطانیہ به انقیاد ایله طبیعت لری مألوف و مطبوع اولغین سورت یأس
و شدت لرینه فنور و مایه شجاعت لرینه نقصان و قصور ترتیب ایلدی فعلی هذا احکام
سلطانیہ و آداب تعلیمه جبر و اضطراره مبنی و طبعه منافی امر اجنبی اولماغله بو جمل
تعلیمی جملہ معتاد اولان رجالک طبیعت لرینه ذل و هووان و مایه شجاعت لرینه کسر و نقصان
زیننه باعث اولور اما عقاید ایمانیہ و احکام ربانیہ ایله تخلیق و تآدب ابدن نفوس
قدسیہ تک حاکم و حارس لری اصل و جبلت لرینه مر کوز و حسن اختیار لر یله مکسوب و مأخوذ
امر ذاتی اولوب خار جردن حاکم اجنبی تک ضبط و قهرینه محتاج اولماغله امر دینده
صلابت و شجاعت لری مر کز اصل یسنده قرار ایدوب مدافعه اعداده قوت و اقتدار لر ی
حد تو اتره بالغ اولدیغنی صحایف کتب سیر و مغایزیده مسطور درر بناء علی ذلك
سکان و اهل البسی موفور بلدان و امصارده ساکن اولان رجالک تحمل متاع احکام
سلطانیہ و انقیاد آداب تعلیمه ایله نفس لر ی متأثر و منفعل اولوب صفار و پکاری سر بیچہ
قهر و لاه دوران و ناخن تآدب استاد بی امان ایله زار و زبون اولغین شدت و صلابت لر ی
مسلوب و طبیعت لر ی استیلا ی جن و هراس ایله مغلوب اولمشدر اما اهل بادیه قضای
اطلاقده مطلق العنان و قوی الجنان اولوب ترتیب عقوبات شاقه ایله تضییق و مواخذہ دن
سالم اولم لر یله بنیان صلابت و جسارت لر ی زلزله وهم و هراس دن مصون و ساحه امن
و اطمینان لر ی غبار خوف و خشبتدن مأموندر بو سیدن ناشی اعلام فضلادن ابو محمد
ابن ابی زید المالکی اطوار تعلیم و تعلیمی یسان ایچون عقد ایتدی کی کآبدہ قاضی شریح
حضرت لر ی دن نقل ایله معلمین و اساتذہ اثنای تعلیم و تآدیبده اطفال و صبیانه اوچدکنکندن زیاده
ضرب و تعزیر ایتمک لایق دکلدر دیور روایت ایلدی و علمادن بعضی لر ی قاضی شریح
علیه الرحمہ تک ضرب صبیانه اشبور رأی رزین لر ی لیله بدء و حیده حضرت روح

زهره کبی کبش نطوحك قرن شجاعتنی کسرايمك روا اولوبوب معركة جنك و پرخاشده
 نیروی بازوی جلادت ایله جالبینوس محوسك شجره خبیثه وجودنی ساحه روز کاردن
 استیصال ایتمکله میدان حرب و وغا طرف اهل اسلامده قالدینی نعمتک شکرینه مبادرت ایله
 اکتفا لازم ایکن زهره نك کدیمین و عرق جبین ایله اخذ و اغتنام ایتدی یکی غنایمی
 یدندن اخذ و انتزاع ایله خاطرینی کسر و تکدیر بعد ازین اقدام حر و بده ضعف و تقصیری
 موجب اولغسه اخذ و سلب ایتدی یکی غنایمی باجمله یدینه دفع و اعطسا ایتمک اوزره طرف
 امیر المؤمنین سعد بن ابی وقاص حضرت ترینه امر قطعی المفاد لری وارد اولدیغی
 ثبوت یافته کسایف کتب سیر و مغازیدر واکر ملک و سلطنتده مصادره اموال
 و قصر آماه قتل نفوس و عیال دخی منضم اولورسه اول مملکتک سکان و اهالیسنک
 غلبه خوف و خشیتله باس و شدت و قوت و شجاعتلری بالکلزه زائل اولوب گرفتار
 اولدقلری عذاب و عقابی مدافعه و مقابله دن مایوس اولملریله پادرکل ذل و هوان اولملری
 مقرر در اما اطفال و صبیانه آبا و اسانده نك تأدیب و تعلیم طریقیه ترتیب ایتدی کلری
 احکام و آداب دخی عهد صبادن حد بلوغه دک مستمر اولوب و لیلرینک حجر تربیه لرنده
 عنف و تعزیرلری خوفیه مألوف و مر بی اولملریله انلرک مزاجلری دخی احکام تأدیبه دن
 فی الجمله منفعل و متاثر و سورت شجاعتلری منکسر اولقی محققدر بنساء علی ذلک دشت
 و سخراده توحش و توطن ایدوب اطراف و انکافه اطالده دست تعدی ایدن طوایف عربانک
 قوت و شجاعتلری احکام سلطانه و آداب اسانده ایله محکوم و مغلوب اولان بلدی
 و قرویلره غالبدر و کذلک عهد صباده تعلیم علم و صنعت ایله معلمین و اسانده نك
 تأدیب و تربیه سیله مألوف اولان کسنه لرنک دخی دستمایه شجاعتلرینه کسر و نقصان
 ترتیب ایدوب ظلم و تعدیسی نفسلرندن مدافعه به و خصمیلری ظهورنده خود بخود مقابله به
 قادر دکلدر در نته کیم مشایخ قرادن و معلمین و اسانده دن تعلم قرآن و تحصیل علوم
 ادیان ایچون مجالس عز و وقاره ملازمت و مواظبت ایدن طلبه علوم و قرآنک اکثری جبین
 و هراس ایله موصوف اولوب قوت و شجاعتلری مکسور اولدیغی مشهوددر لکن
 صحابه کرام رضوان الله تعالی علیهم اجمعین حضراتنک مشکاة صدر نبوت علیه
 افضل التحیه حضرت لرندن اقتباس انوار علم یقین و استفادده اسرار شرع مبین ایله
 ادب و سنته ملازمتلری جوهر کرا نمایه شجاعتلرینه قطعاً خلل و یرمبوب بلکه معارک
 حرب و قتاله هجوم و اقدامده جمله ناسه غلبه و تفوقلری اولدیغی اشبو مدعا مزی نقض
 و انکاره مدار اولماز زیرا اصحاب کرام احکام شرع مبین حسن اختیارلریله بالذات شارع
 صلوات الله تعالی علیه و سلامه حضرت لرندن اخذ و قبول ایدوب آیات بیناتی مشاهده
 و انوار وحی مبینی معاینه ایله آینه قلبلرنده عفا اید ایمانیه ثابت و راسخ اولغین قلوب
 صافیله لرنده هر کوز اولان ملکه نورانیه و عقیده ایمانیه انلری ترک هوا و اتباع هدایه
 سوق و دلالت ایلوب و ساوس شیطانیه به میل و رغبتدن صیانت ایلدی بو تقدیرجه
 انلرک حاکم و حامیلری کندی نفس نفسلریله قائم اولان جوهر ایمان اولوب خارجدن

معلوم اوله که افراد بشر دن هر بر فرد زمام نفسه مالک و امورنده مستند و مستقل اولیوب قوت شهویه و غضبیه لرینی دیلدکاری کچی اعمال و اجزاده قدرتلری قاصردر زیرا رقاب ناس و امور انامه مالک رؤسا و امر اقلیل اولوب ناسک اکثری رقبه اطاعتلرینی حکام و ولایت رقبه طاعتلرینه تسلیم ایله محکوم و مجبورلردر اگر ضبط و سیاست انام و تدبیر امور احکامه تصدی ایدن رجالک فرمانبر اطاعتلری اولان آحاد و اشخاص ایله معامله لری عتف و شدت دن مصون و رفق و ملامت مفعول اولوب هر امرده بطش و شدت ایله ناسی تضریق و مؤاخذه ایتمز لایسه داخل حوزه حکومتلری اولان آحاد انامک غائله خوف و هراس ایله خاطرلری مکسور اولماغله جبن و شجاعت جنسندن نفسلرنده هر کوز اولان حالت مجبول و مقطور اولدقاری کیفیت اصلیه اوزرینه باقی و تکاسل و تهاون ایله اختلالدن خالی قالوب هر کس جوهر کرانمایه شجاعتدن حظ و نصیبینی بی باک و پروا محملنده اظهار و اجزایه قادر اولور اما اول ملک و سلطنتده که قهر و سطوت هغو و مر حته غالب اولوب دائم جرم قلیل جزای شدید ایله مقابله و تجریم و تفریم ایله معامله عادت اوله اسنیلای رعب و هراس ایله خلقک قلوبی لران و صدمه خوف و خشیت ایله خاطرلری پریشان اولماغله سورت شجاعتلرینه کسر و نقصان ترتب ایدوب قوت قلبلری جبن و هراسه متبدل و مقبول اولور

ته کیم انشاء الرحمن بومعناک اصل و سببی قریبایان اولنوب بوندن زیاده سری کشف و عیان اولور * و دخی فاروق منبع الجناب عمر بن الخطاب رضی الله عنه حضرتلرینک زمره اصحاب کرامدن سعد بن ابی وقاص رضی الله عنه حضرتلریله سبق ایدن معامله لری دخی بومعنایه شاهد کافی در اصلی بویه در که زمره مجوس مخصوس اعجمام و اکاسره تکبیت فرجامک ممالک عراق دن قطع عرق کفر و فساد و اطفای نائرة بغی و عناد لری ایچون عهد خلافت فاروق رفیع الجنابده قائد الجیش زمره موحدین نصب اولنسان سعد بن ابی وقاص ایله قادیسیه معرکه سنه حاضر اولان شیردلان اصحاب خیر البریه علیه افضل التحیه دن زهره بن حویه رضی الله تعالی عنه حضرتلری معرکه کاه حرب وقتالده صنادید عبسه ناردن جالینوس نام بر فاجر مخصوسی قنطره شمشیر سرتیزدن اتشکده سعیره القا و شراره وجودینی صحیفه عالمدن محو و افنا ایدوب * من قتل قتیلانله سلبه * فحواشی شریعی اوزره حلی و لیساسدن اوزرنده موجود الشمس بیک التون قیتملی اشباشنی دخی اخذ و اغتنام ایلدیکی سردار باهر الاختصاص سعد بن ابی وقاصک معلوملری اولد قده رؤسای مجوس مخصوسدن جالینوس کچی شخصک اخذ و اعدا منده ایچون اذن و امره منتظر اولدک دیو زهره حضرتلرینه توییح و عتاب ایدوب و بالجمله اخذ و اغتنام ایتدیکی اموالی یندن تزع و بیت المال مسلمین ایچون حفظ ایتد کدن صکره امیر المؤمنین عمر بن الخطاب رضی الله تعالی عنه حضرتلرینه بو خصوصی کتب و تحریر و اسنیدان ایلدی سعد حضرتلرینک مکتوبی امیر المؤمنین حضرتلرینه و اصل اولد قده زهره حقه عرض ایتدیکی خصوصی حیر قبولده واقع اولیوب طرف باهر الشرفلرندن حضرت سعد بویکونه کاب مشکین نقاب تحریر اولدیکه بو کونه معامله نابرجا ایله

صدای سامعه خراش اهدا ایله مضطرب الحمال ونعرة ناکاه ظهور دشمن ایله
 منوش البال اولیوب فی الصباح والرواح بی غائله سلاح تکیه گاه ناز ونعمیده فراس
 امن وامان وپستراحت والطمینان اوزره نشوونما بولملریله ولیلری حجر تریه سنده
 مر بی اولان صبیان ونسوان عدادنه ملحق ومتصل وانلرده بو حالت جبلت وطبیعت
 منزله سنه نازل اولمشدر اما اهل بادیه بجمع ناس اولان محللردن عزلت ووحشت
 ایدوب حصن حصین وحاجز متبندن معرا وضبط وسیاست حکام وولادن مبرا اولان
 قبل جبال و بطون تلال مسکن ومأوی اتخاذ ایلملریله نفس وعیاللرینی ضرر اعدادن
 حفظ وحایه به کندیلری قیام ومعارک ومهالکه نفسلریله اقدام ایدوب زمام تصرفلری
 دست آخره تسلیمدن امتناع ایلرل بولردانما حل سیف وسنان آتش فشان ایله اطراف
 وجوانبه صرف لحاظه اهتمام وظهر فراشده دیده لرینه خوابی حرام ایدوب بحال
 ومحافله باظهر جبل فرسده نوم خفیف ایله اکتفا ایدرل اکثر اوقاتده مکین کین
 مکر وخفا اولان دشمن بی امانک ظهورینه آماده ودریجه کوشلری صبت وصدالری
 استماعه کشاده اولوب بطش وشد تارینه وثوق واعتماد وقوت وشجاعتلرینه استناد ایله
 دشت وصحرا ویریه فقراده نفرد وتوحش ایتشلردر ملکه باس وشدت ودستمایه
 شجاعت بولرله سببیت وطبیعت اولوب نازده صغف وغضبلرینی نهیجه داعی وعرق
 چیلرینی نحریکه بادی برنسنه ظهور ایتدکده درحال طینت وجبلتلرند مر کوز اولان
 مایه شجاعتی قوه دن فعله ابراز ایله دریای آرمیده جلا دتلری جوشه وآتش تفسیده
 شهامتلی خروشه کلوب ساحه عزاجاللرینی بیکانه دن حایه وجور وتعدیدن کندیلرله
 نظم ایدن جارلرینی وقایه ایدرل وبلدی وحضریلر بادیه ده یاسفرده بدویلرله مقارنت
 ایتدکده انلرک درک حایه سنه التجا ایدوب اثنای کشت وکنارده هیاللری کبی زمام
 رأی وتدبیرلرین اهل بادیه به تسلیم ایتدکلری روشن وعیاندر حتی توجهی مراد اولنان
 ستمک طریق وسبیلی وحفظ قوام حیات ایچون موردما ومنبت کلا اولان محللرک تعیین
 انلرک موکول عهد همتلری ومحمول دوش کفالتلری اولدیغی نفریر سابقدن معلوم
 ومنفهم اولمشدر بو امرک دخی سر وسبی انسانک وقت صیادن برو مألوف ومعناد
 اولدیغی افعال واعماله تعلق وانسای طبیعت ومزاجنه نسبتدن اولی اولمغله هر فعل
 وعمل که نفس انسان انی اعمال ایله مألوف ودائما اکامباشرت واعتیاد ایله موصوف
 اولوب آنده بو حالت خلق وملکه رتبه سنه بالغ اوله طبیعت وجبلت مقابله قائم اولور
 طوایف بنی آدمک احوال وعاداتنه نظر واعتبار اولند قده اشبومقاله مرک صدق
 وحقیقتی ظاهر ومنجلی اولور * والله یخاق ما یشاء * بو محمله فصل خامس تمام اولوب
 النهی فصلده ذکر اولنه جق امور بیانته شروع اولندی

* فصل سادس * کتاب اولک ایکنجی فصلنک النجی فصلی حضری وبلدیلرک *
 * ضبط وسیاست حکام وولایه ایله مغلوب ومقهور اولملری قوت وشجاعتلرینک *
 * زوالنی وجبن وهراس ایله انصافلرینی موجب ومقتضی اولدیغی بیاننده در *

اولدبغنه تو بیخ قصدبیله مؤاخذه به مبنی در سلطه دخی حجاجك كندویه الزام ایتدیگی
 افرنبوی به مخالفت و تعربه مبدل و رغبت نهمندن برائت ذمتنه مفخر موجودات هلیسه
 اشرف التخیلات حضرتلرینك كندی حقتده بادیه ده حکنا واقامتہ اذن طالبیری
 صدور بیله استدلال ایدوب و شرف هجرتی بعد الاحراز بادیه ده سکنا اذنبیله بین الاصحاب
 کسب امتیاز ایتدیگی اظهاریله حجاجه جواب و پردی بو تقدیرجه سلطه حضرتلری
 شهادت حزیه و عنایق ابی برده کبی بادیه ده اقامت اذنبیله سلطتان انبیا طرفندن
 اختصاص و امتیاز کسب ایدوب بریه به نقلی فریضه هجرتی مراعاته مانع اولدی
 حزیه حضرتلرینك برنده ده منفردا شهادتی ایکی شاهد مقامه قائم اولوق شرفیله
 سلطان انبیا طرفندن تخصیص اولوب ذوالشهادتین رتبه سبیله مشرف و مستعد
 اولدی کذلک ابی برده رضی الله تعالی عنه حضرتلری عبد اضحاک برنده الی ایلوق
 بردیشی کچی اوغلاق ذبحیله اضحیه سنك صحت و جوازنه مساع شرعی ورود بیله
 رسول کبریا علیه افضل النعمایا طرفندن شرف اختصاص و امتیاز کسب ایلدی
 سلطه حضرتلری دخی سلاک مهاجرینه منسلک اولدقدن صکره بادیه ده سکنا بیله اذن نبوی
 ورود بیله کامیاب اولدیلمر * معلوم اوله که سلطه حضرتلری حکایه سنده بروج دخی بودر که
 حجاج بعد وفات النبی علیه السلام اصحاب مهاجریندن و جوب هجرتك سقوطنه عالم
 اولغله سلطه رضی الله تعالی عنه حضرتلرینی ترك فریضه هجرت ایلله مؤاخذه ایتوب
 بلکه بعد الوفات هجرتسرای مدینه ده سکنا افضل و اولی ایکن فضیلت سکنا شرفنی
 ترك ایلله مؤاخذه ایدوب سلطه دخی بتخصیص کندی حقتده بدویته اذن نبوی صدور بیله
 اغتنامی افضل و اولی عد ایتکله بریه بی اختیارینه سند سدید ابراز ایلدی
 علی کلا التقدرین حجاج ایلله سلطه حضرتلرینك مکالمه لری بادیه ده سکون واقامتک
 مذمتی موجب اولوب بلکه زمان با امان نبوتده مدینه منوره به ملازمتک و جوبی
 و هجرتك مشروعتی نبی ذیشان علیه الصلوة والسلام حضرتلرینه مظاهرت و معاونت
 مصلحتنه مبثنی اولدیغنی تفصیل و تحقیق اولغشیدی بو صورتده حجاجك سلطه حضرتلرینی
 وجه مشروح اوزره مؤاخذه ایتسی بادیه ده سکون واقامتک مذمومینه دلیل اولدیغنی
 ظاهر اولدی بو محله کاب اولک ایکنجی فصلنك دردنجی فصلی تمام اولوب بشنجی
 فصلده ذکر اولنه حق احکام بیاننه شروع اولندی

✽ فصل خامس ✽ کاب اولک فصل ناینسك بشنجی فصلنده اهل بادیه نك قوت ✽
 ✽ و شجاعتده حضرتلره غلبه سی بیان اولنور ✽

بوامرک سروسپی اولدر که سکان بلاد و امصار فراغ بال و رفاه حالله غنوده جلیب
 امن و حضور و متوسط زر بالش ذوق و سرور اولوب نفس و عیال و ملک و ماللرینه
 اطالعه دست تعدیدن مدافعه و محافظه خصوصنده قلاده تصرفلرینی
 ایدی ولایه و حکامه تسلیم ایلوب ساکن اولدقلری قلاع و حصونک سور
 و جدارلرینه تحصن ایلله ضرر اعدادن تحفظ ایتلدر شویله که اطراف و انکافدن

نبودن وطن اصلبرینه با آخر محله نقل و تحول ایتملریله بدأ ابتدا کبری هجرتدن و رایه
 عود و رجوع ایتمک اوزره هجرتده تثبیلرینی رجا بیورد بلر بو حدیث شریفده وارد
 ﴿ ولا تردهم علی اعدائهم ﴾ ترکیب حسن الترتیبک معنای حقیقهسی اصحاب مهاجرینک
 برخلدن عقلمری اوزره کیرویه عود و رجعت ایتملریله دعا اولوب لیکن مقام قرینه سببه
 مفساد حقیقت مراد اولوب بلکه مصلحت هجرتک ترکنه مبادرت ایله فسخ عزیمت
 ایتملرندن نگایه در ﴿ ودخی معلوم اوله که فریضه هجرتک اهل مکه اوزرینه وجوبنک
 ابتداسی اوائل عهد اسلامده اولوب لیکن حکم وجوبک انتہاسنی بیانده علمای دین
 رحمهم الله تعالی علیهم اجمعین دیدیلرکه اوائل اسلامدن قحح مکه وقتنه کلنجیه اهل ایمانده
 قلت و مظاہرت نبویه ایچون هجرتیه حاجت مشتمد اولغله هجرتک فرضینی قحح مکه دن
 اقدام حرورایدن ازمنه به مخصوص ایدی امامکه قصصله جناب حق رؤیای نبویه بی
 تصدیق و وعده کریمی تحقیق ایتمکده اهل اسلامده کثرت و عزت و نبی آخر الزمانی
 ﴿ والله یصمک من الناس ﴾ مفاد کریمی اوزره اعدای خاسرینک ایذا و اضرارندن
 عصمت و صیانت و عدالهی سبق ایتمکین فریضه هجرت ﴿ لا هجرة بعد الفتح ﴾ حدیث
 شریفیه ساقط اولمشدر بوندن صکره کندیلردن فریضه هجرت ساقط اولان
 رجالده اختلاف اولنوب ائمه اعلامدن بعضیلری دیدیلرکه قحح مکه دن صکره
 اسلامه کلان اصحاب کرامه عن اصل هجرت واجب اولوب طرف حقندن وجوب
 هجرت ایله تکلیف وارد اولدی بعضیلری دخی وجوب هجرتک قحح مکه دن
 اول شرف اسلام ایله مشرف اولان اصحاب مهاجریندن سقوطنه ذاهب اولوب
 ﴿ لا هجرة بعد الفتح ﴾ حدیث شریفنی بویکی وجهله توجیه ایتمدیلر
 اما طائر علین مسیر روح اقدس محمدی کلشنسرای لاهوته شهپر ککشیای عزیمت
 اولدقد نصکره فرضیت هجرتک کافه اصحابدن سقوطنه جله علما اجاع و اتفاق
 ایدوب بعد الوفات اصحاب مهاجرین نشر اعلام دین و محاربه اعدای خاسرین ایچون
 حر مسرای مدینه دن اطراف و آفاقه منتشر اولوب قحح و تسخیر ابتدا کبری بلاد
 اسلامیسه ده توطن ایتملری وجوب هجرتک سقوطنه دلیل قوی و برهان قطعی اولغله
 بین الاصحاب انجق مدینه منوره ده سکنا فضیلتی باقی قالدی دیدیلر فعلی هذا امیر
 حجاجک سلمه حضرتلرینه ارتددت علی عقیبک تعربت خطاییه توبیح و تشددیدی
 بریه و بادیه ده اقامت ذاتنده امر مذموم اولدیغندن ناشی اولوب بلکه سابقا ذکر
 اولندیغنی اوزره مکه مکرمده اصحاب مهاجرین رضوان الله تعالی علیهم اجمعین حضراتی
 حقنده هجرتده ثبات قدمه موفق اولوب فسخ عزیمت ایله محل آخره نقل و تحوولدن مصون
 اولمیرنی ﴿ ولا تردهم علی اعدائهم ﴾ حدیث شریفنی مفادی اوزره نبی علیه السلام
 حضرتلری درگاه کبریادن رجا بیورمش ایکن سلمه حضرتلری هجرتسرای مدینه دن
 نقل و رحلت و بریه و بادیه به شد حزام عزیمت ایله مضمون حدیث شریفه امثال
 ایتموب شرف فریضه هجرت ایله مشرف اولمیان اعراب زمره سنه ملحق و متصل

و تشدید ابتد کده سلمه حضرت نوری دخی حجاجه جواب سیاقده حاشا کندی هوای نفسه
 اتباع ایله هجرت سرای مدینه ده اقامتدن فراغت و بریه و بادیه به سوق مطیبه رحلت ایتمدم
 لکن جناب رسول ملائک سباه صلی علیه الاله حضرت نوری زمره اصحاب کرامدن
 بعضی لرینی بررخاصه شریفه ایله مشرف ایتدک لری کبی بنم دخی بادیه ده سکون و اقامته
 اذن عالی لری ارزانی یوریلوب بین الاصحاب بورته والا قدری احراز ایله کامیاب
 اولدیغنه بنساء حضرت بی بدو یته تبدیل ایلدم دیو حجاجی اسکات ایلدی فعلی هذا
 بو حدیث شریفه حجاج سلمه حضرت نرینه اول امرده طعن و تشنیعی و سلمه نک دخی
 شرف صدور اذن نبوی ایله اعتذاری بحسب الظاهر بادیه ده اقامتک ذم و قد حنی
 مشراییسه ده لکن حقیقت حال و مال مقال کشف و ابضاح اولندقد خیرمذ کورک
 مدعاده ماده نقض اولق محذوری برطرف اولور تفصیلی بویه درکه اوائل همد
 اسلامده کلقت ایمان ایله شیرین مذاق اطمینان و داخل دارالامن حرم حی و رحمن اولان
 اهل مکه اوزرینه هجرت فرض اولوب تا که جناب رسول مجتبی علیه افضل التحایا
 حضرت نوری موطن و مساکندن شرف قدوم مینت لزوم ایله نه محلی تشریف ایدر زسه
 موکب همایون لرینه ملازمت و اعدازی اوزرینه نصرت و مظاهرت ایله جوهر کرامتیه
 وجود مسعود لرین اسریلدن حفظ و حراست ایلیسه لکن فریضه هجرتک و جوینی
 اهل مکه به مخصوص اولوب بریه و بادیه ده احراز دستمایه اسلام ایله مشرف اولان
 اصحاب سعادت اکنساب هجرت ایله مأمور دکل لر ایدی زیرا اهل مکه مثبت کریم مولد نبویه
 نابت و شجره طیبه نبوته قرابت نسبه و مجاورت نسبه ایله اهل بادیه به رجحان و توفیقی
 نابت اولغله خدمت لازمه ذمت جیتلری اولان معاونت و مظاهرتیه قیام لری و اعدای
 دین ایله محاربه و مقابله امرنده اهتمام لری جهتیله سلطان سریر نبوت علیه افضل النجیه
 حضرت نرینه عصیبتلری اصحاب بادیه دن ازید و اکملدر و شرف هجرت ملازمت رکاب
 نبوتدن عبارت اهل مکه به مخصوص بر فضیلت اولغله اصحاب مهاجرین رضوان الله
 تعالی علیهم اجمعین حضراتی تعرب و بدو بتدن جناب حقه استعاذه ایدوب محل هجرت
 اولدیان بادیه ده سکنا و اقامته میل و رغبتدن درکاه کبریایه عون و التبحا ایدر لری ایدی
 و دخی زمره اصحاب باهر الاختصاصدن سعد بن ابی وقاص رضی الله تعالی عنه روایتیه
 صدر دیوان نبوت علیه افضل التحیه حضرت نرندن شرف فریز عز صدور اولان احادیث
 صحیحه دندرکه اول شفا رسان خسته دلان امت طیب مشفق شفاخانه رسالت حضرت نرینک
 اعتدال حقیقی ایله معتدل اولان مزاج سعادت امتزاج لری مکه مکرمه ده عارضه صوریه ایله
 منفعل اولدیغی ائنه اصحاب مهاجرینک مدینه منوره به ملازمت و مواظبتده قلب لرینی
 تثبیت ایله دعا و فسح عزیمت ایله مدینه دن محل آخره نقل و تحویل ایتم لرینی درکاه کبریادن
 رجا ایدوب اللهم امض لاصحابی هجرتهم ولا تردهم علی اعقابهم * حدیث شریفی
 ایراد یوردیله عنای حدیث شریف الله اعلم و رسوله طیبه طیبیه به هجرت ایله مشرف
 اولان زمره اصحاب مهاجرینی مدینه منوره به ملازمتیه توفیق ایدوب هجرت سرای

و نهاده مودوع اولان استعداد مادر زاد حسبيله خير و شردن بريله نه مرتبه مألوف
 و مشغول اولورسه عمل آخري كسب و تحصيلدن او قدر بعيد اولوب قصد و اختيار لري
 حق و باطلدن قنغى طرفى ترجيح اينديسه طرف آخره تعلق و توجهى صعب و دشوار
 اولور خيره موفق اولان ذات مصاحبت اخيار و ابرار و مزاوله اعمال صالحه ايله
 ملكه خير و صلاح تحصيلنه فائز اولدقده عمل شردن بعيد اولوب تحصيل شورو
 و مفاسده عزم و همتى فائز اولور ~~كذلك~~ مقارنت اشرا ناستوده كردار ايله
 فحش و فساد و اصرار ايدن كسنه دخى اعمال صالحه به قطعاً ميل و رغبت
 ايتوب اينديكى صورته دخى صعوبت ايله تحصيل ايدر بناء عليه بلاد معموره
 موفوره الاها ليد و تلذذ و تسعمى موجب اسباب عيش و صفا و قوت شهويه بى محرك
 دواعى نفس و هوا كثر اولغله حضري لرك اكثرى استيفاي مشتبهات انفسه اقبال
 و ملاعب و ملاهى ايله اشتغال ايدوب نفس اماره لري اخلاق ذممه ايله متلون و مألوف
 و انهما كلري مرتبه مسالك خير و صلاحدن كال بعد ايله موصوفلردر حتى بحال
 و محافظده تعظيم و توقيرى لازم اولان كبرا و عظمائى حضورنده هتك پرده حيا ايدوب
 قولاً و عملاً اظهار فواحش محرمة ده مبالات ايتزلر اما اهل باديه اكر چه اجراى
 شهوات نفسانيه و استيفاي حظوظات دنيويه به ميل و رغبت و بلدى و حضري لره
 مماثل ايسده لکن ضيق معاش و قلت مایه انتعاش ايله موصوف و باديه ده اسباب عيش
 و طرب مفقود اولغين من ~~كل~~ الوجوه تعبس و زندگانى لري قدر حاجته مقصور
 و ضرورت مقدارينه محصور اولوب الوان نعم حیات دنيای دنیه ايله تتم و تمتعه حال
 و شانلرى قدرت قاصره و مكنت بسيره لري نسبتى اوزره واقعدر بناء عليه بدويلرك
 خير و صلاحه ميلى اهل حضردن اغلب و خلقت و طبيئلى فطرت اولى به اقريدر
 فعلى هذا اصحاب باديه نك تلونات نفسانيه و كدورات جسمانيه ايله تلونلرى قليل اولغين
 علاج روحانى ايله بونلرك امراض قلبيه و علل نفسانيه لرينه مداوات اهل حضردن
 اسهل و ايسر اولديغى ظاهردر نته كيم ان شاء الرحمن اشبو كجا بمزده طور حضارت بداولك
 حد و غايى و تكميل حوايج نفسانيه نهائى بيان اولنديغى ائشاده اهل باديه حضري لرون
 خير و صلاحه اقرب اولديغى دخى زياده واضح اولور ~~والله~~ يحب المتقين ~~اكر~~
 اشبو نوشته صحيفه املا و ثبت جریده انشا اولان مدعا مره صحیح بخاریده مسطور اولان
 حديث شريف و خبر لطيفك مفهوم منيفيله اعتراض اولنوب دنيلورسه كه عصابة
 اعلام الاصابه و زمرة صحابه كرامدن سلمه بن الأكوع حضرت لرى مدينة منوره به ملازمى
 ترك و باديه ده اقامته عزم اينديكى امير حجاج بن يوسف ثقفى نك معلومى اولدقده سلمه
 رضى الله تعالى عنه حضرت لرينه توبىخ كونه خطاب عتاب امير ايدوب ديديكه ياسلمه
 سن عهد نبوتده مدينة منوره به هجرت و طيبة طيبه ده اقامت شريفه و ايه دار عز و سعادت
 اولمش ايكن شمدى اول شرف عظيمدن رجوع ايله كيرويه عود و رجعت و باديه ده
 اقامت و سكنايه ميل و رغبت ايدوب زمرة ارذال اعرايه ملحق مى اولدك ديو توبىخ

حسن اختیار را بیه بریه و بادیه به نقل و از حال اتمیز و بومدعی اثباته وافی شاهد کافی در که
 بز معصوم رابع مسکونده موجود اولان امصار و بلدانن هر بلده نك اهل بسنك اول
 و ابتداسنی و منشأ وجود رنی نقشب ایلک اکثر سکا تی اول بلده نك اطرافنده واقع اولان
 دشت و صحرا و نواحی و قرا اهل بسندن بولورز کندیلری یا خود آبا و اجداد لری بدوی
 یا قروی ایکن ضرورت معاش و مضایقه عبشیدن بر طریق ایله خلاص اولوب ثروت
 و یساره وصول مبسر اولغله مولدنه قریب بلده به نزول ایله بدوی تی حضرت ینته تبدیل
 و سرمایه امن و راحتی تحصیله فائز اولدیلر * بوندن صکره دخی معلوم اوله که بدوی ایله
 حضرت یدن هر یرینک امر معاش و سایر خصوصده احوال و اطوار لری دخی کندلی
 جنسار ینته نسبتله متفاوت اولوب قبائلک بعضیلری قوت و مکنده قبیله اخرادن اعظم
 و امصار و بلدان بر لر ینته نظر ایله وسعت و وفرت اهالی ایله مختلفدر اشبو فصل ثالثده
 ذکر اولسان مقدماتدن ظاهر اولدیکه مدن و امصارک و سکان و اهل بسنک اصل وجودی
 و نشو و نماسی اطرافنده موجود اولان بوادی و قرادان منشعب اولوب بلدی لریک وسعت عبش
 و ثروت و غنایه مقارنتلری بدوی لریک ضرورت معاش و قلت مایه انتعاشه ملازم تلریله مسبو قدر
 فصل ثالث بو محله تمام اولوب حالا بعنایه الله تعالی فصل رابع بیاننه شروع اولندی

* فصل رابع * کتاب اولک ایکنجی فصلنک در دینی فصلی اهل بادیه سکان *
 * امصار دن خیر و صلاح تحصیلنه اقرب و اولی اولد قلری بیاتی متضمندر *

معلوم اولی الالبادر که حق سبحانه و تعالی حضرت تلی زمره نوع بنی آدمی خلعت
 زیبای احسن تقویم ایله تشریف ایتد کده مایه فطرتلرین جوهر علم و ادرا کله تخمیر
 و احسن صور ایله تصویر ایتدی که آفاق و انفسده موجود اولان آیات پینانده فکر و نظر ایله
 ذات اعلا سنی و صفات اسناسنی علم و اذعان و اعتقاد و عملده خیر و شیری فرق و تمیزه
 قابلیت ایله سائر انشای جنسندن متمایز ایلدی پس افراد بیشر دن هر مولود
 رحم مادر دن مهد و جوده قدم نهاده شهود اولوب ابتدای خلقت و فطرت اولی سنده
 بعد زمان قصد و اختیار ایله کسب ایده جکی عقاید حقه و باطله و اعمال صالحه و سبئه دن
 هر برنی قبوله متهی و آماده اولوب ملکات فاضله و اخلاق رذیله دن خالی و بونلردن
 هر برینه قابلیت و استعداد ایله متصفدر ننه کیم سلطان سریره دان ما اوحی رسول کبریا
 علیه افضل التحایا حضرت تلی (کل مولود یولد علی الفطره فابواه یهودانه او ینصرانه
 او یمجسانه) حدیث شریفنده بو معنایه اشارت بیوروب نفوس انسانیه نك من حیث الدین
 خلقت و فطرت لری طورنی بیان بیوردیلر خلاصه مفاد حدیث الله اعلم و رسوله افراد
 نوع بنی آدم دن هر بر فرد سبق قلم قضا ایله مفظور و مجبول اولد قلری حالت او ز رینه
 تولد ایدوب بعده ایوننی زمره یهود عنوددن ایسه آیین باطل یهودیتی اکر نصارادن ایسه لر
 دین عاطل نصرانیتی اکر مجوس منحوسدن ایسه لر مجوسبت مذهبی اولاد لر ینته ترغیب
 و تعلیم ایدر لر بنساء علی ذلك طفل مولود مبلغ سن رشد و کاله بالغ اولد قده فطرت

عشیرتبری غنم و بقر ایله دخی تعیش ایلوب کسب و کار لری ری ایله مقصور اولماغله انلرک اکثری بلاد معموره یه قریب دشت و صحرا ده دخی ساکن اولورلر * اشبو فصلده ذکر اولسان تقریر مژدن ظاهر اولدیکه قبائل عربک بریه و بادیه لرده سکون و وطنلری مکسب و معاشلرینه تابع امر ضروری اولوب سبق قلم قضا ایله و جوه معاشدن وظیفه فسمتبری رؤس جبال و بطون بوادیده اقامتلرنی ایجاب ایلش * والله الخلاق العلیم * بو محله کتاب اولک فصل نایسنگ ایکنی فصلی تمام اولوب جالا بعنایه الله تعالی فصل ناینک اوچنچی فصلی یسانه سوق عنان مقال اولدی

* فصل ثالث * بو فصل بدویت حضرتیدن اقدم و اسبق اولوب بادیه عمران * حضرتینک اصل و مددی اولدیفن ییلن ایدر *

معلوم اوله که بوندن اقدم ذکر اولسان فصللرده اصحاب بادیه ایله ساکن امصارک امر معاشده حال و مشائرنی ذکر و بیان سیاقده بدو بیلرک سعی و همتلری حوائج ضروریه تحصیلنه مقصور و قلت مال ایله موصوف اولوب و حضری و بلد بیلرک تقدینه همتلری ترفه و تنعمه مضروف و من کل الوجوه وسعت عیش و وفرت معاش ایله موصوف اولدقلری تفصیل و تحقیق اولنمش ایدی و معلومدر که حوائج ضروریه تدارکی قدر حاجتدن فضله و نصاب اصلی دن ازید اولان حظوظات نفسانیه دن اقدم و اسبق اولوب امور ضروریه سائر مطالب کمالیه یه نسبتله اصل و اساس منزله سنده واقع اولغله حضرت بیلرک طوری بدو بیلرک طورنه تفرع و ترتب ایلوب مدن و امصارده آحاد ناسک اجتماع و اقترانلری اطراف بوادیده تفرق و تقلبلندن مؤخر اعتبار اولنمشدر زیرا نوع بشرک عنوان جریده آمالی و اقدم اعمال و افعالی نفس و عیالک حفظ قوام حیاتی ایچون محتاج اولدقلری امر ضروری یه مقصور و محصور اولوب ما کل و مشاربده ملابس و مساکنده قدر حاجته وافی بلغه هبشه کافی نصاب اصلی تحصیلندن صکره مشتهیات انفسده درجات کماله علی التدریج ترقی یه راغب اولورلر بناء علی هذا بدو بیلرک لازم کلن خشونت و ضرورت حضرت یتده حاصل اولان رقتدن اقدم اولوب بطون بوادیده و اطراف و نواحیده ری جل و ناقده یه قیام ایدن بدو بیلرک امر معاشده مضایقه لری زائل و دستغایه کامرانی یه واصل اولدقده سکون و راحت طالس و بلاد و امصاره زوله راغب اولوب شبتا فشبنا حظوظات نفسانیه لری اجرابه سعی ایدرلر شویله که ضرورت معاش ایله رؤس جبال و بطون تلالده هربری زمام نفسنه مالک و آزاده قیید حکام مالک ایکن غائله مضایقه دن تخلص کریسان مبرر اولدقده مدن و امصارده اقامت ایله امن و حضوره طالس و کندی اختیار لریله رقبه اطاعتلرین دست حکامه تسلیمه راغب اولورلر * اما امصار و بلدانده سکون و اقامته مألوف اولان رجال مادامکه بریه و بادیه ده سکون و اقامتلرنی موجب ضرورت مس ایچوب یا خود ساکن اولدقلری شهرک اهل بسندن برتقصیر ظهور ایتدکده

قبل الاصلاح ناپخته وخام ايکن تناول ايدرل مگر که طبعه محتاج اولغله في الجملة
 مس نارايه بعد العلاج اکل ايدرل * ودخی بریه وبادیه ده زراعت وفلاحت ايله تعیش
 ايدنلرک حال وشانلرينه وطنلرند. قرار اطراف واکافده کشت وکذاردن انسب واولی
 اولغین مدار معاشلری اولان زراعت وحرثت امرینه قیام ایچون دشت وقراده سکون
 وایرام ایتمشلردر وطوایف امدن تدبیر معاشده زراعت وفلاحت مسلکینه سالک اولانلر
 جانب غربده قبائل بر بریه ايله طرف شرقده بعض طوایف روم وجمندر اما اهل بادیه دن
 اول طائفه که مدار معاشلری غنم وبقر مقوله سی حیواناتی رعی ايله تمتع وزوائد
 ومنافع ايله تعیش مقصود اوله انلرک حال وشانلرينه سیر وحرکت سکون واقامتدن
 انفع واصیل اولغله اکثر اوقات ده دواب ومواشیلرنی آب وهواسی خوب وچن ومرعاسی
 مرغوب اراضی طیبده کشت وکذار ايله اوقات کذار اولورلر * لکن سیر وحرکتلری
 اولتو صولوسحرالی تجاواز ایتموب ماء وکلادن خالی بریه زه کتمزلر بو طائفه خدمت
 شاه وغمه قیام ایتملریله بین العرب انلره شاهویه تسمیه اولتور طوایف مذکورده بعض
 قبائل بر بریه ايله ترک وتاتار و صفالیه جماعتلریدر اما سکان بادیه دن اول طائفه که
 مدار معاشلری دفع فقر وفاقه یه ورعی جبل وناقه یه مقصود اولوب کفاف تعیشلری
 ابلک منافع وزواید نه مقصود اوله تحصیل معاشده انلرک حال وشانلرينه اطراف واقطاره
 نقل ورحلت و صیف وشتاده شلکدن بعید محله سیر وحرکت مناسبدر زیرا جبل
 وناقه نک قوام حیسانه اطراف قراده واقع چراگاهلرک چن وکیاهی کفایت ایتموب
 بریه وبادیه رده نابت درخت مغیلان کبی دیکنلو اشهارا ککنه وملاحتی غالب آب شوره
 تناولنه محتاج اولدیغندن ماعدا قواسنده برودت سرمایه تحمل دخی اولمامغله دفع
 غائله ضرر برد ایچون فصل شتاده عمراندن بعید حرارتی شدید مغازه رده دور ايدرلر
 علی الخصوص دوه نک حین ولادته وجع واضطرابی سائر حیواندن اصعب اولوب
 وقت تناجده آسخته احتیاجی اشد واغلب اولغله هواسی حار قومسال محله حرکت
 مضطر اولور وغم وبقره مخصوص مرعاریک اصحابی دخی ساربانلری مرعه
 ومرعارینه دخولدن منع وزجرايدوب متنبه اولدقلری صورته ضرب وتادیب
 وتجريم وتغريم اولتملری خوفندن بالضروره اصحاب جمال بریه وبادیه ده مسالک
 بعیده یه سلوک ایدوب اراضی مباحه یه شدد حزام عزیمت واجاله لجام نهضت ايدرلر
 یناء علی هذا رعی جبل ايله تعیش مجبول اولان طائفه بلاد عامره وراضی معموره ده
 سکون وقرار ایتموب بطون بوادیده شیر زیا وپیل دمان کبی کشت وکذار ایتملریله اهل
 امصار وقرایه نسبت ايله بونلر حیوان وحشی عدادنه ملحق اولمشلردر وایم عالمدن بو طائفه
 عامه قبائل عرب ايله مغرب دیارنده بر بریه وزنانه قومندن برجاعت مخصوصه اولوب
 وطرف شرقده اکراد وتاتار وترکان عشیرتلریدر * لکن طوایف مذکورده دن قبائل
 عربک مکسب ومعاشی انجق رعی ايله مقصود اولغله طائفه عربان عزلت ووحشت وچوللرده
 سیر وحرکت جهتیه سائرلرینه غالبدر * اما دیار غربده بر بریه وطرف شرقده ترک وترکان

درجه علیای کماله بالغ اولد قده اسنیقای حظوظات نفسانیده ترقی ایدوب رسم اوضاع بناده ماهر و طراح اینیسه ده مهارتی ظاهر استاد لک اجتماعیه خلال ریاضده واقع حیاضه اجرای آب روان و داخل قصور و صرو حده فسقه و شادر وانلر انشایلرلر

✽ خلاصه کلام اصحاب ثروت و یسارک مکنت و قدرتلری واسع اولدخه ملبوسات و مفروشانده و اوای و ظروف و سایر منافع بیونده قدر حاجتدن فضله و حوایج اصلیه دن زیاده آلات و ادوات کثیره انخا ذاید لر ✽ و دخی دشت و صحرا ده ساکن اولان قبائل و عشایره بین الام بدوی اطلاق اولندیغی کبی اهل امصار و بلدانه حضری اسمی اطلاق اولنوب لیکن بدویلر زراعت و حرانت ایله یاغراست و فلاحت ایله یاخود قیام خدمت ابل و غنم ایله امر معاشده قدر حاجته اقتصار ایدوب حضریلر ثروت و غنا ایله ریج و عنادن سالم والوان نعم آمال ایله مفتنم و متملر در و اهل امصارک دخی مکاسب معاشده حال و شانلری مختلف اولوب بعضیلری حرفت و صنعت ایله و بعضیلری دخی و جوه تجارت ایله اسنیقای آمال و تحصیل اموال ایدوب علی ای حال مکاسب معاشیه لری اهل بادیه دن انفع و انما و افضل و اولی در زرا اهل امصارک دستمایه وسعت و سرمایه ثروتلری حوایج اصلیه و مصالح ضروریه لرندن اوفر و فائده و مانده لری اکثر اولمغله اهل امصار تنعم و ترفنده اهل بادیه یی سبق و تقدم ایتشلر در بوآنه کلنجه بدوی ایله حضرینک احوالنه متعلق ذکر اولنان تقریر و تحقیقندن ظاهر اولدیکه سکان بریه ایله اهل امصارک موطن و مساکنده و سایر خصوصیلر ده اوضاع و اطوارلرینک اختلافی و جوه کسب معاشده اختلافلرندن ناشی امر ضروری اولوب طوایف نبی ادمک بدوی ایله حضری به تقسیم و تفریقنی ایجاب ایلدی

✽ فصل ثانی ✽ فصل ثانیکنی فصلی سکان بریه و اهل بادیه دن قبائل عربک ✽
 ✽ اوضاع و اطواری و احوال و آثاری امر طبیعی اولدیغی بیاننده در ✽

بوندن اقدم ذکر اولسان فصلده تقدیم اولندیغی اوزره اهل بادیه اسباب کسب معاشدن قوام بدن انسانده وجودی لازم اولان اغذیه طبیعییه و اقوات ضروریه تدارک کیله مشغول اولوب بعضیلری زراعت و حرانته قیام و بعضیلری دخی ری ابل و غنمه اهتمام ایله وجه معاشده قدر حاجته اقتصار ایلوب من کل الوجوه حوایج ضروریه دن فضله زواید و منافع تدارکنده مکنت و قدرتلری قاصر در از جمله مسکن و منزله لری کلفت زینتدن بری و اجزا و ادوات اینهلری حسن ترتیدن عاری اولوب امر بناده حرارت شمس و هوادن جسم و بدنلری حفظ و ستر مرتبه سبله اکتفا ایدرلر بعضیلری آت قلندن و دوه یوکنندن معمول خیمه و خرکاهلره نزول ایدوب و بعضیلری خشب و شهردن باطین و حجر دن مصنوع ترکیب و ترتیبی نامطبوع منازلده ساکن اولورلر و بعضیلری دخی اعماق صخورده واقع کھف و غارلری مسکن و مأوی انخا ایدوب اینیه و اخیبه به قطعاً رغبت ایتزلر کذلک اطعمه و اغذیه لری دخی قدر حاجته قصور اولوب و اغذیه نباتیه و حیوانیه نک اکثرنی اصلاح و تربیه ده تدبیر بسیار ایله اکتفا ایدوب بعضیلری دخی

✽ قبل الاصلاح ✽

تمام اولوب حالا فصل ثانیه ذکر اولنه جق اصول و فصولک بیانته شروع اولندی

الفصل الثانی من الكتاب الاول فی العمران البدوی *

* کتاب اولک ایکنجی فصلی سکان بریه و قبائل و جشیه نک احوال و آثار و اوضاع *
 * و اطواری بیاتی متضمن اولوب بو فصل دخی فصول کثیره و اصول هدیده بی محتوی *
 * و هر بری طوایف مز بوره نک احوال مخصوصه سندن بر امرک بیاتی حاویدر *

* فصل اول *

معلوم اوله که معموره ربع مسکونده اقامت و اجتماع ایدن طوایف امم و افراد بی ادمک حال و ششائریک اختلا فی تدبیر امر معاش و تحصیل مایه انتعاشده سالك اولدق لری مذهب و مسالکک اختلافیه منوط و مربوط اولوب ما کل و مشاربده و مساکن و ملبسده اوضاع و اطوار مختلفه لری طلب اقوات و ارزاقده توسط ایتد کلری اسباب اکثصابه تابعدر زیرا وجه ارضده افراد بشیرک علی الانفراد تحصیل معاشده قوت و قدر نلری قاصر اولوب انبای جنبیه تعاونه محتاج اولقله معموره عالمده علی وجه الاجتماع سکون و اقامت لری موجب اولوب و اسباب کسب معاشده طبقات ناس متعدد و مختلف اولقله هر طایفه امر تعبشده سالك اولدیغی مسالکک مقتضاسنی اجراه مجبول اولمشدر و حوایج ضروریه تحصیلی سائر دن اهم و اقدم اولوب و طریق حصولی زروع و ضرورعه محصور و اهل بادیه نک و جو معاشدن قسمتی بویکی امرک برینه مقصور اولقله بریه و بادیه سکون و اقامت لری ایجاب ایشدر زیرا اصحاب زروع و ضرورعه کسب معاشده توسط ایتد کلری اعمالک حصولی زراعت و حرشته صالح اراضی منبته به ورعی مواشی به لایق اولتووصولو مرعاه محتاج اولوب و مجمع انام و محل زحام اولان بلاد و امصارده انلرک مصالحنه کافی مزارع و اراضی موجود اولمیشله ارباب زروع و ضرورع اقامت حوایج معاش و تکمیل مایه انتعاش ایچون بالضروره دشت صحرا و مداین و قریبه منبشر اولوب بریه و بادیه بی مقر و مشوا و مسکن و مأوی انخاذا ایلدیلر بو طایفه اهل بادیه درکه امر معاشده مکسب و مسالک لری مقتضاسی اوزره خلاصه کسب و کار لری قدر حاجته مقصور و سدر مق مرتبه سنه محصوردر * اما اهل بادیه نک امر تعبشده ضرورت و مضایقه لری دفع اولوب کسب و کار لرنده قدر حاجندن فضله امواله نائل و ثروت و غنایه و اصل اولدق لرنده تحصیل معاشده ریح و عنادن سالم و راحت و حضوره عازم اولوب تمهید اسباب عیش و صفایه اقدام و ترتیب لوازم بسر و غنایه اهتمام ایلر شویله که اطعمه و اغذیه لری توفیره همت و طبخ و تزییده کمال دقت ایدوب تحصین نفوس و عیال ایچون انشای مدن و امصار و توسیع بیوت و منازل صرف درهم و دینار ایلرر مکنت و قدر نلری مزید اولدقجه ما کل و مشاربده و مساکن و ملبسده همت لری مبلغ کاله بالغ اولوب توفیر اطعمه نفیسه و تدبیر اغذیه لذیذه ده شمیر ساق اقدام و حریر و دیبا و اطلس و کجاندن مصنوع البسه فاخره نسجنده شد نطق اهتمام ایلوب ستون موزون و رخام سپکون ایله اخشاب کونا کوندن معمول قصور عالیه و منازل زقیعه بنا ایلرر و ثروت و غنایه

هر بری مقابله سنده او چر منقر اخذ اولمشیدی و بودنی معلومدر که بکرمی دردک
 ثمنی که سکرده بر پدر او چ عدد اولوب یعنی بکرمی دردی او چر او چر تقسیم ایلسک
 سکر قسمه منقسم اولمغه کو یا مخاطبک طوتدیغی اچه هر براچه نک منقر حسابیله ثمنلرنی
 یعنی سکرده برنی بریره جمع ایدوب مجموعیله برطیر اشترا اولندی بوضورته اخذ اولنسان
 اچه نک عددی منقر حسابیله نه مرتبه به بالغ اولور سه انلری دخی سکره بولوب
 هر بر ثمنی ایله بر قوش اشترا اولندقدن بهرحال اچه ایله اخذ اولنسان عدد طیور سکره بالغ اولور
 بعده طوتدیغک اچه نک هر بری مقابله سنده اخذ اولنسان منقر لک مجموعیله ابتدا اشترا
 اولنسان طیر واحدی سکره ضم ایتدی بکرمی عدد طیور طقوزه بالغ اولور * اشبو مسئله
 عددیه ده ماده سؤال معلوم ونسبتی فی الجمله خنی اولمغه جواب مجهول اولوب لکن
 اعداد مسئله ده واقع نسبت ثمنه واقف اولان اذ کیا جودت قریحه ایله فی الحال ماده سؤالدن
 جوابی اخذ ایدوب چهرة مخدرة مر آمدن رفع نقاب حجاب ایله و رای استار خفاده
 محتجب اولان مبهمات ضماری کشف ایدر لر لکن نسب واوزانی خنی اولان مبهمات
 عددیه و مضمرات حرفیه دن بر مسئله بی سر تناسبه واقف اولان اذ کیسا دن بری
 حل ایتدکده قوه واهمه وهله اولی ده جواب مسئله بی معارف غیبیه دن عد ایدوب
 علوم غریبیه بی قبح ابواب مغیباته وسیله ظن ایدر مع هذا کتب علم حسابیه تحقیق و تفصیل
 اولندیغی اوزره اربعه متناسبه و حساب خطاین و جبر و مقابله قواعد نه مراعات ایله انجق
 خارجده یادهنده موجود و مر کوز اولان موجودات و مفهومات بینلرنده سر تناسبه علم و وقوف
 حاصل اولوب اشیاء موجوده بینلرنده مناسبات خفیه به اطلاع ایله مجهولات عددیه استخراج
 اولور * اما زمان مستقبلده ظهور ایدر جک حوادث غیبیه نک اسباب وقوعی ادله عقلیه
 و آثار نقلیه دن بدلیل ایله معلوم اولدیغی صورتده دائره علم بشر دن خارج علوم غیبیه دن
 اولوب قواعد علمیه و صنایع علمیه ایله معارف غیبیه تحصیل ممکن دکدر * بو تحقیقندن
 ظاهر اولدیکه صورت زایر چه ایله استخراج مطلوبه وضع و ترتیب اولنسان اعمالک
 نتیجه سی حرورف سؤالدن بسط و کسرایله الفاظ جواب استنباط اولنوب و ماده سؤالک
 وضع و ترتیبی قواعد زایر چه به مراعات ایله تبدیل و تغیر دن صکره صورت جواب ماده
 سؤالدن اخذ و التقاط اولنور زیرا حرورف سؤالدن الفاظ جوابک ظهوری بینلرنده
 واقع نسب خفیه بی علم و ادعانه موقوف اولوب سر تناسبه واقف و حقیقت نسبتیه عارف اولان
 اصحاب رشد و ذکا قوانین زایر چه و اعمال حرفیه ایله ماده سؤالده ترتیب اولنسان حرورفدن
 الفاظ جوابی ترکیب ایدر لر * لکن نطق اولنسان جواب سؤال اولنسان امرک نفس الامرده
 وقوعنه باعدم وقوعنه بر وجهه دلالت ایتوب بلکه من حیث التركیب افاده مر آمده
 سؤاله مطابق جواب اولمغه صالح بر بیت منظوم یا کلام منشور ظاهر اولور زیرا
 معارف غیبیه نک حصولی وحی ربانی و الهام صمدانی ایله مؤید اولان نفوس فاضله به
 مخصوص ایدوکی بوندن اقدم مره بعد اخری ذکر اولندی * والله یعلم واتم
 لاتعلمون * بو آنه کلجه کتاب اولک فصل اولنده درج اولنسان مباحث لطیفه

خلاصه کلام بوسؤالده
 سائل خطاب ایتدیکی
 شخصک ذهنده فرض
 و اخذ ایتدیکی اچه نک هر بری
 مقابله سنده او چر منقر اخذ
 ایتک اوزره خطاب ایتدکده
 هر اچه نک ثمنه اشارت ایدوب
 بعده اخذ اولنسان اچه نک
 مجموعیله اشترا اولنسان طیورک
 هر برینک بهاری ابتدا النان
 طیر واحدک قیمتیه مساوی
 اولسنی شرط ایتکله طیور
 مشربیه نک هر برینک ثمنی
 اچه نک مجموعتک ثمنی اولدیغنه
 اشارت ایلدی قوت مخفیه سی
 قوی اولان اذ کیا ادنا ملاحظه
 ایله ماده سؤالدن جوابنه
 نقرس و تفتن ایدوب خیالی
 ضعیف اولان کسنه لر
 حقیقت خالدن غافل اولوب
 سر تناسبه و وقوف ایله جوابه
 تصدی ایدن اذ کیابی مغیباته
 عالم ظن ایدر لر المترجم صاحب

انکاره تصدی ایدوب دیدیلرکه ارباب زایر چه حرف سوال و اوتاری بسط و کسر
 ائنا سنده نظم ایده جکلری ایسا تک حرفنی مراد ایتدکلری وجه اوزره کنندیلری
 ثبت و درج ایدوب لکن عملده ماسرست و مسارفتلری حسبیه ضم و درج ایتدکلری
 حرفدن منتظم اولان ایسات موزونه قواعد حرفیه و نسب عددیه واسطه سیله
 صورت زایر چه دن متوال اولوق اوزره ناسه تخییل ایدر لر دیوزعم ایتدیلر اما زعملری
 فاسد و رأیلری کاسد اولوب معلومات و موجودات اراسنده واقع اولان سرتناسی
 ادراکده فهمری قاصر اولغله نسب اشیا به واقف اولان ارباب رشودن ککاتک
 قواعد مخصوصه و قوانین مضبوطه ایله تحصیل ایتدکلری علوم و معارفی تخییل
 و تدبیرسه حل ایدوب ردوانکار ایله مقابله ایلدیلر مع هذا علم زایر چه نسب عددیه
 و اسرار حرفیه اوزرینه مبنی برصنعت غریبه و صناعت عجیبه در که دوائر و جداولنده
 وضع و ترتیب اولنان اوضاع خفیه به واقف و اعمال غریبه به عارف اولان ارباب
 رشود سداد ارکان و شروطنه مراعات ایله ماده سؤالدن بیت منظوم ایله جواب استخراج
 ایتدکلری مشهود باصراً اهل یقین اولوب صحیفه صحتی نقطه شکدن مبرادر زیرا
 مراتب اعداد ملاحظه و تصورده سائر اشیا دن اظهار واجلا ایکن تفاوت و تساوی
 جهتیه بینلرنده نسبتلری خفی اولان مسائل عددیه و اسؤله حسابیه دن بر مسئله تک حلی
 مشکل اولوب فهم و ادراکی اذهاندن بعد اولدیغی ظاهر در حتی بحال صحیفه
 مطایبه اخوان و تشخیص اذهان ایچون السنه ناسده دائر اولان لطایف خبایای عددیه
 دخی بو قبیلدن معدود اولغله لدی السؤال نسبتنه عارف اولان کسه جوابه قادر اولوب
 اولمایانلرک بجز و قصور لری ظاهر اولور فنکیف که صورت زایر چه ده تحصیل جواب
 و تحسین خطاب ایچون وضع و ترتیب اولنان دوائر و جداولک اعداد و حرفی میاننده
 نسب عددیه و حرفیه اذهاندن کمال بعد ایله بعد و زیاده خفی اولغله و رای استار خفاده
 مستور اولان اسرار عجیبه سنک حلی اصحاب فهم و ذکا و ارباب عقل و دهایه مخصوصدر
 بو مدعا مزی تحقیق و تصدیق ایچون خبایای عددیه دن بر مسئله ذکر ایده لم که
 سؤالده ذکر اولنان معلومات عددیه ایله جواب میاننده موجود اولان سرتناسیه و قوف ایله
 مسئله تک حلی ظاهر اولدیغی معلوم اولدقده اعمال زایر چه ایله دخی ماده سؤالدن
 اجوبه منظومه ظهورینک سری ظاهر و منجلی اولور * مثلاً بر شخص شخص
 آخره خطاب ایدوب دیسه که هر بر قطعه سی یکر می درت منقره رایج فرض اولنان
 اچه دن قلبکده بر مقدار اچه طوت و طوتدیغک اچه تک هر بری مقابله سنده او چر منقر
 اخذ و جمع ایلوب مجموعیه بر قوش اشترا ایله بعده ابتدا طوتدیغک اچه نه مقدار ایسه
 انکدن خفی مجموعیه بر مقدار قوش اشترا ایله که هر برینک قیمت و بهاسی ابتدا منقر ایله
 الدیغک قوشک قیمتیه مساوی اوله بو صورتده اشترا اولنان طوتدیغک عددی نه مقدار
 اولور دیو سؤال اولدقده نسبت عددیه به واقف اولان کسه طوتدیغک قوش اولور
 دیو جواب ویرر زیرا هر اچه یکر می درت منقر فرض اولوب و طوتدیغک اچه تک

بمجرد اثنای محاوره و خلال مخاطبه ده سائل و مجیب ارا سنده دائر و افاده مرام ایچون صادر اولان اجوبه نك اسؤله به من جهة اللفظ والمعنى مطابقت و موافقتی قیلیندن معدود اولوب لکن صورت زایر چه دن تحصیل و ترتیبی صنعت خفیه به موقوف اولغله ارکان و شروط طنه مراعاة هر عاقلک وظیفه سی اولدیغی ظاهر درر و عمل زایر چه ایله سؤاله مطابقت جواب ظهور نيك سري بودر که ارباب زایر چه وقت حاجتده ماده سؤال ایله اوتار دائره دن اخذ اولسان حر و فده کسر و بسط ایله تصرفات عدیده و اعمال کثیره دن صکره درجه طالعی اس برجه و حاصلنی اس اکبره ضربدن مجتمع اولان اعداد ایله جدول کبیره دخول ایدوب و ادوار معدوده ایله محو و اثبات عملنی اجرادن صکره اخذ و ایضا اولسان حر و فدن هر برنی ملک بن وهیبک بیتنده منتظم اولان حر و ف مخصوصه دن بر حرف ایله علی التوالی مقابله ایتملیله حر و ف سؤوال و اوتاردن مر کب و ترتیب مخصوص ایله مرتب بر جواب منظوم و کلام موزون ظاهر اولور که نظم و قافیله ده بیت مذکوره موافق و افاده مر آمده سؤواله مطابق اولور زیرا اعداد و معدودات و مفهومات و موجودات بینلرند مو جود اولان نسب عدیده و مناسبات طبیعییه اشیا نك بر برینه تعلق و ارتباطنه و مجهولاتی معلوما تندن استعلامنه مدار اولغین سرتناسبه واقف اولان اصحاب رشد و ذکا و ارباب عقل و دها اشیا معلومدن امور مجهوله بی تحصیل ایدرر خصوصاً انوار ریاضت ایله دیده بصیرت لری منور اولان اصحاب وجد و حال و ارباب فضل و کمالک سهم نظر صاحب لری هدف اصابت نفوذ ده سائر اصحاب عقوله غالب اولغله انارک عمل زایر چه و سائر صنایع خفیه ده قوت فکریه لری اکل و اقوا اولدیغی مره بعد اخری مرور ایتمشدر بوسیدن ناشی در که کتب زایر چه اکثر یا اهل ریاضته نسبت اولنوب حتی اشبوذ کر ابتد بکمز صورت زایر چه دخی اعلام متصوفه دن ابوالعباس سبکیه منسوبدر و بنه مشاهیر کبار صوفیه دن سهل بن عبدالله نام مر ناض ککامله منسوب بر صورت زایر چه دخی مشهود من اولمشدر که انده ترتیب اولسان اعمال عجیبه و صنایع غریبه دخی حیرت افزای عقول فحولدر و دخی خاطر فائزه سانح و لایح اولدیغی اوزره زایر چه سببته و سهلیده ظهور ایدن اجوبه نك منظوم و مقفا اوله سنک سروسببی اولدر که حر و ف سؤال و اوتار ادوار معدوده ایله بعد المحو و الاثبات ملک بن وهیبه منسوب بیت مشهورک حر و فیه مقابله اولغله حر و ف جواب عدد و ترتیبده حر و ف بیت ایله مساوی اولوب وزن و قافیله ده دخی موافق اولمق اقتضا ایدر زیرا مشهود من اولان اعمال زایر چه نك بعضبسنده تحصیل جوابده حر و ف بیت ایله مقابله ترک اولغله موزون و مقفا جواب ظهور ایتمدی تنه کیم انشاء الرحمن فصل علومده کلامن زایر چه بحثنه منتهی اولد قده بوا مرک تحقیقنه وصول مبسر اولور * معلوم اوله که ناسدن جمع کثیر اشبو صورت زایر چه بسط اولنان قواعد مراعات ایله افاده مر آمده سؤواله مطابق منظوم و مقفا جواب ظهورنی تصدیق و ادعا نده عقل لری قاصر اولغله عمل مذکورک صحت و استقامتی

بعده عنوان بمشده ذکر اولنوب ارباب زایر چه میاننده ارکان عملدن معدود اولان ملک بن وهیبک بیت معهودی دخی حروف مقطعه ایله متفرق نحر بر اولنوب صحیفه حسابده برجانبه وضع اولنور بوندن صکره وقت سؤالده برج طالعک قنخی درجه سی افق بلد دن طلوع ایش ایسه اول درجه دن او توز درجه تمامنه دک عد اولنوب نه مرتبه په بالغ اولورسه اس برجه ضرب اولنور یعنی درجه طالع برج طالع دن آخر بروج اولان برج حوته وارنجه موجود اولان عدد بوجه ضرب اولنور که ارباب زایر چه اصطلاحده اس برج طالعک آخر بروجدن بعدنه اطلاق اولنور لکن ارباب فن حساب عرفنده اس عدد بر عددک اول مرتب دن بعدنه اطلاق اولنغسله ارباب زایر چه اصطلاحی اهل حساب عرفنه مغایر اولش اولور بعده درجه طالعی اس برجه ضرب دن حاصل اولان عدد مجموعی دخی بر عدد مخصوصه ضرب ایدرلر که ارباب زایر چه قنده اول عدده اس اکبر و عدد اصلی تسمیه اولنور بوندن صکره حاصل ضرب اولان عدد مجموع ایله ذکر ی سبق ایدن جدول کبیرک بیوت مر بعد سنه دخول اولنوب ارباب زایر چه بینلرنده معهود شروط معروفه وقواعد مخصوصه وادوار معدوده ایله بیوت جدولدن بعض حروف استخراج و بعضی دخی اسقاط اولندقدن صکره ملک بن وهیبک بیننده منتظم اولان حروف ایله بعد المقابله استخراج اولان حروفدن نقلی لازم کلان حرفلری حروف سؤاله و خطوط اوتاردن اخذ اولنسان حرفلره ضم و اضافه ایلرلر بعده اشبو حروف مجتمعه بی دخی طرق اسقاطدن بعض اعداد مخصوصه ایله طرح و اسقاط ایدرلر که اول عددلره اصحاب زایر چه ادوار تسمیه ایدرلر وادوار طرحدن هر دورده اول دورک نهایت بولدیغی حرفی اخذ و ثبت ایدوب و بردوری اتمامدن صکره دور آخره عود و رجوع ایدرک بینلرنده معهود ادوار معدوده تمامنده و اعمال مذکوره ختامنده بر مقدار حروف مقطعه حاصل اولور که تألیف و ترکیب اولندقدن عمل زایر چه ده مقابله حروف ایچون موضوع اولان ملک بن وهیبک بینیلر نظم و قافییه ده مساوی بریت منظوم عربی حاصل اولور نته کیم انشاء الرحمن کیفیت عملک طریق فصول کتابدن فصل علومده زایر چه سبیه مقاله سنده ذکر و تفصیل اولنور * معلوم اوله که خواص علما و اعلام فضلادن جمع کثیر زایر چه سبیه اعمالنه مراعاة ایله اسؤله غیبیه استخراجنه تهالک ایدوب حروف سؤال و اوتاردن ترتیب مخصوص ایله اخذ اولنسان اجوبه منظومه نک اسؤله منظومه په افاده مر آمده موافقتی مضمون جوابک نفس الامرده موافقتنه دلیل انخاذا بتدیلر * لکن بونلرک زعملری فاسد و رأیبری کاسددر زیرا بوندن اقدام مره بعد آخری ذکر اولندیغی اوزره و رای پرده غیبیه مستور اولان اسرار خفیه علوم موضوعه و اعمال مصنوعه ایله ادراک اولغوب مغیباته علم و وقوف وحی ربانی و الهام صمدانی په موقوف اولغسله کشف اسرار غیوب تأیید الهی ایله مؤید اولان نفوس فاضله بشریه په مخصوصدر و دخی اعمال زایر چه ایله نغیباتا اثباتا ظاهر اولان اجوبه نک ماده سؤاله مطابقت و موافقتی

ومشاهیر فضلاى اشبیلیه دن ملك بن وهیب نام برفاضل مشهوره منسوبدر فاضل
 مشارالیه مغرب زمینده لتونیه دولتی علماسندن معدود اولوب علوم غریبه ده بکه ناز
 مضماریکال وشرق وغربده شمس تابان کبی عدیم المثال ایدی
 * بیت * سؤال عظیم الخلق حزت فصن اذن * غرائب شک ضبطه الجده مثلا *
 کرچه بیت مذکورک من جهة التركيب معنای اصلهسی جزالة بلاغندن خالی اولوب لکن
 ارباب زایرچه عندنده معنای ترکیبسی مقصود اولوب بلکه اشبوزایرچه سبیه ده
 وغیری زایرچه لده بیت مذکورک حروف مفرده سی ایله ذکرى اتی وجه اوزره عمل
 اصحاب فن زایرچه یینلرنده معروف و متداول اولغین اسؤله غیبیه دن زایرچه
 طریقيله استخراج جواب وقتنده وتیره معروفه اوزره استعمال ایدرل فعلی هذا چن
 ارباب حروف زایرچه سبیه ایله اسؤله غیبیه دن برسؤالک جوانی استخراج مراد ایتدیلر
 اولاسؤال اولسان ماده نك الفاظ وکلماتی حروف مقطعه ایله تصویر و برحمله ثبت و تحریر
 ایدوب بعده الت ارتفاعیه ایله طالع وقت سؤال اخذ اولنوب درجه برج طالع ضبط
 اولندقدن صکره صورت زایرچه ده افلاک ایچون موضوع و مرسوم اولان دائره ده
 خطوط اوتاردن برج طالع تخصیص اولسان خط وترى بولورلر بعده وتر مذکورک
 اولندن مرکز دائره یه اندن قبالة طالعده محیط دائره ده منتهی اولدیغی محله وارنجه وتر
 طالعک اوزرنده مکتوب اولان حروف معینه نك و خلال حروفده واقع اشکال عدیده نك
 جمله سنی بعد الاخذ اعداد مأخوذه یی جل کبیر طریقيله یعنی ابجد حسابی قاعده سیله
 اول عددلره علامت وضع اولنان حروفه تبدیل ایدوب یعنی بردن بیکه وارنجه مراتب
 اعداد دن وتر طالعده موجود اولان عددلر بدلنه حروف ابجدیه ده اول اعداد ده دلالت
 ایدن حروفی اخذ ایدرلر واصحاب زایرچه وتر طالعدن اخذ اولنان اعدادی حروفه
 نقل و تبدیل ایچون قواعد مخصوصه وضع ایدوب وقت حاجتده اقتضاسنه کوره
 عمل ایدرلر وقت اولور که خطوط اوتارده مرسوم اولان اعدادک آحادنی عشراته
 وعشراتی مأنه نقل و تبدیل وکاهیجه عشراتی آحاده و مأتی عشراته حط و تنزیل
 ایلوب یعنی مثلا آحاد مرتبه سنده واقع بر عدد معیندن عشراته موضوع و اول عدده
 مناسب بر حرف ایله وعشرات مرتبه سنده مرتب اعداد دن مأنه موضوع حرف ایله
 تعبیر ایدرلر بعده برج طالع وترندن اخذ اولسان حروف اصلیه و نقلیه نك مجموعی
 حروف سؤاله ضم و اضافه ایتدکدن صکره بته صورت زایرچه ده مرسوم اولان دائره
 افلاک اعاده نظر اولنوب برج طالعده نسبتله اوچجی واقع اولان برجک وترنی
 بولورلر بعده اشبو برج ثالث وترینک دخی اولندن انجیق مرکز دائره یه وارنجه اوزرنده
 مرسوم اولان حروفی و خلال حروفده واقع اشکال عدیده یی بعد النقل حروف
 اولی یه ضم و اضافه ایدرلر * لکن برج ثالث وترینک اولندن انجیق مرکز وارنجه
 مرسوم اولان اعداد و حروف اخذ اولنوب بوخسه مرکز دن قبالة برج ثالثه محیط
 دائره ده منتهی اولدیغی محله وارنجه مکتوب اولان اعداد و حروف عمله ادخال اولنماز

و حلقه نذل مجهود و صرف مقدور ایدوب استخراج مطلوبه فاضل سبتی نک وضع ایندیکی
 قانون و قاعده به مراعات ایله مزاوله اعمالدن خالی اولدیبلر* و دخی فاضل سبتی وقت
 حاجتده اشبو صورت زایرجه ایله عمل ایچون برداره عظیمه داخلنده بربرینه موازی
 و بعدلری مساوی دوائر کثیره موجود اولوب و هر بری اصناف کائئاتدن برنوعه تخصیص
 اولمشدر دوائر مذکورده دن طقوز دایره افلاک تسعه و دردی عناصر اربعه به مخصوص
 اولوب و اوچ دایره موالید ثلثه یعنی معدن و نبات و حیوانه باقبسی روحانیات هلویه
 و سفلیه به وسائر مکونات و علوم مخصوصه ایچون موضوعدر و اشبو دوائر مرسومه دن
 هر بری اصناف موجوداتدن موضوع و مخصوص اولدیغی اشیانک اقسام و اهدادی
 حسبیه اجزای عدیده به منقسم اولوب از جمله دوائر افلاکدن هر برداره بروح فلکیه
 اعتبار یله اون ایکی قسمه و عناصر دایره لری در در قسمه و موالید ثلثه دایره لری اوچر
 قسمه تقسیم اولنوب سائر دایره لر دخی بونلره قیاس ایله اقسام عدیده به تجزیه و تفریق
 اولمشدر* و دوائر مذکورده نک اقسام و اجزاسنی فصل ایدوب نقطه تقسیمدن مرکز
 دایره به منتهی اولان خطوط مستقیمه اوتار اسمیه تسمیه اولنوب بو اوتار و خطوطدن
 هر برینک اوزرنده ارباب حساب بینلرنده متداول و متعارف اعداده موضوع حروف
 عدیده رسم اولمشدر* و حروف موضوعه نک بعضیسی حالاه عهد مزده دیار غربده
 ارباب ارقام بینلرنده دفاتر حسابده استعمال اولننان ارقام عددیه اشکالی اوزره مرسوم
 اولوب برشوم زمام عنوانیه معروف اولان حروف مخصوصه در* و بعضیسی دخی
 برشوم غبار اسمیه مشهور برخط معروفدر که اصحاب فن حسابدن بعضیلری جداول
 زبیدن استخراج اولننان اعمال حسابیه ده استعمال ایدرلر* وینه اشبو زایرجه سبتیه نک
 داخلنده واقع دوائر مرسومه نک خلالنده اسماء علوم و مواضع اکوان رسم و تخیراولمشدر
 و دخی اشبو ذکر اولننان دوائرک ظهورنده مربع الشکل برجدول کبیر رسم اولمشدر که
 طول و عرض جهتلرینه کشیده اولان خطوط مستقیمه نک بربرینی تقاطعلری حسبیه
 رقعہ شطرنج کبی بیوت کثیره بی مشتمل و محتوی اولوب جدول مذکور من جهة العرض
 الی بش عدد خانه به و من جهة الطول بوز اوتوز برخانه به منقسمدر و اشبو خانه لرک
 بعضیسی اشکال عددیه ایله و بعضیسی حروف مخصوصه ایله مشحون و معمور
 اولوب بعضیسی دخی عدد و رقندن خالیدر لکن بیوت جدول وضع اولننان اعداد
 وار قاملک بربرینه نسبتی و حروف ایله معمور اولان بیوت معدوده ایله خالی قالان خاندلرک
 کیفیت قسمتی بر وجهه معلوم و متعین دکلدر* و اشبو صورت زایرجه نک ایکی جانبده
 لام منصوبه قافیه سنده اوزان عروضدن بحر طویل و زنی اوزره ایات عدیده مسطوردر که
 استخراج مطلوبه صورت زایرجه ایله عملاک کیفیتی متضمن اولوب لکن نظم و ترتیبی
 دقت و غموضه درجه قصوایه بالغ اولمغین اسرار غریبه سنی فهم واذعان خاصه
 خرده بینان علم و عرفاندر* و دخی اشبو زایرجه نک بعض جوانبده بریت عربی مسطور
 و مرقومدر که اعمال مفاتیح جفریه ایله فتح طلسمات مغیباته تصدی ایدن اعلام علمای غربدن

دمت کله سی اولوب هر بر حرفه درت عدد مقصود اولور بشبی کله هنت لفظی اولوب حرفه بش عدد مراد اولور ❖ النبی و سخ کله سی اولوب اعدادن التي به موضوعدر ❖ یدنبی زعد کله سیدر که اعداددن بدی به علامتدر ❖ سکنجی حفظ کله سی اولوب سکنزه دلالت ایچون موضوعدر ❖ طقوزنجی طصظ کله سی اولوب اعداددن طقوزه علامت وضع اولمشدر طرح تسعه ده کلمات مذ کوره تک ترکیبی عهد قدیمدن برو بین الناس متداول و معروف اولان ترتیدر لکن ملاقی اولدیغیمز شیوخ فنک بعضیلری ذکر اولنان کلمات تسعه بدلی نه ابجد حروفندن مرکب طقوز عدد کلمات اخر نقل ایتدیلمر که ترتیب و ترکیبده ذکر ایتدیلمز کلماته مغایر اولوب صحت عملده اول کله لری کلمات اولی اوزرینه تقدیم و ترجیح ایلدیلمر اول کلمات بونلردن که ذکر اولنور ارب یسقل جزلط مدوص هف نخدن غش خع نضظ وشوخ فنک قوللری اوزره اشبو کلماته مرتب اولان حروف ایله دخی کلمات اولی کی علی الترتیب بدن طقوزه وارنجیه مرتبه آحاد ده واقع اولان اعداد مراد اولنوب اول ذکر ایتدیلمز کلماته طرح تسعه قاعده سی بو کلماتک حرفنده دخی اجرا اولنور دیدیلر ❖ لکن بو کلماتک حرفی ابجد ترتیبینه مغایر اولوب و کلماتک بعضیسی درت حرفندن و بعضیسی اوچ و بعضیسی ایکی حرفندن مرکب اولمغله ابجد حرفنده مراتب اعداددن آحاد و عشرات و مآت والوف مرتبه لرینه دلالت ایدن حرفلرک بو کلماته ترتیبی بین الناس معهود و متعارف اولان قاعده معروفه اوزرینه جاری اولمغله بو کلماتک ترتیبیه طرح تسعه استخراجنه ظفر ممکن اولدی مع هذا بو کلماتی نقل ایدن شیوخن مہرہ علوم غریبه دن و مشاہیر شیوخ مغایره دن ابن بنایه نسبت ایدوب طرح حساب نیم ده بو کلمات ایله عمل کلمات اولی ایله عملدن اصحدر دیو این بنادن نقل ایلدیلمر ❖ معلوم اوله که حساب نیم قاعده سیله غالب و مغلوب استخراجی براهین عقلیه و ادله تقابله دن بر دلیل قطعی به مستند اولیوب و حساب نیم ذکر اولنان کتاب سیاست آراء بعیده و کلمات سخیفه ایله مملو اولمغله ائمه محققین قتنده کتاب مذکورک ارسطو حکیمه نسبتی دخی صحیح دکلدر زیرا حکیم مزبورک مقالات حکیمه ده منانت کلامنه و وثاقت احکامنه عارف اولان اهل رسوخ کتاب مزبورک موارد و مصادرنه نظر ایتدکده ارسطونک رقرده یراعه تحقیقی اولان ائاری سلکنه منسلک اولدیغی عندننه معین اولور ❖ ودخی معلوم اوله که اطلاع مغیبانه توسل ایچون ترتیب اولنان قوانین مصنوعه و قواعد موضوعه تک بریدخی زایرجه عالم اسمیله مسمی برزا برجه مشهوره در که سنین هجریه دن التیوز تاریخنک اوخرنده بلاد غربده ملوک موحدیندن یعقوب منصور نام ملکک عهد سلطنتنده بلده مراکک شده اعلام متصوفه دن ابو العباس سبتی تک رقرده یراعه حسن اختراعیدر زایرجه مذ کوره سائر ترتیب اولنان صور زایرجه دن حسن صنعت و اتقان عمل جهتیله اکمل واقوا اولمغله خواص علمیا و اعلام فضلان جمع کثیر بو زایرجه تک جداول و دواترنده مکنوز اولان اسرار هر موزه و اشارات ملفوزه تک کشف

واقع بکرمیدن بعد الطرح ایکی باقی قالب و مرتبه ماتک كذلك ایکنجی درجه سنده واقع ایکی یوزدن و مرتبه الوفک درجه ثابته سنده ایکی بیکندن بعد الطرح ایکی عدد باقی قالور * و كذلك مرتبه عشراتک اوچجی درجه سنده واقع او توزدن و مرتبه مات الوفک درجه ثالثه سنده واقع اوچبوز ایله اوچ بیکندن دخی بعد الطرح اوچ عدد باقی قالور و عشرات و مات الوفک سائر مرتبه زنده دخی کیفیت حال بومنوال اوزره جاری اولوب مرتبه عشراتک منها سی و مرتبه ناسعه ده واقع طقسان ایله مرتبه مات الوفک طقوز نجی رتبه سنده بولنان طقوز یوزدن و طقوز بیکندن دخی بعد الطرح طقوز عدد باقی قالغله کویا مراتب اعداددن عشرات و مات الوف مرتبه زنده واقع عقود عددیه آحاد مرتبه سنه تنزیل اولوب و هر مرتبه ده بعد الطرح باقی قالان عدد اول مرتبه تک آحاددن درجه سی عددنه مساوی اولغله اول درجه تک عددی مراتب ثلثه ده بولنان عقود عددیه مقامنه قائم و عشرات و مات الوف وده مستعمل اولان حروف دلالت معناده آحاد حروفنه مشارک و مساهم اولدی بو تقدیرجه عشراتدن بکرمی ایله و ماتدن ایکیبوز ایله و الوفدن ایکی بیک ایله آحاددن ایکی تک اصلا فرقی اولوب و ایجد حروفندن بکرمی په دلالت ایدن کاف ایله و ایکیبوزه علامت وضع اولنان را حرفیله حرف باکی ایکی عددنه دلالت قصد اولندی که وقت حاجتده ذکر اولنان طقوز کله دن بکر کله سنده کاف و را حرفیله ایکی مراد اولوب طرح تسعه ده کلفت مؤنث حسابدن مستغنی اولدیله * كذلك آحاددن اوچ ایله عشرات و مات الوف اوچجی مرتبه زنده واقع او توزک و اوچبوزک و اوچ بیکنک اصلا فرقی قالیوب اعداد مسد کوره تک هر برنده بعد الطرح اوچ عدد باقی قالغله ایجد حروفندن او توزه دلالت ایدن لام ایله اوچبوزه علامت اولان شین حرفیله جیم حرفی کی انجق اوچ عدد مراد اولوب وقت طرحده کلمات مذ کوره دن جلش کله سی حروفی قنغی اسمده موجود اولور سه هر حرف ایله اوچ عدد اخذ اولنور خلاصه کلام ایجد حروفندن مرکب اولان ایقغ کله سنندن طصظ کله سنه و ارنجه سرد و ذکر اولنان طقوز کله دن هر کله تک اوائلنده واقع حرف ایله مراتب آحاددن قنغی عدد مراد اولنور سه اول کله ده واقع سائر حروف ایله دخی اول عددده دلالت قصد اولنمشدر و کلمات مذ کوره دن هر کله بردن طقوز و ارنجه آحاد اعدادندن بر عددده مخصوص اولوب اول کله تک عددی آنده موجود و مرتب اولان حروف متابنه نائب اولغله اسمادن بر اسمده اول کلماتک حروفندن قنغی حرف موجود اولور سه حرف مذ کوردن اول کله په مخصوص اولان عدد اخذ اولندقدن صکره اسمک اعداد حروفی نه مرتبه په بالغ اولور سه تسعه دن فضله سی طرح اولنور * و کلمات مذ کوره تک اولی سی ایقغ کله سی اولوب مراتب آحاد دن واحده موضوع اولغله حروف اربعه سنندن هر بر حرف ایله واحد مراد اولنور * ایکنجیسی بکر کله سی اولوب عدددن ایکی په دلالت ایتمکله حروف ثلثه سنندن هر بر حرف ایله اعداددن ایکی عدد مراد اولنور * اوچجی کله جلش لفظی اولوب حروفندن هر بر حرف ایله اوچ عدد مراد اولنور دردیجی

اولنوب جلش کله سی حاصل اولدی کله مذکوره ده دخی جیم حرفی ایله اوچ عدد
 مراد اولندیغی کبی لام وشین حرفلریله دخی عدد مذکوره اشارت قصد اولمشدر
 یوخسه حرف لام ایله اوتوزشین ایله اوچبوز عددلری مراد اولنماشدر * کذلک آحاد
 وعشرات ومآت مراتبندن دردیجی مرتبه ده واقع اعداد مخصوصه به موضوع
 حروفده دخی بوقاعده به رعایت اولنوب دال میم تا حرفلرندن مرکب دمت کله سی
 حاصل اولدی بوکله ده دخی مرتب اولان حروف ثلثه دن هر بحر حرف ایله اعداد دن
 درت مراد اولنوب میم ایله قرق تا ایله درتیوز مراد اولنماشدر * کذلک هنت کله سنده
 دخی ها حرفندن بش مراد اولندیغی کبی نون ایله نادن دخی بش عددی مراد اولنوب
 حرف نونن الی نادن بشیوز مراد اولندی * کذلک وسخ کله سنده مرتب اولان
 واو حرفندن الی مراد اولندیغی کبی سین ایله خا حرفلریله دخی عدد مذکوره اشارت
 قصد اولمشدر * کذلک زهد کله سنده واقع حروف ایله دخی یدی عددنه اشارت
 اولنوب وحفض کله سنده واقع حروف ثلثه ایله دخی آحاد وعشرات ومآت مراتبده
 واقع اعدادک سکنجی مرتبه سینه اشارت قصد اولنوب سکن عدد مراد اولمشدر
 * وکذلک کلمات تسعک آخری اولان طصظ کله سنده واقع طا حرفندن طقوز مراد
 اولندیغی کبی صا دایله ظادن دخی طقوزه اشارت قصد اولمشدر * خلاصه کلام
 بوذکر اولنان طقوزکله نک اوائلنده واقع حروف آحاد ایله قنغی عدد مراد اولنورسه
 باقبسی ایله دخی اول عدد ده اشارت قصد اولنوب مراتب عددیه نک علی الترتیب
 درجه لریته علامت وضع اولمشدر اشبو بسط وتفصیل اولنان قاعده معلوم اولدقده
 اسمادن قنغی اسمک طرح تسعه ایله بقیه عددی بیلمک مراد اولنورسه وجه اسهل اوزره
 استخراج اولنور بو طریق ایله که حساب نیم ایله طرحی مراد اولنان اسمادن براسمک
 جواهر حرفندن هر بحر حرفه نظر اولنوب ذکر اولنان طقوزکله دن قنغی کله ده موجود
 ایسه حرف مذکور ایله اول کله نک حرفونه مخصوص اولان عدد مراد اولنور بعده
 حروف اسمدن بدل اخذ اولنان اعداد جمع اولنوب اکر طقوزه بالغ یادخی ناقص اولورسه
 عینی اخذ اولنور واکر طقوزدن زیاده کورسه طقوزی طرح اولنوب فضله سی حفظ
 اولنور بعده اسم آخرک حروفی دخی بووجه اوزره حساب اولندقدنصکره
 بعدالطرح باقی قالان عددلره نظر اولنوب عنوان بچنده ذکر اولنان قاعده به مراعات ایله
 طرفینده طالب ومطلوبدن غالب ومغلوبی استخراج ایدرلر * معلوم اوله که تسعه
 طرحنده ذکر اولنان قاعده نک سری ظاهر در بو طریق ایله که آحاد وعشرات ومآت
 والوف مرتبدرنده واقع اعداددن هر عدد که طقوز طقوز طرح اولنه بهر حال بعدالطرح
 بر عدد باقی قالور که بولندیغی مرتبه نک درجه سی عددنه مساوی اولور مثلا مرتبه عشرانده
 اولدن طقوزی اخراج ایتسک عشراتک اولکی درجه سنده بولنمغه بر باقی قالور کذلک
 مرتبه ما نک اولکی درجه سنده واقع یوزدن ومرتبه الوفک درجه اولی سنده واقع
 بیکن طقوز طقوز طرح اولنسه ینه بر باقی قالور * ودخی مرتبه عشراتک ایکنجی رتبه سنده

علامت وضع اولدیغی عددک نفسی مراد اولنوب بلکه اول عددک بولدیغی مرتبه تک
 درجه سنه اشارت قصد ایلدیلهر بناء علی هذا مراد لری تحقیق و ضلع لری تسهیل ایچون
 اشبویکرمی سکرز حرفدن طقوز کلمه ترکیب ایدوب و کلمه اولی بی درت حرفدن باقی سکرز
 کلمه بی اوچر حرفدن ترتیب ایتدیلهر و ذکر اولنان کلمات تسعه دن هر برکله تک ابتدا حرفله
 مرتبه آحاد ده اول حرفک دلالت ایتدیگی عدد مخصوصک درجه سنه اشارت قصد
 اولنوب و ایکنجی حرفله دخی بنسه اول حرفک عشرات مرتبه سنده علامت اولدیغی
 عددک رتبه مخصوصه سنه و اوچنجی حرفله کذلک اول حرفک مئات مرتبه سنده
 دلالت ایتدیگی عددک درجه معینه سنه دلالت قصد ایتدیلهر لیکن کلمه اولی درت حرفدن
 مرکب اولغله تک دردیجی حرفنی مرتبه الوفک درجه اولی سنه علامت وضع ایتدیلهر
 کلمات تسعه مزبوره بولردرکه ذکر اولنور ایقغ ۱ بکر ۲ جلس ۳ دمت ۴ هنت ۵
 و سخم ۶ زعدن ۷ حفص ۸ طصظ ۹ تفصیلی بویله درکه مرتبه آحادده بردن طقوزه
 و ارنجه موجود اولان اعدادک اولنجی درجه سنده عدد واحد واقع اولوب ایجد حرفدن
 علامتی حرف الف اولغله اخذ اولنوب بعده اوندن طقسانه و ارنجه عشرات مرتبه سنده
 مرتب اولان اعداد تسعه تک اولنجی درجه سنده عشره واقع و علامتی حرف یا اولغله
 الفک ذیلنه وضع اولندی بعده یوزدن طقوز یوزه و ارنجه مأت مرتبه سنده واقع اعداد
 تسعه تک اولکبسی یوز اولوب علامتی حرف قاف اولغله اولدخی بعد الاخذ حرف یا تک
 یا نه ضم اولندقدن سکره مرتبه الوفک اولکبسی دخی بیگ اولوب علامتی حروف ایجدک
 حرف آخیری غین اولغله حروف ثلثه اولی ایله ترکیب اولنوب ایقغ کلمه سی حاصل
 اولدی بو کلمه ده مرتب اولان حروف اربعه دن هر بر حرف ایله عدد دن انجق واحد
 مراد اولنوب یوخسه حرف الف ایله بر یا ایله اون قاف ایله یوز غین ایله بیسک مراد
 اولنماشدر * کذلک بردن طقوزه و ارنجه مرتبه آحادک ایکنجی درجه سنده ایکی واقع
 اولوب و ایجد حرفدن علامتی با اولغله اخذ اولنوب و اوندن طقسانه و ارنجه مرتبه
 عشراتک ایکنجی درجه سنده یکریمی واقع و علامتی حرف کاف اولغله بعد الاخذ یوزدن
 طقوز یوزه و ارنجه مرتبه مأت تک ایکنجی درجه سنده دخی اعداد دن ایکی یوز واقع
 و علامتی حرف را اولغله ذکر اولسان با کاف حرفلریله ترکیب اولنوب بکر کلمه سی
 حاصل اولدی بو کلمه ده دخی موجود اولان حروف ثلثه دن هر بر حرف ایله اعداد دن
 انجق ایکی مراد اولنوب یوخسه کاف ایله یکریمی حرف را ایله ایکبوزه اشارت قصد
 اولنماشدر * معلوم اوله که حرف غین ایجد حرفک آخیری و مراتب الوفدن مرتبه
 اولی به موضوع اولوب و حروف مذکورده مراتب الوفک سائر منازل و درجاتنه حرف
 وضع اولنماغله بکر کلمه سی وسائر ذکر اولسه جق کلمات باقیه آحاد و عشرات و مئات
 مرتبه لرنده واقع اعداده دلالت ایدن اوچر حرفدن ترکیب اولنوب ایقغ کلمه سی کبی
 درت حرفدن مرکب کلمه رباعیه بناسنه امکان اولدی * کذلک آحاد و عشرات و مئات
 مرتبه لرنک اوچنجی درجه سنده واقع اعداده دلالت ایدن حرفده دخی بوقاعده اجرا

باقی قالان عددلر بر برینه مساوی اولوب وایکبسی دخی معا زوج اولسه بوضورتده
 ذکر اولنان ملکک قنغیسی ابتدا مقابله قصدیله خروجه طالب و محاربه و مقاتله به راغب
 اولدیسه اول ملک مغلوب اولوب طلب اولنان ملک غالب اولور مثلا محاربه به تصدی
 ایدن ایکی ذاتک اسملری حساب اولنوب بعد الطرح هر برینک مبلغ عددندن درت یا خود
 الی عدد باقی قالسه ابتدا داعیه خروجه ایله منازعه به قیام و محاربه به اقدام ایدن ملک
 مغلوب اولوب مطلوب اولان ملک غالب اولور و اگر عدد حروف اسمندن هر بر اسمده
 بعد الطرح باقی قالان عددلر بر برینه مساوی وایکبسی دخی معا فرد اولورسه بوضورتده
 ابتدا منازعه و مقابله به تصدی ایدن ملک غالب اولوب آخری مغلوب اولور دیدیلر مثلا
 داعیه حرب و قتال ایله مقابله به اقدام ایدن ملکک هر برینک عدد حروف اسملرندن
 بعد الطرح اوچ یا خود بش عدد باقی قالسه ابتدا محاربه و مطالبه به قیام ایدن ملک غالب
 اولوب آخری مغلوب اولور و العلم عند الله تعالی * و دخی عمل حساب نمی ضبط
 و تسهیل ایچون ایکی بیت عربی نظم اولنوب بین الناس متداول و مشهور اولغسله نقل
 اولندی

* اری الزوج والافراد یسموا اقلها * و اکثرها عند الخالف غالب *

* و یغلب مطلوب اذالزوج یستوی * و عند استواء الفرد یغلب طالب *

بیتین مذکورینک معناری انجیق قاعده حساب نیم ایله غالب و مغلوب استخراجنده بسط
 و تفصیل ایتدی بکمز طریقک یساتی متضمن اولوب فائده اخرا بی مفید اولمغین کلام سابق
 اعاده ایله تطویل کلامدن اجتناب اولندی * بوند نصکره معلوم اوله که اعمال حسابیه دن
 عمل حساب نمی وضع ایدن زمرة محاسبین اسماء علیه دن بر اسمده موجود حروف ابجدیه
 اعدادندن بر عدد مخصوصی طقوز طقوز طرح و اخراجدن صکره باقی قالان عددک
 مقدارنی وجه اسهل اوزره بیلک ایچون بقاعده مخصوصه دخی وضع ایتدی بکمز طرح
 تسعه اول قاعده به مراعات ایله کلفت مؤنت حسابدن مستغنی اولدی بکمز شویله که
 ابجد ترکیبنده الفدن غینه و ارنجه ترتیب اولنان بکرمی سکز حرفی اولار ابجد فن حساب
 رأیی اوزره مراتب اربعه همدیه کبی آحاد و عشرات و مئات و الوفه تقسیم ایدوب
 و الف دن طایه و ارنجه حروف مذکوره دن طقوز حرف بردن طقوزه منتهی اولنجه
 آحاد مرتبه سنده مرتب اولان اعداد تسعه به و حرف یادن ساده و ارنجه طقوز حرف
 دخی عشرات درجه سنده واقع عقود تسعه به و فافدن ظایه و ارنجه طقوز حرف دخی
 مئات مرتبه سنده اولان اعداد تسعه به توزیع اولندقد نصکره ابجد حرف و فنک آخری
 اولان حرف غین مرتبه الوفه تخصیص اولمشدر * بوند نصکره حساب نیم اربابی آحاد
 و عشرات و مئات و الوف مرتبندن هر مرتبه ده موجود اولان اعدادک بر برینه نسبت
 ایله حاصل اولان رتبه و درجه لرینه دخی نظر و اعتبار ایدوب ابجد ترکیبنده مرتب اولان
 بکرمی سکز حرفدن هر بر حرفک دلالت ایتدی کبی عدد مراتب آحاد و عشرات و مئات
 الوفدن بولندیغی مرتبه نک قنغی درجه سنده واقع ایسه اول حرف ایله عن اصل

ریاحین ریاض غیبین بر راجحه شم ایتموب نقد مغشوش کذب و دروغنی بازار مکر و تزویرده
 تغبیق و تزویجه سعی ایدر * ودخی مغیباته علم و وقوف ادها ایدن طوایفک بعضیلری
 استخراج غیب و کشف ضمیر ایچون ینلرنده معروف قوانین مخصوصه وضع ایدوب
 وقت حاجتده اول قواعدہ مراعات ایله اسؤله غیبه دن جوابه تصدی ایدر لکن
 اعمال موضوعه و اوضاع مصنوعه لری نه کشف و شهوده موقوف ونه فن نجوم و کهانت
 انواعدن معدود اولوب بلکه عقول ضعیفه و آراء سفیفه اصحابی صید و تسخیره اعمال
 لطایف الخیل ایله بردام مکر و فریب ترتیب ایدوب بوالهوسان سبک مغزان روزگارک
 سرمایه سامانی جلبه آلت انخذا ایتشلر درر و قوانین مذکورہ تک انواعی کثیر اولوب
 بزایجق بومخلده مصنفینک کتبلرینه درج و تخریر ایدوب بعض خواص علمانک اعتبار
 و اعتماد ایلدکلری قواعد حساییه تک ذکر یله اکتفا ایلدک * معلوم اوله که اساطین
 حکمای یوناندرن ارسطو حکیمه منسوب کتاب سیاستک آخرینده حساب نیم اسمیله موسوم
 بر حساب مخصوص مذکور در که اول حساب ایله محاربه و مقاتله به تصدی ایدن ملوکدن
 غالب و مغلوب کیم اید و کی معلوم و متعین اولور طریق عملی بویله در که محاربه به
 تصدی ایدن ملکلرک برینک اسمنده موجود اولان حرورف قوانین حسابدن جل کبیر
 عنوانیله معروف و ایچد حرورفده آحاد و عشرات و مآت والوف ایچون موضوع اولان
 قاعده معروفه اوزره بعد الحساب عدد اسمی مراتب عددیه دن نه مرتبه به بالغ اولورسه
 ضبط و حفظ اولنوب بعده ملک آخرک اسمنده موجود اولان حرورف دخی بو طریق ایله
 عد و حساب اولندقدنصکره هر برینک عدد حرورف اسمی طقوز طقوز طرح و اخراج
 اولنوب بقیملری اخذ و حفظ اولور و بعد الطرح اسمین مذکورینک حسابندن باقی
 قلان عددلرک تفاوت و تساویدن ینلرنده موجود نسبت هددیه به نظر ایله امر مطلوبه
 استدلال اولور اگر طرح تسعه ایله اسمین مذکورینک حسابندن باقی قلان عددلر بربرینه
 مساوی اولوب قلت و کثرت ایله مختلف لکن زوجیتده یافردیتده متفق اولدکلری
 صورتده بعد الطرح عددی اقل اولان اسمک صاحبی غالب اولور دیدیلر مثلا ایکی
 شخصک اسملری حرورفی ایچد حساییه عد اولنوب و هر برینک مبلغ عددندن طقوز
 طقوز طرح اولندقدنصکره برنده درت و آخرک اسمنده الی عدد باقی قالوب یا خود
 شخصینک برینک اسمنده بش آخرک اسمنده یدی عدد باقی قالسه صورت اولی ده درت
 عدد ایکنجی صورتده بش عدد باقی قلان اسمک صاحبی غالب اولور و اگر محاربه به
 تصدی ایدن ملکلرک اسملری حسابندن بعد الطرح باقی قلان عددلرک مقدارلری قلت
 و کثرت ایله مختلف اولدیغی کی زوجیت و فردیتده دخی مختلف اولوب یعنی بری زوج
 و آخری فرد اولورسه بعد الطرح بقیه عدد حرورفی اکثر اولان اسمک صاحبی غالب
 اولور دیدیلر مثلا ایکی شخصک اسملری جل کبیر ایله یعنی ایچد حساییه عد اولنوب
 بعد الطرح برینک حسابنده اوچ و آخرک درت عدد باقی قالسه اسمنده درت عدد باقی
 قلان کسنه غالب اولور * و اگر ملکین متحار ینک اسملری حسابندن بعد الطرح

دخی قاعده مذکوره اوزره بر شکل استخراج اولنوب وینسه جانب عرضلرنده واقع مرتبه لده موجود نقطه لک برنی اخذ و آخری ترک و علی الترتیب طولانی رسم اولمغله عدد اشکال اون درت شکله بالغ اولور ❁ بعده بو وضع اولسان ایکی شکلدن دخی قاعده مذکوره اوزره بر شکل آخر دخی تولید اولنوب شکلین سابقینک تحتنه رسم اولمغله عدد اشکال اون بش شکله بالغ اولور ❁ بعده اشبو اون بشنجی شکل ایله ابتدا وضع اولسان شکل اولک جهت عرضلرنده واقع ایکی نقطه تک انجق برنی اسلوب سابق اوزره اخذ و طولانیجه علی الترتیب بر برینک تحتنه رسم ایله اون الی شکل تکمیل اولور ❁ بوندنصکره اشبو ترتیب اولسان اون الی شکله امرار بصر و فکر و نظر ایدوب اصحاب رملک یئلرنده معتبر قانون و قاعده اوزره سعادت و محوسدن هر شکله مخصوص اولان آثار و اوضاعک مقتضا سنه مراعات ایله سؤال اولسان مطلوبک حال و شایقی اخبار و اعلام ایدرل لکن حکملری مجرد اوضاع خطیه و اشکال رملیه دن استنباط و استخراج اولنوب خارجدن بر دلیل قوی و برهان قطعی به مستند و مبتنی اولما مغله عملری حلیه و ثوقدن عاقل و حکملری خیال باطلدر ❁ ودخی نصب عین قبول اولمغه لایق و نفس الامر مطابقی وجه و جیه بودر که صناعات علیه و عملیه دن بر صنعت ایله امور غیبیه به وقوف ممکن اولیوب سرا پرده خفاده مکنون اولان مغیباته وصول عالم حسدن عالم ارواحه رجوعه مغطور و مجبول اولان خواص بشره مخصوصدر حتی اصحاب فن نجوم کشف و شهود ایله غیبیدن خبر و یرن رجالی زهر بین اسمیله تسمیه ایدوب بو نلرک وقت ولاد تلرنده کوکب زهره رب الطالع بولمغله استار خفا ده مستور اولان اسرار غیبیه متعلق هر نه مقوله شیدن خبر و یرر رایسه طالع مولودری اول خبرک وقوع و ظهورنی ایجاب ایدر دیو زعم ایلدیلر فعلی هذا استخراج غیب ایچون ترتیب اولسان صناعات و صنایعدن خط رمل و انک امثالی اعماله اشتغال ایدنلرک قصد و غرضلری نفسلرنی امور حسیه دن اشتغال و عالم روحانی به ایصال ایسه بو طائفه فصل سابقه ذکر ابتدیکمز طوائف کهنه به ملحق اولور اگر اشکال رمل ایله کشف ضمیر ادعا ایدن ذوق روحانی و علم وجدانیدن بهره دار اولیوب ترتیب و تدوین ایتدکلری اشکال و اشباه نظر ایله علم غیب ادعا ایدر لر سه هذیان محوم کبی علم و عملری درجه اعتباردن ساقطدر ❁ ودخی طوائف بشردن فطرت اصلیه و خلقت زکیه ایله عالم ارواحدن تلقی غیبیه مجبول اولان طائفه تک علامتی اولدر که حوادث آتیه و امور مستقبله دن بر امرک حال و شایقی استعمال ایچون طرف غیبیه توجه ایتدکلرنده مألوف اولدکلری حالدن خروج ایدوب بونلره مبادی نومده انسانه عارض اولان خبیازه خواب کبی اسمک و کرمسک مقوله سی حالتلر عارض اولوب عالم حسدن غائب اولورلر و بو طائفه تک جسمانیتن روحانیتنه خروج و عروجلری مراتبی دخی متفاوت اولوب اصل فطرتلرنده موجود استعداد لرینک درجه کماله قرب و بعدیله مختلف اولور ❁ اما اول طائفه که بعض اعمال مصنوعه و صنایع موضوعه ایله مغیباته وقوف ادعا ایدوب فطرت و نهادلرنده خاصه ذاتیه و علامت مخصوصه اولیه

ایکبشر ایکبشر بعد الطرح باقی فلان نقطه لری كذلك ترتیب سابق اوزره رسم وخر بر
ایله بر شکل ۳ دخی ظاهر اولور * رابعاً در دنجی مرتبه ده واقع اولان درت سطرده
موجود نقطه لری دخی اسلوب سابق اوزره زوج زوج طرح ایتد کد نصکره باقی لری
شکل ثالث جنبه علی الترتیب وضع ایله بر شکل ۴ دخی ظاهر اولوب اشکال رملیه دن
اون التي شکلک دردی وقت عملده بو طریق ایله تحصیل اولور * بعده بو ذکر اولنان
اشکال ار بعده نک ابتدا زنده واقع اولان نقطه لری اشکالک عرضی جانبندن اخذ
وعلی الترتیب بربری تحتنه طولاً نیجه وضع ایله بر شکل ۵ تولید ایدرل * بعده ینه اشکال
ار بعده مذکورہ نک ایکنجی مرتبه زنده مرتب اولان نقطه لری دخی عرضی جهتندن
علی التوالی اخذ و بربری تحتنه ترتیب سابق اوزره طولاً نیجه وضع ایله بر شکل ۶ دخی
تحصیل ایدرل * بعده ینه اولکی درت شکلک او چنجی مرتبه زنده و جهت عرضی
واقع اولان درت نقطه بی دخی جمع معهود اوزره علی الترتیب طولاً نیجه وضع ایدوب
بر شکل ۷ آخر دخی تولید ایدرل * بعده ینه اشکال ار بعده اولی نک جهت عرضی
و در دنجی مرتبه ده واقع زوج و فرد موجود اولان درت نقطه بی دخی علی الترتیب بربری
ارد نیجه طولانی وضع و رسم ایله بر شکل ۸ دخی تحصیل ایدوب ابتدا وضع اولنان
اشکال ار بعده دن بو طریق ایله درت شکلک آخر دخی حادث اولغله عدد اشکال سکر
شکلک بالغ اولور * بعده اشبو ذکر اولنان سکر شکلکدن هر ایکی شکلک تحتنه بر
شکل دخی وضع ایدوب درت شکلک آخر دخی تولید ایدرل بو طریق ایله که اشکال
ثمانیه دن هر ایکی شکلک جانب عرضی و علی الترتیب مرتب ار بعده زنده واقع زوج
یا فرد نقطه لری انجق برنی اخذ و آخری ترک ایدرل لکن قانون وقاعدہ لری بودر که
شکلین مذکورینک جانب عرضی ایکی مرتبه سنده جمع اولان نقطه لری ایکبسی معا
زوج یا خود فرد اولور سه انجق بر زوج نقطه وضع اولنوب اگر بری زوج و آخری فرد
اولور سه انجق فرد نقطه اخذ اولور و عمل مذکورہ بو ذکر اولنان سکر شکلکدن اولکی
ایکنجی شکلک مرتبه لردن بدأ ایدوب ابتدا شکلین مذکورینک مرتبه اولی زنده
موجود اولان زوج یا فرد نقطه نک برنی قاعدہ مذکورہ اوزره اولکی ایکنجی شکلک
تحتنه وضع ایدوب بعده مرتبه ثانیہ بعده ثالثہ ده بعده رابعہ ده جمع اولان نقطه لری
انجق برنی علی الترتیب طولاً نیجه رسم ایله اولکی ایکنجی شکلکدن بر شکل ۹ تولید ایدرل
* بعده او چنجی در دنجی شکلک جانب عرضی درت مرتبه ده واقع اولان ایکی نقطه نک
انجق برنی قانون سابق اوزره اخذ و علی الترتیب بربری تحتنه طولاً نیجه رسم ایله
بر شکل ۱۰ دخی ظاهر اولوب او چنجی در دنجی شکلک تحتنه رسم ایدرل * بعده بشنجی
والتنجی شکلک تحتنه دخی منوال مذکورہ اوزره بر شکل رسم ایدوب بعده یدنجی
و سکرنجی شکلک مرتبه زنده جمع اولان نقطه لری دخی اسلوب سابق اوزره طولانی
رسم و یدنجی سکرنجی شکلک تحتنه وضع ایله بر شکل ۱۲ دخی تولید ایتد کد اشکال
اون ایکی شکلک بالغ اولور * بعده اشبو تولید ایتد کد لری درت شکلک هر ایکی شکلکدن

۴۱۱
۵۷۴/۱۵

رملک مناسبتی اولماغله جناب رسالت پناه صلی علیه الاله حضرت تیرینک کلام حکمت
 نظاملری انجق وحی ایله مؤید اولان خطک مدح و ثنا سنه مقصودر والا برخط
 ورقم که مجرد اول نبی ذیشانک خطنه وضع و شکلده موافق اولوب تأیید وحی آسمانی
 و ترتیب خطاب ربانیده مخالف اوله اول خطک لدی الشرع الانور اهتباری اولدیغی
 ظاهر در فعلی هذا بو حدیث شریف ایله خط رملک مشروعی ثابت اولوب
 و صنعت ایله مغیباته توسل صحیح اولماغله عمل فاسد لر نی حدیث شریف ایله ترویجه
 طلب اولان مدعیلرک زعملری باطل و حلیه و ثوق و اعتماد دن عاطلدر * بوند نصکره
 ارباب فن رملک بعضیلری دخی زعملری تصحیح و رأیلری ترویج قصد یله دیدیلر که
 عهد اسلام دن مقدم بعث اولنان انبیاء عظام دن هر نبی ذیشانک شریعتده جائز
 و جاری اولان احکام شرعیه مادامکه نسخ شارع ایله منسوخ اولیه دین اسلامده
 دخی اول امر ایله عمل مشروع اولوب و خط رمل دخی مفاد منیف حدیث شریف اوزره
 انبیاء سالفه دن بر نبی تک فعلی اولماغله دین اسلامده عملی مشروع اووردیو (شریعت
 من قبلنا شریعت لنا) رأیله دعوالرینه استدلال ایلدیلر لکن قول مذکور دخی
 بونلرک زعمنه دلیل اولماز زیرا شریعت طرف حق دن کتاب مخصوص ایله عبادده مبعوث
 و مرسل اولان نبی تک اتمه تبلیغ ایتدیکی دین و ملت دن عبارت اولوب و حدیث سابق
 مذکور خط رمل صاحب شریعت بر نبی تک فعلی و عهد اسلامه کلنجه بین الامم عملی جائز
 امر مشروع اولدیغنه قطعاً دلالت ایتمکله رسول اکرم علیه الصلاة والسلام
 حضرت تیرینک حدیث شریف یغلرنده ذکر اولنان خط معهود اول نبی تک ذاته مخصوص
 و مقصور اولوب نه کندی اتمه و نه امم اخرا ایچون عملک جواز نه دلیل اولماز بومحله
 کلنجه صنعت رملک عدد اشکالی و ترتیب اوضاعی و صحت و مشروعیتنه متعلق احوال
 و احکامی بیان اولنوب حالا ارباب رملک زعملری اوزره اشکال مزبوره ایله اسؤله غیبیه دن
 جواب استخرا جنک کیفیتیه بیانه شروع اولندی * معلوم اوله که زمرة رمالین دن
 بعض طالین مظلوم بلری اولان بر امر غائبک حال و شانتی سؤال ایتدیگرنده طائفه
 مذکورده صحیفه قرطاسه یاقم اوزرینه یاخود اون اوزرینه لاعلی تعیین اون الی
 سطر اولق اوزره درت دفعه در در سطر نقطه وضع ایدوب بعده اول نقطه لری
 علی الترتیب ایکبشر ایکبشر طرح و اخرا جه شروع ایلرلر بو طریق ایله که ذکر اولنان
 اون الی سطر دن ابتدا وضع اولنان درت سطرده موجود اولان نقطه لردن بعد الطرح
 باقی قالان نقطه لری کرک زوج کرک فرد اولسون هر برینک تحتنه علی الترتیب طولاً نیجه
 وضع و تسطیر ایله بوندن اقدم ذکر اولنان اون الی شکلدن بر شکل ۱ تولید و تحصیل
 ایدرلر * ثانیاً ایکنجی مرتبه ده واقع سطورار بعده موجود اولان نقطه لری دخی
 کالاول ایکبشر ایکبشر طرح ایدوب و هر سطرده باقی قالان زوج یا فرد نقطه لری
 علی الترتیب شکل اولک جنبه وضع و تسطیر ایله بر شکل ۲ آخر دخی احداث ایدرلر
 * ثالثاً اوچنجی مرتبه ده واقع درت سطرده مبسوط و موضوع اولان نقطه لری دخی

و صدور خطاب ربانی ایله مشرف اوله نته کیم کتب اسرائیلیا تده یعنی طائفه
 بنی اسرائیل یدلرنده متداول اولان کتب مخصوصه ده نقل اولندیغی اوزره انبیاء کرامک
 بعضیلری نزول وحی الهی یه اصوات طبیسه و نغمات لذیذه استماعیله توسل ایدوب
 آوازه غنا و حسن صدا ارواح طبیه لرینه تأثیر ایتدکده افق غیبیدن انوار وحی الهی
 عکس افکن مرآت ضمیر انور لری اولوردی دیو حکایه اولمشدر * اگر چه کتب
 اسرائیلیات صحت نقلده سندن مسند و اثبات مرآمده حجت و معتمد ککل ایسهده لکن
 جناب حکیم بی زوال جل شانہ عن الانداد والامثال حضرتلری انبیاء کرام و رسول
 عظامنی مشبت علیه سی تعلق ایتدیکی وجه اوزره نیچه خصایص بهیه و تشاریف
 سنیه ایله مشرف ایتدکده نقل مذکور طور عقلمن بعید دکلدن بنساء علی هذا سبق ایدن
 حدیث شریفده حضرت سر یره دان ما اوحی جناب رسول کبریا علیه افضل التحایانک
 رقم خط ایله وصف و تعریف بیور دقلری نبی ذیشان دخی وحی الهی ظهور بنه و سفارت
 روح الامین ایله خطاب عزت صدور بنه رسم و ترقیم بیور دقلری خط ایله توسل ایدوب
 هر چندکه طرف حقدن بر امر ک کشف و حلنه ترقب ایدره ل اول خط معهودک رسم
 و ترقیمه مباشرت و مبادرت ایله وحی الهی ظهور ایتدک جاژ اوله شه کیم اصحاب رملک
 بعضیلری صور اشکال رمله حبس بصر و قصر نظر ایله مشاغل حس و خیالی بر طرف
 ایدوب عالم ارواحه وصول ایله کندیلرده علم و جدائی و ادراک روحانی حاصل اولمادیغی
 بوندن اقدام نقل اولمشیدی لکن انبیاء عظامک علم و عرفانلری وحی ربانی و خطاب
 سبحانی ایله حاصل اولوب طائفه مذکوره نک علم و ادراکلری انجق عالم منامده
 مشهود اولان رؤیا کبی برادراک روحانیدر اما اول زمرة رمالین بطلین که صنعتلرنی
 خلقک مال و منالترین جره آلت ایدوب خلقک سؤال ایتدکلری امور مشکله دن قانون
 متعارف اوزره وضع اولنان اشکاله باقوب ظن و تخمین ایله جوابه تصدی ایدرل اول طائفه
 حدود شرعی تجاوز ایتلر ایله انبیاء عظامک ساحت عصمتلری استکشاف غیب ایچون
 اومقوله صنعته توسل دن عاری و عالیدر * زیرا انبیاء و مرسلین صلوات الله تعالی علیهم
 اجمعین حضراتی علم و صنعت ایله تکلم امرار غیبیدن خلقتی منع و تحذیر بیوروب بر فردک
 علم مغیبانه خوض و شر و علرنی مشروع ایتدیلر و حدیث سابقده * فن وافق خطه
 فذاک کلام حکمت نظامندن الله اعلم و رسوله بومعنا مراد در که ایام سالغه ده انبیاء
 عظامدن بر نبی ذیشان رقم خط ایله مشغول اولوب اول اثناده شرف وحی الهی ایله
 مشرف اولوردی اول کسه که ذکر اولنان نبی محترمک خطنه موافقت ایدره یعنی عمل
 خط اثناسنده اول نبی ذیشان کبی تأیید وحی ایله مؤید اولوق ممکن اوله خطوط مر سومه
 میانندن انجق اول خط صحت و سداد ایله متمازدر دیو حدیث شریفنی توجیه ایتدیلر
 بوصورته حدیث نبویه ارباب رمل زعملری اوزره بین الناس متداول اولان خط رملک
 و عملنه اشتغال ایدن کسه لک شرف و تعظیمه اشارت مقصود اولوب بلکه عمل خط ایله
 استفاضه انوار وحی الهی ایدن نبی مکرمک خطیله حالابین الناس متداول اولان رقم

وسبک مغزان روز کاردن بی کسب و کار نیچه کسهل بعض بلاد وامصارده صنعت رملی
 کند یاره مدار معاش و سرمایه انتعاش ایدوب دام ودانه مکر و فریب اولان شکل
 نقطه لایله عقول ضعیفه و آراء سخیفه احکامندن نیچه آواره لری صید و تسخیر ایدرلر
 و علمای مغساربه دن زنائی و انک امثال اعلام رجال فن مزبورده کتب عدیده تألیف
 و تصنیف ایدوب قوانین و قوا عدنی بسط و تفریر و طریق عملی شرح و تخریر ایلد یلر
 لکن صنعت رمل اربابندن نیچه کسهل دخی موجود در که اشکال هر سومه به برمدت امان
 نظر و حبس بصرا یله دائرة حس و شهود دن گذر و عالم غیبیه سفر ایدوب خواص بشردن
 فطرت اصلیه و خلقت زکیه لایله استفا ضمه انوار غیب ابدن ذات ترکی آینه روح بر نه
 لایح اولان اموری خلقه خبر و پررلر بوطائفه سائر اصحاب رملک اشرف و افضلیدر
 معلوم اوله که اصحاب فن رملک جمله سی صنعت رملی سائر صنایع و حرف کبی خاندان
 نبویه نسبت ایدوب بعضیاری حضرت دانیال علیه السلامک و بعضیاری دخی حضرت
 ادریس علیه السلامک معجزات باهره لرندن اولق اوزره زعم ایتد کیرندن ماعدا دین
 اسلامده مشر و عینی دخی ادعا ایدوب سلطان انبیا علیه افضل النحایا حضرت لرندن
 منقول و مروی * کان نبی یخط فین وافی خطه فذاک * حدیث شریفه دعوالرینه
 احتجاج واستدلال ایدرلر مع هذا ذکر اولسان حدیث شریف خط رملک
 مشر و عینه قطعاً دلالت ایتوب زعم لرنی تأیید و رأی لرنی ترویج سند صریح اولدیغی
 ظاهر در زیر معنای لطیف حدیث شریف الله اعلم و رسوله بویله در که ازمنه سالفده
 انبیا عظامدن بر نبی ذیشان و ار ایدی که عمل خط ایله مشغول اولوب بو ائشاده طرف
 حقدن کند و به وحی الهی وارد اولوردی دیو سلطان انبیا علیه افضل النحایا
 حضرت لرنی خبر و پر دیلر * بودخی جائز در که بعض انبیا کرامک ذات عالی لرینه مخصوص
 بر کونه خطر سمنه مبادرت عادت شریفه لری اولوب ائشای مباشرته وحی الهی
 ظهور یله مشرف اوله لر زیرا انبیا عظام صلوات الله تعالی علیهم اجمعین حضرت انک
 استفاضه انوار وحی الهیده حال و شان لرنی متفاوت اولوب * تلک الرسل فضلنا بعضهم
 علی بعض * نص کریمی اوزره طبقه رسالته مساوات لرنی درجه فضلته تفاوت لرینه
 منافی دکلددر بومعشر کرامک بعضی لرینک ذات عالی لرینه و امت لرینه متعلق امورده طرف
 حقدن وحی الهی ظهوری و خطاب عزت صدور سفیر وحی ربانی و ساطئیه اول
 امرده واقع اولوب طرف عالی لرندن سبق طلب و اسباب توجهدن برسیده تثبث و توسل
 ایتزلر * و بعض انبیا کرام دخی مبعوث اولدیغی امتک کنسه بدن بر امر مشکک خلقی
 رجا یا بحسب العاده و قوعی محال تکلیفه اجترایا انک امثالی داعیه اخرا ظهور ایتد کده
 طرف حقه توجه ایدوب درگاه کبریا دن اول امرک کشفی رجا ایتد کیرنده ظهور وحی
 الهی ایله مشرف اولورلر بناء علیه معشر کرام انبیا عظامده تقسیم عقلی بر صنفک
 وجودنی دخی تجویز ایدر که اول ذات کرو بی صفات تلقی وحی الهیده سائر انبیا دن بر حالت
 سنیه ایله ممتاز اولوب اول حالته توسل ایله توجه ابتدیی خصوصده ظهور وحی سبحانی

تحقیق و بیانی بویله در که اصحاب فن نجومک رئیسری اولان حکیم بطلمیوس اعمال آلات
 رصد به ایله اوضاع فلکیه و حرکات کواکبی ضبط ایدوب اجرام علویه نك عناصر
 ار بعدده و عناصردن مرکب اولان معادن و نباتات و حیواناتده تأثیریه ذاهب اولغله
 بالجله عالم سفلیده ظهور ایدن حوادث یومیه و آثار کونیه بی اسباب سماویه به اسناد
 ایلوب احکام فن نجومی ترتیب ایلدی بطلمیوسدن صکره منجمین بطلمیوسک عالم
 عنصریده ظهور ایدن حوادث جسمانیه نك احوالنه متعلق ترتیب ایتدیکی احکام فن
 نجومی خلقک قلبلرنده مضر اولان اغراض قلبیلرنی کشف و استخراجده دخی اجرا
 و استعمال ایلوب ناسک کندیلره مراجعت و سؤال ایلدکلری امور نفسانیه بی بیوت
 فلکیه کی اقارب و مناصب و اموال و سایر مطالب مقوله سی اون ایکی خانه به تقسیم ایتلریله
 وقت سؤالده اسطرلاب و ربع دائرة و سایر آلات فلکیه ایله ارتفاع الیقصدن صکره وقت
 ارتفاعده افلاکده موجود اولان اوضاع معینه بی و بیوت طالعی یینلرنده متعارف قانون
 وقاعده اوزره بر کاغده رسم و تخریر ایدوب اوضاع طالعک موجب و مقتضاسی اوزره
 بطلمیوسک ترتیب ایتدیکی احکامی خلقک ضمائر و قلوب بنده مرکوز اولان امور نفسانیه ده اجرا
 ایتدیلر * لکن معلوم اوله که قلوب ناسده مضر اولان اغراض و مطالب امور نفسانیه دن
 اولوب عناصر ار بعد و معادن و نباتات و حیوانات کی امور جسمانیه دن دکدر که اوضاع
 فلکیه ایله ضمائرک احوالنه استدلال صحیح اوله زیرا بطلمیوس قواعد فن نجومی انجیق
 عناصر ار بعد نك و انلردن مرکب اولان موالید ثلاثک احوالی کشف و استعمال ایچون
 وضع و ترتیب ایدوب و اجرام علویه نك اجسام سفلیه ده تأثیر و دلالتنه قصر ایدوب
 قلوب ناسده مضر اولان امور نفسانیه و احوال قلبیه به دلیل انخساز ایتمکله منجمین
 متأخرینک احکام نجومی خواطر نفسانیه ده اجراری بطلمیوسک رأینه مخالف اولغله
 بر فنی خلاف وضعنده استعمال ایدوب رأیلری نامقبول و دستورلری غیر معمولدر زیرا
 افلاک و عناصر اجسامدن اولوب و ضمائر و خواطر امور نفسانیه دن اولغله جسمک جسم
 آخرده تأثیری ایچون ترتیب و تدوین اولسان فی امور قلبیه ده استعمال مجرای صحتدن
 منحرف و دائرة استقامتدن منصرفدر * بعد منجمین متأخریندن صکره خط رمل اربابی
 کلوب آلات فلکیه ایله ارتفاع اخذندن اجتناب و حساب جداول زیج ایله حرکات
 کواکبک تعدیل و تقویمی استصعاب ایتلریله اشکال رملی بیوت فلکیه کی اون ایکی
 برج ایله اوتادار بعد اوزرینه وضع و ترتیب و سعد و نحس خانه لرینه تقسیم ایدوب
 و اوضاع فلکیه و انظار سماویه دن انجیق تسدیس وضعنه اعتبار و اعتنا و احکام فن
 نجومی اشکال رملده اجرا ایتلریله استخراج ضمائر و کشف خواطرده منجمین متأخرینک
 اثر لرینه اقتدا ایتدیلر لکن اوضاع فلکیه نك و اشکال فن رملک استخراج ضمائر
 و قلوب ناسده مضر اولان خواطره دلالتی عقلی و طبیعی اولوب بلکه بطلمیوسدن صکره
 ظهور ایدن منجمینک و انلرک اثر لرینه اقتدا ایلین طائفه رمانینک مجرد وضع و اختراع لرینه
 مبنی بر امر اولغله سهام ملاحظه لر ی هدف اصابتدن دور و عندالعقل مر دود و مهمجورد

بوشکل کبی که : اسمی نصرت داخل طبیعی سعدر یا خود فرد نقطه لک بری اولکی مرتبه ده بری درد بچی مرتبه ده واقع وینلرنده زوج نقطه لری متوسط اولور اشبو شکل کبی که : اسمی عقله طبیعی ممتاز جدر یا خود فرد نقطه لک بری ایکنجی مرتبه ده و بری اوچنجی مرتبه ده واقع اولور اشبو شکل کبی که : اسمی اجتماع و طبیعی ممتاز جدر یا خود فرد واقع اولان ایکی نقطه لک بری ایکنجی مرتبه ده و بری درد بچی مرتبه ده واقع اولور بوضورت کبی که : اسمی قبض داخل و طبیعی سعدر یا خود فرد نقطه لک بری اولکی مرتبه ده و بری دخی اوچنجی مرتبه ده واقع اولور بوشکل کبی که : اسمی قبض خارج و طبیعی نخسدر و اگر اشکال رملده وضع اولنان درت نقطه لک اوچی فرد بری زوج اولور سه بوضورت دخی درت شکله منقسم اولور زبرافرد واقع اولان اوچ نقطه با اولکی ایکنجی اوچنجی مرتبه ده واقع اولور اشبو صورت کبی که : اسمی ثابته و طبیعی نخسدر یا خود فرد نقطه لک اوچی ایکنجی اوچنجی درد بچی مرتبه ده واقع اولور بوضورت کبی که : اسمی قائمه و طبیعی ممتاز جدر یا خود اوچ عدد فرد نقطه لرا اولکی ایکنجی درد بچی مرتبه ده واقع اولور بوشکل کبی که : اسمی فرح طبیعی ممتاز جدر یا خود فرد نقطه لرا اولکی اوچنجی درد بچی مرتبه زده واقع اولور بوضورت کبی که : اسمی نقی الخد طبیعی ممتاز و منقلدر * اشبو ذکر اولنان وجه اوزره مراتب اربعه اوزرینه مرتب و موضوع اولان درت نقطه لک زوجیت و فردینی و بولند قلمی مرتبه لک عدد و کتی اعتباریله اصحاب فن اشکال رملی اون التي شکله حصر ایدوب و هر شکلی براسم مخصوص ایله تسمیه و طبایع نجوم سماویه کبی سعد و نحسه تقسیم و تنویع ایله اشکال رملی بریندن متماز ایلدیلر * و مجمینک افلاکده اعتبار ایتدکری اون ایکی برج ایله اوتاد اربعه که طالع و غارب و رابع و عاشردر اصحاب فن رمل دخی بروج افلاک و اوتاد اربعه به قیاس ایله اشکال رملدن هر شکل ایچون شرف و نحس خانه سی اعتبار ایدوب منجمینک عالم عناصرده و مرکبات معدنیه و نباتیه و حیوانیه ده اوضاع فلکیه لک تأثیرینه مبنی ترتیب ایتدکری فن نجومه مقابل بولند دخی فن رملی ترتیب و ذکر اولنان اون التي شکلی جمع و ترکیب ایله اصناف موجوداتک و احوال کائناتک کشف و استخراجنه توسل ایلدیلر * لکن بطلمیوس راصد زعمی اوزره اوضاع فلکیه لک حوادث یومیه و آثار کونیه به دلالتی قدرت باهره صمدانیه ایله مخلوق اولان اجرام علویه لک اجسام سفلیه ده تأثیرینه مبنی اولوب کواکبک حرکات مخصوصه سیله حاصل و حادث اولان اوضاعنک عالم عناصرده فعل و اثرنه مبنی برامر طبیعی در اما فن رملده صحایف اوراق اوزرینه اقلام ایله مرسوم اولان اشکال موضوعه لک حوادث کونیه لک احوالنه دلالتی اصحاب فن رملک وضع و رسم ایتدکری نقوش خطیه لک و اوضاع رسمیه لک اثری اولغین قلم قدرت خالق السموات تعالی شانیه ایله صحایف افلاکده مرسوم و مرکوز اولان کواکب و نجومک اجسام عنصریه ده تأثیرینه مبنی اولان احکام فن نجومی اشکال خطیه و اوضاع رملیه ده اجرا ایتدلی دائرة تحقیقنک خارج برامر و وضعیتر * بوامرک

سماویہ دہ اعمال فکر و نظر ایلسہ عالم کون و فسادک حال و شاتی ادراک و اذعانہ
کنندیدہ برظن غالب حاصل ورتبہ فہم و فراستہ قیاس ایلہ درجہ ظن و تخمینہ
واصل اولور دیو ترتیب ایندیکی علمک قطع و یقین افا دہ سندہ قصورینہ اقرار و اعتراف
ایلسدر بزذخی انشاء الرحمن اشبوکا بزک فنون و علوم فصلندہ علم نجومک بطلاقی
و افادہ یقیندہ نقصانی بیان ایدرز و کذلک علم غیب ادعا ایدن طواپسک بعضیاری
دخی استخراج مغیبات ایچون خط رمل اسمیلہ مسمی برصنعت انتخاب ایدوب ترتیب
ایندکیری اشکالی عن اصل تم اوزرندہ رسم ایلماریلہ فن مزبوری علم رمل اسمیلہ
تسمیہ ایلدیلر صنعت رملک خلاصہ سی بودرکہ طائفہ مزبوره دردر مرتبہ اوزرینہ
مرتب نقطہ اردن مرکب اشکال عدیدہ رسم و ترتیب و اول نقطہ لری پربری تختہ
وضع و ترکیب ایدوب و هر شکلک مراتب اربعہ سندہ موجود اولان نقطہ لک زوجیت
و فردیتی و مرتبہ لریک عدد و کیتی اعتباریلہ اشکال فن رملی اون الی شکلہ حصر
ایتدیلر زیرا اشکال رملدہ مرسوم و موضوع اولان نقطہ لری زوج یا فرد اولوب یعنی
حرف مد صورتندہ کشیدہ خط اولورسہ زوج تسمیہ اولنوب یعنی نقطہ شکلندہ
مرسوم اولورسہ فرد اولور بو تقدیرجہ مراتب اربعہ رسم اولن ان نقطہ لری شوندن
خالی دکلدرکہ باجہ سی زوج یا فرد اولوب یا خود بعضی زوج بعضی آخری فرد
اولور اگر نقطہ لریک دردی دخی زوج اولورسہ انی بر شکل مخصوص اعتبار ایتدیلر
اشبو صورت کچی کہ اسمی جاعت و طبیعتی سعادیلہ نحس ارا سنده ممیز جدر و اگر
مراتب اربعہ وضع اولن ان نقطہ لریک جہلہ سی فرد اولورسہ انی دخی بر شکل اعتبار
ایتدیلر اشبو صورت کچی کہ اسمی طریق و طبیعتی سعادیلہ نحس ارا سنده متوسط
و ممیز جدر اگر درت مرتبہ وضع اولن ان نقطہ لریک جہلہ سی زوج یا خود فرد اولوب
بلکہ بعضی زوج و بعضی فرد اولورسہ بصورت دخی شوندن خالی دکلدرکہ
یادرت نقطہ نک انجق بری فرد یا قبسی زوج اولوب یا خود انجق ایکبسی فرد ایکبسی
زوج یا خود اوچی فرد بری زوج اولور اگر درت نقطہ نک انجق بری فرد
یا قبسی زوج اولورسہ بصورت دخی درت شکلہ منقسمدر زیرا فرد واقع اولان نقطہ
واحدہ یا مراتب اربعہ دن ابتدا مرتبہ واقع اولور اشبو صورت کچی کہ اسمی لجان
طبیعتی سعاددر یا خود نقطہ فرد ایکبسی مرتبہ واقع اولور بصورت کچی کہ اسمی
اسمی حمره و طبیعتی نحس اکبردر یا خود نقطہ فرد اوچی مرتبہ واقع اولور
بصورت کچی کہ اسمی بیاض و طبیعتی سعاددر یا خود نقطہ فرد دردی مرتبہ
واقع اولور اشبو صورت کچی کہ اسمی انکبس و طبیعتی نحس اکبردر و اگر
مراتب اربعہ اشکالده مرسوم و مرقوم اولان درت نقطہ نک انجق ایکبسی فرد اولوب
ایکبسی زوج اولورسہ بصورت دخی الی قسمہ منقسمدر زیرا فرد اولان ایکبسی نقطہ
یا اولکی ایکبسی مرتبہ واقع اولور بوشکل کچی کہ اسمی نصرت خارج و طبیعتی
سعاددر یا خود فرد واقع اولان ایکبسی نقطہ اوچی دردی مرتبہ موجود اولور

اصلا ندن خالی اولما زلر لکن طاعت و عبادت لری کتب شریعتده بیان اولنان شرط
 و قیوده موافق و هیچ شرعی به من کل الوجوه مطابق اولیوب حقلرنده قلم تکلیف جاری
 اولماغله نقصان و قصور اوزره اداری ضرر و یرمز * اماغلبه سودا و فساد مزاج ایله مرض
 جنونه مبتلا اولان کسدر مجاذیب و بهالیل کچی ذکر و عبادتدن بر طریق مخصوصه سلوک
 ایتمزلر (علامت ثانیه) جذبه الهیه تک ایکنچی علامتی کروه مجاذیب کهواره وجوده
 قدم نهاده شهود اولسد قلرنده بله و جذبه اوزرینه تولسد ایدوب طور لری مادر زاد
 و جذبه لری خداداد در اما مرض جنون وقت ولادتدن بر مدت مر و رند نصکره
 عواض طبیعی و تغیرات بدینه سیبله عارض بر علت اولوب قصور ادرا کده بهایمه ملحق
 اولشلردر (علامت ثالثه) جذبه تک اوچنچی علامتی کروه مجاذیب خلقک امورنده قبض
 و بسط ایله تصرف ایدوب کندیده طرف حقندن مساعده اولندیغی وجه اوزره خیر
 و شردن نفع و ضرردن نیجه افعال صادر و حقلرنده تکلیف ساقط اولغله تصرف لری
 اذن شرعه توقف ایتمز اما مجنونلرک نفع و ضرر ایله تصرفدن قدرت لری قاصر اولوب
 مجاذیب کچی دائرة عالمده خیرا و شررا امور ناسده کسر و جبره قادر دکلردر * بومخلده
 ریاضت و مجاهده واکه تابع وجد و جذبه ما حثی تمام اولوب علم نجوم و رمل کچی صنایع
 علیه و عملیه دن بر صنعت ایله کشف ضمیر ادعا ایدن طوائفک احوالی بیانته شروع اولندی
 * فصل * ناسدن بعضیلری زعم ایتمیلر که روح انسانی دائرة حس و شعوردن خروج
 ایتمکسزین صناعات علیه و عملیه دن بر علم مخصوص و صنعت معینه ایله دخی حوادث غیبیه به
 وقوف ممکن اولوب اول فنک اربابی بیسنلرنده متداول و متعارف قواعد مخصوصه به
 مراعات ایله خلقک مطلوب و مستولارنی کشف و استخراج ایدرلر از جمله طائفه
 منجمین کواکب سماویه و نجوم فلکیه تک حرکات و اوضاعنی آلات رصدیه ایله ضبط
 ایدوب بسایط سفلیه و عناصر اربعه ده وانلردن مرکب اولان معدن و نبات و حیوانده
 اوضاع فلکیه تک تأثیرینه ذاهب اولوب دیدیلر که کواکب مر صوده تک بر بر یله قران
 و مقابله لری و سایر اوضاع مخصوصه لری سیبله بیسنلرنده بر مزاج مخصوص حاصل و انک
 اثری عالم عناصره واصل اولدقده فصول اربعه تک تغیری حادث اولوب بطن خاکده
 معادنک و وجه ارضده اشجار و ازهارک و انواع حیواناتک احوالی و اطواری مختلف اولغله
 بالجله آثار سفلیه بی اسباب سماویه به نسبت ایلوب احکام فن نجومی ثبت و تحریر و کتب
 حدیده ضمننده درج و تسطیر ایلدیلر لکن مجمینک بوز عمری فاسد و رأی لری کاسد
 اولوب ترتیب ابتد ک لری مقدمات واهی و رای پرده غیبیه مستور و مکتون اولان احوال
 کائساته و امور معنیاته علم یقین افاده سنده قاصر و خطاری حسب الاتفاق اصابت لرنه
 غالب اولدیغی ظاهر و باهردر زیرا خلاصه مدعاری ظن و تخمینه مبنی و اوضاع
 فلکیه تک عالم عناصرده تأثیرینه مبنی اولوب مبانی علم و عملاری اوهن من بیت العنکوت
 بر امر و همی اولدیغی بین الثبوتدر نته کیم اصحاب فن تجمیمک رأس و رئیس لری حکیم
 بطلمیوس دیمشدر که سرعت فهم و ذکا صاحبی اولان کسنه اوضاع فلکیه و احوال

عقل معاشری ناقص ورأی و تدبیر لری فاسد در مع هذا ینه اولیای کاملین و اصغیای
 واصلین کبی ذات وصفات حقہ عارف و اسرار ربویستہ واقف اولوب قلب آکاہ
 با انبہاری قلاب عشق الہی ایلہ طرف حقہ مجذوب و منسوب اولدیغنی اصحاب کشف
 و عرفانن نیجہ کاملر نور کشف ایلہ بونلرک احوال سنہلرینہ واقف اولوب خبر
 ویر مشلدر ولکن رقبہ عبودیتلری قید تکلیفدن آزاد اولوب احکام شرعیہ
 و تکالیف الہیہ ایلہ مأمور و مکلف دکلدر و نور الہام طریقہ کشف مغیبانہ دائر
 بونلردن اخبار عجیبہ و آثار غریبہ صادر اولوب مرأت ضمیر لری کدورات نفسانیہ و علائق
 جسمانیہ دن عاری اولغله طرف غیبدن قلبلرینہ سوح ایدن ملہمات غیبیہ بی بی محابا
 نطق و تکلم ایدرر اما فقہانک بعضیلری بونلرک دائرہ ولایتہ دخوللرنی رد و انکار
 ایدوب دیدیلرکہ ولایتک حصولی طاعات و عباداتہ موقوف اولوب و مجاذیدن تکلیف
 ساقط اولغله ولایتہ اهل اولمازلر لکن فقہانک کلاملری بو بایده ضعیفدر زیرا
 ولایت و کرامت اللہ تعالیٰ حضرتلرینک فضل و کرمبلہ حاصل برحالت درکہ مراد ابتدایی
 قولہ احسان ایتکلہ مجازیدہ حصولی طاعات و عباداتہ و پرہیز و ریاضتہ توقف ایتمز
 مادامکہ انسانک نفس و روحی ایدانن علاقہ بی قطع ایتمز حق سبحانہ و تعالیٰ
 حضرتلری مواہب علیہ سندن دلہ دیکی موبہ بی اول بندہ سنہ احسان ایدر مجاذیک
 ایلہ نفس ناطقلری معدوم و فانی اولوب و جذبہ مادرزاد خدا داد لری مجازین کبی
 فساد مزاجدن نشئت ایتدیکہ زمرہ بہایمہ ملحق اولوب فیض حق قولہ اهل اولیلر
 بلیکہ بونلرک تکلیف الہی بہ مدار اولان عقل معاشری مفقود اولغله شرایع الہیہ
 و احکام ربانیہ ایلہ تکلیفدن معاف اولدیلر زیرا عقل معاش نفس انسانہ مخصوص
 برحالت و حوایج ضروریہ سنی تحصیلہ برآلت درکہ انسان انکلہ کندینک و عیبانک
 امور ضروریہ سنی کوروب و امر معاشہ دائر سائر احوالہ نظام و پروب محتاج اولدیغنی
 امورنی کسب و تحصیلہ بصیرت اوزرہ حرکت ایدر اول کسبہ کہ عالم دنیادہ نظام
 معاشنی تدبیرہ قادر اولوب امور دنیویہ دن نفع و ضرر و خیر و شرنی فرق و تمیز ایلہ
 اصلاح معاد ایچون تکالیف الہیہ بی قبولدہ کنددی ایچون عذر یا فی قائلمغله تحت
 تکلیفہ داخل اولور فعلی هذا برکسنہ نک نظام معاشدہ رأی و تدبیری مختل اولوب
 احکام شرعیہ ایلہ تکلیف و مواخذہ دن معاف و مسلم اولغله نفس ناطقہ سی ذات وصفات
 حقدن غافل اولوب کنددی ذاتی ادراکدن ذاهل اولوق لازم کلز و جناب حق و فیاض
 مطلق جل شانہ حضرتلری بعض بندہ لرنی اسرار معرفتہ مطلع قلبی اوامر
 و نواہی ایلہ تکالیف شرعیہ دن برامرہ توقف ایتمز* و دخی معلوم اولہ کہ ذکر اولتان
 مجاذیک احوالی فساد مزاج و غلبہ سو دا ایلہ بہایمہ ملحق اولان مجنونلرہ مشتبہ و ملتبس
 اولغین مجذوب الہی ایلہ اصحاب جنونک بونلرنی فرق و تمیز ایچون ائمہ محققین اویج
 علامت ذکر ایلدیلر (اول علامت لری اولدرکہ جذبہ عشق الہی ایلہ مجذوب اولان
 طائفہ ذکر و توحید جنسندن و طاعات و عبادات نوعسندن دائما برامر ایلہ مشغول اولوب

صفا تفرنی دخی مشاهده بیورد قلمی کتب سیرده مسطور در * وکذاک ملهمات
 غیبیه دن بونک برمثلی دخی بار غار شفیق ابی بکر الصدیق رضی الله تعالی عنه حضرت تری بنک
 عایشه صدیقه رضی الله تعالی عنها و صبتلری اثناسنده صادر اولشدر اصلی بویله در که
 حضرت صدیق سلاک ملک همایونلرینه منسلک بر خرما بانچه لری واریدی محصولندن
 بهر کیلی بیک فرق درهم اولوق اوزره حضرت عایشه به یتش کیل خرما هبه بیوروب
 باقی نه حاصل اولور سه بقیه ورته ایچون حفظ ایتک اوزره مرض موتلرنده حضرت
 عایشه بی وصی مختار نصب وتعیین ایدوب ورته سنی توصیه اثناسنده درج دهن
 مبارک لرندن صدور ایدن جواهر کلمات مستطاب لری سیاقنده حضرت صدیقه به خطاب
 ایدوب یا عایشه بونلرک ایکسیده سنک قز قز نداشدر کدر دیو شفقت و عطا فت ایله معامله سن
 رجا ایتدیلر مع هذا انشای وصیتده حضرت ابی بکرک عایشه صدیقه حضرت لرندن
 غیر ی اسماء اسمیله مصمی انجق بدختر سعد اختر لری اولوب هنوز بیرایه کهواره وجود
 اولمش غیر ی کریمه سی اولماغله حضرت عایشه لب جنبان تعجب اولوب دیدیکه سلطانم
 بنم قز قز نداشم انجق اسمادر توصیه بیوریلان همشیره لرمک بری دخی کیمدر دیو
 استفسار بیورد قلمیله صدیق اکبرک بنت خارجه نام زوجه محترمه لری حامل اولمغله انک
 بطننده موجود اولان جمله اشارت بیوروب دیدیلر که همشیره نک بری دخی زوجه م
 بنت خارجه نک مشبهه رجنده موجود اولان جلددر دختر اولوق اوزره قلبه لایح اولوردیو
 خبر و پر دیلر * واقعا کشف و شهود لری اوزره کندیلردن صکره بر کریمه مکره لری
 قدم نهاده مهد وجود اولوب حضرت علام الغیوب صدیق اکبری قولنده تصدیق
 ایلدی بو اثر جلیلی امام مالک حضرت لری کتب صحاح احادیثدن موطأ نام تالیف
 جلیلنده ما لایحوز النحل بابتده نقل و روایت ایلدی * و صحابه کرام وانلرک
 اثرینه اقتدا ایدن اجله اعلامدن بومقوله کشف و کرامات جلیله نک صدوری چوق
 واقع اولشدر * منقولدر که عهد سعد نبوتده اصحاب کرامدن کشف و کرامت ظهوری
 سائر اوقاته نسبتله قلیلدر زیرا رسالت پناه صلی علیه الاله حضرت لری نک حضور
 همایونلرنده مرید و طالب لری ایچون بر حال باقی قالمیوب وقت نهاده آفتاب عالمناک طلوع
 و ظهور یله کواکب سماویه نک انواری مجو اولدیغی کی طلوع نور ساطع الظهور
 نبوت ایله منبب و مریدلرک حال و شانی دخی تحت ظلال حجابده مستور اولوب دائره
 عالمده نصر قلمی قاصر اولور * حتی سادات متصوفه دیمشدر که اولیاء کرام مدینه
 منوره علی سا کنها افضل التحیه یه کلد کلرنده رتبه رفیعه ولایتده قائم ایکن کندیلردن
 کشف و کرامت خلعتی سلب اولنوب بعده روضه مطهره دن مفارقت و محل آخره
 عزیمت ایتد کلرنده بینه مقام کشف و کرامته معاودت بیوردر * الله تعالی حضرت لری
 جمله مزک قلبی انوار هدایت ایله منور ایلوب طریق حقه ارشاد ایلدی * و دخی
 درجه کشف و عرفانه واصل اولان رجالک بر صنفنه بها ایل دیرلر بونلر اول مجذوب بلردر که
 وجد و جذب لری مادر زاد اولوب طور لری عقل و جنون میاننده متوسط بر کیفیت اولغله

اولنور و جهور اهل ملت اولیاء کرامدن کشف و کرامت صدورنی تجویز ایدوب
 انکار ایتدیلر * لکن کبار اهل سنتدن استاد ابی اسحق اسفرائینی حضرت نلری
 و متأخریندن ابو محمد بن ابی زید المسالکی مجزه نك کرامته التباسی محذورینه بنساء کرامات
 اولیای انکار ایتدیلر اما قول منصور ورأی صحیح جهور متکلمین مذہبدر که
 کرامات اولیا نك صحتنه ذاهب اولوب دعوائی نبوته مقارنت و تحدی ایله مجزه بی
 کرامتدن فرق ایتدیلر * و دخی خبر صحیحده وارد اولدیکه حضرت سید
 الکائنات علیه افضل التحیات حضرت نلری صحابه کرامه خطاب ایدوب
 سعادت ایله بیوردیلر که اصحاب سزک ایچکرده ظن و تخمین صادق امور
 غیبیه ده کلامی واقعه مطابق اولوب انلرک بری دخی عمر بن الخطاب بدر دیو
 صحابه کرامدن اصحاب کشف و کرامات وارباب وجد و حالاته اشارت بیور دیلر واقعا
 کلام حکمت نظام نبوی اوزره اصحاب کزین رضوان الله تعالی علیهم اجمعین
 حضرت نلرینک اذن حق ایله اطلاع مغیبات و اظهار کرامات ایله عالمده تصرفلرینه دلالت
 ایدر نیجه آثار معروفه و وقایع مشهوره لری کتب سیرده مسطور اولوب از جمله
 خطیب منبر صدق و صواب فاروقی منبع الجناب عمر بن الخطاب رضی الله تعالی عنه
 حضرت نلری عهد خلافتلرنده مدینه منوره ده منبر شریف اوزره خطابتلری اثنا سنده
 بلاد عراقده محاربه مشرکین ایچون طرفلرندن قائد الجیش زمره موحدین اولان ساریه
 بن زینم حضرت نلرینه یاساریه الجبل خطایله علی رؤس الاشهاد ندا بیوردقلری
 خصوصدر * اصلی بویله در که خلیفه ثانی عمر بن الخطاب رضی الله تعالی عنه
 حضرت نلری ایام فتوحات اسلامیه دن زمان با امان خلافتلرنده ممالک عراقی مجمهده قطع
 عرق فساد و محاربه اهل کفر و عناد ایچون بعثت و ارسال ایلدکلری عساکر موحدین
 اوزرینه رؤسای صحابه کرامدن ساریه بن زینم حضرت نلرینی قائد الجیش نصب و تعیین
 بیوروب طرف عراقه ارسال ایتشلر ایدی ساریه دخی فرموده خلیفه نبی اوزره شیر
 دلان اهل اسلام ایله محل مأمورده ضرب خیام ارام و لشکر منحوس محوس انجم ایله
 محاربه به قیام ایدوب طرفیندن مقارعه سیوف و مصادمه صفوف ایله محاربات اکیده
 و صدمات شدید جریاندن صکره ابتلاء من الله زمره مشرکین جنود موحدینی محاصره
 و تضییق ایتکله بهادران اهل ایمان مضطرب الحال و متکسر البال اولوب حصن حصین
 عون حفه توکل و جناب حی لایمونه توسل ایتدکلری اثنا ده صورت حال طرف غیب
 لارییدن عمر بن الخطاب رضی الله تعالی عنه حضرت نلرینک قلب آگاه و ضمیر با انبیا هلرینه
 کشف و عیان و او تو زقوناق مسافه بعید محلده واقع اولان احوالی مدینه منوره ده
 منبر شریف اوزرنده شمس تابان مشاهده بیورملرله لشکر موحدین مبتلا اولدقلری
 و رطه هولنا کدن خلاص اولتی ایچون موضع حرب و معرکه قتالده واقع جنود موحدینه
 قریب برجله تحصن و التجا ایتک اوزره ساریه به خطاب ایلدیلر ساریه حضرت نلری
 دخی حضرت فاروقک کلام راحت انجمنی استماع ایدوب و بشخصه ذات کروبی

ایچون عنان فکر و همتاری. دائماً طرف حقّه معطوف و شهوات نفسانیه و علائق
 جمعاً نیه دن بالکلیه مصر و قدر و بومعشر کرامت ریاضت و مجاهده لری دائماً جمع
 خاطر ایله کثره جوعه محصور اولوب بلکه شب و روز کلبانک ذکر و توحید دخی
 مشغول اولوب بوغدای روحانی ایله غدای جسمانی بدن مستغنی و انوار اسماء و صفاتله طریق
 حقّه مهتدی اولورل زیرا ریاضت و مجاهده ذکر حقّه مقرون اولدوقده آینه قلبه جلا
 و مرآت روحه صفا و برمکله لوح نفسده انوار عرفان علی وجه الکمال منکشف و منجلی
 اولور * اما اول ریاضت که متابعت نفس و هوا به مقرون و شرور نفسانیه و فساد
 شیطانیه به مقارن اولوب ذکر حقندن و عقاید صافیة ایمانیه دن پری اوله
 اول ریاضت ریاضات رهبانیه و حیل شیطانیه دن معدود اولوب مقبول و معتبر اولماز
 و سادات صوفیه نیک آینه قلبرینه کشف و الهام طریقله سنوح ابدن علوم غیبیه و خارق
 عاده صدور ایدن کرامات جلیله مطلوب و مقصود لری اولوب بلکه مقصد اقصا
 و مطلب اعلا لری انجیق استفاضه اسرار توحید و عرفان و متابعت رسول آخر الزمان
 علیه افضل الصلوات اولغله انشای توجهد طرف حقندن افاضه و اکرام طریقله
 مغیباته واصل و نیجه کرامتله نائل اولمشلردر اکرام سادات صوفیه نیک سلوک
 و ریاضتدن غرض لری انجیق اظهار کشف و کرامته مقصور اولیدی روی توجهد لری
 قبله صدق و اخلاصدن منحرف و عنان همت لری کر بویه شر و فساد منصرف
 اولوب سرمایه لرینه کسر و نقصان و تبحار لرینه نقش خسران ترتیب اتمکله سعاری
 هبا و عمل لری هوا اولوردی فحاشاهم عن ذلك زیرا اول طاعت که خالصا وجه الله
 اولوب آنده معبود حقیقی نیک غیری مطلوب اوله اصحاب شریعت قننده مردود
 و انواع شرکدن معدود در حتی بعض محققین دیمشردر که برکسه مجرد تحصیل
 مایه عرفان و مغیباته علم و اذعان ایچون طریق ریاضته سلوک ایلسه اصحاب حقیقت
 قننده سعی باطل و شریک باری به و اله تانی به قائل اولمش اولور زیرا بو صورتده
 فعل و عملی اخلاص نیته مقرون اولوب قصد و غرضی معبود حقیقی نیک غیری امره
 تعلق اتمکین ساحت قلبی چرکاب شرک خفی ایله ملوث اولور بناء علی هذا
 سادات صوفیه نیک صحیفه حال لری نقش ماسوا دن پاک و مرآت ضمیر لری انوار هدایت ایله
 تابناک اولوب مقصد اقصا و مطلب اعلا لری انجیق ذات پاک حقّه انساب و معبود حقیقی دن
 غیری نسنه دن اجتنابدر * اکرام انشای توجهد کنندیلردن کشف و کرامته
 متعلق بعض حالات سنیه صدور و ظهور ایدرسه دخی کنندیلرینک مطلوب
 و مقصود لری اولوب عنایت ربانیه ایله اجلا لامن عند الله انلره احسان اولمشلدر
 و اولیاء کرامدن چوق کسنهل اظهار کرامتدن فرار ایدوب قصد و غرض لری تعلق
 اتمکله اعتبار اتمشلردر و نیجه لرندن کرامات جلیله دخی صدور ایدوب کتب
 مناقبه مسطور و مذکوردر و اصحاب ولایتک خاطر لرینه سنوح ابدن علوم غیبیه به
 کشف و فراست نسیمه اولوب و طور عاده مخالف تصرقلرینه کرامت اطلاق

قتله اولجا بره نك وخامت عا قتلرينه وسوء حاللرينه دلالت ايدر. بعض كلام سويلديلر
 ودخى مسله بن احمد مجريطى غايه الحكيم نام كتابنده ذكر ايتديكه بر كسه يى دهن
 شير وغن ايله مملو بر كوك ايجه وضع وقرق كون مقدارى زمان انده حبس ايدوب خدا سنى
 جوز وانجيره قصراتسه لر مدت مزبوره ده اول شخصك لحم وشحمى زائل واجزاي
 بدنيه سندن انجق اعصاب وعظامى واستخوان رأسى باقى قلوب بعده اول شخصى كوپدن
 طشره چيقاروب هوا طوقنور بر محله بدتى تجفيف اتسه لر اول كسه كنديدن سئوال اولسان
 احوال عالمدن وعامه و خاصه نك امور نندن جوابه قادر اولوردى بو ذكر اولسان حكايه
 سحره نك افعال منكره نندن بر فعل مكره اولوب لكن خلقت بشرده وعالم انساننده
 ظهور ايدن آثار عجيبه واسرار غريبه به دلالت ايتكله ذكر اولندى * وينه اطلاع
 مغيبه وسيله اولان اسباب عاديه نك برى دخى پرهيز و رياضت اولغله بعض كسنه لر
 بو طريقه سلوك ايدوب اكل وشربده پرهيز و خلوتده ملازمت و رياضت و مجاهده به
 مداومت ايله نفسلرنى هوا و هوسدن وطبعلرنى مشتبهات انفسدن منع ايدر لر و بونلر
 امر مجاهده ده شول مرتبه مبالغه ايدر لر كه قوه شهويه و غضبيه لرنى وسائر قواى
 بدنيه لرنى موت طبيعى حلونندن مقدم كندى قصد واختيار لر ايله امامه واقف ايدوب
 لذايدن نفسانيه ودواعى جسمانيه دن كنديلرده برداعيه قلوب عالم دنيا ده موتى كروهنه
 داخل اولور لر * و يقينا معلومدر كه سفينه بدن تلاطم امواج موت ايله خراب واشيانه تن
 صدمه هادم اللذاتله مائل تراب اولوب مرغ روح قفس تندن عالم معنياه طيران ايتد كده
 مشاهده فضاي لاهوته حائل اولان پرده سياه رنگ حس و خيال بر طرف اولغله روح
 انساني كندى ذاته عالم وعارف ونشئه اخراجه عالم ارواحه واقف اولديغى كچي اصحاب
 رياضت نشئه اولنده وتكنناى حيات دنيا ده رياضات شاقه و مجاهدات متعبه ايله قواى
 جسمانيه لرنى امامه ايلوب حلول اجل موعود ايله نفاذ نقد معدود عمر محدود نصكره برزخ
 قبرده ظهور ايدنه حك امور روحانيه ومعارف نورانيه نك حصولنه طالب واحوال مغيبه
 اطلاع راغب اولور لر * معلوم اوله كه رياضت و مجاهده طريقه اسرار غيبه وقوف
 ادعا ايدن طائفه دخى ايكي صنف اوزر ينه واقعدر بر صنفى طائفه خبيثه سحره در كه
 بونلر ك پرهيز و رياضتدن غرضلرى انجق امور دنياه دنويه واحوال خسيسته شيطانيه
 تحصيل اولوب مغيبه وقوف و اطلاع ايله دائره عالمده تصرفات سحره به اجر اسنه
 رياضتى آلت ايتشلردر بونلر ك اكثرى طرف جنوبده اولكي ايكنجى اقليم ايله جانب شمالده
 التنجى بدنجى اقليمده ساكن اولوب خصوصاً بلاد هنديه ده بو طائفه دن چوق كسنه لر
 موجوددر كه انلره لسان هنديه طائفه جو كيه اطلاق ايدر لر وسحره دن بو طائفه
 تحصيل اعمال سحره به ايچون رياضتلى كيفيته متعلق كتب كثيره تأليف ايدوب افعال
 سحره به دن عجيب وغريب اثرلر نخر ايتشلردر * اما اسادات متصوفه نك پرهيز و رياضتدن
 قصد و غرضلرى تحصيل انوار يقين و تكميل مراسم دين مابين اولوب مطالب دنياه دنويه به
 ميل و محبتدن مبرادر بلكه تحصيل لذت ذوق عرفان و ادراك حلاوت توحيد و ايمان

اثواب کبی بونک دخی اعضا و جوارحی بریره جمع اولسوب زنبیل کبی برطرفه وضع اولنوردی
 شق ایله سطحی حفته ذکر اولنان حکایات مشهوره دندرکه بونلر رجال عربدن ربیعه بن
 نصر نام کسنه تک کوردیکی رژیایی تعبیر و تأمل ایدوب حبشه تک دیار بمنه مستولی اوله جفتی
 و بونلردن صکره قبائل مضرک ملک و سلطنتی و قبیله قریشده نبوت محمدیه و رسالت
 احدیه علیه افضل النجیه تک ظهورنی خبر و بر دبلر * و کذلک شب میلاد نبی علیه
 السلامده اکاسره بمحمدن برینک زماننده دین مجوس اولورلردن برمودان مخموسک
 کوردیکی واقعه مشهوره بی کسرای عجم عبد المسیح نام برکسنه و ساطتیه دیار شامده
 سطحی کاهنه عرض اندکده سطحی دخی آفتاب عالمتاب نبوتک افق غیبدن طلوع
 و ظهورنی و ملک فارسک حوزه تمخیر اهل اسلامه دخولنی خبر و بر دیکی مشهوردر
 و کذلک قبائل عربده کهنه کبی عراقلر یعنی مجرد تسلیط فکر ایله غیبدن خبر و برن کسنلر
 دخی کثیر اولوب شعرای عرب انلری شعرلر زده ذکر ایتمشلردر از جمله عرب شعر اسندن
 بری یمامه شهرنده بر عراقدن در دینه دوا طلبیه بو پیتی انشاد ایلدی

* فقلت لعراف الهمامة داوئی * * فانك ان داوینتی لطیب *

وینه برشاعر آخر بلده یمامه عراقلردن رباح بن عجله ایله نجد و لایتی عراقی ابلق اسدی به
 خطاب ایدوب دیدیکه

* جعلت لعراف الهمامة حکمه * * و عراف نجد ان هما شفیانی *

* فقال شفاک الله والله مالنا * * بما جلت منک الضلوع بدان *



خوای بیت شاعر من بورکندینک بر خصوصنده یمامه ایله نجد عراقلردن شقای صدر
 و بره جک بر حکم طلب ایدوب انلردخی شاعرک مسئولنه اسعاف و مطلوبونه جوابده عجزلرنی
 بیان ایدوب بو امرک حصولنی حضرت احکم الحاکمین جناب رب العالمینک حکم و تقدیرینه
 احاله ایلدیلر دیو شعرنده حکایه ایلدی * و دخی مغیباته اطلاع و سیله اولان اسباب
 عادیه دندرکه بعض کسنلر هنوز نومه شروع ایدوب خوابه واردقلری وقتک ایتدالزنده
 لسانلردن بعض کلمات صادر اولورکه مراد و مقصودلری امرک حصولنه دلالت ایدوب
 مطلوبلری اولان معنا عالم ارواحدن قلبلرینه سنوح و قصد و اختیار سز نطق ایدرلر
 لکن انسانه بو حالت اوائل خوابده نومه مستغرق اولوزدن مقدم حاصل و نطق و تکلمه
 قدرت و اختیارلری ساقط اولدینی ائنده واقع اولوب کویا نطق و تکلمه مجبول و مضطر
 اولدینی حالده تکلم ایدر مع هذا سو یلدیکی نسنه بی قولاغبله ایشیدوب و معناسنی دخی
 فهم ایدر و کذلک رأسلری قطع یا بعض اعضاری جرح اولمغله قتل اولنان کسنلرک
 بعضیلرندن دخی رأسلری بدنلردن و اعضاری بر بردن مفارقت ایتدیکی ائنده مغیباته
 دائر بعض کلمات صدور و واقعه ظهور ایلدیکی دخی منقولدر * حتی ظلمه و جباره دن
 بعضیلری حفته مسموع و منقولدر که بونلر زنده نلرنده محبوس و مسجون اولان بعض
 کسنلرک حین قتلده لسانلری اوزره جاری اولان کلماتدن کندی عواقب امورلرینک
 کیفیتنی استعلام قصدیه نیجه کسنلری قتل ایلدیلر مقتوللرک بعضیلری دخی اثنای

و شعور دن بالکلیه چقبوب عالم ارواحه واصل اولور * و بواسطه بعض وقتسه ارواح علویه بی مشاهده ایدوب آینه ذاتیه صور غیبیه دن بعض امور منعکس اولدقدنصرکه بینه عالم حسه عودت ایلوب قوه خیالیه سی اول معالده ترکیب و تحلیل ایله تصرف ایدر وقت اولور که بو حالت حاصل اولدقدن مشاهده ایتد کلری امور غیبیه بی من غیر قصد لسانلریله دخی نطق ایدر * لکن بو ذکر اولنان طوائف کهنه و مجانینسک کلاملری صدق و کذب ایله ممتزج و صواب و خطا ایله مختلط اولوب خبر و یرد کلری کلامک جمله سی واقعه مطابقت دکلدر زیرا بونلر دائره حس و شعور دن خروج ایدر سه دخی بونلرک عالم ارواحه وصول و مغیباته علم و وقوفلری نفوس قدسیه انبیا و اولیا کبی بلا واسطه خود بخود کندی ذاتلریله حاصل اولوب بلکه اصناف کهنه ده نظر مرآت و عظام حیوانات مقوله سی و مجانینده فساد مزاج و مقارنت شیاطین کبی ذاتلرندن خارج آلات اجنبیه و ملا حظات غریبه استعانتلله حاصل اولغله نفس و روحلری توسل و تخیل ایتد کلری امور ایله مشغول اولوب حقیقت حالی کرکی کبی ادراکده قاصر و کلاملرنده کذب و خطا ظاهر اولور * و دخی مغیباتدن خبر و یرن طوائفک بری دخی عرفلردر بو طوائفه دخی علوم غیبیه به وقوف ادعا ایدوب لکن نفس و روحلرینک کهنه و مجانین کبی عالم ارواحه اتصالی قوی دکلدر بلکه بونلرک حال و شانی توجه ایتد کلری امره انجیق فکر و ملاحظه لری تسلیط ایدوب برمدت تأمل و تخیلد نصرکه خاطر لری نه خطور ایدن نسنه بی خلقه اخبار وطن و تخمین ایله جواب و یررل کو بازم فاسد لری اوزره بونلرک نفس ناطقه لری هر نه مقوله امره توجه و جمع خاطر ایله تفکر ایلسملر جناح فکر و خیال ایله عالم ارواحه پرواز ایدوب اول امرک حقیقتی ادراک زعمیه مغیباته وقوف ادعا ایدرلر مع هذا دعوازی باطل و حلیه وثوق و اعتماد دن عاطلدر بوانه دک ذکر اولنان کلامن ایله غیبیه وقوف ادعا ایدن طوائفک حال و شانی تحقیق و هر برینک مسلك و مراملری تفصیل اولندی * وائمه فن تاریخدن امام مسعودی مروج الذهب نام تألیفنده بو طوائفک احوالی بیان سیاقنده نیجه کلمات ذکر ایدوب لکن کلامی دائره تحقیقندن بعید در کلامندن ظاهر در که علوم و معارفده قدم همتی راسخ اولوب طریق تحقیقده راجل واهل و نااهلندن مسموعی اولان کلامی ناقلدر و دخی طوائف کهنه و عرفلر حقیقده ذکر ایتدیکم احوال ثابت و بونلرک مغیباته وقوف و ادعای دائره عالمده موجود اولوب حتی قبائل عرب بر بر لریله خصومت و غلبه ده و عواقب امور لری بیلتد کده کاهناره مراجعت ایدوب انلر دخی مطلوب و مسئولرینک احوالنه دائره و یرد کلری جوابلر کتب اهل ادبده مذکور و مسطور در از جمله عهد اسلامدن مقدم زمان جاهلیتده کهان عربدن فن کها تنده مشهور اینکی کاهن واریدی بری انبار بن نزار قبیلله سندن شق اسمیله مسمی اولوب و بری دخی مازن بن غسان قبیلله سندن سطح نام کاهن ایدیکه بونک اعضا و جوار حنده قطعاً عظم و استخوانی اولوب انجیق رأسنده جرم دماغی محیط اولان جسمه بد کلری استخوان موجود اولغله دوشریلوب بوغجه به وضع اولنان

انواع طيور دن بر قوش يا خود بر جانور سنوح و ظهور ايتد كده آكه اعمان نظر ايله باقوب
 و مغايله لرندن غائب و منصرف اولنجه اول حيوانا نك اوضاع و اطوارنده نيجه زمان
 فكر و تأمل ايتد كده نصكره مغيبانه متعلق بعض اموردن خبر و بررلر بوطريقه نوسل ايله
 واقع اولان كهانت نفوس انسانيه نك بعض پسنده موجود بر قوت و خاصيت در كه مشاهده
 و قال ايتديكي طيور و حيوانا نك اعضاسنه يا اصواتنه سمع و بصرتي توجيه و تسليط ايله
 فكر و تأمل ايتاسنده فطرت و خلقتنده موجود اولان خاصه كهانت ايله نفس ناطقه سي
 طلب ايتديكي نسنه به سر يعا انتقال ايدر و اصناف كهنه دن بوطائفه نك دخي ذكر
 اولنديغي اوزره بطن اوسط دماغده موجود اولان قوه مخيله لر ي بغايت قوي اولغله
 بونلر قوه خبايه لرني كوردك لر ي حيوانا نك اعضسا و اصواتنده و اوضاع و اطوارنده فكر
 و تأمله سوق و تسليط ايدوب نفس لرني بوطريق ايله سائر محسوساتدن اشغال ايتلر ايله
 ككند يلردن كچوب نفس و روح لر ايله طلب ايتدك لر ي امر ي ادر اك و اذعان ايدر لر
 * نته كيم انسان ي نومده حواس ظاهره نك حس و ادرا كاني زائل اولوب روح حيواني
 داخل بدنه توجه ايتد كده نفس ناطقه بر لحظه عالم غيبه سفر و آنده بلا واسطه كند ي
 وجدانيله نيجه معارف غيبه به واصل اولوب ينه عالم حس و خبايه عودت ايتد كده
 نفسك اخذ ايتديكي علوم كلييه بي قوه مخيله ينه بر مثال جزئي صور تبليه تمثيل ايتكله
 اسرار غيبه و احوال كونه متعلق نيجه رؤيا ز ظهور ينه قوه مخيله واسطه اولديغي كچي
 كاهنلر ك دخي قوه خبايلد لر ي نفس ناطقه ايله قواي حس ظاهره شي بدنه و محسوسات
 جزئيه ايله معقولات كلييه ميانته توسط ايدوب خارجه مشاهده ايتدك لر ي طيور و سباعك
 احوالتي قوه مخيله لر ايله تحيل ايدو رك نفس ناطقه لر ي عالم خيال دن عالم غيبه منتقل
 و صور غيبه دن نيجه علومه واصل اولور لر * اما مجنونلر ك بعض مغيباتدن خبر لر ي
 بو وجهله در كه بونلر ك مزاج لر ي درجه اعتدال دن خارج و فاسد اولوب و قلب دن دماغه
 صعود ايله نفس ناطقه انسانيه نك بدنه حس و حركت ايله تصرفه آلت اولان بخار لطيف
 نوراني و روح حيواني لر ي سست و ضعيف اولغله بونلر ك نفس ناطقه لر ينك بدن لر ينه
 علاقه سي قوي اولوب حس و شعور لر ي مختلدر ز بر امراض جنون اخلاط دمويه و صفراويه
 و سوداويه دن بر خلطك احتراقيله حاصل بر علت سوداويه در كه ماده جنون اولان خلط
 محترق بونلر ك جوهر دماغ لر ينه واصل اولوب جرم دماغك ظاهر و باطننده موجود اولان
 آلات حس و شعوري ابطال و الم واضطراب نفس لرني اشغال ايتكله بونلر ك روح لر ي
 شواغل بدنيه و محسوسات جسمانيه ايله عقلا كچي مشغول و مستغرق اولوب عقلايه نسبت
 مشغله لر نده خفت مقرر در بعض كره بونلر ك ارواح شياطينيه دن بر روح خبيث دخي
 مستولي اولوب نفس ناطقه لر ي دفع و منعدن عاجز اولغله اول روح خبيث ابدان مجانيه
 كند ي روح لر ينك كر كي كچي تعلقنه مزاجه و ممانت ايدوب جوهر عقلا ك عبار ي ناقص
 اولور بناه عليه روحاني و جسماني بوايكي مانعك بر ايله ارواح مجانيك جسم و بدن لر ينه
 علاقه سي ضعيف و حس و شعور لر ي سست و مخيف اولدقده وقت اولور كه دائره حس

قوه متخیله ری بغایت قوی اولغله کنسیدلردن پرده حجاب حسی رفع ایدوب عالم غیبیه
 توجه ایتمکده لسانلریله نطق ایتدکلری ایبات و اشعاردن غیری امر آخر ایله استعانتیه
 محتاج دکلدردر اما اجسام شفافه به نظر ایله غیبدن خبر ویرن کاهنلر حواس خمس
 ظاهره دن جله تک اشرفی اولان قوه باصره ایله اجسام لطیفه دن آینه لره مدت مدیده
 نظر ایله کنسیدن کچوب عالم ارواحدن نفسلرینه ورود ایدن امور مضیباتی خلقه خبر
 ویررلر کهنه تک بوصنی ادراک مغیباته ذاتلرندن خارج اجنبی اکثره محتاج اولدکلری
 جهتدن ایبات شعریه ایله توسل ایدن کاهنلردن مرتبه لری دون وادنی اولمشدر چوق کره
 ظن اولنورکه بو طائفه تک کوروب خبر ویردکلری اشیا مقابله نظر لرنده واقع اولان آینه لره
 موجود و دیده لریله مشاهده و معاینه ایتملریله خبر ویررلر دیلر لکن حقیقت حال خلقک
 ظن و تخمین کی دکلدردر بلکه اصناف کهنه دن بو طائفه قارشولرنده واقع اولان آینه لره
 برنجیه زمان تحدیق بصرا ایله شول مرتبه نظر ایدرکه آینه نظر لرندن غائب و مرآت ایله
 میانلرنده غم نام رقیق کی بر حجاب لطیف ظاهر اولوب اوغلامده بعض اشکال عجیبه و صور
 غریبه پیدا اولغله انلری تماشا ایتدکلرنده اول صوره نالیه توجه ایتدکلری امورک
 احوالنه اشارت و مطلوب و مراملرینک واقعه حصول و عدم حصولنه دلالت ایدوب
 بعده کنسیدلر کلوب مشاهده ایتدکلری وجه اوزره مطلوب و مقصود لرندن خلقه خبر
 ویررلر ❁ اما بو ائشاده نه آینه یی و نه آنده مشاهده ایتدکلری صور دن بر صورتی معاینه
 ایدر مبوب بلکه ابتدای تو جه لرنده مقابله لرینه وضع ایتدکلری آینه به نظر ایدرک
 دائرة حسدن خروج ایتدکلرنده مطلوب بلری اولان نسنه به متعلق نفس و روح لرنده بر عالم
 و عرفان حاصل اولوب بعده عالم منامده مشهود اولان رو باحالی کی نفس ناطقه لری عالم
 ارواحدن اخذ ایتدیکی معانی غیبیه بی قوای دماغیه دن قوه متخیله و حس مشترک عرض
 و تزییل ایتدکلرنده مرآت ایله کنسیدی یینلرنده حائل اولان پرده حجابیه مشاهده ایتدکلری
 صور مشالیه ضمنده حس بصرا ایله دخی معاینه ایدوب خلقه خبر ویررلر ❁ و كذلك
 استخوان و کبد کی بعض اعضای حیوانیه به نظر ایله خلقک مطلوبیندن خبر ویرن
 کهنه تک حال و شانی دخی طشت و مرآت باقوب جواب ویرن طائفه کبدر ❁ و دخی
 مشهودمز اولمشدر که طوایف کهنه دن بعضیلری مشاغل حسیه و شواغل بدیه یی
 کنسیدلردن رفع ایچون انجق اجزای مخصوصه دن معمول بخور استعمالیه دماغلری
 تخیل ایدوب بعده عالم حسدن طرف غیبیه وصوله استعداد کسب ایتمک ایچون افسون
 مقوله سی بعض کلمات و اسما ایله مشغول اولوب قلبلرینه لایح اولان نسنه بی اخبار ایدرلر
 و دخی بو طائفه اوله زعم ایدرلر که بونلر ائشای عزیمتده جو هواده صور غریبه مشاهده
 ایدوب توجه ایتدکلری امرک کیفیتنی مشهودلری اولان صور بونلره رمز و اشارت ایله بیان
 ایدرلر و بو طائفه تک درجه کهناتده قوتلری مرآت و عظام حیوانانه نظر ایله جواب
 ویرن طائفه به غالبدر و دائرة عالمده بو مقوله عجیب و غریب آثار و افعالک اذن حق ایله
 وجودی مستبعد دکلدردر ❁ اما طوایف کهنه دن اهل زجر اول طائفه درکه حسب الاتفاق

بوسیدن ناشی در که اطفال و صبیان نه اثنای نومه و نه حال یقظه ده کشف و رؤیا
 جهتیه یا خود طریق آخر ایله نفس و روح لرینک مستعد اولدیغی علم و ادراکی فعله
 کنورمکدن عاجز در زیرا جوهر نفسی تکمیل ایدن صورت علم و کمال زمان صباه هنوز
 موجود اولسا مغله ذاتلری نقصان و قصور اوزره حاصل ورتبه کماله واصل اولما مشدر
 * اما انسانک نشو و نماسی مبلغ کماله واصل و جوهر ذاتی علوم و معارف ایله کامل
 اولدقدن صکره مادامکه حلول موت ایله روحلری جسم و بدنن علاقه بی قطع ایتمه
 نفس ایچون ایکی در لو ادراک حاصل اولور * بر نوعی جسم و بدنه موجود اولان سمع
 و بصر ایله و سایر آلات ظاهره و قوای باطنه واسطه سیله تحصیل ایتدیگی حس و تخیلدر
 * بر نوعی دخی انسانک نفس و روحی بلا واسطه مجرد کنددی ذاتیه طرف غیبیدن اخذ
 ایتدیگی ادراک روحانی و شهود نفساندر که نفس ناطقه قوای حسیه واسطه سیله کسب
 ایتدیگی علایق بدنیه به منهنک و مشغول اولغله بو ادراکدن محجوبدر زیرا انسان ابتدای
 خلقتنده آلات ظاهره و باطنه ایله تحصیل ایتدیگی ادراک جسمانی ایله مألوف اولغین
 حواس بدنیه نفسی دائماً باطندن ظاهره جذب ایدوب مشتهیات انفسی تحصیله سوق
 ظاهر دن باطنه میل و توجه سدا اولور * لکن کاهیجه دخی نفس ناطقه ظاهر دن باطنه دخی
 متوجه و پرده حسی و حجاب بدن بر لفظه مرتفع اولوب سر پرده غیبده مکتون اولان
 علوم روحانیه بی ادرا که موفق اولور اثنای نومه ظهور ایدن رؤیای صادقه کبی که
 هر کس ایچون مبسر در یا خود نوع بشرک بعضیلرینه مخصوص اولان خاصه ذاتیه و قوه
 نفسیه ایله حاصل اولور قوه که هانت ایله غیبیدن خبر و یرن کاهنلر کبی یا خود اصحاب
 تصوفدن برهیز و ریاضت طریقله ظهور ایدن اخبار عجیبه و آثار غریبه کبی و بو حالانک
 جمله سنده نفس ناطقه کنددی فوقنده موجود اولان روحانیات ایله مناسبت کسب ایدوب
 طرف غیبیدن کندویه بعض معارف افاضه و اعطا اولنق طریقله حاصلدر و روح
 انسانی کنددی ذاتیه عالم معنادن اخذ ایتدیگی معارف غیبیه بی بطن دماغده موجود اولان
 قوه متخیله به عرض ایدوب اولدخی اخذ اولنان معنای کلی بی مثال جزئی ایله تخیل یا خود
 اولغنا به مناسب بر قالبه سبک و افراغ ایتدکدن صکره آلات دماغه دن قوه حس مشترک
 تسلیم ایدوب اخذ اولنان معنای عینی یا خود متخیله نک سبک ایتدیگی قالی مشاهده ایتکله
 صاحبی اول امری خلقه اخبار ایدوب بمجمله ده نفس ناطقه انسانیه نک ادراک مغیبه
 استعدادنک شرح و بیانی تمام اولوب حالا وعد سا بقهر اوزره غیبیدن خبر و یرن طوایف
 بشر دن هر طائفه نک حال و شاتی بیانه شروع اولندی * معلوم اوله که مرآت مصفا
 و طشت مجلا مقوله سی اجسام لطیفه به و حیوانات اعضا رینه نظر ایدنلر و بقله و بغدادی
 مقوله سی حبوب القاسیه فال آچنلرک جمله سی ایات منظومه انشادیه غیبیدن خبر و یرن
 که هان قیلندندر * لکن اصناف که هاندن مرآت امثالی اجسام شفا فیه و سطوح
 مجلا به نظر ایدن که هانه نک رتبه که هاننده قوتلری ایات منظومه استعانتیه غیبیدن
 خبر و یرن کاهنلر دن اضعفدر زیرا کلمات شعریه ترتیبیه اجرای که هانت ایدن طائفه نک

و کواکب ریشه نظر ایله جواب و پرر بر صنی دخی اهل زجر در که برینچی جانور در دن
 و طبور دن بر حیوانه مصداق اولدوقده بعض اوضاع و اطوار ندن و آواز و صدا سندن
 بر امرک حدوثنه استدلال ایدرلر و بونلرک بر صنی دخی اهل طرق در که سحنک و حجر
 یا حبوب اتواعدن بغدادی و چکر دک ایله فال آچوب سؤال اولسان امور دن خبر و پرر
 طوایف مذ کوره نک جمله سی دائره عالمده موجود و هر کسک معلومی اولوب بر فرد بونلرک
 وجودلری انکاره قادر دکلدن و كذلك السنه مجازیدن کشف مغیبا نه دار نیجه کلمات
 صادر اولوب اموراتیه دن خبر و پرر و كذلك ابتدای ظهور نموده نائمک لسانی
 اوزره بین النوم والیقظه غیبه متعلق نیجه کلمات جاری اولوب وموته مشرف کسنه نک
 دخی حین احتضارده لساندن بعض کلمات صدور ایدر که خار جده عینی ظهور ایدر
 و طوایف صوفیه دن پر هیز و ریاضت اصحابی چوق کسنه فیض الهام طریقیه مغیبا نه
 واقف اولوب کشف و اخبار ابتدکاری امورک وقوعه کلسدیکی معروف و مشهور در
 * حالا بر طوایف مذ کوره نک اصنافدن هر صنفک حال و شانلری وتلقی غیبده سالک
 اولدقلری طریقلرک یاننه شروع ایدوب ابتدا اصحاب کها تی بعده علی حده علی حده
 اصناف سائر نک احوالی علی الترتیب تحقیق و تفصیل ایده رز * لکن بویانندن مقدم
 طوایف مذ کوره نک نفوسی ادراک غیبه نه وجهله مستعد اولدقلری بیان ایچون بر مقدمه
 بسط و تمهید اولوب بعده اصناف مذ کوره نک حال و شانلری یاننه شروع اولنور
 * مقدمه * بوندن اقدم ذکر و تحقیق اولندیغی اوزره انسانک نفس ناطقه سی جسم
 و جسمانی اولیوب بلکه رؤیت بضر ایله محسوس و مرئی اولیان ارواح ملکیه و نفوس
 فلکیه کی بر ذات روحاندر لکن علم و کمال و سائر افعالی آلات و قواسنی محسوساتده استعمال
 و استخدام ایله علی التدریج کسب و تحصیل ایدوب بو وجهله ذاتی تکمیله محتاج اولغله
 ارواح علویه و ملائکه کر آمدن ممتاز اولمشدر و هر امر موجود که آثار علم و کمال و افعال
 و اعمالی ابتدای خلقنده دفعه حاصل اولیوب بلکه مستعد اولدیغی کالاتک کسبیده
 حصولی ازمنه عدیده ده تدریج و ترتیب ایله کسب و تحصیل منوط و نیجه اسباب و شروطه
 موقوف و مر بوط اوله اولشی موجود فطرت اولی سندن کندیدن مطلوب اولان آثار
 کالیدن خالی ماده مرتبه سنده برشی هیولانی در که علی التدریج مبدأ فیاض جل شانه
 حضرتلرندن مستعد اولدیغی صورت لایقه کندوبه فیض و اعطای اولدوقده جوهر ذاتی
 کامل اولور * كذلك روح انسانی دخی مشبه رحمد ایدان مخصوصه دن برید نه تعلق
 اشد کده مستعد اولدیغی کالات علمیه و عملیه بی کسب و تحصیل و تدریج ایله ذاتی تکمیل
 ایدوب صور معارف ایله آینه ذاتی منور اولور بو تقد بر چه نفس انسانی بو ما فیوما
 آلات بدنییه و قوای ظاهره و باطنیه سنی استعمال ایله محسوسات جزئییه بی حس و ادراک
 ایده رک موجودات خارجیه نک معانی کلبه سنی دخی علم و ادرا که کسبیده قدرت و تحصیل
 ایدیکی علوم و معارفی علی وجه التکرار ملاحظه و مشاهده به مکنست مبسر اولدوقده
 ارواح ملکیه کی مرات ذاتی صور علم و کمال ایله مجلا و آینه طبی بر مجلای مصفا اولور

ظفر بواوب توجه ایتدیکی نسنه نك حقیقی اول کسه به مکشف اولور اول اسما وکلات بونارد در که
 ذکر اولنور ❖ تماخس ❖ بعدان ❖ بسواد ❖ وغداس ❖ نونفا غادس ❖ بوا اسماء خنسه
 الفاظ عربیه اولوب کلات سربانیه و عبرانیه مقوله سی اسماء اعجمیه در مسمو عجز اولان حکایات
 عجیبه دندر که برکسه برفاچ کچه اکل و شربده پر هیز و ریاضت و اوراد واذ کاره مداومت
 ایتد کد نصکره بر نیجه بوا اسمانی اوقویوب خوابه وار دقده عالم نامده کندویه بر شخص
 ظاهر اولوب بن سنک ذاتکی تربیه ایدن طباع نامک ایم مراد و مقصود یکی بدن سوال ابله
 سکا خبر ویره یم دیدی اول کسه دخی حاجتی ذکر ایدوب مطلوبی عرض ایتد کده
 مشاهده ایتدیکی شخص مذکور مطاوعی بیان و مرادنی کشف و عیان ایلدی و بو ذکر
 اولنسان اسمایه مداومت و مواظبت ایله بنم ایچون دخی نیجه عجیب و غریب رؤیا واقع اولوب
 کندی احواله دائر طلب ایتدیکم اموردن قتی چوق نسنه بی عالم رؤیا ده مشاهده
 ایتک مپسر اولدی ❖ لکن وقت نومده بوا اسمایه مداومت ایله انسان عالم رؤیا ده مراد
 و مقصودنی مشاهده به توجه ایتک کوردیکی رؤیا نك کندی قصد و قدرتیله حصوله
 دلالت ایتوب بلکه عالم منامده ظهور ایدن رؤیا محضاً طرف حقندن مرآت نفسه
 صورت مطلوبه منعکس و لایح اولور ایچق بوذ کرا اولنسان اسما کی حالومه لره مداومت ایله
 نفس ناطقه عالم حقندن کننیده رؤیا ظهورینه بر استعداد قوی کسب ایدوب درجه
 استعدادی قوت بولدقده مستعد اولدیغی کالک طرف حقندن ذاتنده ظهوری سهل و قریب
 اولور زیرانوع بشردن هر شخص طلب ایتدیکی امرک حصوله استعداد و قابلیت کسبنه
 قادر اولوب لکن مستعد اولدیغی کالک کننیده بالفعل حصولی و مطلوب و مقصودینه
 وصولی مجرد فیض حق ایله حاصل و عهده قدرت بشردن خار جدر بو تقدیرجه بر شتک
 حصوله استعداد و لیاقت کسبنه قدرت اول شتک تحصیلنه قوت و اقتداره مغایر اولوب
 کرک رؤیا و کرک سائر اشیانک حصولنده بوقاعده کلیه جاری اولمغله اسباب عاده به
 توسل ایله عالم کونده ظهور ایدن حوادثک هر برنده بوقانون و قاعده به مراعات اولندقده
 نفع و اثری ظاهر اولور والله الحکیم الخیر

طباع نام نوع بشرک ارواح
 ونفو سنک امورنی تربیه
 واحوالنی تدبیر ایدن روح
 کلی به اطلاق اولنور المترجم

❖ فصل ❖ معلوم اوله که طوایف نوع بشردن نیجه کسبنه لردخی موجود در که
 انلر مجرد مجبول اولدقلری طبیعت مخصوصه و فطرت اصلیه لریله عالم کون و فساد ده
 ظهور ایده جک اشیا دن قبل الوقوع خبر و یروب و اخبار ایتد کلری امورده علم رمل و نجوم
 مقوله سی صناعات علیه دن برصنعتنه تشبث ایتزل بلکه انلرک مغیبانه علم و قوفلری
 واحوال عالمه متعلق امور غیبیه دن خبر لری مجبول اولدقلری فطرت و خلقتلرینک
 مقتضاسیله حاصلدر طوایف مذکوره دخی برفاچ صنف اولوب برصنی توجیه ایتد کلری
 امرک حقیقتنی بیملک ایچون فکر و اندیشه لرنی اول امرک اوزرینه نیجه زمان تسلیط
 ایدوب خاطر لرینه خطور ایدن نسنه بی اخبار ایدر لر بوصنفه عرف اطلاق اولنور
 برصنی دخی مرآت مصفا و طشت مجلا کی صاف و شفاف اجسام لطیفه به نظر
 و حبس بصر ابله مغیبانن خبر و یرر لر برصنی دخی بعض حیوانلرک یورکنه و جکرینه

سعادت حضرتانندن مرویدر که رؤیا اوج نوع اوزرینه واقع اولوب برنوعی بالذات جناب حقدن ورنوعی ملک واسطه سبله ورنوعی دخی شیطان القاسبله حاصل دردیو بیوردقلری کلام نبوی ذکر ابتدا یکمزم مراتبه اشارتدر اول واقعه که نفس انسانی بلا واسطه الالات کندی ذاتبله اخذ ایدوب قوت مخبئه دخی حقیقی اوزره عینی تصویر اید. اول واقعه بانذات طرف حقدن لوح روحه منعکس اولوب تعبیردن غنی وعینی واقع اولور واول رؤیا که روح آنی لوح غیبیدن اقتباس ایلدوب لیکن قوت مخبئه عینی ادراکدن عاجز اولمغسله اول معنایه مناسب برقالبه افراغ ایلبله اول واقعه ملک واسطه سبله صحیفه خبالده و تعبیره محتاجدر اما اول واقعه که روح انسانی اتی عالم روحانیدن اخذ ایتیموب بلکه قوت مخبئه حافظه ده مخزون وموجود اولان معناری ترکیب وتحلیل ایله تحصیل وملاحظه ایلبله اول واقعه شیطانی وکاذبدر زیرا بو واقعه اوهام فاسده وخیالات باطله اولوب وشیطان دخی دائماً نفسه امر باطل القایتمکله شیطانیه نسبت اولمشدر بمحله کلنجه بسط اولنان مقال حکمت مأل رؤیا نیک حقیقی وانک ظهورینه سبب اولان نوم طبعینک حال و شانی بیان اولندی * ودخی معلوم اوله که رؤیا نفس انسانیه مخصوص وعامه افراد بشرک طبیعتلرنده موجود برحالت اولوب افراد بنی آدمدن بر فرد اندن خالی دکلددر بلکه اشخاص بشردن هرکس عالم منساده نیجه واقعه لر مشاهده ایدر که حال بقظه ده ظاهر اولدقده نفس ناطقه نیک اثنای نومه مغیبانه واقف اولد یغنه قطع وجزم ایدر چونکه عالم خوابده نفس ایچون غیبه وقوف جائز اوله سائر وقتده دخی طریق اخر ایله نفس ناطقه ایچون مغیبانه وصول ممکن اولور ز برانوم وبقظه اثنالرنده غیبی ادراک ایدن انجق نفس واحد اولوب وانسانک اصل وخلقنده موجود اولان خاصه طبیعه سی واستعداد ذاتیسی هر حالده دائم وباقی در * فصل * ودخی عالم منامده مشاهده اولنان رؤیا انسانک قصد وقدرتبله حاصل اولدوب بلکه روح انسانی کندینک یا شیء آخرک احوالی بیلک ایچون طرف غیبیه متوجه ومنتظر اولدقده لطف باری وعون الهی مقارنتله اول شبیک حقیقی وتوجه ابتدیکی امرک کیفیت منظره غیبیدن لوح نفسه منعکس ومنکشف اولور بوخسه روح انسانی استدیکی وقتده مراد ابتدیکی خصوصی عالم منامده رؤیت ومشاهده یه فادرد کلددر ودخی کتب اهل ریاضتدن غایه الحکیم نام کابده وغیریده اوراد واذکار مقوله سی بعض اسماء ذکر اولندیکه ابتدای نومه قرائت اولندقده اول اسماءک خاصه سبله انسان طلب ابتدیکی امری رؤیا شننده کوزوب توجه ایلدیکی خصوصک حقیقته واقف اولور دیو تحریر بو مقوله اسماء واذکاری حالومه اسمیه تسمیه ایلدیلر و ذکر اولنان کتاب غایه مؤلفی مسلمه بن احمد مجریطی بو مقوله اسمادن بش عدد اسم ذکر ایلدوب حالومه الطباع التام اسمیه تسمیه ایلدی برکسه نومه شروع وقتنده قلبی علایق دنیویه دن تجرید و طرف حقه توجهنی تصحیح ایله بو اسملری ذکره مشغول اولوب مراد مقصودنی قلب ولسانیله ذکر ایلسه عالم منامده مطلوب ومقصودنه

خلق آیدیکه اثنای لیل و نهارده عارضه نوم ایله آلات حس و شعورك استراحت و آرامنه طالب اولوب کثرت استعمال ایله حاصل اولان تعب و کلالی انکله دفع آید کدن صکره مجددا کسب ایله چکی علم و کمال و سایر آثار و افعالنه قدرت کامله تحصیل ایله و حواس ظاهره ایچون مطلوب اولان راحت و حضور عاد تا ميسرا اولوب الانجق مرکز قلبدن جرم دماغه و سایر اعضايه صعود ایدن بخار لطیفک ظاهر دن باطنه عود و رجوعیه حاصل اولوب خصوصاً شمسک غروبی و حرارتک زوالیه اثنای لیلده بدن انسانه مس ایدن برودتک اعانتیه واقع اولور بوسورتده طبیعت بشر برودت لیلی حس ایتمکله حرارت غریزه اعماق بدنه میل و توجه و ظاهر دن باطنه عود و رجوع ایدوب نفس ناطقه تک قطع مسافه کالده مطبه و مرکبی مشابه سنده اولان روح حیوانی بی خارچدن داخل بدنه سوق ایدر بوسیدندر که نوم انسان غالب حالده اکثر اوقاتده اثنای لیلده واقع اولور روح حیوانی که بخار لطیف در حواس ظاهره دن داخل بدنه واقع قوای باطنه به رجوع آید کده نفس ناطقه تک حواس ظاهره واسطه سبله حاصل اولان علایق و مواعی برطرف اولوب مشغله سنه خفت کلمکله قوای دماغیه دن قوت حافظه ده موجود و حاضر اولان صور حسیه به مراجعت ایدوب قوه متخیله دخی اول صورتلری برینه ضم و تألیف یا خود بتلری تغریق و تحلیل ایله صحیفه خیالده بر ترکیب ترتیب ایدر و اکثر یا صورت ترکیب واقعه نفسک عهد قریبده مشاهده ایدوب حال یقظه ده مألوف و معتاد اولدیغی امور چنسنندن واقع اولور * بده حواس ظاهره ایله حس اولنان محسوسات جزئییه تک جرم دماغه مجمعی اولان حس مشترک قوتنه اول صورتلری تنزیل ایدوب حواس ظاهره ایله خارچده حس اولنان وجه اوزره مشاهده ایدر و عالم خوابده وقت اولور که انسانک نفس و روحی قوای طاهره ایله حاصل اولان مشاغل حسیه دن خلاص اولدیغی کبی قوای دماغیه ایله تخیل آیدیکه صور خیالیه دن دخی تخلیص کریان ایدوب بر لحظه کندی ذات روحانیسی دخی ادراک معنوی ایله مشاهده به موفق اولوب لوح غیبی دن کندی آینه ذاته منعکس اولان معارف غیبیه بی دخی معاینه ایدر بوندن صکره روح انسانی بلا واسطه کندی ذاتیه طرف حق قدر اخذ آیدیکه امور مغیبیاتی قوت متخیله به عرض ایدوب متخیله دخی اول معناری یا حقیقی اوزره نقش و تصویر یا خود اول معنایه مناسب برقاله سبک و افراغ ایله تخیل ایدر اگر اخذ اولنان معنائک عینی رسم و تصویرده عاجز اولوب مناسب بر صورت افراغ ایدر اول واقعه تعبیر محتاج اولور اما نفس ناطقه علایق بشریه دن کندی تخلیص ایله بر لحظه عالم ارواحه واصل و آینه ذاته منعکس اولان صور مغیبیاتی مطالع حاصل اولوب بلکه حواس ظاهره واسطه سبله حال یقظه ده خارچدن داخله ورود و قوت حافظه ده مخزون و موجود اولان صور حسیه بی قوت متخیله ترکیب و تحلیل ایله تصرف ایدر اول واقعه کاذبه اضغاث احلام یعنی قاریشق رؤیا اولور و عالم منامده مرئی اولان واقعه لر بوذکر اولنان اوج مرتبه اوزرینه واقع اولدیغی سلطان انبیا علیه افضل التحایا حضرت لر دن روایت اولنان حدیث صحیح دخی تأیید ایدر ز بر صاحب

صول چنانچه مائل و روح حیوانی دید کلری بخار لطیفک منبع و معدنی اولوب مقدار
 قلیل دم صافی دخی موجود در تجویف اوسطی تجویف ایمن ایله ایسراراسنده دهلیر
 شکلنده متوسط اولوب کبد طرفدن مجلوب و تجویف ایمنده مخزون اولان دم صاف ایله
 قلبی تغذیه و تولید روح ایچون تجویف ایسره ایصال ایدر و قلبک تجویف ایسری
 روح حیوانی اسمیه معروف اولان بخار لطیفک معدن و منبعی اولوب شریان دید کلری
 مجوف و طولانی طبر ر دخی تجویف ایسردن ثابت و کبده و ماغنه و سایر اعضا یه
 منتهی اولغله تجویف ایسردن روح حیوانی شریانله حلول و حس و حرکت مستعد
 اولان عضوله و وصول بولدقده نفس ناطقه انسانیه اول بخار لطیف واسطه سیله حس
 و حرکت عملی اعضا ده اجرا و هر عضو لایق اولان کمالی اذن حق ایله اعطا ایدر
 * و اشبور روح حیوانی و بخار لطیف نورانی قلبک تجویف ایسرنده حاصل و حرارتی کامل
 اولغله شریانله واسطه سیله جوف دماغه واصل اولدقده جرم دماغدن برودت کسب
 ایدوب روح حیوانی تک مزاجی معتدل اولور * بعده جرم دماغه مرکوز و بطون نلغده
 موجود اولان قوای جسمه باطنه دن قوت و اهمه و حس مشترک و قوت حافظه و قوت خیالیه
 و متفکره تک عملی دخی نفس ناطقه دن اشبور روح حیوانی واسطه سیله صادر اولور
 * بومقدمه ل تحقیق اولند قده معلوم اولور که نفس ناطقه دن صدور و ظهور ایدن
 کالات علیه و علیه سی وجه افعال و اعمال بدینه سی قلبک تجویف ایسرنده موجود
 اولان روح حیوانی واسطه سیله حاصل اولوب و روح حیوانی اجزای بد تک الطیف
 و اشرفی اولغله نفس ناطقه یه لطافت جهتیه فی الجمله مناسبت و ملائمتی اشبو جوهر
 نفسدن صدور و ظهور ایدن آثار و افعاله آلت اولغله لیاقتی ظاهر اولوب سایر اعضای
 ظاهره و باطنه ده نفسک آتاری اشبور روح حیوانی و ساطتیه صادر اولدینی ثابت اولور
 * و دخی مقدما ذکر اولندینی اوزره انسانک علم و ادراکی ایکی وجهله حاصل اولوب
 بری ظاهر بدنده موجود اولان سمع و بصر مقوله سی آلات حس واسطه سیله و بری دخی
 جرم دماغه مرکوز و اهمه و متخیله کبی قوای باطنه ایله تحصیل ایتدیکی ادراکلردر
 و بویکی وجهله حاصل اولان حس و ادراکلر نفس ناطقه بی کندی فوقسند عالم غیبیه
 موجود اولان روحانیاتی مشاهده دن منع ایدوب و فطرت و جبلتی ایله مستعد اولدینی صور
 علوم غیبیه بی معاینه دن صرف ایتشدر * و دخی آلات حس و شعوردن خارج بدنده
 موجود اولان حواس جسمه ظاهره اعضای بدینه دن بر عضوده موجود اولوب
 قوت باصره هینده سامعه اذنده شامه انقده ذائقه لسانده لامسه اکثر اجزای بدنده
 واقع امور جسمانیه دن اولغله نفس ناطقه بوآلات و قوای محسوسات انواعدن بونلرایله
 ادراک اولنان ایشاده استعمال ایتدکده بوقوتله تعب و کلال و مشقت و ملال
 کلوب کثرت تصرف و اعمال ایله روح حیوانی دخی اطرافیه مناسرت اولغله قوای حس
 و شعوره ضعیف و فقور و وهن و قصور عارض اولدی ایسه جناب حکیم بی زوال جل شانہ
 عن الوهم و الخیال حضرتلری قوای حسه راحت و برمک ایچون نفس انسانده بردا هیه

بیوردیلرکه ❁ لم یبق من النبوة الا البشرات ❁ یعنی منصب نبوت بنم ایله مختوم و بعد الانتقال
 وحی الهی منقطع اولغله بنم زما غده و بدن صکره احساب و اتم اراسنده آتار نبوتدن
 معدود و امور غیبیه اطلاعیه و سببه اولغله صالح برئسنه باقی قالدی الا انجیق مبشرات
 باقی قالدی دیو امت مر حومه لرینی تبشیر ایتدیلر مجلس نبویه حاضر اولان صحابه کرام
 حضراتی یار رسول الله مبشرات ندر دیو استفسار بیورد قلدند بو کونه کهرنشار جواب
 مستطاب اولدیلرکه مبشرات اول واقعه مطابقی رؤیای صالحه درکه اتی برمتدین
 صالح کسنه کندی ایچون کوره یا خود مسلم آخر اول کسنه ایچون کوره دیو مبشراتی
 واقعه حسنه یا خود خیر و شره دال رؤیای صادقه ایله تفسیر بیوردیلر اما ظهور نوم ایله
 انساندن حس و شعور کیدوب آلات حسک عملی زائل اوله سنک سببی نقل اولته جق
 مقدمات حکمییه بی ملاحظه یه منی در اجالا یسانی بویه درکه انسانک سائر حیوانانندن
 امتیازینه مدار اولان نفس ناطقه سی جسم و جسمانی اولیوب بلکه ذاتنده حس
 و بصیر ایله محسوس و مرئی اولسان ارواح ملکیه کبی دیده دن نهان و بدنده آتاری
 عیان بر موجود روحانی و جوهر نورانی درکه تعلق ایتدی بی جسم و بدنک زمام تصرفی
 و ایتنه رأی و تدبیری اولغله هیکل محسوس بشرک ظاهر و باطننده امری نافذ و حکمی
 جاریدر و نوع بشر حس و حرکتده کندو یه مشارک اولان سائر حیوانانندن نفس
 ناطقه ایله ممتاز اولدیغی کبی نفس ناطقه دخی ارواح ملکیه و سائر روحانیا بدن جسم
 و بدنه تعلق ایله ممتاز اولوب کندیدن صدور و ظهور ایدن علم و کمال و سائر اعمال و افعال
 بدنده موجود اولان آلات ظاهره و باطنیه بی اعمال ایله حاصلدر لکن نفس انسانی
 ارواح ملکیه کبی بر جوهر لطیف روحانی و هیکل بدن کثیف و ظلمانی اولغله بینلرند
 مناسبت بعید و مباینت شدید اولوب و شیء لطیفک لطیفده تأثیری قانون حکمتیه موافق
 و کشیفده اثری و تیره عادت الهیه به مخالف اولقین نفس ناطقه نک مستعد اولدیغی
 علم و کمال و سائر اعمال و افعالی تحصیل و ذاتی تکمیل اراده سیله جناب حکیم بی زوال
 جل شانیه عن المثال حضرت تبری اخلاط اربعه نک زیاده لطیفندن خصوصاً صاف دمندن
 مخلوق ولسان اطباءه روح حیوانی عنوانیه معروف اولان بخار لطیفی بدن انسانده
 خلق و تکوین ایدوب نفسک اعمال و افعالی تحصیله آلت و حکمت و قدر تنه برهان
 و حجت ایلدی و رؤسای اطباءک عمده سی جالینوسدن وانک غیری سائر مهوره فن
 طبدن کتب تشریحده منقول و مسطور اولدیغی اوزره بدن انسانده موجود اولان
 اعضای رئیسه نک اشرفی قلب اولوب و قلب دخی چام اغاجی صلفمی هیئتده نخروطی
 الشكل بر عضودرکه سوری طرفی صدرک اسفلنده صول جانبنسه مائل و بعضی جانبی
 صدرک وسطنه متصل و ملاصقدر و جرم قلبیه بعضادم صافی و بعضا روح حیوانی ایله
 مملو اوچ مجوفی محل و اقعدرکه بری تجویف ایمن و بری ایسر و بری اوسط ایله نسیمه
 اولمشدر تجویف ایمن قلبه جذب غذا ایچون صدرک صاغ جانبی طرفه مائل
 دم صافی ایله و مقدار قلبیل روح حیوانی ایله مملودر قلبک تجویف ایسری صدرک

مقداری زمان رؤیا طریقیه وحی الهی ظهوری انجق جناب رسول کبریا محمد مصطفی علیه افضل التحایا حضرت تریچون واقع اولوب اما سائر انبیاء عظام حضرات تک مبادی نبوت نرنده رؤیا طریقیه تلقی وحی ایتیری وابتدکری صورتده دخی رؤیا ایله مرور ایدن وقتلری مدت نبوت لریه نسبت اولند قده قرق الی جزء دن بر جزء بالغ اولدیغی بروجهله ثابت اولما مشدر مع هذا ذکر اولسان حدیث شریفده ایسه مطلق نبوت ایله رؤیا بیننده واقع اولان نسبت و مرتبه تک بیانی مقصود اولوب مجرد بزم پیغمبریمزک نبوت مخصوصه سیله رؤیا تک حال و شاتی وینلرند اولان نسبتی تحصیل قصه اولما مشدر که وجه مذکور ایله حدیث شریفی توجیه صحیح اوله ثابنا حدیث شریف مذکورده انجق نبوت محمدیه ایله رؤیا تک مناسبی و مجرد بینلرند واقع اولان مراتبک رتبه تفاوتی مطلوب دخی اولسه توجیه مذکور کوره انجق رؤیا ایله مرور ایدن الی آی مقداری زمان مدت نبوت لری اولان یکرمی اوچ سنه یه نسبتی مفید اولوب نفس نبوت ایله حقیقت رؤیا مباننده واقع اولان تفاوت مراتبه دلالت ایلز مقصود اصلی ایسه نبوت و رسالتک علوم منزلی و رؤیا تک اکادنی مناسبتی اولدیغنی بیان اولوب یوخسه رؤیا زمانی ایله مدت نبوت بیننده واقع اولان نسبتی تعیین دکلدرد اما بزم تقریر مشروجزدن فهم اولدیغنی اوزره حدیث شریفده وارد اولان عدایله حقیقتی مراد اولنیموب کتردن کتایه اولدیغنی تقدیرجه رؤیا نبوتک قرق الی جزئندن بر جزء اولق ایله مراد عامه افراد بشرده حال منامده استفاضه غیبیه سیله اولان استعداد بعیدک انبیاء عظام صلوات الله تعالی علیهم اجمعین حضرات تک ذات عالیرینه مخصوص و خلقت زکیه لرنده مرکوز اولان استعداد قریبه نسبتی و حالت رؤیا رتبه نبوت دن چوق مرتبه ادنی اولدیغنی بیان یورلمش اولور بوندن صکره دخی معلوم اوله که عامه افراد بشرک نفس و روحلری کرچه اطلاع مغیبیاته مستعد اولوب و هر شخصک جوهر ذاتنده بو استعداد ذاتی موجود ایسه ده لکن قبولنه مستعد اولدیغنی کالات علیه و عملیه تک کننیده بالفعل حصوله قتی چوق مانعلردخی واردر بوموانعک اعظم واقواسی انسانک ظاهر وجودنده موجود اولان قوای خمسده در که انلرک هر بریله انسان خارجه موجود اولان محسوسات جزئییه بی حس و ادراک ایله مشغول اولوب علاقه ایتدیکی امور محسوسه و رای پرده حس و خیالده موجود اولان عالم معنایی و صور روحانیه بی مشاهده دن نفسی منع و صرف ایتدکین جناب حکیم علام لغیوب جل شاننه عن وصمة العیوب حضرت تری طبیعت بشرده حالت مناسی خلق و ایجاد ایله آینه روح دن پرده حسی رفع و حر مسرای غیبیه بر باب قح ایلدیکه روح انسانی عالم منامده اول بابدن عالم معنایه دخول ولوح غیبیه مر سوم اولان صور مغیبیاتد مشتاق اولدیغنی بعض امور و واقف اولور بناء علی هذاروح انسانی کاهیجه عالم خوابده علایق و شواغل بدنیه دن تخلص کر بیسان ایدوب بر لحظه عالم غیبیه نظر ایله مقصود یسه ظفر بولور بوسیدن ناشی اول مبشراهل اسلام رسول سید الانام صلی الله تعالی علیه وسلم حضرت تری رؤیایی مبشراتدن عد ایدوب سعادت ایله

اجسام لطیفه لند . موجود اولان قوای ظاهره و باطنه لر یله حس و مشاهده اولان امورک و سائر مشاغل بدنیه تک جله سندن علاقه بی قطع ایله لمح بصرد . دائرة بشریتدن خروج و جمیع روحانیاتک اکل و اعلاسی اولان ملکیت محضه رتبه سنه عروج ایدوب ارواح علیین و ملائکه مقربین دن بروح اعظم و ملک معظم اولور و بو ائساده سرا پرده غیبده مکنون اولان اسرار الهیه و علوم ملکیه بی طور قیاسدن خارج ذات عالی رتبه مخصوص ادراک و شهود ایله مشاهده و اوقات مخصوصه ده تلقی وحی الهی بیوررل بعده ینه ملکیتدن بشریته عود و رجوع ایدوب دائرة حس و خیاله تشریف ایتدکلرند . ملائکه کرامی صورت بشریه ایله دخی مشاهده و طرف حقدن کندیلره تبلیغ اولنان کلام لهی بی سفیر وحی جلیل دن اخذ و تلقی بیوررل انبیاء کرامک و حالت سنبه لری سائر افراد بشرک عالم منامده رؤیا طریقه معاینه ایتدکلری حالدر جوق مرتبه اعلا ایسه ده ینه استفاضه غیبده ینلرند . فی الجمله مناسبت و مشابیه واقع اولغله مفخر موجودات علیه افضل الصلوات حضرتلری نبوت ایله رؤیا تک مناسبتی و ینلرند . واقع اولان نسبت تفاوتی امت و اصحابه بیان قصدیله رؤیا نبوتک فرق الی جزئندن برجزه دردیو کهر ریز خطاب مستطاب اولدیلر و روایت اخراده فرق اوج جزئندن و برروایتده دخی یتش جزئندن برجزه اولمق اوزره کتب احادیثه تخریج اولمشدر برروایتلرک جله سنده اجزای نبوتک ذکر اولنان عدد معینه انحصاری مقصود بالذات اولوب بلکه نبوت و رسالته مخصوص اولان مراتب علیه تک کثرتی و رؤیا ایله نبوت میاننده واقع اولان کمال تفاوتی بیان قصد اولمشدر زیرا بو حدیث شریفک بعضی طرق اسنادنده نقل اولندیغی اوزره کلام عربده یتش معناسنه اولان سبعین لفظی وارد اولوب و عند العرب لفظ سبعین کثرتدن کابه مقامنده استعمال اولنه کلشدر اما شراح احادیثک بعضیلری بو حدیث شریفده واقع اولان روایاتدن رؤیا نبوتک فرق الی جزئندن برجزه اولمق روایتی اوزره حدیث شریفی شویله توجیه ایتدیلر که فخر الاصفیا پیغمبر من محمد مصطفی علیه من الصلوات از کاه حضرتلرینک ابتدای بعثتلرند الی آی مقداری زمان که نصف سنه در وحی الهی رؤیا طریقه واقع اولوب مدت مزبوره ده اول رازدان لسان الغیب ما اوحی حضرتلری زکس زار خوابده کلشنسرای لاهوته دیده کشا و تفحیات قدسیه ریاحین وحی ایله مشام روح قدسیلری بو با اولوردی و حرم محترم مکه و مدینه منوره ده مجموع مدت نبوت و رسالتلری بکرمی اوج سنه به بالغ اولغله بهر سنه سی تنصیف و التپشر آیه تقسیم اولندقد . بکرمی اوج سنه فرق الی قسمه منقسم اولغین ابتدای نبوتده رؤیا ایله مرور ایدن الی آی مدت نبوت محمدیه علیه افضل النحیه تک فرق الی جزئندن برجزه اولمش اولور . بناء علیه ذکر اولنان حدیث شریفده رؤیا ایله نبوت میاننده واقع اولان تفاوتی مجموع مدت نبوت ایله وقت رؤیا یننده بولنان نسبتده حل ایدوب حدیث شریفی بو وجه ایله توجیه ایتدیلر لکن بو توجیه برابری وجهله دائرة تحقیقندن بعیددر اولامدت نبوتک بکرمی اوج سنه به بلوغی و ابتدای بعثتده الی آی

سبب اولدر که روح انسانی ابتدای خلقشده و فطرت اولی سنده علوم و معارفی قابل
 و فنون صنایعه مستعد بر جوهر روحانی اولوب لکن مستعد اولدیغی کالاتک کندیده
 حصول تعلق ابتدییکی جسم و بدنک داخل و خارجنده خلق اوانسان قوای ظاهره
 و قوای باطنیه بی وسائر آلات بدنیه سنی محسوسات خارجه ده استعماله موقوفدر مثلا
 قوای ظاهره دن باصره ایله مرئیاتی کوروب سامعه ایله مسموماتی ایشیدوب شامه ایله
 روایحی شم ذائقه ایله طعموی درک لامسه ایله حرارت و برودتی و رطوبت ویوستی
 حس ایدوب بعده بطون دماغده موجود اولان قوای خمسسه باطنیه ایله دخی محسوسات
 جزئیته نک احوال و اعراض جزئیته سنی تخیل و تفکر ایله درک جزئیاتدن کلیاته ترقی ایدوب
 اشیا تک طبیعت و حقیقت کلیه لر بی و احوال و عوارض لر بی علی الوجیه الکلی ادراک
 و اذعان ملکه سی حاصل و درجه کماله واصل اولدقدن صکره دائره حسدن خارج و آلات
 بدنیه سز حاصل اولان علوم غیبیه و معارف الهیه بی دخی مجرد کنندی ذات روحانیسی
 و طبع نورانیسی ایله ادراک ایتکله ارواح علییه و ملائکه مفریته فی الجمله مشابیهت و مناسبت
 تحصیل ایدر انجیق روحانیات اراسته نفسک رتبه سی ملکیت طبقه سندن او فی اولوب
 کالات علییه و عملیه ده درجه علیای ملاء اعلایه بالغ دکلددر ز براملائکه کرام
 علیهم الصلاة والسلام حضراتنک ذات وصفات حقه و عالم روحانی و جسمانیده موجود
 اولان سائر اشیا تک حقیقتلرینه علم و ادراکلری نفس انسان کبی قوای بدنیه و آلات
 جسمانییه و ساطتیله علی التدریج کسب و تحصیله موقوف اولوب بلکه ابتدای
 فطرتلرند و اول خلقلرند انلرک جمع کالات علییه و عملیه لری دفعه حاصل وانسانک
 ازمئه عدیده ده کسب و تدریج ایله تحصیل ایده چکی علوم و معارفه اول امرده علی
 وجه الکمال واصل اوللریله ذاتلر بی استکمال ایچون نفسلرندن خارج آلات و قوایه
 محتاج دکلددر لکن انسان دخی اصل فطرتنده و مایه خلقنده موجود اولان استعدادی
 فعله کوروب حقایق اشیا و طبایع موجوداته علم و ادراک تحصیل و جوهر ذاتی تکمیل
 ایتدکن صکره رفح حجاب حس ایله عالم منامده جسمانیندن روحانیتنه ترقی ایدوب
 بکلحظه انوار ملکیه و ذوات روحانییه ایله ملاقات ایتدکده آن واحده لوح غیبیدن
 استعداد و صفوتی قدر علوم غیبیه یه واقف اولور و روح انسانی مادامکه حلول
 موت ایله جسم و بدنندن علاقه بی قطع ایتجه کندیده بو استعداد ذاتی موجود اولوب
 علایق و مشاغدن کشدویه عالم منامده تجرید حاصل اولدقجه معیباتدن نیجه امور
 مطلع اولور و نفس انسانده مغیباته وصول استعدادی دخی مختلف و قرب و بعد ایله
 درجاتی متفاوت اولوب بر قسمی عامه افرادک طبیعتلرند موجود اولوب عالم منامده اثری
 حاصل اولور و بر قسمی دخی اولیاء کرامه مخصوص استعداددرکه آنلرحال منامک
 غیریده دخی کشف و الهام طریقبله بعض مغیباته واقف و مطلع اولورلر اما انبیاء
 عظام صلوات الله تعالی علیهم اجمعین اقدبلرمن حضراتنک ذات کروی صفاتلرند
 عالم غیبیه وصول استعدادی درجه علیا و رتبه قصوایه بالغدرکه انلرک ارواح مقدسه لر

خولای اما نیلری منقطع اولدوقده ایچلرندن نیجه کسملر شرف دین اسلامی علم و عرفانه موفق اولوب ایمانه کلدیلر نته کیم ینه کههان عربدن طلیحه الاسدی ایله قارب بن اسود شرف اسلام ایله مشرف اولوب فتوحات اسلامییه ده بونلردن ظهور ایدن آثار حسنه ملکه دین اسلامده ثبات قدملرینه وحسن حاللرینه شهادت ایدر ❦ ودخی اذن حق ایله اطلاع مغیباته وسیله اولان حاللرک بری دخی رؤیا حالی در معلوم اوله که عالم رؤیا عوالم روحانییه دن برعالمدر که عامه افراد بشرده سکون و راحت ایچون نوم دید کلری حالت طبیعه ظهور ایتدکده روح انسانی ظاهر دن باطنه توجه ایدوب لوح غیبدن کنندی آینه ذاته منعکس اولان صور کائناتی لحظه واحده ده مشاهده و تماشا ایدر زیرا انسانک نفسی حال یقظه ده کنندی جسم و بدنک احوالی تدبیر ایله مشغول و سمع و بصر و سایر قوای ظاهره ایله حس ابتدیی امورده فکر و تأمله مجبول اولغله کنندی ذاتی ادراکدن خافل و لوح غیبدن کنندی و به منعکس اولان علوم و معارفدن ذاهل در اما نوم سببیه روزنه حسی سد و بند ایدوب علایق جسمانییه و عوایق بدنییه دن نظری قطع ایله عالم غیبیه توجه ایتدکده ملانکه کرام و سایر روحانیاتی مشاهده ایلوب روحانیات ایسه علمای محققین قندمه عالمده موجود و واقع اولان امورک جمله سنه واقف و کچمشده کله جکده ظهور ایدن اشباهه عارف اولغله نفس انسانی دخی اثنای نومده جسم و بدنه متعلق امور ایله اشتغالدن فی الجمله تخلص کریان ایله برلحظه عالم روحانی به وصوله فرصت بولسدیغی آند کندی دخی جواهر روحانییه دن بر جواهر اولوب نور بصیرت ایله ارواح علوییه به نظر و آنلرک آینه ذالترنده مرسوم و مصور اولان علوم غیبیه دن نیجه معارفه نائل و زمان مستقبلده ظهور ایدر جک حواد ثدن بعضیسنه واصل اولدقدن صکره ینه فی الحال روحانیتدن جسمانیته عود و رجوع ایدوب اخذ و استفاضه ایله واقف اولدیغی اموری بطن دماغده موجود اولان قوت متخیله به عرض ایدر اگر روح انسانی علایق بدنییه دن کنندی کرکی کبی تخلص ایده میوب آینه ذاتی کدورات علایق ایله مغیر ایسه لوح غیبدن منعکس اولان معنایی علی وجه الکمال مشاهده و عینی ادراکده قاصر اولور بوضورتده قوای دماغیه دن قوت متخیله نفسک نقصان قصور اوزره مشاهده ابتدیی معنایی اکا مناسب بر صورت ایله تصویر و کنندی به لایق برقالبه سبک و افراغ ایدوب واقعه تعبیره محتاج اولور معبر دخی اول صورت خیالییه به مناسب و مشابه اولان معنایی صاحب رؤیا به بیان ایدوب نفع و ضرر و خیر و شر دن نه مقوله امره دلالت ایدر سه اتی کشف و اظهار ایدر ❦ اما آینه روح صاف و تابناک و غبار و همدن پاک اولوب روی بصیرندن رفع نقاب و کشف حجاب ایله برلحظه عالم غیبیه ارواح علیین ایله ملاقات ایدوب کنندیک یا آخرک احوالنه متعلق بعض اموری کرکی کبی مشاهده و معاینه ایتدکده اول واقعه مبارکه واقعه مطابق رؤیای صالحه و مثال و خیالدن خالیه اولغله تصیردن غنی اولوب مشاهده ابتدیی امرک خارجده عینی واقع و ظاهر اولور ❦ معلوم اوله که انسانک نفس و روحی ایچون عالم منامده بو حالک وقوعنه

اسباب و شروطی مدت معینه کرده که تمام اولغله اول وضع مخصوص فلکده حاصل اولدقده نوع بشردن برذات معین منصب نبوله سرفراز اولور * اما نبوت و رسالت سبب اولان اول وضع مخصوصک اسباب و شروطنک برمقداری موجود باقبسی هنوز معدوم و مقفود اولدیغی ائشاده عالم ککوب و فسادده طوری نبوت طورندن ناقص بذاتک ظهورنی اقتضاید که اول طور ناقص ایله ظهور ایدن شخصی کاهن اطلاق اولنور مادامکه فلاکده کوا کب بینلرنده امر نبوته سبب عدولنان وضع مخصوص حاصل اولیه طور که هانتله بر ایکی شخص ظهور کلوب اجرای آیین که هانت ایدر لر اول وضع مخصوص کرکی کبی حاصل اولدقده وجه ارضده نبوت و رسالت ظهور ایدوب که هانت محو و مضمحل وار باندن اول حالت زائل اولور دیدیلر * معلوم اوله که حکیمانک بوزعم فاسد لری اوضاع فلکیه دن بر شبتک حدوث و ظهورینه سبب اولان وضعک بعض اجزاسی اول وضعک تمامیه حصوله کله جک اثرک مر اتبندن بعضیسی ایجاب و اقتضا ایتمه سنه منبدر بو خصوص ایسه مسلم دکلدن زیر جائزدر که اول وضع مخصوصک کندیدن صدور اید. جک اثرند. تا ثیری اجزای ماده سی کرکی کبی نظام بولوب تمام اولدقده حاصل اولان صورت مخصوصه و هیئت معینه سیله اولوب بعض اجزاسی ناقص اولدیغی صورنده اصلا بر شبتی اقتضا ایتمه یوخسه ذکر اولنان حکما زعملری اوزره بر شبتک حدوثیه سبب اولان وضعک تمامی اول شبتک کمال اوزره وجودنی اقتضا ایدوب بعض اجزاسی ناقص اولدقده اول شبتک نقصان اوزره وجودنی ایجاب ایتمه بوسورنده اول وضع مخصوصک تمامی نبوت و رسالتک وقوعنه و نقصانی طور که هانتک ظهورینه دلالت ایلر که حکیمانک زعملری صحیح اوله * بوندنصکره معلوم اوله که عهد نبوت و زمان رسالتده موجود اولان کاهنلر کندی زمانلرنده ظهور ایدن انبیاء عظامک صدق رسالتلرینه و معجزات باهره لرینک دعوا لرینه دلالت ایدوب حق پیغمبر اولدقلرینه علم و عرفانلری واردن زیر نفوس که هنتک عالم ارواحه اتصالی و روحانیات ایله مناسبتلری سائر افراد بشردن ازید واقوا اولغله طور اشرف نبوتک و کیفیت وحی و رسالتک حال و شانته کندی وجدانلریله عالم و عارفلردن نته کیم سائر افراد بشر انجیق حال نومده رفع حجاب حس ایله مشاهده ایتدکلری صور واقعات و اطلاع مغیبات سببیه اسرار و حیدن هر کس بر نمونه یه واقف اولمشدر اما طور که هانت نوم حالتندن بو باده واقوا اولغله انلرک امر رسالتله طور نبوته علم و عرفانلری نائمدن زیاده در لکن که هنتک تصدیق رسالتدن امتناعلری و تکذیب انبیاده اسرار لری مجرد کندیلرده ظهور ایدن طور که هانتی و عالم ارواحه نفسلرینک شدت مناسبتنی کندیلر ایچون منصب رسالت هد ایدوب بعضیلری دعوا ی نبوته جسارت و تصدیق انبیاده عناد و مخالفت ایلدیلر نته کیم که هانت عربدن امیه ابن ابی الصلت و ابن صیاد و مسعله کذاب و انلرک امشالی نیچه کاهنلر منصب نبوت داعیه سیله هرزه کوی کفر و فساد اولدیلر وقتسا که غلبه نور اسلام ایله صحیفه عالمدن ظلمات کفر و فساد محو و مضمحل اولوب کاهنلرک

ولسان ايله تركيب اولنوب صفحه مرآت وعظام حيوانات کي ذات مدرکن خارج
 وزیاده اجنبی اولدیغندن ماعدا انسان نطق کلام ایچون دئمالساتی تغلب ايله ترتیب
 حروفه مألوف اولغله ذهنی علایق بشریه دن تجرید و طرف غیبه اماله و تحریکده کلام
 موزون ايله اشتغال سطح مرآت وعظام حیوانات مقوله سی نسنه ره حبس نظر دن اخف
 واسهل و طرف غیب دن روحک اخذ ایدیه چکی مغزله خلل ویرمکده سازندن اهوند ر
 ❖ ودخی معلوم اوله که ذکر اولنان کههانتک دوام و بقاسنده ناس اختلاف ایدوب بعضیاری
 زمان بعثت محمدیه علیه افضل التمیمه دن برو عالمده وجودی منقطع واصحابی منقرض
 اولدی دیو زعم ایدوب دیدیلر که کاهنلر قبل البعثة اخبار سماویه بی ارواح خبیثه
 شیاطین دن آلوب و شیاطین دخی طرف سمایه صعود و ملائکه کرامدن اخذ واسترافه
 ایدرلر دی زمان بعثت نبویه قریب اولدوقده جناب رب العالمین شیاطینی خبر سمایه
 اطلاع دن منع و زجر حکمتی اظهار ایچون قرآن کریمه وارد اولدیغی اوزره شهاب
 ناقب ايله شیاطینی رجم و طرد ایدوب ملا اعلان خبر آسمانی استماع دن ممنوع اولمیرله
 زمان رسالتدنبرو کههانت باطل واربابنک نام ونشانی نری محو و مضحکل اولدی دیدیلر
 لکن بعض ناسک بو زعماری کههانتک بطلان وانقطاعه واربابنک انقضاضه دلالت
 ایتمدیکی برقاچ وجهله ظاهر در اولا کاهنلر اخبار سماویه بی وعلوم کههانتی شیاطینه
 وارواح خبیثه به مقارنتله انلردن اخذ ایتدکلی کبی سجع وقافیه ونظر مرآت امشالی
 امور وساطتیه کنندی نفس و روحلر دن دخی اخذ ایدرلر ثانیاً قرآن عظیمده رجم
 شیاطین حقنده وارد اولان آیت کریمه شیاطینک اخبار سماویه دن انجیق بعثت نبویه به
 متعلق خبرلری اخذ دن ممنوع اولمیرینه دلالت ایدوب خبر بعثتک غیری سائر امور
 غیبیه بی اخذ و تلقین دن ممنوع اولدقلرینه دلالت ایلر ثالثاً جائزدر که کههانتک
 انقطاعی انجیق وقت بعثته وزمان نبویه مخصوص اولوب بعده ینه وقت بعثتن مقدم
 اولدیغی حاله عودت والی الان اربابی اجرای رسوم کههانت ایدله ظاهر حال دخی بوکا
 شاهد در که شمس عالمک طلوعی قنده کوکبلرک و شمعلرک ضیاری محو اولدیغی کبی
 زمان نبوتده دخی وحی الهیدن غیری جمله معارف وعلوم مضحکل اولور زیرا نبو
 ورسالت بر نور اعظمدر که انک ظهوری جمله انواره غالب اولغله افق غیب دن آفتاب
 جهانتاب رسالتک طلوعیه سائر انوار معارف محو اولور ❖ ودخی آثار سقلیه وحوادث
 یومیه بی اوضاع فلکیه به نسبت ایدن حکمانک بعضیسی بویه زعم ایتدیلر که کههانت
 انبیاء عظام دن هر نبی ذیشانک بعثت وارسال اولنه جقاری وقتدن مقدمه زمان بعثته
 قریب مدته ظهور ایدوب بعثت نبویه وقتنده ینه منقطع اولو دیدیلر زیرا بورأیه ذاهب
 اولان حکما زعملرند نبوت ورسالتک وقوع ونظهوری اوضاع فلکیه دن بروضه مخصوصه
 حدوشه موقوف اولوب یعنی کواکب سماویه دن برقاچ کوکب معینک فلکلرند کسندیلر
 مخصوص سیر وحرکتلرله برج واحده اجتماع واقتران یاخود مقابله تثلیث تسدیس
 ترتیب مثللو بر طریق ايله حاصل اولان وضع مخصوصه توقف ایلوب اول وضعک

آخر ایله اشغال ایتمکله مرآت نفس ایله لوح غیب میا ننده بر حجاب روحانی اولوب
 مرابای غیبه وقوفده خبط و خطایه مؤدی و کلامرینک صدق و کذب ایله اختلاطنه
 بادی اولغله حلیه و ثوق و اعتماددن مبرادر و چوق کره دخی غیبه ظفر بولق زعمیله
 ظن و تخمینی یقین منزله سننه تنزیل ایدوب کندیلردن استکشاف حال و امورلرنی سؤال
 ایدن کسنه لری آلدادوب جواب صواب اولق اوزره خبط و خطارنی صورت حقه
 ابراز ایدرر ❁ ودخی کهانت طریقیله مغیباتدن خبر و یرن طوایف مختلفه دن مسجع
 و مقفا کلام ایله امر کها ننده استعانت ایدنلر رتبه کها ننده سائرندن اعلا اولغله کاهن اسمی
 بو طائفه مخصوصه به علم اولمشدر حتی مشکاة صدر نبوت علیه افضل التحیه حضرتلردن
 بمقوله موزون و مسجع کلام حقه ❁ هذا من سجع الکهان ❁ کلام حکمت نظامی
 شرفیاب عز صدور اولوب سجعی کها نه اضافت طریقیله تخصیص بیورمشدر ❁ ودخی
 جناب رسالت پناه صلی علیه الاله حضرتلری کهان عربدن ابن صیادک حال و شایسته
 و اختیار طریقیله کندیدن استفسار بیوروب یا ابن صیاد خاطر که خطور و خلقه خبر
 و پردیکک امور سکا نو جهله ورود و نه کیفیتده ظهور ایدر دیو استعلام بیوردقلرنده
 ابن صیاد دخی بعضی صادق و بعضی کاذب اولوردیو جواب وریچک سلطان
 انبیا علیه افضل التحایا حضرتلری ابن صیادک امری فاسد و رأی کاسد اولوب قولی خبط
 و خطا ایله مشوب و مخلوط اولدیفنی بیان ایله رد ایتدیلر یعنی رتبه نبوتک خاصیتی صدق
 و صواب اولوب که برو جهله کذب و خطا عارض اولق منصور دکلدردن زیرا منصب
 نبوت و رسالت برتبه رفیع و حالت سنیه در که مشبت علیه ربانیه و حکمت بالغه صمدانیه
 و فقیحه انبیا عظامک نفوس شریفه لری بشریتدن ملکیت و وصول و اسرار و حیک
 کندیلر ده حصولی ذاتلردن خارج امر آخر اجنبی ایله استعانت موقوف اولوب
 بلکه ناید صمدانی ایله مؤید اولملریله خود بخود طرف غیبه توجه و ملائکه کرامدن
 اسرار و وحی الهی بی اخذ و تلقی بیوررر کاهنلر ایله عالم غیبه مجرد کندی ذاتلریله
 وصولدن عاجز اولملریله کندیلردن پرده حجاب حسی رفع ایچون نطق ایسات و نظر
 مرآت کبی آلات و تصورات اجنبیه ایله توسل و استعانت محتاج اولوب بونلر ایله اشتغال
 و توجه ایتدکری مطلبدن بونلری اشغال و مرآت نفسلرینه بونصورت و تخیلاتی ادخال
 ایملریله نفس و روحلریله طرف غیبیدن اخذ ایدر جکری معنای ایله بو امور مزوج
 و مخلوط اولوب فکر لرنده تشویش و اختلاله بادی و کلاملرنده کذب و دروغ
 ظهورینه مؤدی اولغین بونلرک حال و شانلری نبوت طورینه مخالف اولمشدر لکن
 اصناف کهنه دن مسجع کلام ایله مغیباته وصولده توسل ایدنلر نظر مرآت و عظام
 حیوانات ایله نطق غیب ایدن طوایفدن طبقه کها ننده اعلا در زیرا رفع حجاب حسده
 و عالم غیبه توجهده کلام موزون ایله استعانت صفحه مرآت و عظام حیواناته نظر ایله
 ذهنی اشغالدن اخف و اسهل اولوب طریق اوله سلوک ایدن صنفک عالم ارواحه قرب اتصاله
 و توجه ایتدیککی امره سرعت ایله انتقائه دلالت ایدر زیرا نظم اشعار ذهن ایله ترتیب

اولوب علایق بشریه دن کسندی تخلص و تجرید ایدوب عالم ملکینه واصل اولدوقده علوم کلیه و معارف غیبیه دن استعدادی قدر کماله نائل اولور بوندن ناشی کاهنلرک قوه مخیله لری بغایت قوی اولوب و قوه مخیله صور محسوسات جزئییه بی و احوال جزئییه لری مشاهده به مرآت کبی برآلت اولمغله نوم و یقظه حالتلرنده دائمًا قوت مخیله لریته نظر و آنده مرسوم و مصور اولای صور جزئییه بی مشاهده ایدوب سمع و بصر و سایر قوای ظاهره و باطنه ایله حس اولنسان اشیا بی وانلرک احوال جزئییه لری ادرا کده کاملدر اما و رای پرده حسده موجود و مجرد روح و نفس ایله تعقل اولنسان معقولات کلیه بی ادرا کده قاصر اولوب قوه عقله لری قوه مخیله لری کبی کامل و قوی دکلدر زیرا عالم جسمانی و روحانیده موجود اولان اشیا ک حقایق و طبایعنه و احوال کلیه سنه کرکی کبی و قوف ارواح و نفوسک علی وجه الکمال ملاً اعلا یه اتصاله موقوف و طریق حصولی وحی و الهامه منوط اولوب بونشسته نک ظهوری ملائکه مقربین و انبیاء و مرسلین حضراتنه مخصوصدر اما کاهنلرک علوم کلیه بی اخذ و اقتباسلری نفوس خبیثه شیطینه مقارنت طریقیله اولمغله معارف لدنیه و علوم الهیه بی تحصیلده قاصر در ❁ معلوم اوله که کهانت طریقیله مغیبیاتدن خبر و یرن طوایفک اصنافی مختلف و رتبه استعدادده درجه لری متفاوت اولوب مغیبیاته اطلاعده هر صنفی برر طریقه سالك اولمشدر ایچلرندن فن کهانتده رتبه کماله واصل و اطلاع امورده سایر اصنافه غالب اولان اول طائفه در که نفس و روحلری حجاب حس و پرده غفلتدن تخلص و تجرید ایله عالم غیبیه وصول ایچون وقت حاجتده کندیلره مخصوص غزل و قصیده مقوله سی بعض اییات منظومه نطق و تکلمه مشغول و قوت خیالیه لریله اول بیتلرک معنالی تخیل ایدوب او قودقلمی اییات و اشعار استعانتیله و قوت مخیله لری و ساطنیه نفس ناطقه لری ظاهر دن باطنه رجوع و بو ائنده قلبلریته نیجه امور خطور ایلیوب اول اموری نطق و ترکیب و نظم و ترتیب ایله خلقه اظهار و اخبار ایدرلر و یردکاری خبرگاه صادق و واقعه مطابق اولوب چوق کره کذب و دروغلری دخی ظاهر اولور زیرا اصحاب کهانت فطرت بشریه لری حسبیه حجاب حس ایله محبوب و محسوساته متعلق امور جزئییه ایله مشغول اولوب آینه روحلری نفوس شریفه انبیاء عظام علیهم السلام کبی انوار هدایت ایله منور و صور معارف وحی الهیه ایله مصور اولمغله نفس ناطقه لری خود بخود اسرار غیبیه وصولدن عاجزدر بناء علیه کهنده بونشسته نک ظهوری ذاتلرندن خارج اییات و اشعار مقوله سی امر آخر ایله توسل و استعانته محتاج اولوب نفس و طبیعتلرنده واقع اولان قص و قصورلرین توسل ابتدکاری نسنه ایله جبر و تکمیل و اطلاع مغیبیاته وسیله تحصیل ایتمشدر لکن استعانت عصا ایله برر طریقه سالك اولان شخص ضرر بر دقت نظر ایله قطع مسافه ایدن مرد بصیر ایله مساوی اولمغله طائفه کهانتک نطق و تخیل ابتدکاری اییات و اشعار نفسلری شواغل حسبیه ایله اشتغالدن صرف و تخلصه میدار اولدیغی صورنده دخی اول اییاتک نطق و تکلمی و معنالی نک فکر و تأملی نفسلری طریق

و توجه نفسا نیلرله حاصل اولوب خا جدن نه مدارك حسیه و اعمال بدینه مقوله سی
ونه انلرك غیرى برسنه ایله استعانت طریقیله دکلدن وقتا که طبیعت بشرده جسمانی بدن
روحانیتیه و بشریتدن ملکیتیه عروجه استعداد موجود اولدیغی معلوم اولدقده
تقسیم عقلی نوع بشرده بر طاقته نك وجودنی دخی اقتضا ایدر که انلرك نفس و روحلری
دخی مراد اندکلری وقتده شواعل بدینه ایله اشتغالی بر طرف ایدوب قوت عقلیه و حرکت
فکریه لرنی جمع خاطر ایله عالم معنایه صرف و توجیه اوزرینه مجبول اولهل * لکن
و طاقته نك عالم غیبیه وصوللری و اسرار روحانیه به وقوفلری انبیاء عظام حضراتی کی
مخرد نفس و روحلرله توجه خاطر لریله حاصل اولوب خار جدن بعض اسباب و آلات
ایله توسل و استعانتیه محتاج اوللرله بونلرك رتبه سی درجه نیوتدن جوق مرتبه ناقص
و کلاملری صدق و کذب ایله ممتاز جدر بناء علیه بو طاقته معنیانه اطلاع شوقیه طرف
غیبیه توجه ایدوب لوح ضمیر لینه اسرار غیبیدن برسنه منعکس و منعکشف اولدقده
مطلب لرنی تحصیل و مراد لینه نظر ایچون حس و خیال ایله ادراك اولنان امور جزئییه تشبث
و آنلره استعانت ایدر لر بعضی مرآت مجلایه و مرآت کبی صاف و شفاف اجسام لطیفه به
امعان نظر ایدوب و بعضی دخی حیوانات کواکبرینه و بعضی بحسب الاتفاق ظاهر
و مصادف اولدقلری طیور و دوابه علی وجه الاستمرار نظر و حبس بصرا یلیوب و بعض
آخری دخی موزون و معقلا کلمات شعریه تکلم و معانی لطیفه سنی تخیل ایدر که کندیلردن
کچرب و عالم غیبیه ممکن اولدیغی مرتبه متصل و استعدادی قدر علوم غیبیه دن بعض معارفه
واصل و نائل اولوب مطلوبدن خبر و پررل طایع بشرده بو مقوله موجود اولان قوته که هانت
و اصحابنه کاهن اطلاق اولنور * لکن نفوس که هان رتبه کالده نقص و قصور اوزرینه مجبول
و مغطور اوللرله قوای حس ایله محسوس و معلوم اولان امور جزئییه به علم و ادرا کلری
حقایق کلبه به وقوف و شعور لردن اکثر اولوب اکثر یا جزئیات محسوسه نك احوال لرنه
اطلاعه مألوف و مشغول و کلیاتدن غافلدر یعنی اکثر یا کوز ایله کوز یلوب یا سمعه
ایشیدیلوب یا خود انلرك امثالی قوای ظاهره و باطنیه ایله حس و ادراك اولنان امور جزئییه پی
یلوب اما اشیاء جزئییه نك حقایق کلبه سنی و علی الوجه الکلی احوال و احکاملرنی
ادرا که قاصر لدر مثلا فراد انساندن بر شخص معینی و سائر اول شخصده موجود اولان
احوال جزئییه سنی مشاهده و تخیل ایدوب لکن اول شخصه و سائر اشخاص انسانیه به
شامل اولان مطابق انسان حقیقتی و طبیعت انسانه مخصوص احوال و اعراض کلبه پی
و عالمده موجود اولان سائر اجسام وار و احک حقایق کلبه و احوال شامل لرنی نفس الامرده
اولدیغی کبی حقیقتی اوزره کشف و عیانده راجلدر زیرا امور کلبه محسوسات جزئییه کبی
آلات بدینه و قوای ظاهره و باطنیه دن بر قوتله ادراك اولنوب بلکه نفس ناطقه انسانیه
وار و اح بشریه بشریتدن ملکیتیه واصل اولدقده انجق نفس و روح کندی
ذاتله ادراك اولنور شوقدر واردر که انسانک نفس و روحی آلات بدینه واسطه سبله
محسوسات جزئییه پی مشاهده ایدر که جزئیاتدن کلیانه انتقاله کندی بر استعداد حاصل

نفس نفسیاری علایق بدنیه دن مفارقت وملاً اعلا ده ملائکه کرام ایله ملاقات
 ومقارنت ایله کلام الهی بی اخذ وتلقی ابتد کلری حالتدن عبارت اولمغله بهر حال روح
 قدسیلری جسم اعلیه نندن خلایقه بی قطع ایدوب بشریت سفتندن خروج
 وملکیت درجه سنه عروج ابتد کده بو حالت روح بدندن مفارقتی مثللو برکیفیت
 اولمغله ذات عالیترینه شدت ومشقت عارض اولوب ظاهر بدنلرنده تعب واضطراب
 مقرر اولور وابتدای بعثته کیفیت ظهور وحی الهی بیاننده مشکاة نبوتدن صادر اولان
 ﴿ فغظنی حتی بلغ منی الجهد فارسلنی فقال اقرأ قلت ما انا بقاری ﴾ الی اخر الحدیث
 حدیث شریفنده ذکر اولنان غط کله سیله دخی مراد نزول وحی اثناسنده عارض اولان
 شدندر ﴿ لکن نزول وحی الهی متکرر اولدجه علی التدریج نفس نبویه اعتیاد
 حاصل اولمغله ابتدای وحیده واولل بعثته ظهور ایدن تعب ومشقته نسبتله فی الجمله
 خفت وسهولت حاصل اولور حتی سلطان انبیا علیه افضل التحایا حضرت تلمبک
 مکه مکرمه ده اقامتلی حائسده نازل اولان سور و آیات هجرتسرای مدینه منوره به
 تشریفلرندن صکره نزول ایدنلردن اقصر اولد بیغی دخی بومعنا به دلالت ایدر زیرا
 مدینه منوره به هجرتلی وقتنده زمان بمشندن اون سنه مقداری زمان مرور ایدوب
 بعد الهجرة طوال سور قرآنیه دن سورۀ براءتک مجموعی یا خود اکثری تبوک غزاسنه
 سیر وسفر اثناسنده ذات عالیلری ناقه سوار ایکن نازل اولوب مع هذا مکه مکرمه ده
 اقامتلی حائسده سور قصار مفصلک بعضی بر وقتنده و باقبسی وقت آخر ده نازل
 اولوردی سورۀ نبأ وسورۀ نازعات کبی وكذلك اول سلطان رمزاشنا ی ما وحی علیه
 افضل التحایا حضرت تلمبینه نازل اولان آیات قرآنیه تک جمله سندن صکره نزول ایدن ا کمال
 دین آبی دخی آیات طویلہ دن اولوب مدینه منوره ده نزول ایتشدر مع هذا مکه مکرمه ده
 سورۀ رحمان وسورۀ ذاریات ومدثر وضیحی وعلق سورہ لری آیاتی کبی آیات قصار نازل
 اولوردی بو تقریرمزدن مکه ده یا خود مدینه ده نازل اولان سور و آیاتک تمیز بنه بر علامت
 حاصل اولوب سور قرآنیه و آیات فرقانیه دن بر سورہ و آیتک مکی ومدنی اولسنه استدلال
 اولنور یعنی قصیر ایسه مکی طویل ایسه مدنی اولمق ظاهر اولور بومحمله نبوت و رسالت
 بجئی تمام اولوب حالاکهانن طریقله مغیبانه اطلاع و وقوف ادعا ایدن کسنه لک
 احوالی بیاننه شروع اولندی ﴿ معلوم اوله که کههانت نفس انسانه مخصوص برحالت
 وحقایق اشیا به اطلاع و سیله برکیفیت اولوب خارجدن بعض اسبابه توسل ایله اصحابی
 مغیبانن خبر و بررلر بواهرک تحقیق وتفصیلی بویله در که بوندن اقدام تقریر اولندی بیغی
 اوزره نفوس انسانیه علایق بشریه وعوایق بدنیه دن خروج و کندی فوقنده اولان
 عالم روحانی به عروج مستعد اولوب ونوع بشردن انبیاء کرام علیهم الصلاة والسلام
 حضراتی ایچون بو حالت سنیه انجیق اراده علیه وفطرت طاهره وجبلت صافیله لریله
 بر لحظه ده حاصل و واثاده طرف حقندن وحی اولنسان کلام الهی بی تلقی شرفنه نائل
 اولورزدی و دخی معاشر انبیا تک بشریتدر ملکیته دخول و لم غیبه و وصولاری مجرد ذاتلریله

بلکه توح هو دن حاصل وامر واحد متصلدر بناء عليه ني عليه الصلاة والسلام
 حضرت تيرينك سمع عاليه بومقوله صدا واصل اولديغى ائساده برمعنى فهم اولنجوب
 بلکه بالكليه اول صدا منقطع ومنقضى اولديغى آندة وحى اولنان كلام ربانى وخطاب
 سبحانى معلوم ومحفوظلرى اولديغى خبر وبردكرنده بو حالته حفظ وحيدن فعل ماضى
 صيغه سبيله تعبير مناسب اولدى زيرا حفظ معنا صداى مذكور ك بالكليه انقطاع
 واتهاسته موقوف اولوب وفعل ماضى صيغه سى دخی ككشش زمانده واقع ومنقطع اولان
 امور ماضيه دلالت ايچون موضوع اولغله لسان عربده فعل ماضى اولان وعبت صيغه سبيله
 تعبير مرام بيوروب (فينقسم عنى وقد وعبت ما قال) حديث شريفنى ابراد بيورديلر
 يعنى الله اعلم ورسوله حال وحيدده سمعه صداى مذكور كلوب وبنه منقطع اولور
 حال بو كه اول صدا دن فهم اولنان معنائى وحى الهى بي بندخى حفظ واتقان ايمش اولورم
 * اما حالت ثابته ده حضرت جبرئيل عليه السلامك بشر صورته تمثيل ايدوب
 طرف حق دن تبليغ ايتديكى وحى الهى بي متكلمك مخاطبته سوق وترتيب ايتديكى كلامه
 تشبيه بيورم ليله بو حالته حفظ وحيدن فعل مضارع صيغه سبيله تعبير مقتضائى حال
 اولدى زيرا فعل مضارع تجده يعنى آنا فانا منجدد ومرتب وازمنة عديده ده واقع اولان
 حوادته دلالت ايدوب وانسان تكلم ايتديكى كلامى ترتيب وتركيب ايتدكده هر لفظى
 نطق ايتدكده برمعنا حادث اولغله مخاطب اولان كسه دخی كلامك اولندن آخريته
 وارنجه اجزائى كلام دن معنائى عديده فهم ايدر بناء عليه جبرئيل عليه السلام
 تمثيل طريقيه وحى ربانى بي ادا ايتدكده ائسائى وحيدده رسول عليه السلام حضرت تيرى
 دخی فهم وحفظ بيوردقلى فعل مضارع صيغه سبيله تعبير بيوروب فاعى مايقول
 كلامنى ابراد بيورديلر يعنى جبرئيل عليه السلام وحى الهى بي بكا ادا ايدر وبتدخى
 ترتيب ايتديكى كلامك معنائى حفظ ايدو رم ديوب بيورديلر * ودخی معلوم اوله كه
 وحى حالتيرينك جمله سنده تعب ومشقت موجود اولديغنه قرآن كريمه سورة مزملده
 ﴿ انا سنلقى عليك قولا تقبلا ﴾ آيت كريمه سنده ائمه تفسير اشارت ايدوب قول ثقيلدن
 مراد وقت وحيدده رسول اكرم عليه الصلاة والسلام حضرت تيرينه عارض اولان
 تعب واضطرابدر ديديلر وحضرت عايشة صديقه رضى الله تعالى عنهادن مرويدر كه
 زول وحى الهى ائاسنده اول شغارسان خسته دلان امت عليه افضل التحية حضرت تيرينه
 علاج ايدو جك قدر تغير واضطراب عارض اولوب حتى زياده بارد كونده وحى الهى زول
 ايدوب ينه منقطع اولوردى حال بو كه جبين نابساكلرندن سيلاب رحمت كى قطرات
 عرق سيلان ايدردى ديوب روايت بيورمشلردر * ودخی كتب سيرده مسطور اولديغى
 اوزره وقت وحيدده سلطان انبياء عليه افضل التحايا حضرت تيرى كنديدن كچوب
 نام معناده كال استغراقلر دن ناشى خبيرة حلقوم مباركلر دن نوم وغشى ائاسنده نام وغشى
 عليه اولان كسنه لردن ظهور ايدن صوت كى صدا مسموع اولديغى معروف ومشهوردر
 وامرك سر وسبى اولدر كه وحك حقيقتى وندن اقدم نقرير وتحقيق اولنديغى اوزره

دیو بیوردیلر اشبوتقل اولئان حدیث شریف مفهوم منینی اوز ره حالت اولی یعنی
استماع صدای مهیب ایله تلقی وحی حالتی ائناسنده نبی علیه الصلاة والسلامه زیاده
تعجب و مشقت عارض اوله سنک سر و سببی بودر که بومقوله صدای استماعیله امر و حیک
ظهوری اوائل و حیده واقع اولوب هنوز بشریت ائلندن خروج و ملکیته عروج ایله
تلقى و حیده مألوف اولد قلمی وقته مصادف اولغله ذات عالیلرند. بر مقدار تعجب
و مشقت حاصل اولور بوسبیدن ناشی در که اوائل بعثتده ملکیتدن بشریته عود و رجوع
بیوردیلرند محسوسات جسمانیه بی ادراک ایچون نوع بشره احسان اولئان سمع و بصر
وسائر آلات حسیه دن انجیق سامعه لرینه عالم غیبیدن اخذ ایتد کلمی وحی الهی
صدای صورتیله واصل اولوب بصر و سایر آلات حسیه ایله شهود و ادراک حاصل اولماز
❖ اما وحی الهی متکرر و مکرر بعد اخری عالم غیبیه وصولر می تکرر اولدغه بشریتدن
ملکیته خروج وجه انس و الفت و حالت اولی به نسبتله امر و حیده سهولت حاصل اولوب
فضای لاهوتدن عالم شهادته رجوع و قوای حسی اعمال و استعماله شروع ایتد کلمنده
بصر بصیرتلیله لوح غیبیدن ادراک ایتد کلمی اسرار و وحی حامل اولان روح الامینک
صورت بشریه سنی حس بصر ایله دخی معاینه و مشاهده بیوردیلر ❖ معلوم اوله که
ابلاغ بلغای هدنان نبی اخر الزمان صلوات الله تعالی علیه و سلامه حضرت لرندن ظهور
وحی الهی کیفیننده وارد و ذکر می سبق ایدن حدیث شریفده وحی حالتلرنی ایکی
قسمه تقسیم و هر قسمی بر شبنه تشبیه بیوروب قسم اولده سمع نبوی به واصل اولان
کلام الهی بی صدای جرسه و قسم ثانیده حامل وحی مبین حضرت جبرئیلی بر مخاطبه
افاده مرام ایچون ترتیب کلام ایدن رجله تشبیه بیوردیلر لکن وحی حالتلرنی ایکی
حالت اولیده آواز جرس کبی صدادن فهم ایتد کلمی معناک ضبط و حفظندن فعل ماضی
صیغه سبله تعبیر بیوروب (فینفصم عنی وقد وعبت ما قال) کلامیله بومعنائی اذا
بیوردیلر و حالت ثانیده یعنی حضرت جبرئیل علیه السلامک صورت بشره تمثل ایدوب
تبلغ ایتدیکی کلمات وحی الهیدن منفهم اولان معناری حفظ و اتقان بیورملرندن فعل مضارع
صیغه سبله تعبیر بیوروب (فیکلمنی فاعی ما بقول) کلامیله حارث بن هشامه خطاب
و جواب باصواب و بردیلر مع هذا کلام اولده و ثانیده ابراد بیوریلان وعبت ایله
عی کلملری حفظ معناسنه موضوع اولان وحی لفظندن مأخوذا اولوب بومقامده
نبی علیه السلامک حالت اولیده صدادن و حالت ثانیده کلام جبرئیلدن فهم اولئان
وحی الهی بی ضبط و اتقان بیورملرندن عبارت و شی واحد ایکن حالت اولیده فعل ماضی
و حالت ثانیده فعل مضارع صیغه سبله تعبیر بیورملری فنون بلاغندن بر نکسته لطیفه به
مبنی در اول نکسته بدیعیه بودر که حالت اولی ده طرف غیبیدن سمع شریفلرینه
واصل اولان خطاب الهی جرس آوازینه تشبیه اولنوب و عرف ناسده آواز جرس کبی
صدالری یعنی کورلدی و خشلدی مقوله سی صوتلر انسان کلامی کبی حروف مخصوصه دن
و علی الترتیب متکلمک اغراضنه دلالت ایدن عبارت و کلام جنسندن معدود اولوب

مترانه سنه تنزل ایلدوب بو عالم جسمانیده نوع بشرک معناد اولدقلری حس و شعور
 آلا تنده سمع و بصر ایله نیجه امور غریبه دخی استماع و مشاهده یوررلر کاه اولورکه
 سمع شر بفرینه کور لیه رک برصدای مهیب واصل اولوب اول صدادن رمز و اشارت
 طریقله طرف حقدن کندیلره وحی اولنان کلامی اول انده فهم و اتقان و امنه بیان
 یوررلر و کاه کندیلره تبلیغ و حیه مأمور اولان ملک رجل صورتنه تمثل ایدوب
 کلام الهی بی انبیا به ادا انلردخی بعد الفهم و الاذعان امنه تبلیغ یوررلر لکن صفت
 بشریتدن خروج و عالم غیبه و صوللری وینه بشریتنه رجوع ایدوب سفیر وحی
 جلیل حضرت جبرئیل علیه السلام دن وحی الهی بی اخذ و قبول یورمارینک مجموعی
 لحظه واحده ده بلکه لمج بصر دن اقرب آنده واقع اولور زبرا انبیا عظامک نفس
 شریف و روح لطیف لری برمرأت جهاتنا بدرکه دائماً عالم غیبه لوح محفوظه و ملاً اهلیه
 مقابل اولوب بصر بصیرتله نظر و اراده حق تعلق ایتدیکی وجه اوزره انده
 مرسوم و مصور اولان اسرار وحی ربانیه آینه ذاتلرینه منعکس اولدقده طرفه العینده
 قبول وینه بشریتنه رجوع یوررلر سر و حکمتی دخی بودرکه انلرک علم و عرفانلری
 بزم کبی کسب و تدریجه و امتداد وقتنه موقوف اولوب بلکه جمله سی دفعه حاصل
 و سرعت ایله کندیلره واصل اولغله بو حالت سنیه لغه عربده سرعت معنا سنده مستعمل
 اولان لفظ وحی ایله تسمیه اولمشدر * معلوم اوله که ائمه دین و علمای محققین رأی لری
 اوزره وحی حالتلرینک اولکبسی یعنی آواز جرس کبی صدای مهیب استماعی مخصوص
 کتاب و مستقل شریعت ایله مبعوث و مرسل اولوب بلکه بر صاحب شریعت
 نبی ذیشانک شرعی تأیید و تنفیذ ایچون بعث اولنان انبیا عظامک رتبه سیدر حضرت
 هارون و سائر نبی اسرائیل پیغمبر لرینک اکثری کبی * اما وحی حالتلرینک ایکنجه
 قسمی که ملائکه نک رجل صورتنه تمثل ایدوب انبیا عظام ایله مخاطبه و مکالمه حالتیدر
 بو حالت سنیه صاحب کتاب و شریعت اولان انبیا مرسلینه مخصوص اولوب حالت
 اولان دن اکل و اعلا در کتب اربعه ربانیه و سائر صحف الهیه ایله مبعوث اولان
 اصفیای مرسلین صلوات الله علیهم اجمعین حضرت آتی کبی که مرسل اولان پیغمبر لر
 اشو حالت ثانیه ایله سائر انبیا دن ممتاز اولمشلدر * نته کیم قافله سالار اصفیا
 سلطان انبیا پیغمبر من محمد مصطفی صلی الله تعالی علیه وسلم حضرت تدرندن حارث بن
 هشام کیفیت و حیک ظهورنی سؤال و استعلام اتدکده کندیلرده بویکی حالتک
 و قوهنی بیان ایله حقیقت و حبی تفسیر و بوجهله جواهر کلمات قدسه لری کشیده
 سلاک تقریر ایدوب یوردیلرکه کاه طرف غیبدن سمعنه آواز جرس کبی برصدای واصل
 و اول وقتده بکاغایت تعب و مشقت حاصل اولوب و اوصداینه منقطع و منقضى اولور
 حالبوکه اول انده بندخی وحی اولنان کلام الهی بی فهم و حفظ ایتش بولنورم
 و کاه دخی امین وحی الهی اولان ملک رجل صورتیه بکا ظاهر اولوب تبلیغنه
 مأمور اولدیغی کلام الهی بی ادا ایتدیجه بندخی فهم و اتقان و ضبط و اذعان ایدرم

بو طریق ایله حاصل اولوب دائرة معرفتلی حس و تجر به یا انک امشالی وجوه ایله
 معلوملری اولان اسباب و مبادی به منتهی اولوب بومر تبه بی نجاوز ایدمه منزل
 ❖ صنف ثانی حقایق اشیا به واقف اولان طوایف بنی آدمک ایکنجی صنفی اول ذات
 کامل در که نفس و روحلری مبدأ فیاض جل شانہ حضرتلرینک خلق اندیکلی
 فطرت طاهره و خلقت زکیه سی اوزرینه باقی قالب ذات نورانیسی حجاب ظلمانی ایله
 محجوب اولماغله طایر روحی عالم معناده سر و ش غیب ایله پرواز ایدوب ملائکه کرام کی
 آلات بدنیه و قوای حسیه استعانتیه محتاج اولمیان علوم ربانیه و معارف روحانیه
 انوار ایله منور و هر شبک حقیقی آینه طبع تابناکلرنده مر سوم و مصور در
 بو صنفک دائرة علم و عرفانلری بغایت واسع اولوب صنف اولک حس و خیال
 واسطه سیله کوروب بلدیکی نهایت علم و شعورلری اولان علوم اولیه بدیهه تک و راستده
 نیجه اسرار خفیه به واقف و مشاهدات انوار معارف الهیه ده حدت بصر بصیرتلی
 صنف اوله غالبدر زیرا اشبو صنف ثانی تک لوح ضمیرلرینه صور علم و معارف لوح
 محفوظدن منعکس و مر تسم اولماغله علملرینک مبدأ و منهاسی صنف اولده داخل اولان
 و علمای ظاهر کی بر حد معین ایله محدود و محصور اولوب آن واحده لوح غیبدن
 مرآت روح منورلرینه انواع معارفدن قتی چوق اسرار منکشف اولور بو حالت
 سنیه و رتبه علیه علوم لدنیه اصحابی اولان اولیاء کرامک حال و شانی اولوب و سعدا ی مؤمنینه
 موتدن صکره برزخ قبرده حاصل اولان سعادت ابدیه دخی بودر ❖ صنف ثالث ودخی
 نفوس کلین بشریه تک اوچنجی صنفی اول طائفة علیه در که خلق ایله معاشرتلری
 حق ایله معامله لرینه مانع اولوب مراد اندکلی وقتده مجاهده و ریاضت مقوله سی
 خارجدن بر امر ایله استعانتسز خود بخود نفوس شریفه لری بشریتدن خروج
 و فضای لاهوتده مقام ملکیته عروج ایدوب آن واحده لمخ بصرده طی سראقات
 علین و مشاهده ملائکه مقرر بین ایله کلام ربانی و خطاب سبحانی بی استماع ایدرلر
 بو طائفة علیه انبیاء عظام صلوات الله علیهم اجمعین حضراتی در که جناب رب العالمین
 جل شانہ حضرتلری بونلرک کوهر کرا نمایه ذات عالیلری بر صورت کاملده خلق و ایجاد
 ایلشدر که مراد اندکلی وقتده طرفه العینده عالم شهادتدن عالم غیبیه سیر و سفر ایدوب
 بشریت حائده ملکیت طورینه واصل اولورلر بو حالت سنیه وحی حالتیدر و بونلرده
 بونشته تک ظهوری انجیق جناب رب العالمینک اراده علیه سیله و جوهر فطرت طاهره لرلی
 طرف قدسه منجذب خلق ایتمسیله حاصل اولمغین ساحة عصمتلری اخلاق ذمیه
 و افعال رذیله دن مبرا و ذات عالیلری رضای حقه مخالف امره میل و محبتدن معرا
 اولوب دائما طاعات و عباداته صرف همت و تحصیل مبرات و حسنه رغبت ایدوب دیده
 بصیرتلی طرف غیبیه ناظر و استدکلی وقتده فضای لاهوتده حاضر اولورلر
 ودخی انبیاء عظام حضراتی بشریتدن ملکیته ترقی و ملاء اعدادن اعتقاد و عملده دائر
 معارف الهیه بی تلقی بیوردقلرنده عبادت تبلیغ مصلحتچونینه فی الحال ملکیتدن بشریت

ایده رک مستعد اولدییگی کالات علیه و عملیه بی تحصیل و آلات جسمانیه و قوای بدنیه سر
 حاصل اولان علوم روحانیه و معارف ملکیه به اطلاع ایله نفسی تکمیل ایدوب آثار حقه
 و اسرار وجوده عالم و عارف اولمقده ملائکه کرامه مشابه و مماثل و ملأ اعلایه ملحق
 و متصل اولور و دخی انسانک نفس ناطقه سی جناب حقه خلق ابتدییکی فطرت اصلیه سی
 مقتضاسی اوزره کاهیجه علایق بشریه و کدورات بدنیه دن بالکلیه علاقه بی قطع ایله
 بشریتدن منسلخ و کشف و ریاضت مقوله سی خار جدن برشی ایله استعانتسز افق اعلایه
 عالم مضاده ملائکه مقرینه متصل اولوب انوار حقایق الهیه بی مشاهده ایله
 آینه ذاتی منور اولور خلاصه کلام انبیاء کرام علیهم السلام حضراتک
 مرآت ذات عالیبری انوار علوم ایله منور و حقایق اشیاک صور کلیه سی
 جوهر فطر تارنده مرسوم و مصور اولوب جناب حق جل شانہ حضرت تریک
 ذات اعلا وصفات استناسی و عالم روحانی و جسمانیه موجود اولان اشیاک حقیقت
 و ماهیتلرینه و احوال و اعراض کلیه سنه فیض ربانی و امداد صمدانی ایله علم و معرفتلی
 شامل و من کل الوجوه کاملدر * بوندن صکره معلوم اوله که درجه عرفانه و اصل و علم
 و عملده کامل اولان نفوس بشریه تحصیل معارفده اوچ قسمه منقسم و اصناف ثلثه
 اوزر بنه و اقعدر * صنف اول افراد بشردن اول شخصدر که علم ربانی و ادراک
 روحانی به کندی طبعیه و وصولدن عاجز و کثافت ظلمات بدنیه سی انوار معارف الهیه ایله
 کندی ماینه حائل و حاجز اولغله نفس و وحک طرف اسفلی اولان جسم و بدن
 جاننه میل و حرکت ایدوب حواس خسته ظاهره ایله محسوسات خارجه به نظر و حس
 و ادراک ابتدییکی صور دن قوه خیالیه سنه و قوه حافظه سنه محفوظ و مضبوط اولان
 معلوماتی قوه مفکره سی واسطه سبله قوانین منطقیه اوزره ترکیب و ترتیب ایدوب تصور
 و تصدیق نوعلرندن مجهوللرنی کسب و تحصیل ایدر بو طریق ایله حاصل اولان علوم
 و معارفک جمله سی آلات بدنیه استعانتیه و قوه متخیله و ساطیه خارجه موجود اولان
 محسوسات جزئیه دن مکسوب اولوب قواعد مخصوصه و قوانین مضبوطه تحتده
 داخل اولغله دائره سی واسع دکدر زیرا منطق کابلرند. تحقیق اولسدییگی اوزره
 برشیک تصوری یا خود برشی ایله شیء آخرک اوزرینه حکم و تصدیق مجهولز اولدقده
 اول مجهول اولان شئی بلدره جک ذهنده معلوم و محفوظ اولان اسباب و مبادی به
 مراجعت اولنوب علی التدریج فکر و ترتیب ایله مجهولزه علم و ادراک حاصل اولور
 بو تقدیرجه مجهولز اولان اشیا بی بیلکه مناسب نسبه لری ذهنز ایله ارا یوب و لایق
 اولدیغی وجه اوزره ترتیب و ترکیب ایله رک بدل مقدور و اسباب معلومه و مبادی معرفیه
 منتهی اولوب آنی تجاوز ایلز اگر اسباب علم اولان مبادیده یا خود ترتیب و ترکیبده
 خطا واقع اولورسه انک واسطه سبله بلدیگمزشیده دخی خطا واقع اولور که علما
 پیلرند اولان کثرت اختلافات و اسئله و معارضات بومد عامزه شاهد کافیدر اکثر یا
 علم و کمال ایله معرف اصحاب فضا ثلک علم و معرفتلی و کثرت تبع ایله ملکه و رسوخلری

خیال واسطه سببه تذکر ایدر (وقوای خجس باطنه نك اوچجیبسی قوه واهمه در قوه واهمه
 دخی جرم دماغه ترتیب اولسان بطوندن اوچجی بطنك مقدمنده و طبقه اولی سنده واقع
 بر قوت و نفسك برآلتی در كه حس ظاهر ایله محسوس و معلوم اولان اشیا نك احوال جزئیة سی
 و اعراض مخصوصه سی واهمه واسطه سببه ادراك اولنور مثلا بر شخص معین بر شخص
 معینك كندویه اولان محبت مخصوصه و عداوت معینه سنی بیلوب و كذلك والد
 و والده نك اولادنه محبتی و اولاد بطنك دخی انلره میل و محبتی ادراك ایتدیکی کبی كذلك
 قویون مصادف اولدیغی قوردك كندویه خصم وعدو اولدیغی حس ایدوب اجتناب
 ایتدیکی کبی زیرا قوه واهمه ایله محسوسات میاننده واقع اولان احوال جزئیة ادراك اولمغله
 حیوانانده دخی واهمه قوتی موجوددر اما انسان قوه واهمه ایله معانی جزئیة بی احساس
 ایتدیکی کبی نفس ناطقه و قوه عقلیه سببه معانی کلیه بی دخی ادراك ایدر مثلا مطلقا
 عداوت و محبت لفظلرینك معنای کلیسی انسان عقل ایله بیلوب لکن حیوانات اندن
 غافل اولوب بلکه معاینه ایدوب و مصادف اولدیغی اشیا مخصوصه نك حال و شانلری
 ادراك ایدر یوخسه انسان کبی اشیا کلیه بی واحکام مطلقه بی ادراکدن بالکلیه قاصر
 و عاجز زدر و قوای خجسه باطنه نك (درنجیبسی قوه حافظه در قوه حافظه دخی بطون
 دماغیه دن اوچجی بطنك آخرنده واقع بر قوتدر كه قوه واهمه ایله ادراك اولسان معانی
 جزئیة انده حفظ اولنوب صور و همه نك خزینه سی مقامنده اولمغله وقت حاجتده
 قوه واهمه صحیفه حافظه ده مرتسم و منتقش اولان معناری اندن اخذ ایدوب اقتضا
 ایتدیکی وجه اوزره استعمال ایلر (ودخی قوای باطنه نك بشجیبسی قوه مفکره و متصرفه در
 و بوقوت دخی بطون دماغك و سطنده واقع اولان ایکجی بطنده بر قوتدر كه حس مشترک
 ایله قوه واهمه ایله ادراك اولتان صور محسوسات و معانی جزئیة ده ترکیب و تحلیل ایله
 تصرف ایدوب گاه صور حسیه و معانی جزئیة نك بعضیسی بعضیسنه ضم و ترکیب
 و کاهیجه بر برندن تحلیل و تفریق ایلر مثلا گاه ایکی باشلی و گاه رأسی مقطوع انسان
 تحلیل ایتدیکی کبی قوه مفکره خیر الامور اوسطها خواستجه بطون دماغیه نك و سطنده
 واقع اولوب فوقنده و تحتنده اولان بطن اول ایله بطن ثانیه موضوع حس مشترک ایله
 قوه واهمه نك ادراك ایتد کبری صور و معنارده تصرف و انلری ترتیب اتمکله قوای
 دماغیه نك اعلا و اشرفی اولوب انسانك نفس ناطقه سببه تعقل ایتدیکی امور کلیه بی
 تحصیل و ترتینده بر شریف آلتیدر زیرا نفس انسانی حقایق ایله بی ادراك ایله
 ساثر انواع حیوانانده متمایز و صنایع غریبه ده و احوال عالمده رأی و تدبیر ایله سرفراز
 اولوب لکن حقایق اشیا په علم و اطلاعی ملائکه کرام کبی بالفعل حاصل و جمله حوادث
 و واقعات غورینه قوه عقلیه سی دفعه واصل اولوب بلکه حواس ظاهره و باطنه
 واسطه سببه خارجدن اخذ و کسب ایتدیکی صور محسوسات و احوال جزئیة لری
 علی التدریج مشاهده و ملاحظه په موقوف اولمغله بطون دماغیه نك و سطنده واقع اولان
 قوه مفکره سنی کسب ایتدیکی اشیا ده گاه ترکیب و ترتیب و گاه تحلیل و تفریق ایله استعمال

(قوة حافظه) بشجیسی (قوة مفكره) در * معلوم اوله كه انسانك نفس و روحی اهل شرعدن محققین ایله حكماقتده جسم اولوب بلكه ذاتنده اجزای كشیفه جسمیه دن مجرد و عملنی تكمیلده و علم و عملنی تحصیلده جسم و بدنه و آنلره واقع اولان آلات و قوایه محتاج بر موجود روحانی و جوهر نورانی اولغله كویا روح بر سلطان صاحب فرمان و جسم و بدن اول سلطانك قلمر و حكومت و مملكتی و آلات و قوای بدنیه سی اول مملكتك اعیان و اركانی مقامنده اولغله سلطان روح مملكت بدنك تدبیر و تصرفنده اعیان و اركان رتبه سنده اولان حواس خسته ظاهره بی و خواص و مفر بین و ندمای مكرمین درجه سنده واقع قوای خسته باطنه بی استعمال ایله نظام كارگاه معاش و معادنی تكمیل ایله سعادت دارینه واصل و نااثر اولور و قوای خسته باطنه ك مجموعی جرم دماغده واقع و جرم دماغ دخی كتب فن تشریحده تفصیل اولندیغی اوزره شكركله سی كبی مخروطی الشكل برعضو اولوب رأسك جهت طولنده بوعضوده اوچ خالی محل موجود در كه آنلره بطون دماغ تسمیه اولنور بطن اول رأسك جانب اعلا سنده جله بطونك اعظم و اوسعی اولوب و بطن ثالث رأسك طرف اسفلنده واقع و بطن اولدن اصغر بطن ثانی اولنكی بطن ایله اوچنكی بطنك ارا سنده دهلیز كبی متوسط و انلردن اصبقدر و بو ذكر اولنان بطون ثلثه ك هر بری دخی اوچ طبقه اوزرینه مرتب و طبقه اولی یه مقدمه و ثانیه یه متوسط و طبقه ثالثه یه مؤخر دیرلر و جرم دماغده ترتیب اولنان بطون ثلثه دن هر بری قلیدن دماغه صعود ایدن روح نفسانی ایله مملو اولوب و هر برنده بردر اوحس و ادراك حاصل اولغله نفسك قوای مدر كه سی انلرده موجود در * اول قوای باطنه دن قوة حس مشترك جرم دماغك اولنكی بطنك مقدمنده واقع بر قوتدر كه انسان حواس خمس ظاهره دن بصرا ایله مشاهده ایتدیكی مبصراتی و سامعه ایله استماع ایتدیكی اصوات و كلماتی و ذائقه ایله طاتدیغی طعموی و شامه ایله قو قلدیغی رایحه لری و لمس ایله حس و ادراك ایتدیكی اشیاك صورتلرینك مجموعنی حس مشترك واسطه سیله احساس و ادراك ایدر زیر ظاهر بدنده اولان حواسدن هر بری محسوساتدن انجق اول حاسه یه مخصوص اولان شبثك ادراكنه آلت اولوب حاسه اخر ایله حس اولنه جق نسنه آنكله ادراك اولنماز مثلا حس بصرا ایله انجق لون و ضیا و سایر محسوسات بصریه مشاهده اولنوب و قوة سامعه ایله انجق اصوات و نغفات و حروف و كلمات معلوم اولوب نه بصرا ایله مسموعات و نه سامعه ایله مبصرات ادراك اولنور اما بطن اول دماغك مقدمنده موضوع اولان قوة حس مشتركده بونلرك جله سی وقت واحدده دفعه حاصل و ادراك اولنغله كویا قوای خسته ظاهره بو حس مشترك دیدكاری قوتك خارجه جاسوسلری منزله سنده اولوب طشره دن اخذ ایتدیكاری صور محسوساتی حس مشتركه ایصال و تسلیم ایدرلر (وقوای باطنه ك ایكنجیسی قوة خیالدر قوة خیال جرم دماغك اولنكی بطنك مؤخرنده واقع بر قوتدر كه حس مشتركده هر سوم اولان صور محسوساتی حفظ و ضبط ایتكله حس مشترك خزینه سی مقامنده اولوب طول عهد ایله منسی اولان محسوساتی وقت حاجتده نفس انسانی قوة

وصول ايله ملائکه زمرة سنه ملحق و متصل اولغنه مستعد اولدقلرى ثابت و ملا اعلايه
اتصال و ارتباطلىرى ظاهر اولور بوصولنده نفوس انسانيه و ارواح بشريه نك
ايكى جهتي اولوب برى علوى و برى سفليدر طرف اسفلندن تدبير و تصرف طريقه
بدنه متصل و متعلق اولوب آلات بدنیه سى و حواس ظاهره سى اولان قوه باصره ايله
مبصراتی کوروب و قوه سامعه ايله اصوات و کلماتی ایشیدوب قوه ذائقه ايله طعموی
طایوب شامه ايله رایحه لری قو قلبوب لامسه ايله حرارت و برودتی و رطوبت و بیوستی
حس و ادراک ایدرک هر شئی نك حقیقت کلیه و طبیعت مخصوصه سنه و سایر احوال
و اعراضه علم و شعور تحصیلنه استعداد کسب ایدر وینه نفوس انسانیه جانب اعلا سندن
عالم معنایه متصل اولوب مجردات علویه بی نور بصیرت ايله مشاهده و ملائکه کرام ايله
روحانی معامله ایدوب هر شئی نك حقیقت و کیفیتنه و قوف و اطلاع ايله سرا پرده غیبه
مستور اولان معنیاتی ادراک ایدرلر زیرا عالم جسمانی و روحانیه واقع و حادث اولان
امورک جمله سنه ملائکه کرام عارف و واقف اولوب مرآت نالرنده صور اشیا هر سوم
اولغله روح انسانى و اطرفه نور بصیرت ايله نظر و توجه ایتدکه آینه ذاتنه مقابل اولان
صور غیبیه منعکس و منعکشف اولوب طرف علام الغیوب بدن الهام طریقله نیجه علوم
و معارفه علم و عرفان تحصیل ایدرلر ❖ و دخی معلوم اوله که نوع انسانک نفس و روحی
دیده دن نهان و افعال و آثارى یدنده ظاهر و عیان اولوب بدنه و بدنک مجموعی و اعضاى
ظاهره و باطنه سى نفسک و قوا سنک آنلر ایدر که وقت حاجتده آنلری استعمال ايله کندیلر دن
صدور و ظهور ایدن افعال و آثارى قوه دن فعله اخراج ایدرلر مثلا انسانک بر شئی اخذ
و تناولنده یدلری آلت اولوب مراد ایتدیکی وجهه اوزره آنی استعمال ايله اخذ ایدر و کذلک
مشى و سیرنده آلتی ایاقلری اولوب آنلری تحریک ايله قطع مسافه ایدر و تکلمده آلتی لسانی
اولوب مراد ایتدیکی وجهه اوزره تحریک ايله دله دبیکی کلامى سوبلر و کذلک حرکت
کلیه سى یعنی بر طرفدن بر طرفه دونوب یوالتمه سى مجموع بدنیه اجزای بدنیه سنک جمله سى
کلیا حرکت ایتکله حاصل اولور و کذلک انساندن یونلرک امشالی نغدر افعال و اعمال
وجوده کلور سه یا مجموع بدنی یا اعضا سندن بر عرض و مخصوصنی اول فمک حصولنه
لا یق وجهه اوزره استعمال ایدوب اول فعلی حصوله کتورر ❖ و دخی انسانک محسوسات
جسمانیه بی حس و ادراک ایچون ظاهر بدنیه اعضاى مخصوصه سنده بش قوه حاسه
اولوب هر برى ايله محسوساتدن بر درلونسنه بی ادراک ایدر مثلارؤیت ایچون بصر
و استماع اصوات ایچون سامعه و طعموم مختلفه بی طاقمق ایچون ذائقه و رایحه لری
شم ایچون شامه و حرارت و برودت و رطوبت و بیوستی حس ایچون قوه لامسه اولد بیکی
عند الحکما باطن بدنیه جرم دماغده بش قوت دخی موجوددر که انسانک ظاهر بدنیه
موجود و مذکور اولان آلات حس ايله ادراک ایتدیکی اشیا بی قواى باطنیه به تسلیم
و ادراکات باطنیه واسطه سبله حقایق اشیا نك معرفتنه توسل ایدر جرم دماغده مرتب اولان
بش قوتک برى (حس مشترک) ایکنجه سى (خیال) اوچنجب سى (قوه واهمه) دردیج سى

بصرو سامعه سی وذا ثغه وشامه سی مفقود انجق حرارت وبرودت حسنه آلت اولان
 قوة لامسه سی موجود اولغله شجر عمر وعنبده اکر قوت لامسه موجود اولدی درجه
 نباتیه دن مرتبه حیوانیه ترقی ایدوب صدف وحلزون رتبه سنده حیوان اولوردی وکذلک
 روح و حیات صاحبی اولان حیوانات انواعی دخی متعدد و متکثر اولوب علی التدریج مراتب
 کماله ترقی ایدرک اعتدال مزاج وسائر کالانده جمله دن ممتاز وعقل وتدبیر ایله سرفراز اولان
 درجه انسانیته بالغ وواصل اولدی وطبقه حیوانیه مندرج اولان انواع واصنافدن
 میمون وشبک دیدگری حیوان کیاست وادراکده سائر حیوانانه غالب اولغله درجه
 انسانیته جمله دن اقرب اولوب لیکن نوع انسان کبی امور کلیسه ده فکر وتدبیر وعقل
 وتمیز صاحبی اولماغله رتبه انسانیته بالغ اولما مشدر * بوآنه دک ذکر اولسان امور
 حس ومشاهده ایله مشهود ومعلوم اولان مرتبه تک غایتی در بوندن صکره معلوم اوله که
 بز عالم افلاک وعناصرده وعناصردن مرکب اولان موجودانده نیجه آثار مختلفه
 وافعال متنوعه مشاهده ایدوب از جمله افلاک وکواکبه نظر ایتدیگیمرزده جهت لری
 وزمانلری مختلف سریع وبطی نیجه حرکات مختلفه مشهود من اولوب وکذلک عناصر
 اربعه دن نار وهوائک جهت فوقه وآب وترابک جهت سفله حرکتی کبی وکذلک نبات
 وحیوان وانسان انواعنده دخی جذب غذا ونشوونما وحس وحرکت اعضا
 وخصوصا نوع انسانیه مخصوص اولان علم وکمال وحرقت وصنعت امثالی نیجه آثار
 وافعال مختلفه مشاهده ایده رز که بونلرک جسم وجسدلینه مغایر بر حسب روحانیدن
 صدور وظهور ایتمه سنه دلالت وبواجسام وابدانده تصرف ایله علاقه سنه شهادت
 ایدر که اول سبب وعلت بدن انسانیه حس وحرکت وعلم ومعرفت مبدئی اولان روح
 انسانی واجرام فلکیه ده عند الحکما آنلری تحریک واداره ایدن ارواح فلکیه دن
 عبارتدر ونفوس انسانیه وارواح فلکیه تک فوقنده روحانی بر موجود آخردخی ثابتدر که
 انلرک ذاتلری بالفعل کامل ومرآت فطر تلرند صور حقایق اشیا حاصل اولوب ذات
 وصفات حقه عالم وعارف وسائر موجوداتک احوالنه واقف اولملر ایله نفوس انسانیه به
 وارواح فلکیه به علم ومعرفت وحس وحرکت ملکه لرینی امر حق ایله انلرافاضه واعطای
 یلیوب ارواح دخی انلردن اخذ ایتدگری کالات علیه وعملیه ایله تعلق ایلدگری اجسام
 وبدانده تدبیر وتصرف ایدوب علی التدریج ذاتلرینی تکمیل ایدر که اول موجود روحانی به
 لسان شرعده ملائکه واصطلاح حکما ده عقول اطلاق اولنور بوتقدیرجه عالم جسمانی
 لم ارواحه عالم ارواح عالم ملائکه به متصل ومرتب اولوب ارواح ونفوس مستعد
 اولدق لری کالاتی ملائکه دن کسب وتخصیل ایتدکن صکره اجسام وابدانده تدبیر
 وتصرف ایله علی التدریج کامل اولور * معلوم اوله که ارواح بشرک کندیلردن
 شرف واعلا اولان ملائکه کرام ایله تعلق ومناسبتلری ثابت اولدقده انشاء الرحمن
 ذکر لری آتی وجه اوزره علم وعلمده ذات نورانیلری کامل ودرجه علم یقینه واصل اولان
 نفوس فاضله بشریه آن واحدده لم بصرده بشریتدن خروج وملکیت درجه سنه

اولتور نار و هدا و ما و تراب و بونلردن مرکب اولان معدن و نبات و حیوان کبی ❖ ابتدا عالم عناصر بزه قریب و کرکی کبی محسوس و مشهود من اولغله انک احوالی بیان ایله بدأ ایدوب دیرزکه عالم عناصر طبقه ارضدن صعوده ابتدا ایلیوب انک فوقنده عنصر ما و انک و فوقنده هوا انک دخی اوستنده کره نار واقع و بونلر بر برینه متصل و مجاور اولوب هر عنصر کندینک فوقنده یا تحتنده واقع اولان عنصره استحال و انتقاله مستعد اولغله بعض وقتده بالفعل استحال دخی ایدرر مثلا اججاری اصحاب اکسیرند بیر ایتدکلی میاه حاده ایله ماء سیال ایدوب و آب دخی بعض انهار و عبونده اججاره مقلب اولدیغی ظاهر در کذلک ثاب مغسوله اصابت هوا ایله قور و یوب رطوبت مایه سنک هوایه انتقال و اثنای شتاده جاملرک ایچ بوزلرنده ترشح ایدن قطرات آب هوا انک مایه استحال سی طریقله اولدیغی دخی ظاهر در و شبشه کرلرک منفذلی مسدود فر و نلرنده مشتعل اولان آتش شعله لری سونوب بعده آجلدقده اول فر و نلرک جو فلرنده مخزون اولان هوا انک آتسه منقلب اولدیغی و کذلک شمعلرک و سا رلهیب نارک هوایه منقلب و مستحیل اولدیغی دخی ظاهر و روشندر و طبقات عناصر دن جهت فوقده اولان عنصر تحتنده اولان عنصره لطافت و رقتده غالب اولوب عالم افلا که منتهی و طبقات افلاک عناصرک جله سندن الطفدر ❖ و اجرام فلکیه دخی فلک اعظمه منتهی اولنجه بر برینه متصل طبقات لطیفه اوزرینه مرتب و منظم و برهیت عجیبه و صفت بدیعه اوزرینه واقعدر که بز انجق بونلرک یا شرق دن غریه یا غرب دن شرقه حرکتلری حس ایدوب حقیقتلری ادراکده عقلن قاصدر لکن آلات رصدیه واسطه سیه علما و حکمادن بعضیلری افلاک حرکتلریک مقدارلری و اوضاع مختلفه لری ادراک ایدوب مشاهده ایتدکلی اوضاع و آثار ایله اسباب و مبادیسک وجوده استدلال ایلدیلر بوندن صکره عناصر ار بعد دن مرکب اولان موجوداته نظر اولندقده انلر دخی اوچ مرتبه اوزرینه واقع اولوب طبقه ولیده معادن طبقه ثانیه ده نباتات طبقه ثانیه ده حیوانات حاصل اولمشدر که بونلره اصطلاح حکماده موالید ثلث اطلاق اولتور و موجودات انواعدن او اوچ نوعک طینت و طبیعتلری عناصر ار بعد دن مرکب و مخلوق اولوب لکن مزاج لری بر برینه مخالف و مغایر اولغله صورت و طبیعتلری و افعال و آثار لری دخی مخالف اولمشدر مع هذاینه معادن و نباتات و حیوانات انواعی اجزای اصلیه لری و مایه ترکیلری اولان عناصر ار بعد دن ترکیب و تکونده مشترک اولملریله معادن انواعنک اعلاسی و اکلی کندیدن اشرف اولان نباتات نوعنک اسفلی رتبه سنه قریب و اول نوعنک معدود اولغله باقلا شمشدر مثلا معادن انواعی بذر و تخمسز حاصل اولغله بی بذر و تخم خود بخود نبات اولان سبزه و حبشش درجه سنه قریب اولدیغی کبی و کذلک اقسام نباتاتک اشرف و افضلی دخی اصناف حیواناتک اسفل و ادناسی اولغله قریبدر مثلا نخل خرما و درخت انکور اصناف حیواناتدن انجو صدق ایله حلزون دیدکلی حیوانه مستحیل اولغله استعدادی اولدیغی کبی زرا نباتات انواعنک علی التحقیق بالکلیه حس و شعوری معدوم و صدق در ایله حلزونک دخی

فصاحت و بلاغتک ذروه علیاسنه بالغ و طوق بشردن خارج برهجزه عظیمه درکه
 اقصر سوره سنه نظیره کتور مکده فصیحای خطان و بلغای عدنان عاجز اولدیله
 بو تقدیرجه قرآن کریم پیغمبرمزنک دعواسی اولان وحی جلیل هم اعجاز نظمیله صدق مقالنه
 برهان و دلیل اولوب ذاتندن خارج دلیله محتاج اولدی * اما تورات و انجیل و سایر کتب
 الهیه و مخفف ربانیه نکه نظمی طوق بشردن خارج معجز اولماغله صدق دعوا ربیه
 دلالت و شهادت ایچون انقلاب عصا و احیای موتی کبی خارجدن معجزات باهره ایله
 مؤید اولدیله بناء علی ذلك سلطان الانبیا پیغمبرمن محمد مصطفی صلی الله تعالی علیه وسلم
 حضرتلرینه نازل اولان قرآن کریمده دلیل و مدلول متحد و شاهد ایله دعوا امر واحد
 اولغله جمیع انبیانک معجزاتنه وضوح دلالتده غالب اولمشدر حتی پیغمبرمن صلی الله تعالی
 علیه وسلم حضرتلری بر حدیث شریفده بومعنایه اشارت ایدوب یوردیلرکه انبیادن
 هر نبی ذیشان جناب حق و فیاض مطلق جل شانہ حضرتلری طرفندن معجزات باهرات
 و آیات ینات ایله مؤید اولوب و طریق حقیقه اهدایه موفقی اولان کسینهل اول معجزه لری
 مشاهده ایدوب صدق رسالتلرینه ایمان کتوردیلر اما بکا احسان اولنسان اعظم معجزات
 طرف باریدن وحی اولنن قرآن کریمک عینی اولغله رجا ایدر مکده با که اتباع ایدن امت
 مر حومه سائر انبیانک امت و اتباعندن اکثر اوله دبو یوردیلر بو حدیث شریفده
 فخر کائنات علیه افضل الصلوات حضرتلری کندیلره احسان اولنن معجزات باهراتک
 اعظم و اشرفی اولان قرآن کریم نفس وحی ربانی و دعوا ی رسالته برهان جلی اولوب
 صدق رسالتلرینه دلالتی سائر معجزات انبیادن اوضح واقوا اولغله تصدیق ایدوب ایمان
 کتورن امت مر حومه لرینک کثرت و وفرتی بیان یوردیلر و الله اعلم * بو محله کلنجه
 معجزات انبیانک کیفیت وقوعی و صدق رسالتلرینه دلالتی بحتی تمام اولوب حالا ائمه محققیندن
 جمع کثیر و جم غفیرک شرح و تفریقلری اوزره حقیقت نبوتک تفسیری بعده کهانت
 بعده رؤیا ایله سائر مغیباتدن خبر و برنلرک احوالی بیاننه شروع اولندی * معلوم اوله که
 بز نور چشم بصیرت ایله بو عالمه نظر ایتدیکمزده ارض و سمایی و بونلرده واقع اولان
 مخلوقات و مصنوعاتک جیبسنی نظام عجیب و ترتیب غریب ایله مرتب و منتظم بولوب کارخانه
 صنع الهیده موجود اولان آثار و صنایعک بعضیسنی بعضیسنه مر بوط و سلسله موجوداتک
 ترتیب و نظامی و دوام و قیامی اسباب عادییه منوط اولدیغی محسوس و موجوداتک بعضیسنی
 بعضیسنه منقلب و مستحیل اولدیغی مشهودمن اولوب کارگاه صنع و ایجادک عجایب و غرایبی
 منقضى و منتهی دکلدرا اجالایسانی بویله درکه صانع حقیقی جل شانہ حضرتلرینک آثار
 قدرت کامله سی اولان موجودات ممکنه که عالم اندن عبارتدر ایکی قسمه منقسم اولوب
 با محسوس و مشاهده در یادکلدرا کر محسوس ایسه اکا عالم محسوس جسمانی دیرلر ارض
 و سماوانلرده موجود اولان سائر اشیا کبی اکر محسوس دکل ایسه اکا عالم روحانی دیرلر
 ملائکه کرام وار واح کبی عالم محسوس جسمانی دخی یا علویدر اکا عالم افلاک اطلاق
 اولنور اجرام سموات و انلرده مر کوز اولان کواکب کبی یا سفلیدر اکا عالم عناصر اطلاق

مبعوث و مرسل اولدقلرينه بناء دعواي نبوتده ناس كندولري تصديق ايمك دصلحچيچور
جناب كردكار فاعل مختار جل شانہ حضرت تليريك اراده عليه و قدرت كامله سيله مخلوق
اولان آتاردن اولمغله طلب معارضه به حاجت بوقدر ديديلر بوقدر بوجده حكما قتمده مجزه
مجرد انبياك نفوس شريفه لريك عالمده تصرفه قدر تليري اولديغنه دليل اولوب جناب
باري عز شانہ حضرت تليري طرفدن اوامر و نواهي ايله خلقه مبعوث و مرسل اولدقلرينه
علي وجه القطع دلالت اينلر مع هذا معجزات باهره ايله مؤيد اولان انبيا و مرسلين
حضراتك دعوازي و كلامري حكما رايته مخالف و معجزات وسا تراشيداه مؤثر حقيقي
انجق جناب حق اولديغني ناطق اولمغله مجزه تك انبسادن ظهوري كيفينده قولاري باطل
اولمش اولور ❖ و دخی عند الحكماء مجزه تك سحر دن فرق و امتیازی بو وجهله در كه
انبیاء عظام دائماً طاعات و عبادات و افعال خیر اوزرينه مجبول اولوب اخلاق ذمیه
و اعمال رذیله دن معصوم اولمغله انلردن صدور و ظهور ایدن خارق عاده امور عجیبه
و معجزات باهره مبدأ فیاض جل شانہ حضرت تليرينه كمال تقر بلرينه بو وجهله عالمده
تصرفلرينه دلالت اينلر ساحر ايسه دائماً افعال ذمیه و اعمال خبیثه راغب و شر و ضرره
طالب اولمغله انلردن ظهور ایدن افعال سحر به كنديلرينك دركاه حقندن مطر و د
اولوب شیطین ايله معامله لرینه دليل اولور ❖ وینه حكما مجزه تك كرامتن فرق
و امتیازی خصوصنده ديديلر كه انبیا عظامدن مجزه طريقه ظهور ایدن افعال عجیبه
خوارق عاده جنسندن امور مخصوصه اولوب مثلاً سمایه صعود و كشیف و غلیظ اولان
اجسامه نفوذ و احیای موتی و ملائكه كرام ايله تكلم و جو هواده طیران مقوله سی نسنه لر
كچی كه بونلرك صدور و ظهوري انبیا به مخصوص اولمغله اولیاء كرامدن ظهور ایتمز
رتبه و لايت درجه نبوتدن دون اولديغني كچی كرامتلي دخی معجزات رتبه سنه بالغ اولمیان
نسنه لر دخی قلیلی و لايت قوتيله كثیر ايمك كچی و كله جك زمانده ظهور ایده جك
بعض حوادثدن خبر و يروب ظهور ايمك كچی و دخی عند الحكماء اولیاء كرامدن صدور
و ظهور ایدن كرامتك جله سنه انبیا عظام قادر اولوب اما انبیاك معجزاتی جنسندن اولان
امور غریبه به اولیاك قدر تليري قاصر در ❖ و صوفیه طائفه سی دخی مجزه ايله كرامتك
فرقی خصوصنده حكما مسلكنه سالك اولوب طريق تليرينه متعلق احوال لری بیساننده
یازدقلري تألیف لرنده كلاملرندن فهم اولور ❖ وقتا كه انبیا عظامك دعواي نبوتلرينه
شاهد اولان معجزات باهره لرینه متعلق امور تفصیل و تحقیق اولنديسه معلوم اوله كه جميع
معجزاتك اعظم و اشرفی و صدق نبوته دلالتی جهتيله اوضح و اقواسی فخر الاصغیا
خاتم الانبیا پیغمبر من محمد مصطفی عليه افضل التحایا حضرت تليرينه نازل اولان قرآن عظیم
و فرقان حكیمدر زیرا غالب اوقاتده انبیا عظامك معجزه لری طرف رب العالمیندن كنديلره
وحی اولسان كلام الهی به مغایر قلب عصا و احیای موتی كچی خارق عاده افعال عجیبه
و آثار غریبه در اما قرآن عظیم الشان حضرت سلطان انبیا علیه افضل التحایا به طرف
حقندن نازل وحی الهی و كلام ربانی اولوب مع هذا نظم جلیلی و اسلوب غریبی درجات

فصاحت و بلاغتک ذروه علیاسنه بالغ و طوق بشردن خارج برهجزه عظیمه درکه
 اقصر سوره سنه نظیره کتور مکده فصیحای خطان و بلغای عدنان عاجز اولدیله
 بو تقدیرجه قرآن کریم پیغمبرمزلک دعواسی اولان وحی جلیل هم اعجاز نظمیله صدق مقالته
 برهان و دلیل اولوب ذاتندن خارج دلیله محتاج اولدی ❖ اما تورات و انجیل و سایر کتب
 الهیه و مخفف ربانیه نکه نظمسی طوق بشردن خارج معجز اولما مقوله صدق دعوا ربیه
 دلالت و شهادت ایچون انقلاب عصا و احیای موتی کبی خارجدن معجزات باهره ایله
 مؤید اولدیله بناء علی ذلك سلطان الانبیا پیغمبرمن محمد مصطفی صلی الله تعالی علیه وسلم
 حضرتلرینه نازل اولان قرآن کریمده دلیل و مدلول متحد و شاهد ایله دعوا امر واحد
 اولغله جمیع انبیا نکه معجزاتنه وضوح دلالتده غالب اولمشدر حتی پیغمبرمن صلی الله تعالی
 علیه وسلم حضرتلری بر حدیث شریفده بومعنایه اشارت ایدوب یوردیلرکه انبیدان
 هر نبی ذیشان جناب حق و فیاض مطلق جل شانہ حضرتلری طرفندن معجزات باهرات
 و آیات بینات ایله مؤید اولوب و طریق حقیقه اهدایه موفق اولان کسینملر اول معجزلری
 مشاهده ایدوب صدق رسالتلرینه ایمان کتوردیلر اما بکا احسان اولنان اعظم معجزات
 طرف باریدن وحی اولنان قرآن کریمک عینی اولغله رجا ایدر مکده با که اتباع ایدن امت
 مر حومه سائر انبیا نکه امت و اتباعندن اکثر اوله دبو یوردیلر بو حدیث شریفده
 فخر کاشات علیه افضل الصلوات حضرتلری کندیلره احسان اولنان معجزات باهراتک
 اعظم و اشرفی اولان قرآن کریم نفس وحی ربانی و دعوا ی رسالتنه برهان جلی اولوب
 صدق رسالتلرینه دلالتی سائر معجزات انبیدان اوضح واقوا اولغله تصدیق ایدوب ایمان
 کتورن امت مر حومه لرینک کثرت و وفرتی بیان یوردیلر والله اعلم ❖ بومحله کلنجه
 معجزات انبیا نکه کیفیت وقوعی و صدق رسالتلرینه دلالتی بختی تمام اولوب حالا ائمه محققیندن
 جمع کثیر و جم غفیرک شرح و تعریفلری اوزره حقیقت نبوتک تفسیری بعده که هانت
 بعده رؤیا ایله سائر مغیباتدن خبر و برنلرک احوالی بیاننه شروع اولندی ❖ معلوم اوله که
 بز نور چشم بصیرت ایله بو عالمه نظر ایتدی کمزده ارض و سمایی و بونلرده واقع اولان
 مخلوقات و مصنوعاتک جیبسی نظام عجیب و ترتیب غریب ایله مرتب و منتظم بولوب کارخانه
 صنع الهیده موجود اولان آثار و صنایعک بعضیسی بهضیسنه مر بوط و سلسله موجوداتک
 ترتیب و نظامی و دوام و قیامی اسباب عادییه منوط اولدیغی محسوس و موجوداتک بعضیسی
 بعضیسنه منقلب و مستحیل اولدیغی مشهود من اولوب کارگاه صنع و ایجادک عجایب و غرایب
 منقضى و منتهی دکلدرا اجالایسانی بویله درکه صانع حقیقی جل شانہ حضرتلرینک آثار
 قدرت کامله سی اولان موجودات ممکنه که عالم اندن عبارتدر ایکی قسمه منقسم اولوب
 یا محسوس و مشاهده در یادکلدرا کر محسوس ایسه اکا عالم محسوس جسمانی دیرلر ارض
 و سماوانلرده موجود اولان سائر اشیا کبی اکر محسوس دکل ایسه اکا عالم روحانی دیرلر
 ملائکه کرام وار واح کبی عالم محسوس جسمانی دخی یا علویدر اکا عالم افلاک اطلاق
 اولتور اجماع سموات و انلرده مر کوز اولان کواکب کبی یا سفلیدر اکا عالم عناصر اطلاق

مبعوث و مرسل اولدقلرینه بناء دعواى نبوتده ناس کندولرى تصدیق ایتک دصلحیچون
جناب کردکار فاعل مختار جل شانہ حضرتلرینک اراده علیه وقدرت کامله سیله مخلوق
اولان آثار دن اولمغله طلب معارضه به حاجت بو قدر دیدیلر بوتقدیرجه حکما قتنده مجزه
مجرد انبیاک نفوس شریفه لرینک عالمده تصرفه قدرتلى اولدیغنه دلیل اولوب جناب
بارى هز شانہ حضرتلری طرفدن اوامر ونواهی ایله خلقه مبعوث و مرسل اولدقلرینه
علی وجه القطع دلالت ایلز مع هذا معجزات باهره ایله مؤید اولان انبیا و مرسلین
حضراتنک دعواى و کلاملى حکما رأینہ مخالف و معجزات وسا تراشیده مؤثر حقیقی
انجیق جناب حق اولدیغنی ناطق اولمغله مجزه نک انبیا دن ظهوری کیفینده قوللری باطل
اولش اولور ❖ ودخی عند الحکما مجزه نک سحر دن فرق و امتیازی بو وجهله درکه
انبیاء عظام دائما طاعات و عبادات و افعال خیر اوزرینه مجبول اولوب اخلاق ذمیه
و اعمال رذیله دن معصوم اولمغله انلردن صدور و ظهور ایدن خارق عاده امور عجیبه
و معجزات باهره مبدأ فیاض جل شانہ حضرتلرینه کمال تقر بلرینه بو وجهله عالمده
تصرفلرینه دلالت ایلر سحر ایسه دائما افعال ذمیه و اعمال خبیثه به راغب و شر و ضرره
طالب اولمغله انلردن ظهور ایدن افعال سحریه کندیلرینک درگاه حقندن مطرود
اولوب شیاطین ایله معامله لرینه دلیل اولور ❖ وینه حکما مجزه نک کرامتن فرق
و امتیازی خصوصنده دیدیلرکه انبیا عظامدن مجزه طریقله ظهور ایدن افعال عجیبه
خوارق عاده جنسندن امور مخصوصه اولوب مثلا سمایه صعود و کثیف و غلیظ اولان
اجسامه نفوذ و احیای موتی و ملائکه کرام ایله تکلم و جو هواده طیران مقوله سی نسنه لر
کبی که بونلرک صدور و ظهوری انبیا به مخصوص اولمغله اولیاء کرامدن ظهور ایتمز
رتبه ولایت درجه نبوتدن دون اولدیغنی کبی کرامتلى دخی معجزات رتبه سنه بالغ اولیان
نسنه لر دخی قلیلی ولایت قوتله کثیر ایتک کبی و کله جک زمانده ظهور ایده جک
بعض حوادثدن خبر و یروب ظهور ایتک کبی ودخی عند الحکما اولیاء کرامدن صدور
و ظهور ایدن کراماتک جله سنه انبیا عظام قادر اولوب اما انبیاک معجزاتی جنسندن اولان
امور غریبه به اولیاک قدرتلى قاصر در ❖ و صوفیه طائفه سی دخی مجزه ایله کرامتک
فرقی خصوصنده حکما مسلکته سالك اولوب طریققلرینه متعلق احوال لری بیساننده
یازدقلری تألیف لرنده کلاملرندن فهم اولنور ❖ وقتا که انبیا عظامک دعواى نبوتلرینه
شاهد اولان معجزات باهره لرینه متعلق امور تفصیل و تحقیق اولندیسه معلوم اوله که جمیع
معجزاتک اعظم و اشرفی و صدق نبوته دلالتی جهتیه اوضح و اقواسی فخر الاصغیا
خاتم الانبیا پیغمبر من محمد مصطفی علیه افضل التحایا حضرتلرینه نازل اولان قرآن عظیم
و فرقان حکیمدر زیرا غالب اوقانده انبیا عظامک مجزه لری طرف رب العالمیندن کندیلره
وحی اولسان کلام الهی به مغایر قلب عصا و احیای موتی کبی خارق عاده افعال عجیبه
و آثار غریبه در اما قرآن عظیم الشان حضرت سلطان انبیا علیه افضل التحایا به طرف
حقندن نازل وحی الهی و کلام ربانی اولوب مع هذا نظم جلیلی و اسلوب غریبی درجات

بهرات نبی علیه السلام کنند و نفسندن صادر سائر بی آدمک طوق و قدر نترندن خارج
 بر امر درد بوزعم ایدوب تصدیق دعوای رسالت ایچون محض قدرت حقی ایله وقوع
 و صدورنی انکار ایتدیلمر بوزعم لریك وجهی دخی بودر که کتب فن حکمتده بیان اولدیغنی
 اوزره عندالحکما باری تعالی شانه حضر تتری موجب بالذات اولوب یعنی مشبت علیه سی
 تعلق ایدر سه بر شئی ایشلوب اتمز سه ترك ایدوب لکن حکما اعتقادنده شئی وجوده
 کتور مک خیر و کمال ترک ایتک شر و نقصان اولغله البته هر ماده تک مستعد اولدیغنی
 وجودی اعطا ایتک باری تعالی به واجب اولوب فعل و ترک کنی اهل شرع کبی
 تجویز ایتدیلمر و دخی حکماقتنده بو عالم کون و فسادده حدوث و ظهور ایدن اشیا تک جناب
 باریدن صدوری نیجه واسطه لره ترتب و استعداد و قابلیتیه توقف ایدوب زعم فاسد لری
 اوزره وجودی قدیم اولان افلاک حرکت سرمدیه سی واسطه سیله عناصر اربعه ده
 حاصل اولان استعداد و قابلیتیه مناسب وجه اوزره اقتضا ایدن صور و کالاتی البته
 جناب حق جل شانیه حضر تتری قوایل عنصریه به افاضه و ایجاب ایدر د بوزعم ایلدیلمر
 خلاصه رأی فاسد لری و محمول زعم کاسد لری بودر که جناب باری عزاسمه مقتضای لطف
 وجودی اوزره اراده علیه سی تعلق ایتدیکی وجه اوزره قدرت کامله سیله مراد ایتدیکی
 وقتده اشیا بی خلق و ایجاد قادر فاعل مختار اولدیغنی انکار ایدوب و سلسله حوادثده
 واسطه اثبات و شروط و استعداد اسناد ایلد کلرینه بناء انبیاء عظام علیهم السلام
 حضرات تک بدلزنده ظهور ایدن خارق عاده معجزات باهره لری صدورنی دخی انبیاء کرامک
 ذات لرینه تخصیص و اسناد ایدوب نفوس شریفه لریک صفوت جوهری و قوه قدسب لری
 مقتضای اوزره مراد ایتدیلمر و وقتده معجزه لری کندولری احداث و ایجاد ایدر لر د بوزعم
 زعم ایتدیلمر بو طریق ایله که انبیاء تک نفوس زکیه لری سائر نفوس انسانیه دن بر قاچ خاصه ایله
 ممتاز اولوب از جمله معادن و نباتات و حیوانات تک اجزای اصلیه لری اولان عناصر اربعه که
 زاب و هوا و نار در بودر عنصرک اعضای بدنیه تک ارواح اطاعتی اولدیغنی کبی
 انبیاء تک نفوس شریفه لرینه اطاعت و انقیادی اولوب وقت حاجتده روح انسانی اعضای
 بدنیه سنی دیله دیکی وجه اوزره تحریک و اسکانه و قیام و قعود مقوله سی اوضاع مختلفه ایله
 تصرفه قادر اولدیغنی کبی نفوس انبیاء کرامده دخی اولمرتیه قوت و قدرت واردر که مثلا
 عناصر اربعه دن ارضی تحریک ایله زلزله احداثه و عنصر ما بی تهییج و تمویج ایلدوب
 ظهور طوفانه و هوایی تحریک ایدوب صرصر حسوم کبی ریاح شدیدیه حدوثه و بونلرک
 امثالی وجوه غریبه ایله عناصر اربعه ده تصرفه قادر اولم لریله مراد ایتدیلمر و وقتده
 ادنی توجه ایله بدلزنده خارق عاده افعال عجیبه ظهور و کندیلر دن بو مقوله معجزات باهره
 صدور ایتک اوزره نفس لری مجبولدر دیدیلر ❁ وینه حکماقتنده انبیادن معجزه طریقیله
 صدور و ظهور ایدن امور عجیبه ده سائر ناسدن کندولره معارضه و مقابله طلبنی دخی
 شرط ایتدیلمر زیرا زعم فاسد لری اوزره عالم کون و فسادده نبیدن صدور و ظهور ایدن
 تصرفات غریبه و آثار عجیبه نفوس جلیله لریک خواص لازمه سندن اولوب طرف حقندن

ظهور ایدوب مشاهده ایندیلردن معارضه طلب دخی ایدرلر سه مقصودلری ایمان کتوروب
 تابع اولدقلری نبی نیشاک دیننه کمال متابعت و انقیاد ایله رتبه و لایته وصولرینه استدلال
 اولوب بوخسه حاشا دعوی نبوت ایدوب کندوری تصدیق غرضیله تحدی ایتمز که
 کرامتک معجزه په التباس و اشتباهی لازم کله مع هذا استاد ابو اسحق اسفرائینی
 حضر تارندن نقل اولسان کلام دخی اولیاء کرامدن علی الاطلاق کرامت طریقیله خارق
 عاده نسنه ظهورنی انکاره دلالت ایتموب بلکه انبیاء عظامدن معجزه طریقیله یدرلنده
 ظاهر اولمش نیجه خارق عاده امور عجیبه واردز که انبیای عظامه مخصوص اولوب او مقوله
 خوارق عاده اولیادن صدور ایتمز لکن اولیاء کرامک دخی نائل اولدقلری رتبه و لایته مناسب
 کرامت طریقیله کندیلردن بعض خارق عاده امور ظهور ایتمک اوزره استادک کلامنی
 توجیه ایتمیلر مثلا حضرت موسی علیه الصلاة والسلام یدنده عصاک اژدهایه انقلابی
 و حضرت عیسی علیه الصلاة والسلام اخیسای موتی معجزه لری کبی آیات باهره جنسندن
 اولیاء کرام یدرلنده خارق عاده ظهور ایتموب بلکه بعض مفسران دن خبر و انک امثالی
 نیجه کرامتک ظهور بینه استاد و ابو اسحق ذاهب اولوب علی الاطلاق کرامات اولیایی
 انکار ایتمدی * و اما فرق اسلامیه دن معتزله طائفه سی اولیاء کرامدن مطلقا کرامت وقوعنی
 انکار ایدوب بویله زعم ایتمیلر که عاده اللهه مخالف امور غریبه طوق بشردن خارج اولوب
 عبدک قدرت و استطاعتیه حاصل اولان افعال اختیار یه لری جنسندن دکلدن اولیاء کرامک
 افعالی ایسه عاداتا بشردن صدور ایدن افعال معتاده نوعندن اولغله عاده مخالف طوق
 بشردن خارج امرک ظهورنی انجق انبیای عظامه مخصوص و تصدیق دعوی رسالت
 ایچون قدرت حق ایله صادر اولان معجزه په مقصور اولمق اوزره اعتقاد و کرامات اولیایی
 بالکلیه انکار ایتمیلر اما مسئله کذاب کبی دعوی نبوتده کذب ایدن شخصک یدنده معجزه
 و کرامات مثللو خارق عاده امرک ظهورنی فرق اسلامیه نک جله سی رد و انکار ایدوب
 وقوعی محالدر دیدیلر اهل سنت و جماعت قتنده معجزه نک خاصه سی انبیاء کرامک تصدیقنه
 و امتی طریق حقه ارشاد و دلالت اولوب ا کرد دعوی نبوتده کذب ایدن شخصک یدنده دخی
 معجزه کبی خارق عاده نسنه ظهور ایلسه دلیل شبهه په هدایت ضلالتنه منقلب اولمق لازم
 کلور دیدیلر و بر محذور آخر دخی بودر که تصدیق تکذیبیه متبدل و شی کند و ضنده منقول
 اولمق لازم کلور بونلر ایسه محال و متمنع اولغله کاذب یدنده معجزه مقوله سی خارق عاده
 امرک ظهورنی محال اولور و معتزله طائفه سی دخی دعوی نبوتده مسئله کبی کذب
 ایدن شخصک یدنده خارق عاده امرک ظهورنی محال کوروب لکن هلت و سببنی بیانده
 حسن و قبح مسئله سنده اولان مذهب لرینه بناء دیدیلر که دلیلک شبهه په هدایتک ضلالتنه
 انقلابی بحسب العقل قبیح اولوب و باری تعالی نک افعالی قیحدن بری اولغله کاذب یدنده
 معجزه مقوله سی خارق عاده نسنه خلق ایتمز دیو تعلیل ایلمیلر * و دخی معلوم اوله که انبیادن
 بر نبی نک ملت و شریعتنه تابع اولوب حقایق اشیا دن مجرد کند و عقل قاصر سی حسبیه
 بحث ایدن حکما طائفه سی قتنده انبیاء عظام یدرلنده ظهور ایدن آیات ینات و معجزات

ایتمکله کویا که طرف عزتندن رسالت ادعا ایدن قولم دعواسنده صادق حق پیغمبرمدر
دیو خطاب ربانی ایله تصدیق مقامه قائم اولوب دعوی نبوت ایدن ذات شریفک صدق
مقاله دلالت قطعیه ایله دلالت ایدر دیدیلر بناء علی هذا لسان شرعده معجزه بالکنز
انبیاء عظامک طوق بشردن خارج اظهار بیوردقلری امردن عبارت اولیوب بلکه
ابتدا دعوی نبوت ایدوب وقومسک عجزنی اظهار ایچون ابراز ایتدکلری معجزه نک مثل
ونظیرینی ایشمک اوزره قومه تکلیف لازمدر که معارضه ومقابله به قدرتلری اولمدیغنی
ظاهر اولدوقده نبی نک طرف الهمیدن مؤید ومبعوث اولدیغنه دلالت ایلیه بوتقدیرجه معجزه
دعوی نبوت ایدن ذاتک یدنده ظاهر اولان خارق عاده امر ایله طلب معارضه نک
مجموعندن عبارت اولوب طلب معارضه که تحدیدر حقیقت معجزه نک جزئی اولمش اولور
وبعض کتب عقایدده ائمه فن کلام تحدی معجزه نک صفت نفسیه سیدر دیدکلری
حقیقت معجزه نک جزئی اولسنه منافی دکلدر زیرا فرقه ناجیه اهل سنتندن اشاعره قتنده
صفت نفسیه ذاته دلالت ایدن صفته اطلاق اولغمله شبتک جزء ذاتیسنه دخی شامل اولور
* ودخی معلوم اوله که طوق بشردن خارج خارق عاده اولان امور غریبه نک ظهوری
انبیاء عظامه مخصوص اولیوب بلکه اهل سنت وجاعتک اکثری قتنده اولیاء کرامدن
دخی خارق عاده نسنه ظهور ایدوب کرامت تسمیه اولنور وکذلک سحره نک یدلرنده دخی
نیجه خارق عاده آثار غریبه ظهوری مشاهده اولمشدر بناء علی هذا معجزه نک کرامت ایله
سحر دن فرق و امتیازی ایچون ائمه علم عقاید معجزه نک تعریفنده دعوی نبوتی وطلب
معارضه بی شرط ایدوب دیدیلر که معجزه نبوت دعوی ایدن ذاتک یدنده ظاهر اولان خارق
عاده برامدر که نبی علیه السلامی تصدیق ایچون جناب باری اول امری خلق ایدوب
وقومندن معارضه طلب وانلردخی عاجز اولدوقده صدق مقال وصحت دعواسی ثابت
وظاهر اولوب تصدیق وایمان کتورمک قومنه واجب اولور * اما کرامات اولیاء ایله
سحر صورتنده تصدیقه حاجت اولماغله علی خلاف العاده اظهار ایتدیگی امر عجیبده
آخردن کندویه معارضه طلب ایتک شرط اولدی مگر اولیاء کرامک بعضیلری
یدلرنده ظاهر اولان کراماتله کندیلرینک دعوی ولایتده صادق اولدقلرنی اظهار ایتک
قصدیله کرامتلرنی مشاهده ایدوب ولی اولدقلرنی انکار ایدن کسنلردن بحسب الاتفاق
معارضه ومقابله طلب ایتمش اولهل ایتدکلری صورتده دخی نبوت ورسالت دعوی ایتملریله
انجق ولی اولدقلرینه دلالت ایدوب معجزه دن بو طریق ایله فرق اولنور * ودخی معلوم
اوله که کبار اهل سنتندن استاد ابواسحق اسفرائینی حضرتلری وانک امثالی ائمه دین اولیاء
کرامدن کرامت طریقله خلاف عاده امور غریبه ظهورنی انکار ایدوب دیدیلر که
اولیادن انبیا کبی خارق عاده کرامت ظهور ایتک حائز اولسه کرامتلرنی مشاهده ایدلردن
معارضه طلب ایتدکلری صورتده ولایت ایله نبوتک فرق قالیوب کرامت معجزه به مشابه
ولتیس اولق لازم کلور دیدیلر لکن بزم معجزه تعریفنده ذکر ایتدیگن کلامزده معجزه نک
کرامتدن فرق و امتیازی بو وجهله ثابت اولمش ایدیکه اولیاء کرامدن خارق عاده کرامت

ومفاسد لری تبیین و ترهیب ایله طریق فوز و نجاته هدایت و سعادت دارینه وسیله اولان
 صراط مستقیمه دلالت ایچون محض فضل و کرمبله بعض عبادنی منصب وحی و رسالت
 ایله سرفراز ایدوب طرف شریف شدن احکام شریفه ایله هباندنه بعث و ارسال ایلدی
 انلردخی طرف ربانیدن مأمور اولدقلری وجه اوزره اوامر و نواهی الهیه بی مبعوث
 اولدقلری قومه تبلیغ و ادایه اقدام والله تعالی حضرتارتیک مشبت علیه سی تعلق ایتدیکی
 دین و ملتک اکلنه قیام تام بیوردقلرنده پابسته دام نفس و هوا اولان کفاردوزخ قرارک
 اذیت و اضرارندن منع و زجره کافی شوکت و هیبت صاحبی قوم و قبیلله ایلله انبیاء عظامی
 تأیید و ملت و شریعتنی تکمیل و تأکید ایلدی * و دخی صحت نبوت و رسالتنه دلالت ایدن
 علامتک بریدخی شرف وحی الهی ایلهمشرف اولان انبیا و مرسلین حضرتانک دعوائی نبوت
 و رسالتنه صدق مقالرینه شهادت مصلحتیچون انلرک یدلرنده طوق بشردن خارج عادت
 الهیه به مخالف امور غریبه و افعال عجیبه ظهور ایدرکه نوع بشر مثلنی وجوده کتور مکده
 عاجز اولغله اکامعجزه نسیمه اولندی و انبیاء عظامک یدلرنده ظاهر اولان معجزات باهره کافه
 عبادک قدرت لری تحتنده داخل اولوب طوق بشردن خارج عاده بر امر در
 * معلوم اوله که معجزاتک وقوع و تحققک کیفیننده و تصدیق انبیایه دلالتی خصوصنده
 اصحاب ملت و شریعت ایلله حکما اختلاف ایدوب کافه اهل ملت و شریعت قتنده
 جناب حکیم لم یزل جل شانہ حضرت لری فاعل مختار اولوب یعنی دله دیکی فعلی ایشلیوب
 دله مدیکی نسنه بی ترک جائز و صحیح و ذات و صفاتندن غیری جمیع موجودات ممکنه بی
 دله دیکی وقتده مشبت علیه سی تعلق ایتدیکی وجه اوزره خلق و ایجاد قادر اولغله
 عبادندن بعضیلرنی شرف وحی و نبوتله مشرف ایدوب نبوت و رسالتک بک صدق و صحتنه
 دلالت و شهادت ایچون یدلرنده طوق بشردن خارج طور عاده مخالف امور غریبه
 خلق و ایجاد ایلر دیو اجاع و اتفاق ایلدیلر حتی فرق اسلامیه دن معتزله طائفه سی
 قتنده مشی و حرکت و تکلم و کتابت کی افعال اختیاره لری کندیلر دن صادر وقوت
 و قدرت لریله حاصل اولوب باری تعالی تک خلق و ایجادله حادث دکلدردیو اعتقاد
 ایتدیلر اینه دخی لکن معجزه قدرت عبد ایلله حاصل اولان افعال اختیاریه چنسنندن
 اولیوب بلکه دعوائی رسالتنه تصدیقنی مراد ایتدیکی قوللری یدلرنده ظاهر و محض قدرت
 حق ایلله صادر اولق اوزره اعتقاد خصوصنده اهل سنت و جماعت ایلله همدست
 اتفاق اولدیلر بناء علی هذا فرق اسلامیه اعتقادلرنده انبیاء عظام یدلرنده ظاهر اولان
 معجزات کثیره البرکات انجیق باری تعالی تک قدرتیله حاصل اولوب بی تک فعل و اثری دکلدر
 و دخی اصحاب ملت و شریعتک جمله سی اجاع و اتفاق ایدوب دیدیلر که انبیاء عظام بعث
 و ارسال اولندقلری قومه ابتدا طرف حقدن کندیلر مبعوث نی اولدقلرنی دعوا
 ایتدکدنصکره تحدی ایدوب یعنی مدعایرینک صدق و صحتنی اظهاره مدار اولان معجزات
 باهره تک مثلنی اظهار ایلله قومندن کندویه معارضه و مقابله طلب ایدوب بعده کندیلر
 احسان اولسان معجزات باهره بی جناب حق جل شانہ حضرت لری یدلرنده خلق و ایجاد

حضرت تریبک زمان سعادت نرندہ فیصر روم اولان هرقله دعوت دین اسلام ایچور
 مکتوب همایونلری وارد اولدوقده صاحب سعادت حضرت تریبک اوصاف واحوال
 شریفلر دن سؤال ایچون هرقلک بلده سنه . قبیله . قریشدن بعض مصالح ایله موجود
 اولان کیملری بانه کتوردوب اشرف عربدن ابوسفیان دخی اول کروده داخل اولغله
 هرقلک مجلسنه حاضر اولدی بونلردن هرقلک سؤال ابتدیی امورک بری دخی بوایدیکه
 حرم مککه مکرمه نبوت ادعا ایدن ذات سزه نه مقوله نسنه ایله امر وتکلیف ایدردیدی
 ابوسفیان دخی صلاة وزکاة وصله رجم وعفای ایله امر ایدردیوب دخی سائر سؤال
 ابتدیی امورک جمله سنه جواب وردکده هرقل رومی دیدیکه اکر ابوسفیانک بزه
 خبر وردیکی امور رجم وواقع ایسه اول ذات ستوده صفات علی التحقیق طرف حقدن
 مبعوث ومرسل نبی اولوب وعهد قرییده بنم شواییک ایاغم التنده اولان محله دخی مالک
 اولوردیوب اول وقتده کرسی ممالک روم اولان دمشق الشامک واولحوالیده واقع بمالکک
 داخل حوزه حکومت اسلام اولسنه تفرس واستدلال ایلدی ❖ اثنای سؤالده ذکر
 اولنان عفاف ایله مراد امور مذمومه دن اجتناب واحترام معنا سنه اولان عصمتدر هرقل
 روم سلطان انبیا علیه الصلاة والسلام حضرت تریبک ذات عالی تبار لری عصمت وهفت
 اوزرینه مجبول اولوب دعوت دین وعبادته اهتمام واشتغاللر نی نبوت ورسالتک صدق
 وصحته دلیل و برهان ایدوب مجزه اخرا طلب ابتدیی دخی ذکر اوانان امورک علایم
 نبوت اولسنه دلالت ایدر ❖ وینه انبیا عظام صلوات الله علیهم اجمعین حضراتنه
 مخصوص اولان علامتک بری دخی بودر که جمیع انبیا ومرسلین حضرت لری کندو
 قوم وقبیله لری یئنده حسب ونسب اولوب خورشید وجود سعیدلری برج الشرف
 نسل وحسدن طلوع ایدر کلمشدر حدیث صحیحده وارد اولشدر که الله تبارک وتعالی
 حضرت لری انبیا ومرسلین دن بزنی ذیشان بیعت وارسال ایلدی الا قوم وقبیله سی
 ایچنده عزت وشرف صاحبی اولو خاندانلرده نشئت ابتدیی حالده ارسال ایلدی
 وروایت اخرا ده عدد رجال وکثرت مال ایله معروف قبائل شریفه دن ارسال ایلدی دیو
 وارد اولشدر ❖ روایت ثانیه بی ائمه فن حدیثدن حاکم مستدرک نام تألیف معتبرنده
 صحیح بخاری ومسلم اوزرینه زیاده ایلدی ❖ وینه خبر صحیحده وارد اولشدر که قیاسره
 رومدن هرقل مذکورک ابی سفیاندن سؤال ابتدیی امورک بری دخی حضرت رسول
 علیه الصلاة والسلام جنابلرینک نسل ونسبلری خصوصنه دأر اولوب قومکوزاراسنده
 نسب وحسبده حال وشانی نیجه دردیوسؤال وابی سفیان دخی بیتمزده شرف نسل
 ونسب صاحبی دردیوب جواب وردکده هرقل رومی دیدیکه جمله انبیا عظامک کوهر
 کراتمایه وجودلری معدن محمد وشرف اولان خاندانلردن پیرایه بخش سلك ظهور اوله
 کلمشدر دیو تحقیق مقال ایلدی بونک وجهی اولدر که چونکه جناب حکیم لم یزل
 وخواوند عزوجل حضرت لری مقتضای جود ورحمتیه عبادتک دین ودنیا لری نافع
 علم وعللری نافع مصلح و مسافعلرنی تعلیم وترغیب ومعاش ومعادلری نفع مضر شرور

کرامدر که رسالت پناه صلی الله تعالی علیه وسلم حضرت تری انرا له مکالمه بیوردقلرنده
 رایحه سندن متأذی اولسونلردیو بصل وکرات مقوله سی طعام تناولندن بالطبع تماشی
 بیورلردی زیرا ملائکه کرام حضراتی بعضی نسنه لردن اعراض ایدوب از جمله نسوان
 اولدیغی محله دخول ایتدکبری کبی خبرده وارد اولمشدر که سلطان انبیا صلی الله تعالی
 علیه وسلم حضرت تری ایتد اشرف وحی ورسالت ایله مشرف اولدیغی وقتده پیک جلیل
 حضرت جبرئیل علیه الصلاة والسلام وحی الهی ایله نزول وظهور لری کیفیغنی
 از واج طاهران دن خدیجه کبرا رضی الله تعالی عنهنایه نقل و بیان بیوردقلرنده حضرت
 خدیجه تجر به وامتحان و حقیقت حاله علم واطمینان تحصیل قصدیله رسالت پناه
 حضرت ترینه دیدیلر که سابقا مشهود کوز اولان ذات روحانی بردخی تشریف ایتد کده
 لابس اولدیغکوز لباس حله التیاسکوز آنته بنی وضع ایدک دیو بیوردیلر صاحب سعادت
 حضرت تری دخی جبریل امین علیه السلام خود و تشریف لری ائنه خدیجه کبرا
 حضرت لری پیراهن همایون لری تحتنه الدقلرنده روح الامین حضرت تری در حال نظر لردن
 غائب ومنصرف اولدی * کیفیت حالی حضرت رسول علیه الصلاة والسلام خدیجه
 کبرا حضرت ترینه نقل و بیان بیوردقلرنده نسوانه میل و تقربدن اعراض ایتد لریله
 حضرت خدیجه تشریف ایدن ذاتک ملک اولوب جن وشیطان اولدیغنه استدلال
 ایلدی * وكذلك ینه خدیجه کبرا رضی الله تعالی عنهن سلطان انبیا علیه الصلاة
 والسلام حضرت لردن سؤال بیوردیلر که طرف سمان کندیور نه نازل و ظاهر اولان ذات
 روحانی الوان متنوعه دن نه کونه لون ایله ملون لباس ایله کلوردیو استفسار ایتد کلرنده
 اول بدر آسمان وحی ونبوت علیه افضل التحیه حضرت تری دخی آق ویشل لباس ایله
 کلوردیو لؤلؤ پاش جواب باصواب اولدقلرنده ینه خدیجه کبرا رضی الله تعالی عنهن
 حضرت تری کلن ذات ملکدر دیو جزم ایتدیلر زیرا الوان جنسندن سبز و سفید خیره
 دال و ملائکه کرامه مخصوص الوانندن اولوب سواد و سیاه ایسه شروش باطینه
 منسوبدر * ودخی انبیا عظام صلوات الله تعالی علیهم اجمعین حضراتنه مخصوص
 ومنسوب اولان علائم دندر که بونلر دائما خلقی طریق حقه وعبادات بدنییه ومالیه
 انواعندن صلاة وصدق و زهد و عفت مثل او طاعات وحسناته دعوت ایدوب تحصیل
 رضای الهی به وسیله اولان امور خیره سوق ودالات ایلر * حتی حضرت خدیجه
 کبرا رضی الله تعالی عنهن رسول الله صلی الله تعالی علیه وسلم حضرت لرینک دعوی
 نبوت ورسالتده صادق اولدیغنه خیرات وحسناته رغبت وشرور و مفاسد دن نفرت
 اوزرینه مجبول اولملریله استدلال ایدوب اول امرده تصدیق بیوردیلر * وكذلك بار غار
 شفیق ابی بکر الصدیق رضی الله تعالی عنهن حضرت تری دخی اول متم مکارم اخلاق
 رسول رب خلاق صلی الله تعالی علیه وسلم حضرت لرینک افعال مرضیه و اخلاق
 ملکیه ایله تخلقلرنی تصدیق رسالتده مدار ایدوب اوصاف حیده لردن خارج دلیل آخره
 محتاج اولدیلر و خبر صحیحده وارد اولمشدر که فجر الانبیا صلی الله تعالی علیه وسلم

شدت و تعب اولوق اوزره ائمه تفسیر توجیه ایشلردر بناء علی ذلک اثنای نزول وحی الهیده انبیاء و مرسلین صلوات الله تعالی علیهم اجمعین حضراتی عالم معنایه و ملاء اعلایه توحسه نام و استغراق ایدوب ذات شریفلرندہ نوم و غشی مثلوا حالتلر ظهورنی کفره و مشرکین مشاهده ایتدکلرندہ اکل افراد بشر اولان انبیاء کرامی مس جن و نهمت جنون ایله مہم ایدوب حاشاشم حاشاشان عالیلرینه لایق اولیان اقوال کاذبه به جسارت ایلدیلر مع هذا حقیقتده مجنون لایعقل خذله مشرکین و کفره خاصرین درکه بو حالت سنیه تک ظاهرینه نظر ایدوب حقیقت حالدن ذاهل و فافل اولوب سعادت دارینه وسیله اولان دین مبین ایله متدین اولدیلر قال الله تعالی ﴿ ومن یضلل الله فآله من هاد ﴾ و دخی انبیاء عظام صلوات الله تعالی علیهم اجمعین حضراتنه مخصوص اولان علامتلدندرکه بونلر منصب وحی و نبوتله مشرف اولمزدن مقدم دخی خصال حیده و اخلاق کریمه ایله متصف اولوب شرعا و عقلا مذموم و مستکره اولان افعال شنیعه دن و اخلاق رذیله دن اعراض و اجتناب به مجبورلردرکه انبیاء کرامده اولان عصمت و معنایه در کویا الله تعالی حضرتلرینک عبادینه ارسال ایتدیکی پیغمبرلری اخلاق ذمیه تک جله سندن نزه و احتراز اوزرینه مجبور و مخلوق اولوب فطرت و خلقتلری خیره مائل و شردن بالطبع متغیر اولمیرله افعال مذمومه ارتکابی بونلرک طبیعتلرینه منافیدر ﴿ و خبر صحیحده وارد اولمشدرکه رسول اکرم صلی الله تعالی علیه وسلم حضرتلری صباوتلری حالنده عم مکرملری خیرالناس حضرت عباس رضی الله تعالی عنہ ایله بیت مکرمی و حرم محترمی تعمیر ایچون سنک و حجاره حل ایدوب بین العرب ازار دیدکاری باشند ایاغه وارنجه بدن نورانیلرینی سترایدن اباس سندس طراز لرینه وضع بیور مشلرایدی نا کاه اول محبوب کلمه ازار عصمت و حیانتک ازار مبارکلری اچلدقدده جبلت طاهره لرندہ مرکوز اولان عصمت و عقندن ناشی درحال سطح زمینه رونها ده ادب اولوب لابس اولدقلری ازار ایله بدن پر نورلرین سترایلدیلر ﴿ وینه زمان نبوتدن مقدم برکون دخی برز فاف جمعینه مدعو اولوب قدم سعادت توأملری ایله اول مجلسی مشرف ایشلرایدی ایام سرور و موسم سورده معتاد و مرسوم اولدیغی اوزره اول مجلسده دخی لهو و لعبه دائر بعض الات فرح و طرب موجود اولوب لکن اول شمع انجمن افروز عصمت علیه افضل النجیبه حضرتلرینک ترکس چشم ملائک فریبلرینه اول کیسه طلوع شمسه دک نوم و خواب غلبه ایتکلله اول ملاعب و ملاهیدن برنسنه بی تماشای ایتوب جناب رب العالمین انلرک ذات ملکی الصفاتلرین اومقوله ملاهی ایله اشتغالدن حفظ و صیانت ایلدی حتی طعم و رایحه سی مستکره اطعمه تناولندن دخی اجتناب ایدوب صوغان و سر مساق اکلنه مبادرت بیورمز لردی بحسب الشرع تناولی مباح اولان اطعمه مقوله سندن اولدیغنه بناء بعضیلری عدم رغبتلرینک سر و حکمتی جناب عالیلرندن سؤال ایتدکلرندہ ﴿ انی انابیی من لاتناجون ﴾ خطایله شکر افشان جواب اولوب یعنی هلی الخفیف بن مخفی صحبت ایدرم اول ذاتلرله که سز انلرله سوزیلشمز سز دیور دیلر ﴿ مراد عالیلری ملائکة

حضراتك مغنياك وقوعدن خبرلى صحیح وصادق و واقعه مطابقی اولوب هر عاقل مكلفه انلری تصدیق واجب اولدیغی انشاء الرحمن حقیقت نبوت بختنده تفصیل و تحقیق اولنور ❖ ودخی منصب وحی و نبوت ایله سرفراز اولان نفوس شریفه په مخصوص علامت اولوب از جمله نور وحی الهی ظهوری وقتنده انبیاء عظام حضراتی یانلرنده حاضر و موجود اولان اشیاك جمله سندن غائب و بالکلیمه عالم مغایه متوجه و متصل اولوب کندیلره بادی نظرده نوم و غشی کبی برحالت عارض اولور که مشاهده ایدنلر نام و غشی علیه ظن ایدرلر مع هذا واقعه بر بسی دخی دکدر بلکه حقیقتده ذات عالی تبارلی و روح مقدسلی غلبه جذبیه الهیه دن ناشی ارواح علویین و ملائکه مقربین ایله روحانی معامله وانلری مشاهده ده مستغرق اولوب طوایف بشرک حیطه عقل و تصورلندن خارج نفوس زکیه لرینه مناسب و مخصوص ادراک ایله انوار روحانیه بی تماشا ایدرلر بعده انبیاء عظامک بو معامله روحانیه لر ی مشاهده جسمانیه په متبدل و عالم حس و شهادتده مدارک بشریه په منزل اولوب کاه سمع شریفلرینه کورلدولی بر مهبب صدا واصل و اول صداك ایچندن معانی لطیفه بی متضمن نیجه کلمات جلیله حاصل اولوب اول کلمات و معانی بی فهم و حفظ ایدرلر و کاه هیجه دخی مرآت حقایق نمای چشم عبرت یانلرینه صورت بشرده بر شخص ممتثل و ظاهر اولوب طرف حقندن تبلیغنه مأمور اولدیغی اموری انبیاء عظامه تبلیغ و ادا ایتدکنصکره یته دیده دن نهان اولوب و بو حالت سنیه زائل و منجلی اولدیغی ائنده انبیاء کرام کندیلره القا اولنان امورک جمله سنی حفظ و اتقان یوروپ امته تبلیغ و بیان یوردرلر ❖ نته کیم پادشاه ملائک سپاه رسول رب اله صلی الله تعالی علیه وسلم حضرتلری جنا بلندن کیفیت نزول وحی الهی سؤال اولندقدده یور دیلر که بعض وقتده سمعه صاصله جرس یعنی دوه چاکی صداسنه مشابه بر مهبب و عجیب صدا کلوب انک هییت و دهشتندن با که زیاده تعب و شدت حاصل بعده یته اول حالت زائل اولوب بو ائنده هر نه که وحی اولندیسسه فهم و حفظ ایدرم دیو یور مشلدر ❖ وینه اول کزیده مخلوقات اشرف موجودات علیه افضل الصلوات یور مشلدر که بعض وقتده دخی طرف ربانیدن تبلیغ وجه مأمور اولان ملک بر رجل صورته تمثل ایدوب وحی الهی بی بکا ادا بندخی کلامنی ضبط و اتقان ایدرم دیو یور مشلدر و بو ائنده دخی مها بت سطوات وحی ایله اولقدر شدت و تعب حاصل اولور که تعبیر اولنماز حتی ذات عالی لرینه شدت نزول وحی الهیدن ناشی طبع عالی لرنده هلاجه محتاج علت کبی تعب حاصل اولدیغی ائرده ثابت اولمشدر ❖ ودخی ام المؤمنین حضرت عایشه صدیقہ رضی الله تعالی عنہا دن مرویدر که رسول اکرم صلی الله تعالی علیه وسلم حضرتلرینه غایت صووق کونده وحی الهی نازل اولوردی و بو ائنده جبین پر نورلندن قطرات عرق سیلان ایدردی دیو یور مشلدر ❖ ودخی قرآن کریمده ❖ انا سلتی علیک قولاً ثقیلاً ❖ آیت کریمه سنک تفسیرنده قول ثقیل ایله مراد وقت نزول وحی ده حضرت عایشه صدیقہ رضی الله تعالی عنہا دن اشبور روایت اولنان

جسه وقونده سائر امثالندن اعظم واقوا اولدبغی مشاهده اولمشدر وچوق کره دخی مجرد دوه فشقبسی ایچنه اول بمرطه لری وضع ایله اکتفا ایدوب غایه الغایه عظیم الجثه دجابه حاصل اولور ❖ اغدیبه قویه کثیره تک انسان وسائر حیوان انواعنک جسم وبدنلرنده آتاری مشاهده ومعاینه اولندیسه قلت اکل وپر هیز وجوعک دخی کندویه مناسب جسم وبدنه تأثیری ثابت وظاهر اولور زیرا آجلیق طوقلوغک وقلت اکل کثرت اکلک ضدی اولوب وپر برینه ضد اولان ایکی نسنه تک برشیده تأثیر ایدوب ایتماسی نسبت واجده اوزره جاری در یعنی ضد اولان ایکی نسنه تک بری برشیده نوجهله تأثیر ایدر سه ضد آخر دخی اول شیده تأثیر ایدر لکن ا که مخالف وجه ایله تأثیر ایدوب اثر لری دخی بر برینه ضد ومغایر اولور ❖ از جمله مانحن فیه اولان صدمه مزده کثرت اغدیبه اجسام وایدانده فضلات ردیه واخلاط فاسده تولدن ایجاب ایتمکله جسم وعقله مخل اولدبغی کپی قلت اکل وپر هیز دخی جسم وبدنک رطوبات زائده دن عاری اولسنی اقتضا ایتمکله قلیل الاکل اولان کسه لک صورت وسیرت لرنک حیر اعتدالده بقاسنی وانحراف واختلالدن سلامتی اذن حق ایله ایجاب ایدر کتاب اولک اولکی فصلنک بشخی مقدمه سی بومحمله تمام اولوب التنبی مقدمه سی بیاننه شروع اولندی

❖ مقدمه سادسه کتاب اولک اولکی فصلنک التنبی مقدمه سی غییدن خبر ووروب ❖
 ❖ فطرت وخلق ایله یاریاضت ایله مغیباته وقوف واطلاع ایدنلرک اصنافی بیاننده در ❖
 ❖ ودخی بوفصلده وحی الهی ایله رؤیا احوالی بیان اولتور ❖

* معلوم اوله که الله سبحانه وتعالی حضرت لری عنایت علیه ورحمت از لیه سبله خلق ایتدیکی عبادی بینندن بعضیلرنی اختیار وانخواب وخطاب عزیزیله شرفیاب ایدوب آینه ذالترین صفات الوهیتی واسرار ربوبیتی انوار یله منور ایتد کدنصکره اول طائفه علیه بی منصب وحی ونیو تله سرفراز ورتبه رسالت ایله ممتاز ایلدی اولردخی درگاه احدیتدن مبعوث ومأمور اولدقلری عبادک معاش ومعاد لرینه لایق مهالغ ومنافعی تعلیم وتعریف واعتقاد وعمله متعلق احکام شرعیه بی تبیین وتوصیف ایدوب سلوک سبیل حقه ترغیب وعذاب نار جمیعدن تهرب ایله طریق فوز وبقا ته سوق ودلائل ایلدی لری ودخی انبیاء عظام صلوات الله علیهم اجمعین حضرت تک آینه ضمیر منیر لرینه طرف الهیدن الهام والقا اولنان معارف لدنیسه والسنة مبارکه لری اوزره اظهار یوریلان کلمات قدسیه دنبر که انلر سرا پرده هییده مستور اولان مغیباتک وقوعندن خبر وور لر شویله که آحاد نوع بشر دن برفرد اول امور غیبیه بی بیلک ممکن اولماز الا انبیاء عظام حضرتانی وساطت یله یلنوب ونیلر دخی انجیق باری تعالی حضرت لرنک آنلره یلدر مسی ایله عالم اولور ❖ زیرا رسول اکرم صلی الله تعالی علیه وسلم حضرت لری یورمشلردر که بیلک وآگاه اولونکله علی التعمیق بن بیلیم الانجیق الله تعالی حضرت لرنک بکایلدر دیکلی نسنه بی یلورم دیوجناب عالی لرنک مغیباته علم وعرفان لری طریق وحی الهی یه منحصر اولدبغنی بیان یورمشلردر ❖ معلوم اوله که انبیاء عظام صلوات الله علیهم اجمعین

مألوف اولدقلری کثرت اکل وشر به دفعه شروع اینسه انلدخی عادت مألوفسه لری
 علی الفور ترك اینتلریله هلا کدن خوف اولنقی مقرر در بلسکه ریاضته تدریج ایله شروع
 ایندکلیری کبی اکلہ رجوعلری دخی اولو جهله اولقی کرکدر ❖ واصحاب ریاضتدن
 هلی التوالی فرق کون فرق کیجه دخی زیاده وقت جوعه صبر ایدر کسنهلر مشهودمز
 اولوب بوندن ماعدا ملوک غر بدن سلطان ابوالحسن دولته ادراک ایدن نیجه پیر واختیار
 کسنهلردن مسموعمزددر که انداس بلادندن جزیره خضرا وزبده نام بلده ل اها بسندن
 ایکی خاتون نفسلری سنین عدیده اکل وشر بدن بالکلیه حبس ایدوب بوخبر سلطان
 ابی الحسنک سمعنه واصل اولدقده اول عورتلری حضورینه احضار ونیجه زمان مکث ایله
 حال وشانلری نجر به اوانوب کیفیت حاللری واقعه مطابق وحقلرنده نقل اولنان خبر
 صادق اولوب بو حال اوزره عمر لری تمام ومدت حیاتلری قرین حسن ختام اولدی
 وکذک احبا واصدقا مژدن قتی چوق کسنهلر غدازنی کچی سودینه قصر ایدوب
 صائم اولدقلری خالده وقت افطارده ومغظر ایکن بعض اوقات نهارده کچینک همه سنی
 آنزینه الوب لبیلله تغدی و بونوال اوزره اون بش سنه مقداری تعیش ایندکلیری
 مشهودمز اولمشدر ❖ بونلرو بونلرک امثالی اخبار عجیبه کثیر وعلی وجه التدریج الفت
 وعادت ایله حصولی یسیر اولغله استماع اولندقده رد وانکار ایله مقابله اولنماق کرکدر
 ❖ معلوم اوله که ریاضت و پرهیره قادر اولان کسنهلر حقتده تقلیل طعام اکثار خدا
 وادامدن بدن ونفسلرینه من کل الوجوه اصلح وانفع اولوب وقت غذا ایله مألوف اولانلرک
 اجسام وعقولنک صحت وصلاح وصفوت وانجلا ده مدخل عظیمی اولدیغی (الاشیاء
 تنکشف باعنادها) فحوا سنجه قلت اکلک مندی اولان کثرت غذا نک جسم وبدنه
 اولان آثار ایله دخی ظاهر اولور زیرا جشم لری عظیم حیوانات لحومیهله تعیش ایدن
 کسنهلرک جسم وبدنلری عظیم وقوی اولوب نسل وذریتلرنده دخی اثری باقی قالور
 ننه کیم دوه اتیه وسودیه پرورده اولان اهل بادیه نک جشم لری دوه کبی عظیم اولوب جل
 ائقاله قدرت ومتاعب سفره طاقث کتور مکده وسائر اخلاقده ایله مشاهددر ❖ وکذک
 بونلرک امعاری دخی لحم ولبنیله تغدی به مألوف اولدقلری دوه امعاسی کبی صحیح وغلیظ
 اولوب سائر ناسه نسبت ایله مضرتی ظاهر اولان اغدیله تناولندن بونلرک امعارینه وهن
 وضعف دخی طاری اولماز حتی تلین واسهال ایچون ناپختسه وخام ایکن ایوجهل
 قار پوزی عصاره سی وسود لیکن صمغی کبی سمیتی دوالر استعمال ایدوب امعارینه اصلا
 ضرر ترتب ایتممع هذا اغدیله لطیفه استعمالنه معتاد اولوب امعاری رقیق اولان اهل
 امصار بومقوله سمیتی دوالری استعمال اینسه ل طرفه العینده مشرف موت وهلاک ودفین
 صندوقه خا ک اولملری امر مقرر در ❖ ودخی ینه اغدیله نک ابدانده تأثیرینه دلالت ایدن
 امورک بری بودر که اصحاب فلاحت وارباب زراعت وحراثت دوه ترسیله طبخ وتریه
 اولنمش ترابده نابت حبوب ایله بسلمش طسا ووق وقاز مقوله سی حیوانلرک بمرطه لری
 اوزرینه اول حیوانلری باصروب واول بمرطه لردن حاصل اولان پلچلر وطا وقلر

جسمه وقوده سائر امثال لندن اعظم واقوا اولدبغی مشاهده اولمشدر وچوق کره دخی مجرد دوه فشقبسی ایچنه اول بمرطه لری وضع ایله اکتفا ایدوب غایه الغایه عظیم الجثه دجا جهل حاصل اولور ❖ اغدیه قویه کثیره تک انسان وسائر حیوان انواعنک جسم وبدنلریده آناری مشاهده ومعاینه اولندیسه قلت اکل وپرهیز وجوعنک دخی کندویه مناسب جسم وبدنه تأثیری ثابت وظاهر اولور زیرا اچلق طوقلوغنک وقتل اکل کثرت اکلک ضدی اولوب وپر برینه ضد اولان ایکی نسنه تک برشیده تأثیر ایدوب ایتماسی نسبت واحده اوزره جاری در یعنی ضد اولان ایکی نسنه تک بری برشیده نوجهمله تأثیر ایدر سه ضد آخر دخی اول شیده تأثیر ایدر لکن ا که مخالف وجه ایله تأثیر ایدوب اثر لری دخی پر برینه ضد ومغایر اولور ❖ از جمله مانحن فیه اولان صدمه مزده کثرت اغدیه اجسام وابدانده فضلات رديه واخلط فاسده تولدن ایجاب ایتمکله جسم وعقله محل اولدبغی کپی قلت اکل وپرهیز دخی جسم وبدنک رطوبات زائده دن عاری اولسنی اقتضا ایتمکله قلیل الاکل اولان کسه لک صورت وسیرت لرینک حیر اعتدالده بقاسنی وانحراف واختلالدن سلامتنی اذن حق ایله ایجاب ایدر کتاب اولکی فصلنک بشچی مقدمه سی بومخلده تمام اولوب التنجی مقدمه سی بیانته شروع اولندی

❖ مقدمه سادسه کتاب اولک اولکی فصلنک التنجی مقدمه سی غییدن خبر وپروب ❖
❖ فطرت وخلق ایله یاریاضت ایله مغیباته وقوف واطلاع ایدنلرک اصنافی بیاننده در ❖
❖ ودخی بوفصلده وحی الهی ایله رؤیا احوالی بیان اولنور ❖

* معلوم اوله که الله سبحانه وتعالی حضرت لری عنایت علیه ورحمت از لیه سیله خلق ایتدیکی عبادی بینندن بعضیلرنی اختیار و انتخاب وخطاب عزتیه شرفیاب ایدوب آینه ذاتلرین صفات الوهیتی واسرار ربوبیتی انوار یله منور ایتد کدنصکره اول طائفه علیه بی منصب وحی ونیو تله سرفراز ورتبه رسالت ایله ممتاز ایلدی انلر دخی درگاه احدیتدن مبعوث ومأمور اولدقلری عبادک معاش ومعاد لرینه لایق مصالح ومنافی تعلیم وتعریف واعتقاد وعمله متعلق احکام شرعیه بی تدبیر وتوصیف ایدوب سلوک سبیل حقه ترغیب وعذاب نار جحیمدن ترهیب ایله طریق فوز ونجاته سوق ودلالت ایلدی لری ودخی انبیاء عظام صلوات الله علیهم اجمعین حضراتنک آینه ضمیر منبر لرینه طرف الهیدن الهام والقا اولنان معارف لدنیسه والسنة مبارکه لری اوزره اظهار یوریلان کلمات قدسیه دندر که انلر سر پرده هییده مستور اولان مغیباتک وقوعندن خیر وپر لر شویله که آحاد نوع بشر دن بر فرد اول امور غیبیه بی بیلتک ممکن اولماز الا انبیاء عظام حضراتی وساطتیه یینوب ونیلر دخی انجیق باری تعالی حضرت لرینک آنلره ییلدر مسی ایله عالم اولور ❖ زبر رسول اکرم صلی الله تعالی علیه وسلم حضرت لری بیور مشلدر در که ییلک وآگاه اولونکه علی النقیق بن یسلم الانجیق الله تعالی حضرت لرینک بکایلدردیکی نسنه بی ییلورم دیو جناب عالی لرینک مغیباته علم وعرفان لری طریق وحی الهی به محصر اولدبغی بیان بیور مشلدر ❖ معلوم اوله که انبیاء عظام صلوات الله علیهم اجمعین

مألوف اولدقاری کثرت اکل و شر به دفعه شروع ایتسه ل ایلردخی عادت مألوفه لری
 علی الفور ترک ایتلریله هلا کدن خوف اولمق مقرر در بلسکه ریاضته تدریح ایله شروع
 ایتدکلری کبی اکل رجوعلری دخی اولو جهله اولمق کرکدر ❖ واصحاب ریاضتدن
 هلی التوالی فرق کون فرق کیجه دخی زیاده وقت جوعه صبر ایدر کسنه ل مشهودمز
 اولوب بوندن ماعدا ملوک غربدن سلطان ابوالحسن دولته ادراک ایدن نیجه پیر واختیار
 کسنه لردن مسموم در که انداس بلادندن جزیره خضرا وزیده نام بلده ل اها بسندن
 ایکی خاتون نفسلری سنین عدیده اکل و شر بدن بالکلیه حبس ایدوب بوخبر سلطان
 ابی الحسنک سمعنه واصل اولدقده اول عورتلری حضورینه احضار و نیجه زمان مکث ایله
 حال و شانلری تجر به اوانوب کیفیت حاللری واقعه مطابق و حق لرند ه نقل اولنان خبر
 صادق اولوب بو حال اوزره عمر لری تمام ومدت حیاتلری قرین حسن ختام اولدی
 و کذلک احبا و اصدا قلمزدن قتی چوق کسنه ل غدازنی کچی سو دینه قصر ایدوب
 صائم اولدقاری خالده وقت افطارده و مغطر ایکن بعض اوقات نهارده کینک همه سنی
 آغزینه الوب لبیلله تغدی و بومنوال اوزره اون بش سنه مقداری تعبش ایلدکلری
 مشهودمز اولمشدر ❖ بونلرو بونلرک امثالی اخبار عجیبه کثیر و علی وجه التدریح الفت
 وعادت ایله حصولی یسیر اولغله استماع اولندقده رد وانکار ایله مقابله اولتماقی کرکدر
 ❖ معلوم اوله که ریاضت و پرهیزه قادر اولان کسنه ل حقتده تقلیل طعام اکثر غذا
 وادامدن بدن و نفسلرینه من کل الوجوه اصلح و انفع اولوب و قلت غذا ایله مألوف اولانلرک
 اجسام و عقولنک صحت و صلاح و صفوت و انجلا ده مدخل عظیمی اولدیغی (الاشیاء
 تنکشف باضدادها) فحوا سنجه قلت اکلک مضدی اولان کثرت غذا نک جسم و بدنده
 اولان آتاریله دخی ظاهر اولور زیرا جشملری عظیم حیوانات لحو میله تعبش ایدن
 کسنه لک جسم و بدنلری عظیم وقوی اولوب نسل و ذریتلرند ه دخی اثری باقی قالور
 نته کیم دوه اتبله و سودیله پرورده اولان اهل بادیه نک جشملری دوه کبی عظیم اولوب جل
 اتقاله قدرت و متاعب سفره طاق کتور مکده و سائر اخلاقده ایله مشاهد ❖ و کذلک
 بونلرک امعالی دخی لحم و لبیلله تغدی یه مألوف اولدقاری دوه امعاسی کبی صحیح و غلیظ
 اولوب سائر ناسه نسبت ایله مضرتی ظاهر اولان اغدیبه تناولدن بونلرک امعالرینه وهن
 وضعف دخی طاری اولماز حتی تلین و اسهال ایچون ناپختنه و خام ایکن ابو جهل
 قار پوزی عصاره سی و سود لیکن صمغی کبی سمیتی دوالر استعمال ایدوب امعالرینه اصلا
 ضرر ترتب ایتزمع هذا اغدیبه لطیفه استعماله معتاد اولوب امعالری رقیق اولان اهل
 امصار بو مقوله سمیتی دوالری استعمال ایتسه ل طرفه العینده مشرف موت و هلاک و دفین
 صندوقه خاک اولملری امر مقرر در ❖ و دخی یته اغدیبه نک ابدانده تأثیرینه دلالت ایدن
 امورک بری بودر که اصحاب فلاحت و ارباب زراعت و حراثت دوه ترسیله طیح و تریه
 اولمش ترابده نابت حبوب ایله بسلمش طسا و وقوقا ز مقوله سی حیوانلرک برطه لری
 اوزرینه اول حیوانلری باصروب و اول برطه لردن حاصل اولان بلچیلر و طاو و قار

اعضادن معدود در ❖ بوتقدیر چه امعانك وقت وسعت و رخاده كثر اكل غداى
 مر طوب ايله كسب ايتديكى رطوبت زائده زمان مضایقه ده خشونت و بیوسته متبدل اولغله
 طاقت كتوره ميوب صاحبي سر يعا هلاك اولور ❖ بناء على هذا اثنای خط و غلا ده
 فوت اولن لرك هلاكي زمان وسعت و رخاده معناد اولدقلى طوقلقدن ناشى اولوب
 صكره دن عارض اولان آخلق سييله دكدر ❖ اما اهل باديه كچي اغديه انواعدن بالكن
 سود بوغرت مقوله سى اطعمه تناولنه اعتياد ايدوب ياغلى و زياده رطوبتلى اغديه كثره
 استعمالنى ترك ايدن كسه لرك خيبر و مايه فطر تلى اولان رطوبت اصليله لرى من غير
 زياده حدنده برقرار و مرتبه لايقه سنده پايدار اولوب و افراد بشر دن هر شخصك مزاجنه
 لابق و موافق اولان رطوبت اصليله سى اخلاطك تعفن و فسادنى موجب اوليان اغديه
 طبيعه دن نه كونه غذا استعمال ايدرسه فاسد و مختل اولما مغين وقت خط و غلا ده تبدل
 اغديه ايله بو مقوله كسه لك امعازنده بيوست و اختلال حاصل اوليوب غالب اوقاتده
 بونلرك اكثرى مرض جوعله هلا كدن سالم اولورل ❖ معلوم اوله كه بو ذكر اولنان
 امورك جله سى اكل و ترك غدا ده الفت و عاده متبني اولوب هر اول كسه كه اغديه انواعدن
 بر غذا تناولنه اعتياد ايدوب استعمال ايتديكى غذا انك طبيعتنه موافق و ملايم اوله
 بحسب الاقتضا مألوفنى ترك و غداى آخر استعمالنه مضطر اولدقده معناد و مألوف اولديغى
 اغديه به يبدل ايتديكى خدار سموم قاتله مقوله سندن اولديغى صورته اولدخى اعتياد ايله اول
 استعمالنه معناد اولديغى غذا مقامنه قائم اولور ❖ مثلا بر كسه حنطه و سائر حبوب بدن معمول
 خبز و نان بدلى بقول و اين تناولنى معناد ايلسه سابقا اكل ايتديكى خبز و نان مقوله سى
 خدارن مستغنى اولور ❖ و كذلك بر كسه على التدريج تقليل طعام ايدرك آچلغه صبرى معناد
 ايلسه اغديه مألوفه سندن مستغنى اولديغنه اهل ر ياضدن منقول اخبار عجيبه دلالت ايدر ❖
 بو خبر لرك اصلى الفت و عادت اولديغنه واقف اولينلر قبولنده تردد ايلوب رد و انكاره
 تصدى ايلرل مع هذا انسانك نفسى زياده متلون اولوب اعراض مختلفه و آثار متنوعه
 قبولنه مستعد اولغله كرك طعام و غذا و كرك سائر اشبادن برشى ايله الفت ايتدكده عادت
 ايتديكى نسنه طبيعت ثابته مثابه سنده اولور بناء على هذا تدريج و رياضت طريقه جوع
 و پرهيزه دخى اعتياد ايلسه جوعه صبر ملكه سى انك همچون عادت و طبيعت اولغله
 قطعاً متضرر اولاز و اطباءك جوع و پرهيز مهلكه در ديون توهملى مطلق اولوب
 ملكه انسان معناد اولديغى كثر اكل كلى دفعه ترك ايدوب مألوف اولديغى غداى بالكله
 كنديدن قطع ايتكه محمولدر ❖ زيرا بو صورته اعضاى ضعيفه دن معدود اولان
 امعايه على الفور كمال بيوست عارض اولغله هلا كدن خوف اولنور اما جوع و پرهيز
 شبنفا فشبثا وقتاً فوقتاً تقليل غذا و تدريج و رياضت طريقه احتمايه مقارن اولدقده
 موت و هلا كه مؤدى اولديغى اصحاب رياضتك حال و شانلرندن ظاهر در ❖ و دخى
 ترك اكل و شرابه تدريج شرط اولديغى كچي جوع و رياضتدن اكل و شرابه رجوعه
 دخى لازمدر ❖ زيرا اهل حيه و اصحاب رياضت جوع و پرهيزدن رجوع و سابقا

نسنه از اولوب و قطعاً بقر و غنم یا غلبه مطبوخ اطعمه به اعتبار ایتماملری سببیه دیار
 غربده واقع نیوک شهر لک و بلده لک اها لسنک اغدیبه و اطعمه لرنده رطوبات زائده قلیل
 اولوب ابدان و اعضاری فضلات رده دن خالی اولمغله صورت و سیرتاری بونلرک خلاقی
 اوزره حرکت ایدن اهل قرا و صحرا دن اعدل اولمشدر ❁ معلوم اوله که قلت و کثرت
 اکل غذا نك ابدان و اخلاقده تأثیر اولدیغی کبی امر دیاننده و زهد و عبادتده دخی
 مدخل عظیمی اولوب حضری و بدویلردن لقمه قلیله به فاعت ایدنلر کثرت تنم و تعبشه
 انهماك ایدنلردن زیاده عبادات و طاعاته میل و اقبال ایدرلر ❁ بلکه مدن و امصار اها لسنک
 اکثری انواع لحوم و نباتدن معمول و مصنوع اطعمه متنوعه و اغدیبه کثیره تناولنه معتاد
 اولوب جسم و بدنلرنده متوان اولان رطوبات زائده و اخلاط فاسده نك وجودی
 و البخره کشیفه سنك دماغلرینه صعودی قسوت قلب و غفلتارنی موجب اولمغله طاعات
 و عبادانده تکاسل و تهاونلرینه باعث اولور ❁ اما اهل بادیه نك اکثری قلت اکل غذا ایله
 مألوف اولمغله اکثر اوقاتده عبادات و طاعاته اشتغال ایدرلر ❁ و کذلک بلده واحده ده
 ساکن اولان قومک احوالی دخی تعبش و تنعمده وسعت و ضرورتلری حسبیه مختلف
 اولدیغی ظاهر در ❁ و دخی اهل امصار و قرا و اسکان دشت و صحرا دن خصب و رخا و کثرت
 اکل غذا ایله موصوف و مألوف اولنلرک بلادنه حط و غلا اصابت ایلوب مرض جوعه
 مبتلا اولدقلرنده بونلرک موت و هلاکی قلت اکل غذا ایله مألوف اولانلردن اسرع و ازید
 اولور ❁ نته کیم مغرب دیارنده ساکن طوایف بربریه ایله مدینه فاس و مصر اها لسی
 حقتنده ایام حط و غلا ده مسموع و منقول اولان حکایات عجیبه بو خصوصه دلالت ایدر
 اما قلت غذا و ضرورت معاش ایله معروف اولان بلاد اها لسنک حط و غلا دخی اصابت
 ایلسه بونلرده غلبه جوع ایله موت و هلاک کثرت تنم و تعبشه معتاد اولان کسه لر کبی
 سریع و کثیر اولوب بلکه نادرا واقع اولور ❁ مزرعات و محصولات قلیل اولان بادیه
 سکانی ایله غالب تعبشلری عمر و خرمایه مقصور اولان اهل بلاد کبی و افریقیه اها لسی ایله
 اندلس سکانی کبی که افریقیه اها لسنک حالا بو عصر لده غالب تعبشلری شعر و زیتسه
 مقصور و اندلس اها لسنک اکثر معاشلری دره دیدکلری حبوب ایله زیت و زیتونه
 منحصر اولوب ترفه و تنعملری وسعت و کثرت اوزره اولما مغله زمان حط و غلا ده موت
 و هلاکلری خصب و رخا ایله معروف اولان بلاد اها لسی کبی سریع و کثیر اولماز
 ❁ بو امرک دخی سروسپی الله اهلیم بودر که ذخایر موفوره ایله معمور اولان بلاد و قرانک
 اها لسی یاغلی و زیاده رطوبتلی اغدیبه و اطعمه تناولنه اعتیاد ایتلریله امعلاری رطوبت
 اصلیه مزاجیه لرندن فضله رطوبت زائده کسب ایدوب بعده اول بلده ره آفت حط و غلا
 اصابت ایتدکده مألوف اولدقلری اغدیبه مرطوبه و اطعمه مرغوبه به قلت کلوب
 بحسب الاقتضا خلاف معتاد غلیظ و کشیف غذا لر استعمالنه مضطر اولدقلرنده امعلارینه
 کمال یس و خشونت عارض اولور امعالبسه مجرای فضلات و محل حرکات اولمغله
 بقایت ضعیف برعضو اولوب عندالاطبا اصابت آفت ایله صاحبی اهلک ایدن

و اخلاقده تا تیری اولدیغی اولتری صولری قن چوللرده نشئت ایدن حیوانات ایله
 چایی چنی واسع مرعاده حاصل اولان حیوانلرده دخی ظاهر در زیر چول حیواناتندن
 جیران ودوه قوشی و بویون اووزون آرد اباغی قصیر زنا پادید کلری حیوان ایله حیار
 و بقر وحشی امثالی حیوانات حدت حس و ادزاک و تناسب اعضاده و شکل مطبوع ولون
 مرغوبده اولتله صولو چایی چنی مرعاده حاصل اولان حیوانلردن احسنند مع هذا
 جیران کچیک زنا پادوه نك نظیری حیار و بقر وحشی ایسه حیار و بقر اهلی نك بحانس
 و مثلی ایکن صورت و سیرتده تفاوت و اختلافی ذکر اولندی ❁ وجهی دخی بودر که
 مرعاری همور و نیا تاتی موقور اولان اراضیده پرورشاب اولان حیوانلر کثرت ایله
 اکل ایند کلری نیا تاتک رطوبتری کثیر اولوب جسم و جسد لنده فضلات رده
 و اخلاط فاسده تولدنی ایراث اتمکله خلقت و هیئتری درجه اهدا لدن بقید اولوب
 و چول حیوانلر کثرت اکل غسدا ایله فضلاتی قلیل اولغله صورت و سیرتده جنبش
 و حرکتده انردن احسن اولساردر ❁ کذلک مزروعات و محصولات بیسار و قوا که
 و ثمار بی شمار اولان بلاد معموره اها ابلسی نك دخی اشتهاری مرتبه کثرت ایله اکل
 ایند کلری اغدیة مرغوبه و اطعمه متنوعه نك فضلات رده سی و انجره کثیفه سی جسم
 و بدنلرنده غلظت و خشوتی و حقل و ذهنلرنده اختلال و غفلتی موجب اولوب اما محصول
 و مزروعی قلیل اولان بلاد اها ابلسی تقیل غذا ایتلریله حال و شانلری بونلرک خلا فیدر
 نته کیم دیار غربیده حنطه و خوب و سائر ذخایری کثیر اولان محلهلرده ساکن بر بریلره
 نسه طوایف مزبوره دن غداری ارپه و طارویه مقصور اولان مصامده جماعتی و اهل
 سوس و عماره طائفه لرنده مشاهده اولنان احوال مختلفه کچی که طوایف بر بریلرند مصامده
 و عماره جاعتلرینک و اهل سوسک صورت و سیرتده حال و شانلری کثرت تنعم و تعیش
 مألوف اولان سائر طوایف بر بریلرند من کل الوجوه احسن و اولی در ❁ و کذلک علی العموم
 مغرب دیاری اها ابلسی ایله اندلس مملکتی سکانتک حال و شانلری دخی بویله در زیر
 مغرب و لایتلرنده حنطه و خوب و سائر انواع غذای مرغوب کثرت و وفرت او زره موجود
 اولوب و دیار اندلسده یاغ و یاغلی طعام مقفود و غالب حالده تعیشلری خوب انواعدن
 دره دیدکلری نسنه به مقصور اولغله اندلس اها ابلسی لطافت اجسام و ابدان وحدت
 فهم و ادعانه موصوف اولوب بونلره نسبت مغرب دیاری سکانتی خلقت و اخلاقده
 خشونت و غلظت و غبا و ابله معرفلردر ❁ و کذلک مغرب دیارلنده واقع امصار و بلاد
 اها ابلسی ایله صحرا و قرارلنده ساکن رجالک حال و شانلری دخی بویله مذکور او زره
 جاریدر زیرا دیار غربیده واقع اولوشهرلرده و بلده لرنده ساکن اولانلر قرارلنده و صحرا لرنده
 متمکن طائفه کچی لحوم و نبات انواعدن اغدیة متنوعه و اطعمه متلونه ایله تنعم و تعیش
 ایدرلر سده لکن اهل امصار تناول ایند کلری اغدیة و اطعمه بی بعض مفرح و مناسب
 شیر ایله طبخ و تر بیه ایدوب قوامی ترقیق و کثیفی تلطیف ایند کدنصکره تناول و استعمال
 ایلدکلرندن ماعدا اکثر یا غداری قویون و طاووق لومندن معمول کباب مقوله سی

دخی نباتاتدن خالی ونشو ونمادن عاری اولغله سکان واهالبسنکی امر معاشده زجت
 چکرل * اهل حجاز واطراف یمن کچی وطوایف بر بریه ایله سودان ولایتلری اراسنده واقع
 اطراف رمالده ومغرب صحرازنده ساکن صنهاجه قبیله سندن معدود ملتین طائفه سی کی
 زیرابوولایتلرده حنطه وارزکی حبوبات ومحصولات نابت اولوب غدالری لحم ولبنه
 مقصور اولغله امر تعیشده اضطرار واضطرابلری مقرر در * وبعض دشت وبریه زرده
 کشت وکذار ایدن عشا برعربان دخی نفس وعبالری ودواب ومواشیلری نفعه سی
 ایچون حنطه وشعبه مقوله سی حبوبات واقواتی جوارزنده اولان مزارع معموره اصحابندن
 تدارک ایدرلرده لکن اکه دخی هر وقتده دست رس اولوب اولدقلری صورته دخی
 اول مزارع وقرایی حفظ وحراست ایدن والیلرک وضابطلرک قهر وغلبه سی سببده شی
 قلیلی ثمن کثیرایله اشترا ایتملریله حبوبات ومزرعاتدن سدره فی مرتبه سی جزئی نسنه
 تدارک ایدوب امر معاشده زجت چکرل * وطوایف عربک دخی اکثر اوقاتده وغالب
 احوالده مدار معاشلری رعی ایتدکلری دوه وصغر قیوتدن حاصل سود وپوغرت وپنیر
 مقوله سی نسنه تناولنه مقصور اولوب بغدادی وپرنج وسائر حبوباته نعم البدل واطعمه
 لبنیه ایله تحصیل بدل مایخلل ایدرلر * مع هذا مزرعات وحبوباتدن خالی صحراک
 وبادیهلرک سکان واهالبسنک صورت وسیرتلی خلق و طبیعتلری تنعم وتعیشده وسعت
 وارزاق وذخایرده کثرت ایله معروف اولان ممالک معموره سکانندن احسن اولوب لون
 وسیمالری زیاده مصفا وبدنلری فضلات ردیه دن مبراشکل وهیئتلری اتم واکمل
 وخلق ومشر بلری اعدل وافضل سلامت طبع ایله معروف وسداد عقل ایله موصوفلردر
 نته کیم تنعم وتعیش اصحابی ایله ارباب تجردک احوالی تجربه بومدعا مزه شاهد کافیدر
 ازجمله قبائل عرب ضرورت عبش وقلت معاش ایله معروف ایکن وسعت معاش ایله
 موصوف طوایف بر بردن خلقت و اخلاقده افضل واحسندر * وكذلك کسب ومعاشلری
 قلیل اولان طوایف ملتین دیار غربده واقع ممالک معموره ده ساکن سائر قبائل
 بر بردن صورت وسیرتده افضل اولوب بونلردن ماعدا سائر کثرت عبش وقلت
 غذا ایله معروف اولان بلادک اهاالبسنک احوالی دخی بونسبت اوزره درکه هر برینک
 حال وشانلری کتب تاریخده مسطور و آثار و احواللری علی التفصیل مذکوردر
 بواهرک سر وسببی الله اعلم بودرکه کثرت ارزاق وذخایر ایله معروف اولان محللرده لحوم
 ونباتات انواعندن اغذیه کثیره تناولنه مالوف اولان کسنه لک اکل ایتدکلری غدالرک
 رطوبتلری جسم و بدنلرنده فضلات ردیه واخلط فاسده تولید ایتمکله اصل مزاج
 وطبیعتلرینه مناسب اولان شکل وصورتلری وبشره وسیمالری مجرای طبیعتدن چغوب
 هیئت عجیبه وصورت غریبه ایله منمشکل اولورلر * وكذلك کثرت ایله اکل اولان اغذیه
 مرطوبه دن حاصل اولان اخلط متعقنه تک البخره ردیه سی دخی دماغلرینه صعود
 ایدوب آلت فهم وذکا اولان قوای حس وادراکی مختل ایتمکله نور فکر و بصیرتلری
 ظلمت حق وغفلت ایله محو ومضمحل اولور * ودخی اکل غداده قلت وکثرتک ابدان

حكيمك ايله اها اهل بسنده فرح وسرور حصوله وسيله اولمشدر ❖ وكذلك محروسه مصر القاهره دخی اوجنجی اقلیمده بلاد جرید عرضنده یا ا که قریب محلده واقع اولوب اقلیمده وحرارت هواده جرید مملکتیله مشترک اولغله اهل مصرک دخی طبیعتلرینه فرح ونشاط غالب اولوب خفت طبع وطرب ونشاط ايله موصوف عواقب اموری تفکر دن غافلدر ❖ شویله که برسنه لك بلکه برآینق ذخایر وارزاقلرین جمع وادخار ایتمیوب تجدد ایامله تجدید ارزاق ونفقات بومبیلرین اسواقدن اخذ ايله نفس وعبالترین ودواب ومواشیلرین تزریق وانفاق ایدرر اما بلا دغریدن فاس اولکسه می جرید ومصر مملکتلرینه حرارت هواده مخالف ومغایر وجمال بارده به ملاصق وجماور اولوب بلدلرینک برودت هواسی روح حیوانی اولان بخار لطیفی خزینته قلبلرنده حبس وحصر ایتمکله حزن وکدورت اوزره اولملرنی ایجاب ایدوب اهای فاسک اکثر اوقاتی غوم وهموم ايله کذران وعواقب اموره افراط فکرايله واله وحیران اولمشلدرر حتی اها اهل بسندن بعضیلری برقاچ سنه لك ذخایری مخزنده جمع وادخار ایتد کد نصرکه مدخارلرندن برشبه نقصان کلک خوفیله علی السحر چارشو و بازاره واروب قوت بومبسنی دخی اشترا ایلرر اقالیم و بلدانک احوالی کرکی کبی تنبع اولندقد هربرینک حرارت وبرودتده مختلف اولان هواری سکان وها اهل بسنک اخلاق واطوارنده تأثیری مشاهده اولنور ❖ والله الخلاق العالم ❖ وکاراتمه فن ناریندن امام مسعودی طائفه سودانک خفت طبع وکثرت عیش وطربلری خصوصندن بحث ایدوب علت وسبب بیانده اعتباره لایق برسنه بوله میوب انجق جابینوس ايله اسحاق کندی نام حکمیدن نقل مریقیله دیدیکه طائفه سودانک دماغلری بغایت ضعیف اولوب ضعف دماغلری عقل وتدبیرلرینک ضعف وقصورنی وفکر وملاحظه لرینک نقصان وقصورنی ایجاب واقضای المملکه طبیعتلری خفیف وعقللری ضعیف اولدی دیدی ❖ لکن ضعف دماغک سبب وعلتی بیان اولنماغله کلاملرینک مال ومحصلی اولوب مدعاسنی اثباتده قاصر اولدی ❖ والله بهی من یشاء ❖ کتاب اولک فی فصلنک در دخی مقدمه سی بومحلده تمام اولوب بشنجی مقدمه سی بیانه شروع اولندی

معلوم اوله که طائفه سودان
حقنده نقل اولنان ضعف
دماغ وخفت وطرب جملله
حقنده موجود ثابت دکلدر
زیرا ولایت حبس واکا قریب
بلاد سودانیه اها اهل بسندن علم
وعقل ايله معروف رجال
کثیره موجوددر ❖

❖ مقدمه خامه بشنجی مقدمه معهوره ربع مسکونده خصب ورخا وخط وغلا ايله ❖
❖ مختلف اولان بلاد ايله قلت اکل وکثرت غدانک طوایف بنی ادمک ابدان ❖
❖ واخلالرنده تأثیری بیاننده در ❖

معلوم اوله که حرارت وبرودتی معتدل اولان اقالیمده واقع ممالکک دخی جمیع محللرنده خصب ورخا ووسعت اقوات وارزاق موجود اولوب وسکان وها اهل بسنک جیبیبسی ماکولات ومشروبات انواعندن استدلری اطعمه واغذیه ايله متنعم دکلدرر بلکه بوذکر اولنان اقالیم معتدلنه بعض محللرنده زراعت وحرارته صالح طیب ومنبت اراضی معهوره ومزارع موفوره موجود اولوب کثرت مزروعات ووفرت محصولات سببیه سکان وها اهل بسی خصب ورخا اوزره تعیش وتنعم ایدرر ❖ وبومعتدل اقلیملرک بعض محللری

غبار غموم و کدر همومدن مبرا و معرادر ❁ بواهرک سر و سببی الله اعلم اولدر که علم حکمتده
 محلنده تحقیق اولند یعنی اوزره انسانه عارض اولان فرح و سرور خزینه قلب انسانده
 مخزون و بین الاطبار روح حیوانی دیدکری بخار لطیفک ظاهر بدنه میل و توجهندن
 هسارت بحالت اولوب و حزن و غصه ذکر اولنان بخار لطیفک باطن بدنده احتباس
 و انقباضندن عبارتدر ❁ و دخی ینه فن حکمتده مین و مقرر در که کیفیت حرارت عنصر
 هوا و دخان و بخار کبی اجسام لطیفه یی اطراف واقطاره طاغدوب کرک جو هواده
 و کرک جوف بدنده محتبس و منقبض اولان بخاره تک اجزاسنی تحلیل و طرف اسفلدن
 جانب فوقه تحریک ایله مقدار نیی زیاده ایله حتی نشئه صهبایله سکران اولان باده نوشلرده
 مشاهده اولنان فرح و نشاط و سرور و انبساط دخی بوسیدن ناشی در که شرب خمر
 ایدنلرک قلبلرنده مرکوز و مخزون اولان بخار لطیفده واقع حرارت غریزه یی خمرک شدت
 و حدتی تحریک ایدوب اول بخار لطیف عروق و شریانلر واسطه سبیه اطراف بدنه
 خصوصاً جرم دماغه و اصل اولدقده اصحاب عیشک طبیعتلرنده فرح و سرور و نشاط
 موفور حاصل اولور ❁ و کذلک جام و کرما بهلره دخول ایدنلرک روحلرنه حرارت هوا نفوذ
 و بد نلرنه سرایت ایتدکده بخاره لطیفه قلبیه یی ظاهر بدنه تحریک ایله طبیعتلرنی ترویج
 و مزاجلرنی تعدیل ایدوب نشئه صهبایله کبی رفح و سرور حاصل اولور که چوق کره
 اصحاب کرمیت هوا سببیه کمال تنعم و تلذذ دن ناشی نعمت لذیذ و الحان لطیفه ایله
 ترغ دخی ایدر ❁ وقتا که طوایف سودان دخی کرمیت هواسی سائر اقالیمه غالب اولان
 اولکی ایکنجی اقلیمده ساکن و امرجه و خلقلرنده اول اقلیلرک حرارتی مستقر و متمکن
 اولدیسه بونلرک ابدان و اقلیلرینه مناسب طبیعتلرنده حرارتدن حصه عظیمه حاصل
 اولغله طوایف سودانک روح حیوانیلری و حرارت غریزه لری دردیجی اقلیم اهابسنک
 ارواح و حرارت اصلیلرینه غالب اولمقدن ناشی قلبلرنده مخزون اولان بخاره لطیفه یی
 جوف دماغلرنه و ظاهر بدنلرنه زیاده تحریک ایتمکه فرح و سرور و نشاط و انبساطلری
 سائر اقالیم اهابسنندن اکثر و خفت و طری بدن حصه لری او فر اولشدر ❁ و سواحل بجرده
 واقع بلاد اهابسنک طبیعتلری دخی بر مقدار طرب و نشاطه میل ایتمکه طائفه سودانه
 ملحقدر زیرا بلاد ساحلیه اهابسنک مملکت و بلده لری ساحل بجرده واقع اولوب
 و روی دریا مرآت مصفا کبی صاف و تابناک اولغله شمسک شعاع و ضیاسی وجه
 بجر دن بونلرک بلادنه عکس ایتدکده تأثیری شدید و هوایلرینک حرارتی مزید اولوب روح
 حیوانیلرنی خارج بدنه زیاده تحریک ایتمکه بلاد ساحلیه سکانک فرح و سرور لری دخی
 جبال بارده اهابسنه غالبدر ❁ و کذلک اقلیم نالنده واقع دیار غرب ممالکیندن جرید
 اولکهمسی اهابسنک طبیعتلری دخی مقدار قلیل عیش و طریبه میلان اوزره اولدقلری
 مشهود دیده اذعائز اولمشدر ❁ بونک دخی سببی بلاد جریبد طرف جنوبده زیاده
 حار اولان ایکنجی اقلیمه قریب و جبال بارده دن بعید اولغله بلاد مزبورده تک حرارت
 هواسی شدید اولغله اهابسنک ارواح و ابدانلرینه تأثیر و حرارت غریزه لرنی خارج

طوائف سودانی حام بن نوح اولادند اولق اوزره ذکر ونحر بر ایلدوب کونلری خصوصنده حضرت نوح علیه السلامک بد دعا سببه اوغلی حام سیه فام اولوب و اثری الی الان ذریتلرنده دخی باقی قالدی دیو ذکر سبب ایدن حکایه واهییه بی نقل ایلدیلمر وکذلک علمای فن انساب طرف شمالده واقع النجی بدیخی اقلیم اهل بسنک سلسله نسب لرنی یافت بن نوحه و اوچخی دردنجی بشنجی اقلیم ساکنانک اکثرینک اصل نسل ونسب لرنی سام بن نوحه ارجاع ونسبت ایدوب و بو طوائفدن هر برینک صورت و سیرتده اختلاف لرنی جد لری اولان حام و سام و یافنک خلقت و اخلاقده مغایرتلرینه تابع اولق اوزره ذکر ونحر بر ایلدیلمر لکن علمای فن انسابک بوز علم لری حق اولدیغی صورتده دخی انجق طوائف مذکور ه نك نسل ونسب لری حضرت نوح علیه الصلاة والسلامک ذکر اولنان اوچ اولادنه منسوب اولسنی موجب اولوب اما بو طوائفک صورت و سیرت لرنک اختلافی و کندوره اطلاق اولنان جیع اسماء و القابلری دخی مجرد جد لرنک صورت و سیرت و خلق و طبیعت لرنک اثری اولدیغنه دلیل اولماز و اشبورایه ذاهب اولان نسابلرنک زعم و غلط لرنک سببی اولدرکه علمای فن انساب معموره ربع مسکونده ساکن اولان طوائف بنی آدمک صورت و سیرتده مغایرتلرنی واسم و لقبده مخالف لرنی انجق نسل ونسب لری منتهی اولان جد اعلا لرنک سر و اثری اولق زعمنه ذاهب اولمشلردر مع هذا ام مالک و اشخاص بنی آدمک بر لرندن امتیاز لری و اسماء و القاب مخصوصه ایله تشر لری گاه نسل ونسب اعتبار یله اولوب قبائل عرب و طوائف فرس و بنی اسرائیل کبی و گاهیجه دخی تمیز و تعیین لری و اسماء معینه ایله امتیاز لری سمت و جهت و سیمه و علامت لری حسب یله اولوب زنج و حشیه و صفایه و سودان طائفه لری کبی و گاهیجه دخی نسل ونسب ایله اول قومک مألوف اولدقلری بعض عادات اعتبار یله اسماء و القاب مناسبه وضع اولنور قبائل عربک بعضی لرنک کنیه و اسم و لقب لری کبی بوخسه جنوب و شمال طرفلرنده واقع ممالک مخصوصه ده ساکن طوائف معینه نك ابا و اجداد لری ازمنه قدیمه ده کندوره مخصوص بر صفت و علامت ایله موصوف اولوب و اول خاصه ذریت ونسل لرنده دخی باقی قالدی دیو زعم و اعتقاد ایتک طبایع موجوداتک و عالم کون و فسادده اسباب عادیة الهیه نك اثارندن غفلتیه مبنی بر غلط فاحشدر زیرا آبا و اجدادک اخلاق و صفات مخصوصه لری تداول ایامله ذریتلرنده متبدل اولوب نهج واحد اوزره دوام و بقای واجب اولدیغی امر ظاهر در کتاب اولک اولکی فصلنک اوچنجی مقدمه سی بو محله تمام اولوب دردنجی مقدمه سی بیانه شروع اولندی

- ❖ مقدمه رابعه دردنجی مقدمه اقلیم سببه نك هواسنک ابدان و اجسادده واکا
- ❖ تابع اولان الوان و اعراضده تأثیری اولدیغی کبی بو اقلیم لرنک اهل بسنک خلق و سیرت
- ❖ و مشرب و طبیعتلرنده دخی تأثیری اولدیغی بیاننده در

معلوم اوله که اولکی ایکنجی اقلیمده ساکن اولان طوائف سودان لهو و اعبه و کثرت طر به مائل اولوب دائما نشاط و انبساط طبیعی ایله شوخ و شنکل و عواقب اموره بی فکر و تأمل اصحاب توکل بر طائفه در که ساحه خلق و طبیعت لری

اهاليسنك لونی بیاض اولان اقلیمارده واقع مملکتلرده توطن ایتدکد نصکره نسل
ونسبلرندن ظهوره کلن اعقاب و ذریئترینک تدریج ایله لونی سواد دن بیاضنه تحول
ایلیوب برقاچ بطندن نصکره بالکلیه بیاض اولدیغی و كذلك دردیجی اقلیم اهل البسی ایله
لونلری بیاض اولان سا تراهل شمالك دخی اولکی اقلیم ایله ایکنجی اقلیمه واروب سکون
واقامت ایتدکلرند نصکره اولادلرینک علی التدریج لونلری بیاضدن سیاهه معمول اولدیغی
مشاهده اولمشدر بناء علیه لون و سیمانک مزاج هوا په تابع اولدیغی ثابت اولوب حتی
ابوعلی بن سینانک فن طبیده تألیف ایتدیکی منظومه سنده واقع بو ایکی بیت دخی کلامزی
تأیید ایدر

❁ بیت ❁

❁ بازنج حر غیر الاجسادا ❁ ❁ حتی کسا جلودها سوادا ❁
❁ والصقلب کثنت البیاضا ❁ ❁ حتی غدت جلودها بضاضا ❁

یعنی زنج طاقه سنک ساکن اولدقلری اقلیملرنده واقع افراط حرارت هوا جسدلرینک
لوتی تغییر ایدوب جلدلری اسود اولدی و كذلك یدنجی اقلیمک آخرنده ساکن اولان
صقاله طاقه سنک دخی کمال برودت هوا رنگلرینی سفید و بیاض ایدوب دریلرینی یوقفه
ایلدی دیمکدر ❁ ودخی معلوم اوله که سیاه عربلرده لون و سیمالری اعتبار ایله سودان اسمی
اطلاق اولنوب لکن طرف شمالده ساکن ولونلری بیاض اولان طوایف بشره لون
و سیمالری ملاحظه سیله اسم وضع اولنجوب مثلاً بیض لفظی کبی ایض اللون اولدقلرینه
دلاله ایدر بر لفظ اطلاق اولمید یغنی اصل و سببی بودر که سودان طاقه سنه لفظ سودانی
اطلاق ایدن اهل لغت عربیه اسمر ولونلری بیاضه مائل و خلقت و طبیعتلرینه موافق مألوف
اولدقلری لون مناسب اولوب لون سیاه ایسه اسم سودانی وضع ایدن طاقه سنک لون
مألوفلرینه مغایر غریب ولون عجیب اولمغله اولکی ایکنجی اقلیمده ساکن اولان سیاه
عربلره لونلری اعتبار ایله سودان اسمی اطلاق ایلدیلر زیرا اکثر یا برشتی بر اسم ایله
تسمیه اول شیده واقع بر امر غریب و وصف عجیب ملاحظه سیله اوله کلشدر ودخی
لونلری بیاض اولوب طرف شمالده واقع اقالیم غیر معتدله سکانندن ترك و تاتار و صقاله
وتغرغر و خزر ولان مملکتلری اهل البسی ایله افرنج طاقه سنک اکثری و یا جوج و مأ جوج
قومی اسماء متنوعه ایله تسمیه اولنوب و هر برنده بر مناسب وجه غریب اعتبار اولمشدر
و كذلك اقالیم متوسطه معتدله که اوچنجی دردیجی بشنجی اقلیملردر بو نلرده مقیم
و متوطن اولوب خلقا و خلقا اعتدال مزاج طبیعی و حسن خلق ملکی ایله موصوف و نظام
معاش و معاده فراست و بصیرت ایله معروف اولان طوایفدن عرب و روم و فرس
و بنی اسرائیل و یونانیان و اهل سند و چین کندوزه مخصوص احوال معتاده و افعال
متعارفلری اعتبار ایله اسماء متنوعه و القاب متعدده ایله تسمیه اولمشدر ❁ وقتا که فن
انسابده تألیف کتب ایدن نسابلرذکر اولنسان اقالیمده ساکن طوایف بشرک الوان
مختلفه و سا تراعلام و شعار متنوعه ایله برلرندن امتیازلرینی مشاهده و معاینه ایتدیلرسه
بو اختلاف آتاری انجق نسل و نسبلرینه نسبت ایدوب و طرف جنوبده ساکن اولان

اقلیمه ساکن و بویکی اقلیمک اهل بسنک سمت رأس لرینه سنه ده ایکی دفعه شمس تابان
 مرور و وقتلری دخی بر برینه قریب اولوب و فصول اربعه تک اکثرنده شمسک قرب
 و مسامته سی طول مکث ایله مدید و شدت ضیاسیبله حرارت مزید اولغله بوطا ثغه تک
 جلدلرینه تأثیر ایلوب ظاهر بدنلرینک الوانی سیاه اولدی و اقلیم اول ایله اقلیم ثانینک
 نظیرلری طرف شمالده بونلره مقابل اولان النجی یدنجی اقلیمدر که انلرک سکاننک دخی
 افراط برودت هوادن ناشی لولری بیاضدر زیرا النجی یدنجی اقلیم ده واقع ممالکک
 اقلرنده مهر عالمتاب دائم مقابله لرنده واقع اولوب قطعاً سمت رأس لرینه قریب اولماغله
 حرارت هواضعیف و اکثر فصولده برودت قوی اولوب بویکی اقلیمک اهل بسنک
 خلط اربعه لری ناپخته و خام و بلغلری سائر اخلاطه غالب تام اولغله لون و بشره لری
 بیاض اولدیغندن ماعدا بواقلیمرا اهل بسنک غلبه برد مفرط ایله دیده لری کبود و مویلری
 قلیلدر * و دخی اقلیم اول ایله اقلیم ثانینک هولری افراط ایله حار و النجی یدنجی اقلیم زیاده
 بارد اولوب اعتدال دن بعید اولدیسه بونلرک ازلرینه توسط ایدن اوچجی دردیجی بشجی
 اقلیمک هولری حرارت و برودتده معتدل اولوب خصوصاً دردیجی اقلیم مجموع اقلیمک
 وسطنده واقع اولغله جله دن اعتدل و افضل اولدیغی بوندن اقدام تحریر اولمش ایدی
 بناء علیه اقلیم رابعک هواسی غایه اعتدالده و نهایت کالده واقع اولغله لطافت آب و هواسنک
 مقتضاسی اوزره اهل بسنک مزاجلری معتدل و اخلاق فاضله ایله منصف اولوب لون
 و بشره لری دخی بیاض ایله سواد اراسنده متوسطدر و اوچجی اقلیم طرف جنوبده واقع
 اقلیم حاره دن ایکنجی اقلیمه متصل اولغله بر مقدار حرارته مائل و بشجی اقلیم دخی جانب
 شمالده اقلیم یارده دن النجی اقلیمه مجاورتی سببیه فی الجمله برودتی مشتمل اولق تقریبیه
 اقلیم رابع کی اعتدال هواده درجه کاله بالغ اولمشلر ایسه ده لکن انحراف و اختلال رتبه لرینه
 دخی منتهی اولوب انلرک دخی اهل بسنک اعتدال مزاج ایله و کاتباع اولان اخلاق فاضله ایله
 موصوفلر در اما اقلیم غیر معتدله دن اولکی ایکنجی اقلیم ایله النجی یدنجی اقلیمک حرارت
 و برودتی درجه اعتدال دن خارج اولدیغی کی اهل لیلرینک صورت و سیرتلی دخی نهج
 اعتدال اوزره واقع اولماغله اقلیم اول و اقلیم ثانی ده ساکن اولانلرک لولری سیاه
 و النجی یدنجی اقلیم اهل بسنک رنگ و سیماری بهایت بیاض اولمشدر و دخی ذکر اولمان
 سیاه عربله سودان اسمی اطلاق اولدیغی کی زنج و حبشه اسملری دخی اطلاق اولنوب
 لکن حبشه اسمی طوایف سودان دن قلمز در یاسنک ساحل غربیسنده و بمن اولکه سببه
 بندر جده مقابلنده ساکن اولانلره و زنج اسمی ینه طوایف سودان دن هند دریاسی ساحلنده
 متمکن اولانلره اطلاق اولنور مع هذا زنج و حبشه اسملری طوایف سودانک نسل و نسبلری
 لونی سیاه کسنه دن تولد ایتدکلی اعتباریه اولدیغی کی سودان اسمیه تسمیه اولندقلری
 دخی جدلری حانه انسابلری ملاحظه سببه اولوب بلکه بولندقلری اقلیملرک شدت
 حرارتدن ناشی لولری سیاه اولق مناسبیه تسمیه اولدیغی ظاهر در * و دخی معلوم
 اوله که طرف جنوبده ساکن طوایف سودانک بعضیلری کلوب دردیجی اقلیمده یاخود

قبيله لرینک بعضیلری دخی بشنجی اقلیم ده ساکن طوایف نصارا ایله اختلاطلری سببیه قبول نصرانیت ایتلردر * اما جنوب و شمال طرفلرنده واقع اقلیم اربعه غیر معتدله اهاپسندن اشبو ذکر اولنان طوایفدن غیریلری قنده دین و شریعت مجهول و جوهر علم و معرفت مفقود اولوب عامه افعال و اعماللری اوضاع و اطوار انساندن ابعده و احوال بهایمه اقر بدر * و یخلق مالا تعلمون * معلوم اوله که تقریر سابقدن فهم اولندیغی اوزره اولکی اقلیم ایله ایکنجی اقلیمک هواسی غایبه الغایه حار و یابس اولغله اعتدال دن خارج و اهاپسی طبقه انسانیدن بعید و حیوانیت درجه سنه قریب اولوب علم و معرفت و دین و شریعت امر نندن غافلدر در دیو بسط مقال اولمش ایدی مع هذا بمن واحقاف و حضرموت و یمامه مملکتلری علی الخصوص مشعل قافله اهل بقین شجر اغ عالمتاب مشکاة شرع مبین اولان حضرت رسول رب العالمین صلوات الله علیه و سلامه حضرت لرینک مطلم خورشید وجود مسعودلری اولان مکه مکرمه ایله روضه مطهره لر ی و آل و اصحاب اخبار و مهاجرین و انصار حضرت لرینک موطن مقدسه لر ی اقلیم اول و ثانیده واقع جزیره العرب ارضنده اولوب مطالب علمیه و عملیه ک و محاسن اخلاق ملکیده ک و ایکی اقلیم مقسم و معدنی و اعتدالده جله ک اغلب و احسنی او لمق اقتضا ایدردیو اعتراض اولنورسه بویله جواب و یریلور که جزیره العرب ارضنی اوج طرفدن دریا محیط اولوب طرف جنوبیسنی بحر هند و جانب شرقیسنی بحر فارس و طرف غربیسنی بحر قزقم احاطه ایتمکله رطوبت مایه جزیره مزبوره ک هواسنی ترطب و تعدیل و حرارت شمس ایله حاصل اولان ییوستنی تنقیص و تقلیل ایلیوب اولکی ایکنجی اقلیمده واقع بو جزیره لخر اقدن سالم و معتدل اولشدر * معلوم اوله که معموره ربع مسکونده ساکن اولان طوایف بشرک نسل و نسب لرنی بیان ایچون علمای فن انساب نیجه کتب تألیف ایدوب اکثر اتمک سلسله نسب لرنی ابو البشر ثانی حضرت نوح نبی علیه الصلاة والسلامک حام و سام و یافث نام اوج اولادنه ارجاع ایتدیلر و اولکی ایکنجی اقلیم ده ساکن اولان قبيله سودانک یعنی قره عربلرک نسل و نسب لرنی حام بن نوحه اسناد و ایصال ایدوب و سوادلون ایله سائر بنی آدمدن امتیازلری خصوصنده دیدیلر که حضرت نوح علیه الصلاة والسلام اوغلی حامدن برجنایت و عصیان صدورینه بناء لونی سیاه اولتی اوزره بد دعا ایتمکله رنگی بیاض ایکن سیاهه مبدل اولوب والی ماشاء الله تعالی ذرینده دخی اثری باقی قالدی دیو تقریر و تخریر ایتدیلر مع هذا کتب الهیه دن توراتده حضرت نوح علیه الصلاة والسلام اوغلی حامک نسل و نسبندن ظهور ایدن اولادلری دائمه قرنداشی سام و یافثک ذرینده عبد مملوک اولتی اوزره بد دعا ایلدیلر دیو مسطور اولوب لکن قطعاً بشره و سائر اعضاسنک لونی سیاه اولتی خصوصنه دائر نسنه ذکر اولغدیغندن ماعدل علمای فن انسابک بو مقوله کلاسیلری طبایع موجوداتک احوالندن ذهول و حرارت و پرودتک هواده و بو مقوله محلهده تکون و تولد ایدن حیواناتده اثرندن غفلت لرینه میندر و بو خصوصک تحقیقی بویله در که طوایف سودان طرف جنوبیه واقع اولکی ایکنجی

طائفه سنك احوالی دخی بویله در * ودخی معلوم اوله كه اقلیم اولده ساكن بعض طوایف
 سودان ایله یدنجی اقلیمك نه پاینده متمکن صفالبه طائفه سی شرف نطق وادراك ایله
 ممتاز اولان اصناف بنی آدم دن معدود اینکن اوضاع واطوار لری افعال بهایم نامهور کی
 بجرای اعتدال دن بعید اولدیغك سر و حکمتی بودر که افراد نوع انسان نشوونماده حس
 وحرکتده و حفظ ترکیب وجود ایچون اکل و شرب طبیعی و دفع غائله ضروریه ده سائر
 انواع بهایم و حیواناته مشابه و مماثل ایسه ده لکن نوع انسانك اجزای اصلیه سی و عناصر
 بدیهه سی اولان تراب و ما و نار و هوادن حصه لری مقدارده بر برینه مناسب و حرارت
 و پروت و رطوبت و بیوستده مزاجك اعتدالی سائر حیواناتك مزاج لرینه چوق مرتبه
 غالب اولغله عقل و شعور و تدبیر امور ایله نوع انسان سائر انواع حیوان دن ممتاز اولمشدر
 * اما نوع انسانه مخصوص اولان اعتدال مزاج دائره سنك دخی عرضی واسع و مرا تی
 مختلف و متفاوت اولوب از جمله اقلیم و ملکیت و شدت حرارت و پروت ایله مختلف اولان
 اما کنده سکون و اقامت جهتیه امرجه انسانیه وسط دائره اعتدال دن خروج و حرارت
 و پروتده زیاده و نقصان طرف لرینه میل و ولوج ایتدکده کرجه دائره انسانیت دن بالکلیه
 چیقوب بهایم و انعام سلک کنه منسلک اولماز ایسه ده لکن حرارت و پروت متوسط
 و معتدل اولان اقالیمده نشو و نما بولان بنی آدم قسمنه اعتدال مزاجده و حسن اخلاق
 و اطوارده مناسبت و موافقت دن بعید و طبقه حیوانیتده قریب اولغله حرکات و سکنتاتی
 و اوضاع و اطواری اخلاق بهایمه مشابه اولور بناء علیه طرف جنوبده واقع و حرارت
 هواده جمله اقالیمه غالب اولان اولکی اقلیمده ساکن طائفه سودانك و جانب شمالده
 پروت جله اقلیم لردن اشد اولان یدنجی اقلیمده متمکن صفالبه جماعتك مزاج لری
 بولند قبری اقلیمك سورت حرارتی و شدت پروت تقریبیه وسط دائره اعتدال دن چیقوب
 و افراط حرارت و پروتده کندوره مناسب و موافق اولان حیوان مزاجنه قریب اولملریله
 اکل و شربده و مسکن و لباسده افعال و احوال لری حیوانات افعالنه مشابه اولمشدر * ودخی
 اعتدال هوادن بعید و افراط ایله حار اولان اولکی ایکنجهی اقلیم ایله زیاده بارد اولان
 النجی یدنجی اقلیمك اهل بسنك اکثری امر د یاننده دخی راجل و وحی و نبوت دن غافل اولوب
 شرایع الهیه دن بر شریعت ایله عامل اولمشلردر * مکر اقالیم معتدله دن اوچنجی اقلیمه
 متصل اولان ایکنجهی اقلیم ایله و كذلك ینسه اقالیم معتدله دن بشنجی اقلیمه مجاور اولان
 النجی اقلیمك بعض اهل بسی جوانب اعتداله قریب اولوب مقتضای انس و الفت ایله
 عقاید حقه تعلمه فائز و مهتدی اولور * از جمله قلم در یاسنك ساحل غربی سنده ساکن
 حبشه طائفه سی کی که بحر مذکورك ساحل شرقی سنده واقع بین اولسکه سی مقابله لرنده
 بولغله عهد اسلام دن مقدم و حالا نصرانیت دینی ایله تدین ایتمشلردر و كذلك طوایف
 سودان دن مالی و کوکو و تکرور قبیله لری کی که بولند دخی مغرب بلادنه مجاور اولملریله
 یدییوز تاریخ دن برودین اسلام ایله متدین اولدیلر * وینه جانب شمالده اقلیم خامسه
 متصل اولان النجی یدنجی اقلیمده ساکن صفالبه و افرنج طائفه لرینك و ترك و تاتار

اولکی ایکنجی التنجی یدنجی اقلیمه غالب اولشدردر * وكذلك اوچنجی دردنجی بشنجی اقلیمه ساکن اولان طوایف بنی آدمک مزاجلری غایه الغایه معتدل وقواری قوی اولوب عقللری سلیم ذهنلری مستقیم محاسن اخلاقه موصوف ومعرفلدرر مساکن وملابسده اقوات وصنایعده همتلری مراتب کمالک غایتنه واصل ودائرة اعتدالک حاق وسطنه بالغ اولوب اعتدالدن منحرف وبعید اولان سائر اقلیمک اهالبسنه تفوق ایتمشلدرر ازجمله صناعت هندسیهده ماهر عمله ونجارلره تراشیده رخام صافدن مصنوع نقوش رنکارنکله مزین ومعمول منازل عالیه بنا اندروب مفر وشات وملبوسات وسائر استعمال ایتمکلری آلات واوانیده دقت واهتماملریلر * واشبو اقلیم ثالث ورابع وخامسده واقع اراضیده آتون وکومش وباقروقورشون وقلای وحید معدنلری بولنوب بیع وشرالزنده القاب سلاطین ایله مر سوم ومسکوک زروسیم ایله تصرف ایدوب عامه احواللری نهج اعتدال اوزره جاری وانحراف واختلالدن عاریدر * واشبو اقلیم ثلثه معتدله ده متمکن اولان اصناف ام وطوایف بنی آدم مغرب وشام وعراق عرب وچیم وسند وچین مملکتلری اهالبسی ونفس اندلس سکانی وانلره قریب افرنج طائفه لری ایله اشبو اقلیم معتدله یه اقرب اولان ممالکده ساکن اولان کسسنه لدر لکن بوذکراولنسان ممالکدن مملکت عراق وشام جمله اقلیمک افضل واعدلی اولان دردنجی اقلیمه واقع اولغله بوایکی مملکت مهبط وحی ونبوت ومعدن فضل وحکمت اولمشدرر اما دائرة اعتدالدن بعید اولان اقلیم اربعه باقیه دن طرف جنوبده اولکی ایکنجی اقلیم ایله وطرف شمالده التنجی یدنجی اقلیمک اهالبسی جیع احوالرنده اعتدالدن خارج وانحراف واختلاله مائل اولوب مسکن ومزلالری چامور ایله قامشدن مینی بعضیلرینک لباسلری دری پارچه لری واکثری دخی لباسدن عاریدر وكذلك بلده لرنده نابت اولان فواکه وحبوب وسارزاد وزواده لری دخی کرکی کبی حاصل اولوب اولکی ایکنجی اقلیمه واقع ممالکک بناتاتی غلبه ییس وحرارت سبیله مر المذاق وعسیر الانهضام والتنجی یدنجی اقلیمک فواکه وثماری شدت برودت تقریبده ناپخته وخام اولغله قوت ذائقه قبولندن تنفر واستسکاف ایدر * وكذلك اشبوذکراولنسان اولکی ایکنجی اقلیم ایله التنجی یدنجی اقلیمک اهالبسنک بیع وشرالری وداد وستدلی زروسیدن مسبوک واسماء ملوک وسلاطین ایله مر سوم ومسکوک نقدین عزیزین ایله اولیوب اخس معادن اولان نحاس وحید ایله کون دیدکلری دری پارچه لرندن معمول وزن ومقدارلری ینلرنده معین ومعلوم صحیفه لری وقطعه لری علامت مخصوصه ایله مر سوم ایدوب حوایج مهمه لرنه صرف ایدر * وبواقلیم غیر معتدله ده موجود اولان طوایف امک اکثرینک خلق وسیرتلی دخی طبایع بهام وانعامه قریب وصورته انسانه حقیقنده حیوانه مشابه مخلوق غریب اولوب حتی اقلیم اولده ساکن بعض طوایف سودان حقتده منقولدرکه بونلر حیوان ووحشی جانورلر کبی اجواف صخور وکھوف ومغارلرده ساکن وخود بخود نابت اولان حشیش تناول ایدوب وحیوان وحشی کبی برلرندن تنفر وتوحش وبعضیلری بعضیلرینی اکل ایدرلر ایشم وكذلك طرف شمالده واقع یدنجی اقلیمک اواخرنده ساکن صفالیه

طائفة صفالیه غالباً بونلر مسقو ممالککنک وراسنده سدیاً جوج وماً جوجه قریب اولوناتارلقده ساکن قلیاق جنسندن برصنق اولق کرکدر لمتزجم محمد صاحب

اوج کتاب اوزرینه ترتیب و هر کتابی نیجه فصول اوزره تبویب اولنوب واشبوکتاب اول التي فصلی محتوی و اولکی فصلی دخی التي مقدمه بی مشتمل و حاویدر حالا بو محلسده کتاب اولک اولکی فصلنک اقالیم سبعة بیانشده اولان ایکنجی مقدمه سی تمام اولوب فصل اولک اوجنجی مقدمه سنه شروع اولندی

* مقدمه ثالثه اشبوکتاب اولک اولکی فصلنک اوجنجی مقدمه سی بوندن اقدم *
 * ایکنجی مقدمه ده ذکر اولنسان اقالیم سبعة دن حرارت و پرودنده معتدل اولان *
 * اقلیمرایله اعتدال دن خارج اولان اقلیملرک احوالی و بونلرده ساکن اولان نوع بشرک *
 * الواننده هوانک تأثیری و بی آدمک ساثر احوال کثیره سی بیاننده در *

* معلوم اوله که بوندن اقدم مقدمه ثانیه تکمله سنده تحقیق اولنمش ایدیکه جرم ارضک نصفی بحر محیط تحتنده مستور و نهان و نصف آخری روی در یاده نیم قاربوز شکلنده ظاهر و نمایان اولوب واشبو نصف ظاهرک دخی طرف جنوبیسی که وسط جرم ارضده غرب دن شرقه توجه ایدن شخصک صاع جانیدر و جانب شمالیسی که شخص مذکورک صول طرفیدر طرف جنوبده شمس تابان سمت رأسه قریب اولغله سورت حرارت شدید و جانب شمالده سمت رأسدن بعید اولغله شدت پرودت مزید اولوب بویکی جانبده عمارت ممکن اولما مغله فلاجرم جرم ارضک مکشوف و معمور اولان محلی بویکی جانبک اورتاری اولدی زیراتکوبین نبات و حیوان خصوصاً تولید انسانده بر وفق عادت الهیه حرارت و پرودتک اعتدال اوزره امتزاجی سبب عادی و تقریر سابق اوزره جرم ارضک طرف جنوبیسنده افراط حرارت و جانب شمالیسنده شدت پرودت امر تکوینه مانع قوی اولغله بویکی طرفک بنده عمارت ممکن اولما مشدر اما جنوب بدن شماله کتدیجه حرارتک سورتنه فتور و کذلک شمالدن جنوبه وارلدیجه پرودتک شدتته نقصان و قصور عارض اولوب حرارت و پرودت بر برلیله علی وجه التدریج اعتدال اوزره امتزاج ایتمکله وسط ارضده تکوین معدن و نبات و حیوان حاصل و قوایل عنصریه به فیض ربانی و اصل اولوب جرم ارضک جنوب و شمال طرفلرینده متوسط اولان محلاری معمور اولمشدر و ارباب جغرافیا رأیلری اوزره معموره ربع مسکونده فرض اولنسان اقالیم سبعة دن هر براقلیمک دخی حرارت و پرودنده مراتب اعتدالی متفاوت اولوب اقلیم اولک طرف جنوبه قریب سببیه حرارتی پرودتندن اکثر و اقلیم سابقک جانب شماله مجاورتی تقریبیه پرودتی حرارتندن اوفر اولغله بویکی اقلیم وسط دائرة اعتدال دن کمال بعد ایله ابعد و ایکنجی اقلیم ایله النجی اقلیم اولکی ایکنجی اقلیملر دن زیاده جه فی الجمله اعتداله اقرب اولوب اوجنجی اقلیم ایله بشنجی اقلیم ایسه ایکنجی النجی اقلیملر دن دخی زیاده معتدل دردیجی اقلیم اقالیم سبعة نک وسطنده واقع اولغله حرارت و پرودت و رطوبت و بیوسسنده جمله دن اعتدل و افضل اولمشدر * بنه علیه اعتدل اقالیم اولان دردیجی اقلیم ایله بین و یسارنده واقع اوجنجی بشنجی اقلیملر ساثر اقلیمدن اعتداله اقرب اولغله علوم متنوعه و صنایع غریبه معدنی اولوب مصنع بنار مزین لباسلر و لذیذ غذا لایله رکوب واکله لایق حیوانلر جهتیه

از منک بقیه سی ابله ارض منته نك بقیه سی قسم مزبورك طرف شرقده اخرینه دك
 تمتد اولور وینه اشبو قسم سابعك جهت شمالده نهایتده جبل قاف موجود در
 یدنجی اقلیمك یدنجی قسمك احوالی بو محله تمام اولوب سکزنجی قسمك احوالی
 بیانه شروع اولندی * قسم ثامن یدنجی اقلیمك سکزنجی قسمك جنوب و غرب طرفلریده
 ارض منتهیه متصل برقطعه واقع اولوب انك دخی طرف شرقبسنده ارض محفوره نام بر محل
 واقعدر و اشبوارض محفوره دیدکری عجایب عالمدن برچقور بردرکه عمق بعد قویوکی
 ارضدن قتی وافر مسافه او بولوب اطراف واقطاری واسع و قمرینه وصول متعذر
 و تمتع بر محلدن اطراف وجوا بنسندن قعرنه نظر اولند قده کوندزدخان و کیچه آتش
 شعله لری ظاهر و نمایان کاه مضی و کاه منطقی اولمغله بو ارض عمیق قعری مسکون
 و معمور اولم سنه استدلال اولور و بعض اوقاتده بو ارضک دروننده بنهر مشاهده اولور که
 بو ارض محفوره نك جانب بمینندن یسارنه طوغر و جریان ایدر و اشبو سکزنجی قسمك
 جانب شرقبسنده واقع ناحیه سننده سد یا جوجه متصل بر خراب ارض موجود اولوب
 و طرف شمالبسنك آخرنده جبل قوفایای مذکور جانب غربدن جهت شرقه طوغر و
 تمتد اولمشدر اقلیم سابعك سکزنجی قسمی بو محله تمام اولوب طغوزنجی قسمده
 واقع اولان معمور و غیر معمور محللار بیانه شروع اولندی * قسم ناسع یدنجی اقلیمك
 اشبو طغوزنجی قسمك طرف غرببسنده بوندن اقدام ذکر اولنان طوایف ترك و اتاردن
 خفشاخ و قفقج جاعتی ضبطنده اولان بلاد واقعدر و بلاد مذکور به دخی ینه جبل
 قوفایا مرور ایدر اول محله که جبل مذکور بحر محیط شمالی قنده قسم ناسعك طرف
 شمالبسندن منحرف و منعطف اولوب وینه اشبو قسم ناسعك وسطنده شرقه انحرافله
 جنوب سمتنه ذاهب اوله بعده جبل مذکور النجی اقلیمك طغوزنجی قسمنه خروج
 ایدوب بر مقدار مسافه مرور اتکدن صکره ینه قسم مزبورك وسطنده مبنی اولوب
 بوندن اقدام مره بعد اخری ذکر سبقت ایدن سد یا جوجه متصل و منتهی اولور وینه
 اشبو یدنجی اقلیمك طغوزنجی قسمك شرق طرفنده واقع اولان ناحیه سننده و جبل
 قافک و راستنده ساحل بحر محیط شمالی اوزره یا جوج و ما جوج ضبطنده اولان ممالکدن
 طولی مدید و عرضی قلیل برقطعه واقعدر که اول قطعه بی شرق و شمال جهتلرندن
 ینه جبل قاف محیط اولمشدر یدنجی اقلیمك طغوزنجی قسمی دخی بو محله تمام اولوب
 اونجی قسمك احوالی بیانه شروع اولندی * قسم عاشرا اشبو یدنجی اقلیمك اونجی
 قسمی اقلیم سابعك جهت شرقده منتهاسی اولوب و مجموع محلی بحر محیط غر و ستر
 اتمکله قسم مزبور غمارتدن خالی فالمشدر بو محله کلنججه اقلیم سبعده واقع اماکن
 معموره و جبال و انهار معدوده نك احوالی ارباب فن جغرافیا قوللری اوزره نقل و بیان اولنوب
 حالا بعون الملك العلام قرین تمام و پذیرای ختام اولمغله سیاح جهانکر قلم کوشه
 قلدان فراغده ارام ایلدی * و فی خلق السموات و الارض و اختلاف اللیل و النهار لایات
 لاولی الالباب * معلوم اوله که بوندن اقدام ذکر اولندیغی اوزره اشبو تألیف مستطاب

ذکر ارض محفوره
 کرچه مورخ ابن خلدون
 علیه الرجه ارض مذکورك
 قعرنده کوندزدخان و کیچه
 آتش شعله لری نمایان اولمغله
 بو ارضك قعرنده بنی آدم
 اولدیغنه استدلال اولندی
 دیونقل ایلدی لکن مجرد
 کیچه لده دخان و کوندزده
 شعله کورنمک جائزدر که آق
 دکرده سنطورینه جزیره سنده
 وانك امثالی محللارده مشاهده
 اولندیغی اوزره دهنبت
 و کبریتی غالب ارض مذکورك
 قعرنده احجارك احتراقندنشایی
 اوله بو تقدیرجه ارض مذکورك
 معمور یننه استدلال صحیح
 اولماز للمترجم محمد صاحب

قطعه من بوره نك جانب شمالپسنده برفاغه نام برجزیره مستطيله واردركه غرب وشمال
 سملرندن شرقه طوغرو متمد اولور ❁ واقليم سابعك در دنجی قسمك ناحیه شمالیه سنك
 مجموعی دخی غربدن شرقه وارنجیه بحر محیط ایله مستور اولوب انجق ناحیه جنوبیه سی
 مجردن مكشوف و معمور در و ناحیه من بوره نك طرف غرب پسنده طوایف ترك ونا ناردن
 قپازك طائفه سی بلادی انلك دخی شرق طرفنده طبست نام مملكت واقع اولوب انك دخی
 جانب شرق پسنده قسم ثالثك اخرینه وارنجیه رسلانده اولكده سی موجود دركه شدت
 برودت هوادنشای برف وثلج دائم اولوب عمارتی قلیل واقليم سادسك در دنجی بشنجی
 قسملرنده واقع اولان روس طائفه سی بلادنه متصلدر اقليم سابعك بشنجی قسمك
 وسطنه وارنجیه اكثر مواضعی بحرایله مستور اولغله بوانه كلنجیه اقسام اربعه سنده موجود
 و معمور اولان محللر تمام اولوب بشنجی قسمك احوالی بیاننه شروع اولندی ❁ قسم خامس
 یدنجی اقلیمك بشنجی قسمك ناحیه غربیه سنده روس طائفه سی بلادی واقع اولوب
 و شمال جانبنده اولان ناحیه سی جبل قاف متصل اولان بحر محیط قطعه سنه منتهیدر واشبو
 بشنجی قسمك ناحیه شرقیه سی اقليم سادسك التنجی قسمنده مذکور اولوب بحرسبیه
 ساحلنده واقع اولان قانیه ارضه متصل اولوب طرمی نام برطالتوكوله منتهی اولور بحیره
 طرمی بریبوك كولدركه یمین و یسارنده واقع اولان جبال عدیده دن جاری انهاركثیره
 منصب اولور واشبو یدنجی اقلیمك بشنجی قسمك ناحیه شرقیه سنك طرف شمالپسنده
 طوایف ترك ونا تاردن ساربه نام طائفه نك مملكتی واقعدر یدنجی اقلیمك بشنجی قسمی
 بو محله تمام اولوب التنجی قسمك احوالی بیاننه شروع اولندی ❁ قسم سادس یدنجی
 اقلیمك التنجی قسمك غرب ایله جنوب جهتلری ارا سنده واقع اولان قطعه سی ینه
 قانیه بلادنه متصل اولوب و بونا حیه نك وسطنده عبون عدیده دن مجتمع برطالتوكول
 واردركه جانب شرق پسنده واقع جبالدن انهاركثیره منصب اولور واشتداد برودت هوادن
 ناشی اكثر اوقانده بو كول منجمد اولوب انجق ایام صیفده مدت قلیله ده فی الجملة حرارت
 كسب اتمكله بچاره ز متخلل اولور واشبو قسم سادسده واقع اولان قانیه بلادك طرف
 شرق پسنده روس طائفه سی بلادی موجود دركه ابتداری التنجی اقلیمك بشنجی قسمك
 ناحیه شرقیه جنوبیه سننده اولق اوزره بوندن اقدام ذكر اولنشدیدی و یدنجی اقلیمك
 اشبواتنجی قسمك جنوب ایله شرق جهتلری ارا سنده اولان كوشه سنده بلغار مملكتك
 بقیه سی موجود دركه مبدائی التنجی اقلیمك التنجی قسمك ناحیه شرقیه شمالیه سنده
 اولق اوزره بیان اولنشدیدی و ارض بلغاردن بو قطعه نك وسطنده سابقا ذكر اولنان
 اتل نهر ینك ابتدا طرف جنوب به میل وانحراف ابتدایی محل واقعدر واشبو قسم سادسك
 طرف شمالده نهایتی جبل قافدركه غربدن شرقه طوغرو واشبو قسم سادسی محیطدر
 اقليم سابعك التنجی قسمی بو محله تمام اولوب یدنجی قسمك احوالی بیاننه شروع اولندی
 ❁ قسم سابع یدنجی اقلیمك یدنجی قسمك طرف غرب پسنده امم تركدن بوندن اقدام ذكر اولنان
 بچناك طائفه سنك مملكتلری موجوددر و ینه قسم من بورك جانب شرقی سنده بسجرت

ذکر مملکت روس
 مملکت من بوره قزاق ولایتیدر

ذکر بحیره طرمی

ذکر بنای سد یا جوج

بحر محیط ساحلنه منتهی اولور * ودخی معلوم اوله که سد یا جوج خصوصنده خبر صحیح قرآن کریمده سورۀ کهفک آخرینده آیات عدیده ایله بیان بیورلشدنر وائمه فن جغرافیادن عبد الله بن خردادیه فن جغرافیاده تألیف ایتدیکی کتابده ذکر ایتشدنر که خلفای عباسیه دن واثق بالله برکیجه عالم خوابده مشاهده ایتدیکه سد یا جوج اچیلوب قوم یا جوج و ما جوج اطراف واکافه ولوج ایتک خوفیله خوابدن بیدار اولدقده سلامان نام برترجان سخندان واریدی استکشاف سریره حال ایچون تر جان مز بوری سد جا بننه بعث وارسال ایلدی اولدخی سد محلنه واروب احوالنه وقوف تحصیل ایتدکنصکره خلیفه مذکور واثق بالله حضورنده سد احوالندن مشاهده و معاینه ایتدیکی اموری بیان ایلدی دیو بر حکایه طویله ضمننده کتابنده نقل وریایت ایلدی لکن حکایه مزبوره کتابزده مطلوبین اولان مواددن اولسامغله ذکر اولندی اقلیم سادسک طقوزنجی قسمی دخی بو محلهده تمام اولوب اونجی قسمک احوالنه شروع اولندی * قسم شاسر النجی اقلیمک اونجی قسمی اولان قطعنه نک مجموعنده وریایت جبل فافده یا جوج و ما جوج بلادی موجوددر که بر برینه متصلا بحر محیط ساحلنه منتهی اولشدنر بلاد یا جوجی بحر محیط طرف شرق و شمالندن احاطه ایلوب بلاد مذکورنه نک جانب شمالیسی مستطیل و طرف شرقیسی عریضدر النجی اقلیم اقسام عشره سیله بو محلهده تمام اولوب یدنجی اقلیمک احوالی بیاننه شروع اولندی * اقلیم سابع یدنجی اقلیم دخی سائر اقلیم کبی غرب بدن شرقه طوغر و اون قسمه منقسم اولوب لکن بحر محیط غربی اقلیم مزبورک جهت شمالده اقلیم سابع اولکی قسمندن یدنجی قسمک وسطنک جبل فافه متصل اولدیغی محله واریجه اکثر مواضعی غیر و ستر ایلوب عمارت ممکن اولماشدر اقلیم مزبورک اولکی ایکنجی قسمندن معمور اولان محله انکلتره جزیره سنک بر قطعنه سی موجود اولوب لکن قطعۀ عظیمه سی ایکنجی قسمده و قطعۀ صغیره سی جانب شماله میل وانحرافله اولکی قسمده واقعدر جزیره مزبوره نک بقیه سی بحر محیط غرب بدن بر قطعۀ مستدیره اوزرنده النجی اقلیمک ایکنجی قسمنده موجوددر که اقلیم سادسک قسم نایسی بیاننده ذکر اولمشیدی و جزیره مزبوره دن النجی اقلیمک ایکنجی قسمنده موجود اولان قطعنه سندن مقابلنده واقع بیوک قبی ساحلنه واریجه پینلرنده دریادن اون ایکی میل مسافه وارددر و اشبو یدنجی اقلیمک ایکنجی قسمک صول طرفنده انکلتره جزیره سنک وراسنده رسلا نده نام بر جزیره موجوددر که غرب بدن شرقه طوغر و متمد طولانی بر جزیره در * و یدنجی اقلیمک اونجی قسمک دخی اکثر مواضعی بحر محیط ایله مستور اولوب انجق طرف جنوبیسنده ارضدن بر طولانی قطعنه موجوددر که شرق جانبی سائر جوانبندن اوسعدر و بو قطعۀ مستطیله اقلیم سادسک اونجی قسمنده ذکر اولسان فلونیه ارضنه شرق و شمال طرفلرندن متصلدر و بو قطعنه نک ناحیه غربیه سی دخی واسع و مستدیر اولوب و طرف جنوبیسنده واقع ایکی جانبی دریا بر اینجه دیل کبی ارض مستطیلدن کچیلوب بیوک قبیده واقع فلونیه ولایتنه منتهی اولور وینه اشبو قسم نالنده

ذکر بلاد یا جوج

نهر مذکور اولوتا تارلق دیوم معروف اولان بلاد ترکه مرور و بشنجی اقلیمک یدنجی قسمنده
 طبرستان در یاسنه یعنی خزر بحرینه منصب اولور نهر مذکور منبهدن خروج ایدوب
 بحر خزره واصل اولنججه استقامت اوزره جاری اولوب مروجرا سنده گاه یمینه گاه یساره
 میل وانحرافی کثیر برنهر کبیر در ابتدا نهر مذکور ذکر می سبق ایدن ارض منته ده واقع
 بر جبل عظیمک اوچ محلندن اوچ جدول نبوع و خروج ایدوب بعده بر مقدار مسافه دنصکره
 مجموعی نهر واحد اولوب غرب سمتنه طوغر و جاری واشبو التنجی اقلیمک یدنجی قسمنک
 آخرینه واصل اولدقدنصکره غرب بدن شمال سمتنه منحرف و یدنجی اقلیمک یدنجی قسمنه
 منتهی اولوب قسم من بورک جنوب و غرب جهته لری ارا سنده جریان ایده رک اقلیمک سابق
 التنجی قسمنه داخل اولور بعده طرف غربه متوجه اولوب بر مقدار مسافه قطع
 ایتد کدنصکره تکرار جنوب سمتنه منعطف و منحرف اولوب ینه التنجی اقلیمک التنجی
 قسمنه رجوع و عودت ایتدیکی محله نهر من بوردن اوچ جدول ایریلوب جهت غربه
 ذاهب و قسم من بورده اول اوچ جدولک مجموعی بحر خزره منصب اولوب بعده اصل
 نهر اتل بلغار مملکتده شمال و شرق ارا سنده واقع بر قطعه یه مرور ایدوب التنجی اقلیمک
 یدنجی قسمنه داخل اولور بوندنصکره تکرار جنوب سمتنه میل و مرور و جبل شیاک
 تحتنه نفوذ ایدوب خزر مملکتنه واصل اولدقدنصکره بشنجی اقلیمک یدنجی قسمنه
 دخول ایتدیکی محله خزر در یاسنه منصب اولور التنجی اقلیمک سکرنجی قسمی
 بو محله تمام اولوب طقوزنجی قسمنده واقع اولان مالکک احوالی بیانه شروع اولور
 * قسم تاسع التنجی اقلیمک طقوزنجی قسمنک طرف غربی سنده طوایف ترک و تار دن
 خفشاخ قبیله سی تارینه مخصوص مملکت ایله ینه طوایف ترکدن ترکش جماعتی بلادی
 واقعدر و ذکرا و ننان طائفه خفشاخ جماعتنه قافجق دخی اطلاق اولور و خفشاخ و ترکش
 ولایت لری جبل قوفایانک طرف غربی سنده و جانب یا جوج و ما جوج بلادی موجود اولوب
 ماینلرنی جبل قوفایا فصل ایلشدر و جبل قوفایای مذکور که کوه قافر در دنجی اقلیمک
 طرف شرقی سنده بحر محیط ساحلندن ابتدا ایدوب ینه بحر محیط ساحلی ایله طرف شمالده
 یدنجی اقلیمک آخرینه منتهی اولور تفصیلی بویله در که جبل مذکور اقلیمک رابعک
 طرف شرقی سندن مفارقت ایدوب جهت غرب و شماله میل وانحراف ایده رک بر مقدار
 مسافه مرور ایتد کدنصکره بشنجی اقلیمک طقوزنجی قسمنه دخول ایلر بعده ینه سمت
 شمال ایله مرور ایدوب اشبو اقلیمک سادسک طقوزنجی قسمنه صاغ طرفندن داخل
 و غرب جهته انحراف قلیل ایله قسم تاسعک شمالنه منتهی اولور واشبو التنجی اقلیمک
 طقوزنجی قسمنک وسطنده اسکندر ذوالقرنین حضرت لرینک بنا بیور دقلری سد سدید
 واقع اولشدر بوندنصکره ینه جبل قوفایا سمت شمال اوزره مرور ایده رک یدنجی اقلیمک
 طقوزنجی قسمنه طرف جنوبی سندن دخول ایدوب جانب شمالی سنده بحر محیط ساحلنه
 منتهی اولور بوندنصکره جبل مذکور بحر محیط ساحلی ایله معا جهت غربه منحرف
 و منعطف و ینه اقلیمک سابق بشنجی قسمنه داخل اولدیغی محله طرف غربده دخی

ذکر منبع نهر اتل

ذکر مملکت بلغار

ذکر سد یا جوج و ما جوج

بشنجی قسمندہ واقع اولان قطعہ سنی طرف شمال بسندن وینہ التنجی اقلیمک دزدنجی
 قسمندہ موجود اولان قطعہ سنی جانب غریبندن احاطہ ایلشدر التنجی اقلیمک
 بشنجی قسمی بومحلدہ تمام اولوب التنجی قسمک احوالی بیانہ شروع اولندی ❁ قسم
 سادس اقلیم سادسک التنجی قسمک طرف غریبندہ قرہ دکزدن برقطعہ واقعدرکہ
 شمال جانبہ انحراف قلیل ایله منحرف اولوب بوقطعہ بجزیرہ ایله اشبوالتنجی قسمک جانب
 شمالدہ منتهاسی اراسندہ قانیہ اولکہ سی بلادی موجوددر وینہ اشبو قسم سادسک
 طرف جنوب بسندن شمالہ زیادہ انحرافله مائل و منحرف اولان قطعہ ارضدہ لاینہ شهر لری
 موجوددر کہ بلاد مذکورہ اقلیم سادسک بشنجی قسمک طرف جنوبی سنک یعنی صاغ
 جانبک نہایتیدر و ذکر اولنان لاینہ مملکتی اشبو قسم سادسک ناحیہ شرقیہ سندہ
 خزر مملکتہ متصل اولوب خزر اولکہ سنک طرف شرقیہ سندہ برطاس مملکتی موجوددر
 والتنجی اقلیمک اشبو قسم سادسک شرق و شمال جانب لری اراسندہ واقع اولان گوشہ سندہ
 بلغار مملکتی و جنوب ایله شرق مابیندہ بلخ اولکہ سی واقع اولوب و بوا اولکہ یہ سابقا
 ذکر اولنان جبل شیادتن برقطعہ مروراید و جبل مذکور بوندن اقدام ذکر اولندی
 اوزرہ بحر خزر ایله بیله التنجی اقلیمک یدنجی قسمندہ منحرف و بحر خزر دن مفارقت
 ایتدکد نصرکہ جهت غربہ مائل اولوب بعدہ بشنجی اقلیمک التنجی قسمندہ دخول ایتدیکی
 محلدہ جبال ابوابہ متصل اولور کہ خزر مملکتی اولجبالک ایکی طرفندہ بربرینہ متصلا تمتد
 اولور اقلیم سادسک التنجی قسمی بومحلدہ تمام اولوب یدنجی قسمک احوالی بیانہ شروع
 اولندی ❁ قسم سابع التنجی اقلیمک یدنجی قسمک جنوب طرفندہ واقع اولان محلدہ خزر
 اولکہ سندن برقطعہ اشبو قسمک جانب غریبندہ آخرینہ وارنجہ تمتد اولوب سابقا
 ذکر اولنان جبل شیادتک بحر خزر دن مفارقتدن صکرہ محاذاتندہ واقعدر و اشبو قطعہ نک
 طرف شرقیہ سندہ بحر خزر دن برقطعہ داخل اولوب اشبو قسم سابعک طرف غربدہ نہایتہ
 وارنجہ تمتد اولور انکدخی طرف شرقیہ سندہ ینہ بحر خزر دن برقطعہ آخری موجود در کہ
 اول قطعہ بجزیرہ نک شرق و شمال سمت لری جبل شیادہ احاطہ ایلشدر و جبل شیادتک
 وراسندہ و اشبو یدنجی قسمک ناحیہ غرب و شمالیہ سندہ برطاس نام مملکت واقع اولوب
 و قسم مزبورک ناحیہ شرقیہ سندہ طوایف ترکدن بسجرت و بجناک نام ایکی قبیلہ نک
 مملکت لری موجود در اقلیم سادسک یدنجی قسمی بومحلدہ تمام اولوب سکرنجی قسمک
 احوالی بیانہ شروع اولندی ❁ قسم ثامن التنجی اقلیمک سکرنجی قسمک طرف
 جنوبدہ واقع اولان سمتدہ طوایف ترک و تاتاردن خلیج جماعتی مسکنی اولان بلاد واقع
 اولوب وینہ قسم ثامن مذکورک جانب شمالدہ واقع اولان ناحیہ سنک طرف غربیہ سندہ
 ارض منتهی یعنی قوقش بمعنا سنہ اولان بریہ و ناحیہ مزبورہ نک جانب شرقیہ سندہ شول
 اراضی خالیہ موجود در کہ ازمنہ سالفدہ معمور و مسکون ایکن سدا سکندر بنا بسندن
 مقدم طوایف یا جوج و ما جوج استیلا ایدوب اولجلی تخریب ایتدیله دیومنقولدر
 و اشبو ذکر اولنان ارض منتهیہ اعظم انهار عالم اولان اتل نهر ینک مبدأ و منبعی واقع اولوب

ذکر نهر اتل

مملکت له وصاقسونیه

انکلايه مملکتی انک دخی صول طرفنده ذکر اولسان برغونیه ولایتی بونلردنصکره
 لهرنکسه و شصونیه یعنی له وصاقسونیه مملکتی موجود در واشبو قسم آئینک شرق
 و شمال جهتبری اراسنده واقع گوشه سنده بحر محیط ساحلی اوزره افریزه ولایتی واقعدر که
 الامان افرنجی ضبطنده در التنجی اقلیمک ابکنجی قسمی بو محله تمام اولوب اوچنجی
 قسمک احوالی بیاننه شروع اولندی * قسم ثالث التنجی اقلیمک اوچنجی قسمک ناحیه
 غریبه سنک صاغ طرفنده ممالک افرنجدن یوانیه بلادی وصول جاننده صاقسونیه
 شهرزری واقع اولوب و قسم مزبورک ناحیه شرقیه سنک صاغ طرفنده ینه ممالک افرنجدن
 انکبریہ بلادی وصول جاننده بلونیه ولایتی وجود در و بلونیه ایله انکبریہ مملکتلرینک
 ارارنده بلواط نام برجبل واقعدر که اشبوالتنجی اقلیمک دردیجی قسمندن اشبو قسم ثالثه
 دخول ایلیوب و طرف شماله میل وانحرافله طرف غربه مرورایده رک اشبو قسم ثالثک
 نصف غریبسنده واقع صاقسونیه بلادنه منتهی اولور التنجی اقلیمک اوچنجی قسمی دخی
 بو محله تمام اولوب دردیجی قسمک احوالی بیاننه شروع اولندی * قسم رابع
 دردیجی قسمک ناحیه جنوبیه سنده جسولیه مملکتی انک دخی جانب شمالی سنده
 روس طائفه سی ولایتی واقع اولوب و بوا یکی ولایتک ارارینی اوچنجی اقلیمده ذکر ی سبق
 ایدن جبل بلواط فصل ایلیوب اشبو قسم را بعک طرف غربده اولندن خروج و نصف
 شرقبسنده و قوف ایدرو دخی جسولیه مملکتک طرف شرقبسنده جرمانیه ولایتی واقعدر که
 الامان مملکتیدر و ینه اشبو قسم رابعک جنوب ایله شرق جانببری اراسنده واقع
 گوشه سنده بلده طیبه قسطنطنیه ایله اکا تابع اولان مملکتلر واقعدر و قسم مزبورک
 ناحیه شرقیه سنک اعلازلنده قره دکزدن برقطعه موجود اولوب و قطعه مزبوره ک
 بر گوشه سنده مسناته نام بر بلده واقعدر التنجی اقلیمک دردیجی قسمی بو محله تمام اولوب
 بشنجی قسمک احوالی بیاننه شروع اولندی * قسم خامس اقلیم خامسک بشنجی
 قسمک طرف جنوببسنده یعنی صاغ جانبی اولان ناحیه ده بحر نیطش یعنی قره دکز
 التنجی اقلیمک دردیجی قسمک آخرنده قواق بوغازندن شرق طرفنه خروج ایدوب
 اشبو اقلیم سادسک بشنجی قسمک مجموعنه والتنجی قسمک بعض محللرینه مرورایده رک
 مید آندن منتهاسننه وارنجه طولایک اوچبوز و عرضا التیوز میل قدر مسافه متمد اولور
 و بو ذکر اولتان بحر سیاهک وراسنده واشبو قسم خامسک ناحیه جنوبیه سنده غربدن
 شرقه طوغر وارضدن بر طولانی قطعه باقی قالور که بو قطعه نک جانب غربی سنده
 قره دکز ساحلی اوزره هرقلیه نام بر بلده واقع اولوب بشنجی اقلیمده ذکر اولتان بیلقان
 مملکتنه متصلدر و قطعه باقیه مذکورہ نک طرف شرقبسنده افلا نیه اولکه سی موجوددر که
 دارالملکی ساحل بحر سیاهده بلده سنوبدر و ینه التنجی اقلیمک اشبو بشنجی قسمک
 طرف غریبسنده و بحر سیاهک جانب شمالنده برجان مملکتی ایله ینه قسم مزبورک
 جانب شرقبسنده روس مملکتی ساحل بحر سیاهده واقعدر و روس مملکتی برجان
 اولکه سنک اشبو قسم خامسده واقع قطعه سنی شرق جانبندن محیط اولوب و یدنجی اقلیمک

بو محله تمام اولوب اوننجی قسمینک احوالی بیسانه شروع اولندی * قسم عاشرا اقلیم
 خامسک اوننجی قسمینده واقع قطعہ نک مجموعی یا جوج و ما جوج مسکنلری اولوب
 انجق بحر محیطدن بر قطعہ قسم عاشراک جانب شرقی سنه دخول و جنوبدن شماله طوغرو
 بر مقدار محلی غر و ستر ایلوب وینه قسم عاشراک جنوب و غرب جهتلرنده بر مقدار محله
 دخی جبل قوفا یا مرور ایتمکله عمارتدن خالی قالمشدر * اشبو ایکی قطعہ دن ماعدا
 بشجی اقلیمک اوننجی قسمینک جمله سی ارض یا جوج و ما جوجدر اقلیم خامس اقسام
 عشره سیله بو محله تمام اولوب النجی اقلیمک احوالی بیسانه شروع اولندی
 * اقلیم سادس النجی اقلیم دخی سابقده ذکر اولنان اقلیملرکی بشجی اقلیمک
 صول طرفنه ویدنجی اقلیمک صاغ جانبنه متصل و غربدن شرقه طوغرو برینه
 مساوی اوز قسمه منقسم اولوب وهر بر قسمینده واقع اولان ممالک و امصار و جبال
 و انهار علی الترتیب ذکر و بیسان اولنور * قسم اول النجی اقلیمک اولکی قسمینک دخی
 ابتداسی طرف غربده بحر محیط غربی ساحلندن فرض اولمغله قسم مزبورده واقع اولان
 قطعہ نک نصفندن اکثرنی بحر محیط ستر ایلکله عمارت ممکن اولما مشدر ابتدا قطعہ
 مذکورہ نک طرف شرقی سندن بحر محیط سمت شمالی سنه دخول ایلوب بعده
 ینه شرق طرفیه کیدوب قطعہ مذکورہ جنوب سمتنه منتهی اولمغله النجی اقلیمک اولکی
 قسمینده ارضندن بر قطعہ مکشوف و معمور اولمشدر که بحر محیط اول قطعہ نک ایکی جانبنی
 احاطه ایلشدر و بو قطعہ معموره نک طولاً و عرضاً مجموعنه ممالک افرنجیدن برطانیه
 مملکتی واقع اولور و قسم اولک طرف جنوبیسی ایله شرق جانبی واسع و منفسح بر قطعہ درکه
 اراسنده واقع اولان گوشه سنده صایس نام بر ولایت وارد درکه بوندن اقدم ذکر اولنان
 یطو مملکتنه متصلدر اقلیم سادسک اولکی قسمی بو محله تمام اولوب ایکنجی قسمینک
 احوالی بیسانه شروع اولندی * قسم ثانی اقلیم سادسک ایکنجی قسمینک دخی غرب
 و شمالی سمتلرندن بحر محیط دخول ایلوب بحر مذکور دن بر طولانی قطعہ قسم ثانی نک
 نصف شمالی سندن اکثرنی ستر ایلمشدر که قسم اولده ذکر اولنان برطانیه مملکتینک
 جانب شرقیسی سمتنه واقعدر وینه طرف شمالده قطعہ اولایه متصل بحر مذکور دن
 بر قطعہ اخرا دخی اشبو قسم ثانی نک نصف غربی سندن جهت شرقیه سنه وارنجیه دخول
 و اکثر محالرنی ستر ایتمکله انجق قسم ثانی نک نصف غربی سنده بر مقدار ارض منکشف
 و معمور اولوب انکلتره جزیره سنک بر مقدار ی اول قطعہ ظاهره ده واقع و بقیه سی
 یدنجی اقلیمده داخلدر و جزیره انکلتره بر جزیره عظیمه درکه بغایت واسع و نیجه بلاد
 و امصاری مشتمل اولوب مخصوص قرالی وارد و جزیره مزبوره نک صاغ طرفینده واقع
 بیوک قبیله و اشبو النجی اقلیمک ایکنجی قسمینک نصف غربیسنده ممالک افرنجیدن
 بر مندیبه ولایتی واکامصل افلاندش اولکله سی واقعدر بوندن صکره اشبو ایکنجی قسمینک
 غرب طرفیه صاغ جانبینده فرانسه مملکتی انک دخی صول طرفینده برغونیه ولایتی واقع
 اولوب وینه قسم مزبورک نصف شرقی سنده الامان ولایتی انک دخی صاغ جانبینده

ذکر مملکت برطانیه بو مملکت
 انکلپس و لایبدر

ذکر بحیره خوارزم

ذکر بحیره غرغون

ذکر جبل قوفا یا یعنی کوه قاف

ذکر سد یا جوج و ما جوج

خوارزم بحیره سی یعنی خوارزم اولکه سی کولی موجود در و بحیره خوارزم دوری اوچوزمیل برکولدر که جیحون نهری وغزملکتندن خارج انهار کثیره بحیره خوارزمه منصب اولور وینه اقلیم خامسک اشبوسکرنجی قسمک شمال وشرق جهتلرنده صوبی طاتلو دوری درتوزمیل بحیره غرغون نام بر بو یوک کول واقعدر وینه اشبو قسم نامنک ناحیه شمالیه سنک آخرینه منتهی جبل مرغار نام برکوه عظیم واردر که صیف وشتاده غایت ارتفاع وکمال برودت هوادن ناشی اوزرنده قارداغ برقرار اولوب اصلا ذائب وزائل اولماز و ذکر اولسان بحیره غرغونک صاغ طرفنده حجر صلب و صخره صمادن مخلوق جبل غرغون نام بر جبل دخی موجود اولوب اصلا حبش وینا ندن برشی نابت اولماز و غرغون کولنه غرغون اسمی جبل غرغون قربنده اولوق مناسبه وضع اولمشدر و بحیره غرغونه ایکی طرفنده واقع جبل مرغار ایله جبل غرغوندن خارج انهار کثیره غیر عیده منصب اولور اقلیم خامسک سکرنجی قسمی بو محله تمام اولوب طقوزنجی قسمک احوالی بیاننه شروع اولندی * قسم ناسع بشنجی اقلیمک طقوزنجی قسمنده طوایف ترکدن یعنی اولوتانارلق مملکتنده ساکن غزجاعتی قبا ئلندن ارکش نام قبیلله به مخصوص بلاد موجود در که ینه ام ترکدن کیمیا کیه طائفه سی ساکن اولدقلری محلك طرف شرقی قسمنده واقعدر وارکش بلادنی اشبو قسم ناسعک طرف شرقیه نهایتنده یا جوج و ما جوج قومنی محیط اولان جبل قوفا یا احاطه ایلشدر * جبل قوفا یا ی مذکور محل مزبوره اشبو طقوزنجی قسمه طرف جنوبی سندن خروج و جانب شماله دخول و ولوج ایدوب ابتدای ظهوری اقلیم رابعک اوننجی قسمنده واقع اولوب آندن اشبو اقلیم خامسک اوننجی قسمنه واروب آندن دخی ینه اقلیم خامسک اشبو طقوزنجی قسمنه دخول ایلر تفصیلی بویه در که جبل قوفا یا یی ابتدای ظهورنده بحر محیط شرقی احاطه ایلوب بعده بشنجی اقلیمدن چیقوب اقلیم رابعک اوننجی قسمنه غرب طرفندن دخول و قسم مزبورک نصفنه قریب مسافه به بالغ اولوب مبدأ ظهورندن بو محله منتهی اولنجه طوایف ترکدن کیمیا کیه بلادنی احاطه ایلشدر محل مذکوره مرورند نصکره اقلیم خامسک اوننجی قسمنه داخل و غرب سمتیه مرور ایدرک قسم مزبورک آخرینه واصل اولوب جبل مذکورک صاغ طرفنده اشبو اقلیم خامسک سکرنجی قسمندن جهت غربیه مائل برطولانی قطعه به باقی قالور که کیمیا کیه بلادی اول قطعه ده منتهی اولور بوند نصکره جبل قوفا یا اقلیم خامسک طقوزنجی قسمنک جانب شرقیسنه داخل و مسافه قلیله مرور ایتدک نصکره طرف شرقه منحرف و مائل اولوب بعده شمال سمتی اوزره کیده رک التنجی اقلیمک طقوزنجی قسمنه بالغ اولور که اسکندر ذوالقرنین حضرتلرینک طائفه یا جوج و ما جوجک شروفسادلرنی دفع ایچون بنا ایتدیکی سد سدید آهنین کلید التنجی اقلیمک طقوزنجی قسمنده واقعدر و اقلیم خامسک اشبو سکرنجی قسمندن شرق و شمال اراستند واقع کوشه ده برقطعه ارض باقی قالور که اول قطعه جبل قوفا یا نک و راستنده طرف جنوبه طوغر و مستطیل و ممتد اولوب یا جوج و ما جوج بلادینک برقداری قطعه مذکوره ده واقعدر بشنجی اقلیمک طقوزنجی قسمی

طاغلرک اراسنده و التنجی قسمک طرف شمالی سنک نهایتده بر برینه متصل و تمتد اوله رق
 مملکت سریرایله خزر اولنکه سی اراسنده واقع جبله منتهی اولور که نهایتده صول نام
 بر بلده موجود در و جبل مذکورک وراسنده کیلان دریاسی ایله اشبو بشنجی اقلیمک
 التنجی قسمک جهت شمالیه سنک آخری میاننده ارض خزر دن بر قطعه وارد در اقلیم
 خامسک التنجی قسمی بو محله تمام اولوب یدنجی قسمک احوالی بیانه شروع اولندی
 * قسم سابع بشنجی اقلیمک یدنجی قسمک طرف غربی سنک مجموعی کیلان ذکر ایله
 مستور اولغله معمور دکلدن لکن قسم مزبورک صاع طرفده بر قطعه بحر دن مکشوف
 اولغله اول قطعه ده طبرستان شهر لری و دیلم طاغلری موجود اولوب اقلیم رابعده
 قزوین شهرینه طوغرو و خروج ابتدیی بوندن اقدم اقلیم رابع احوالی بیانده ذکر
 اولغله وارضدن بر قطعه یه طرف غربیسندن در دنجی اقلیمک قسم سادسده ذکر
 اولندیغی اوزره بحر خزر دن بر قطعه صغیره ایله طرف شرقی سنندن دخی اشبو اقلیم
 خامسک التنجی قسمنده خزر ارضدن بر قطعه متصل اولور وینه بحر خزر دن اشبو قسم
 سابعک غرب و شمال جهتلری اراسنده ارضدن بر قطعه دخی منکشف اولوب اول قطعه ده
 ترکستان و مسقوبلاندن برو جاری اولان اتل نهری بحر خزره منصب اولور وینه اشبو
 بشنجی اقلیمک التنجی قسمک شرق جا بنده خزر دریاسدن بر قطعه دخی مکشوف اولوب
 طوایف ترکدن غز جاعتک قونوب کوچد کلری یایلاق و قشلاق موجود در و غز لفظنک
 اصلی خوز اولوب یعنی غز جاعتی لسانلرنده کندیله خوز عشیرتی اطلاق اولنوب بعده
 طائفة عرب خوز لفظنی تعریب قصدیله غز کله سنه تبدیل و طائفة مزبوره بی غز جاعتی
 عنوانیه تسمیه ابتدیلر و غز جاعتک مسکنی اولان قطعه مذکور ه بی صاع طرفدن
 بر جبل عظیم احاطه ایلمشدر که جبل مذکور اقلیم خامسک سکرنجی قسمندن اشبو قسم
 سادسه داخل و غرب طرفنه طوغرو مرور ایده رک اشبو قسم سابعک وسطنه
 قریب محله بالغ اولوب بعده طرف شماله منحرف و بحر خزره ملاقی اولور بوندن صکره
 جبل مذکور بحر خزر ساحلی ایله دخی طرف شماله طوغرو کیدوب التنجی اقلیمده بحر
 مذکورک نهایتنه واصل اولدقدن صکره طرف بحر ایله منحرف اولوب بحر مذکور دن
 مفارقت ابتدیی محله جبل مذکوره جبل شبیه تسمیه اولنور بعده جبل مذکور غرب
 سمتیه التنجی اقلیمک التنجی قسمنه ذاهب اولوب صکره ینه غربدن جنوب طرفنه میل
 و رجوع ایله بر مقدار مسافه مرور و اقلیم خامسک اشبو التنجی قسمنه دخول ایله و جبل
 مذکورک بو طرفی سریر مملکتی ایله خزر ارضی اراسنه حائل اولوب ارض خزرده ساکن اولان
 طوایف ترکستانک بلادی اشبو اقلیم خامسک التنجی یدنجی قسملرنده جبل شبیه مذکورک
 ایکی طرفلرنده بر برینه متصل امتداد اولور اقلیم خامسک یدنجی قسمی بو محله تمام اولوب
 سکرنجی قسمک احوالی بیانه شروع اولندی * قسم ثامن بشنجی اقلیمک سکرنجی
 قسمنده واقع قطعه معموره نک مجموعی ام ترکدن سا بقا ذکر اولنسان غز طائفة سنک
 قونوب کوچد کلری محللدر وینه اشبو قسم ثامنک صاع طرفیه غرب جانبی اراسنده

ذکر جبل شبیه

بیانته شروع اولندی * قسم سادس بشنجی اقلیمک التنجی قسمیله صاغ جانبیله غرب طرفنده واقع قطعه سنده ارمینیه اولکه سی شهر لری بر برینه متصل شرقه طوغرو متمد اوله رق اشبو قسم سادسک وسطنی تجاوز ایدوب بوقطعه تک جنوب وغرب طرفلرنده بلاد مذ کوره دن ارزن الروم شهری آنک دخی شمالنده تفلیس ودیل بلده لری وینه ارزن الرومک جانب شرقی سنده خللاط بعده برده مدینه لری آنک دخی صاغ طرفنده جهت شرقه میل وانحر افله ارمینیه بلده سی واقعدر ونفس ارمینیه واقع اولدیغی محله ارمینیه اولکه سی بلادی دردیجی اقلیمه داخل اولوب ومملکت مذ کوره تک اقلیم رابعه واصل اولدیغی محله وسابقا ذکر اولسان بارما جبلتک طرف شرقی سنده مراغه بلده سی واقعدر و ذکر اولسان ارمینیه مملکتی جهت شرقیه سندن بشنجی اقلیمک التنجی قسمنده واقلم رابعده از ریجان اولکه سنه متصل ومنتهی اولوب وبوقسمده آخر بلاد از ریجان اولان اردیبل بلده سی موجوددر ومدینه اردیبل طبرستان بحر ینک یعنی خزر دریاسنک برقطعه سی اوزرنده واقعدرکه بشنجی اقلیمک یدنجی قسمندن چقبوب اشبو التنجی قسمک طرف شرقی سنه دخول اتمشدر وینه بشنجی اقلیمک اشبو التنجی قسمک طرف شرقی سنه ذکر اولسان بحر کیلان ساحلنده خزر مملکتندن برقطعه واقع اولوب وخزر لفظی ترک وترکان معنا سنه درکه بحر مذ کورک بعض سواحلنده طاقه ترکدن برقوم ساکن اولوب مناسبیله بحر مذ کوره بحر خزر دخی اطلاق اولنور و بحر کیلانک خزر جاعنی ساکن اولدیغی سواحلک طرف شمالده واقع منتهاسندن بر برینه متصل جبال حدیده خروج واشبو بشنجی اقلیمک بشنجی قسمک طرف غربی سنه دخول ایدوب بعده بر مقدار مسافه مرو رایتدکن صکره میافارقین بلادنی محیط اولوب بعده مدینه آمد قرینه بشنجی اقلیمک سنه دردیجی اقلیمه واصل وشام اولکه سنک اسفلرنده جبل سلسله یه متصل اولدقدن صکره سابقا ذکر اولنان جبل لکامه منتهی اولورلر واشبو طاغلرک ارا لرنده ایکی جانبندن متعدد یوللر واقع اولوب آیتده ورونده اول یوللر دن آشوب مراد ایتد کلری جانبه کیدرلر و ذکر اولنان طاغلرک صاغ طرفنده ابواب اولکه سی بلادی بر برینه متصل کیلان دریا سنه وار نجه متمد اولوب بلاد مذ کوره دن دمر قپو وشروان بندری دیمکله معروف اولان محله مدینه باب الابواب ساحل بحر کیلانده واقعدر وابواب اولکه سی بلادی غرب وجنوب سمتلرندن ارمینیه اولکه سنه متصل اولوب وینه بلاد ابوابک طرف شرقیسی ایله از ریجان مملکتنک سمت جنوبیسی ارا سنده ارا ن اولکه سی شهر لری بر برینه متصل کیلان دریاسی ساحلنه متمد ومنتهی اولورلر وینه ذکر اولنان طاغلرک طرف غربیلرنده اشبو بشنجی اقلیمک التنجی قسمندن برقطعه واقع اولمشدرکه اول قطعه ده سر بر مملکتی موجود اولوب وینه بوقطعه تک غرب وشمالی ارا سنده واقع اولان کوشه سنه قره دکردن برکوچک قطعه دخول ایتمشدرکه قطعه مزبوره بی سر بر مملکتی بلادی احاطه ایلیوب بلاد مذ کوره دن طربزون شهری بوقطعه ده واقعدر و سر بر مملکتی شهر لری اشبو ذکر ی سبق ایدن

ذکر مدینه ارض روم و تفلیس
ودیل

ذکر مدینه اردیبل

بیان معنای لفظ خزر

ذکر مدینه باب الابواب یعنی
دمر قپو ومملکت ارا ن

ذکر مملکت سریر وبلده
طربزون

ومدينه قسطنطنيه اشو قره دكر بوغازينك جانب شرق بسنده وبشبي اقليمك در دنجي
 قسطنك طرف شمالده آخرنده بر بلده عظيمه در كه عهد قديمدر بر وابنيه شامخه و آثار
 جايله بي محتوي وملوك قياسره نك كرسى مملكتي وقاعده سلطنتي اولوب اخبار عجيبه سي
 بين الانام معروف ومشهور اولغله تعريفدن مستغيدر واشبو بشبي اقليمك در دنجي قسطنك
 آق دكر زايه خليج قسطنطنيه اراسنده واقع قطعه سنده مقدونيه مملكتي بلادى موجود در كه
 طوايف يونانيا نك ملك وسلطنترى ابتدا انده واقع اولمشدر وينه خليج قسطنطنيه نك
 طرف شرقى سنده اشبو اقليم خامسك در دنجي قسطنك آخرينه وارنجه باطوس مملكتي
 اراضيسندن بر قطعه موجود در كه عهد سابقه طاقه روم ضبطنده ايدي لكن حالاملك
 ستوده آل عثمان ايدهم الله تعالى الى انقراض الدوران حضراتي ظهور ايدوب اولحوالى به
 رفع لواي غزاوانوار دين مابين ايله ظلمات كفر وضلالى محو وافساند كدنصكره باطوس
 مملكتنده واقع مدينه بروسه بي تختگاه سعادت پناه ايتمشلدر بشبي اقليمك در دنجي قسمي
 دنجي بو محله تمام اولوب بشبي قسطنك احوالى بيانه شروع اولندي * قسم خامس
 بشبي اقليمك بشبي قسطنك صاغ طرفيله غرب اراسنده ذكر اولنان باطوس مملكتي
 واقع اولوب آنك دنجي جانب شمالى سنده اشبو قسطنك آخرينه وارنجه عموريه شهر لرى
 موجود در وعموريه بلادنك جانب شرقى سنده نهر قبايق ديمكله معروف بر نهر جاريدركه
 عموريه اولكه سنده برجلدن خروج ايلوب جنوب طرفنه طوغرو جري ومرو رايده رك
 نهر فراته منصب اولدقد نصكره نهر قبايق اشبو قسم خامسندن چيقوب و اقليم رابعه دخول
 ايلر وينه نهر قبايق طرف غربى سنده واشبو بشبي قسطنك آخرنده سابقا ذكر اولنان سيجان
 نهرينك مبدائى بعده آنكدنجي طرف غرب بسنده جيحان صوينك منبجي واقع وانكدنجي طرف
 شرق بسنده دجله نهرينك منبع ومبدائى اولان جبل واقعدرو اشبو بشبي اقليمك بشبي قسطنك
 طرف جنوبيسى ايله جانب شرق بسنده واقع اولان كوشه ده دجله نهرينك منبع ومبدائى
 اولان جبلك وراسنده ميا فارقين نام بلده موجود در و ذكر اولنان نهر قبايق اقليم خامسك
 اشبو بشبي قسمي ايكي قطعه به تفريق و تقسيم ايدوب قطعه نك برى نهر مذكورك
 غرب وجنوب بسنده واقعدركه ذكر اولنان باطوس مملكتي اول قطعه ده موجود در
 و باطوس مملكتك صول طرفنده نهر قبايق منبجي اولان جبلك وراسنده اشبو
 قسم خامسك آخرينه وارنجه عموريه بلادى بر برينه متصل متمد اولور واشبو قسم
 خامسندن نهر قبايق فصل اتديكي قطعه ثانيه قسم من بورك شمال وشرق وجنوب
 طرفلرند و واقع اولوب قطعه من بوره نك طرف جنوب بسنده دجله و فرات نهر لرينك
 مبدائى وجانب شمال سنده جبل قبايق وراسنده عموريه ارضنه متصل ييلقان
 ولايتى برعربض وواسع مملكتدر موجود در و بولايتك منتهى اولديغى محله
 ونهر فراتك مبدائى قنده حرشنه نام مدينه واقعدرو واشبو قسم خامسك شرق وشمالى
 جهنلرى اراسنده واقع كوشه ده بحر نيطشدن يعنى قره دكر دن بر كوچك قطعه
 موجود در بشبي اقليمك بشبي قسمي دنجي بو محله تمام اولوب اتنجي قسطنك

ذكر ملوك آل عثمان اعز الله
 قدرهم الى آخر الدوران
 الله اعلم مورخ مرحومك
 وقتنه ادراك ايتديكي بيلدرم
 بايزيد خان حضرت لرى يا خود
 والدا ماجدرى مرحوم غازی
 خداوندگار حضرت لرى اولوق
 كر كدر

ذكر بلده عموريه ونهر قبايق

قسمتک غرب و شمالنه طوغر و دخول ایلوب قسم ثانی تک ثلثی مرتبه سنه بالغ اولمشدر
 و ذکر اولسان و ندیک کورفرزینک صاغ طرفنده و ندیک شهر لرینک اکثری واقع اولوب
 و کورفرزک صول جانبنده اقلیم سادسه کورفرزایله بحر محیط اراسنده ممالک افرنجدن
 انکلابه مملکتی موجود در بشنجی اقلیمک ایکنجی قسمی بو محله ده تمام اولوب اوچنجی
 قسمتک احوالی بیساننه شروع اولندی * قسم ثالث بشنجی اقلیمک اوچنجی قسمی
 اولان قطعده تک غرب طرفنده آق دکزایله و ندیک کورفرزی اراسنده فلوریه مملکتی
 شهر لری واقع اولوب و مملکت مزبوره ارضندن بر قطعده دردیجی اقلیمه طوغرو
 چیقوب آق دکزه دخول ایدر و بوقطعه تک ایکی طرفنده آق دکزدن ایکی کورفرز چیقوب
 شمال سمتیه کیده رک بشنجی اقلیمک اشبو اوچنجی قسمنه دخول ایلر وینه فلوریه
 بلاد تک جانب شرقی سنده و ندیک خلیجی ایله آق دکز اراسنده واقع ارضندن بر قطعده
 ممالک افرنجدن انکبرده مملکتی موجود در که طرف شرقی و ندیک کورفرزینک ساحلنه
 منتهی اولور و مملکت مزبوره بولندیغی قطعده تک بر طرفی دخی آق دکزه طوغرو
 خروج و بشنجی اقلیمدن دردیجی اقلیمه دخول ایلر و ذکر اولسان و ندیک خلیجی
 آق دکزدن منفصل بر عظیم کورفرز در که جنوبدن شماله طوغر و ذهاب بعده شمالدن
 غرب جانبنده منحرف و منعطف اولوب اشبو بشنجی اقلیمک اوچنجی قسمتک جانب
 شمالده آخرینه منتهی اولور و بو کورفرزک برابرکنده دردیجی اقلیمدن بر جبل عظیم
 خروج و کورفرز ساحلی ایله بیله شمال طرفنه مرور ایلوب بعدینه ساحل خلیج ایله
 التنجی اقلیمده کورفرزک مقابلنده و طرف شمالنده واقع طویف افرنجدن الامان کفره سی
 ضبطنده اولان انکلابه مملکتنه منتهی اولور و و ندیک کورفرزی ایله ذکر اولسان جبل
 مادامکه شمال سمتیه ذهاب اوله ارازلنده و ندیک شهر لری واقع اولور وینه ذکر اولسان
 کورفرزایله جبل مذکور غر به منحرف اولدیغی محله ده ارازلنده جوراسیا اولکه سی
 بعده نهایت خلیجده الامان شهر لری واقعدر بشنجی اقلیمک اوچنجی قسمی بو محله ده
 تمام اولوب دردیجی قسمتک احوالی بیساننه شروع اولندی * قسم رابع بشنجی
 اقلیمک دردیجی قسمتکده آق دکزدن بر قاچ قطعده دردیجی اقلیمک طرف جنوبیسندن
 خروج و اشبو قسم رابعک طرف شمالی سنه دخول ایلوب ساحل در یاده بر قاچ
 محله متعدد کورفرز حادث اولغله هر ایکی کورفرزک اراسنده بردن بحر طوغر و نیجه
 قطعده خروج و هر قطعده نیجه ممالک و بلادی مشتملدر و اشبو بشنجی اقلیمک دردیجی
 قسمتک جهت شرقده آخرنده خلیج قسطنطنیه دیمکله معروف اولان مرمره دکزی
 اشبو قسمتک طرف جنوبیسندن و بوغاز حصاری نام محله ده بر بوغازدن خروج
 و سمت شماله طوغر و مرور ایده رک دار الخلافه العلیه محمیة قسطنطنیه تک طرف
 شرقی سندن قواق بوغازینه واصل اولوب آندن ارباب جغرافیا بینلرنده بحر نهطش
 تعبیر اولنان قره دکزه منتهی اولور و اشبو بحر سیاه برنجی عریض و واسعه در که التنجی
 اقلیمک دردیجی قسمتک بعضیسنه و بشنجی قسمیه التنجی قسمتکده دخول ایتمشدر

ذکر مملکت فلوریه

ذکر خلیج و ندیک

ذکر مملکت الامان

سلوك ايله وارر لر غشكونيه مملكتى دخی اندلس كى بر مملكت عظيمه در كه بشنجى
 در دنجى اقليمدن حصه سى اولوب اولاقليم رابعده غشكونيه بلادندن برشلونه
 و ابرونه نام بلده لر واقع اولوب وانلرك صول طرفلرنده جرنده و قرقشونه نام شهر لر
 موجوددر واشبو بشنجى اقليمك قسم اولنده غشكونيه بلادندن جرنده شهر ينك
 صول طرفنده طولوشه بلده سى موجوددر و ينه اشبو بشنجى اقليمك اولكى قسمك
 طرف شرقى سنده طولانى اوچ گوشه لومثلث شكلكنده بجر دن منكشف بر قطعه دخی
 واقع اولوب اول مثلثك زاويه حاده سى يعنى ضيق وتنك اولان گوشه سى جبل برتات
 مذكورك جانب شرقده و راسنده واقعدر و قسم اولك اشبو قطعه مستطيله سنده
 بحر محيط ساحلى اوزره و جبل برتات متصل اولديغى قطعه اولاي مذكوره نك و راسنده
 غشكونيه مملكتى بلادندن بيونه بلده سى موجوددر و ينه بو قطعه مستطيله نك شرق
 و شمال سمتده نهايتنده قسم اولك اخري نه و ارنجه افرنج ضبطنده اولان بيطو نام
 مملكت واقعدر قسم اول بو محله تمام اولوب قسم نائنده واقع ممالك بيانته
 شروع اولنده * قسم نائى بشنجى اقليمك ايكنجى قسمك ناحيه غريه سنده
 غشكونيه مملكتى و جانب شمالينده بوندن اقدم ذكر اولديغى اوزره افرنج ممالكتندن
 بيطو و برغشت اولكه لرى واقعدر و غشكونيه مملكتك طرف شرقى سنده آق دكزدن
 بر كورفرزخروج واشبو ايكنجى قسمه دخول ايلوب غشكونيه ولايتى بو كورفرزك
 طرف غريه سنده موجوددر و بو كورفرزك منتهى اولديغى محلك طرف شمالنده واقع
 قطعه نك راسنده جنوه ولايتى انكك دخی صول طرفنده منت جون نام بر جبل انك دخی
 سمت شمالنده برغونيه مملكتى واقع اولور و جنويز ولايتى واقع اولان كورفرزك
 طرف شرقى سنده آق دكزدن بر كورفرز دخی اشبو بشنجى اقليمك ايكنجى قسمه كيروب
 بوايكي كورفرزك ارا سنده ارضدن بر قطعه بحر طوغر و دخول ايتشدر كه اول قطعه نك
 طرف غريه سنده ممالك افرنجدن بلبش نام مملكت واقع اولمشدر و بو مملكتك
 طرف شرقى سنده بطارقه افرنجك اعظمى اولان ريم پاپانك مقر حكومتى رومه بلده سى
 واقعدر بلده مزبوره عمودى شمار و ستون استوار ايله مشيدو مبنى كاييس عظيمه
 و هياكل جسيمه يى مشتمل و محتوى و بين الانام قزل الماديمكله معروف بر شهر عظيمدر
 جمله عجايبندن برى بلده مزبوره نك و سطنده شرقدن غر به طوغر و برنهر جريان
 ايدر كه زميننه سنك و حجر يينه باقر صحيفه ل فرس اولمشدر و دخی روما شهرنده
 بر كنيسه عظيمه موجوددر كه حضرت عيسى عليه الصلاة والسلامك خواص اصحاب
 و انصارندن و زمره حواريوندن بدروس و بواس اول كنيسه ده مدفونلدر و روما
 شهر لر ينك صول طرفنده واشبو قسم نائى نك نهايتنده ممالك افرنجدن انبرضيه نام
 مملكت واقع اولوب و ينه روما كورفرز ينك بر جابننده ناپلى شهرى واقعدر كه جانب
 شرقيسى ممالك افرنجدن قلوبه بلادنه متصلدر و قلوبه مملكتك صول طرفنده
 و نديك كورفرز ينك بر مقدارى بشنجى اقليمك ذكر اولنه جق اوچنجى قسمندن اشبو ايكنجى

ذكر مملكت جنويز

ذكر بلده روما

بحر محیط غربی ستر ایلوب انجق جنوب ایله شرق جانلرندن مقدار قلیل عمارت ایله
 معور اولمشدر زیر اقلیمک اولی متأخرین قوی اوزره سبته دن خارج بحر محیط
 غربی بدن فرض اولنوب واقلمک اطرافنی قوشاق کبی بحر احاطه ایتمکله بشنجی التنجی
 یدنجی اقلیمک طرف غربی یارینه بحر محیط سائر اقلیمدن زیاده جه دخول ایلوب
 ذکر اولسان اقلیمدن هر اقلیمک قسم اولی فرض اولنان قطعه نک اکثر اجزاسنده عمارت
 ممکن اولماشدر بناء علیه اقلیم خامسک اشبو اولکی قسمک دخی طرف جنوبی سنده
 یعنی صاغ جاننده بحر محیطدن منکشف و معور اولان محلی مثلث الشکل برقطعه درکه
 حالا اسپانیه ضبطنده اولان و دردیجی اقلیمده ذکر و متحد اولنان اندلس مملکتنه متصل
 اولوب اندلس بلاد نک بقیه سی بوقطعه ده واقعدر بوقطعه بی بحر محیط غربی ایکی طرفندن
 شکل مثلثک زاویه لری یعنی گوشه لری احاطه ایلین ایکی خط کبی محیط اولمشدر قطعه
 مثلثه مزبور ده اندلس مملکتک طرف غربی سنده واقع اولان بلاد دن منت مبور
 نام بلده بحر محیط ساحلی اوزره و قسم اولک جنوب و غرب طرفلریک اولنده واقع اولوب
 و بو بلده نک طرف شرقی سنده شلمک نام مملکت و وسطنده سموره نام مدینه موجوددر
 و شلمک اولک سنک شرق طرفنده و اشبو قسم اولک طرف جنوبی سنک یعنی صاغ
 جاننک نهایتنده ایله نام بلده و انکدخی طرف شرقی سنده ینه اندلس ممالکندن قشاله
 مملکتی و مملکت مزبور نک معظم بلادندن شتوبیه نام بلده واقع اولوب انکدخی شمالنده
 یعنی صول طرفنده لیون و برغشت نام مملکت موجوددر و بو مملکتک طرف شماللرنده
 ذکر اولنان قطعه مثلثه نک گوشه سنه منتهی اولجه جلیقیه نام مملکت واقع اولوب
 و بو مملکتده قطعه مثلثه کیره نک ضلع غربی سنک آخرنده بحر محیط ساحلی اوزره لسان
 افرنجیده شنتیاقوب نام بریده واقعدر که عربیده معناسی بلده یعقوب دیکدر و ینه اشبو
 قطعه مثلثه ده اندلس ممالکتک طرف شرقی سنده واقع اولان بلاد دن تطیله نام بلده قسم
 اولک طرف جنوبی سنک آخرنده و قشاله اولک سنک جانب شرقی سنده واقع اولوب
 و بو بلده نک صول طرفنده و شرق جاننده و شقه مدینه سی انکدخی شمال و شرق جهتلرنده
 بنبلونه نام بلده آنک دخی غرب طرفنده قسطاله شهری و بنبلونه و قسطاله ایله برغشت
 اولک سی اراسنده تاجر شهری واقعدر و اشبو قطعه مثلثه نک وسطنده بر بوک جبل
 خروج ایلوب بحر محیطه و بوقطعه بی شمال و شرق طرفلرنده احاطه ایلین ضلعه قریب
 کیده رک اندلس بلادندن ذکر سی سبق ایدن بنبلونه شهری سمتده طرف بحر محیطه متصل
 اولوب بعده اقلیم رابعه و شمالدن جنوب سمتده ذهاب اوله رق طرف جنوبده آق دکر
 ساحلنه منتهی اولور بو جبل سابقا اقلیم رابعه ذکر اولنان جبل برتات درکه برمقداری
 بشنجی اقلیمده و مقدار آخری دردیجی اقلیمده واقع و اقلیم خامسده بحر محیط غربی
 کارندن اقلیم رابعه آق دکر ساحلنه و ارنجه ممتد اولوب اندلس مملکتی ایله غشکونیه
 ارضی اراسنده حائل و حاجز بر جبل درو جبل مذکورک طرق و مسالکی کثیر اولمغله اندلس
 مملکتندن غشکونیه ولایتنه و غشکونیه دن اندلس طرفنه طوایف افرنج بو یولاره

ذکر بقیه بلاد اندلس اندلس
 مملکتک اکثری حالا اسپانیه
 ضبطنده در و بحر محیط ساحل
 اوزره برمقداری برتقال
 ضبطنده در للمترجم محمد
 صاحب

ذکر مملکت غشکونیه مملکت
 مزبور حالا فرانسه قرالتک
 ضبط و تصرفنده اولار
 ولایتدر که دارالمسکی پار س
 نام شهر در للمترجم محمد
 صاحب

بلادی واقع در که دارالملکلی سمرقند شهر پدر و بوندن صکره استروشنه شهری واشبو
 قسم ثامنک جانب شرقده آخزنده نچند بلده سی واقع اولوب سمرقند ایله استروشنه
 شهر لینگ صول طرفنده یلاق مملکتی آنکدخی شمالنده قسم ثامنک طرف شرقده
 آخزینه دک شاش مملکتی ارضی دردنجی اقلیمک طقوزنجی قسمندن برقطعه سنه دک
 ممتد اولور که بوقطعه نک صاغ طرفنده فرغانه اولکه سنک بقبه سی موجوددر وینه
 دردنجی اقلیمک طقوزنجی قسمنده واقع ذکر اولنان قطعده دن شاش نهری خروج
 واشبو قسم ثامنه دخول ایدوب بعدده قسم ثامنندن خروج ایندیکی محلاک شمالنده واقلم
 خامسه دخولنده نهر جیحونه منصب اولور و ذکر اولنان نهر شاشه یلاق مملکتی ارضنده
 بزهر آخزده منضم و ملحق اولور که اقلیم ثالث طقوزنجی قسمنده بتت شهر لینگ
 حدودندن خروج ایدر و کذلک شاش نهری دردنجی اقلیمک طقوزنجی قسمندن
 خروج ایتزدن مقدم فرغانه نهری دخی که ملحق اولور و نهر شاش سمتی اوزره جبراغون
 نام برجبل بشنجی اقلیمندن خروج ایدوب جنوب طرفده طوغر و شرق سمتیله منصرف
 و ممتد اولور دردنجی اقلیمک طقوزنجی قسمنده داخل و ارض شاشی محیط اولور
 فرغانه مملکتی دخی جبل مذکورک جنوبه طوغری ممتد اولور اوجنجی اقلیمه
 دخول ایدر و نهر شاش ایله جبل جبراغونک اراسنده واشبو قسم تاسعک وسطنده
 فاراب شهر لری موجود اولوب و بو بلاد ایله بخارا و خوارزم اولکه لری میاننده
 واقع نیچه خالی و معطل بریه لر واقعدر وینه دردنجی اقلیمک طقوزنجی قسمندک
 شرق ایله شمالی جهتلری اراسنده واقع گوشه ده نچند مملکتی واقع اولوب مملکت
 مزبورده نک مشاهیر بلدانندن اسپجهاب و طراز بلده لری موجوددر وینه دردنجی
 اقلیمک طقوزنجی قسمندک طرف غربیسنده فرغانه و شاش مملکتلرندن صکره طوایف
 ترکستانده خزنجیه جماعته مخصوص ارض طرف جنوبده واقعدر و بونلرک صول
 طرفلرندده طقوزنجی قسمندک جانب شرقده آخزینه وارنجیه یقه طوایف مذکورده دن
 کچا کبه جماعتی ساکن اولدقلری محل واقعدر و طائفه کچا کبه ارضی دردنجی
 قلمک اوننجی قسمندک مجموعنده و قسم مزبورک طرف شرقده آخزنده واقع جبل
 قوفا بایه وارنجیه ممتد اولمشدر جبل قوفا یا بحر محیط کلارنده جبل یا جوج و مأجوج
 دینکله معروف برجبل عظیمدر که اطراف ترکستانی یعنی اولو تارستانی دایر امدار احاطه
 ایلوب جبل مذکورک وراسنده طوایف ترکدن خزنجیه و کچا کبه جماعتلری ساکنلردر
 دردنجی اقلیم اقسام عشره سیله بو محله تمام اولوب بشنجی اقلیمک احوالی بیسانه
 شروع اولندی * اقلیم خامس اقلیم سبعة دن بشنجی اقلیم صاغ طرفندن دردنجی
 قلمک آخزینه وصول جانندن النجی اقلیمک نهایتنه متصل بر اقلیم عظیم در که
 ساثر اقلیم کبی غربدن شرقه طوغری بر برینه مساوی اوز قسمده تقسیم و فریق
 اولنوب و هر قسمنده واقع اولان ممالک و جبال و انهار و بلدان و امصارک احوالی
 علی الترتیب بیان اولنور * قسم اول بشنجی اقلیمک اولکی قسمندک اکثر اجزاسنی

کتد کدن صکره بشنجی اقلیمه منتهی اولور وجبل اصفهانک شرق و شماله منحرف اولدیغی
 محلك جانب شرقی سنده ری شهری موجوددر و محل مز بورده جبل مذ کوره برجبل آخر
 دخی متصل اولوب اشبو قسم سابعك جهت غربده آخرینه دك ممت اولور که قزوین
 بلده سی اول جبلک صاغ طرفده در و اشبو جبل آخر و اقلیم نائیدن اقام خامسه ممتداولان
 ری جبلی ایله کیلان در یاسندن برقطعه ارا سنده طبرستان اولکه سی موجوددر
 * و مملکت طبرستان اقلیم خامسندن ابتدا ایدوب اشبو دردیجی اقلیمک یدنجی قسمک
 غربدن شرقه ممت اولان قطعه سنک نصفه قریب محله دخول ایتشدن و ذکر اولسان
 جبل اصفهان که ری جبلی دخی اطلاق اولنور غربه منحرف اولدیغی محله برجبل آخر
 دخی متصل و سمت جنوبه انحراف قلیل ایله شرقه طوغر و مرو و ایدوب اشبو دردیجی
 اقلیمک سکرنجی قسمه غرب طرفدن دخول ایلر و اشبو جبل آخر ایله ری جبلک
 ابتداری قتنده جبلین ارا سنده جرجان بلادی واقع اولوب بلاد مذ کوره دن بسطام
 شهری موجوددر و اشبو جبلک ورا سنده اشبو قسم سابعك برقطعه موجوددر که
 فارس اولکه سیله خراسان مملکتی ارا سنده واقع صحرای بی پایانک بقیه سی ائده موجوددر
 صحرای مذ کور فاشان شهرینک جانب شرقی سنده و آخرینه جبل مذ کور قتنده
 استرآباد بلده سی موجوددر و ذکر اولسان جبلک جانب شرقی سندن قسم سابعك آخرینه
 و ارنجه ایکی طرفده خراسان مملکتنه تابع نيسابور شهر لری واقعدر و جبل مذ کورک
 صاغ طرفده فارس ایله خراسان ارا سنده واقع صحرائک جانب شرقی سنده نيسابور
 بلده سی بعده قسم سابعك آخرینه مرو و شاهبجان مدینه سی و آنکدخی شمالنده و مدینه
 جرجانک شرقده مهرجان و خازرون شهر لری بعده قسم سابعك جهت شرقده
 آخرینه طوس بلده سی واقعدر و بوبلادک جمله سی ری جبلنه متصل اولان جبل آخر
 مذ کورک تحتده واقع اولور بونلرک طرف شمالا برنده نسا نام مملکتده واقع بلاد موجوددر
 و بلاد تسائی اشبو قسم سابعك شرق و شمالا ارا سنده واقع گوشه سنده خالی و معطل
 بریه لر احاطه ایتشدن دردیجی اقلیمک یدنجی قسمک احوالی بو محله تمام اولوب سکرنجی
 قسمک احوالی یانته شروع اولندی * قسم نامن دردیجی اقلیمک سکرنجی قسمک
 طرف غربی سندن جیحون نهری جنوب بدن شماله طوغر و جریان ایدوب غرب طرفده
 اولان کنارنده خراسان اولکه سی بلادندن زم و آمل شهر لری و خوارزم مملکتی
 شهر لردن ظهریه و جرجانیه بلده لری واقعدر وینه بو قسم نامنک غرب ایله جنوب
 جهتلری میانده اولان گوشه سنی استرآباد جبلی احاطه ایدوب هراة اولکه سنده تابع
 بلادک بقیه سی بو گوشه ده واقعدر و ذکر اولنان جبل استرآباد دردیجی اقلیمک یدنجی
 قسمندن خروج و اشبو قسم نامنه غرب طرفندن دخول ایلد کدن صکره هراة ایله
 جوزجان مملکتلرینک ارا سنده اقلیم ثالث داخل اولوب جبال بتم دیمکله معروف
 و مذ کور اولان طاغره متصل اولور و نهر جیحونک طرف شرقی سنده و اشبو دردیجی
 اقلیمک سکرنجی قسمک صاغ جانبده بخارا مملکتی شهر لری بعده صفد مملکتی

* دخی معلوم اوله که نهر دجله ایله فرات بغداد شهری اوکنده اجتماع ایتزدن
 مقدم بوایکی نهرک ارارنده اولان بلاده جزیره بلادی تسمیه اولنور و بوایکی نهره
 بغداددن مفارقت ایتدکن صکره بزهر آخر دخی مختلط اولور که نهر دجله تک شرق
 و شمالی جهتدن کلوب بغدادک طرف شرقی سنده نهر وان بلده سنه منتهی اولدقدن صکره
 طرف جنوبه منعطف و منحرف واقلم ثالثه دخول ایتکسزین دجله په قاریشور
 و بونهر آخر ایله جبل عراق و اعاجک اراسنده جلولای نام بلده واقع اولوب آتک دخی
 سمت شرقی سنده جبل عراق قنده حلوان و صمیره بلده لری واردر اما اشبو
 دردنجی اقلیمک النجی قسمک قطعه شرقیه سنده جبل شهرزور دینمکله معرف
 برجبل عظیم واقع اولمشدر که سابقا ذکر اولنان جبل عراقک طرف شرقی سندن
 خروج ایلوب اشوقسم سادسک جانب شمالده اخر پنه منتهی اولور و بوجبل شهرزور
 دخی قسم سادسک قطعه شرقیه سنی ایکی قسمه تقسیم ایدر قطعه صغراسنه مملکت
 بهلوس تسمیه اولنور که بوقطعه تک صاغ طرفنده واصفهان شهرینک غرب و شمالنده
 خونجان نام بلده واقع اولوب و وسطنده نهاوند شهری انکدخی صول جانبنده شهرزور
 شهری واقعدر و جبل عراق ایله جبل سلسله تک جمع اولدیغی محلده واشبو النجی
 قسمک جانب شرقده نهاینده دینور بلده سی بولنمشدر و قطعه ثانیه کبراده ارمینیه
 اولکه سنک برطرفی واقع اولوب و دارالملک ارمینیه اولان مراغه بلده سی بوقطعه ده
 واقعدر و جبل عراقدن مراغه بلده سنه مقابل اولان محلنه جبل بارما تسمیه اولنور که
 اکراد طاقه سی اول جبلی مسکن و وطن اتخاذا ایتشدر و نهر دجله کنارنده واقع زاب
 کپروزاب صغیر اشبو جبل بارما تک و راسنده واقعدر و اشبو قطعه ثانیه تک جهت
 شرقده آخرنده اذر بیجان اولکه سنده موجود اولان بلاددن کرسی مملکت اولان شهر
 تبریز و یلقان بلده سی موجوددر و اشوقسم سادسک شرق و شمالی مجتمع اولدیغی
 گوشه ده بحر خزر دن بوقطعه بولنمشدر و دردنجی اقلیمک النجی قسمک احوالی
 بومحلده تمام اولوب یدنجی قسمک احوالی بیسانه شروع اولندی * قسم سابع
 دردنجی اقلیمک یدنجی قسمک صاغ طرفنده و غرب جانبنده بهلوس مملکتی بلادک
 مشاهیرندن همدان و قزوین شهر لری واقع اولوب باقی بلادی اوچنجی اقلیمده در
 و مملکت بهلوسده کرسی مملکت ایران اولان مدینه اصفهان موجوددر و مدینه اصفهانی
 صاغ طرفندن برجبل احاطه ایتشدر که مدینه مزبوره تک غرب طرفندن خروج ایدوب
 و اوچنجی اقلیمه مرور ایلوب بعده قسم سادسندن یته اقلیم رابعه منعطف و منحرف
 اولوب مره بعد اخری ذکر ی مرور ایدن جبل عراقه قسم سادسک جانب شرقیسنده
 متصل اولور و جبل اصفهان اقلیم ثالثدن جهت شماله طوغر و مرور ایدوب اشبو
 دردنجی اقلیمک یدنجی قسمنه اصل اولدقده بلاد بهلوسی جانب شرقی سندن محیط
 اولوب تحتنده قم و قاشان شهر لری موجوددر و جبل مذکور نصفنه قریب محلده
 جانب غربه ذاهب بعده شرق و شماله طوغر و استداره ایله منحرف اولوب بر مقدار مساهه

ذکر بلاد عراق و عجم

ذکر بلاد بهلوس بو بلاد
 بلاد جبل دخی ذیل
 للمترجم صاحب

شروع اولندی * قسم سادس در دنجی اقلیمك التنجی قسمك طرف غریب سنده
جزیره شهرلی موجود اولوب و بلاد جزیره ك جانب شرقی سنده عراق عرب و عراق
عجم ملكتی بلده لری بر برینه منمد و متصل اوله رق اشبو قسم سادسك طرف شرقده
آخرینه قریب محله منتهی اولور و ملكت عراقك آخرنده جهت جنوبیه سندن یعنی
صاغ طرفندن غربه میل ایله اصفهان جبلی خروج ایلیوب قسم سادسك وسطنه
منتهی اولدقده شمال غرب طرفلرینه كیدوب و در دنجی اقلیمك اشبو التنجی قسمندن
چقوب بشنجی قسمده ذكری سبق ایدن جبل سلسله به متصل اولدقده اشبو قسم سادسی
بری شرقی بری غربی ایکی قطعه به تقسیم ایدر قطعه غربیه سنك طرف جنوبی سنده
نهر فراتك منع و مخرجی واقع اولوب جانب شمالی سنده دجله نهری خروج ایلی
اما نهر فرات د دنجی اقلیمك بشنجی قسمندن اشبو التنجی قسمته خروج وابتدا
قرقسیا نام بلده به مرور ایتدكده نهر من بوردن ارض شاهه طوغرو بر جدول آیریلوب
جزیره ملككنده ذكر اولسان قرقسسیا بلده سی قریبده محو اولور * بعده نهر فرات
جنوبه طوغرو منعطف و منحرف اولوب خابور و روجه نام بلده لك طرف غربی سنده
واصل اولدقده نهر من بوردن بر جدول اخردخی آیریلوب طرف جنوبه طوغرو و میل
و جری ابده رك صفین ارضك سمت شرقی سنده منتهی اولور بوندن صكره نهر فرات
ینه شرقه طوغرو جاری اوله رق براقچ جدولره منقسم اولوب بعضیسی كوفه به و بعضیسی
قصر ابن هبیره و جامعین ام محله مر و رایلیوب بعده جداول مذكوره ك جله سی
اشبو در دنجی اقلیمك قسم سادسك آخرنده اوچنجی اقلیمه داخل اولدقده حیره و قادسیه
شهرلر ك طرف شرقی لرده غوص ایدر بعده نهر فرات روجه ك جانب شرقی سندن
جاری اوله رق هیت نام محلك طرف شمالنه بعده زاب و انبار نام بلده لك صاغ جانبنه
واصل اولدقدن صكره دارالسلام بغداد اوكنده دجله نهرینه منصب و نهری بر برینه
مختلط اولدقده بحر كبی وسعت بولور اما نهر دجله دخنی بنه اقلیم رابعك بشنجی قسمندن
خروج و اشبو التنجی قسمنه دخول ایتدكده طرف شرقه طوغرو استقامت اوزره
جاری اولوب جبل عرفه متصل اولان جبل سلسله به برابر اولدقده جزیره ابن عمر نام
محلك طرف شمالی سنده بعده مدینه موصاك و تكربت شهرلر ك كذلك شماللری سمتنه
ذاهب و حدیثه نام محله منتهی اولدقده صكره شرقدن جنوب سمتنه منعطف و منحرف
اولوب حدیثه و زاب كیبر و زاب صغیر نام محله نهر من بورك طرف شرقی سنده قالورلر بعده
جنوب سمتی ایله استقامت اوزره مرور و قادسیه بلده سنك جانب غربی سنی نجماوز
ایلیوب بغداده منتهی اولدقده بر نهج اول فرات ایله مختلط اولور بوندن صكره نهرینی
مذکورین بنه سمت جنوب اوزره مرور و جرجرایا نام محلك طرف غربی سنده منتهی
اولدقده اشبو قسم سادسك خروج اوچنجی اقلیمه دخول ایدر محل من بوره دخوله
ینه شعبه لری و جدوللری كثیر اولوب بمقدار مسافه مر و ایتدكدن صكره دجله و فرات
نهرلر ك جله جدوللری بریره جمع اولوب عبادان قریبده فارس دریا سنده منصب اولور

ذكر نهر فرات ود جله

اولوب معرته نك شرقنده دخی مراغه بلده سی وینه انطاکیه نك طرف شمالنده
 مصبصه بعده ادنه شهر می بعده آخر ممالک سواحل شامیه اولان مدینه طرسوس
 واقعدر وینه جبل لکام مذکورک جانب غربی سنده قنسرین شهر می طرسوس
 بلده سنک برابر لکننده واقع بر بلده اولوب بعده عین زربه نام مدینه موجوددر وینه جبل
 لکامک طرف شرقی سنده و قنسرین شهر نیک مقابله مدینه حلب الشهباء واقع
 اولوب و عین زربه نیک مقابله مبیج نام بلده موجوددر و دروب اسمبله مسمی اولوب
 ذکر می سابق ایدن جبلک طرف یمینی ایله آق دکرک ازاسنده روم مملکتی واقعدر ک
 حالا بوعصرده عمده سلاطین جهان المجاهدین فی سبیل الله الملك المنان سلاله
 علیه آل عثمان ایدهم الله تعالی الی انقراض الدوران ضبطنده در * وبلاد و مدن
 ساحل بحر رومی ده انطالیه و علائیه بلده لر واقعدر و ذکر اولنان جبل دروب ایله
 جبل سلسله میاننده واقع بلادار مندن مرعش و ملاطیه و انقره شهر لر و سائر
 بلاد ارمن اشبوقسم خامسک طرف شمالده اخرینه و ارنجه تمت اولمشلردر * و بلاد ارمن
 خلاننده و اشبوقسم خامسک طرف شرقی سنده سیحان و جیحان نهر لر می خروج
 ایلوب ابتدا نهر جیحان شرق جا بنسندن جنوبه طوغری جاری اوله رق جبل دروب
 تجاوز ایدوب بوندن صکره مدینه طرسوسه بعده مصبصه شهرینه مرورایلر بوندن صکره
 شمال و غربه طوغر و ماثل و منحرف اولوب ساوقیه شهر نیک صاغ طرفنده آق دکره
 منصوب اولور و نهر سیحان دخی منبندن خروج ایدوب جیحان نهرینه برابر اولدقدن صکره
 انقره و مرعش شهر لرینه محاذی اولوب بعده جبال دروبی تجاوز و نهایت ارض شامه
 بالغ اولدقدن صکره عین زربه شهرینه مرور و نهر جیحان تجاوز ایتدکن صکره
 شمال و غرب طرف لرینه منحرف و مصبصه شهر نیک طرف غربی سده نهر جیحان قار شوب
 محل مزبور ملتقی النهرین اولور و بلاد جزیره دن جبل لکامک جبل سلسله به متصل اولدبغی
 محله واقع اولان قطعه سنک طرف جنوبی سنده یعنی صاغ طرفنده رافقه و رقه شهر لر می
 بعده حران بعده مروج و رها بلده لر می واقع اولوب بعده نصیبین و شمبساط
 بلده لر می بعده کرسی مملکت دیار بکر اولان آمد شهر می اشبوقسم خامسک شرق
 و شمالی سمتلنده نهایتنده بولمشلردر * و بلاد جزیره نیک اشبوذ کر اولنان قطعه سنک
 وسطنه طوغر و فرات و دجله نهر لر می مرورایلر اشبو ایکی نهر بشبغی اقلبیدن
 خروج ایلوب طرف جنوبده ارمینیه اولکه سنه مرور و جبل سلسله بی تجاوز
 ایتدکلرند صکره نهر فرات شمبساط و مروج شهر لر نیک طرف غربی لرینه واصل
 اولوب بعده جانب شرقه میل و منحرف ایله رافقه و رقه بلده لرینه مرورندن صکره
 دردنمی اقلیک النجی قسمته داخل اولور * و نهر دجله دخی منبندن خروج
 ایتدکن صکره آمد شهر نیک طرف شرقه مرور ایلوب مسافه قلیله قطع
 ایتدکن صکره جهت شرقه میل ایله نهر مزبور دخی اقلیم رابع قسم سادسنه واصل
 اولور دردنمی اقلیک بشبغی قسمته احوالی بومحله تمام اولوب قسم سادسک بیساته

ذکر نهر سیحان و نهر جیحان
 نهر جیحان مذکور بین الناس
 جهان صوتی دیکله معروف
 نهر در المترجم محمد صاحب

ذکر بلاد جزیره

بیسانه شروع اواندی * قسم خامس در دنجی اقلیمک بشنجی قسمک جنوب و غرب
 طرفلرندہ بر مقدار محلی ینہ بحر سفید سترایدوب فقط بریوک مثلث شکلندہ یعنی اوچ
 کوشہ لو برقطعه ارض بحر دن منکشف اولوب معہور اولمشدر کہ حد غربیسی اشبو
 قسم خامسک طرف شمالدہ آخرینہ منتهی اولوب وضع جنوبیسی یعنی صاغ طرفی ینہ
 اشبو قسمک ایکی ثلثی مقدار مسافدی محیط اولور و شرق جانبندہ اشبو بشنجی قسمدن
 ثلث مقداری برقطعه وارددر کہ انک طرف شمالیسی ساحل بحر ایله غرب جانبندہ منتهی
 اولور * واشبودر دنجی اقلیمک بشنجی قسمک طرف جنوبدہ واقع نصف مقداری
 قطعه سندہ شام اولنکہ سنک اسقلندہ واقع اولان بلاد اولوب واشبو قسمک وسطندہ
 جبل لکام دیمکله معروف برجیل عظیم وارددر کہ جانب شمالدہ اشبو قسم خامسک
 آخرینہ واصل اولدقد نصکرہ ینہ اول محلدن شمال و شرق جانبلرینہ طوغرو منصرف
 و منند اولدیغی محلدہ جبل مذکورہ جبل سلسله تسمیہ اولنور * واشبو محلدن جبل
 مذکور بشنجی اقلیمہ واصل اولوب و جزیرہ مملکتی بلادندن برقطعه نک جهت
 شرقیہ سنہ مجاوز اولور * واشبو جبل لکامک شمال و شرقہ منحرف اولدیغی محلاک غرب
 جهتدہ برینہ متصل جبال کثیرہ واقع اولوب جبال مذکورہ جانب شمالدہ اشبو قسم
 خامسک آخریندہ آق دکرزدہ بر بورونہ منتهی اولور واشبو طانغراک اراسندہ بین العرب
 دروب تسمیہ اولنور نیچہ یوللر واقع اولمشدر کہ انشاء الرحمن قریباً ذکر اولنہ جنق
 ارمن بلادندہ مغزی اولوب بوطا غلرله جبل سلسله نک اراسندہ اشبودر دنجی
 اقلیمک بشنجی قسمندہ اول بلاددن برقطعه بولنمشدر اما اشبو قسم خامسک
 طرف جنوبیسی اولان قطعه دہ کہ شام اولنکہ سنہ تابع بعض بلاد اولوب و جبل لکام
 مزبور آق دکر ایله و قسم مزبورک آخریندہ جنوبدن شمالہ وارنجہ واقع اولان بلادک
 اراسنہ اول قطعه دہ حائل و معترض اولوق اوزرہ ذکر اولنمشیدی * ینہ اول قطعه نک
 ساحل بحر سمتندہ بلاد شامیہ دن ابتدا انظر سوس نام بلدہ واقع اولوب اقلیم ثالثک
 ساحل بحر قطعه سندہ عرفہ و طرابلس مملکتلرینہ مجاوردر و انظر سوس
 بلدہ سنک شمالندہ جبلہ بعدہ لاذقیہ بعدہ اسکندرونہ بعدہ سلوقیہ نام شهرلر واقع
 اولوب بونلرک طرف شمالی زندہ روم مملکتی موجوددر و آق دکر ایله اشبو قسم
 خامسک آخری اراسندہ حائل اولان جبل لکامک ایکی طرفندہ بلاد شام واقع اولوب
 طرف جنوبی سنک اولندہ حصن خوایی نام بریلدہ واقع اولوب طوایف عربیہ دن
 حبشہ اسماعیلیہ ضبطندہ در کہ انلرہ بو عصر دہ فداویہ دبرلر و حصن مذکورہ
 حصن مصیبات تسمیہ اولنور * و انظر سوس بلدہ سی حصن مذکورک طرف
 شرقی سندہ و كذلك جبل لکامک جانب شرقی سندہ واقع سلیمہ بلدہ سی ینہ حصن
 مزبورہ مقابل اولوب و حصن شهری دخی بلدہ مزبورہ نک جنوبدہ واقعدر
 و ینہ حصن مصیباتک شمالندہ جبل لکام ایله آق دکر اراسندہ انطاکیہ شهری
 واقع و جبل مذکورک جانب شرقی سندہ معرہ بلدہ سی انطاکیہ شهریہ مقابل

جبل لکام مزبور غالباً
 دمشق الشام مدینہ سبلہ
 شام طرابلسی و صیدا اراسندہ
 واقع و درزی طاعی دیمکله
 مشهور اولان جبل ا
 کرکدر للترجم صا
 ۱۹
 حب

متصلدر و بونارك جانب شرق برنده و طرطوشه بلده سنك طرف شمال بسنده افراغه
 مدینه سی بعده بلده سالمك جانب شرق بسنده واقع قلعه ایوب بعده سرقسطه بعده
 لارده شهر لری موجود در اقلیم رابعك قسم اولی اولان قطعه بو محله تمام اولوب
 ایکنجی قسمند و واقع بمالکک بیانسه شروع اولندی ❖ قسم ثانی در دنجی اقلیمك
 ایکنجی قسمك اکثر محللاری بجر ستر ایلیوب انجق شمال غریبی جهتمدن بر قطعه
 ارض مکشوف قلوب اول قطعه ده جبل برتات دیمکله معروف جبل عظیمك بر مقداری
 موجود در و جبل برتات لفظنك معناسی یوللری کچید بر لری چوق طاغ دیمکدر جبل
 مزبور بشنجی اقلیمك اولکی قسمك آخرندن خروج ایدوب بو قطعه مکشوفه ده
 اشبو در دنجی اقلیمك ایکنجی قسمنه داخل اولور شویله که اقلیم خامسك قسم اولك
 آخرنده بجر محیط ساحلندن ظهور و جهت شرقه میل وانحر افله جنوب طرفنه هرور
 ایلیوب اشبو در دنجی اقلیمك ایکنجی قسمنه میل اتمکله جبل برتاتک بر قطعه سی قسم
 نائیده بولمشد و بوجبلده واقع یوللردن واراسنده اولان غشکونیه مملکتنه که حالا
 فرانسه ضبطنده در منتهی اولور ❖ واشبو اقلیم رابعك ایکنجی قسمنده بجر دن مکشوف
 و معمور اولان قطعه ده اندلس بلادندن انجق برشلونه بعده اربونه بلده لری موجود در
 واشبو ایکنجی قسمك اکثر مواضعنی ساتراولان آق دکزده قتی چوق جزیره لواردر که
 اکثری صغیر اولغله مسکون و بنی آدم ایله مشحون دکلدن بجر مذکورک جانب غریبسنده
 معمور و مسکون اولان جزیره لردن سردانیسه جزیره سی وانک جانب شرق بسنده چلبسه
 اطه سی واقع در ذکر اولنان چلبسه جزیره سی بلاد کثیره بی مشتمل اطراف واقطاری
 واسع بر جزیره عظیمه در که دوری یدی یوزمیل اولق اوزره منقولدر ❖ واشبو چلبسه
 اطه سنده موجود اولان بلده لک مشهور لری مسینی و سرقوسه و بلزم و طرائیه و مارز
 شهر لیدر و ساحل بجر رومیده افریقیه مملکتی بو جزیره به مقابل اولوب مایینلرنده
 غودش و مالطه جزیره لری وارد در دنجی اقلیمك ایکنجی قسمی بو محله تمام اولوب
 اوچنجی قسمك احوالی بیانسه شروع اولندی ❖ قسم ثالث اشبو در دنجی اقلیمك
 اوچنجی قسمك دخی اکثر محللاری آق دکز غر و ستر ایلیوب انجق شمال غریبی سمتده
 بجر دن اوچ قطعه ارض منکشف قلوب اولکی قطعه سنده حالا افرنج ضبطنده اولار
 قلوبیه مملکتی ایکنجی قطعه سی انکبرده اولکده سی اوچنجی قطعه سی بنساده یعنی
 وندیک ضبطنده اولان شهر لک بمضیل بدر قسم ثالث انجق بو اوچ قطعه ارضندن عبارت
 اولغله تمام اولوب در دنجی قسمك احوالی بیانسه شروع اولندی ❖ قسم رابع در دنجی اقلیمك
 در دنجی قسمك دخی اکثر مواضعنی بجر سفید ستر ایدوب انجق بر قاچ جزیره لر موجود در که
 انلرک دخی اکثریتک جرمی صغیر اولغله مسکون دکلدن بو قسمده معمور اولان جزیره لک
 بری اشبو قسم رابعك غرب و شمال سمتده بلبونس جزیره سی اولوب وینسه بو قسمك
 وسطندن جنوب و شرق طرفنه تمتد جزیره اقریطش دیمکله معروف بر عظیم جزیره
 وارد در که کرید اطه سیدر در دنجی قسم دخی بو محله تمام اولوب بشنجی قسمك احوالی

اقلیمك قسم اولنده ارضدن برقطعه صغیره باقی قالور که اول قطعه ده بحر محیط ایله
 بحر رومینک جمع اولدیغی محله طنجہ بلده سی واقع اولوب بعده بحر رومی کئارنده سبته
 مدینه سی بعده یط اوین و بادس بلده لری بولمشدن بوندنصکره آق دکزدردنجی اقلیمک
 قسم اولنک بقیه سنی شرق طرفه طوغر و اوچنجی اقلیمه منتهی اولنجہ سترایتمکله بوقسمک
 صاع طرفنده معموره قبل اولوب قسم اولک اکثر عمارتی سبته بوغازی خلیجینک
 ساحل شمالیسنده واقع اولمشدز که اندلس مملکتی بلادیدر * ذکر بلاد اندلس *
 اندلس اولنکه سنک ناحیه غریبه سی بحر محیط غربی ایله بحر رومی اراسنده واقع اولوب
 اول بلادک اولی طنجہ مقابلنده یته مجمع البحرین اوزرنده طرف مدینه سی بعده انکدخی
 سمت شرقیسنده ساحل بحر رومیده جزیره خضرا بعده مالعہ بعده منکب بعده مریه نام
 بلده لروارد و بو بلادک آرنده بحر محیط جانبدن جهت غریبه لرنده شریش ایله
 بله نام بلده لری واقع اولوب بونلرک مقابلنده بحر محیطده قادس نام برجزیره واردر
 وبلده شریش ایله بله نک جهت شرقیسنده اشبلیه شهری بعده اسجہ وقرطبه وخرتکه
 نام بلده لربعدہ غرناطه و جیان وایده بلده لری بعده وادیاش و بسطه واقع اولوب
 بونلرک تحتندہ و جانب غریبلرنده بحر محیط ساحلی اوزره شنتریه و شلب مدینه لری و بونلرک
 شرق طرفلرنده بطایوس ومارده و یازہ بلده لری بعده غافق ورجاله شهر لری بعده
 رباح نام برقلعه موجود در و بو بلادک تحتندہ و سمت غریبلرنده بحر محیط ساحلی اوزره
 اشبونه بلده سی و بو بلده نک جانب شرقیسنده باجه نام نهر اوزرنده شنتریه و قوریه
 بلده لری بعده قنطرة السیف نام برمدینه موجود در و اشبونه بلده سنک جهت شرقیه منه
 جبل شارات نام برکوه عظیم مسامت اولور که در دنجی اقلیمک اشبو قسم اولنک جانب
 غریبسندن ابتدا ایلیوب و قسم مزبورک شمال شرقیسنده طوغر و مسافه مدیده تمتد
 اولدقدنصکره یته اندلس بلادندن سالم نام مدینه یه منتهی اولور و اشبو جبل شاراتک
 تحتندہ و قوریه بلده سنک جانب شرقیسنده طلیبره بلده سی بعده طلیطله بعده
 وادی الحجاره بعده سالم شهری و جبل شاراتک اولی ایله اشبونه بلده سی مایینده
 فلریه نام بربلده و اقددر بوذکر اولنان بلده لاندلس مملکتینک ناحیه غریبه سننده
 موجود اولان شهر لردر * اما اندلس اولنکه سنک قطعه شرقیه سنده و ساحل بحر
 رومی اوزره واقع اولان شهر لرک ابتدا سی بلاد غریبه ده ذکر سی سبق ایدن مریه
 شهرینک مقابلنده قرطاجنه بلده سی بعده لغت بعده دانیسه و بلنسیه شهر لری بعده
 شرق طرفنده اشبو قسم اولک آخرنده طرکونه نام بلده واقع اولوب بونلرک جهت
 شمالیه سنده لورقه و شقوره نام ایکی بلده موجود در که بلاد غریبه سندن بسطه و رباح
 قلعه سنه مجاور لردر و لورقه ایله شقوره بلده لرنک طرف شرقیبلرنده مرسیه بعده
 بلنسیه نک صول طرفنده شاطبه اولنکه سی بلده لری بعده شقر بعده آخر قسم اولده
 طرکونه شهرینک تحتندہ طرطوشه بلده سی واقع اولوب و بونلرک صول طرفلرنده حجاجه
 ووبده نام بلده لر موجود در که بلاد غریبه دن شقوره و طلیطله بلده لری حدودنه

واسترقاق ایندککری اسارایی کندیلره قریب طوایف اخرایه بیع انلردخی خراسان وهند
 وعراق اولنکه لینه کوتوروب طالیپنه فروخت ایدرلر * وچنجی اقلیمک اقسام
 عشره سی وانلرده موجود اولان ممالک ومسالکک احوالی بومجلده تمام اولوب دردنجی
 اقلیمک اقسام عشره سی بیسانه شروع اولندی * اقلیم رابع دردنجی اقلیم غربدن
 شرقه طوغرو متمد معموره ارضدن برقطعه عظیمه درکه اوچنجی اقلیمک طرف شمالپسنه
 وبشنجی اقلیمک طرف جنوبپسنه متصل اولوب بوقایم دخی ساراقایم کبی ارباب
 جغرافیا قتلرند. غربدن شرقه منتهی وبرینه مساوی اون قسمه منقسم در * قسم اول
 قسم اولک طرف غرب پسنده سبته بوغازینک خارجده بحر محیط غربیدن برقطعه مستطیله
 واقع دردنجی اقلیمک اشوقسم اولنک حد جنوب پسندن حد شمالی سنه وارنجه متمد اولوب
 صلیغ طرفنده بحر محیط ساحلی اوزره طنجه شهری موجود در وبلده مزبوره نیک تحتند
 بحر محیط غربینک اشوقطعه مستطیله سندن سبته بوغازی ابتدا ایدوب اون ایکی میل
 مقداری طول ایله متمد بر بوغازدر که بحر محیطدن آق دکزه عازم اولان نیک صول طرفلرند
 واقع ساحلی اوزره جزیره خضرا نام برمدینه وصاغ جانلرند واقع کارنده قصر مجاز
 وسبته نام ایکی شهر وارد آق دکز بوغازندن خارج وطولاجهت شرقه طوغرو وذهب
 اولوب اشوب دردنجی اقلیمک بشنجی قسمنک وسطنده شام اولنکه سی ساحلارنده نهایت
 بولوب وعرضه ایکی جانبند تدریج ایله بایسله رق دردنجی اقلیمک بش قسمنک اکثر
 محللاری سترایتد بکندن ماعدا اوچنجی بشنجی اقلیملرک دخی یمن و بسارلرندن
 بر مقدار لری دخی بحر مذکورده مستور قالوب عمارت ممکن اولامشدر وآق دکز
 سواحلنده واقع بعض بلادده نسبتله بحر رومی اطلاق اولندیغی کبی بحر شامی دخی
 نسیبه اولنور * و بحر رومیده قتی چوق جزایر عظیمه اولوب جهت غربیه سنده یعنی
 سبته بوغازی قر بنده ابتدا بایسه بعده میورقه صکره میرقه بعده سردانیه بعده چلبه
 جزیره سی که بوجزیره لک جله سنک اعظمیدر بعده جزیره بلونس بعده اقریطش
 جزیره سی که کرید اطه سیدر بعده قبریس جزیره سی موجود در که انشاء الرحمن هر برینک
 احوالی محللرند علی التفصیل ذکر اولنور * واشبو بحر ومینک اوچنجی قسمنک آخرنده
 بشنجی اقلیمک اوچنجی قسمنه منتهی اولنجه یه دق لسان ترکیده وندیک کور فزی دیکله
 معروف بنادق خلیجی آق دکزده جنوبدن شماله طوغرو خروج ایدوب بعده اشوب قسم
 نالیک وسطنده جهت غربیه منعطف ومحرف اولوب اقلیم خامسک ایکنجی قسمنه
 منتهی اولور وینه آق دکزدن بشنجی اقلیمک دردنجی قسمنک آخرنده جهت شرقه
 طوغرو قسطنطنیه خلیجی که بوغاز حصاری دکزیدر اقلیم خامسک ابتدا سنده براوق
 آتمی مسافه عرض ایله بر طار بوغازدن خروج وجهت شمالده قره دکزه مرور ایدوب
 اقلیم سادسک دردنجی قسمنه منتهی اولور که انشاء الرحمن اول اقلیملرک احوالی بیسانده
 مفصلا ذکر اولنور * و بحر رومی که آق دکزدر سبته بوغازندن خروج ایدوب اوچنجی
 اقلیمه طوغرو منقسم اولدقه سبته بوغازینک صاغ طرفنده که مغرب قبسی در دردنجی

منصب اولان انهارك بری دخی بلاد و خوش نهریدر که طرف شرفدن شماله طوغرو جاری اولوب مدینه زمد نهند. نهر جیحونه ملحق و ملاقی اولور * وینه نهر جیحونه ملحق اولان انهارك بری دخی بلخا نهریدر که بلاد جوزجان قر بنده بنم ط اغلرندن خروج ایدوب و نهر جیحونه طرف غریبسنده ملحق و ملاقی اولور و نهر جیحونك کنار غریبسی اوزره خراسان مملکتی بلادندن آمل مدینه سی واقع اولوب و جانب شرقیسنده ترکستان اولکه سی مضافاتندن صفد و استروشنه مملکتلری بعده او چنجی اقلیمک سکرنجی قسمک شرق جانبده آخرینه واریجه فرغانه ارضی واقع اولمشدر و بلاد ترکستانک جمله سنی بنم طاغاری شماله طوغرو و احاطه ایشدر اقلیم ثالثک سکرنجی قسمی بو محله نهایت بولوب طقوزنجی قسمک بیانسه شروع اولندی * قسم ناسع او چنجی اقلیمک طقوزنجی قسمک طرف غریبسنده اشبو قسمک وسطنه منتهی اولجه تبت مملکتی واقع اولوب و صاغ جانبده هند اولکه سی و طرف شرقیسنده اشبو قسم ناسعک آخرینه واریجه چین شهرلری موجودد و اشبو طقوزنجی قسمک و بلاد تبتک طرف شمالیلرنده قسمک آخرینه واریجه طوایف ترکدن یعنی اولو تارستان قبائلندن خز لویه جماعتی ضبطنده اولان بلاد واقع اولوب و بو بلاده طرف غریبسندن فرغانه اولکه سی و جانب شرقیسندن ینه امم ترکدن نغر غریبسه سنه مخصوص اولان مملکت بولنوب اشبو قسم ناسعک شرق و شمال جهتلرنده آخرینه واریجه تمتد اولمشدر قسم ناسع بو محله ده تمام اولوب قسم عاشرک احوالی بیانسه شروع اولندی * قسم عاشر او چنجی اقلیمک اونجی قسمی اولان قطعه نک صاغ طرفنده واقع ارضک جمله سنده چین شهرلرنک بقیه سی واقع اولوب وصول جانبده ذکر اولسان نغر غریبسه بلاد نک بقیه سی و بونلرک سمت شرقیلرنده ینه امم ترکدن خر خیر جماعتنه مخصوص مملکت اشبو قسم عاشرک آخرینه واریجه تمتد اولمشدر و ارض خر خیرک شمالنده ینه امم ترکدن کیمک قبیله سنک ولایتلری واقع اولوب و خر خیر و کیمک مملکتلرنک مقابللرنده بحر محیطده ساحله قریب جزیره یاقوت دینکله معروف بر جزیره عظیمه موجوددر و جزیره مزبوره نک وسطنده برمدور جبل مان وارددر که قطعاً طریق و مسلکی اولوب خار جیدن اعلا سنه صعود غایه الغایه صعب و دشواردر و جزیره مزبوره ده اژدر مثال جثه دار وقتال عظیم حیللر اولوب و جواهر انواعنک اغز و اشرفی اولان بحر یاقوت دخی بغایت کثیر اولغسله اول جزیره یه قریب اولان ممالکک اهاپسی درلو درلو حبله لایله اول اجسار یاقوتی معادنندن اخراج ایدر * و اقلیم ثالثک طقوزنجی و اونجی قسملرنده واقع خراسان و جیل اولکه لندن ماعداد موجود اولان مملکتلرک جمله سی ترکستان اهاپسنه مخصوص محللر اولوب و بو طوایف عربان و تاتار قبیله لری کبی قونار کوچر مقوله سی عدو و حصری یوق بر قوم کثیردر که دوه و قیون و صغرو آن بسلیوب بونلرک منافعی کندیلره مدار معاش و سرمایة اتعاش ایشلردر و بو طوایفک بعضیسی مسلم و بعضیسی مجوس اولوب اهل اسلامی نهر جیحون طرفنه قریب محله ساکن و متمکن و کفار مجوسه غذا ایلوب سی

شهر لری کبی که بو محله خراسان مملکتی نهر جیحونه منهی اولور و اشبونهرک کنار
 شرقیسی اوزره بلاد خراسان دن ترمذ مدینه سی و کار غریب سنده کرسی مملکت اوزیک
 اولان بلخ شهری واقع اولمشدر و اشبونهر جیحون دریا نموک منبع و مخرجی بدخشان
 اولکه سنک هندستان طرفنده اولان حدودنده واقع و خان مملکتی در که اوچخی اقلیمک
 سکرنجی قسمک طرف جنوبیسندن و جهت شرقده اخرندن خروجه باشلیوب مسافه
 قلبله قطع ایتدکد نصکره جهت غربه منعطف اولوب اشبو قسم نامک وسطنه منهی
 اولور و اول محک اهل بسی نهر جیحونه نهر خراباب تسمیه ایدرر بوند نصکره نهر مزبور
 غریدن جهت شماله میل وانحر افله بر مقدار مسافه جریان ایتدکد نصکره بلاد خراسانه
 مرور ایلوب وینه سمت شمال اوزره ذاهب اوله رق بشنجی اقلیمده بحیره خوارزمه
 منصب اولور و نهر مذکور اشبو قسم نامک وسطنده جنوبدن شماله میل ایتدیکی محله
 طرف شرقیسنده واقع جبل ووخش بلادندن خروجه ایدن بش نهر عظیم ایله پنه جانب
 شرقیسنده جبال بتم اسمیله مسمی اولوطاغ ایلردن نوع ایلین انهار اخر املحق و منصب
 اولغله نهر جیحون بحر غون اولور و نهر جیحونه مد و ملحق اولان بش نهر عظیمک بری
 نهر و خشاب در که اشبو اقلیم ثالث سکرنجی قسمک جنوب و شرقی اراسنده واقع بت
 بلادندن خروجه ایدوب بر مقدار شماله میل وانحر اف ایله جهت غربه طوغر و مرور ایدر
 بعده نهر و خشابک مرور و جراسنه بر جبل عظیم حائل و معترض اولور که جبل مذکور
 اشبو قسم نامک طرف جنوبیسنک وسطندن ظهور و جهت شماله انحر اف ایله طرف
 شرقه طوغر و مرور ایدرک قسم نامک حد شمالیسنه قریب اولد قده اقلیم ثالث
 طغوزنجی قسمنه دخول ایدوب قسم نامک قطعه جنوبیه شرقیه سنده واقع بت
 بلادینی کجوب و ترکستان مملکتی ایله بلاد جبل اراسنه حائل اولور و اشبو ذکر اولنان
 جبلک مرور و عبور ایده جک انجق بر طریق اولوب اول طریقده دخی آل برامکه دز
 فضل بن یحیی برمی سد یا جوج و ما جوج کبی برسد سدید انشا و بر محکم باب بنا ایلمشدر
 نهر و خشاب ذکر اولدیغی اوزره بت بلادندن خروجه و جبل مذکورک تحتنه
 نفوذ ایدوب مسافه مدیده قطع ایتدکد نصکره بلاد و خشه واصل اولوب بعده مدینه بلخ
 قریبده نهر جیحونه ملحق و منصب اولور بوند نصکره نهر جیحون طرف شمالده ترمذ
 بلده سنه اندن دخی جوزجان بلادنه هبوط ایدر و ذکر ی سبق ایدن بلاد غورک طرف
 شرقیسنده نهر جیحون ایله بلاد مذکور نک میانده خراسان اولکه سنه تابع نامیان
 شهر لری واقع اولوب وینه اول محله نهر جیحونک کنار شرقیسنده اکثری جبال اولار
 بلاد جبل ایله بلاد ووخش واقع اولمشدر و بلاد ووخشی طرف شمالیسندن بتم طاغری
 احاطه ایتشد که جبال مذکور نهر جیحونک کنار غریب سنده خراسان مملکتی طرفندن
 جیقوب و جهت شرقه طوغر و کیدوب جبال مذکور نک طرف آخری بت بلادک
 فوقنده واقع و خشاب نهری تحتنه نافذ اولان جبل مذکور فضل بن یحیی نک سدی
 قریبده متصل اولوب جیحون نهری بوجالک اراسنده جریان ایدر و دخی نهر جیحونه

و بحر مذکورک ساحل شرقیسی اوزره فارس اولکده سی واقع اولوب وسواحل فارسک طرف اعلا سندن یعنی قسم سادسک جانب شرقده که نه ایندن جنوب طرفه وارنجبه بحر فارسدن طرف شرقه طوغر و متمد اولان ساحلی اوزره کرمان اولکده سنه تابع قفص نام جبل بولمشددر وینه ساحل شرقیده هرمز بلده سی و انک تحتده سیراف مدینه سی و بخریم نام محل واردر و بونلرک طرف شرقیسنده اقلیم ثالثک اشبو النجی قسمک آخرینه وارنجبه و رای ساحلده فارس مملکتی بلادندن شا پور دارا بچرد فسا اصطرخ شاهجان بلده لر می ایله دارالملاک ممالک فارس اولان بلده شیراز واقع اولمشددر و اشبو بلاد فارسک طرف شمالیسنده بحر فارس جانبده قریب محله خوزستان اولکده سی بلادندن اهواز نستر چند سابور سوس رام هرمز و بونلرک غیر یی بلاد ایله ارجان نام بلده واقع اولمشددر که فارس مملکتی ایله خوزستان اولکده سی اراسنده حد فاصلدر و خوزستان شهر لر ینک طرف شرقیسنده دارالملاک ممالک ایران اولان مدینه اصفهان ناحیه لر ینه وارنجبه بر برینه متصل اکراد جبلاری واقع اولمشددر که طوایف اکراد انجم اول طاغلرده قونوب ک و چوب توطن ایشلدر و بوجباله زموم تسمیه اولنور * قسم سابع اوچجی اقلیمک یدنجی قسمک طرف غریبسنده ذکر ی سق ایدن جبال قفصک بقیه سی واقع اولوب بوجبالک صاغ وصول جانبلرند کرمان و مکران اولکده لر ینک بلاد ی بولمشددر که اول بلادک مشا هیری رودان و شیرجان و جیرفت و زرد شیر و فهرج شهر لر بدر و اراض کرمانک تحتده وصول جانبند فارس اولکده سی بلاد ینک بقیه سی اصفهان حدود ینه وارنجبه متمد اولوب کرسی مملکت ایران اولان مدینه اصفهان اشبو یدنجی قسمک اخرنده غرب و شمال جهتلرند و واقع اولمشددر که اوچجی در دنجی اقلیمه متصل اولدیغی محلددر و کرمان و فارس مملکتلر ینک طرف شرقی لر ینک صاغ جانبند سبستان اولکده سی وصول طرفلرند کوهستان ولایتی واقع اولوب و کرمان و فارس و سبستان و کوهستان مملکتلر ینک ارالزنده و اشوقسم سابع و سطنده یوللری غایه الغایه صرب و سنکین و طرق و مسالکی قلیل براولو صحرای بی پایان واردر و سبستان مملکتک مشاهیر بلادندن پست و طاق نام ایکی مدینه عظیمه سی اولوب وینه قسم سابع طرف شمالده آخرنده مشاهیر بلاد خراساندن قوهستان و سرخس نام ایکی بلده موجود در اقلیم ثالثک یدنجی قسمی بومحله تمام اولوب سکرنجی قسمک احوالی بیانه شروع اولندی * قسم ثامن اوچجی اقلیمک سکرنجی قسمک طرف غریبسنده و صاغ جانبند ام ترکدن خلیج جماعته مخصوص بریه لر و بادیه لر واقع اولمشددر که غرب طرفندن سبستان اولکده سنه و صاغ جانبندن ممالک هندیه دن کابل مملکتته متصل در * و اشبو بریه لرک صول طرفنده غور و لکده سی شهر لر ی و طاغلری واقع اولوب کرسی مملکت غور هندستان بندری اولان غزنه شهر بدر و مملکت غورک طرف شمالدن نهایت و غایتده استرآباد بلده سی انکدهخی صول جانبند اشبو سکرنجی قسمک آخرینه وارنجبه وسط مملکت خراسان اولان هرات اولکده سی بلاد ی واقعدر اسراقین و فاشان و شیخ و مر و رود و طالقان و جوزجان

متصل اولوب شرق طرفنه طوغر و بر مقدار كند كد نصره . جانب شماله ميل قليل
 و نجراف يسيرايله منحرف اولوب جبل شراتك طرف شرقبسنده . جزيره العرب بلادندن
 حجر بلده سي و قوم ثمود ديارى و تيماء و دومة الجندل نام محلا واقع اولشدر كه ارض
 حجازك طرف شمالده اسافلدر و بومحلا رك فوقنده . و صاغ طرفلرند . رضوى نام جبل ايله
 خبير قلعه سي بولمشدر و ذكر اولنان جبل شراتك جبل لكاهه متصل اولديغى محله .
 مدينه مباركه قدس شريف بعده اردن بعده طبريه نام بلده ل واقع اولوب بونلرك دخی
 طرف شرقلرند بين الجبال انهار جاريه و اشجار ناميه ايله مملو بلاد غوردينگله معروف
 بلده ل اذرعان نام محله دك منتهى اولشدر و بلاد غورك سمت شرقبسنده آخر حجاز اولان
 دومة الجندل نام محل واقع اولشدر كه اشوب بشقى قسمك طرف شرقده نهايتدر و طرف
 شمالده اشوب بشقى قسمك آخرنده جبل لكاهه در دنجى اقليمه ميل ايتديكى محله .
 دمشق الشام مدينه سي واقع اولوب و ساحل بحر ده بلاد شاميه دن صيدا و بيروت
 بلده لرى مدينه دمشقك مقابله سنده بولنوب دمشق ايله بولده لك اراسنه جبل لكاهه
 حبلولت ايتشدر و مدينه دمشقك سمت شرقبسنده بعلبك شهري و جهت شماله سنده .
 قسم خامسك آخرنده و جبل لكاهه منحرف اولديغى محله حص بلده سي اولوب
 بعلبك ايله حص بلده لرى يك سمت شرقبسنده تدمر بلده سي ايله مساكن عربان اولان
 بره لر واقع اولشدر اقليم ثالثك بشقى قسمى اشوب محله نهايت بولوب التهى قسمه
 شروع اولدى * قسم سادس اقليم ثالثك التهى قسمك جانب اعلا سنده يعنى غرب
 و جنوب طرفلرند . جزيره العرب مما لكيندن نجد و عمامه اولكده لرى يك تحتده طوايف
 عربان جولان ايتديكى باديه لر واردر و نجد و عمامه اولكده لرى عراج و صمان نام ايكي
 جبلك اراسنده واقعدر كه جبلين مذکورين فارس درياسى كارنده بحر بن و هجر
 ولايتلر يشه منتهى اولور و اشوب التهى قسمك صول طرفنده ذكر اولنان باديه عربانك
 تحتده حيره و قادسيه بلده لرى و نهر فرا تك غوص ايتديكى كوللر ايله بونلرك طرف
 شرقبسنده بصره شهري واقع اولشدر * و اشوب اقليم ثالثك التهى قسمك طرف
 شمالنده فارس درياسى عبادان ايله ايله نام محله نهايت بولوب و دجله نهري عبادان
 بلده سي قرينده بحر فارسه منصب اولور بوندن اقدم ذكر اولديغى اوزره دجله نهريكه
 شط العربدر جدا اول كشيده يه مفترق و منقسم اولوب و نهر فراتدن كندويه شعب كشيده
 مختلط اولدق نصره جله سي عبادان حدودنده بره كلوب بحر فارسه دو كيلور * و بحر
 فارسدن بوقسمده بولنان قطعه ك طرف اعلا سي يعنى شرق جانبى واسع و شرقدن
 غرب و شمال طرفنه طوغر و تمتد اولدجه ضيق اولوب عبادانه وصولنده نهايت بولور
 * و اشوب بحر فارسك ايكي طرفده اولان ساحلر ينك برى غربى و برى شرقيدر ساحل
 غربيه سي كه مدينه بصره حداسنده جزيره العرب ارضنده واقع اولوب اول ساحلده
 بصره دن صكره بحر بن اولكه سنك اسافل و هجر بلده سي و احسان نام محل بولنوب
 انلرك دخی طرف غربيه سي و صمان نام محلا ايله عمامه ارضنك بقیه سي واقع اولشدر

محل واقع اولشدر و بومحلدن بحر قلزم ساحلی شمالدن جنوبه طوغر و منحرف اولوب
 سابقده ذکر اولندیغی اوزره ایکتی اقلیمک بشنجی قعمنده ارض حجاز بولمشدر وینه
 اشبو اقلیم ثالثک بشنجی قسمک ناحیه شمالیه سنه آق دکزدن برقطعه دخول ایدوب
 وقسم خامسک طرف غربی سنده قتی چوق محلی ستر ایلوب ناحیه مذکوره ده آق دکز
 ساحلی اوزره فرما و عریش نام ایکی بلده واقع اولمشدر که بلد تین مذکور تین ایله نهایت
 بحر قلزمده واقع قلزم بلده سنک ازارانده اولان مسافه متقارب و متضایق اولغله دیار
 مصر دن ارض شامه دخول ایچون قیومثابه سنده اولمشدر و بحرین مذکورین
 اراسنده اولان مسافه ضیقہ نک طرف غربیسنده تبه صحراسی واقع اولمشدر که فخص
 تبه اسمبله مسما در بومحرا عشب و نبات دن معرا برارض پهنا و فضای جردا در که قرآن
 کریمده ذکر اولندیغی اوزره طائفة بنی اسرائیل مصر دن خروج ایدوب شامه
 دخول زدن مقدم بومحرا ده قرق سنه مقداری محبوس اولمشدر و بحر رومی دن اشبو
 بشنجی قسمه دخول ایدن قطعه ده قبریس جزیره سنک ارض مصره مقابل اولان
 سبتی واقع اولوب بقعه سی دردنجی اقلیمده بولغله جزیره مذکوره نک برقطعه سی اوچنجی
 اقلیمده قطعه اخراسی دردنجی اقلیمده واقع اولور و آق دکزدن بوقطعه نک ساحلی
 اوزره واقع اولان عریش بلده سی طرف شرقده دیار مصریه نک آخری اولوب وینه
 ساحل بحر ده عسقلان بلده سی ایله عریشک میاننده آق دکزک نهایتی اولان طرف واقع
 اولمشدر بوندن صکره بحیرک اشبو قطعه شمالیه سنک عسقلان دن طرف شماله طوغر و میل
 یتمند اولور ق طرابلس شام عرقه بلده رینه وصولنده دردنجی اقلیمه واصل اولور
 و اشبو بلد تین مذکور تین آق دکزک جهت شرقیه سنده نهایتی در و آق دکزک طرف
 شرقنده بشنجی قسمده داخل اولان قطعه سی اوزرنده ممالک شام ساحلرینک اکثری
 واقع اولوب ابتدا بلده عسقلانک طرف شرقیسنده جانب شماله انحراف یسیر ایله بلاد
 شام دن قیساریه بلده سی بعده هکا بعده صور بعده صیدا صکره عرقه شهر لری
 بولمشدر بولنده ل دصکره اقی دکر اقلیم رابعه دخول و طرف شمالده بلاد رومه طوغر و
 منحرف و یتمند اولور و اشبو ممالک شام دن ذکر اولان بلاد ساحلیه که عسقلان دن
 طرابلس شام و عرقه طوغر و یتمند اولمشدر و بلاد مذکوریه جبل لکام اسمبله
 معروف بر جبل عظیم مقابل اولور که جبل مذکورینه اقلیم ثالثک بشنجی قسمی حد و دنده
 و قلزم دریاسی کنارنده واقع ایله ساحل دن خروج ایدوب و طرف شرق دن ناحیه شماله
 طوغر و میل و انحراف ایدرک اشبو قسم خامسی نجماوز ایدر کویا جبل مذکور ارض
 مصر ایله دیار شامی فصل ایشدر و جبل لکامک ایله سمتنده اولان طرفی قتمنده جانب
 مصر دن مکه مکرمه شرفها الله تعالی یه عازم اولان حجاجک مرورایتدک لری عقبه
 وارد و عقبه مذکوریه نک طرف شمالنده جدالانیا ابراهیم صلوات الله تعالی علیه و سلامه
 حضرت نرینک مدفن مقدس لری اولان محل جبل شراة عنوانه معروف بر جبل قرینده
 واقع اولمشدر و جبل شراة ذکر اولان جبل لکامه عقبه مذکوریه نک طرف شمالندن

آق دکز ساحلی اراسنده اولان قطعه شمالیه تک جانب غربی سنده ساحل بحر اوزره
 سرت نام مدینه ایله بعض طوایف عربانه مخصوص صحرائ و بریه لر بعده اجدایه نام محل
 بعده جبل در تک طرف شماله منحرف و منعطف اولدیغی محله برقه اولکده سی بعده
 ساحل بحر ده طلیئه نام بلده واقع اولشدر ❁ بوندنصکره دخی جبل مذکورک منحرف
 اولدیغی محلك طرف شرقی سنده هبب ورواحه نام عربان قبیله لرینه مخصوص بریه لر
 و صحرائ قسم ثالثک اخرینه دک تمتد اولوب اوچنجی قسم بو محله تمام اولور ❁ قسم رابع
 اقلیم ثالثک در دنجی قسم تک طرف اعلاسی که صاغ طرفیدر اشبو طرف اعلا تک جانب
 غربی سنده قبائل عربدن برنیق قبیله سنه مخصوص صحرائ واقع اولوب بو صحرائک
 طرف اسفلنده یعنی صول طرفنده قسم ثالثده ذکر می سبق ایدن هبب ورواحه بلده لر
 وارد بوندنصکره آق دکز در دنجی قسم تک دخی صاغ طرفنه طوغرو وافر تمتد اولوب
 مسافه کثیره سنی غر و ستر ایدرک طرف اعلاسنه مزاحجه ایدوب بر عظیم کورفز احداث
 ایدر که ساحل بحر ایله بو قسمک اراسنده طوایف عربان ساکن اولور صحرائ و بریه لر باقی
 فالور واشبو ذکر اولسان بادیه لرک سمت شرقی سنده دیار مصر دن فیوم شهر لر ی
 بولمشدر و بلاد فیوم اقلیم ثانی تک در دنجی قسمنده صعید مصر بلادندن لاهون نام
 بلده به مرور ایدن نهر نیل جسدوللرینک برینک بحیره فیومه منصب اولدیغی محله
 واقعدر ❁ و بلاد فیومک دخی طرف شرقی سنده وینه اقلیم ثانی تک در دنجی قسمنده
 صعید بلادندن دلاص نام بلده به جاری اولان نهر نیل اوزرنده دارالملک ممالک مصر
 اولان مدینه معبوره مصر القاهره واقع اولشدر و نهر نیلک بوایکی جسدوللری دخی
 محروسه مصرک تختنده ایکی جسدول آخره متفرق اولوب بری بلاد مصر دن شطنوف
 نام بلده به وجسدول آخری زفته نام بلده به مرور ایدر بو جسدوللرک دخی قسم ایمنی
 بزوط نام محله ایکی شعبه به بولنوب نهر نیلک جله جسدوللری بحر رومی به منصب اولوب
 ابتدا طرف فرییده منصب اولدیغی محله اسکندریه بلده سی و سطنده رشید شهری
 منصب شرقیسی اوزرنده مدینه دمباط واقع اولشدر و محروسه مصر القاهره ایله
 سواحل بحر په تک میاننده اولان دیار مصر به تک مجموعی مزارع معبوره و بساتین مغروسه
 ایله مملو و مشهور بر قطعه جنت نموندر بو محله اقلیم ثالثک در دنجی قسمی تمام اولوب
 بشنجی قسمنه شروع و ابتدا اولنور ❁ قسم خامس اقلیم ثالثک بشنجی قسمنده شام
 اولکده سنک اکثر مواضعی واقع اولشدر که وصف و بیان اولنور ❁ معلوم اوله که قلزم
 دریاسی طرف جنوبده هند در یاسندن آریلوب مندب بوغازندن بر و شمال جانبنه میل
 ایدوب ارض حجاز ساحلنه وصولنده جهت غربه منحرف اولدیغی محلدن بحر قلزم دن
 بر قطعه طویله اقلیم ثالثک اشبو در دنجی قسمنده واقع اولوب بو قسمک طرف غربی سنده
 بلاد مصر دن سویس بلده سنه وصولنده بحر مذکور منتهی اولور و بحر قلزمک بو قطعه
 غربیه سی ساحلی اوزره جزیره العرب ارضنده سویس بلده سی و جبال فاران بعده جبل طور
 بعده ایله که مدین بلده سیدر بعده اشبو در دنجی قسمک طرف جنوبی سنک آخرنده حورا نام

متمد اشیر بلده سی بعده مسیله مدینه سی وزاب اولکه سی واقع اولشدر که قاعده الملکی
بسکره شهر بدر * بوندن صکره قسم اولک جهت شرقدن آخرنده ذکری مرویدن
جبل درنه متصل اوراس جیلی واقع اولشدر اقلیم ثالث قسم اولی بو محله تمام اولوب
قسم ثانیه اولان بلادک بسانه شروع اولندی * قسم ثانی اوچنجی اقلیمک اولکی
قسمی کی ایکنجی قسمک دخی صاع طرفندن ثلثی مقدارینی جبل درن غربدن شرقه طوغرو
احاطه واستیعاب ایدوب قسم ثانی بی جنوب و شمال طرفلرنده ایکی قطعه یه تقسیم ایدر
لیکن قطعه شمالیه سندن بمقدار مسافه سنی آق دکز غمر و ستر ایتمکله بمقدار ارض بحر دن
منکشف اولوب معمور قالمشدر * و قطعه جنوبیه سندن جبل درنک وراسنده اولان
مسافه تک جانب غریبسنک مجموعی مفازلر و بریهلر اولوب طرف شرقیسنده طوایف بریه
ضبطنده غدامس بلده سی انکدخی سمت شرقی سنده اقلیم ثانیه ذکری مرویدن
ودان اولکه سنک واشبورن طاغنت جوقنده داخل وجانب شمالیسنده واقع اولار
قطعه ایله اق دکزک مابینده واقع مسافه تک جانب غریبسنده اوراس جیلی ویتسه
واریس ولایتلری اولوب وساحل بحر رومیده بونه بلده سی موجوددر * بوذ کر اولتان
بلادک طرف شرقی سنده بلاد عدیده بی مشتل افریقه مملکتی واقع اولوب ساحل
بحر رومیده تونس قلعه سی اندن سوسه نام شهر بعده مهدیه قلعه سی بولمشدر
وینه افریقه اولکه سندن اشبوذ کراولتان بلادک صاع طرفلرنده درن طاغنت
مختصه جرید اولکه سی شهر لردن توزر وقفصه وقراره نام بلده ل و بو بلاد
ایله سواحل بحر رومی اراسنده قیروان وجبل و سلات و سییطله
مدینه لری واقع اولشدر و بوذ کراولتان بلادک سمت شرقی سنده دخی
کار بحر رومی ده طرابلس غرب شهری وانک دخی صاع طرفند درن جبله متصل
هواره قبائلندن دمر و مقزیه نام ایکی قبیله تک مسکنی اولان جبال واقع اولشدر که اشبو
قسم ثانی تک قطعه جنوبیه سنک آخرنده ذکری مرویدن غدامس شهری
مقابلنده در * وینه قسم ثانی تک طرف شرقده آخرنده کار بحر رومی ده سویقه ابن مسکود
نام بلده انکدخی صاع طرفند و دان ارضند مساکن عربان بعض بریه ل واقع اولشدر
* قسم ثالث ینه اوچنجی اقلیمک اوچنجی قسمنه دخی جبل درن متمد اولوب واشبو قسم
ثالثک آخرنده جبل مذکور طرف جنوبدن جهت شماله طوغرو منحرف و شمال سمتی
وزره امتداد ایله آق دکز ساحلنه منتهی اولور و جبل مذکورک نهایت بولدی بغی طرفه
رأس اوئان تسیمه اولنور واشبو بحر رومی یعنی آق دکز اوچنجی اقلیمک قسم ثالثک دخی
طرف شمالیسنه دخول ایله قسم ثالثدن وانر مسافه ستر و غمر ایلیوب ساحل ایله جبل درن
مابیننده بمقدار مسافه ضعیفه باقی قالور و جبل مذکورک وراسنده واقع قطعه ارضک
جنوب و غرب طرفلرنده و دان ارضنک بقیه سی ایله اولحوالیده مساکن طوایف عربانه
مخصوص بریه ل واقع اولوب اندن صکره زویله ابن خطاب نام محل بعده اشبو قسم ثالثک
طرف شرقده آخرنده منتهی اولنجه نیجه ریکستان وادیلر و مغازه ل وارددر و درن طاغنی ایله

قسم اولندن آخرینه وارنجه غربدن شرقه طوغرو و متمد اولمشلردر و جبل حد کور
 ساحل بحر محیط غربیدن ابتدا ایندیکی محلهدن ملویه نام صحرا برابرینه کلهجه
 بری یوزدن اونه جائیده سرور و عبور ایده جک یوللری قلیل اولوب لکن
 ملویه صحرا سندن نهایی اولان موضعه دك مر و قعبرلی و طرق و مسالکی کثیر
 و متعدد اولور * واشبودن طاغنگ طرف غربی سنده اعظم طوایف بر بریه اولان
 مصامده قبیله سندن جماعات کثیره و قبائل عدیده متوطن اولوب ابتدا بحر محیط طرفنده
 فسکسویه قبیله سی بعده هنتانه جماعتی بعده تینل طائفه سی اذن صکره کد مبو
 قبیله سی بعده هسکوره طائفه سی ساکن اولور که مصامده قبیله لریک آخریدر طوایف
 مصامده دن صکره جبل مذکورده ینه طوایف بر بریه دن صنهاجه قبیله سی ساکن اولور
 بوندن صکره اقلیم ناینک قسم اولنک آخرنده ینه بر بریه دن زنانه قبیله سندن بعض طائفه
 ساکن اولور * واشبو قسم اولک آخرنده جبل ذرته اوراس نام بر جبل اخر متصل اولور که
 طوایف بر بردن کلامه قبیله سنک مسکنلری اولغله جبل کتافه دخی اطلاق اولور
 واشبودن طاغنده قبائل زنانه دن صکره شرقه طوغرو و طوایف بر بریه دن ام کثیره
 و جماعات عدیده ساکن اولور لکه انشاء الرحمن هر بری محلهده علی الترتیب ذکر و تفصیل
 اولور * واشبو جبل درن مغرب زمیندن غرب اقصا اولک سیکه فاس مملکتی در مملکت
 مزبوره ده واقع بلادک دخی اوزرینه مظل اولوب اول بلاد لر جبل مذکورک جو فنده
 داخلدر ابتدا جبل درنک ناحیه جنویه سنده یعنی صماغ طرفنده مراکش و انجات
 و تادلا شهرلی واقع اولوب و ینه طرف جنوبیده بحر محیط ساحلی اوزره اسفا قلعه سی
 و سلامدینه سی موجوددر و مراکش شهرینک طرف شرق سنده فاس شهری و مکناس
 و نازا و قصر کلامه مدینه لری واقع اولمشدر بود کرا اولنان بلادی مشتل اولان مملکت
 عرف اهل جغرافیهده مغرب اقصا اولک سی دبرل * و غرب اقصا مملکتک ناحیه
 شرقیه سنده بحر محیط کارنده ارضیلا و غرایش بلده لری واقع اولوب و بوبلادک سمت
 شرق سنده غرب اوسط شهرلی واقع اولمشدر که دارالملکی تلسان بلده سیدر * و غرب
 اوسط اولک سنده آق دکز سواحلی اوزره هنین شهری و وهران قلعه سی و جزایر اولک سی
 واقعدر زیر بحر رومی یعنی آق دکز بحر محیط بوغازی اولان طنجه خلجی که سنه
 بوغازیدر ذکر اولنان بحر رومی اول بوغازدن اقلیم ناینک طرف غرب سندن خروج
 اندکده طولاً مشرق طرفنه طوغرو متمد اوله ق بلاد شام سواحله منتهی اولوب و عرضاً
 جنوب و شمال جائیدینه کمال وسعت ایله منتشر اوله رق اوچجی درنجی بشجی اقلیم
 داخل اولغله اقلیم نالندن بحر رومی کارنده غرب اوسط بلادندن جنوب بلده واقع اولمشدر
 * و دخی ذکر اولنان جزایر شهر لریک طرف شرق سندن ساحل بحر رومیده بجابه
 بلده سی انکدخی طرف شرقی سنده قسطنطنیه شهری واقع اولمشدر * و دخی غرب
 اوسط بلادندن اقلیم نالک قسم اولنک آخرنده ساحل بحر رومیدن بحر خله مسافه عید
 محله ذکر اولنان بلاد ساحلیه نک جنوبیده و غرب اوسط اولک سنک صماغ طرفنه طوغرو

جانب غربی سنده در ❁ و بلاد سند ایله ارض هندك اراسنده حائل اولان بر بهر و بادیه
 دخی قسم سابعده در و بلاد هند طرفندن ممالک سنده جاری اولان نهر عظیم دخی
 اقلیم ناینک بوقسمنده بحر هنده منصب اولور وینه قسم سابعده ساحل بحر هندی
 هند مملکتك حد غربی سی ابتدا ایدوب سندا اولکه سنك طرف شرقی سنده مداین هنددن
 ابتدا بلهرا نام اولکه نك بلادی بعده انك تحتند ملتان نام شهر واقع اولشدر که
 بلده مزبوره ده محوس هند ینلرنده معتبر برصم عظیم اولغله مدینه مزبوره به اعتبار ایدوب
 زعم باطلاری اوزره زیارت کولور بوندن صکره ملتان بلده سنك تحتند یعنی صول
 طرفنده سهستان اولکه سی بلادنك اواملی واقع اولوب اقلیم ناینک قسم سابعی تمام اولور
 ❁ و دخی اقلیم ناینک سکرچی قسمك طرف غربی سنده ممالک هندی دن ذکر می مرور ایدن
 بلهرا اولکه سنك بقیه سی واقع اولوب انك دخی جانب شرقی سنده قندهار بلادی ایله
 قندهارک جانب اعلا سنده یعنی صاغ طرفنده ساحل بحر هند اوزرنده منبیار اولکه سی
 شهر لری و منبیارک صول طرفنده کابل مملکتی بونلردن صکره طرف شرقی بحر محیطه
 طوغرو ممالک هندی دن قنوج اولکه سی بلادی بولمشد که اقلیم ناینک آخرنده کشمیر
 داخله و کشمیر خارجه اولکه سی اراسنده بلاد کثیره بی مشتل بر مملکت عظیمه در
 ❁ و دخی اقلیم ناینک طغوزچی قسمك جانب غربی سنده ممالک هندك طرف شرقی
 منتهی اولدیغی بلاد واقع اولشدر که بر برینه متصل امتد اوله رق اقلیم ناینک اونچی قسمك
 اوائلنده نهایت بولور و قسم شامک جانب اسفلنده یعنی صول طرفنده چین ممالکندن
 بر قطعه واقع در که اول قطعه ده بلاد چیندن خیفون نام بر شهر بولمشد بوندن صکره
 اقلیم ناینک اونچی قسمك ماعداسنده بحر محیط شرقی به طوغرو بر برینه متصل امتد اولان
 بلاد چین دن بر نیجه بلده لر بولنوب ماوراسی بحر محیط در اقلیم ثانی بو محله تمام اولوب
 اوچنجی اقلیمک احوالی یسانه شروع اولندی ❁ اقلیم ثالث بو اقلیمک اولکی قسمك
 جانب اعلا سنی یعنی غرب و جنوب طرفنك ثلثی مقدارنی جبل درن دیمکله معروف
 بر جبل عظیم احاطه ایلوب مبدأ عمارت اولان بحر محیط غربی ساحلندن ابتدا ایدوب
 اوچنجی اقلیمک قسم اولنك اخرینه منتهی اولوب واتی دخی نجاوزایت کدن صکره قتی چوق
 مسافه تمتد اولور بر جبل عظیمدر بوجبلده طوایف بر بردن اولقدر ام کثیره ساکن اولور که
 همد و حسابی انجیق جناب رب العالمین بیلور نته کیم محلنده انشاء الرحمن ذکر وتفصیل
 اولنور ❁ اشبویار غربده ذکر اولسان درن طاعنی ایله ایکنجی اقلیمک آخرینك اراسنده
 واقع اولان قطعه ارضده و بحر محیط ساحلی اوزره بر برینه قریب مدافعه اعدا ایچون
 مبنی وافر قلعه لر وارد و بوقلاعک طرف شرقی سنده مغرب ایالتلردن سوس ونول نام
 ممالکک بلادی واقع اولوب و بونلرک جانب شرقی بلرنده دخی درعه اولکه سی بلادی انلردن صکره
 سهلماسه مملکتی اندن صکره دخی اقلیم ناینده ذکر ایتدی کمز نیسره صحرا سندن بر قطعه
 واقع اولشدر ❁ و اشبویار جبل درن ذکر اولنك بلادک جمله سنك اوزرنه سایه انداز
 برکوه سرفراز اولوب ممالک مذکوره بوجبل شاهقک ذبلنده بر برینه متصل اقلیم ناینک

نام ایکی بلده واقع اولوب بعده صعید شهرلی نهر نیک ایکی طرفده بین الجبلین بریرینه
متصلاً بمند اوله رق بلاد مصر دن اسبوط ایله قوص نام بلده زه انردن صکره صول
بلده سنه منتهی اولور صول بلده سنه وصولنده نهر نیل ایکی بولنوب جدول ایمنی اقلیم
تاینک دردیچی قسمنده ینه بلاد مصر دن لاهون نام مدینه به جدول ایسری دلاص نام
شهره طوغری تمتد و جاری اولور * و نبل مصرک طرف اعلاسنده واقع اولان صعید
شهرلی وقریه لری بویکی جدولک اراسنده در * و نهر نیک طرف شرقبسنده واقع
جبل مقطمک شرقی سمتده و اقلیم تاینک بشنجی قسمنده حبش اولنکه سنه تابع عیداب
حکراسی واقع اولوب جبل مقطمک وراسدن قازم دریاسی ساحلنه منتهی برعظیم صحرا در
وینه ایکنجی اقلیمک بشنجی قسمنده واقع ارض حبش مقابلنده و بحر قازمک ساحل شرقبسنده
جزیره العرب ممالکندن یلم اولنکه سی طرفدن بلده مبارکه یثرب نهایتنه وارنجه که مدینه
منوره در ارض حجازدن برقطعه واقع اولوب وارض حجازک وسطی مکة مکرمه شرفهاالله
نعالی ایله تشریف اولمشدر * وینه عیداب حکراسی مقابلنده قازم دریاسنک ساحل
شرقی سنده مکة مکرمه اسکله سی اولان بندر معموره جده بولمشدر * وایکنجی اقلیمک
التنجی قسمنک غرب جهتمنده جزیره العرب ممالکندن نجد بلادی واقع اولوب بلاد
مذکورهدن غرب و جنوب سمتلنده جرش و تباله نام شهرلر و شمال غریبه عکاظ نام بلده
واقع اولمشدر * و اقلیم تاینک التنجی قسمنده نجد شهرلر نیک طرف شماله طوغرو تحتند
ارض حجازک بقیه سی و حجاز اولنکه سنک طرف شرقبسنده نجران و چند نام بلده لواقع
اولوب و بونلرک دخی تحتند بیا مه شهری و بلاد نجرانک جانب شرقبسنده سبأ و مأرب
اولنکه لری بعده بحر فارس ساحلنده بلاد شحره منتهی اولور ذکر اولنان ممالک ساحل بحر
قازمدن فارس دریاسی کنارنه وارنجه جزیره العرب ارضنده واقعدر * و دخی اقلیم تاینک
التنجی قسمنده هند دریاسدن منفصل اولان بحر فارس طرف جنوبدن شمال و غرب طرفلرینه
منحرف و مائل اولوب و قسم سادسک شرق طرفنی بحر فارس غر و ستر ایلمکله انجق
جزیره العرب ارضندن قسم سادسده مثلث الشکل برقطعه بحر دن منکشف قالمشدر
قطعه مذکورهدن طرف اعلاسنده فارس دریاسی بحر هنددن مفارقت اتدیکی محله قریب
موضعده قلهاک مدینه سی واقع اولمشدر که مالک یمندن شهر مملکتی ساحلنده بر بلده در
و مدینه قلهاک تحتند ینه ساحل بحر فارسده عمان اولنکه سی بلده لری بعده بحرین بلادی
و هجر بلده سی قسم سادسک آخرنده بصره طرفنه طوغرو تمتد اولمشدر وینه اقلیم
تاینک یدنجی قسمنک طرف غریبسندن بحر فارسدن برقطعه التنجی قسمنده اولان قطعه
اخرابه متصل اولوب و هند دریاسی اقلیم مذکورک یدنجی قسمنک جانب اعلاسنی یعنی اقلیم
اولک اخرینه متصل اولدیغی سمتی بالکلیه ستر ایتمکله عمارت ممکن اولماشدر * بحر فارس
بوغازینک خارجنده بحر هند ساحلنده سند اولنکه سی شهرلی واقع اولوب طوایف عجم
ضبطنده اولان مکران مملکتی بلادنه متصلدر * و بلاد مکرانک مقابلنده سند اولنکه سنه
تابع طوبران نام مملکت واقع اولوب بلاد سندک جله سی اقلیم تاینک یدنجی قسمنک

برقطعه قلیله دن بحر هند منکسف اولغله ذکر اولنان یمن بلده لری اول قطعه ده بولنشدر
 * واقلم اولک غربدن شرقه طوغری بدنجی سکرنجی قسم لرینی بحر هند سترایدوب
 طقوزنجی قسمندن مقدار قلیل واوننجی قسمندن دخی زیاده جه برر قطعه ارض بولنوب
 چین اولکهنک طرف اعلاسنده بعض بلاد بولنشدر وچین شهر لرندن خانکو اسمیله
 معروف مدینه مشهوره بوقطعه ده واقع اولوب مقابلنده ذکر سبقت ایدن سیلا جزیره لری
 بولنشدر بومخلده اقلیم اولده اولان کلان تمام اولوب اقلیم نائینک احوالی ییانه شروع
 اولندی * اقلیم نائی ایکنجی اقلیمک ابتداسی اولکی اقلیمک اخرینه متصل ونیجه
 بلاد و جبال و بحار و انهارى مشتل اولوب غربدن شرقه طوغری ممتدرر ایکنجی اقلیمک
 ابتداسی اولان ساحل بحر محیطک جهت غربیه سنده بحر محیط داخلنده سابقا ذکرى
 مرور ایدن جزایر خالدانن ایکی جزیره واردر * واقلم نائی تک اقسامندن اولکی ایکنجی
 قسم لرینک طرف اعلازنده یعنی اقلیم اوله متصل اولدیغی جمله که صاغ طرفیدر ممالک
 سودانن قنوریه ارضی واقع اولوب و بوارضک جهت شرقیه سنده ینه سودان ممالکنندن
 غانه مملکتک بقیه سی بعده قبائل سودانن زناوه نام قبيله یه مخصوص بریه واقع اولنشدر
 وغانه ایله زناوه مملکت لرینک جانب اسفلنده یعنی صول طرفنده غربدن شرقه طوغری
 متمدومغرب شهر لریله سودان مملکت لرینک اراننده واقع نیسره صحراسی دیمکله معروف
 بر صحرای وسیع واقع اولنشدر که سودان ومغرب تجار لری اول صحرا یه مرور ایدوب بر لر لریله
 معامله ایدر لر بوسخراده قبائل بر بردن صنه اجه قبيله سندن منشعب قلمین دیمکله معروف
 جماعت کثیره وطن ایشدر که طوایف عربان کی قونار کوجر مقوله سی برطانه در واشبو
 صنه اجه قبيله سی شعوب کثیره و جماعت عدیده یه مفرق بر قبيله عظیمه اولوب کداله
 لمتونه مسوفه لطمه و تزیکه جاغت لری اشبو صنه اجه قبيله سندن برر شعبه در واشبو
 نیسره صحراسنک جانب شرقیسنده قبائل بر بریه دن و دان قبيله سنک وطن لری بعده
 از کبار جماعته مخصوص ارضی واقع اولنشدر که اشو ایکنجی اقلیمک قسم نائی سندن
 اوچنجی قسمنک اعلاسنه منتهی براض واسعدر * بونلردن صکره ایکنجی اقلیمک اوچنجی
 قسمنده امم سودانن کوار جاغتک تصرفنده اولان بلاد واقع اولوب بعده ینه
 طوایف سودانن تاجوین اسمیله معروف طائفه تک مملکت لریندن برقطعه بولنشدر وینه
 اقلیم نائی تک اوچنجی قسمنک جهت شمالیه سنده و دان ارضنک بقیه سی واقع اولوب
 بعده ارض مذکورک سمت شرقی سنده سنتریه مملکتی بولنشدر که الواحات داخله اسمیله
 مسمی بر عظیم اولک در * وینه اقلیم نائینک دردیجی قسمنک طرف اعلاسنده که صاغ
 طرفیدر ممالک سودانن تاجوین ارضنک بقیه سی واقع اولنشدر بوندن صکره دردیجی قسمنک
 وسطنده صعبید مصر شهر لری واقع اولوب نیل مصرک ایکی جانب لرینده بر برینه متصل بلاد
 کثیره در * نهر نیل بومخله کسد کده طرف غریبسنده واقع الواحات جبلی ایله جانب
 شرقی سنده اولان جبل مقطم اسمیله مسمی جبلک ارانندن جریان ایدرک محروسه مقهوره
 مصر القاهره به داخل اولور * نهر نیلک طرف اعلاسنده صعبید بلادندن اسنیا وارمنت

و بحر هند من سفینه لری کلوب مندب بوغازندن قلزم در یاسنه داخل اولوب ارض
 مصرده سوپس ساحلنه واروب لنگر انداز قرار اولورلر واشبو مندب بوغازنیک تختنده
 بحر قازنده سواکن ودهلک ایکی جزیره واقع اولوب ودهلک جزیره سنک طرف غریبسنده
 بحر قازم ساحلنده بوندن اقدم ذکر اولنان بجه سودانلیرنیک قونوب کوچدکری صحرار
 بولمشدر وینه جزیره مزپوره نیک شرق طرفنده جزیره العرب ارضنده قلزم ساحلنده
 نهامین اولککه سی وحلی بن یعقوب نام بلده واقع اولمشدر * و دخی مندب خلیجک
 خارجنده و بحر هند ساحلنک طرف غریبسنده و بوندن اقدم ذکر ایتمکمز ذیلع شهرنیک
 صباغ طرفنده برینه متصل برقریه لری اولوب بحر هندک طرف جنوبیسنده
 ینه اقلیم اولک التنجی قطعہ سنک اخرنه دک متمد اولور * و برقریه لینه شرق طرفندن
 زنج و زنکار بلادی متصل اولوب بعده اقلیم اولک یمنی قسمنده بحر هندک ساحل
 جنوبیسی اوزره سفالہ الزنج بلادی واقع اولمشدر و سفالہ الزنج مملکتنک طرف
 شرقیسنده ینه بحر هندک ساحل جنوبیسنده اقلیم اولک اوتنجی قسمنه منتهی اولجه
 برقریه متصل و قواق بلده لری واقع اولمشدر * معلوم اوله که سابقا تجدید و تعریف اولنان
 هند و حبش دریاسی داخلنده قتی چوق جزیره لر اولوب اعظم و اکبری ساحل بحرده
 سفالہ الزنج اولککه سی مقابلنده سرندیب جزیره سیدر که مدور الشکل برجزیره عظیمه در
 و بو جزیره برجل مشهور واردد که روی ارضده بوندن اعلا جیل اولماق اوزره منقولدر
 بوندن صکره بحر هندده جزیره القمر نامله معروف برطولانی جزیره عظیمه دخی واردد که
 سفالہ الزنج مملکتی قارشوسندن شرقه طوغرو متمد و بحرک طرف شمالنه انحراف کثیر ایله منحرف
 اولوب چین اولککه سنک اعلا لرنیک ساحل لرنه قریب اولور * و بو جزیره بی صباغ طرفندن
 و قواق جزیره لیه طرف شرقیسندن سیلان جزیره لری و سائر جزائر کثیره احاطه ایلمشدر
 واشبو ذکر اولنان جزیره لده انواع عقاقیر و سائر رایجه سی طیب اجزائر نابت اولوب ذهب
 و زمر د معدن لری دخی اولتی اوزره منقولدر بو جزیره لک عامه اهابسی دین مجوس ایله متدین
 اولوب متعدد ملک لری دخی واردد * واشبو جزائر بحر هندیه ده عجیب و غریب نیجه
 آثار عمارت اولتی اوزره کتب جغرافیایه نقل و تفصیل اولمشدر و اقلیم اولک التنجی
 قطعہ سنده اشبو بحر هندک ساحل شمالیسی اوزره یمن شهر لری واقع اولمشدر بحر قازم سمتده
 بلاد یمندن زید مهجم تهامه یمن بلده لری بولنوب بولنک جانب شرقیسنده زیدیه
 مذهبته تابع اولان یمن امام لرنیک مقر حکومت لری صعده بلده سی واقع اولمشدر که
 بحر هند ساحلندن بعید وسط ارض یمنده بر بلده در و صعده شهرندن صکره بلاد یمندن
 عدن مدینه سی الیک شمالنده دخی صنعا شهری بولنردن صکره طرف شرقیلرنده احقاف
 و ظفار ارضی اندن صکره دخی ارض حضر موت بوندن صکره بحر هند ایله بحر فارس
 بلاد شحر دیمکله معروف مملکت واقع در بو ذکر اولنان بلادک جمله سی یمن اولککه سنده
 موجوددر * سابقا ذکر اولندیغی اوزره اقلیم اولک التنجی قسمندن اوننجی قسمنه وارنجه
 اکثر محلالر ینه بحر هند مرور ایتمکله عماردا خالی اولمشدر * انجق اقلیم اولک التنجی قسمنده

بر مملکت اولوب لکن الان خالی و خراب و عمارات قدیمه آناری مشهود بر محلد * ودخی
 اقلیم اولک وسطنده بشنجی قسمند بولنان حبش و لایتلری خط استوانک و راستدن کلوب
 نوبه ارضنه طوغری جریان ایدن بزهرک کنارنده واقع اولوب بر برینه متصل امتد اولمشدر
 نهر مذکور نوبه و لایتلرینه کلدکده نیل مصره ملحق اولغله ناسدن چوق کسنهل نهر
 مذکور دخی جبل فردن دیار مصره جاری اولان نیلک بر شعبه سی اولقی اوزره وهم ایتدیلر
 لکن بطلمیوس کتاب جغرافیاسنده بو نهری ذکر ایدوب و مخرج و منبعی تعیین ایلیوب
 نیل مصردن دکلدردیویسان ایلدی * و اقلیم اولک غربدن شرقه طوغر و مفروض
 اولان طولی جهته و وسطی اولان بشنجی قسمتک آخرنده چین و لایقی سمتدن پرومندا اولان
 هند و حبش دریاسی نهایت بولوب اقلیم اولک شرق جاننه طوغر و متمد و باقی قالان
 بش قسمتک مواضع کثیره سنی غر و ستر ایدر * بنه علیه اولکی اقلیمک التنجی قسمتک
 اولندن اوننجی قسمتک آخرنه و ارنجه اسکثر محللرینه بحر محیط هندیه مرور ایتکله
 اول قسملرده عمارت ممکن اولیوب انجق معبور اولان محللری بحر هند داخلنده واقع
 جزایر عدیده کثیره که صغیر و کبیری بیک عدد جزیره به بالغ اولقی اوزره مر ویدر * ودخی
 ذکر اولنان جزیره لایله هند در یاسنک سواحل جنوبیه سنده واقع بعضی ممالک زنج
 و سودان و سواحل شمالیه سنده بعضی معبور محللردن غیره اقسام خمسده باقیده عمارتدن
 اثر بولنماشدر * و اقلیم اولک جهت شرقیه سنده بلاد چیندن قتی جزئی محل معبور
 اولوب باقبسی بحر هند ایله مستوردر و اقلیم مزبورک التنجی قسمند بولنان یمن شهرلری
 بحر هند دن شماله طوغری جریان ایدن بحر قلزم ایله فارس در یاسنک ارا سنده واقع
 جزیره العرب ارضنک طرف جنوبیسنده بولنمشدر جزیره العرب ارضنک طرف شرقیسنده
 بحر هند ساحلی اوزره مداین یمندن بلاد شحر واقع اولوب و بلاد حجاز و یمامه دخی جزیره
 مزبوره ممالکنددر ننه کیم انشاء الرحمن اقلیم ثانی وثالث ممالکی بیاننده علی التفصیل
 ذکر اولنور * ودخی اقلیم اولک التنجی قسمند بحر هند ساحلنک طرف غربیسنده زیلع
 بلده سیله بلاد حبشه نک بعضی طرفلری و ممالک حبشک شمالنده طوایف سوداندن بجه
 قبیله سنه مخصوص اولان بادیهلر واردر ذکر اولنان بادیهلر صحید مصر دیارک اوست یاننده
 واقع اولان جبل علاق ایله بحر قلزم ارا سنده واقع اولوب بجه طائفه سی اول صحرا ده
 کشت و کنار ایدر * وینه اقلیم اولک التنجی قسمند زیلع بلده سنک حصول طرفنده
 مندب قیوسی دیدکاری خلیج واقع اولمشدر که قلزم بوغازی دیملکه معروفدر بحر هند
 ساحلنده اولان حبش ارضندن بحر هنده طوغر و متمد جبل مندب دیملکه معروف بر جبل
 واردر که ارض حبشک مقابله سنده واقع اولان جزیره العرب سواحلندن یمن ساحلنه
 اوچ میل مقداری یا قلسوب جبل مذکور ایله ساحل یمن ارا سنده اولان بحر ضیق اولغله
 قلزم بوغازی بومحلدن ابتدا ایدر * و بو ذکر اولنان بوغاز غرب طرفندن حبش و شرق
 جانبدن یمن ساحلر ایله جنوبدن شماله طوغری اوچ میل ارض و اون ایکی میل طول ایله
 متمد اولوب کتدیجه وسعت بوله رق دیار مصرده قلزم بلده سی قریبند نهایت بولور

التي ميل مسافه بعيد بر كوله دو كيلور ❁ بعده بوايكي كولك هر بزندن اوچر نهر خروج ايلوب جله سي التي نهر اولوب بونلرك مجموعي دخی ذكر اولنان ايكي كولك قرينده بر كوله جمع اولور كه انك صول طرفندن بر جبل كلوب ذكر اولنان كولك ايچنه دخول ايتكله صوبی ايكي نهر عظيمة تقسيم وتفريق ايتلشدر ❁ اول ايكي نهر كيرك بري جبلك غريته و بري شرقنه طوغرو جريان ايدوب نهر غربي قرالز ولايتلرينه مرور و طرف غريته بحر محيطه منصب اولور بوندن اقدم ذكر اولنان نيل سودان بونهر غربي در ❁ و جبل مذكورك طرف شرقينه جاري اولان نهر كيرك جانب شرقدن شماله طوغري منعطف و منحرف اولوب مسافه كشيده قطع ايتدكدن صكره صعيد مصر ديمكله معروف اولان ديار مصر يه نك طرف اعلا سنده واقع حبشه و نوبه شهرلرينه مرور ايدوب بعده ارض مصر ك فوقنده نهر مذكور اوچ جداوله منقسم اولوب جله سي اسكندريه ورشيد و دمياط ساحلارنده بحر رومي يه دو كيلور ❁ لکن ذكر اولنان جداول نهر ك بر جدولي بحر سفيد و اصل اولزندن مقدمه بر مال كوله فارشوب بعده اول كولدن بحره منصب اولور نيل مصر ديدكلري دخی بونهر در ❁ واقليم اولك امتداد طول بسنك اور تاسنده نيل مصر كاريده طوايف سوداندن نوبه قبيله سنك مسكنلري و حبش ولايتلري والواحات شهرلرينك بعضيلري و ممالك صعيد مصر ك دار المللكي اولان اسوان بلده سي جنوبيدن شماله طوغري بر برينه متصلا ممتد اولشدر ❁ و دنقله شهر ي نوبه اولكه سنك معمور بندري و صعيد مصر ديار ينك فوقنده نيل مصر ك غرب طرفنده واقع بر بلده اولوب بوبلده نك تحتده يه نوبه مملكتي بلادندن غلوه و يلاق بلده لري بعده يلاق شهر ينك طرف شمالنده التي مر حله بعيد جنادل اسميله مسمي بر جبل واقع اولشدر جبل مذكور نيل مصر ك مر و بحر اسي سمتنده نوبه اولكه سندن صعيد مصر طوغرو بر كوه پر شكوه در كه نوبه جهننده اولان طرفي الحق و مستوي و صعيد مصر سمتنده اولان جايي بلند و عالي اولغله نيل مصر نوبه سمتنده جبل مذكورك سطحنده جريان ايدرك صعيد مصر جانبنده اولان طرفنه كلدكده فراز جبلدن اشاعي وجه ارضه منحدر اولوب بر صدای مهيب و صوت ها ئل ايله بالادن زمينه ريزان اولور كه جوش و خروشي سبابه كزاي حيرتدر نهر نيل ايله ممالك سودان طرفندن مصر جانبنه كلان سفيندر ك محل مذكور دن مروري ممكن اولماغله جبل جنادله كلدكلرنده كيلرده اولان بو كلكلر كار نيلده بر محله اخراج اولنوب ظهر دوايه تحمیل و صعيد مصر ديار ينك بندري اولان اسوان بلده سنه نقل و تحویل اولند قدن صكره ينه سفيندره وضع اولنوب ديار مصره ايصال اولنور ❁ جانب مصر دن نوبه و حبشه و سائر بلاد سودانه نهر نيل ايله كيدن سفاین دخی اسوان بلده سنه واصل اولدقلرنده ينه بوكلر اخراج و ظهر دوايه ايله جبل جنادلك قرينده بر محل مخصوصه نقل و تحویل اولند قدن صكره ينه سفيندره وضع و تحمیل اولنوب مراد اولنان محله ايصال اولنور ❁ و اشبو جبل جنادل ايله مدينه اسوانك ماينی اون ايكي مر حله مسافدر ❁ و دخی مملكت الواحات ديار مصر ك و نهر نيلك طرف غريه سنده صحرا و رمال اراستنده زمان سابقده بلاد كشيده معموره بي مشغل

یونان بشر عبادنده اولمغله احوالی فی تفصیل اولمندی و سودان ولایتینک خشک و تر
 فوا که و غاری صول طرفلنده واقع مغرب صحرارینک باغ و بستانلرندن چلب اولنوب کندی
 دیارلنده حاصل اولماز * توات نیکورارین وارکلان کبی موضعلرکه اولنوب صولو محللر
 اولمغله باغ و بستانلری و درخت میوه دارلری چوقدر * مقولدر که کار نیل سودانده واقع
 ممالکدن غانه مملکتنده زمان قدیمده سادات علویه دن بنی صالح دهکله معروف برقوم
 حکومت ایدوب نیجه زمان ضبط و تصرف ابدیلر * حتی کتب جغرافیادن کتاب رجار
 ساحی شریف ادریس جودی ذکر اولنان بنی صالح شرفای حسنیه دن صالح بن عبدالله
 بن حسن بن حسن بن علی رضی الله تعالی عنه اولاددن برشعبه اولقی اوزره نقل و روایت
 ایدوب لکن عبد الله بن حسن حضرتلرینک صالح نام ولدی اولدیغی ثابت اولمغله
 قول مذکور درجه اعتباردن ساقط رأی ضعیفدر * حالانده ولایتنده بنی صالح دولتی
 منقرض اولوب مالی سلطانتک ضبط و تصرفنده در * ودخی ذکر اولنان سلی و نکرور
 وغانه ولایتینک طرف شرقینده اولیکی اقلیمک اوچخی قسیمده بعض جبالدن خروج
 ایدوب و قسم نایبده برقوملی صحراده محو ونا پیدا اولان نهرک کارنده کورکو نام برشهر
 ولوب و بوندن اقدم مستقلا اول دیارک ملکی دخی واریدی بعد زمان کورکو و لایتنی
 مالی سلطانی ضبط و تسخیر و اهالیسنی قهر و تدمیر ایلدی * لکن حالاکورکو شهری
 اولحوالیده واقع برفتنه عظیبه سیبیه خراب و بیاب و مندرس تحت التراب اولوب عماردن
 ثباتی قالمشدر * نه کیم انشاء الرحمن اشبونا ایتمزک طوایف بر احوالی بیاننده اولان
 اوچخی کتابنده مالی دولتی ذکر ضمیمه نقل اولنان وقعه و فتنه بی تفصیل و تخریر ایدوب
 * کورکو ولایتک ساغ طرفنده بنه طوایف سوداندن کاتم قبیله سنه مخصوص بلدهل
 و نلردن صکره بنه قرار طوایفندن و تقاره مملکتی نیل سودانک جانب شمالینده واقع اولمشدر
 و ذکر اولنان کاتم و تقاره ولایتینک طرف شرقینده و اقلیم اولک دردیجی قسیمده
 جانب خریدن نو به سودانلری ارضنه متصل زغاوه و تاجر بلده لری واقع اولمشدر که
 نیل مصر خط استوا قریبنده مبدأ ندن اولان اولان اولان بلاده بعده انلردن ارض مصره
 وصولندن صکره طرف شمالده بحر رومی به یعنی آق دکره منصب اولور * واشبونیل
 مصرک منبع و مخرجی اولان جبل قرکه خط استوانک اون التی درجه فوقنده یعنی
 صاغ طرفنده واقع بر جبل عالی در علمای لفظنک ضبط و تصحیحنده اختلاف ایدوب
 بعضیلری لفظ مذکوری قافک و میمک قحیلله ضبط ایلوب دیدیلر که جبل مذکوره
 جبل قر اطلاق اولنوب مسامته شمس ایله ضیاسی کثیر و بیاضی شدید اولمغله قرسمایه
 نسبت و تشبیه اولمشدر * و کتب ممالک و مسالکدن کتاب مشترک مؤلفی باقوت ایله
 علمای جغرافیادن ابن سعید لفظ مذکوری قافک ضمی و میمک سکونیلله ضبط ایدوب
 قر اهل هنددن برقومک اسمی اولوب جبل مذکور اول قومده نسبت اولمشدر دیدیلر
 * ذکر اولنان جبل قردن اون عدد عین نبوع و خروج ایدوب ذیل جبله منصب
 اولدقدن صکره ذکر اولنان اون نهردن هریش نهرینه جبل مذکور قریبنده مایینلری

بوامورك چله سی مفقود اولوب اشبوذ کراولسان قرطه وپوصله ایله عمل مشکل اولغله
 سفاین ایله محیطک ساحلیدن بعید اولان محللرینه وارلق عسیردر زیرا سفینه لر
 سواجلدن زیاده بعید وغائب اولورسه کروه عود ورجوع امری مشکل اولوب سلامت
 حال ایله هودت قلیل اولور یوندن ماهداسواجلدن بعید اولان محللرینه چوهوا ایله
 صحیفه یخزده علی الدوام اول مرتبه انجیره غلبه حادث اولور که سفاینک میجر او عمرنی ستر
 ایتمکله سیر وجر یلرینه ممانعت ایدر وسواجلدن کال بعدی سببله وجه ارضیدن منعکس اولان
 شمسک ضیاسی که افنای رطوباتده نأ ثیری غالبدر اول انجیره واصل اولوب تخلیل دخی ایله مز
 بناء علیه بحر محیطک سواجلدن بعید اولان محللرینه سیر وسفر عسیر واحوائته تحصیل وقوف
 صعب وغیر یسیردر * یوندن اقدام ذکر اولمشدیکه علمای فن جغرافیا اقالیم سیمه دن
 هر بر اقلیمی غربدن شرقه طویض و بر یلرینه برابر اون عدد قسمة تقسیم ایدوب وهر اقلیمک
 قسملرنده واقع اولان بلاد وجبال و بحار وانهاری ذکر و بیان ایلدیلر * بناء علیه بزخی
 اشبوکابزده اقالیم سیمه معصومه نك اقسامنده داخل اولان ممالکک احوالی یانه شروع
 واقلم اول ایله ابتدا ایلدک * اقلیم اولک قسم اولنده نیل سودان دیدکری نهر قرار
 ولایتی ایچندن جریان ایله رك جزایر بحر محیط غربیدن اولیل نام جزیره قر بنده بحر محیطه
 منصب اولور * واشبو نیل سودان ایله ممالک مصره جاری اولار نیلک منبعلری خط
 استوائک صاغ طرفنده اون الی درجه بعید مسافه ده واقع جبل قرده اولوب بعده جبل
 مذکورک قر بنده ذکری آتی وجه اوزره نیل سودان نیل مصردن ابریلوب اقلیم اولده
 بحر محیطه دوکیلور * واشبو نیل سودانک کارلرنده بلاد سودانیه دن سلی وتکرور وغایه
 ولایتلری واقع اولوب حالا بو عهدده اعظم قبائل سودان اولان مالی قبیله سی سلطانتک
 تحت حکومتنده در * ومالی قبیله سنک بلادینه فاس ملوکنتک قلمر وسلطنتی اولان
 غرب اقصا اولکجه سنک نجاری واروب قبیله مذکوره ایله بیع وشرا ایدرلر * ومالی
 سودانته مخصوص اولان اولکجه نك صول طرفنده طوایف بر پریه دن لمونه قبیله سنک
 بلادی ایله یته بر پریه دن ملتمین جسامتک فونوب کوچدکری صحرا واقع اولمشدر
 واشبوذ کراولسان نیل سودان نهرینک طرف جنوبیسنده یعنی صاغ جانبنده لم نامیه
 معروف کفار طوایف سودانن بر طائفه ساکن اولورلر که یوزلرینی وکوزلر یله قولاقلرینک
 ارالری آتش ایله طاغلیوب کندوره علامت ونشان انخاذا ایدرلر طوایف سودانن خانه
 ونکرور اهالیسی اهل اسلامدن اولغله دائما لم طائفه سنک اموال وارزاقلرینی نهیب وعات
 وکندیلرک سی واسیر ایدوب تجاره بیع ایدرلر تجار دخی اسارای المی مغرب شهرلرینه
 کوتوروب طالبینه فروخت ایتملر یله مغرب ممالکی اهالیسنک عبید وجواریلرینک اکثری
 یونلدر * وطوایف سودانن لم طائفه سنک وراتنده یعنی صاغ جانبلرنده اهتباره سزا
 معهور محل اولوب انجیقینه سودانلردن صورنده بشر سیرته بفر بلکه دخی کترنسناس
 ناشناس مقوله سی بمقدار ناس عدیم الاستنباس واردر که خالی مفاز لده وقامشلی بطاقلی
 یلرده ساکن اولوب و حیوانات کبی اوت اولوب چوق کره بر برلرینی دخی اکل ایدرلر

اولندوب لیکن یونانیلرک بعضیلری اقلیم اولک ابتداسنی سبته بوغازندن بحر محیطه
 چیلدقدمه محیطک صول طرفه طوغروایکی اوچ بیک میل مسافه قطع اولندقدنصکره
 قرار ولایتی سمتده محیط غربی ساحلندن فرض ایتدیله وحکیم بطلمیوس اقلیم اولک
 مبدأنی ساحل مزبورک محاذاتده اون درجه مقداری بعید محله جزایر خالدات اسمبله
 موسوم ومعروف جزیره لردن فرض واعتبار ایلدی بو جزیره لری فی الاصل کثیر اولوب
 اکثری حکما زمانلرند معهور و حالاجوف بحرده معهور و مستور اولق اوزره
 منقولدر جزایر مزبوره نک اکبر و اشهری اوچ جزیره اولوب و بو اوچ جزیره حالامعهور
 و مسکون اولق اوزره مر ویدر حتی سمعنه و اصل اولان اخبار دندرکه بعضی افرنج
 سفینه لری بحر محیط غریبه کز رکن اشوبدی یوزاللی نارینخنده یوللری جزایر خالدات
 مر و ایلوب اهاپسی ایله مقابله و مقاتله ایتلریله اموال کثیره اخذ و اغننام و نیجه لری
 دخی اسپر ایلوب رجعت ایتدکلرندن صکره اخذ ایلدکلری اساراک بعضیلرنی غرب
 اقصا ساحلنده اهل اسلامه بیع ایلوب و اول اساراک بعضیلری غرب اقصا ممالکی
 سلطانتک خدمتده استخدام اولنوب لسان عربی ایله تکلمی تعلم ایتدکلرند نصکره
 مر قوملر وطنلری اولان جزایر خالداتک احوالندن خبر و یروب جزیره لرنده حدید مفقود
 اولغله زراعت و حرثت ایچون ارضی کچی بوینوز لریله حفر ایلوب و محصول و غسله لری
 ارپه به و حبوا ناری کچی به منحصر اولوب انلرله تعیش ایتدکلرنی خبر و پردیلر و بونلرک
 حدید و نحاس و سائر معادنن مصنوع و معمول آلات و اسلحه لری اولوب اعدا لریله مقابله
 و محاربه ایتدکلرند لارینه برطاش آلوب و رای نظهر دن خصم لرینه رمی ایدر لر و یونلر
 آفتاب پرست اولغله وقت طلوعده شمسه سجده ایدوب ادیان حقه و باطله دن پردینی ایله
 متدین اولوب و کندیلره قضا ما خبر دعوت نبوت بالغ اولدیغنی خبر و پردیلر و بحر محیط غریبه
 سفاین افرنجک بو جزیره لره وصولی قصده مقارن اولوب بحسب الاتفاق واقع اولمشیدی
 زیر روی دریا ده سفاین ایله سیر و سفر هبوب ریاحه و مهلبلرینک جهتلرنی بیلکه موقوف
 اولوب و هر روز کارک اسدیکی جهنتک ممرنده استقامت اوزره کدلدکده اول ممرده واقع
 اولان بلده لردن قنغی بلده به وصول ممکن اولدیغنی بیلکه محتاجدر چنککه روز کارلرک
 مهلب و جهتلرینک اختلاقی و ممر لرنده استقامت اوزره سیر اولندقدنه محله وصول مهلب
 اولدیغنی معلوم اوله سفر بحر و سیر دریا ده ماهر اولان سفینه رئیس لرینک یانلرنده مرعی
 و معتبر اولان قواعد مر سومه و قوانین مضبوطه اوزره اجتهت طبور مثابه سنیده اول
 سفینه نک مدار سیر و سفری اولان بلدکنی اول سمته مقابل ایدوب توجه ایتدکلری محله
 بادبان کشای عزیمت اولور لر * و بودخی معلوم اوله که بحر روی نک وقره دکرک و سائر
 بو مقوله بحر لک ساحل لرنده واقع اولان بلده لک جمله سی خارچسده نه شکل اوزره واقع
 و سواحل بحر ده نه وضع اوزره مرتب ایلسه قرطه تعبیر اولنور صحیفه لره مر سوم اولوب
 و ریاحک هبوب ایتدیکی جهات مختلفه لری دخی اول بلاد ایله اول صحیفه ده مسطور در و انلر
 اشو صحیفه بی کتباص اسمبله نسیمه ایدوب سیر و سفر لرنده بونکلده عمل ایدر لر * اما بحر محیطده

درجه اون بش دقیقه در وایکنجی اقلیم عرضی بکرمی بدی درجه اون اوج دقیقه به
 بالغدر اوچنجی اقلیم عرضی اونوز اوج درجه بکرمی دقیقه در درنجی اقلیم عرضی
 اونوز سکر بچق درجه در بشنجی اقلیم عرضی قرق اوج درجه در التنجی اقلیم عرضی
 قرق بدی درجه اونوز بش دقیقه در بدنجی اقلیم عرضی الی بر درجه اونوز بش دقیقه در
 ویدنجی اقلیم وراسنده یتش بدی درجه عرضنه وارنجبه متفرق محله دره معمور واردر
 دیدیلر وصناعت فن جغرافیا اربابندن ابوجعفر خازنی عروض اقالیمی بیسانه دیدیکه
 اقلیم اولک عرضی بکرمی درجه اون اوج دقیقه در ایکنجی اقلیم عرضی بکرمی بدی
 درجه اون اوج دقیقه در اوچنجی اقلیم عرضی اونوز اوج درجه اونوز طوقوز دقیقه در
 درنجی اقلیم عرضی اونوز سکر درجه بکرمی اوج دقیقه در بشنجی اقلیم عرضی
 قرق ایکی درجه الی دقیقه در التنجی اقلیم عرضی قرق بدی درجه ایکی دقیقه در
 بدنجی اقلیم عرضی الی بش درجه قرق دقیقه در * اشبو ذکر اولسان اقالیم
 عرضلرنده ولیالی ونهارلرنک طول وقصرلرنده وساعتلرنک تعیین وتقدرنده ومیللرنک
 عد دنده ائمه فن جغرافیا نک اقوال مختلفه لیدر که مطلع اولدیغم مرتبه سی کتب واملا
 اولندی واللہ خلق کل شیء فقدره تقدیرا بوندنصکر . معلوم اوله که صناعت
 جغرافیا ده ماهر اولان حکما خط استوائک طرف شمالنده واقع بدی اقلیمدن هر براقلیمی
 طولی جهتنده مفر بدن مشرقه طوغرو بر برینه برابر اوزر قسمه تقسیم ایدوب وهر قسمک
 اولنی غرب طرفندن و آخرنی شرق جاننندن اعتبار ایلدیلر بوتقسیم اعتبار یله بدی
 اقلیمی اوزر قسمدن یتش قسم ایلوب وهر اقلیمک اقسام عشره سنده واقع اولوب مشتمل
 اولدیغی بلاد وامصار وجبالدن ونهارلرن وارالرنده واقع مسافه ومسلسکلرن هر برنی
 تفصیل اوزره جغرافیا کابلرنده ذکر ایلدیلر لکن بزاشبو کجا بمزده اقالیم سبعة ده واقع
 ممالک وبلدانک وبچار وانهارک انجق مشهور اولانلرنی ذکر ایدوب ایجاز اختصار طریقله
 احواللرنی بیان ایلدک واحوال ممالکی بیانده کتب جغرافیا دن زهه المشتاق نام کابده
 واقع اولان ترتیبی اختیار ایدوب تار وپودقاش سخنی اومنوال اوزره نسج وتنظیم ایلدک
 ❖ علمای جغرافیا دن کتساب مزبورک مؤلفی اولان شریف ادریسی جودی ملوک
 افرنجیدن مالفه قرالنی چچلیه جزیره سی قرالی اولان رجار نام قرال افرنجی ایله یینارنده
 حقوق اولغله بشبوز الی تاریخنده چچلیه به واروب قرال مزبور ایله کورشده رجار
 مذکور کندی ایچون فن جغرافیا ده برکتساب تألیف ایتک اوزره شریف مزبور دن
 رجا ایلوب اولدخی اسعاف مرام ونفعی عام اولتی ملاحظه سبله صناعت جغرافیا
 اربابندن حکیم بطلمیوسک مسعودینک ابن خردادیه نک حوقلی نک عزربنک اسحق منجمک
 وغیرلرنک کتبندن نقد وانتخاب طریقله کتاب زهه المشتاق بشبوز الی تاریخنده جمع
 وتالیف ایلشدر بزنجی انک مختاری اولان مسلکه سلوکی اختیار ایلوب خط استوائک
 طرف شمالنده واقع اقلیم اول ایله ابتدا ایلدک * بوندن اقدام نحر اولدیغی اوزره
 اقالیم سبعة نک طوللری حکمای یونان قتلرنده غربدن شرق جهتنه طوغرو اعتبار

محلدر شمس اول برجه وارد قدم طرف شمالده ایام صیف حلول ایلیوب ینه اولکی اقلیمک
 اخر زنده کوندز اون ایکی بقی ساعت کیجه اون بر بقی ساعت ولور وکنلک ینه بطلمیوس
 رأی اوزره ایکنی اقلیمک اخر زنده مثلاً مدینه منوره ده وصعید مصر ینتله زنده لیل
 ونهارک طول و فصری اون اوج ساعته بالغ اولور وینه حکیم مزبورک قولی اوزره
 اوجی اقلیمک اخر زنده مثلاً مصر اسکندریه سنده و غیر یلرده لیل ونهار اون اوج بقی
 ساعت اولور ودرنجی اقلیمک اخر زنده مثلاً اسپانیا دیار نده و حلب وانطیا کیجه ده
 وسائر محلله زنده روز و شب اون درت ساعته بالغ اولور ویشی اقلیمک اخر زنده مثلاً
 قونیه و قیصریه و بعض بلاد افرنجیده اون درت بقی ساعت اولور و التهی اقلیمک
 اخر زنده مثلاً بلاد بحکم شمالده واقع محلله زنده کیجه وکوندز اون یش ساعته بالغ اولور
 ویدنجی اقلیمک او اخر زنده مثلاً بعض بلاد روس وبلغارده کیجه وکوندز اون یش بقی ساعته
 بالغ اولور دیو حکیم بطلمیوس زعم ایلمدی حکیم مزبورک رأی اوزره هر اقلیمک لیل
 ونهار ینک بر برندن تفاوتی انحق یارم ساعت اولوب هر اقلیمک ناحیه جنوبده اولندن
 ترایده باشلیوب ینه اول اقلیمک طرف شمالده آخر زنده نصف ساعت مقیدار زباده به بالغ
 اولور * و صنعت فن جغرافیا امام برندن اسحق بن حسن خازنی قنده خط استوائک
 صاع طرفنده واقع معمور محلله زنده عرضی اون الی درجه یکریمی بش دقیقه در یعنی خط
 استوائک طرف جنوبده واقع قرار و حبشه ولایتلرندن وسائر اول جزاده واقع ممالکدن
 اون الی درجه یکریمی بش دقیقه عرضنه وارنجه معمور محلله واقع اولوب و اول محلله زنده لیل
 ونهارل ینک اطولی اون اوج ساعتدر دیدی وخط استوائک طرف شمالده واقع اقالیم
 سبعة دن اولکی اقلیمک عرضی دخی اسحق بن حسن خازنی قنده اون الی درجه
 یکریمی بش دقیقه اولوب لیل ونهار ینک اطولی اون اوج ساعتدر وینه اسحق قنده
 طرف شمالده ایکنی اقلیمک عرضی یکریمی درت درجه مسافه اولوب و اقلیم مزبورک
 او اخر زنده اطول لیل ونهار ساعتلری اون اوج بقی ساعتدر وینه مزبورک رأی اوزره
 اوجی اقلیمک عرضی او توز درجه وساعات اطول لیل ونهارلری اون درتدر ودرنجی
 اقلیمک عرضی او توز الی درجه وساعات لیل ونهارلری اون درت بقی قدر وکنلک بشی
 اقلیمک عرضی فرق بدرجه اولوب اطول لیل ونهارل ینک ساعتلری اون بشه بالغ اولور
 وکنلک التهی اقلیمک عرضی فرق بش درجه اولوب ساعات لیل ونهارلری اون بش بقی
 بالغ اولور وکنلک یدنجی اقلیمک عرضی فرق سکز بقی درجه اولوب لیل ونهار ینک اطولنک
 ساعتلری اون الی به بالغ اولور * بوند نصکره اسحق خازنی دیدیکه یدنجی اقلیمک و راستده
 بعض معمور اولان محلله زنده آخر ینک عرضی الشمس درجه به ولیل ونهار ینک اطولنک
 ساعتلری یکریمی به بالغ اولوب طرف شمالده عمارت منتهی اولور * ودخی حکیم بطلمیوس ایله
 اسحق بن حسن خازنی دن غیر ی بعض ارباب فن جغرافیا اقالیم سبعة نک عرضلرنی بویله
 بیان ایلدیلر که خط استوائک صاع طرفنده بولنان معمور محلله زنده عرضی اون الی درجه
 یکریمی یدی دقیقه به بالغ اولوب وخط استوائک شمالده واقع اولکی اقلیمک عرضی یکریمی

الشمس التي درجه نك تمامي
 قرق سكرذن صكره اون سكر
 درجه به موقوفدر بطلبوس
 اون سكر درجه بي اقليم
 سابقك وراسنده معترق بعضا
 معمور محلا رده اعتبار ايدوب
 بو محله ابن خلدونك اجالده
 الشمس التي درجه بي ذكر
 وتفصيلده قرق سكر درجه به
 قصر ايمه سي اقليم سبعة ده
 عماری كثير ومعتبر اولان
 محلا رة نسبتله در المترجم محمد
 صاحب

۴ هر ميل دخی يکرمی در در
 پرمای ذراع ایله درت بیسک
 ذراع اولدیغی اشبو کلبک
 عنوان بهشته مرور ایتمش ایدی
 الشمس التي ميل وثلثان ميلک
 ذراع حسابله مقدار ای
 ایکبوز الشمس درتیک ذراع دن
 زیاده جه اولدی و بوقدر
 مسافه مشی وسط ایله بعضیلر
 قنده درت قوناق تقدیر
 اولمشدر للمترجم محمد
 صاحب



ایدی هر بر درجه الشمس انبشر میل ایله ثلثان میل دن یک اوچبوز اوتوز اوچ میلدر
 و اوچنجی اقليم ایله اقليم اول و ثانی نك مجموعك عرضی یکر می ایدی درجه ایدی بحساب
 مذکور یک بدی یوز طقسان میلدر در دنجی اقليم ایله اولکی ایکنجی اوچنجی اقليملرک
 مجموعك عرضی اوتوز اوچ درجه ایدی ایکی یک یوز سکسن بش میل ایدر بشنجی
 اقليم ایله ذکر اولنان درت اقليمك مجموعك عرضی اوتوز سکر درجه ایدی بحساب
 مذکور اوزره ایکی یک بشوز یکر می میل ایدر التنجی اقليم ایله ذکر می سبق ایدن بش
 اقليمك مجموعك عرضی قرق اوچ درجه ایدی بحساب مذکور اوزره میلرینک عددی
 ایکی یک سکر یوز قرق میل اولور بدی اقليم ایله سبق ایدن التي اقليملرک مجموعك
 عرضی قرق سکر درجه ایدی امسالنك مجموعی اوچ یک یوز الی میل اولور * ودخی
 معلوم اوله که خط استوائك طرف شمالسندده فرض اولنان اقليم سبعة نك لیل ونهار لیل
 زمانلری خط استواده واقع مواضع کی بر برینه برابر اولوب بلکه از منة لیل ونهار فصول
 اربعه ده مختلف اولور سبی دخی بودر که بوندن اقدم مره بعد اخری بیان اولدیغی اوزره
 خط استوا قبه زفیعة افلاکک نحتده موجود اولان جرم ارضنك وسطنده واقع ومعدل
 النهار دائرة سنك برابر ایکنده مقروض اولوب وشمسك مدار وممری اولان دائرة البروجك
 قوسلری کرک معدلک صاغنده وکرک صولنده اولسون خط استواده اول قوسلر بر برینه
 برابر بولمغله شمس تابان افق استوائك فوقنده اولان مدارده نه مقدار مکث ایدرسنه تحت الافق
 دخی اول مقدار مکث ایدوب دائما لیل ونهار خط استواده اون ایکبشر ساعت اولوب
 تفاوت ایلز اما خط استوائك طرف شمالنده یاخود طرف جنوبنده واقع اولان موضعلرده
 لیل ونهارک حالی بومنوال اوزره اولوب طول وقصر ایله مختلف اولور زیرا خط استوادن
 مثلا طرف شماله توجه اولوب بعید اولدیغه اول طرفه عزیمت ایدن شخصه مواجه
 اولان قطب شمالی افق دن یوقارو قانقوب وشمس تابان معدل النهار دائرة سندن بروج
 شمالیه به میل ایتد کجه معدل دائرة سیله قطب شمالی اراسنده مقروض بر بوندن کوچک
 نه قدر دائرة وارسه فوق الارض بولنان قوسلری بویوک وتحت الارض بولنان قوسلری
 کوچک اولوب طرف شمالنده شمسك وقت نهارده مکثی زیاده وقت لیلنده ناقص اولمغله
 کوندزلری طویل کیجه لری قصیر اولور کیده رک شمس تابان معدلک صاغ طرفنده
 واقع بروج جنوبیه به نقل ایتد کده طرف شمالنده شمسك فوق الارض اولان مداری
 کوچک تحت الارض اولان مداری بویوک اولمغله موسم شتای حلول ایدوب کیجه طویل
 کوندزلر قصیر اولور وحکیم بطلبوس رأیی اوزره خط استوائك ومعدل دائرة سنك
 صاغ طرفنده واقع بروج جنوبیه دن جدی برنجی که شمسك طرف جنوبنده معدل دن
 وخط استوادن غایت بعید اولدیغی بر جدر شمس اول برجه وار دقده طرف شمالده
 قبش موسمی حلول ایدوب اولکی اقليمك اخر لرنده مثلا حجاز سمتلرینک اولمغله کیجه نك
 اوزنلغی اون ایکی بچق ساعت اولوب کوندز اون بر بچق ساعت اولور بعدده بروج
 شمالیه دن سرطان برنجی که شمسك معدلک جانب شمالنده معدل دن غایت بعید اولدیغی

تقسیم ایلوب وهر بر نصی
 معدل دائره سنك صا غنده
 وصولنده بر قوس شكنده
 ومعدل دائره سنك نصفی
 دخی اول قوسله ككش
 مقامنده در واول قوسلرك
 هر بری بوز سكسن درجه به
 قسمت اولوب مجموعی اوچبوز
 التمش درجه به بالغ وهر اوتوز
 درجه بر برج اعتبار
 اولمشدر كه اول بر چارك
 التبسی معدل دائره سنك
 صا غنده والتبسی وصولنده
 واقعدر بومقد مات ملاحظه
 اولندقدن ذكر اولان طوك
 جوفنده جرم ارض بر فدیق
 دانه سی كپی فرض اولنسه
 اول دانه ك اور تا سنده دخی
 معدل دائره سنه برابر خط
 مستدیر فرض اولنوب خط
 استوا مقامنده اولور و ذكر
 اولان طوك قطبلرنك یعنی
 قولبلرنك بری افق نخته سندن
 یوقار و رفع اولنسه مقابلی
 اولان قطب نخته سنك التده
 قلوب ومعدل دائره سی قطب
 رفع اولند بجه افق نخته
 اولان قطب جا بنه مائل
 ومنحرف اولدیغی ذات
 الكرسی آلتی استعمال ایله
 تحبل اولنور للمترجم محمد
 صاحب

ایکی نقطه موهومه خط استوانك افقدن اصلا مفارقت ایتوب زائل اولمازلر و بوندن
 اقدم مره بعد اخری بیان اولنمش ایدیکه خط استوان دن طرف شماله توجه اولنسه
 قطب شمالی درجه درجه افقدن مرتفع اولوب وقطب جنوبی كذلك افقدن اشاغی
 اینوب وخط استوا فو قنده و برابر لکنده فلك اعظمده مفروض معدل النهار دائره سی
 سمت رأسدن جنوبه طوغرو مائل اولور وقطب شمالینك ارتفاعی وقطب جنوبینك
 انحطاطی ومعدل النهار دائره سنك سمت رأسدن بعدی بر برینه دائما برابر اولوب مثلا خط
 استواندن اون درجه بعید شمالده بر محله وارلسه معدل النهار دائره سی اون درجه سمت رأسدن
 بعید وقطب شمالی اون درجه افقدن مرتفع وقطب جنوبی كذلك اون درجه افقدن منخط
 اولور وعند الحکما عرض اقلیم و بلد ایله مراد معدل النهار دائره سنك سمت رأسدن بعید
 اولدیغی درجه لرك مجموع سندن عبار تدر یعنی بر اقلیمك یا خود بر بلده نك عرضی مثلا
 اون درجه یادخی زیاده در دیدکاری وقتده اول اقلیمك یا اول بلده نك سمت رأسی معدل
 النهار دن او قدر درجه بعید اولق مراد ایدر لر زیرا جرم ارضده خط استوا فلك اعظمده
 معدل النهار دائره سنك برابر لکنده فرض اولنمغه خط استوان دن طرف جنوب و شماله
 توجه ایدن کسنه وجه ارضدن قاج درجه مسافه قطع ایدر سه انك سمت رأسی یعنی
 باشی طرفنه محاذی اولان سمت اولقدر درجه معدل النهار دائره سندن بعید اولمش اولور
 ته کیم بر اقلیمك یا بر بلده نك طولی شوقدر درجه در دینلده حکمای یونان رأیلری اوزره
 مبدأ عمارت فرض اولنان بحر محیط غربی سا حلدن یا خود جزا بر خالدن شوقدر درجه
 بعید دیمکدر * معلوم اوله که اصحاب فن جغرافیا ارضدن معمور اولان محلك عرضنك
 تعیین و تقدیرنده واقالم سبعة دن هر بر اقلیمك عرضنك مقدارنده اختلاف ایتدیلر بطلمیوسك
 کتاب جغرافیا سنده رأی اخری اوزره ارضدن ربع معمورك عرضی یعنی جنوب دن
 شماله طوغرو امتدادی بتمش بدی بچق درجه اولوب اون بر بچق درجه سی خط استوانك
 صاغ طرفنده واقف اولدیغی مواضع معموره نك والتمش التی درجه سی شمال طرفنده
 فرض اولنان اقالم سبعة نك مجموعنك عرضنك ایدر دیدی * ودخی بطلمیوس قنده اقالم
 سبعة دن اولکی اقلیمك عرضی و وسعتی یعنی خط استوان دن شماله طوغرو بعد و امتدادی
 اون التی درجه ایکنجی اقلیمك عرضی بکرمی درجه اوچنجی اقلیمك عرضی بکرمی بدی درجه
 در دنجی اقلیمك عرضی اوتوز اوچ درجه بشنجی اقلیمك عرضی اوتوز سکر درجه النجی
 اقلیمك عرضی فرق اوچ درجه بدنجی اقلیمك فرق سکر درجه در ۳ بوندن صکره فلکده
 بر درجه نك مسافه ارضدن حصه سی بعض حکما مذهبی اوزره التمش التی میل ایله ثلثان
 میل مقدار یله تعیین اولنوب یعنی بر کسنه خط استوان دن جنوبه یا شماله یا خود جهت غربه
 یا شرقه طوغرو و خط مستقیم اوزره کدوب یمن و یساره انحراف ایتسه التمش التی میل
 و ثلثان میل مقداری مسافه قطع ایتدکده فلکدن بر درجه مقداری حرکت ایتمش اولور ۴
 حساب مذکور اوزره اقلیم اولك جنوب ایله شمال ارا سنده اون التی درجه مسافه عرضی
 یك التمش بدی میل اولور و ایکنجی اقلیم ایله اولکی اقلیمك مجموعنك عرضی بکرمی درجه

۳ معلوم اوله که عرض اقالمده

۲ معلوم اوله که ارباب فن
 جغرافیاارض وسمالك اشكال
 وواضاهنی ضبط ایدوب
 افهامه تقریب ایچون ذات
 الكرسی اسمیله مسمی کری
 الشکل تخته دن یامعادنك
 پزندن معمول برمدور طوب
 اختراع ایدوب وقت حاجنده
 استعمال ایدر لر و بو طوب
 براسکمله نك اوزرینه ایکی
 طرفندن دمردن مصنوع
 ایکی علاقه بله وضع اولمشدر
 اول علاقه نك بری قطب
 شمالی و بری قطب جنوبی
 مقامنده در واسکمله نك
 اوست تخته سی که طوب انك
 اوزرنده در افق مثابه سنده
 در که طوب نك نصنی انك فوقنده
 نصف آخری نختنده واقعدر
 و بو طوب نك تا اورتاسنده بر دایره
 عظیمه رسم اولمشدر که اول
 دایره طوبی ایکی نصفه تقسیم
 ایدوب فلک اعظمك
 اورتاسنده واقع معدل النهار
 دایره سی صورتنده در و بو
 دایره بی ایکی طرفدن جائل
 کبی قوشاتمش بر یوک دایره
 دخی رسم اولمشدر که ا که
 دایره البروج دایره البروج
 ایله معدل دایره سی ایکی برده
 بر رنقطه اوزرنده ملاقات
 ایتمکله معدل دایره سی
 دایره البروجی ایکی نصفه

بحر محیط شمالی ساحله منتهی اولنجه شملکدن خالی در دیدیلر * لکن مغرب ایله مشرق
 اراسنده واقع اولان محله دره عمارت بر برینه متصل اولوب شرق و غرب جهنلرینک
 هر بریله بحر محیط اراسنده عمارتدن خالی موضع بو قدر دیویان ایلدیلر * و دخی وجه
 ارضه مغربدن مشرقه طوغرو معموره ارضی یدی قسمة تقسیم ایلوب و هر قسمة
 اقلیم تسمیه ایتدیلر و بو یدی اقلیمدن اولنکی اقلیمک ابتداسنی حکیم بطلمیوس فن هیئنده
 کتاب مجسطی بی تالیف ایتدکه ده خط استواندن اعتبار ایدوب بعده کتاب جغرافیا بی
 تصنیف ایلدکه اقلیم اولک ابتداسنی خط استوانک صاع طرفنده اون در جه مقداری
 معمور محله واقف اولمقله اولمکلدن فرض و اعتبار ایلدی * و حکمادن اسحق بن حسن
 خازنی نام فیلسوف طرف شمالده بطلمیوسک تعیین ایلدیکی یدی اقلیمک و اراسنده دخی
 نیجه معمور محله مطلع اولوب تحدید و تعیین و طول و عرضنی تبیین ایلدی و دخی حکمای
 متقدمین ارضدن معمور اولان محله بی خط استواندن طرف شماله طوغرو یدی اقلیمه تقسیم
 ایتدکلرنده بو اقلیمک طوللرینک ابتداسنی مغربدن و منتهاسنی مشرقدن فرض و تعیین
 اوزرینه اتفاق ایتدکدن صکره ایچلرندن بعضیلری معموره نك طولنک ابتدا سنی سبته
 بوغازندن طشره چیققدقه بحر محیط غربی نك صول طرفنده بعضی سودان ولایتلری
 ساحلرندن فرض ایدوب و بعضیلری دخی ساحل بحر محیط غریبدن اون در جه مقداری
 بعید روی بخرده واقع جزایر خالدهات دینکله معروف جزیره لردن فرض ایتدیلر که
 اولجزیره حکمای یونان زماننده معمور و حالا اکثری قهر بخرده معمور و مستور در واشبو
 یدی اقلیمک عرضلرنی خط استواندن طرف شماله طوغرو فرض و تعیین ایلدیلر و اقالیم
 سبعه نك طوللری کبی عرضلری دخی مختلفدر نته کیم انشاء الرحمن هر بری تفصیل اوزره
 ذکر و بیان اولور اقلیم اولک ابتداسنی خط استواندن یا خود خط استوانک طرف شمالسنه
 قریب محله غریبدن مشرقه طوغرو متمد بر خط مستدیر فرض اولنوب اول خطک و اراسنده
 صاع طرفنده بطلمیوس نحر بر ایتدیکی اوزره سودان و حبشه و زنج سمتلرنده اون در جه
 مقداری معمور محل بولنوب و اول محله دن بحر محیط هندی ساحله و ارنجه کمال حرارت
 شمسدن ناشی شملکدن خالی بریه لر و صحرا لر و غیر مسکون اراضی واقع اولمشدر و اولنکی
 اقلیمه صول طرفندن ایکنی اقلیم متصل اولوب ایکنی اقلیمه دخی اوچنچ اقلیم اوچنچ به
 دردیجی دردیجی اقلیمه بشنچ بشنچ اقلیمه النجی النجی به یدیجی اقلیم علی وجه التوالی
 بر برینه متصل کدوب یدیجی اقلیمک اخرنده عمارت منتهی اولمشدر * و طرف شمالده
 یدیجی اقلیمک آخر بله بحر محیط شمالی ساحله و ارنجه دخی شمسک سمت رأسدن بعدی سبیله
 کمال مرتبه پروتندن ناشی شملکدن خالی بریه لر و خراب محله واقع اولمشدر لکن طرف
 جنوبده خالی و خراب اولان محله جانب شمالده واقع غیر مسکون موضعلردن قتی چوق
 مرتبه اکثر در ۲ * و دخی معلوم اوله که حکما اقالیم سبعه نك عرضلرنی و هر اقلیمک
 نهارلرینک ساعتلرنی بوموال اوزره تحقیق ایدوب دیدیلر که وسط ارضه فرض اولنسان
 خط استواندن فلک اعظمک جنوب و شمالده واقع قطب جنوبی و قطب شمالی دید کلری

استوانك صول طرفه حرارت محدودی اولمغه تولید و تکوین خصوصی جاری
 اولوب عمارت شماله مخصوص اولوق جهتیله این رشدك کلاسه اعتراض اولماز زیرانفس
 خط استواده حرارت مفرطه موجود ایکن ولو قلیلا عمارت موجود بولمشدر بلیکه خط
 استوانك صاع طرفه عمارت امتناعی بحر محیط اولخوالیده وقع اولغله وجه ارضی بشر
 ایدوب طرف شمالك ایسه معمور اولان محللرته انجق آق دکز وقره دکز وکیلان ذکرلی
 اولوب وارالی ارضی معموره ایله ملو بولمشدر طرف شمالده بحر محیط تا اقلیم سابق
 آخرنده وراي سد یا جوجده بولمغه عمارت ك اکثری طرف شمالده بولنوب طرف جنوبده
 بحر محیط عمارته مانع اولمشدر اما نفس خط استوانك عمارتدن خالی اولمی خلاف
 مشهور و معیار مشهور و متواتر اولغله حلیه سخندن عاقل قول باطلدر * بوندن صکره
 معلوم اوله که معموره ارضك واند فرض اولسان بدی اقلیمك و قالمیده واقع ممالکك
 احوائندن بحث ایدن علمه علم جغرافیا دیرل علمای فن جغرافیا معموره عالمده واقع بلدان
 و جبال و بخار و نهاری واحدا بعد واحد ذکر و تفصیل ایدوب فن مزبورده کتابلر تدوین
 و تخریر و اشکال و صورتی خریطه لده رسم و تصویر ایتدیلر که انشاء الرحمن بوندن صکره
 کله جك فصلده قریرلی علی التفصیل ثبت و تخریر اولنور شمندی بومقامده معموره
 عالمك بدی اقلیمه منقسم اولوب و هر قلمك عرضلری و لیل و نهار و ساهلری علی الاجال
 بیان اولنور بوندن اقدام بیان اولندیغی اوزره جرم ارض بحر محیط اوزرنده برمدور اوزم
 دانه سی شکلیده اولوب نصفی بحر اوزرنده ظاهر و مکشوف و نصف آخری درون بحرده
 مستور قالب اطرافنی دایره مارا قوشاق کی عنصر ما احاطه ایلمشدر و جرم ارضك
 طبیعتی ثقیل و جهت سفله مائ و عنصر ماك طبیعتی خفیف اولغله بر مقتضای طبیعت
 جرم ارض ثقلنه بناء بالکلیه جوف بحرده مستور اولوب اصلا بر طرفی مرئی اولماق
 کرک ایدی * لکن وقتا که جناب حکیم بی علت جل شانہ حضرت تبری عناصر
 اربعة دن خلق و ترکیب اولنان انواع حیوان و نبات و معادن خصوصا اشرف موالید اولان
 نوع انسانی خلق و تکوین ایله عالمی معمور و آبادان ایلکسه عنایت علیة صمدانیه سی
 تعلق ایتدیسه مجرای طبیعتی ك حلاقی اراز و اظهار قدرت ایدوب جرم ارضك نصفی
 مقداری بحر دن اخراج و بوقدر مرکبات عنصریه بی تکوین ایله وجه ارضی تزین
 یلادی * ارباب فن جغرافیا ارضك قمر مکشوفندن معمور اولان مقدارنده اختلاف
 ایلوب بعضیلری جرم ارضك معمور اولان محلی انجق ربعی یعنی اوج بلوکه بر بلوکی
 ولسنه ذاهب اولوب و بعضیلری دخی انجق سدسی یعنی التی بلوکه بر بلوکی معمور باقبسی
 خراب دیدیلر و دخی علمای فن جغرافیا دیدیلر که جرم ارضك جنوب و شمال طرفلرینك
 نهایتلری یعنی مغربدن مشرقه طوغر و توجه ایدن کسنه ك صاع و صول جانبلرنده بولنان
 ارضی ایکی طرفدن بحر محیطه وارنجبه معمور اولوب محیطه قریب محللری خراب
 و لوق اوزره ذکر و بیان ایتدیلر مثلا طرف جنوبده قرال و لابندن صکره بحر محیط کنارنه
 وارنجبه نیمه محللر و طرف شمالده مسقو و ترکستار و لابتلرینك و راستنده اولان نیمه مواضع

فرض اولنوب ایکنجی اقلیم دخی اکا بحاور اولوب شدت حرارت غالب اولمغله انلرده
 عمارت اقل قلبلدر بعض اراضی سودان وحبشه وزنج وجزازکی اوچنجی دردیچی بشتیچی
 اقلیملرده شمس سمت رأسدن فی الجمله بعید وناثیری قلیل اولوب حرارت معتدل اولمغله
 مغربدن مشرقه وارنجبه حیوان ونبات و معادن کثرت وکمال وفرت برکت ایله زیاده
 معموردر التنجی ویدنجی اقلیملرده شمسک سمت رأسدن بعدی زیاده اولوب برودت غالب
 حرارت ناقص اولمغله انلرک عمارتی دخی نقصان اوزره واقع اولمشدر * لکن یدنجی
 اقلیمدنصکره برودت کمال مرتبه غالب وحرارت غایبه الغایه ناقص اولمغله التمش درت درجه
 عرضندن طقسان درجه عرضنه وارنجبه واقع اولان موضعلرده مثلاً ورای سد یا جوجده
 طرف جنوب کی عمارت وشنلکدن اثر یوقدر وخط استوائک شمالنده واقع مواضعک
 اکثرنده حرارت و برودت معتدل اولوب و جنوب بنده یعنی صاغ طرفنده حرارت افراطله
 مشتمل اولمغله اقلیم طرف شمالده اعتبار اولنوب معموره ارضک ربع شمالسنک عمارتی
 ربع جنوبیدن اکثر وافر اولمشدر * حتی بعض حکما خط استواده حرارتک اشتدادندن
 ناشی اولحوالیده واکا قریب محللرده عمارت وشنلکدن اثر اولماقی سمتنه ذاهب اولمشلدر
 لکن بوقول ضعیف وباطلدر زیرا مشاهده و معاینه طریقسه و اخبار متواتره ایله ثابتدرکه
 نفس خط استواده و جنوب و شمالنده واقع قریب محللرده عمارت موجود اولوب مجردواشتداد
 حرارت علیت ایله معموریتنی انکار یرنده دکلدر ظاهر اولان بودرکه ذکر اولنسان بعض
 حکما دخی خط استواده واکا قریب محللرده عمارتک وجودنی بالکلیه انکار ایتیموب بلکه
 انلرک دخی مراد لری خط استوا حواله بسنده شمس تابانک ضیا سنک ارضده تأثیرنده شدت
 وافرط حرارتدن ناشی سائر محللره نسبتله تولید حیوان و تکوین نباتک نشو و نماسنه خلل
 ویروب اکثری خراب اقلی معمور اولمغله ذاهب اولمشلدر واقعده و نفس الامرده دخی
 حال بومنونال اوزره اولوب خط استواده و طرف یمیننده عمارت سائر ممالک شمالیه به کوره
 اقل قلبلدر * حکمای اسلامیه و علمای مغاربه دن ابوالولید بن رشد القرطبی دیدیکه
 خط استوا ارضک وسطنده واقع وشمسک سمت رأسه قرب و بعدی مساوی بر محل اولوب
 دائماً آنده لیل ونهار اون ایکبشر ساعت اولمغله نهارک اون ایکی ساعت حرارتنه کیجه نک
 اون ایکی ساعت برودتی مقابل وهواسی سائر محللردن معتدل اولمق اقتضا ایدر وخط
 استوائک صاغ طرفنده بولنان موضعلر صول طرفنده واقع محللر مثلاً به سننده اولمغله
 طرف شمالده خط استوادن التمش درت عرضنه وارنجبه غربدن مشرقه طوغر و متمد
 یدی اقلیم معمور اولدیغی کی خط استوائک صاغ طرفندنه دخی اولمقدار محللرده عمارت اولمق
 اقتضا ایلر ایکن حکمای متقدمین عمارتی انجیق خط استوائک طرف شمالنه تخصیص ایله
 یدی اقلیمی اولطرفده اعتبار ایدوب جنوب طرفنده اقل قلیل عمارت ذکر ایلبوب ماعداسی
 خراب اولمق اوزره تصریح ایتدکلرینه وجه یوقدر دیو ابن رشد نحریر مقال ایلدی
 * ابن رشدک بو کلامی فساد تکوین جهندن محال و ممتنع دکلدر یعنی خط استوائک
 صاغ طرفنده شدت حرارتدن ناشی تکوین حیوان ونبات امری فاسد اولوب اما خط

ینہ سمت رأسه عود ایدوب خط استواءه واقع عم السکده بولنان اہا لینگ شمس تابان کاہ
 باشلری اوسئندہ کاہ ایکی طرفہ رأسلرینہ قریب اولغلہ اول محلارده حرارت مشتدا اولور
 * وكذلك خط استوا ایلہ صول طرفندہ مدار سرطان تحتندہ بولنان موضع ملک ارا سئندہ
 واقع محلارده مثلاً ارض حجازده وینہ خط استوا ایلہ صاغ طرفندہ مدار جدی التندہ بولنان
 ممالکک ماینلرندہ واقع اما کئندہ مثلاً بحر محیط ہندی ساحلندہ اولان بعض بلاد سودان
 وغیرہ شمس تابان خط استوا کبی اول محلارده دخی سمت رأسدن زیادہ بعید اولغلہ شعله
 وضیاسی صحیفہ ارضہ استقامت اوزرہ نزول ایدوب یعنی اہا لینگک باشلری اوزرہ ینہ طوغرو
 منعکس اولغلہ اول اراضیدہ دخی حرارت افراط وشدت اوزرہ حاصل اولور افراط
 حرارت وغلبہ کریمت ایسہ ارض وهوایی تجفیف ویبوست احدث ایدوب تولید حیوان
 وتکوین نباتی افساد ایدر زیر حرارت ویبوست مشتدا اولدقده میاہ ورطوباتی تحلیل
 ایدوب حیوان ونبات ومعاندنہ تکوین امری مختل اولور حضرت حکیم بی علت ومبدع
 باہر القدرۃ جلت عظمتہ حرارت ورطوبتک اعتدال اوزرہ امتزاجنی مرکبات
 عنصریہ تکوین وتولیدینہ مدار ایتمکله غلبہ حرارت رطوبتی افنا ایدن محلارده
 تقدیر الہی ایلہ نشوونما معدوم ومفقود اولور اما مدار سرطان سمت رأسدن ماثل
 ومنحرف اولان محلارکہ شمس تابان طرف شمالدہ خط استوادن بکرمی بش درجہ باخود
 دخی زیادہ بعید اولان موضعلر در اول مملکتلرندہ مثلاً ارض مصر وبلاد عراق واعجم
 وممالک روم وافرنجیدہ والشمس درت درجہ عرضہ وارنجہ ساثر محلارده افتاب اول اما کئنگ
 اہا لینگک قطعاً سمت رأسلرندن مرور ایلوب شعله وضیاسی یمین ویسارلرندن منعکس
 اولغلہ خط استوا واکا قریب محلارده اولان شدت تأثیر بومواضعدہ اولوب حرارت
 وبرودت ورطوبت ویبوست بربرلرلہ اعتدال اوزرہ امتزاج ایتمکله بومحلارده تولید حیوان
 وتکوین نبات حاصل وعلى التدریج اعتدال طبیعی کالئہ بالغ وواصل اولور * لکن
 بومواضعک حالی دخی بربرلرینہ نسبتلہ مختلف ومتفاوت اولوب ازجلہ طرف شمالدہ
 الشمس درت درجہ عرضہ قریب اولوب شمس تابان سمت رأسدن زیادہ بعید اولدقده
 شمسک نور وضیاسی وارضندہ تأثیر ضعیف اولغلہ حرارت قدر حاجتدن ناقص وبرودت
 نصابندن ازید اولغلہ تکوین امری مختل وفاسد اولور لکن اشتداد حرارتک تکوین
 ومخارده ضرری غلبہ برودتک فساد تکویندہ تأثیرینہ غالبدر یعنی برمحلہ کہ شمس
 سمت رأسہ قریب اولوب افراطلہ حرارت شدید اولسہ اولمحلہ تولید حیوان وتکوین
 نباتہ خلل ترتب ایتدیکبی کبی شمس سمت رأسدن بعید اولوب برودت غالب اولان
 مواضعدہ دخی فساد تکوین مقرردر اما شدت حرارتک ضرر وفسادی غلبہ برودتک
 فسادندن اقوادر زیرا حرارتک برشئی قور ودوب تجفیف وتحلیل ایلہ تأثیر برودتک
 برشئی طوکدروب اجاد ایتمہ سندن اسرعدر کورمز مہسز کہ حرارت ناریہ یا نمغہ مستعد
 اولان نسنہ بی احراق ایتدیکبی مدتدہ برودت ہوائیہ انجمادہ مستعد اولان نسنہ بی اجاد
 ایدہ مدیکبی ظاہر در بناء علیہ متقدمین رأیی اوزرہ اولیکی اقلیمک ابتداسی خط استوادن

نخستنده بولنان اولنکه زده غایه الغایه حرارت مشتد اولور * اگر طرف شماله قطب
 شمالی افق دن یکر می درت درجه دن زیاده مرتفع اولان محلله توجه اولنسه مثلا دیار
 مصر و شام و مالک روم و عجم و افرنج و ارلسه من بعد شمس تابان سمت رأسه کلیوب
 کر و ده فالور خط استوادن التمش درت درجه بعید اولان محلله و ارلسه قطب شمالی
 دخی التمش درت درجه افق دن مرتفع اولوب و قطب جنوبی كذلك اومقدار نعت الافق
 مختفی فالوب شمس سرطان برجند کلدکده التمش درت عرضنده واقع محلله افتاب
 فرق درجه سمت رأسدن بعید اولوب جل برجند وارد قده التمش درت درجه جدی برجند
 ثقل ابتد کده سکسن سکز درجه اول محلله دن بعید اولور * معلوم اوله که حکمای مقدمین
 رأبی اوزره طرف شماله خط استوادن التمش درت درجه بعید اولان محل یذنبی اقلیمک آخری
 اولوب آندة عمران منقطع اولور دیدیلر * و سبب و علتی دخی بویله بیان ایدوب دیدیلر که
 تولید انسان و حیوان و تکوین نبات ذات الافان و معادن بی پایان عالم اسبابده حرارت
 و پروتک اعتداله موقوف اولوب بواعتدال دخی قرص شمسک وجه ارضه ضیاسنک
 اعتدال اوزره و وصولنه مبتنی در دیدیلر خط استوادن التمش درت درجه بعید اولان
 محلله ایسه مثلا مسعودیارینک و ترکستانک و چین و لایترینک نهایتلر نده و سائر یدنبی
 اقلیمک و راسنده واقع مواضعده مدت مدیده شمس تابان سمت رأسدن غایه الغایه بعید
 و پروت و انجماد کمالرتبه شدید اولوب ماده حیات اولان حرارت ایله ممتزج اولماغله
 علی جری العاده الالهیه تولید و مرکبات و تکوین کائنات منقطع اولمشر * بوندنصکره
 معلوم اوله که شمس تابان سمت رأسدن مرور ایدوب یاخود سمت رأسه قریب اولد قده
 طرف سمدن شعله و ضیایک زمینه خطوط مستقیمه اوزره منعکس اولوب بر برینه مساوی
 زوایای قائمه احداث ایتکله اشعه و انوارینک ارضه تأثیری زیاده اولوب شمسک بر برینه
 قریب اولان محلله ضوء و شعاعی منبسط و منتشر اولمغله اولمحللرک حرارت و سخوتی
 زیاده اولور اما شمس تابان سمت رأسدن بعید اولان محلله انوارینک زمینه انعکاسی
 استقامت اوزره اولوب طرف سمدن سطح زمینه خطوط شعاعیه انحرافی اوزره نازل
 اولغین اول خطلرک زمینده احداث ایلدیک زوایلر بر برینه برابر اولوب بری منفرجه یعنی
 بیوک و بری حاده یعنی کوچک اولمغله انوار شمسک وجه ارضه تأثیری ضعیف اولمغله
 ممر شمسدن بعید اولان مواضعده حرارت و سخونت شدید اولماز معدل النهار نختنده وسط
 ارضه مفروض اولان خط استواده واقع محلله مثلا بلاد سودان ایله حبشه و زنج
 و لایترینک بعضلر نده و بحر محیط هندیه ساحلنده بولنان بمن شهر لر نده آفتاب عالمتاب
 جل و میران اوللرینه نقل و تحویل ایتدکده سنه ده ایکی دفعه اول محللرک اهل البسنک
 سمت رأسلرندن مرور ایدوب بعدده خط استوائک صاغ طرفنه وصول طرفنه دخی میل
 ایتدکده بنه سمت رأسدن زیاده بعید اولوب خط استوائک صول طرفنه کجوب غایت میل
 و بعدی اولان سرطان برجند کلدکده بنه فی الحال سمت رأسه یاقلشوب كذلك خط
 استوائک صاغ طرفنه کجوب اول طرفده دخی غایه میل و بعدی اولان جدی برجند کلدکده

معلوم اوله که مهندسین اصطلاحنده زاویه برخطک برخط اوزرینه قیامندن ایکی طرفده حاصل اولان گوشه یه دیرلر اگر خط استقامت اوزره قائم اولورسه ایکی طرفنده بر برینه برابر ایکی زاویه حاصل اولوب هر برینه قائم دیرلر اگر اول خط آخر اوزرینه میل و انحراف اوزره قیام ایدرسه حاصل اولان زاویه لرک بری بیوک بری کوچک اولوب بیوکنه منفرجه کوچکنه حاده دیرلر
قائمه قائمه حاده / منفرجه
 بوشکلرکچی شمسک نور و ضیاسی دخی سمت رأسه مرور ایدن محلله ارضه طوغرو نازل اولوب خطوط شعاعیه ارضه زاویه قائمه احداث ایدر سمت رأسدن بعید اولان محلله ایسه خطلر ارضه میل و انحراف اوزره نزول ایتکله ارضه بر برینه مختلف زاویه حاصل اولور ضیایک تأثیری ایسه زاویه قائمه اوزره انعکاسی صورتنده شدید منفرجه و حاده صورتنده ضعیف اولدیبی کتب حکمتده بیان اولمشر للترجم محمد صاحب

برخی رفع اید . رك تا اورتا به
 كتورسك مقابل اولان قولپ
 دخی تحت الافق اورتاده
 بولنوب ومعدل دائره سی
 ذات الكرسی اسکمله سنك
 تخته سیله برابر اولوب افق
 مقامنه قائم اولغله طوبی
 تحريك ایلسك اسباب چرخ
 کبی دور ایلوب ودائرة
 البروجك نصفی فوقده
 ونصف آخری تحتده بولنوب
 عرض تسعینك دخی احوالی
 بووضع ایله معلوم اولوب
 عرض تسعینده التي آی کیجه
 التي آی کونڈ اولدیغی ظاهر
 اولور لمترحم محمد صاحب

وسرطان برجنه وصولنده میلی غایت بولوب بعده تدریج ایله سرطانندن اسده اسدندن
 سنبله یه کلدکده ینه خط استوا اهلپسنك سمت رأسلرینه قریب اولوب وسنبله برجندن
 میزان اولنه واصل اولدقده ینه شمس تابان خط استوا اهلپسنك سمت رأسلرندن
 مرور ایدر * بعده میزان اولندن دخی حرکت ایدوب معدل دائره سنك وخط استوا
 اهلپسنك جنوبنه یعنی صاغ طرفنه کچوب بروج جنوبیه یه نقل وله ریج ایله برکون برکیجه ده
 بدرجه حرکت ایدر رك اوج آی تمامنده میزان وعقرب وقوس برجلرنده سیرینی تمام
 ایدوب جدی برجنك اولنه واصل اولدقده مدار شمس اولان قوس جنوبی نك قبضه سنه
 ووسطنه واصل اولدقده طرف جنوبده دخی طرف شمال کبی بکرمی درت درجه
 بعید اولور * بعده ینه تدریج ایله جدی برچندن دلو برجنه دلودن حوت برجنه واصل
 اولدقده اقباب فلکده معدل دائره سنه وارضده خط استوا یه تقارب ایدوب حرکت
 ابتدا اندیکی حمل برجنك اولنه واصل اولور فعلی هذا شمس تابان حمل ومیزان
 برجلرینك اوللرینه کلدکده وسط ارضده واقع خط استوا ده سنه ده ایکی دفعه اهلپسنك
 سمت رأسلرندن مرور ایدوب بواثاده خط استوا ده غایه الغایه حرارت مشند اولوب
 شمالده سرطان برجنه وجنوبده جدی برجنه نقل ونحویل اندکده خط استوا اهلپسنك
 سمت رأسلرندن بکرمی درت درجه بعید اولغله اول دیارده فی الجمله برودت حاصل اولور
 * اما خط استوا دن مثلاً طرف شمالده واقع ممالککه توجه اولنسه معدل النهار دائره سی
 خط استواک اوزرنده و برابرلکننده اولغله معدل سمت رأسدن زا ئل و طرف جنوبه
 مائل اولوب وخط استوا افقده یعنی اول محلده کولک یوزینك کبارندن مفارقت ایتمن
 قطب شمالی دخی شماله توجه ایدن کسنه نك ارضده سیر وحرکتی مقداری درجه درجه
 افقندن مرتفع اولوب قطب جنوبی دخی اول مقدار تحت الارض افقندن اشاغی بولنوب
 کندی ا که قریب اولان کواکب مختفی اولور * خلاصه کلام خط استوا دن
 کرک طرف شماله وکرک طرف جنوبده واقع محلهه توجه اولدقده خط استواک
 برابرلکننده واهلپسنك سمت رأسلرنده واقع فلکده مفر وض معدل النهار دائره سنندن
 نه مقدار درجه بعید مسافه قطع اولنورسه شماله توجه ایدن کسنه یه نسبتله قطب شمالی
 افقندن اومقدار درجه مرتفع و قطب جنوبی دخی اوقدر تحت الافق مختفی اولوب
 خط استوا ده کورغمان نیجه کواکب شمالده نمایان و طرف جنوبده نیجه سی دیده دن
 نهان اولور * ودخی معلوم اوله که خط استوا دن شمال طرفنه توجه ایدن کسنه
 خط استوا دن بکرمی درت درجه بعید اولان محلهه مثلاً جزیره العربده حجاز ولایتلرینه
 واکه محاذی اولان محلهه واصل اولدقده سرطان برجی سمت رأسه کلوب معدل النهار
 دائره سی سمت رأسدن بکرمی درت درجه بعید قالوب و قطب شمالی دخی بکرمی درت
 درجه افقندن مرتفع و قطب جنوبی تحت الارض كذلك اول مقدار اشاغی قالور
 اول وقتکه شمس تابان سرطان برجنه نحویل ایدر انجق سنه ده برکوره اول محلهه ده
 شمس تابان سمت رأسلرندن مرور اتمکله حجاز اولککه سنهده وسر سرطان برجی مداری

درجه اشاعی اولوب و دائرة معدل النهار سمت رأسدن كذلك التمس درت درجه بعيد اولور
 اكر قطب شمالي دائرة افقدن طقسان درجه مرتفع اولان محل كه عرض تسعين درا كه
 وصول ممكن اولسه قطب شمالي سمت رأسه كلوب قطب جنوبي تحت الارض سمت
 قدمده بولنوب و دائرة معدل النهار عرض تسعينه افق دائرة سي مقامه قائم اولغله بروج
 شماليه اطلاق اولنسان التي برج كه حل و ثور و جوزا و سرطان و اسد و سنبله برجلر بدر
 دائما افقك فوقنده بولنوب شمس تابان اول برجلره كلدكده قطعا غروب ايتمكله التي آي
 كوندز اولور و بروج جنوبيه كه ميزان و عقرب و قوس و جدى و دلو و حوت برجلر بدر
 اشبو عرض تسعين شمالي ديدكلى محله دائما افقك التده بولنوب مهر منير بو برجلره
 كلدكده اصلا طلوع ايتمكله التي اى كيجه اولمق لازم اولور بناء عليه طرف شماليه
 حكماي متقدمين رأيلرى اوزره قطب شماليك التمس درت درجه مرتفع اولديغى محل كه
 آخر معموره در اول محلدن عرض تسعينه و ارنجه عمارت و شتلك ممتنع اولوب نه حيوان
 و نه نبات حاصل اولمق متصور دكلدر زيرا عرض تسعينه سنه كامله بركون ايله
 بر كيجه دن عمارت اولوب و بركون ايله كيجه نك مقدارى سائر معموره ده جارى التي آي
 مقدارى زمان مديد و تمتد اولغله كرك عرض تسعينه و كرك ا كه قريب بولنسان
 اراضيه حرارت و برودنك مدتلى طويل و مديد و ماينلرنده زمان غايه الغايه بعيد
 اولغله مدار نشو و ثماي مواليد اولان اعتدال طبيعى حاصل اولوب حسب العاده
 توليد حيوان و تكو بن نبات متبسر اولسا مغله التمس درت درجه دن طقسان درجه
 عرضنه و ارنجه واقع اولان محللر عمارتن خالى قالمشدر * معلوم اوله كه خط استوا
 وسط ارضه مغروض و معدل النهار دائرة سي برابرلكنده واقع مغربن مشرقه طوغرى
 برخط مستدير اولغله اقطاب عالمات اول بهار اولان روز نوروزده حل برجنه و اول خريف
 اولان ميران برجنه نقل و تحويل ايتدكده خط استواده واقع اولان ممالكك مثلا بلاد
 سودان و زنج و حبشه اهابسنگ باشلى اوزرندن سرور ايدوب مهر منير بوايكي برجه
 كلدكده مرمى معدل النهار دائرة سي اولوب و شمسك مدارى اولان دائرة البروجك هر برنصفي
 معدل دائرة سنك صاغنده وصولنده بر قوس و معدل اول قوسلرك كرتي مقامنده اولغله
 جلدن ميرانه و ارنجه التي برج معدل النهارك صول طرفنده واقع قوسده و ميراندن
 حل اولنه و ارنجه التي برج صاغ طرفنده اولان قوسده بولنغله شمس تابان ابتدائى
 جلدن بركون بر كيجه ده بدر درجه مقدارى كندويه مخصوص حركت غريبه سايه
 معدل دائرة سنك صول طرفنه كچدكده خط استواده واقع ممالكده دخى غربدن مشرقه
 توجه ايدن كسنه لك شمالنده واقع اولوب على التدريج بر آيد حل برجنى و ثور برجنى
 و جوزا برجنى دور و قطع ايدوب سرطان برجنى اولنه و اصل اولدقده مدارى اولان
 قوس شماليك قبضه سنه يعنى وسطنه كلكله شمس منير فلنكده معدل دائرة سنندن
 و ارضه خط استوادن بكرمى درت درجه مقدارى بعيد اولور كه شمسك معدل دن غابت
 بعيدر و بواوقانده مهر منير خط استوا اهابسنگ سمت رأسلرندن شمالر يته ميل ايدوب

معلوم اوله كه ذات الكرسى
 ديدكلى كه هيتت طويلدر
 اول طوبك ايكي قولپي واردر
 دمردن معمولدر انلرك برى
 قطب جنوبي و برى قطب
 شمالي مقامنده در مادامكه
 اول قولپلرك ايكي طوبك
 اسكمله سي او زرنده قائم اوله
 طوبك او راسنده رسم اولنان
 معدل دائرة سي نك ايكي طرفه
 بعدى برابر اولوب خط
 استواده ذكر ايتديكمز وجه
 اوزره شرفدن غربه طوغرى
 طوبى تحريك ايلسك دولاب
 چرخى كى دور ايدراما قولپلرك
 ينى اسكمله نك تحت سندن
 يوقار و قالدسقى مقابلنده
 اولان قولپ تحت نك التده
 قالب و معدل دائرة سي دخى
 تحت الافق اولان قولپ
 طرفنه ميل ايدر و شرفدن
 غربه طوغرى طوبى تحريك
 ايلسك دولاب چرخى كى دور
 ايتيوب حاييليجه منحرف
 دوره باشلر قولپ تقدر رفع
 اولنسه مقابلنده اولان قولپ
 دخى اولقدر اشاعى اينوب
 و معدل دائرة سي دخى اولقدر
 منحرف اولور خط استوادن
 التمس درت درجه عرضنه
 و ارنجه معمور اولان محللرك
 حالى دخى بونكله معلوم اولور
 اما هيتت طوبنك قولپلرينك

التي برجكه حل ثور جوزا سرطان اسد سنبله برجريدن منطقة البروجك اشبو نصف
 شماليسي اولان قوسده اعتبار اولمشدر و دائرة بروجك نصف آخري اولان قوس معدلك
 جنوبنه يعني صاغ طرفنه ميل ايدوب بروج جنوبيه ديدككري ميران عقرب قوس جدى
 دلوحوت برجلى دائرة بروجدن معدلك صاغ طرفنده اولان نصفنده اعتبار اولمشدر
 * ودخى معلوم اوله كه فلك اعظمك قطب جنوبىسي و قطب شماليسي اولان بربرينه
 مقابل ايكي نقطه دائرة افقك يعني كوك يوزينك كآرنده صاغنده وصولده بولنوب
 كورنديكي معبره ده دائرة معدل النهار برابرلكنده و تحتنده جرم ارضك وسطنده
 دخى مغربدن مشرقه طوغرى يوز سكسان درجه به مقسوم برخط مستدير فرض
 اولمشدر كه اصحاب جغرافيا اول خطه خط استوا تسميه ايتديلر اول خط اوزرنده
 واقع ممالكده ليل ونهار دائما بربرينه مساوى اولدوغيچون و معدل دائرة سي فلك اعظمى
 ايكي نصفه تقسيم ايتديكي كبي خط استوا دائرة سي دخى جرم ارضى ايكي نصفه
 بولوب غربدن شرقه اول خط اوزرنده توجه ايدن كسنه نك صاغ طرفنده واقع اولان
 محله اراضى جنوبيه وصول طرفنده بولسا ن محله اراضى شماليه اطلاق ايدرلر
 و بطليوس اقليم سبعة دن اولكي اقليمك ابتدا سنى خط استوا دن اعتبار ايدوب
 جهته شماليه يدنجى اقليمه وارنجيه اقليمى طول و عرضلريله بسط ايدوب و حكماى
 متقدمين قنده جرم ارضك معبر اولان محله اراضى انجق خط استوا نك جهته شماليه سنده
 يعني صول طرفنده واقع اولوب قطعاً خط استوا نك جنوب طرفنده يعني صاغ جانبنده معبر
 اولماق اوزره زعم ايتشدر * معلوم اوله كه ارض و سما نك شكلى كرى و مستدير
 اولغله اكر بر كسه جرم ارضك وسطنده غربدن شرقه طوغرى فرض اولان خط استوا ده
 واقع بر محلدن مثلاً جهته شماليه يعني مغرب شهر لرينه يا خود بلا دجهاز و عجم و روم
 و ديبار فرنجيه طوغرى توجه ايلسه قطب شمالى ديدككري نقطه كه بنات نعش كوكبلى
 سمتنده در اول نقطه موهوم مادامكه شماله توجه اولان كسنه خط استوا ده بولنه
 افقندن يعني كوك يوزينك كآرندن مفارقت ايتز ايدى اما سمت شماليه توجه اولنده قد
 كند كجه تدريج ايله قطب شمالى و بنات نعش كوكبلى افقندن يوقار و ارتفاعه باشلوب
 قطب جنوبى و انك سمتنده اولان كواكب اولق در تحت الارض مخفى اولور مثلاً خط
 استوا دن جنوب و شمال سمتلرندن بر طرفه بدرجه مقدارى مسافه حركت اولنسه كه
 سير معدل ايله درت قوناق يردر خط استوا نك شمالته يعني صول طرفنه توجه ايدن
 كسنه نك سمت رأسى خط استوا فوقنده فلكده مغروض اولان معدل دائرة سندن
 بدرجه بعيد اولوب و قطب شمالى ايله قربنده اولان كواكب دخى افقندن بدرجه
 مرتفع اولور ايكي درجه طى مسافه اولنور سه قطب شمالى دخى ايكي درجه افقندن
 مرتفع اولور فعلى هذا القياس حكماى متقدمين رأى اوزره طرف شماليه معبره نك
 آخري اولان الشمس درت درجه عرضنه وارنجيه خط استوا دن حركت اولنسه
 قطب شمالى افقندن الشمس درت درجه يوقار و بولنوب قطب جنوبى افقندن الشمس درت

نظر اولند قده تخیل اولور * ودخی علم هیئته بیان اولمشدر که اشبو فلک اعظم
 مشرقدن مغربه طوغری حرکت مخصوصه سیله حرکت ابتدکده جوفنده مرکوز اولان
 سکر فلک دخی بونک حرکت تبعیت ایله شرفدن غربه طوغری حرکت ایدر لر یعنی شمس
 وقر و سائر کواکب سیاره و نایته فلکریله بیله افق شرفدن طلوع ایدوب وقت ظهرده
 وسط سمایه وصول ایدوب بعده غروب ایدوب تحت الارض سیر و حرکت ایدوب
 ینه مفارقت ابتدکری افق شرقی به برکون برکیجه مدتده واصل اولماری انجق فلک
 اعظمک حرکت تبعیت ایله در و بو حرکت محسوسه و ظاهره در مع هذا کواکب سبعة
 سیاره دن شمس وقر و زهره و عطارد و مریخ و مشتری و زحلک هر برینه مخصوص
 بر فلک اولوب و ثوابت دیدکری کواکب بحساب سکر نجی فلکده مرکوز در
 بوذ کر اولسان کوبلرک فلکریک دخی قدر وجهنده فلک اعظم حرکت تبعیت مخالف
 کندیله مخصوص باشقه حرکتی اولوب غربدن شرقه طوغری حرکت ایدر لر
 فلک اعظم ایسه شرفدن غربه طوغری برکون برکیجه مدت قریب زمانده حرکت
 ابتدیکی معلومک اولمشیدی و شمس وقر و سائر کواکب سیاره و ثوابت فلکریک
 غربدن شرقه طوغری کندیله مخصوصا حرکتی دخی مختلفدر از جمله قمرک غربدن
 شرقه حرکت مخصوصه سی برآید و شمسک برسنه ده و زحل و مشتری و مریخ و زهره
 و عطارد کوبلری دخی زیاده مدتده و فلک نامنده مرکوز اولان ثوابت کوبلری
 بر قاج بیک بیله غربدن شرقه طوغری دورلری تمام ایدر لر دیوا صاحب فن هیئت ارسادایله
 ضبط و تحریر ایدیلر * ودخی معلوم اوله که مجموع کواکب سیاره نک و ثوابتک
 اکثرینک فلکریک حرکتی مدار و عمرلری یعنی دور اندکری طریق و محکم سمتلری
 جمله افلاکی محیط اولان فلک اعظمک اور تاسنده مفروض اولان معدل النهار دائره سنک
 برابرکننده و سمتده اولیوب بلکه معدل دائره سنی ایکی طرفدن چفته قوس کی احاطه
 ایدی ینه فلک اعظمده مرسوم بریوک دائره نک برابرکننده و تحتده واقع برداره اوزرنده
 دور ایدر لر فلک اعظمده بوداره نایه ده دائره البروج و منطقه البروج نسبه اولمشدر که
 اون ایکی برجک اوائل بوداره ده اعتبار اولمشدر و اشبو منطقه البروج دائره سی
 معدل النهار دائره سیله ایکی نقطه ده قاووشوب و برلرندن ینه مفارقت ایلوب منطقه البروج
 دائره سنک نصفی اولان قوس معدلک صاغنده و نصف آخری صولنده واقع اولور
 * ودخی کتب هیئته بیان اولمشدر که دائره بروج اون ایکی قسمه تقسیم و هر قسمه
 بر برج نسبه اولوب و هر برج دخی اوتوز درجه قسمت اولمشدر که شمس تابان
 برکون برکیجه ده بر درجه مقداری کندی حرکتیله سیر ایدوب اوتوز کونده بر برجی
 اوچبوز الشمس کونده اون ایکی برجی دور ایدر و منطقه البروج دائره سی معدل النهار
 دائره سیله بروج شمالیه نک ابتداسی اولان جل برجک اولی ایله بروج جنوبیه نک ابتداسی
 اولان میزان برجک اولی اولان ایکی نقطه متقابله ده ملاقات ایتلریله دائره بروجک
 نصفی اولان قوس معدلک شمالیه یعنی صول طرفند میل ایدوب بروج شمالیه دیدکری

منطقه البروج دائره سیله
 معدل النهار دائره لری هیئت
 طوبینک اور تازنده دائره امدار
 رسم اولوب و برلریله بر
 نقطه ده ملاقات اندکدن
 صکره منطقه دائره سنک
 نصفی معدلک صاغنده
 بر قوس و معدلک نصفی اول
 قوسه کرش مقامنده و كذلك
 منطقه نک نصف آخری دخی
 معدلک صولنده بر قوس آخر
 و نصف آخر معدل صولده
 اولان قوسه کرش مثابه سنده
 اولدیغی ذات الکرسی طوبینه
 نظر ایله معلوم اولور
 المترجم محمد صاحب

واقع ممالکده ساکن اولان طوایف ام سائر اقلیمده اولان نره نسبتله کثیر اولوب
 بلاد وامصاری دخی قلیلدر * اما اوچنجی دردیجی اقلیم ایله بشنجی التنجی اقلیمک
 حال وشانی اولکی ایکنجی اقلیمک حالنه مخالف اولوب بولنرده عمارتدن خالی صحرائ
 وقومسال وادیلر قلیل وبواقلملرده ساکن اولان طوایف ام کثرت ووقرنده حددن بیرون
 وبلاد وامصار عامره سی قیاسدن افز وندر * ودخی اوچنجی اقلیمدن بشنجی اقلیمه
 وارنجیه عمارت عالم متراید ومترقی اولوب واولکی ایکنجی اقلیمده شنک قلیل
 اولدیغی کبی بدنجی اقلیمده دخی عمارت ناقصدر ودخی خط استوائک جنوبده صاع
 طرفنده واقع ممالک سودانده وسائر محللر نده عمارتک غایه الغایه قلت اوزره وقوعنک
 سببینه بیانده حکما دیدیلرکه طرف جنوبده شمسک سمت رأسدن میلی قلیل اولمغه افراط
 حرارتدن ناشی تکوین انسان و حیوان وادراک نباتات ممکن اولوب اولدیغی صورته
 دخی مزاجلری اعتدال دن خارج اولمغه بلاد شمالیه ده حاصل اولان عماره نسبتله معدوم
 حکمنده فرض اولمشدر * امدی حکمانک بوقوللرنی برهان قوی ودلیل قطعی ایله
 اثبات وایضاح ایدوب طرف شمالده اوچنجی دردیجی اقلیمدن التنجی اقلیمه وارنجیه
 عمارت عالمک تراید وترقبسنک سبب وعلتی وجنوب سمتده بولسان ممالکک عمارتدن
 حصه سی قلیل اولدیغنک حکمنی قواقد فن هیئت اوزره بیان ایدوب دبرز که فلک
 اعظم که جمله افلاکی محیط اولان فلکدر که لسان شرعده عرش عظیم عنوانیه
 مذکوردر و فلک اعظمک ایکی طرفنده بر برینه مقابل ایکی قطبی واردر برینه قطب
 جنوبی و برینه قطب شمالی دیرر یعنی حکما فلکده ایکی نقطه موهومه فرض ایتدیلرکه
 غربدن شرقه طوغری توجه ایدن کسنه نک صاع طرفنده اولان نقطه موهومه به
 قطب جنوبی وصول طرفنه محاذی ومقابل اولان نقطه به قطب شمالی تسمیه ایتدیلر
 فلک اعظم شرقدن غربه طوغری بوایکی قطبک اوزرنده دور ایدوب شمسک طلوع
 وغروب ویل ونهارک حصولی بوفلکک دور یله حاصل اولور و بوایکی قطب
 خط استواده واقع محللر ده دائما افقک یعنی کوک بوزینک کازنده بری صاع طرفندن
 بری صول طرفندن اصلا زائل اولماز و بوایکی قطبک و دائره افقک تخیلی هیئت طوی پی
 دیدکلری ذات الکرسی آنته نظر ایله نساها اولور که ذات الکرسینک ایکی یانلرنده دهر دن
 یا باقر دن معمول میلک اوچلرینک بری قطب جنوبی بری قطب شمالی مقامنده اولوب
 اول میلک اوچلری ایکی طرفدن هیئت طوی پیک اسکمله سنک محیطی اولان مدور تخته
 اوزرنده قائمدر و اول مدور تخته کوک بوزینک ککاری اولان افق مقامنده در و فلک اعظمک
 تا اورناسنده بر ییوک دائره فرض اولمشدر که مغربدن مشرقه طوغری فلک اعظم
 سطحنده فرض اولسان دائره لک جمله سندن اعظم اولوب فلک اعظمی تصیف ایدر
 اول دائره به معدل النهار تسمیه اولمشدر ومعدل النهار دائره سنک ایکی طرفنده اولان
 قطبلره بعدی برابر دنته کیم هیئت طوی پیک تا اورناسنده نقطه غربدن نقطه شرقه
 طوغری معدل النهار مقامنده بردائره عظیمه رسم اولمشدر که آلت مزبوره به

مفترق اولوب جله سی بصره کولنه واصل اولدقدن صکره بحر فارسه منصب اولور
 واشبود جله نهری نهر فراتک شرقنده نهر فرات بونک غربنده واقع اولمغله ارازلنده
 محصور اولان بلاده بلاد جزیره اطلاق اولتور و دجله نهرینه دخی فرات کبی هر جانندن
 انهار عظیمه منصب اولور و بین النهرین واقع اولان بلاد جزیره نک دارالملکی موصل
 شهریدر که نهر فراتک جنوبنده یعنی صاع طرفنده واقع اراضی شام ایله دجله نک
 شمالنده یعنی صول جاننده اذر بیجان اولکه سنک مقابلنده واقع برشهردر و انهار
 مذکوره نک بری دخی (نهر جیحوندر) که ابتداسی اوچبجی اقلیمک غربدن شرقه طوغری
 فرض اولنان سکرنجی قسمنده واقع بدخشان اولکه سی حدودنده نوع و خروج ایدن
 عبون کشیزه دن جمع اولوب اتنای جرینده ا که نیجه انهار عظیمه فارسغله وسعت
 بولوب طرف جنوبدن شماله طوغری جریان ایده رک خراسان شهر لر بته مرور اندن
 بشبجی اقلیمک سکرنجی قسمنده بلاد خوارزمه واصل اولدقدن مدینه جرجانک اسفلنده
 واقع جرجان کولنه منصب اولور واشبو جرجان دریاچه سنه نهر جیحوندن ماعدا
 فرغانه نهریله بحیره جرجانک شمالنده واقع بلاد ترکستاندن جاری اولان شاش نهری
 دخی جریان ایدر و نهر جیحونک جانب غربیسنده خراسان و خوارزم شهرلری و طرف
 شرقیسنده بخارا و ترمذ و سمرقند بلده لری واقع اولوب و شمالی طرفنده ترکستان و فرغانه
 و خرنخیه و سار اولو تارستان اولکه لری بولمشدن * معلوم اوله که اشبو ذکرا اولنان
 بحار و انهارک جله سی حکیم بطلمیوس کتاب جغرافیا سنده و ائمه فن جغرافیا دن شریف
 ادریسی جودی کتاب رجاردن ذکر ایدوب و ربع معموره موجود اولان جبال و بحار
 و انهارک جیحون خریطه لرده رسم و تصویر و کمال بسط و استیفا اوزره تحریر ایتدیله که
 بزم ایچون انلره علی التفصیل ذکر دن استغنا حاصل اولشدر بوندن ماعدا بزم بوکتابم زده کمال
 عنایت و اهتمامن قبیله بربر وطنی اولان دیار غرب ایله طرف شرقده اوطان عرب اولان ممالکک
 و انلرده موجود اتمک احوالی تاریخنه متعلق اولمغله بومرته ایله اکتفا مناسب کوزلدی

* کتاب اولک فصل اولنک ایکنجی مقدمه سنک تکمله سی وسط ارضده فرض *
 * اولنان خط استوانک طرف شمالیسنده یعنی صول جاننده واقع اراضینک عمارتی *
 * خط استوانک جنوبنده یعنی صاع طرفنده بولنان اراضیدن اکثر اولدیغی بیاننده در *

یعنی شمال سمتنده واقع اولان عرب و عجم و روم و افرنج و تاروسا و ممالک شمالیه نک
 شلکی صول طرفنده موجود اولان هند شرقی و سودان ممالکی و سار اول حداده
 واقع ممالکک لردن زیاده اولدیغی افاده ایدر بواصرک سببی بویه در که بزمشاهده و معاینه
 طریقیه و السنه انامده دا تراخبار متواتره ایله یقینا بیلور زکه معموره عالمده اقالیم سبعة دن
 اولکی ایکنجی اقلیم که اکثری بلاد عرب و بعضیسی بلاد سوداندر بونلرک عمارتی
 اوچبجی دردنجی بشبجی اقلیمک اقل اولوب اولکی ایکنجی اقلیمک معمور اولان
 محله لر بته دخی نیجه خالی برلر و صحرا و بریه لر تخلل ایتدیکندن ماعدا طرف شرقی لرده
 هند دریاسی دخی واقع اولمغله خرابی معمورینه غالب اولشدر و اولکی ایکنجی اقلیمده

طبرستان اولکه سی وصول طرفنده خزرولان ارضی واقع اولشدر اشبو تحید و توصیف اولنان دربار اهل جغرافیایک ذکر اندکری بحار مشهوره نک جمله سیدر * ودخی مسالک و ممالک تحیر ایدن حکما دیدیلر که بوربع معمورده قتی چوق انهار جاریه موجود اولوب بزه خبری واصل اولانلرک اعظم و اکبری درت نهردر که بری نیل بری فرات بری دجله بری نهر بلخدر که جیحون اسمبله معروفدر (نهر نیلک) مبدئی مغرب اطه سنده خط استوائک صماغ طرفنده اون التی درجه مسافه بعید محله موجود جبل قر اسمبله معروف برکوه پرشکوهدر که وجه ارضنده اندن اعلا جبل اولدیغی معلوم دکلددر جبل مذکورک فرازدن عبون کثیره خروج ایدوب پیرامن دامن کوهده ساحه ارضه منصب اولدقدده اول صولرک برمقداری ینه اول محله بر بجزیره یه یعنی کول تعبیر اندکری دریاچه یه دو کیلوب و برمقداری دخی برغیری کوله جاری اولور بعده ینه اول کوللردن برقاج نهر خروج ایدوب جمله سی خط استوا قریبده جبل مذکوردن اون مرحله مسافه بعید محله برغیری کوله واصل اولدقدن صکره اول کولدن دخی ایکی نهر عظیم خروج ایدوب بری خط استوائک صول طرفنه طوغری جریان ایدرک بروافر مسافه قطع اندکدن صکره مصرک اعلاسی اولان صعبد مملکتنه مجاورنوبه شهر لرینه بعده دیار مصره جری و مرور ایدوب اول ارضی منتهی سقی ایدر محروسه مصر قاهره بی تجاوز ایتدکن صکره بر برینه متقارب شبه زه وجدولله منقسم و منشعب اولوب بلاد مصریه دن اسکندریه ورشید و دمیاط ساحلارنده آقی دکزه منصب اولور بونهر نیل مصر نامبله مشهور اولان نهردر که طرف شرقیسنده حدود دیار مصرده داخل اولان ارض صعبد و طرف غربیسنده الواحات بریه سی واقع اولشدر و خط استوا قریبده ذکر اولنان کوللردن خروج ایدن نهرک ایکنجیسی (نیل سودان) دیدکری نهردر که جانب غربیه طوغری متمد اولوب سیمته خار جنده بحر محیطه منصب اولور و نهرک ایکی طرفنده طوایف سودان دن جماعت کثیره ساکن اولوب نهر مذکور ارازدن جریان ایتکله نیل سودان اسمبله تسمیه اولمشدر و انهار بکارک بری دخی (نهر فرات) در که اقالیم سبعه دن بشنجی اقلیمک التنجی قسمنده واقع ارمینیه اولکه سنده بعض جبالدن بروز و جریان بده ایدوب مدینه ارزن الر و مک شمالدن جنوبه طوغری متمد اوله رقی ملطیه شهرینه بعده منجی نام بلده یه صکره صغینه بعده رقه یه بعده کوفه یه مرور ایلوب بصره ایله واسط اراسنده واقع بر بیوک کوله منتهی اولدقدن صکره ینه چبقوب بصره دریا سنه منصب اولور و نهر فراته ابتداسندن انتها سنه وارنجیه جریان ایدیکی محللارده انهار کثیره قاناتوب و بوندن دخی نیجه جدوللر آریلوب ذکر آتی دجله نهرینه منصب اولور و انهار اربعه عظامک بری دخی (دجله) نهریدر که ابتداسی ینه ارمینیه اقلیمده واقع خلایط اولکه سنده اولان بعض جبالدن نوع و خروج ایدن عبون کثیره دن جمع اولوب شمالدن جنوب سمتیه طوغری متمد اوله رقی اذر بیجان سمتلرینه و موصل شهرینه و بغداده مرور ایلوب بعده واسطه منتهی اولدقدده برقاج جدول عظیمه

زیلعدر بومالك واقع اولوب بعده مندب بوغازی قربنده ارض حبشیدن بجه قبيله سنه
 مخصوص ساحلاره منتهی اولور و بو بجرک دیار مصرده منتهاسی اولان مدینه قلزم ایله
 آق دکر ساحلنده واقع بلده عریش میاننده الی مرحله مقداری بو ایکی بجرک ازار بنی
 فاصل مسافه واقع اولوب بوجهتدن قلزم دریاسی ایله آق دکرک مابینی قریب و بربرزینه
 مسامت اولغله کرک اسلام پادشا هلرینک و کرک ملت اسلامدن مقدم ظهور ایدن
 ملوک سالفه تک بعضیلری بو ایکی بجرک میاننده حائل اولان مسافه بی خرق و شق
 ایلبوب ایکی بجرى بربرزینه مزج والحق ایتمک مراد ایدوب لکن مرام و مقصود لری
 بعض غائله ملاحظه سیله نتیجه پذیر اولوب الی الان حالی اوزره قالمشدر (بجر فارس)
 هند دریاسندن خر وچ ایدن بجرک ایکنجیسی بجر فارسدر که بین العرب خلیج اخضر
 اسمیله دخی موسوم و معروفدر بجر مذکور طرف شرقیسنده سند شهر لریله جانب
 غریبسنده یمن اولکه سی توابعندن احقاف مملکتی ساحلاری اراسندن خر وچ ایدوب
 صاعدن صوله طوغری جری و مرور و مقدار قلیل غربه میل ایله تمتد اوله رق ایکنجی
 اقلیمک التنجی قسمنده بصره اولکه سی سواحلندن ایله جای فرحفرزایه مبدأندن
 درتوز قرق فرسخ مقداری مسافه منتهی اولور بجر فارسک ابتداسنده شرق طرفنده
 سند اولکه سی ساحلاری بعده ایدای عجمده اولان مکران و فارس اولکه لری سواحلی
 و تهاپنده بصره قربنده ایله فضاسی واقع اولمشدر و طرف غریبسنده بصره تک اعلاسنده
 بجرین و یمامه و عمان و شمر اولکه لری بجرک ساحلاری واقع اولوب بعده مبدئى اولان
 احقاف یمن ساحلنه منتهی اولور و بجر فارس ایله قلزم دریاسنک اراسنده
 (جزیره العرب) بردن بجر هنده تمتد غایه الغایه واسع برارض کبیر اولوب
 طرف جنوبیسی یعنی صاغ جانبی هند دریاسی ایله طرف غریبسی قلزم دکرزله طرف
 شرقیسی بجر فارس ایله محدود و اوچ طرفدن بو ذکراولسان اوچ دریا ایله محاط
 برارض ممدوددر لکن جزیره العربک طرف شمالیسی یعنی صول جانبی ارضه متصل
 اولوب بر طرفی بجر قلزم کارنده قلزم بلده سی طرفی بصره شهری اولغله قلزم بلده سی
 مقابلنده شام اولکه سنده واقع عریش شهری ایله بصره تک اراسنده واقع اراضی
 بیک بشیوز میل مسافه تقدیر اولمشدر کوفه قادسیه بغداد ایوان کسری حیره نام
 محله بومسافه ده واقع اولوب بونلرک وراسنده طرف شمالده امم اعاجیه مخصوص
 ممالک موجوددر و جزیره العرب نیچه ممالک و بلادی مشتمل اولوب غرب جانبنده جهاز
 اولکه سی و شرق طرفنده یمامه و بجرین و عمان ولایتلری و صاغ طرفنده بجر هند
 ساحلنده واقع یمن شهر لری واقع اولمشدر * و دخی معبوره ارضک شمال طرفنده
 واقع ارض دیلده سائر بجراردن منقطع بر بجر آخردخی واقع اولوب بجر جرجان
 و دریای طبرستان اسمیله معروف و مشهوردر مسافه سنک طولی بیک میل و عرضی
 التیوز میل مقدار ایدر بو بجرک جانب غریبسنده اذربایجان و دیلم اولکه لری و طرف
 شرقیسنده ترکستان و خوارزم مملکتلری جانب جنوبیسنده یعنی صاغ طرفنده

بوئدن اقدام ذکر اولندیغی
 اوزره مسافه ارضه
 بدرجه تک مقداری الشمس الی
 میل و ثلثان میل اولوب و هر
 درجه سیر اعتدال ایله درت
 قوناقد و قطع اولدیغی
 صورتده جزیره العرب
 اولکه سنک قلزمه منتهی
 اولدیغی محله ارضه اتصالتک
 مبدائی اولان عریشدن بصره
 وارنجیه الی قوناقدن زیاده
 مسافه اولور بجر درجه اوچر
 قوناقد و قطع اولدیغی
 تقدیرجه دخی اقل اولور
 للترجم محمد صاحب

بجر مذکور حالا دیار عجمده
 در بند شروان قربنده کیلان
 و ازدرهان دکرزی دیمکله
 معروف بجر درکه بر بجره
 اتصال یوقدر صاحب

خروج ایدر بر بحر عظیم و اسعدر که شمالدن جنوبه طوغری بر مقدار متمد اوله رق
 اقلیم سبعة دن اقلیم اوله واصل اولوب بعده اقلیم اولده واقع هندوستند ساحلارندن
 غرب طرفه منحرف اولور و صکره اقلیم اولک بشنجی قسمند یته محیط ساحلنده
 حبشه و زنج اولکسه لینه و قلزم دکزینک خروج اتدیکی مندب قیوسی تعبیراند کلری
 بوغازه منتهی اولور و اشبو بحر محیط شرقی نک مبدئی اولان اقصای بلاد چیندن
 نهایتی اولان باب منده به کلنجه درت یک بشبوز فرسخ مقدار می او اور که بهر فرسخی
 بعض حکما فولی اوزره او چرمیلدن اون اوچ یک بشبوز میل ایدر و اشبو بحر
 ساحلنده مرور اتدیکی مملکتلر و اولکهلر اعتبار یله بحر چین بحر هندی بحر حبشی
 نسیمه اولمشدر و بو بحر جنوبنده یعنی خط استوا به طوغری صاع طرفنده واقع
 ساحلارنده زنج تعبیر اولور قراقر بلر ایله فصهای عربدن امری القیسک شعرنده ذکر
 اتدیکی بر رقبیله لرنیک مملکتلری واقع اولمشدر لکن بوسا حلدده ساکن اولان بر بر بلر
 مغرب بلادنده اقامت ایدن طوایف بر اجناسندن معدود اولوب انلرک انسابندن خارج
 بر بر اسمیله معروف بر مقدار قبیله در بعده بحر مذکور سفاله اولکسه سی وارض و قواق و طوائف
 سودان دن بر نیجه قبائله مخصوص اولکهلرک ساحلار یله متمد اوله رق شتکدن خالی بر بهار
 و صحرا واقع اولمشدر و اشبو بحر شرقی نک شمالنده یعنی خط استواک صول طرفنده بو بحرک
 نهایت شرقده مبدئی اولان چین شهر لری بعده هند اولکسه سی بعده سند مملکتلری ساحلاری ایله
 جزیره العربده واقع سواحل بمندن احقاف و زبید و سائر بلادین واقع اولوب ابتداسی
 اقصای ممالک چین و اتھاسی زنج شهر لریدر * و دخی دیدیلر که اشبو بحر حبشیدن بر
 بوغازدن ایکی بحر آخر دخی منشعب اولوب برینه بحر قلزم و برینه بحر فارس نسیمه اولمشدر
 (بحر قلزم) بر بحر در که ذکر اولان هند دریاسی بمن ساحلارینک طرف غربیسنده واقع مندب
 قیوسی تعبیر اولان محله منتهی اولدقده بمن ساحلی طرفندن مندب اسمیله مسمی بر طولانی
 جبل بحر هنده طوغری متمد اولوب مقابلی اولان حبش ساحلنده درت بش میل مقداری
 قریب اولدقده بویکی ساحلک مابینی اولان مندب بوغازندن اشبو بحر قلزم خروج
 ایلوب کند کجه ایکی ساحلک اراسی وسعت بولوب بحر هندک صول طرفنه طوغری
 متمد اوله رق و مقدار قلیل غرب جهته میل ایده رک شرق طرفندن بمن و حجاز اولکهلری
 ساحلار یله غرب جا بنندن حبش و دیار مصر ساحلاری اراسندن جریان ایدوب ایکنجی
 اقلیمک بشنجی قسمنده دیار مصر حدودنده واقع قلزم اسمیله معروف بلده یه یک درتیوز
 میل مقداری مسافه ده منتهی اولور و اشبو بحر قلزم بحر سویس دخی اطلاق اولور
 بلده سویس ایله فسطاط مصر که اسکی مصر در مابینلری اوچ مرحله مقداری مسافه در
 و اشبو بحر قلزمک طرف شرقیسنده ابتدا مندب بوغازینه متصل بمن ساحلاری بعده
 حجاز ساحلاری و جده اسکله سی واقع اولور بعده مسکن قوم شعب اولان مدین بعده ایله
 نهایتنده فاران نام محل واقع اولمشدر و بو بحرک طرف غربیسنده ابتدا مصر اولکسه سی
 مضافاتندن صعب ساحلاری بعده نوبه و حبش ممالکتندن عینذاب و سواکن و زالم که

ایله ینبعه قریب بر جبل
 و بر بلده اسمیدر

قلعه لری اولان محله اناطولی و روم ایلی ساحلاری اراسنده بوغاز حصاری دیمکله معروف بوغازدن خروج ایدوب کتدیجه اناطولی و روم ایلی ساحلارینک مابینی وسعت و فسحت بوله رقی بهر بحراسی الشمس میل اولوق اوزره تخمینا اوچ مجراده یعنی بوزسکسان میل تمامنده بلده طیبه قسطنطنیه نیک کارینه واصل اولوب بعده برمجرادن زیاده مسافده از تکمید ساحلنده نهایت بولور و بوخلیجیدن دخی بلده قسطنطنیه ایله محیه اسکدار اراسنده الی میل مقداری عرض ایله بر بوغاز تمتد اولوب تقریباً اون سکز میل جری ایله قواق نام محله بحر نیطش تعبیر اولنان قره دکزه متصل اولور * قره دکزه بر بحر درکه بر برینه مقابل ذکر اولنان قواق قلعه لری ساحلاری اراسندن جهت شرقه طوغری تمتد اولوب اناطولی طرفدن هر قیلیه ارضنده مرور ایدوب اندن اناطولی ساحلی ایله تمتد اولورق بلاد خزریه په یعنی کورجی و ابازه ساحلارنده ییک اوچبوز میل تمامنده منتهی اولور و بو بحر ایکی جانبنده روم و تاتار و برجان و روس قومندن وافر جماعت ساکن اولورل * وندیک کور فزی بر بحر درکه آق دکزه ساحلنده واقع اراود ولایتلرینک نهایتله خریطه لده چرمه شکلنده هر سوم ارضندن بر قطعه نیک متهاسنده واقع بولینه ولایتلری اراسنده شمال طرفه طوغری چیقوب وندیک شهرلرندن شنت انجیل نام شهری مرور ایتدکده جهت غربه منحرف اولوب مقداری قضیر میلار ایله مبدأ ندن ییک اوچبوز میل تمامنده وندیک ممالکندن انکلا په اولنکه سنده منتهی اولور و اشبو وندیک کور فزینک ایکی جانبنده وندیک کفره سی و اتالیه ساحلارنده پاپایه تابع ولایتلرک اهابسی و سائر نصاری طائفه سی ساکن اولورل


معلوم اوله که اصحاب جغرافیا جوانب ارضی دائراً مادار احاطه ایلین بحر محیطی ایکی قسمه تقسیم ایدوب بر قسمه محیط شرقی و بر قسمه محیط غربی تسمیه ایتدیلر (محیط غربی) قسمی سبته بوغازینک طشره سنده مغرب اولنکه سی ساحلارندر ابتدا ایدوب جهت جنوبیه سی یعنی صاغ طرفی یینه محیط ساحلنده فاس اولنکه سنک اسکله سی اولان سلا شهرندن صاغ طرفه طوغرو توجه ایلبوب مغرب شهرلریله سودان مملکتلری اراسنده واقع بر بر قبیله رینه مخصوص اولان لمتونه صحراسنی تجاوز ایدوب بعده جنوب طرفنده مسکون و مسلوک اولیان خراب بر په لره طوغرو تمتد اولورق جرم ارضک وسطنده مغربدن مشرقه طوغرو فرض اولنان خط استوائک صاغ طرفنده اولان ساحلاره مرور ایلبوب نیل مصر منبجی اولان جبال قرق صاغ طرفندن جهت شرقه طوغری منعطف اولوب صکره زنج شهرلرینک صاغ طرفنده خراب بر په لردن کچوب شرق و شمالده محیط شرقی په متصل و منتهی اولور و بحر محیط غربی نیک صول طرفی سبته بوغازینک خار جنده اسپانیه ضیطنده اولان اندلس مملکتلرینک ساحل غریبینه و پورتقال مملکتلری ساحلارینه مرور ایدوب اندن فلنک و فرانسه ولایتلرینه واسو یچ مملکتلری ساحلارینه طوغرو و تمتد اولور (بحر محیط شرقی) نهایته شرفیده واقع چین شهرلرینک متهاسندن و خط استوائک اون اوچ درجه مقداری مسافه شم الندن

هر قیلیه ارضی غالباً دولت علیه اید پیوند عثمانیه دن مقدم روم ضیطنده ایکن هر قل روم که قباصره دن بر نیجه قیصرک اسمیدر انک اسمنه منسوب ولایت دیکدر غالباً قره دکزه ارکلی سی اولوق کر کدر لترجم محمد صاحب

ذکر اولنان کور فز مبدأ ندن متهاسنه و ارنجه یدیبوز میل اولوق اوزره تقویم البلدان صاحبی نصیریچ ایشدر لکن دریا میلارینک مقدار لری مختلف اولغله مسافه میلارک عدد جهتله تفاوتی ثابت اولشدر لترجم محمد صاحب

حالا اسپانیه کفره سی ضبطند. اولان طنجہ ولایتی وصول جانند. اولان ساحلده ینہ
 اسپانیا کفره سی تصرفندہ اندلس ممالکنندن طریف نام محل واقع اولوب و بویکی
 ساحلک اراسنده متمد اولان سبتہ بوغازینہ بحر زقاق دخی تسمیه اولنوب عرضی اون ایکی
 میل یادخی زیاده و طولی دخی اون سکرز میل متمد اولور و ذکر اولنسان آق دکر اشبو سبتہ
 بوغازندن ابتدا ایلوب جهت شرقه طوغری امتدادہ باشلد قده کتد کجه ایکی ساحلک
 اراسی اچیلوب وسعت وله رق بعض محللرندہ التیوز میل مقداری عرض پیدا ایدر
 و بحر مذکورک طولی ابتداسی اولان سبتہ بوغازندن نهایتہ وارنجہ بیسک یوز التمش
 فرسخ مقداری متمد اولور که بہر فرسخی متقد مین و متآخرینک اکثر لری قتندہ اوچر
 میلدن اوچ بیسک درتیوز سکسان میل اولوب دردنجی اقلیمک دردنجی قسمک آخزندہ
 شام اولکہ سنہ تابع ساحلارہ منتهی اولور و بو آق دکرک جهت جنوبندہ یعنی سبتہ
 بوغازندن ایچر و کرلندکده صاغ طرفندہ واقع اولان ساحلرندہ ابتدا بوغازک باشندہ ذکری
 سبتی ایدن طنجہ ولایتی ساحلی جزایر اولکہ سنہ تابع دهران قلعه سی بعدہ برنجہ
 مسافہ دنصکرہ افریقیہ اولکہ سی ساحلی بعدہ بزقہ و مصر اسکندریہ سی و دمیاط و عریش
 واقع اولشددر بعدہ جهت شرقندہ سواحل ممالک شامیہ دن یافہ و عکا و صور و صیدا
 و بروت و سائر جهت شرقہ واقع ممالک منتهی اولدقدنصکرہ شمال و غرب طرفندہ
 منحرف اولوب حلب الشهباء اسکله سی اولان اسکندریون و قرمان ولایتلری توابعندن
 تکہ و حید اولکہ سی ساحلرینہ اوغرایوب اندن بلده طیبہ قسطنطنیہ تک غرب و شمالندہ
 واقع اولان مملکتلرہ اندن دخی تجاوز ایدوب وندیک ولایتلرینہ و بولیہ و قلوبیہ و اتالیہ
 و رومہ ولایتندہ اندن دخی آفاقورنہ و فرانسه ولایتلرینہ اندن دخی اسپانیہ ضبطندہ اولان
 اندلس ممالکی ایله فرانسه ولایتلرینک ارازلرینی فصل ایدن جبل برت دیمکله معروف جبلہ
 اندن اندلس مملکتلری ساحلر ایله کیدوب بعدہ ینہ ابتدا ایتدی کمز سبتہ بوغازی ساحلندہ
 مغرب ولایتی نهایتندہ طنجہ فارشوسندہ اشبوساحل شمالیدہ طریف نام محله منتهی
 اولوب آق دکرک دوری تمام اولور و بویجرہ لسان ترکیدہ آق دکر اطلاق اولندیغی کپی
 لسان عربدہ ساحلندہ واقع بعض مملکتلرک اسملری اعتبار ایله بحر رومی و بحر شامی
 دخی تسمیہ اولنور و بویجرده صغیر و کبیر قتی چوق معمور جزیرہ لرا اولوب کبیر جزیرہ لک
 مشهور لرینک بری افریطش جزیرہ سی درکہ کریداطہ سیدر و بری دخی قبریس جزیرہ سی
 و بری چلیہ جزیرہ سیدر و بونلردنصکرہ مبورقہ و سردانیہ و دانیہ جزیرہ لری و سائر
 جزیرہ لدرکہ کتب جغرافیادہ شکللری رسم و تصویر و اخبار و احوال لری تفصیل و تحریر
 اولمشدر * و دخی اصحاب فن جغرافیا دیدیلرکہ آق دکر دن شمال جهتندہ بر بوغاز دن
 ایکی بحر آخردخی خروج ایدرکہ بری وندیک کور فزی دیدکلری خلیجدرکہ اکابحر
 بنادقہ دیرل و بری دخی خلیج قسطنطنیہ درکہ محبہ استانبولک جهت غربندہ واقع
 بوغاز حصارندن چیقوب بلده طیبہ قسطنطنیہ بہ مہر و رایلوب از نکمید قضاسی
 ساحلندہ منتهی اولور * خلیج قسطنطنیہ آق دکر طرفندہ کلید البحر و سلطانیہ

احوالندن و حدود و مسافه لرندن خبر و روبرو ربع مسكونده واقع مملكتك و شهرلك
 و جبال و نهرلك و صحرالك احوالني و قوفلري مقدارني نحر پرو و معموره ارضي يدي قسمه
 تقسيم ايلوب و اقاليم سبعة اسميله نسميه ايلديلر و بواقليمك هر برينك طولني تعيين ايچون
 مغربدن مشرقه طوغري بر خط مستقيم فرض ايدوب هرايك خطك ماينني براقليم
 عدا بتديلر و هراقليمده بوايك خطك اراسنده اولان مسافه بر برينه برابر اولغله
 اقاليم سبعة نك عرضلري برابر لکن طوللري مختلف اولوب اقليم اول اقليم نائیدن اطول
 ثاني نائیدن ثالث رابع رابع خامس سادسدن سادس اولوب اقليم سابعدن اطول
 و يدني اقليم جله اقالمدن اصغر اولور سبي دخی بودر که جرم ارضك ربع مسكون
 اطلاق ايتدکري قطعده سي برمدور قبه شکلده بگردن طشره چيقوب و دأرا مدار
 جله اطراف و جوانبني بحر محیط قوشاق کي احاطه ايتديکنندن ناشی بهر حال اول قبه نك
 اور تاسنه مریور ایدن خط مستدیر یا نلرینه طوغری چيقان سائر خطلردن اطول و یانسه
 زیاده قریب اولان خط جله دن اقصرا اولق اقتضایا ایتکله اقليم اولک بطلبوس قنده
 اولی کره ارضك وسطنده مفروض خط استوا اولغله جله دن اکبر ایتکنجی اقليمک اولی
 اولکی اقليمک آخری اولغله طول قلیل اولوب کتد کجه هراقليمک طولی اوسننده کی
 اقليمدن قلیل اولورق يدني اقليمک آخر و نهايتی جله سندن اقصرا اولور نسه کیم اشبو
 صورت مرسومه بی شاهده دن حقیقت حال ظاهر اولور



* و دخی اصحاب فن جغرافیا اقالیم سبعة دن هر براقلیمی طولنه کوره مغربدن مشرقه
 طوغری بر برینه برابر اوز قسمه تقسیم ایله یدي اقلیمی یتش قسم ایدوب و هراقليمک قسملرینک
 ابتدالینی جهت غربده سبته بوغازی خارچنده واقع بحر محیط ساحلندن فرض و تعیین
 ایلوب و نهايتی بحر محیط شرقی ساحلنده اولان آخر معموره دن اعتبار ایلدیبلر و کذلک
 هراقليمده اعتبار اولان اوز قسمک هر برنده موجود اولان ممالک و بلدانک احوالنی و عمارت
 و خراب اولان محلاک بیاتی علی التفصیل ذکر و نحر ایلدیبلر * و دخی ذکر ایلدیبلر که جهت
 غربده در دنی اقلیمده دریای محیطدن بحر رومی که آق دکزددر سبته بوغازندن خروجه
 باشلوب جهت شرقه طوغری نمند اولور و سبته بوغازی بر طار بوغازدر که بحر محیطدن
 اول بوغازک ایچروسنه کرلده صاغ طرفنده اولان ساحلده مغرب اولکه سنک نهایتده

التي ميل ايله برميلك ايكي ثلثي
بولديلر بعده بومسافه نك
تحقيقته وصول ايچون مأمون
خليفه زماننده بنى موسى وسائر
مسا حمر سنجار حمر اسنده
وجه مشروح اوزره مسافه
ارضك بدرجه سنك مقدارنى
الى التي ميل بولديلر كه
متقدمينك مساحه سندن
اون ميل ناقصدر وبونلر
حسابده تفاوتى استقامت
اوزره مشيده ياخود ذراع
حسابنده خللدن اقتضا
البلشدر ابن خلدونك نقلي
اوزره يكرمي بش فرسخ كه
ميل حسابيله تمش بش ميل
يدر بونلره مخالف بروايتدر
لمترجم محمد صاحب

صنعا تقريبا اون بش درجه
وعدن اون اوج درجه
عروض شماليه دن بولمغله
ارضك اورتاسى اولمديغى
ظاهر در اشته بودخى سابقا
خط استوائى جزائر خالدا دن
اعتبارى كى مترجك قلندن
سهو واقع اولمشدر بوخسه
بونراصل كآبده اوبوب
اولمجلدن بورايه كلنجه محرر
اولان موادك اكثرى مترجك
علاوه سيدر
الحكمه طاهر

وجه ارضده بدرجه برمجلدن برمحله خط مستقيم اوزره حركت ايله اوج قوناق مسافه اولور
* معلوم اوله كه بوندن اقدم طقوز فلك ايله جوقنده اولان كره ارضك مجموعى
برميل اوزرنده دور ايدر برمدور طوب هبئنده اولمق اوزره تمثيل وتصوير اولنوب
واول ميلك ايكي باشلرينك برى قطب جنوبى وبرى قطب شمالى مقامنده فرض ايدوب
واول طوبك تا اورتاسنده قطبلره اوزاقلى برابر برداره تخيل اولنوب اول دائره
فلك اعظمده معدل النهاره وجرم ارضده خط استوايه تشبيه اولمش ايدى اول دائره
اول طوبى اورتادن ايكي بولوب فلك اعظمك وسائر افلاك ايله ارضك جنوبى وشمالى
نصفلىر كى ايكي قسمة منقسم اولور و كذلك جله افلاكك فوقنده اولوب شرهده
عرش عظيم عنوانيله ذكر اولنان فلك اعلا دخی شرفدن غربه طوغرو حركت ايتدكه
اورتاسنده فرض اولنان دائره عظيمه كه معدل النهاردر اول دائره دن هر طرفنه يعنى
جهت جنوبيه سنه كه صاغ طرفيدر و جهت شماليه سنه كه صول طرفيدر طقسائر
درجه بعيد اولان ايكي نقطه نك صاغ طرفنده اولانه قطب جنوبى وصول طرفنده
اولانه قطب شمالى اطلاق اولنور زيراقطب جنوبى غربدن شرقه متوجه اولان
كسنه نك صاغ طرفنه وقطب شمالى صول طرفنه كلور ومعدل النهار دائره سنك
يانلرندن بوايكي قطبه طوغرى فلك اعظم سطحنده برنيجه دائره فرض اولنور كه
اول دائره ل ايكي طرفدن قطبلره قريب اولدقجه برندن كوچك اولوب قطبلر هر برى
بر نقطه موهومه در كه دائما ساكن اولوب فلك اعظم بوايكي قطبك اوزرنده دور ايلر
وجرم ارضك اورتاسنده معدل دائره سى التنده فرض اولنان خط استواده
اول قطبلر دائما افقدن يعنى كوك بوزينك كارلرندن آريلاز و بر كسنه خط استواده
يعنى ارضك تا اورتاسندن مثلا ولايت يمنده صنعا شهرندن جهت شمالده مثلا حجازه
ومصره و ولايت رومه طوغرو متوجه اولسه تامسقو ديارينك وراسنده سديا جوجه
وارنجه واقع اولان جهته جهت شماليه ديرلر و اكر اول كسنه مثلا شهر صنعادن ياخود
خط استوا اوزرنده غربدن شرقه وارنجه صنعا حذاسنده اولان برمجلدن حبشه
وقره ل ولايته طوغرى بحر محيطه وارنجه عزيمت ايتسه خط استوانك اول طرفنه جهت
جنوبيه ديرلر لكن مجسطى كتابك صاحبي حكيم بطليموس وا كاتابع اولان حكماى
متقدمينه كوره جرم ارضك معمور محلاى جهت شمالده التمش درت درجه مسافه
منتهى اولوب التمش درتد نصكره بحر محيط شمالى كارينه منتهى اولنجه شمسك غايه الغايه
بعدى سبيله شدت برودتن ناشى عمارت ممكن اولمغله خراب قالمشدر و خط استوانك
جهت جنوبيه سنده اولان ارضده دخی بطليموس نحر برى اوزره شمسك كمال قري
سبيله شدت حرارتدن ناشى عمارت قابل اولمغله خالى قالمشدر نته كيم انشاء الله تعالى
بواحوالك جله سى فيما بعد على التفصيل تحرير اولنور * ودخی معلوم اوله كه حكماى
متقدميندن بطليموس كتاب جغرافيا سنده واندن صكره كتاب رجا مؤلفى شريف ادريس
تأليف مزبورنده وبونلر امثال فن جغرافيا اربانندن نيجه كسنه ل معموره ارضك

معلوم اوله که ساحه ارضه
تصدی ایدن مهند سین
ومحاسبین مسافه ارضه
بردرجه نک تعیین ومقدارنده
اختلاف ایدوب تقویم البلدان
صاحبی ذکر ایتدیکی اوزره
حکمای متقدمینک اکابرینده
بطلمیوس وغیر یلری دره
ودپه دن خالی بردوز صحرا
بولوب اول صحرائک بر محلنده
ربع دائره واسطه رلاب ایله
قطب شمالینک ارتفاعنی الوب
یعنی اول محلده قطب شمالی
دید کلری کوکب کوکک
کازندن قیج درجه یوکسک
اولدیغنی الت ایله یلوب اول
محلده بر میل دکوب بعده اکه
برایب باغلیوب یمین و یساره
میل وانحراف ایتکسزین
جنوبدن شماله طوغری خط
نصف النهار اوزرینه یور یوب
ایب تمام اولدقده ینه برایب
دخی ضمور بط ایدوب ومیلر
دکه رک وافر مسافه قطع
ایدرك اول صحرائک بر محلنده
منتهی اولدقلرنده ینه قطب
شمالینک ارتفاعنی آلوب ابتدا
الدقلری محلدن بردرجه زیاده
مسافه قطع ایتمش بولدقلرنده
ابتداسندن انتهایسنه وارنجبه
اولدیلر وهر میلی اوچریک
ارشون اولق اوزره ارضدن
بردرجه نک حصه سی الشمس

درجات واقسامی یوک کوچک دائره نک درجه لری کوچک اولور مثلاً ساعتک عقربنک دور
ایتدیکی دائره اولان ساعت تقسیم لری ودقیقه لری ساعتک ودائره سنک وسعته کوره فرض
اولدیغنی کبی جله افلاک ثانیه ایله ارضی محیط اولان فلک اعظم بغایت اکبر و اوسع اولغله
انده فرض اولنان دائره ل و دائره لنده تقدیر اولنان درجه لرنی سائر افلاک ایله ارضده فرض
اولنان دائره لرن ودرجه لرن اعظم واکبر اولوب وجرم ارض فلک اعظم دن وسائر
افلاک دن اصغر اولغله وجه ارضده فرض اولنان خط استوا دائره سی وسائر فرضی ممکن
اولان دائره ل و دائره لنده تقدیر اولنان درجه لری جله دن اصغر اولور بو خصوصاً
تخیلی عربه تکرلکنک چرخیه قوغاسنک حالنی ملاحظه دن معلوم اولور که تکرلکنک
قوغنده اولان چنبری یوک وقوغاسنک دائره سی کوچک اولغله قوغانک اورتاسندن بالاسنه
طوغری وضع اولنان اناج لرنک مابینی کتدیجه آچیلوب تکرلکنک چنبرنده ایکی اناجک
اراسی اعظم و اوسع وقوغاسنک اوزرنده اناج لرنک ارالغی اضیق و اصغر در فلک
اعظم ایله جرم ارضک دائره لنده فرض اولنان درجه لرنی همان تکرلکنک چنبره
قوغاسنده اولان اناج لرنک مابینی کبی درکه جرم ارضده مثلاً خط استوا دائره سنسندن
فلک اعظمه طوغرو خط سائر اخراج اولنسه کتدیجه ارالی آچیلوب خط استوا فرض
اولنان درجه لرن غایت ایله اصغر و افلاک تسعه دن ارضه قریب اولان فلک بقرک
دائره لرنک درجه لرنی دخی اکبر اولوب کتدیجه عطارد وزهره و شمس و مریخ و مشتری
وزحل فلکلرنک و فلک ثامنک درجه لری بر برینه نسبتله وسعت بولوب جله بی محیط
اولان فلک اعظمک درجه لری جله دن اعظم اولور * و علم ابعاد و اجرامده میندر که
فلک اعظمک بردرجه سی بلکه تخشده اولان اکثر افلاکک بر درجه لری جرم ارضک
مجموعه سنن نیجه یوز کره اعظم واکبردر ووجه ارضده فرض اولنان اوچ یوز الشمس
درجه دن بالکنز بردرجه نک مقدارینی حکما بیتک ایچون ملوک و سلاطین هم تارینه بعض
آلات هندسیه استعمالیه بردوز صحرا ده بردرجه نک مسافه سنی تحصیل ایلوب باقی
اوچ یوز الی طقوز درجه نک مسافه سنی دخی درجه واحده به قیاس ایله حساب ایدوب
ابتدا درجات ارضدن بردرجه بی فرسخلره و فرسخلری دخی میلره و میلی دخی ذراعلره
و ذراعلری دخی پرمقلره تقسیم ایلوب پارمقک مقدارنده اتصاق ایتدکلرنک نصکره ذراع
ومیل و فرسخک تعیین و تقدیرنده اختلاف ایلدیلر از جله حکمادن بعضیلرنک مسافه
ارضده رأیاری یوک اوزرینه درکه مسافه ارضدن بردرجه نک حصه سی و مقداری
یکری بش فرسخ مسافه اولوب و هر فرسخ اوچ میل و هر میل درت ییک ذراع و هر بر ذراع
یکری درت پرمق و هر پرمق معتدل اریه دن برینک قارنی آخرک ظهیرینه متصل اولق
اوزره الی دانه اریه مقدار یدر بو تقدیرجه مسافه ارضدن بردرجه نک مقداری اولان
یکری بش فرسخ بهر فرسخنی اوچر میلدن یتش بش میل اولوب و بهر میل دخی دردرینک
ذراع دن یتش بش میلک مقداری ذراع حسابیه اوچ یوز ییک ذراع ایدر که هر ذراعی
یکری درت پرمق و یکری بش فرسخ بحسب التخمین اوچ قوناق فرض اولند قده

وسائر کواکب دخی کندیلره مخصوص ومعین فلک اعظم حرکتک جهته مخالف غربدن شرقه طوغری حرکتی اولوب اکثر ممالکده کیمه لک کوندزلرک اوزانوب قصالمه سی شمسک کندویه مخصوص حرکتدن اقتضا ایلمشدر و شمس و قوسا کواکبک غربدن شرقه طوغری حرکتی برینه نسبتله سریع و بطی اولوب قریک حرکتی جله دن اسرع و سبعة سیاره دن زحاک حرکتی سائر سیاره دن بطی در و دخی معلوم اوله که فلک اعظمده شرقدن غربه طوغری بریوک دایره فرض اولنوب اکا معدل النهار تسمیه اولنمش ایدی اول دایره نک صاغ طرفنده وصول طرفنده طقسا درجه بعید اولان نقطه له قطب اطلاق اولنوب صاغ طرفنده اولانه قطب جنوبی صول طرفنده اولانه قطب شمالی تسمیه اولنور بونک تخیلی بو وجهله ظاهر اولور که مثلا تخته دن بریوک مدور طوب بر میل اوزرنده شرقدن غربه طوغری حرکت ایدر فرض اولنوب اول طوبک تا اورتاسنده بریوک دایره فرض اولنسه دایره مزبوره بعینه معدل النهار دایره سی مقاسمه قائم اولوب اوزرنده و حرکت ایتدیکی میلک ایکی باشلرینه قطب اطلاق اولنور که دایره نک اول میلک هر بر باشنه بعدی برابر در و کذلک فلک اعظمده معدل النهار دایره سی کچی بریوک دایره دخی فرض اولنوب اول دایره به منطقه البروج اطلاق اولنمشدر * دایره منطقه البروج بردایره در که معدل النهار دایره سیله بر برینه مقابل ایکی نقطه ده ملاقات ایدوب بعده اول نقطه لدن آریلوب نصفی معدل النهار دایره سنک جنوبنده یعنی صاغ طرفنده و نصف آخری شمالنده یعنی صول طرفنده بولنمغله معدل النهار دایره سنی ایکی جانبدن ایکی یای کچی قوشادوب معدل النهار دایره سی بومنه منطقه البروج دایره سنک اراسنده کویا باشلری بر برینه متصل ایکی یای میاننده کرش کچی قالمشدر * در دخی فلکده شمسک دور ایتدیکی مدار دخی منطقه البروج دایره سی برابر لکننده و سمنده بولنمغله شمس تابان دخی غربدن شرقه طوغری کندویه مخصوص حرکت ایله دور ایتدکده معدل النهار دایره سیله منقطه دایره سی بولشد یعنی نقطه لدن آریلوب معدلک کاه صاغ طرفنده و کاه صول طرفنده بولنور و وجه ارضک اورتاسنده فرض اولنان خط استوا معدل النهار دایره سی بر لکننده اولنمغله آفتاب عالمتاب کندویه مخصوص اولان حرکت ایله منطقه نک معدل النهار بولشد یعنی نقطه له کلدکده خط استوا بولنان مملکت لک اها لسنک سمت رأسلرنده سنده ایکی کره هرور ایدوب بعده تدریج ایله اول نقطه لک برندن آریلوب خط استوائک التي آی مقداری زمان صاغ طرفنه کچوب بعده مقابلی اولان نقطه به واروب اندن دخی آریلوب التي آی مقداری زمان خط استوائک صول طرفنده بولنوب بینه سنه شمسیه نمانده ابتدا ایتدیکی نقطه به عودت ایدوب مناو به طریق ایله ممالک ارضه قرب و بعد ایله نور و ضیاسنک اثری ظاهر اولور * و دخی معلوم اوله که کرک فلک اعظمده و کرک احاطه ایلدیکی سائر فلکلرده و جرم ارضه فرض اولنان دایره لدن هر برینی اصحاب فن هیئت بر برینه برابر اوچیز التمشر قسمه تقسیم ایدوب و هر قسمه درجه اطلاق ایتدیله لکن هر دایره نک درجه لدی دایره سنه کوره فرض اولنوب بیوک دایره نک

هوا احاطه ایلوب هوایی دخی کره نار احاطه ایشدر بونلرک مجموعنه عناصرار بعه
 اطلاق اولنور و کره نار وهوا وما وارضک جله سنی فلک قمر محیط اولوب فلک قری دخی
 فلک عطارد فلک عطاردی دخی فلک زهره فلک زهره بی دخی فلک شمس فلک شمسی
 دخی فلک مریخ فلک مریخی دخی فلک مشتری فلک مشتری بی دخی فلک زحل فلک
 زحلی دخی سکرنجی فلک که فلک ثوابت فلک ثوابتی دخی فلک اهلا و فلک اطلس محیط
 اولشدر جله عناصرار بعه ایله سکر افلاکی فلک اعظم محیط اولوب جرم ارض جله نک
 وسطنده و تحتنده واقع اولشدر * و فلک اعظمک اور تاسنده غریدن شرقه طوغری
 برداره عظیمه فرض اولشدر که اول دائره اصحاب فن هیئت اصطلاحلرنده معدل النهار
 نسیمه اولشدر بوداره فلک اعظمی وجوفنده اولان سکر افلاکی و کره ارضی تنصیف
 ایلوب برقسیمه جنوبی و برقسیمه شمالی اطلاق اولنور و جرم ارضده دخی معدل النهار
 دائره سی برابرکننده ارضک تا اور تاسنده شرقدن غربه طوغری برداره حادث اولور که
 اول دائره به خط استوا اطلاق اولنور خط استوا برمدور خط درکه ابتداسی بطلمیوس
 قنده سبتنه بوغازندن طشره ساحل بحر محیط غربی به قریب جزایر خالداندن فرض
 اولنوب مغرب اطه سنده منبع نیل اولان جبل قرق صول طرفندن مرور ایدوب شرق
 طرفنده آخر معموره به منتهی اولوب جرم ارضی تنصیف ایدر و بوخطک مرور ابتدایی
 محالرده غریدن شرقه طوغری متوجه اولان کسنه نک صاغ طرفنه کلن جهته جنوب
 وصول جانبنه کلن سمتنه شمال اطلاق اولنور و بوخط استوانک جهته جنوبیه سنده
 یعنی صاغ طرفنده بولنان مملکتلرینک اکثری معمور و شتلیکدر بناء علیه خط استوانک صاغ
 طرفنده بطلمیوس کتاب جغرافیاسنده اون درجه مقداری مسافه معمور بولوب و شمال
 طرفنده التمش درت درجه مقداری عمارت بولشدر و خط استواندن یا خود اون درجه
 جهته جنوبدن شماله طوغری معموره ارضی حکمایدی اقلیمه تقسیم ایلوب اقلیم
 سابعک جهته شمالده آخری برقاچ قطعه عظیم طاهره منتهی اولشدر که اول طاغیر
 معموره ارضک طرف شمالده نهایتی ایله بحر محیط شمالینک ارازینی فصل ایلوب سد
 یا جوج و ما جوج بوطاغیرک ارازنده واقع اولشدر و بوذکر اولان جبال عظیمه
 جانب شمالده معمور اولان محالرک نهایتنده طرف شرقه مائل اولوب شرقدن غربه طوغری
 معموره ارضی ایکی طرفدن احاطه ایشدر واصحاب جغرافیا کره ارضک معمور اولان محلی
 تقریباً درت بلوکده بر بلوکی اولقله ربع مسکون اطلاق ایلوب یدی اقلیمه تقسیم ایلدی
 معلوم اوله که عناصرار بعه کره لایله سکر افلاکی احاطه ایلین فلک اعظم شرقدن
 غربه طوغری حرکت ایدوب و یکریمی درت ساهت تمامنده دورنی تمام ایلوب
 و احاطه ایلدیکی افلاک ثمانبه دخی فلک اعظمه تبعیت ایله معاشرفدن غربه طوغری
 حرکت ایتلریله شمس و قمرک و سائر کواکبک طلوع وغروب لری فلک اعظمک حرکتی
 سببیه حاصل اولوب لیل ونهار بو حرکت ایله متعق اولشدر * لکن شمس و قمرک

خط استوا برداره
 مستدیره درکه افریقا
 قطعه سنک جهته غریبسنده
 واقع سنتوماس اطه سندن
 وساحل جهته غریبسنده واقع
 روبرو نام محل ایله بحر هند
 وچینه سوماطره و بورتو
 جزیره لینی مرور ایدن
 دائره محیطه در بوخسه
 بومقامده ذکر اولندی
 و جهله خط استوا سبتنه
 بوغازینه قریب اولوب
 بلکه اونوز بش درجه بعید
 بولشدر لمحه طاهر

لکن بطلمیوسدن صکره
 متأخرین کلوب ممالک ارضک
 کشف و تحدیدنده دقت
 ایلوب خط استوانک صاغ
 طرفنده اتوز درجه مقداری
 وافر معمور مملکتلر بولوب
 و شمال طرفنده دخی یتش بش
 درجه عرضنه وارنجه شتلیک
 و معمور محالره واقف اولوب
 خریطه ده رسم ایلدی
 للترجم محمد صاحب

دخی رطب بارد وهوادن ثقیل ترایدن خفیف اولغله هوانک تحتده ارضک فوقنده جرم
ارض جله عناصردن ثقیل اولغله بحسب الطبیعه مجموعتک تحتده قالبوب یمرطه تک
صاروسنی بیاضی جمیع جوانبندن احاطه ایتدیکی کچی عنصرمادخی جرم ارضک مجموعتی
جوفته آلوب قطعا بر جانی خارجه قالماق مقتضای طبیعتی ایکن صانع کارگاه وجود
جل شانه حضرتبری وجه ارضده معادن و نباتات و حیواناتی خلق و ایجاد ایله اظهار
حکمت ایدوب خصوصاً منصب خلافت ایله جله دن متمسک اولان نوع بشر ایله عالمک
معمور اولسنه مشبت ازلیسه و عنایت سرمدیه سی تعلق ایتکله کره ارضک نصفی
مقداری عنصرمادن اخراج ایلوب اوزرنده بونجه نباتات و حیواناتی خلق و تکوین
وعلی الخصوص افراد نوع بشر ایله صحیفه مکشوفه ارضی تزیین ایلدی بعض کسندر
جرم ارضدن منکشف اولان مقدارک بجرم دن ارتفاعتی کوروب مالتک حیز و مکان
طبیعی ارضک تحتده اولق اوزره زعم و توهم ایتدیلمکن بونلرک زعمی باطل و حلیه
صحتدن عاقلدر بلکه حقیقتده تحت طبیعی جرم ارضک داخلنده بر نقطه موهومه درک
اکا حکما مرکز اطلاق ایدرلر زیرا کرک اجزای ما و کرک اجزای ارض بحسب الطبیعه
اول محله وصولی طلب ایدرلر بوسببندن ناشی درک تراب و مالتک جوهری ثقیل خلق
اولنوب ثقیل طبیعتی ایسه جهت سفله مائل اولغله بر قطره آبی و بر ریزه خاکی جهت
فوقه یعنی طرف سمایه رمی ایلسک بر مقدار بالا یه صعود ایدوب بعده طبیعتلرند اولان
ثقل سببیه ینه اشاعی به میل ایدرلر اگر جرم ارضک جوفی خالی بولنوب قطره
آبک و ریزه خاکک وصولنه دخی بر مانع بولنسه بحسب الطبیعه اول قطره و ریزه تا کره
ارضک اورناسی اولان مرکز و اروب انده قرار ایلوب نه بالا یه عودت ونه زیره حرکت
ایتمزدی بوتقریرمزدن ظاهر اولدیکه بحسب الطبیعه تحت اطلاق اولغله لایق انجق
جرم ارضک وسطی اولان مرکز ایدر یوخسه ارضک جانبیری و ارضی احاطه ایدن
عنصر ما مرکز ارضه نسبتله فوقدر اگر جرم ارض و مالتک غیری بعض محله رینه تحت
اطلاق اولنورسه دخی ینه ارض و مالتک غیری جهتلرینه نسبتله اولوب یوخسه حقیقتده
بحسب الطبیعه جله به نسبتله تحت اولق صحیح اولماز مثلاً دپه ره نسبتله دره لر
و جبل عالی به نسبتله دپه لر تحت اولدیگی کچی * معلوم اوله که بوندن اقدام ذکر و تحریر
اولدیگی اوزره جرم ارضک مجموعی برمدور طوب هیئتده اولوب لکن عنایت
علیه الهیه مقتضاسجه تعیش حیوان و تصرف افراد انسان ایله معمور و آبادان اولق
مصلحتی ایچون نیم قارپوز شکنده نصفی مقداری کره مادن طشره چیقوب و جمیع
جوانب و اطرافتی لسان یونانیده اوقیانوس و بلایه اسملریله مسمی و لسان عربده
بحر اخضر و اسود اطلاق اولسان بحر محیط احاطه ایلوب تقریباً ارضک نصفی جوف
دریاده و نصف آخری خارجه قالمشدر و اشبو قطعه مکشوفه ارضک دخی شملکدن
خالی اولان محله ریه معمور زندان اکثردر و جرم ارضک اکثری بحر ایچنده مستور اولغله
کره ما ایله ارضک مجموعی بر کره عد اولنوب بومجموعی دخی جمیع اطرافندن عنصر

دفع ایچون ملك و سلطنته موقوف اولوب ملك و سلطنت دخی شریعت و نبوته محتاج اولغله شریعتسز حیات بشر متصور اولماق اقتضایدر مع هذا شریعت و ملتسز دخی نظام امور بشر تمام اولوب ملك و سلطنتلر ظهور ایتمشدر شویله که یا خلق رضالیه نصب ایتد کلمی حاکم رأی و تدبیرینه قائل اولغله یا خود کندخی مذهب و مشربی اوزره حرکت و اتباعه ناسی جبر و قهره قادر شوکت قاهره و جنود و افره به مالک حا مک اطاعتلرینه مضطر اولوق طریقسه اولدیغی کبی زیرا انبیای عظامه اتباع و انقیاد ایدن اهل کباب کبابسز اولان مجوس و عبده شمس و آتش پرستردن و انلرک امثالندن قلیل اولوب مع هذا زمان سلفده و حالا اطراف عالمده دین اسلام و سایر ادیاندن برمله و شریعتیه اتباع ایتین ائم عهده نك خصوصاً طائفة مجوسک حیات و نظاملرندن فضله شمال و جنوب طرفلرنده واقع اقالیم غیر معتدله ده دولترلی و آثار عظیمه لری بولندیغی یقیناً معلومدر اما ناس حالی اوزرینه ترك اولوب ایچلرندن ملك و سلطنتك انقطاعنه و هر کس دله دیگی کبی ایش کورمکه طبیعت انسانیه رضایرک ممکن اولدی بروجیه حیات بشر و نظام خیر و شر متصور اولمازدی بناء علیه ملك و سلطنتك وجودی عمارت عالم ایچون عقلاً لازم اولغله ائسانته تصدی اولندی و یونقریرمز ضمیمه حکمائک نظام عالمده و حفظ حیات بشرده نبوت و شریعتك وجودی ادهالی و بحسب العقل دلیل اقامته تصدیلرنده غلطلری دخی متین اولدی زیرا منصب نبوت بحسب العقل یلنه چک امورذن معدود و ملك و سلطنت کبی انسانك خواص طبیعه سندن اولوب انجق جناب حقك قوللرینه رأفت و رجتنه مینی و معاش و معادلرینه دار عقل فاضلری ادر اکنده عاجز اولدقلری اموری وحی ایله تعلیم حکمتیه مبتنی بر لطف جسم و کرم عیم ربانی اولغله نبوت وجودی انجق طریق شرع شریف ایله معلوم اولمشدر مترجم عبد فقیر صاحب التقصیر نبوتیه متعلق بوجئت نفیسی حسب الطاقه کتب کلامیه ده سمعیات مجتهد اهل شرع شریف تقریر و تحریرلرندن استفاده ایتدیکم مرتبه بی خلاصه ایدوب اجمال مقال ایلدم والا طرفینك ادله واسئله واجوبه لری تحریر اولنسه صددن خروج مقرر اولغله بومرتبه ایله اکتفا مناسب کورلدی

ایکنجی مقدمه وجه ارضك معمور اولان محالری و انده موجود اولان در یارک
 و نهرلرک و اقلیلرک بعضیلری بیاننده در

معموره عالمک وزمین و آسمانک احوالندن بحث ایدن حکمائک کابلرنده مسطوردر که عناصر اربعه دن جرم ارضك شکل و هیئت دگر می و مدور اولوب و اکثر جوانبی بحر محیط احاطه ایتکله صواوزرنده واقع اوزم دانه سی کبی بر مقدار قمر ماده و بر مقدار خارجی قالمشدر معلوم اوله که عناصر اربعه که ارض و ماء و هوا و نارد در بونلرک هر برینک طبیعت مخصوصه لری و مکان معینلری اولوب اولاکر نار حار یابس و جله دن خفیف اولغله حیر طبیعیسی فلک قمرک تحتنده و هوایک فوقنده اولوب هوا دخی حار رطب و جوهر ناردن ثقیل آیدن خفیف اولغله نارک تحتنده بحرک فوقنده عناصر ما

روحانیه عناصر اربعه دخی اطاعت و انقیاد ایلوب دلد یکی کبی ارض و ماده و هوا
 و ناردہ حکمنی اجرا ایدوب امرینه مخالفت ایدنلری هلاک مراد ایلد کده قوی روز کارلر
 و زلزله لر و هوادن آتش لر و دریا یه غرق ایتک کی حالتلر احدائنه قادر اولور دیدیلر
 (اوچخی شرط بودر که انبیاء عظامک نفوس قدسیه لری مشاغل و تعلقات دنیویه دن
 منقطع و دائمًا عالم غیبیه متوجه و منصل اولمغله نائم انشای خوابده حواس ظاهره سی
 محسوسا بدن منقطع اولدقدہ نیجه واقعہلر مشاهده ایلوب صکره واقعده دخی ظهور
 ایتدیکی کبی انبیاء کرام حضراتی دخی بیدار ایکن ملائکه کرامی برر صورتده کوروب
 و کلاملرینی استماع ایدوب باری تعالی دن وحی اولنان امر لری ناسه تبلیغه قادر اولور دیدیلر
 (لکن اهل شرع بوشرطلره اعتبار ایتوب بلکه نبوت جناب باری فاعل مختار و قادر
 کردگار اولمغله محض فضل و رحمتہ بناء عبادندن مراد ایتدیکی قوللرینه بومنصب
 جلیل الشان احسان ایدوب و دعوی نبوتده تصدیق ایچون خارق عاده معجزه لری
 انک یندن اظهار ایلوب امر و نهی سائر قوللرینه تبلیغ ایچون ارسال ایدر دیدیلر
 یوخسه انبیاء عظامده مقتضای طبیعت اوزره صفوت نفس و روحه بناء جله مغیباته
 اطلاع ایتکی و عناصر اربعه تک اعضای بدنیه کبی روحانیه انقیاد ایتنه سنی شرط
 ایتوب بلکه مغیباتدن اللہ تعالی حضرتلری انبیاسنه نه مقوله نسنه بی بیلدر رسه
 انی یلوب و خارق عاده نه مقوله معجزه احسان ایدرسه یدلرندن ظهور ایلک اوزره
 ذاهب اولدیلر حق بوکه قول حق دخی بودر حکما ایله اهل شرع اراسنده نبوت
 خصوصنده اختلافک مال و ثمره سی بودر که حکما دیدیلر که قنی ذاتده که ذکر اولنان
 اوچ صفت شریفه جمع اوله البته اول ذاتک نبی اولسنده ذاهب اولوب جمع اولدیغی
 صورتده ممکن اولماز دیدیلر اما اهل شرع بوکه ذاهب اولدیلر که نبوت محض عطیة الهیه
 و ایم نبی آدمه رحمت ربانیه اولوب هر قنی بنده سنک بالای شانسه بوخلعت زربفت
 احسانی الباس ایدرسه اول ذات برکزیده صفات نبی اولور دیدیلر * کذلک ملک و سلطنت
 خصوصنده دخی حکما دیدیلر که خواص نبوتی جمع ایدن انبیای عظامه خلق طوع
 و رضالیه اطاعت ایدوب امر لرینه امتثال و نهیلرندن اجتناب ایدوب جله ناسک قلوبنده
 انک اطاعتی راسخ و متین اولمغله شریعتک بقا و دوامنه سبب اولوب جلب مصالح و دفع
 مفاسده متعلق باری تعالی طرفندن تبلیغ ایتدیکی احکام شرعیه بی ملوک و سلاطین اجرا
 ایلوب خلق دخی تسلیم و قبولی واجب وحی الهی ایله ثابت نبی دن صادر اولدیغی یلوب
 و کرکی کبی اعتقاد و اعتماد ایتدکلی احکام شریفه اولمغله ملوک و سلاطینه اتباع و انقیاد لری
 اقتضا ایدر اگر شریعت اولسه ایدی ملک و سلطنت دخی نظام بولوب رقاب انام ملوکک
 ربقه اطاعت لریدن خروج ایلوب عالم هر ج و مرج اولمق لازم کلوردی دیو حکما ملک
 و سلطنتک وجود نه شریعتی اساس ایلوب شریعتسنز ملک و دولت برقرار اولماز دیدیلر
 * لکن ملک و سلطنت ماده سنده حکما تک بودیللری یقین افاده ایتوب دعوالرینی اثباتده
 قاصر در زیرا حکما تک رأیلرینه کوره نوع بشرک حیات و بقاری برر لری تک تعدیلرینی

اهتمام ايله معموره عالمك انتظامى تمام اوله زيرا انسان حيوان جنسندن معدود برنوع مخصوص اولوب طبيعت حيوانيه ده مركز اولان ظلم وعدوان بونلرده دخى موجود اولمغله هر كس حال اوزره ترك اولنسه بهر حال بربرينك جانسه مانه تعرض ايدوب عالمك خرابينه مؤدى اولمق مقرر در * و ذكر اولنديغى اوزره انسانك غيرى سائر كوجلو قوتلو برنجى حيوانلرك ضرر زينى دفع ايجون ترتيب ايتدكلرى آلات واسطه بنى آدمك جمله سننده موجود اولمغله كنديلرينك بربرينه اولان ظلم وتعديلرينى دفعه دخى يالكز اول آلتلر كفايت اتممك بهر حال كندى يينلر نده ظهور ايدن مضرت وشقاوتى منع و تمتع اولينلرينى زجر و قهر ايدر برحالك وجودينه احتياج مقرر اولوب اول حاكم فاهردخى عقل وادرا كده بنى آدمدن فاصر اولان غيرى حيوانات جنسندن اولمق دخى ممكن اولمغله ينه كندى ايجلر ندن شوكت ظاهره و سطوت قاهره صاحبي برذات اولمغه محتساجدر كه نحت اطاعتده اولان سائر بنى نوعنه حكم و قهرى جارى اولوب برفردك آخره اطالده دست تعدى ايله ظلم وعدوانه زهره سى اولوب معموره عالمك نظامنه و كارگاه جهانك انتظامنه باعث اوله اشبو كلامك مفهومى ملك و سلطنتك معناسى در بو تقرير و تحقيقه ايله متبين و ظاهر اولور كه ملك و سلطنت انسانك خاصه طبيعیه سى اولوب و بونلرك حيات و بقاى و نظام امور لى ملك و سلطنتسز حاصل اولمق محالدر لکن حكما ذكر ايتدكلرى اوزره زنبور و چكر كه مثللو بعض حيوانانده دخى ملك و سلطنت بولنمشدر زيرا بوايكي نوع حيوانك احوالى تبع اولوب ايجلر ندن جسد و خلقته سائر نندن ممتاز بر بركلرى اولوب نقل و حر كته و سائر كنديلره مخصوص امور ننده اكاتباع و انقياد ايتدكلرينى مشاهده ايتديلر لکن انسانك غيرى حيوانانده رياست الله تعالى نك سوق و هدايتى و فطرت و خلقتلرى مقتضاسيله اولوب امانوع انسانه مخصوص اولان ملك و سلطنت نور فكر و فراست و تدبير و سياست ايله حاصلدر * معلوم اوله كه ملك و سلطنتك لزومى اثبات ايجون ذكر ايتديكمز دليله حكما بر قاچ مقدمه دخى ضم ايدوب ديديلر كه حكم و رياست نبوتسز تمام اولساز منصب نبوت دخى طبيعت انسانه مخصوص بر امر اولوب و ملك و سلطنت انجق انبياءك الله تعالى حضرت نرينيك طرف شريفلر نندن كتورديكى شرع شريفه و احكام منيفه يه امثال ايله حاصل و ثابت اولور ديديلر لکن حكما منصب نبوتك وجود نده اوچ نسنه شرط ايتديلر كه اهل شرع اول شرطاره اعتبار ايتديلر (شرط اول بودر كه بنى اولان ذات شريف ججع مغيبساته عالم اولمق لازم اولمغه ذاهب اولوب ديديلر كه انبياء عظامك ارواح صافيه لى تعلقات بشريه دن صاف اولمغه ملاء اعلاده و نفوس افلا كده مر سوم اولان حوادث غيبه بنى و صور كائناتى مشاهده ايدوب نفسلى ضعيف اولان كسنه ره غيبدن خبر و برر ديديلر (ايكنجى شرط بودر كه بنى دن عاده مخالف افعال صادر و ظاهر اولمقدر كه انبياءك نفوس شريفه ننده و ارواح لطيفه ننده بر قوت واردر كه سائر ناسك روحلرينه بدنلرى اطاعت ايدوب حر كات و سكناتده اعضا و جوارحنى قولند قلىرى كى انبياء عظامك

و تحصیل بر بر لیه تعاون و مشارکت موقوف اولغله بهر حال تحصیل قوت و غمداده
 معاونت ایچون اجتماعری لازمدر و كذلك قوت و قدر تده نوع بی آدمه غالب اولان
 حیواناتک تعدیستدن بونلرک امن و سلامتی اسلحه و آلا تده موقوف و بو آلا تک حصولی دخی
 صنایع متعدده به منوط اولوب و شخص واحد تحصیلنه قادر اولدیغی هر ورا بتمکله
 بهر حال تحصیل قوت و غدا کبی بو خصوصده دخی بر بر لینه معاونت ایچون اجتماع
 ایتموب منفردا سا کن اولد قاری تقدیرجه حیوانات مفترسه بونلری اکل و هلاک ایدوب
 زمان سر یعدده سر بچنه شیر اجل کر بیان حیاتلرینی چاک ایتمکله نوع بشرک صحیفه
 عالمده انقراضنه باعث اولور اما طوایف بی آدم که بر بر لینه معاونت ایدوب اقتضا ایدن
 حاجات و مصالحتلرنده مشارکت ایده لی غذا و نفقه لری ایچون قوتلری و دفع مضرت ایچون
 آلات و سلاحلری حاصل اولوب نوع انسانک معموره عالمده بقا و نوعلرینی حفظده
 جناب حقک حکمت خفیه سی ظاهر اولور * بو مقدمه مل معلومک اولد قده افراد انسانک
 و زمره بی آدمک ممالک عالمده بریره کلوب منفردا سا کن اولد قاری ضروری اولدیغی
 ثابت اولور و الا بشرک وجود و حیاتلری کمال بولوب و جناب حقک اراده علیه سی اوزره
 عالمک بونلره معمور اولسی و روی زمینسه بونلری استخلافی حکمتی ضایع اولوق اقتضا
 ایدر بو ایسه مثبت الهمدیه مخالف اولغله بهر حال بونلر وجه ارضده هر نه محله بونلر ر لسه
 بر بر لیه اجتماع طریقله سا کن اولور لاشته بزم کتاب اولده ذکر ایده جگمز علمک
 موضوعی اولوب احوال و آثارندن بحث ایده جگمز عمران عالم ایله هر ادمز انسانک وجه
 مشروح اوزره وجه ارضده اجتماعلرندن عبارتدر که اثبات ایلدک بو کلامزده فتمزک
 موضوعی ینه فتمز ایچنده نوعا اثبات ایدر کبی اولدق * علمای اولی الابصاره معلومدر که
 هر علم و فنده بر شبنک احوالندن بحث اولوب اول شبنه علمای موضوع فن اطلاق ایدر لر
 علم طبده بدن انسان کبی اشبو کتاب اولده ذکر اولدیغی اوزره علم تاریخک موضوعی دخی
 افراد بشرک روی زمینده اجتماعلر ایدر که فن تاریخده نوع بشرک ممالک عالمده
 اجتماعلرینه متعلق ملک و سلطنت و کسب و تجارت و بونلرک امثالی احوالندن بحث اولور
 و دخی علمای و حکماتک بعضیلری کتب منطقه ده ذکر ایتدیلر که هر چه هر فنده کندی
 موضوعنک احوال و آثارندن بحث اولوب اوزرینه استدلال اولور لکن اول موضوعک
 نفس الامرده موجود اولدیغی اول فنده اثبات ایتک صاحب فن اوزرینه واجب دکل
 ایسه ده اثبات اولنسی دخی ممنوع دکلدر دیدیلر بزدخی اشبو کتاب اولده موضوع فتمز
 اولان نوع بشرک روی ارضده اجتماعنی ینه بوفنده تبرعا اثبات ایلدک بو جهنک تفصیلی
 کتب منطقیه ده اهلنه معلوم اولغله ترجمه ده بومر تبه ایله اکتفا مناسب کورلیدی بو خسه
 صد ددن خرو جی اقتضا ایتمسه فضل حق ایله تفصیل و تحقیق اولور دی * بوند نصکره
 معلوم اوله که تقریر ایتدیکمز کبی روی زمینده طوایف بی آدمک اجتماعی حاصل اولوب
 ساحه عالم افراد بشر ایله معمور اولد قده بونلرک بر بر لینه اولان ظلم و تعدیسی دفع و منع ایدر
 بر حاکم قاهر دخی لازمدر که بونلرک منافع و مصالحنه نظام و بروب مضرت و مفسده لرینی دفعه

وانگردد حاصل اولان اطعمه ده محتاج اولدقلى عمللى و آلتلى حصوله كتورمك
 ايچون هر برى بر درلو صنعتله اشتغال ايله رتا كه نفسلر ينك و كنديلردن اضعايف مضاعف
 اكثر اولان بنى آدمك قدر كفايه حاجت و مؤنتلى حصوله كلك مبسراوله و دخی طوايف
 بنى آدمك اجتماع اوزره سكون و اقا متلر بنى اقتضا ايدن اسبابك برى بودر كه انسان جلب
 منفعتده ابناى جنسك معا و ننه محتاج اولديغى كى نفسدن آخرك مضرته دفعهده دخی
 بنى آدم نوعيله استعانتله محتاج اولمشدر زير حق سبحانه و تعالى حضرتلى طبايع
 حيوانيه نك جمله سنى حكمت ازليده سى مقتضاسى اوزره خلق و تركيب و هر برينك مزاجنه
 لايق افعال و آثارنى قوت و مكنتلر بنى توزيع و ترتيب ايتد كده انواع حيوانا تدن بهاسم
 و سباعك اكثرينه انساندن زياده قوت و قدرت اعطا ايلدى مثلا اسب و فرسك قوت
 و قدرتى انساندن قى چوق مرتبه اعظم اولوب و كذلك حمار و بقره خصوصاً فيل
 وارسلا نك قوتلى اضعايف مضاعف نوع بشرك قوت و قدرندن زياده اولديغى
 ظاهر در و انواع حيوانانده قوت غضبيه خلق اولمغله طبيعته لى ظم و عدوان اوزرينه
 مجبول اولمغين جناب حكيم بنى علت جل شاناه حضرتلى حيوانان دن هر نوع ايچون
 كندى دشمنى اولان حيوانك كه اصابت ايله جك ضرر و تعديسنى دفعه مخصوص
 و وقت حاجتده انسانك سلاحى كى مدافعهه يه كافي بوينوز و خرطوم و طرناق مقوله سى
 برهضو خلق ايدوب و اشرف انواع حيوانات اولان نوع انسانه عامه حيوانك اسلحه
 جارحه لرينه بدل و عوض اولق اوزره فكر بصيرت و ايكي دست سخت بيوست كى
 آلت احسان ايلديكه ابتدا كارگاه دماغ انسانى مستنير ايدن نور عقل ايله درلو درلو
 صنعتلر تدبير ايدوب بعده ايكي اللريله اول صنايع غريبه بنى فعله كو توروب اول حيوانانك
 ضرر نى دفع و كنديلر بنى ضبط و تسخير ايچون بونجه التلر ايجادنه توفيق و ارشاد ايلدى
 مثلا قوچلر ك و جاموسلر ك بوينوز لرندن بدل مزارقلى كى و ارسلان و سارر برى جانورلر ك
 چنكال و پنجه لرندن عوض قليچلر كى و بشره لر ينك دريلر قوى حيوانلر ك بشره لى
 مقامنه قائم قالقانلر و بومقوله دخی نيجه آلتلر ايجاد ايلديلر كه جالينوس كتاب منافع اعضاده
 بونلر بنى ترتيب اوزره تفصيل ايلشدر * ايمدى نوع بشر دن شخص واحدك قدرتى
 حيوانات سارر نك خصوصاً برى جانورلر ك قدرتنه مقاومت ايله مبوب بالكن اولديغى
 حالده انلر ك مدافعه سندن عجزى مقرر در و كذلك ذكر اولنان حيوانانك ضبط و تسخيري
 و دفع مضرته لى چون اعداد و ترتيب اولسان آلات و اسلحه كثير اولوب و انلر بنى وجوده
 كتورمك صنايع متعدده و آلات متنوعه يه محتاج اولقله اول سلاحلى عمله كتورمكه
 و وقت حاجتده استعما له دخی شخص واحدك قدرتى كفايت ايتمه جكي مقرر اولمغين
 بوذ كر اولنان آلات و اسلحه بنى وجوده كتورمكه دخی نوع بشر انساى جنسبله
 مشاركت و معاونته و برر زبله اجتماعه محتاج اولمشدر مادامكه طوايف بنى آدم
 برر زبله معاونت ايتمه انلر ك برى سى ايچون قوت و غذا حاصل اولوب حيات و بقا لى
 متصور اولماز و بونلر ك عالم دنيا ده حيات و بقا لى اكل و شر بله اغتذايه محتاج اولوب

جنسندن معدود اولغله انلرك ايكبسنی برفصلده بیان اقتضا ایلمدی نته کیم انشاء الرحمن
فیباید هر بری علی التفصیل ذکر اولنور مورخ ابن خلدون یوانه دک کتاب اولک
اجالا احوالی بیان ایدوب حالاً بومخلده صده شرو ع ایتمشدر

❖ فصل اول معموره عالمده سا کن اولان طوایف بی آدمک مملکتلرده واولکه لرده ❖
❖ اجتماعری بیاننده درو بوفصلده برقاچ مقدمه واردر ❖

❖ اولکی مقدمه افراد بشرک ربع مسکونده اجتماع اوزره سکون واقامتلی ضروری
اولق بیاننده در یعنی طوایف بی آدم حیوانات کبی بالکر بالکر ساکن اولق ممکن اولوبوب
بهر حال سکون واقامتلیده بر بر لیه جمع اولق مقتضای طبیعتلریدر حتی حکما بونلرک
بو اجتماعلرندن انسان مدنی بالطبع دردیو تعبیر ایدر لکه انلرک اصطلاحلرنده مدنیت
انسانک ممالک عالمده اجتماعلرندن عبارتد رته کیم لغت عربده مدینه انسانک کثرت و وفرت
ایله مجتمع اولدیغی شهر لره اطلاق اولدیغی کبی بو خصوصک بیانی اوله در که الله سبحانه
وتعالی حضرتلری نوع انسانی خلق و ایجاد ایدوب بر صورت عجیبه و خلقت فریسه
اوزرینه ترکیب و ترتیب ایتدیکه حیات و بقای بجهسب العاده ممکن اولماز الا انجق اکل
و شربله اولور و جناب حق و فیاض مطلق بی آدمه احسان ایتدیکی نور بصیرت واعطا
ایلدیکی قوت و قدرت ایله بونلرک غدالری طلب و تحصیله دخی همدایت و دلالت ایلدی
لکن افراد بشردن بالکر بر شخصک قدرتی کنسینک محتاج اولدیغی غدایی تحصیله
کفایت ایتوب ماده حیاتی اولان نفقه سنی مستقلا پیدا ایتکده عجزی مقرر در
اگر انسانک ما کولاتی جنسندن فرضی ممکن اولان مرتبه نک اقل و ادناسی که مثلا
بغدایدن برکون کندویه کفایت ایده جک مرتبه اتمک پیدا ایلک مراد ایلسه اخرک اعاتی
اولدجه بالکر بر شخص وجوده کتور مکده عاجز اولور زرا بوک حصولی ابتدا بغدایی
اوگودوب اون ایدوب بعده یوغروب صکره پشور مکه موقوف اولوب و بو اوچ عملدن
هر بریمی دخی نیجه درلو آلتله محتاجدر که انلرک حصولی دخی دمر جیلک و دولکرتک
و چوملک جیلک کبی متعدد صنعتلره تمام اولغله هر کس باشلی باشنه برکونلک اتمک پیدا
ایتمکده بو قدر عمل کثیری ایشلمکه مضطر اولق اقتضا ایلر بو ایسه شخص واحدک
قدرتیه حصوله کلک محالدر فرض ایده لم که اول شخص واحد بغدایی اتمک یا پیوب حب
ودانه ایکن اکل ایلسون بیه حیوانات حنطه تحصیل دخی طبخ نان تحصیل عمللرندن
اکثر بغدایی زمینه اتمک و صارر دقدن صکره بچوب خرمن محلنه دمه ایدوب کتور مک
وسنبله لرندن چبقارمی ایچون دوکک کبی اعمال کثیره یه محتاج اولوب وزراعت و حراثته
متعلق ذکر اولنان عمللرندن هر بری دخی صیمان و طریان و دوکن مقوله سی اکنجیلره
و چققیلره مخصوص نیجه آلات متعدده و صنایع عدیده یه موقوف اولور که بو آلات
و صنایع کثیره نک جمله سنی یا خود بعضیسنی حصوله کتور مک بالکر بر شخصک قوت
و مکنتی وفا اتمک محال اولور ایمدی تحصیل قوت و غدا ده اول شخصک اینسای جنسندن
چوق کسنلرک اجتماعی لازمدر که بر بر لینه معاونت ایلوب انبات حیوانات و تربیه نباتنده

صفتی انسانه مخصوص اولمشدر ❖ در دینی خاصه اصناف طوایف بشر شهر لده
 وقریه لده یا خود بریه و طما غلرده بریره کلوب هر گروه کنندی مشرب و مزاجسه موافق
 قوم و جا هتلیله انبیت و بر پرلینک حاجتتری کورمک ایچون معموره عالمده سکون
 واقامت ایتمشدردر زیرا انشاء الرحمن بوکتابده بیان اولنه جقدر که کافه بنی آدمک
 طبیعتتری امر معاشده بر برلینه تعسا و نه مجبول اولوب حیوانات کپی منفردا ساکن
 اولتی نظام معاش و حیاترینه خلل ویرمکله معموره عالمده اجتماع اوزره سکون واقامتتری
 اقتضا ایتمشدر و طوایف بنی آدمک ربع مسکونده اجتماع اوزره سکون واقامتتری دخی
 ایکی درلودر بر قسمی بدوی و بر قسمی حضریدر بدوی اول طائفه در که کیمی شلکله
 قریب اولتو صولودوز صحرا لده و بوجه طاغلرده وطن اتخاذایدوب و کیمی دخی شلکدن
 بعید بادیه لده و قومسال پر لده یوکدن و قیلدن معمول چادر لره قوز کوچر مقوله سیدر
 حضری اول طائفه در که سورایله محصور قلعه لده و اولو شهر لده و قصبات وقراده
 منازل و مساکن اتخاذایدوب بولند قلمی قلعه لره و ساکن اولدقلمی منازلک جدار لره
 تحصن و بو طریق ایله مکر دشمندن تحفظ ایدر لره بو ذکر اولنان خواص عدیده سببیه
 اماکن معموره عالمده ساکن اولان طوایف بشره مخصوص درلو درلو احوال عارض
 اولور که انشاء الرحمن اول احوال علی الترتیب ذکر و تفصیل اولتی ایچون کتاب اولده
 صکلا بمنالتی فصله تقسیم اولمشدر ❖ اولکی فصل وجه ارضده واقع اماکن
 مخصوصده نوع بشرک کیفیت اجتماعی و طوایف بنی آدمک اصناف واقسامی و ربع
 مسکونده اولان مملکتلریساننده در ❖ ایکنجی فصل بادیه لده متوطن قبائل و عشایر
 و سائر امم و حشیه بیاننده در ❖ اوچنجی فصل دولت و خلافت و مراتب سلطنت
 بیاننده در ❖ در دینی فصل مداین وقراده ساکن امم و رجال و بلدان و امصار بیاننده در
 ❖ بشنجی فصل انسانه مخصوص اولان درلودرلو صنعتلر و کسب معاشلرینه متعلق
 انواع تجارت بیاننده در ❖ الثنجی فصل علوم عقلیه و نقلیه و انبلیک طلب و تعلیمی بیاننده در
 اشبوالتی فصلک ایکنجی فصلنده بادیه لده ساکن اولان رجالک احوالتی ذکر ایله بدأ
 ایدوب بونلرک احوالتی حضریلرک احوالتی بیان اوزرینه تقدیم ایلدم زیرا انشاء الرحمن
 بوکتابده بیان اولنه جقدر که نوع انسانده بدویلک اصل اولوب حضریته واکا تابع احوالک
 جیبیبی اوزرینه طبیعتی مقدم اولغسله ذکرده بدویلرک احوالتی حضریلرک احوالنه
 تقدیم ایلدم کذلک اوچنجی فصلده دخی ملک و سلطنت احوالتی بلده و شهرلر احوالنه
 تقدیم ایلدمکه ملک و سلطنت ابتدا ظهور ایدر بعده شهرلر و بلده لره بنا و معمور اولور
 و کذلک کسب معاش احوالتی تعلم علم احوالی اوزرینه تقدیم ایلدمکه امر معاش طبیعت
 انسانک حیات و بقا سنه مدار اولغله امور ضروریه دن اولوب تعلم علم ایسه انسانک
 صحت و حیاتند نصکره دین و دنیا سنده بر حاجته متعلق اولوب یا خود مجرد نفسنی تکمیل
 ایچون معددر امر ضروری ایسه صفت کمالدن بالطبع مقدم اولغله معاش احوالی
 بیاتی تعلم علم بیاتی اوزرینه تقدیم ایلدم و صنعت و حرفت بعض و جوهله کسب و تجارت

وسرمایه تدبیر امور اولان قوت فکریه لری بی اعمال سببیه تحصیل ایلد کبری درلودرلو
 عملر و کونه کونه صنعتلردر که نوع انسان کندویه احسان اولنان نور عقل ایله هر شبتک
 حقیقتی قدرتلری مرتبه یلوب علوم متنوعه و صنایع مختلفه تحصیل ایدرلر نور عقل
 و شمع شعور انسانه مخصوص برفیض باهر الظهور اولوب سائر حیوانان دن بوصفت
 مخصوصه ایله ممتاز وجهه مخلوقات اوزر لینه فضل و شرف لینه مدار اولشدر * ایکنجی
 خاصه طوایف انسانک ایچلرندن برحا کم عادل و سلطان قاهره احتیاجلریدر که بونلرک
 معمره عالمده حیات و بقا و نظام احوال لری اول سلطان باهر الشانک امر و نهیه اطاعت
 و امتثال منوط و موقوف اولوب حا کم و سلطان سئر بونلر ایچون حیات و بقا متصور
 اولدیغی کتاب اولده کله جکدر اما سائر حیوانانک حیات و بقا لری ملک و سلطنت سزر دخی
 حاصل اولور مگر کیم زنبور ایله چکر که حقیقه نقل اولنان حکایه صحیح اوله که حیوانان دن
 بویکی نوع حیوانک ایچلرندن بیکلری اولوب بوه لرینه و قوانینده دخول و خروجلری
 و نقل و حرکتلری و سائر امور لری بیکلرینک حرکتنه متابعت ایله اولغله سائر حیوانات
 اراسندن بونلر ممتاز اولمش اولورلر * معلوم اوله که بو حکایه صحیح اولدیغی صورته دخی
 بونلر ایچلرندن برنی بیک نصب ایدوب امور زنده ا که متابعت ایلری انسان کبی عقل و فکر
 صاحبی اولدقلرندن اولیوب بلکه محضاً جناب حکیم بی علت جل شانیه حضرتلرینک
 بونلره بو خصوصی الهام طریقیه فیض و عنایت ازلیه سببیه اولشدر زیرا حضرت
 رب العالمین جل و علا قرآن کریمده سوره مملده زبورک عسل مصفا اخراجنی بیان
 سیاقنده جمال و اشجارده و قوانینده و سائر مناسب محللرده بال یاقینی ایچون مومدن
 مصنوع بر برینه متصل التبشیر کوشه لو خانه لر بنیاد ایدوب مهندسلر پرکار ایله و معمارلر
 صرف نقدینه افکار ایله ترتیب و تسویه سنده عاجز اوله جق بیتلر ایجاد ایلدیکنی و آجی
 طاتلورک و بار و ازهار متنوعه تناول ایدوب قدرت حقله جو فلرنده شهد شیرینه مبدل
 اولدیغنی حبیب اکرم صلی الله تعالی علیه وسلم حضرتلرینه خبر و یروب بو احوال
 عجیبه نک زنبوردن صدور و ظهوری طرف عزتندن محضاً الهام ایله اولدیغنی بیان
 یوردیلر کذلک چکر که نک و طور نانک و سائر بونلره مشابه اولان حیوانانک دخی احوالی
 بویله در * اوچینی خاصه افراد بشرمایه حیات اولان معاش و غذالری تحصیله جد
 وسی ایدوب کندیلرینک و عباللرینک ارزاق و نفقه لری حصول ایچون هر بری برکونه
 سببیه توسل ایشدر زیرا جناب رب العالمین جل شانیه انسانی حیات و بقا زنده سائر
 حیوانات کبی اغدیه تناولنه محتاج خلق ایلوب لکن انسانک مزاجی سائر حیوانان دن
 زیاده معتدل و غایه الغایه نازک و ملایم اولغله اکثرماً کولات و مشرو و باتلری طبع و تربیه به
 و تحصیلنده بر لر لینه معاونته موقوف اولغین * اعطی کل شیء خلقه ثم هدی * نص
 کریمی مقادی اوزره تحصیل اقوات و ارزاقده هر بری بدرلو مسلکه سالك اولشدر
 سائر حیوانات ایسه کندی جنسلرندن نباتات اواعندن نفقه و غذالری بولندیغنی
 خلقتدن تغیر ایتوب طبع و تربیه سز تناول ایتکله طرق کسب و معاشه سلوک

ابواب و فصوله قریب بابلر و فصلار اوزرینه ترتیب و تبویب و سراج الملوك اسمبله مسمی بو و ایدیه بر کتاب تالیف ایلدی لکن مراد و مقصودینی استدیکی کبی اله کتوره میوب و مسائل و مباهینی کرکی کبی تفصیل و اسنیفا و دلائلی بر خوشبجه کشف و ایضاح ایله ادا ایده مدی بلکه نوع بشرک وجه ارضده اجتماعلری سببله واقع اولان احوالری چون بابلر ترتیب ایدوب و اول احوالی بر خوشبجه نقد و تحقیق ایتکمیزین اکا مناسب حکایات و آثار کثیره نقلنه شروع ایلوب فرس حکما سندن و هند علما سندن بزرجمهر کبی کسه ردن و دانیال و همرسندن و انلرک غیر ی اساطین فن حکمتدن نیجه اثرلر و نصیحتلر روایت ایلدی ❁ اما کرکی کبی هر بایک مسئله رینی تحقیق و قواعد عقلیه یه تطبیق ایدوب شک و شبهه دن عاری و وهم و احتمالدن بری ادله قویه سردبله روی مر امدن رفع پرده حجاب ایده میوب حقلرنده حسن ظن اولنان کار علمادن و صلحادن خلقی دین و دنیارینه نافع اموره ترغیب ایچون نقل اولنان موعظه و نصیحتلره مشایه امور نقلیه اکتفا ایلدی اوله ظن اولنور که قاضی ابو بکر طروشوی بزم کتاب اولده ذکر ایده جگمزمباحث شریفه و مسائل نل نفیسه مز کبی بر کتاب جمع ایتک مراد ایلدی لکن قصدینی تحقیق و مرادینی تحصیله موفق اوله میوب کرکی کبی مسائل مهمه بی شرح و بیان ایده مدی اما بجمده سبحانه و تعالی بزالهام ربانی و توفیق صمدانی ایله یوفنک اسرارینه واقف بر علم جلیل انشاسنه موفق اولدق که انجیق قریبده صافیه مزک آثار و تالیفیندن اولغله امثال و اسلافزهی سبق ایلدک اگر کتاب اولده ذکر ایده جگمزمسائل و قواعدی وصف ایتدیکم کبی تماجمه ذکر و اسنیفا ایدوب و یوعلمی کند و به قریب و مشایه اولان عملردن موضوعی و فائده سیله تمیزه قادر اولد مسه محض توفیق باری و هون صمدانی ایله حاصل اولوب نعمت حقه مظهر اولمشدر اگر دهوا ایتدیکم کبی مسائل فنی کرکی کبی ذکر و اسنیفا ایده میوب بو علمه قریب سائر فنلرک مسئله رینه مشنبه اولمش ایسه کاب به نظر ایدن اصحاب علم و کالیدن رجا ایدر مکه قصور می تکمیل و واقع اولان خللی اصلاح بیورسونلرینه بو صورتده الفضل للمتقدم غواسی اوزره بزم فضل و کماله نقصان ترتب ایتمز زرا بو بولی بزاحدق و نور توفیق ایله ابتدا بو طریقده بزنسولک ایلدک ❁ اشته حالا بو محله ده بز کتاب اوله شروع قصد ایدوب و ابواب و فصللرینی تعداده تصدی صد دنده ایز که وجه ارضده اجتماع ایدن طوایف بنی آدمک ملک و سلطنت و کسب و تجارت و علم و صنعت مقوله سی امور لرینی و سائر حال و شانلرینی شک و شبهه دن معرا ادله قاطعه و براهین ساطعه ایله کتاب اولده برکونه تحقیق و تفصیل ایلدک که هوام و خواص سیله جگمزمی اموره حقه و اصل اولوب او هام و شکو کدن خلاص اولورلر ❁ معلوم اوله که جناب واجب الوجود و خداوند فاض الجود جل شانہ حضرت لر ی عنایت ازلیه و رحمت صمدانیه سی ایله معموره عالمک نظامی و حکم و تصرفی نوع انسانه تفویض ایدوب صفت حیوانیتنده کندویه مشترک اولان سائر انواع حیوانانندن بونلری فایده خاصه ایله بمناسز ایلدیکه علی الترتیب ذکر اولنور ❁ خاصه اولی مایه نور شعور

ملك و سلطنته متعلق تأليفند. دخی كتاب اولده ذ كر ايده جگمز مسائلدن برقاچ مسئله نافعنه ذ كر ايدوب لکن کرکی کبی تفصيل ايتيوب ولايتی اوزره براهین قاطعه اقامت ايليوب کلام آخر ايله مزج ايلدی و ازسطو کتاب سياسته حکمای مجوسدن وانوشرواندن تدبير ملك و سلطنته متعلق نقل ايتديکمز قواعده کلیه به اشارت ايدوب و اول قواهدی رسم ایچون مخصوص برداره غریبه ترتیب و خانه خانه تقسیم ايليوب قواعده مذ کوره بی اول خانه لره درج ایلدیکه علما و حکما اول دائره به و کلیات مذ کوره به اعتبار و اعتنا ایلدیلر اول کلمات بونلردر * العالم بستان سیاجه الدوله * الدوله سلطان تحیا به السنه السنه سیاسته بسوسها الملك * الملك نظام بعضده الجند * الجند اعوان یكفلهم المال * المال رزق نجبه الرعيه * الرعيه عبید یكفلهم العدل * العدل مالوف و به قوام العالم * یعنی معموره عالم کویا اشجار و ازها رایله مملو بر بستاندر و اول بستانک دیواری ملك و دولتدر که اجانب و اعدایک تعرضندن انی حفظ ایدر دولت دخی پادشاهلردن عبارتدر که انلرک رأی و تدبیری و قوت و سطونلریله سنه مسلوه و طریقت مالوفه احیا اولنور سنت اول آیین و اخوار و حکومت و اقتدار در که ملك و سلطنت ايله قائم اولور ملك و سلطنت دخی نظام عالمدر که اکا عسکر قوت و برر عسکر دخی اعوان و انصار دولتدر که انلرک اموری مال ايله تمام اولور مال دخی ارزاق عباددر که انلری رعیت جمع ایدر رعیت دخی پادشاهک قوللر یدر که انلری عدالت ايله ظلمدن حایت ایدر عدالت دخی جمله عالمک راضی اولوب الفت ایتدیکی آداب و اطواردر که عالمک نظام و دوامی انکله اولور عالم دخی بر بستان اولدیغی کلامک اولنده ذ کر اولنمشیدی بو محله کلامک آخری اولنه رجوع ایلدی بو ذ کر اولنان قواعده سیاست و سلطنت و تدبير ملك و دولته متعلق سکن کله در که بر بر لینه هر بوط اولوب هر کله نك آخری ایکنجی کله به ابتدا واقع اولوب و بوداره نك خانه لری بر برینه منصل اولغله ابتدا و انتها سی متعین اولیوب بلکه نه طرفدن بدأ اولنور سه ابتدا و نه محله ختم اولنور سه منها اولور حتی ارسطو بو کلیات حکمت نظامک جمع و ترتیبیله فخر ایلوب سیاست ملك و سلطنتده نفع عظیمی اولدیغین بیان ایلدی اکر ملك و دولت فصلنده کلامن کرکی کبی تأمل اولنوب ولايتی اوزره معناسی فهم اولنور سه اثنای بیانده بو کلیاتک تفسیرینه و اجانلک تفصیلنه و ادله قاطعه ايله و بیان واضح ايله مال و مفهومه و قوف مبسر اولور جنساب واجب الوجود جل شانہ حضرتلری فیض جودیله بزی بوسر دقیقه مطلع ایلوب نه ارسطو و نه حکمای فرس تعلیم و ارشادینه احتیاجدن بری ایلدی * و كذلك بلغای عربدن ابن مقفع نام ادیبک کلامنده سیاست عالمه دائر بعض رساله لرنده مناسبت ايله بزم کتاب اولده ذ کر ايده جگمز مسائلدن چوق مسئله ذ کر اولنمشدر لکن ایرا د ایتدیکی مسئله و قاعده لره بزم کبی ادله قویه اقامت ایدوب تحقیق مقال ایتيوب بلکه بلیغ و فصیح و عذ و نصیحت اسلوبنده بر مقصدار کلیات حکمیه ایرادیله اکتفا ایلدی * و كذلك اندلس علماسندن قاضی ابو بکر طروش سراج الملوك نام کتابنده بزم کتاب اولده ذ کر ايده جگمز مسائل و قواعدهک بیاتی قصد ایلوب کتاب اولده اولان

و كذلك بغير حق قتل نفوسك حرمتند. حکمت ومصلمت بیان ایدوب دیدیلرکه ظلم
 قتل نفوس نوع بشرک روی زمینده انقطاعه سبب اولوب معموره عالمک نظامی مختل
 اولور دیدیلر ❁ و كذلك ظلم و تعدینک حرمتنی و علت و حکمتنی بیان سیاقنده دخی ظلم اموال
 و ارزاقک و معموره عالمک خرابنه سبب اولغسله نوع بشرک فناسنه باعث اولور دیدیلر
 و بونلرک امثالی سائر احکام شریعهده حکم و مصالح بیان ایدوب جمله سنی روی ارضک
 عمارته سبب اولان نوع بشرک اجتماعنی محافظه بنا ایدیلر امدی کرک علمای دین و حکمای
 اساطین کتابلرنده تحریرو املا ایدیلر بحثرده جناب رب العالمین جل شانہ حضرتلرینک
 معموره عالمی نوع بشرک اجتماعله احیایورمغه عنایت الهیه سی تعلق ایتدیکنه اشارت
 ایدوب بونلرک حال و شانلرینی و کندولردن صدور و ظهور ایدن آثاری مناسبت ایله ایراد
 ایلدیلر لکن بز نوع بشرک معموره عالمده اجتماعی سببیله احوال و آثار مخصوصه لرینی
 علی التفصیل ادله قویه ایله بیان ایچون کتاب اولده بر علم مخصوص اختراع ایدوب فصول
 و مقدمات ضمننده حقیقت حالی بیان ایلدک ❁ و كذلك حکمای عالمدن بعضیلرینک
 ملوک و سلاطینه و سائر ناسه نصیحت سیاقنده ایراد ایلدیلر کلمات متفرقه لرنده کتاب اولده
 ذکر ایده جکمز مباحث و مسائل جنسندن مقدار قلیل کلامه واقف اولدق لکن کرکی کبی
 تفصیل و استنباط ایدیلر از جمله امام مسعودینک نقل ایتدیکی بیقوش حکایه سنده ملوک
 فرسندن بهرام بن بهرامه دین مجوس اولولردن بعضیلری نصیحت بوزندن دیدیکه ای ملک
 و سلطان ملک و دولتک عزت و غلبه سی تمام اولماز الا انجق شریعت ایله و الله تعالی حضرتلرینک
 رضای شریفنی تحصیل ایچون امر بنه امثال و نهیندن اجتناب ایله تمام اولور و شریعتک
 نظامی و قوامی اولماز الا ملک و سلطنت ایله اولور و ملک و سلطنتک شوکت و وصولنی
 حاصل اولماز الا رجال ایله اولور و رجال دولتک نظامی اولماز الا مال ایله اولور و مال
 تحصیل اولماز الا عمارت عالم و کثرت رعایا ایله اولور و عالم معمور و رعایا منتظم اولماز
 الا عدل ایله اولور و عدل حضرت رب العالمینک عبادی بینلرنده نصب ایتدیکی بر میران
 راست هیار و بر معیار جلیل الاعتبار در که انکله معموره ملک و سلطنتده جاری اولان
 احکام وزن و هیار و زیاده و نقصان اراسننده متوسط اولان امور اختیار اولنوب اجرا
 اولنور و ملوک و سلاطین میزان عدله نظارت ایتک اوزره من قبل الرحمن نصب اولمشلردر
 ❁ و كذلك ملوک فرسندن انوشروانک دخی بعینه بومضمونده بر کلام حکمت نظامی
 وارد اولوب دیمشدر که ملک و دولت عسکر ایله اولور عسکر دخی مال ایله اولور مال دخی
 خراج و رسوم رعیت ایله اولور خراج و رسوم دخی رعایا ایله عالمک معمور اولمسيله اولور
 عالمک عمارتی دخی عمال و ملتزملری اصلاح ایله اولور و ملتزملرک اصلاحی و زرای عظامک
 استقامتیه اولور و جمله نک باشی ملوک و سلاطین تحت اطاعتده اولان رعایانک حال
 و شانلرینی تفتیش ایدوب وقت حاجتده تأدینه قدرت کامله ایله حاصل اولور که پادشاه
 رعایایه مالک اولوب رعایا دخی رقبه اطاعتدن خروجه فرصت بولماق ایله اولور
 ❁ و دخی حکمای مشائینک رئیس معلم ثانی حکیم ارسطونک ناس اراسننده سیاست و حکومت

شریف اولان علمک تألیفنه تصدی ایدوب فائده سنه اعتبار ایتدکری علی تألیف
 وتصنیفه مبادرت ایتدیلر بزم کتاب اولده ذکر ایده جکمز علمک فائده سی معلومک اولدیغی
 اوزره انجیق کتب توار یخده والسنه ناسده تقریر ونحر بر اولنسان اخبار وحکایاتک صدق
 وکذبنی فرق وتمیزی مفید اولوب ونوع بشرک وجه ارضنده اجتماعاری سببیه کندیلره
 عارض اولان احوال مخصوصه لرینه متعلق قاعدهلر ومسئله لر دن عبارت اولغله ذاتنده
 جله انامه تحصیل لازم ومهم بر علم شریف ایسهده لکن ثمره وفائده سی اخبار وحکایاتی
 تصحیح وصدق وکذبنی فرق وتمیزی افاده ایدوب وحکمایا نلرنده اخبار وحکایات علم یقینی
 مفید اولماغله فائده سنی ضعیف عد ایتکلمه غالباً تعرض ایتدیلر لکن علوم وفنونه
 نهایت اولیوب حقیقتنی انجیق حضرت علام الغیوب ییلور انسانک بیلدیگی علم اقل
 قلیل در * ودخی معلوم اوله که بزم کتاب اولده ذکر ایدوب فیض حق ایله تحصیلنه موفق
 اولدیغیز علم جلیک بعض مسئله لرینی سائر علومک مسائلمنی اثبات ایچون ذکر اولنسان
 دلیل وبرهانلر ضمیمه اول فلرک علماسی یحسب الاقتضا مناسبتله ذکر ایتدکلرینه دخی
 واقف اولدق از جمله کتب حکمتده حکمای نبوت اثاتنده ذکر ایدوب دیدیلر که نبوت
 نظام عالمده وجودی لازم بر منصب عظیمدر زیرا نوع بشر وجه ارضنده اجتماع ایدوب
 حیات وبقا لریده بر لرینه معاوتنه محتاج اولوب وطبیعت انسانده حیوانیت صفتی غالب
 اولغله بر لرلرینک جانلرینه ومال لرینه قصد ایتلریله جلب منفعت ودفع مضرته ایچلرندن
 جله به غالب برحاکم عادلده اتباع لازمدر واول حاکم عادل دخی صفات کمال ایله مؤیدومعجزات
 باهره ایله سائر ناسدن ممتاز بذات ملکی الصفات اولغله محتاجدر که خلق اکا اطاعت ایلیه
 اشته اول ذات نبی در دیدیلر * وکذلک اصول فقه علمنده ناسک تکلم ایتدیگی لغتاری
 اثبات سیاقنده علمای فن اصول دیدیلر که چونکه طوائف بنی آدم تحصیل قوت وکسب
 معاش ایله حییات وبقا لریده بر لرینه معاوتنه محتاج اولدقاری جهتهله وجه ارضنده
 اجتماعه مجبول اوللریله قیلرلرنده مضمحل اولان مراد ومقصود لرینی بر لرلرینه افاده وتفهم
 اقتضا ایدوب بهر حال اغراض لرندن برشی ایله تعبیره محتاج اولشلردر اگر اخر سار
 وبنی زبائلرکی اشارات مختلفه ایله مراد لرینی ادا آتسه لرجه اعضا وجوارح لرینی تحریک ایله
 صعوبت مقرر واخف اعضا اولان لسانی استعمالده سهولت محقق اولغله الفاظ مختلفه
 وعبارات متنوعه ایله مراد لرندن تعبیری اختیار ایدوب هر طائفه محاوره ومکالمه لرنده
 بر درلر لغت ایله تکلم ایتدیلر دیولغات والفاظک وجود وثبوتی بیان ایلدیلر وپویانده
 نوع بشرک روی ارضنده اجتماع اوزره سکون واقامت لرینی مدار ایلوب بزم کتاب اولده
 ذکر ایده جکمز علمک موضوعنه اشارت ایلدیلر * وکذلک فقها علم فقه شریفده حل
 وحرمت وکراهت مقوله سی احکام شرعیسه تک علت لرینی وحکمت لرینی بیان سیاقنده ینه بزم
 فخرک موضوعی اولان طوائف بشرک روی زمینده اجتماعنی محافظه بی مدار ایدوب دیدیلر که
 زنانک حرمتنده حکمت ومصلمت بودر که زنا بنی آدمک نسل لرینی بر لرینه قارشدر وپ
 وبتقریب ایله انساب ضایع اولوب نوع انسانک نظام وبقاسی مختل اولور دیدیلر

برکونه تدبیر اولمقی کرکدر که اول منزله وشهرده ساکن اولنلر بر برلیله معامله ده ونبجار نلرنده
 واعدالزله محاربه ده وسائر امور لرنده اعتدال اوزره حرکتی مفید قاعده لردن عبار تدر
 بو عملک موجب ومقتضاسیله عمل اولندقدن نوع انسانک حفظ وبقاسنه وسبله اولور
 بزم کتاب اولده ذکر ایده جگمزم علم خطابه وتدبیر منزل وسیاست مدینه علملرینه نوما
 مشابه اولوب لکن بونلرک ادله سی قطعی اولیوب وفخرک موضوعی بو عملرک موضوعلرینه
 مغایر اولغله بونلردن متمساز اولمشدر * خلاصه کلام بزم کتاب اولده ذکر ایده جگمزم علمده
 وجه ارضنده اجتماع ایدن طوایف بشرک طبیعتلرندن وحال وشانلرندن بحث اولنوب
 وشک وشبهه دن معرا دلیل قوی ایله هر مسئله سی اثبات اولغله اخبار وحکایاتک صدق
 وکذب حق وباطلنی فرق وتمیزنی افاده ایدر بر علم جدیددر اوله ظن ایدر مکه اختراع
 وانشاسی با که مخصوص اولوب بو آناه دک علما وحکمدان برکسه بزم کتاب اولده ذکر
 ایده جگمزم قواعد شریفه ومسائل نفیسه لطیفه بی جمع وتالیف ایتدکلرینه دخی قطعاً
 واقف اولدم بلم که علما بو عملدن غفلت ایدوب بیله مدبلمی لکن آناه بوسوء ظنی ایتک
 دخی لایق دکلدر بوخسه بو وادیده تالیف وتصنیفلر ایتدبلرده بزه واصل می اولمدی زبرا
 علوم وفنونده کثرت وطوایف ام ماضیه ده علما وحکما وفرت اوزره اولوب بزه واصل
 اولیان علوم وفنون واصل اولاندن اکثر وافر در زیرا خلیفه ثانی عمر بن الخطاب
 رضی الله تعالی عنه حضرتلری ممالک فرسی فتح ونسخیر ایتدکده علمای فرسک علملرینی
 محو ایدوب کابلرینی حرق وخرق ایتدکله بزه واصل اولمدی وام سالفه دن کلدانلرک
 وسربانلرک واهل بابک علملری وعصر لرنده حکما سنک اظهار ایتدکلری آثار عظیمه لری
 وکذلک ام قبطنک علملری تقالیب دهر ایله وبرلرینی قهر ایله محو ومندرس اولوب
 بزه واصل اولمدی ام ماضیه نک علومندن انجق بزه واصل اولان حکمای یونان علملریدر که
 خلفای عباسیه دن مأمون خلیفه همت قاهره سیله کتب یونانی کتوردوب ونحصیل علم
 وکاله میل ورغبتی سیبیه اطراف وا کافدن لسان یونان ولغت عربیه ده ماهر وترجه علومه
 قادر مترجیندن فتی چوق کسنه لری جمع ایلوب واموال کثیره بذل ایتدکله حکمت
 یونانیا نک اصول وفروعی لسان عربی به ترجمه ایتدربوب فنون حکمتی احیاء وبطون
 صحایف کتبه درج واملا ایتدیردی بو تقریب ایله علمای دین اسلام انجق فن حکمت
 یونانه واقف اولوب اندن غیری ام سالفه دن برامتنک علومندن بر شته مطلع اوله مدبلم
 * معلوم اوله که عالمده موجود اولان اشبادن هر شبتک مقتضای طبیعتی اوزره کندودن
 صدور وظهور ایدن احوال وآثار مخصوصه سندن بحث اولمقی ممکن اولغله اول شبتک
 احوال مخصوصه سنی بیسان ایچون علوم مدن بر علم مخصوص تالیف وتصنیف اولمقی
 کرک ایدی مثلاً عناصر اربعه دن نازک وهوانک وماتک وارضک هر بزینک وبونلردن
 مرکب اولان معادن ونباتات وحیوانات اتواعندن هر نوعک وسائر اشیاتک احوال
 واعراضنه مخصوص بر علم مستقل تالیف اولمقی کرک ایدی لکن اوله ظن ایدر مکه
 حکما بوخصوصده تالیف اولسان عملرک فائده وثمره سنه نظر ایدوب یانلرنده فائده سی

بزم ایچون قدرت حاصل اولوب ربع مسکونده واقع اولان احوالدن برشبی ایشتمدیکمزده
 حفظاتدیکمز قاعدهله مراجعت اولتوب اول خبرک مضمونی ممکناتدن ایسه قبول دکل ایسه
 رد ایدرز و بی آدمک احوال و اطوارینه متعلق ذکر اولنسان قاعدهله مورخلرا ایچون
 محک و معیار و میران راست عبار اولوب نقل اتد کلامی خبرلرک صدق و صوابی و کاذب
 و فاسدنی انکله وزن و عبار ایلوب صحیحنی فاسددن رایجنی کاسددن فرق و تمیز
 ایدرلر اشته بزم بوتالیمزده کتاب اولده ذکر ایدرله جگمز کلامزدن قصد و غرضنا ایچ
 بو قاعده لری تحقیق و بیساندر واشبو ک کتاب اولده ذکر اولنه جق مسائل علم
 تاریخدن فضلہ مستقل بر علم مخصوصدرکه اول علم سببیه کتب تاریخده نقل و روایت
 اولنسان خبرلرک و حکایه لرک صدق و کذب معلوم اولور زیرا تألیف اولنسان علملرک
 و غفلرک بر لرندن امتیازی انکله درکه هر علم بر درلوشبک احوال و آثارندن بحث ایدرکه
 علم اخرده اول شبتک غیرنی نسنه نک احوالی بیان اولنور اول شبتک علمنا موضوع
 فن اطلاق ایدرلر مثلا علم طبک موضوعی بدن انساندرکه اول علمده بدن انسانک صحت
 و مرضنه متعلق احوالندن بحث اولتوب حفظ صحت و دفع مرض نه و جهله اولدیغنی بیان
 اولنور و کذلک فن تشریح دخی علم طبه مغایر بر قدرکه انک موضوعی اجزای آدمی
 و اعضای بدن انساندرکه هر برینک مقدار و محلاری و هیئت و ترکیب و ترتیبری بیان اولنور
 سائر فنون عقلیه و علوم نقلیه دن هر بری بر شبتک احوالندن بحث ایله بر برندن ممتاز
 اولمشادر * و کذلک بزم کتاب اولده ذکر ایدرله جگمز مسائلک موضوعی دخی وجه ارضده
 واقع ممالکده ساکن و مجتمع اولان طوایف بشرک اجتماعی اولوب بونلر وی زمینده
 بلوک بلوک صنف صنف اجتماع ایتملری سببیه اقتضا ایدن حال و شانا لری و اوضاع
 و عادتلری علی الترتیب فردا فردا تفصیل اولنور بو علم دخی بوجهتله سائر علومدن ممتاز
 مستقل بر علم عد اولمشادر * معلوم اوله که کتاب اولده تصحیح اخباره متعلق ذکر اولنه جق
 مسئله لرک و قاعده لرک جمع و تالیق یکیدن اختراع اولتوب علم تاریخده و سائر علوم عقلیه
 و نقلیه ده تدوین اولنان کتبه امعان نظر ایدوب عقل و فراست و فهم و یکاستله فائده سی
 کثیر بر علم شریف استخراج ایتمکمه واقف اولنلر کتبه تاریخده نقل اولنسان اخبار
 و حکایاتک حق و باطلنی ضد و تمیز ایدرلر * و بو علم کتب منطقیه نک اقسامندن معدود
 اولان علم خطابه دکلدن زرا علم خطابه بر علمدرکه حقارنده حسن ظن اولنسان مشایخ
 و صلحا خلق معاش و معادله بینه متعلق اموره میل و ترغیب ایندیروپ یا خود پراشدن منع
 ایندیرمک ایچون وعظ و نصیحت مقوله سی اقوال نافعده در عوام ناس انلرک سوزلرله
 قناعت ایدوب رأیلرینه میل و اعتقاد ایدرلر لکن کلاملرینه دلیل قوی اقامت اولنما مغله
 خواص ناسه یقین افاده ایتمز اما بزم اختراع ایندیگمز علمک دلیل و برهانلری قوی اولغله
 شک و شبهه دن معرادر * و کذلک بزم کتاب اولده ذکر ایدرله جگمز علم تدبیر منزل و سیاست
 مدینه علمی دخی دکلدن زرا تدبیر منزل و سیاست مدینه علمی بر منزلده یا خود بر شهرده
 ساکن اولان خلق اخلاق حیده و حکمت عملیه مقتضاسیجده حرکت ایدوب وجه لایق اوزره

اولئمه سنی کلامك قبولنه مانع طوئدیلر ❁ معلوم اوله که کلام ایکی قسمدر برقسمنه انشا و برقسمنه خبردیر ل انشا اول کلامه دیرلر که انده برشبتك واقعه وارلغندن یاخود یوقلغندن خبر و برمك قصد اولنمبوب بلکه برکسه برکسه په فلان ایشی ایشله یاخود ایشله دیو امر ونهی ایدوب یاخود برکسه برکسه دن برنسنه بی سؤال ایلوب فلان شی نیجه در نیجه اولدی دیمك کبی که مجرد او مقوله کلامه متکلمک مرادی اول شبتی یکیدن وجوده کتورمك در بو مقوله کلامه علمای علم معانی انشا اسمیه اندیلر و کلامک ایکنجه قسمی که خبردر خبر اول کلامدر که انکله برشبتك نفس الامر ده وارلغندن یاخود یوقلغندن اخبار اولنوب مثلا حالا کونش طوغدی یاخود بانندی و فلان ایش شویله اولدی یاخود اولدی دیمك کبی که بوند مقصود واقعه برشبتك وجوده کلوب یاخود کلدیکنی مخاطبه خبر و برمکدر اگر اول خبرك مضمونی واقعه مطابق ایسه صادق دکل ایسه کاذب اطلاق اولنور و شرع شریفده آیات واحادیثه وارد اولان کلامک اکثری امر ونهی مقوله سنندن اولوب مثلا نماز قنغله ز صکوة و برمکله وحج و صومله امر و محرماندن نهی اولنق کبی انشا تحتنده مندرج اولغله بونلرک صحتنی بیتك انجق نقل ایدن راویلر موثوق و معتمد کسنه لردن اولدیغن تفتیش ایدوب عادل و امین اولدقاری صورته امر مقوله سنندن ایسه امثال نهی مقوله سنندن ایسه اجتناب واجب اولور زیرا امر ونهیده واقعه برشبتك وارلغندن یوقلغندن خبر و برمکله محالمیدر بمکیمیدر دیو تأمل اقتضا ایتبوب همان طرف شارعدن یعنی جانب الهیدن ولسان بی دن وارد اولدیمی دیو راویلرک صدق و عدالتنی تفتیش ایله اکتفا اولنور اما امور واقعه دن اخبار قصد اولنان کلام که ا که خبر اطلاق اولنور مثلا فلان ایش شویله اولدی یاخود اولدی یاخود اوله جقدر دیمك کبی بو مقوله کلامک صدق و صحتنده بالکزر راویلرک و نقل ایدن کسنه لک صدق و عدالتنی تفتیش ایله اکتفا اولنمبوب بلکه واقعه مطابق و موافق اوله سنی دخی اعتبار لازمدر اندن اوتوری اوزریمز لازمدر که او مقوله خبر وارد اولدقده وقوعی ممکن میسر ابتدا کرکی کبی علم حاصل ایدوب بعده وقوعنی نقل ایدن راویلرک عدالتنی تفتیش اولنور و مضمون خبرك امکان و وقوعنده تأمل عدالت راویدن اقدمدر زیرا امر ونهیک مضمونی بالکزر کلام انشائی دن فهم اولنور اما خبرك مفهومی وفائده سی هم نفس کلامدن و واقعدن مستفاد اولغله حتی باطلدن صادقی کاذبدن فرق وتمیزده و اول خبرك مضمونی نفس الامر ده بمکیمیدر یاخود محالمیدر بیلمکده قاعده بودر که روی زمینده اجتماع ایدن طوائف امم و اصناف بی آدمک طبیعتلرنی ییلوب وانلرک طبایع مختلفه سننک اقتضا ایدوب دائما کندیلردن صدور ایدن احوالی وقت و ندرت اوزره صادر اولان اوضاعی وانلردن وقوعی محال اولان اموری کرکی کبی ییلوب ضبط و احاطه په محتاجدر قچانککه ذکر اولند یعنی اوزره بی آدمک طبیعنی و حال و شانلرنی وانلردن صدور و ظهوری ممکن یاخود محال اولان امورلرنی کرکی کبی ییلدیکنمیزده نقل اولنان خبرلرک صدق و کذبنی ییلدیکنمیز قاعده لری ملاحظه ایله فرق و تمیزه

حضرت زینک زمان خلافتارنده موسی بن نصیر بلاد غربه سفر ایدوب سینه طرفنه
 قریب اولان غرب اقصاده سجلماسه صحرا سینه بالغ اولد قده قومسال پروادیده
 جله درودیوار لری نحاسدن معمول و مصنوع برقلعه به مصادف اولوب درودر وازه سی
 محکم سد اولمغله در ونسه دخول ممکن اولوب قلعه مز بورهك احوالی بٹك ایچون
 اطرافنی محیط اولان سورك اوزرینه آدم چبقاروب چیقان آدم لر اللرین بر برینه
 اوروب کندیلرنی درون قلعه به الفا اندیلر خبر لری نایدید اولد قده تکرار غیر ی آدم لر
 چبقوب انلردخی اولکیلر کی کندیلرنی قلعه دن ایچر و آتوب بردخی رجوع ممکن اولدی
 دیوامام مسعودی بو خبری نقل و بیان ایلدی بو حکایه دخی مداحلرک ترتیب ایتدکری
 حکایات کا ذبه به ملحقدر زیر ديار غربه سجلماسه صحرا سی فاس و لاینسك جهت
 شرقیه سنده غرب شهر لریله سودان مملکت لری اراسنده مرانام و مسلك خاص وعام
 بر صحرای عظیم اولوب و اطراف و انکافنه هر عصرده راکب و راجل مسافرین
 مرور و عبور ایلوب هر جای منظور لری اولور لکن بوانه دك بمقوله مدینه نك
 وجودی قطعا بر فرددن مسموع و منقول اولدیغندن ماعدا شهر مز بور حقیقه نقل اولتان
 احوالک جله سی عاده مخالف اولوب قلعه ر بنا سنده معروف و معتاد اولان طوره منافیدر
 و معادن جنسندن باقر و تیمور کی موجود اولان اشیاك غایبی منازل و مسا کنده استعمال
 اولتان طعام قابلرینه و سا ترآلات و اوانی به صرف اولمق ایچون ادخار اولنور اما باقردن
 قلعه و مدینه بنا و انشا اولمق بین الانام دأب اولماغله طوره عقلمن بعد و مستبعد در
 لکن بمقوله حکایاتك امشالی کتب تاریخده کثیر اولوب بونلرک صدق و کذبنی فرق
 و تمیز و جه ارضنده ساکن اولان طوائف بی ادمك طبیعتلرینه و اوضاع و عادت لرینه
 کرکی کی وقوف تحصیلنه موقوفدر و طبایع عالم و اوضاع بی ادمك احوالنه متعلق
 اموره واقف اولوب نقل اولتان خبر لک مضمونلرنی ملاحظه و تأملدنصکره اول اموره
 عرض ایتمک صدق و کذب اخباری فرق و تمیز ده جله و جوهرک احسنیدر زیر
 نوع بشرک طبایعی و احوال و عاداتی مضبوط و معلوم اولد قده نقل اولتان حکایاتك
 واقعه موافقتنی یا خود مخالفتنی بیلوب مطابق اولانی قبول اولمائی رد ایده رز و بووجه
 اخبار و حکایاتی نقل ایدن زاویلرک حال و شای و صدق و عدالتنی تفتیش ایتمکدن اقدمدر
 زیرا بخصوصه متعلق اخباردن بر خبر بزه نقل اولد قده ابتدا کر کدر که اول خبرک
 مضمونی ذاتنده ممکنیدر بوخسه محال و ممتنعیدر معلوم ایدینوب عادتاً وقوعی ممکن
 اولدیغنی ثابت اولد قدنصکره زاویلرک و ناقللرک صدق و عدالتنی تفتیش اولنوب
 موثوق و معتدر حال نقل ایدسه وقوعنی تصدیق ایدوب اعتماد ایده ر زاما نقل اولتان
 خبرک وقوعی نوع بشرک احوالنه متعلق قاعده له مخالف و عادتاً محال ایسه زاویلرک
 عدد و عدالتنی تفتیشده فائده اولوب ایتسه نقل ایدنلر عادل و صادق کسینه لر اولسون
 قبول اولنماز حتی انظار دقیقه اصحابی اولان علما بر لفظك دلالت ایدیکی معناك
 نفس الامرده وجودی محال اولدیغنی یا خود عقل قبول ایتیمه جك نسنه ايله تأویل

اقل قلب اولغله قلبنده مخزون اولان روح حیوانی و بخار دخانی شدت حرارتدن
 سرهت ایله آتش کچی یا نوب یا قلوب روح قلبی نك و آق چكرك مزاجلری معتدل ایدن
 هوای بارد جوف صندوقده قعر مجرده قلبنه واصل اولماغله هلاك اولتی مقرر در
 بوسبب دندر که جاملك اسی خلوتلرند. هوای بارد نفوذ ایده جك منفذ لری سد اولنسه
 ایچنده اولان کسنه لر عثیله هلاك اولورلر و كذلك عمیق قیولرک و قمری بعید چقورلرک
 و لغلرک و معدن پوللرینک جوفلرند. هر کوز اولان هوا قعر ارضده محتبس اولان
 برامز بخارل ایله قارشوب متعفن اولغله حرارت قویه کسب ایدوب و طشره دن ریاح بارده
 نفوذ ایلوب اول هوای متعفن بر جانبدن بر جانسه نحریک ایتدیکی صورته بواکنه به
 دخول ایدن کسنه لر بلا توقف هلاك اولورلر و كذلك بالقلردر یادن طشره چیققلرند
 هلاك اولمیری دخی بوسبب دندر. زیرا بالقلرک طبیعتلری قره ده تعبس ایدن حیوانانندن
 زیاده افراطله حارا اولغله ریله لرینک یعنی آق چكرلرینک مزاجلرینک حرارت مفرطه سنی
 دفع و اعتداله کتور مکده حیوان بری کچی بالکزه هوا کفایت ایتوب ماء بارد اسنشاقیله
 تنفس ایدرلر مانک طبیعتی بارد و هوا حارا اولغله طشره خر و جلرند. هوای حاره مصادف
 و حرارت روح حیوانیلرینه مستولی اولغله دفعه هلاك اولورلر ته کیم العیاذ بالله تعالی
 صاعقه اصابت ایدن کسنه لر روح حیوانیلرینه صاعقه نك حرارتی تأثیر ایتکله دفعه
 هلاك اولدقلری کچی * و دخی اخبار کاذبه دندر اول حکایه که بنه امام مسعودی نقل ایدوب
 دیدیکه رومه شهزاده رهسارین ایچون بعض حکما اجساد معدنیه دن صفر جتی
 دیدکلری قوشک صورتی یا پدروب و طلسم اولتی اوزره بر محل مخصوصه وضع ایدوب
 بهر سنه بر یوم معلومه اطراف واکا فدن صفر جتی قوشلری اغزلرینه بر زیتون
 الوب اول صورت معموله نك یا ننه جمع اولوب کتور دکلری زیتونلری اول صورته
 ارمغان کتوررکچی یا ننه براغوب کدر زدی بعده رومه کنبسه سنه ساکن اولان رهسارلر
 اول زیتونلری دوشروب بر تقریب ایله و افر زیت یاغی تحصیل ایدرلر دیونقل و روایت
 ایلدی بو حکایه دخی زیت یاغی تحصیلنده طریق معتاده و عاده مخالف اولغله وقوعی
 مستبعد * وینه اخبار مستحیله دندر اول حکایه که مورخیندن امام بکری نقل ایدوب
 دیدیکه ازمنه سالفه ده ذات الایوب اسمیله مسمی بر قاعه عظیمه بنیاد اولمشیدیکه
 قلعه مزبوره اوتوز قوناقدن زیاده مسافه بی محیط اولوب اون یك قیوسی اولتی اوزره
 روایت ایلدی بونقلک فسادی دخی ظاهر در که قلاع و حصوندن مقصود اهدادن
 اهل بسنی حفظ و صیانت اولوب اطراف واکا فنه محافظلر نصب اولنغله دشمنک
 مکر و کیدندن حایت ایچون اتخا اولدیغی کتا بمزده انشاء الرحمن کله چکدر
 اوتوز هر حله دن زیاده مسافه سی اولان قلعه بی مستحفظلر احاطه ایده میوب اطراف
 واکافی محافظه ممکن اولماغله قلعه بناسندن مقصود اولان مصلحت نحصن قوت اولغله
 بو خبر دخی اعتبار و اعتماد صالح اولدیغی ظاهر در * و دخی اخبار مستحیله دندر
 امام مسعودینک مدینه نحاس حقهده نقل ایدیکی حکایه که عثمان بن عفان رضی الله تعالی عنه

وهر برینک شکل و صورت لرینی رسم و تصویر ایلد کد نصکره ینه طشره چبقدی بعده حکما سنک تعلیمی اوزره حدید و نحاس و سائر اجساد معدنیه دن اجنه نك صور و اشکالی اوزره طلسم ایتد پروب کار بجرده قلعه حداسنه نصب ایتد یردی بعده اجنه ینه عادت لری اوزره اثنای لیلده قعر در یادن چیقوب اول طلسم معمولی مشاهده ایتد ککرنده قراره مجال لری قالمیوب قعر بجره فرار و بوتقریب ایله اسکندریه قلعه سنک بنا سنه اقتدار حاصل اولدی دیو امام مسعودی بر حکایه طویله نقل ایلدی * لکن بو حکایه اخبار کاذبه دن اولوب برفاج وجهله فساد و بطلانی ظاهر در (اولا بلور صندوق اجرام لطیفه دن اولغله قعر بجره وصول و مشاهده صور اجنه و رسم و تصویری ایچون مکث طویلد نصکره طشره خروجی مدتده امواج بجره و قعر در یاده و درون سفینه ده سائر اجرام ثقیله نك صدمه لرندن امن و سلامتی مستبعد در (ثانیا ملوک و سلاطین نفس لرینی بو مقوله خطر عظیمه القا ایتد بر وجهله منصور دکلدن ایچلرندن بو مقوله امره تصدی ایلد لر ابتدا نفسی مهلسکه به القا و سلطنتی فدا ایدوب ناسک غیری پادشاهه بیعت ایتلرینی تجویز و رضا و بر مکدر ناس دخی قعر در یادن سلامتله خروج ایتد بکئی جزم ایدوب و ملک لرینک آیین سلطنته مخالف حرکتدن کندورله مار حوقیله طرفه العین ائک رجوه سنه منتظر اولیوب آخره بیعت ایلیه جکرینی ملاحظه ایلد کده ملوکدن بر ملک بو مقوله امر خطرناکه جسارت ایتد محال و مستبعد در (ثالثا اجنه نك انسان و فرس و بقرو سائر انواع حیوانات کی کندیلره معین و مخصوص صور تری و شکل لری اولیوب بلسکه اذن حق ایله درلودر لو صور تیره کروب اشکال مختلفه ایله تمثل و تشکله قادر لر در بوتقدیر چه صور مخصوصه سی اولیان مخلوقک قعر در یاده بولند قبری صور تری رسم ایدوب طلسم ایتد دخی صحیح اولماز اگر شیطین واجنه نك جسد لرنده برفاج باشی اولق اوزره لسان شرعده روایت اولندی دنیلور سه ائمه تفسیر * طلعهها کانه رؤس الشیاطین * آیت کریمه سی تفسیرنده و غیره محالدره کثرت رؤس ایله تعیری شیطانلرک واجنه نك کال مرتبه مهیب و مخوف اولد قلرینی تمثیله جل ایدیلر یوخسه اصل خلقت لرنده برفاج باشلی صورت کریمه مخصوصه لری اولوب دائما اول شکل خبیث انلردن مفارقت ایتد طرفته ذاهب اولدیلر بلسکه اذن حق ایله دیلد کبری صور تیره کیرمکه قادر اولق اوزره توجیه ایلدیلر و بو حکایه نك کذب و فسادنی مقتضی بوجه دخی واردر که خبر مذکورک بطلانته دلالتده ذکر اولسان وجوه ثلثه دن اظهار در اول وجه بودر که نوع انسانک و بر و بجرده موجود سائر اصناف حیوانا نك قیلرنده بر بخار لطیف حاصل و شربان طمر لری واسطه سیله اطراف بدنه واصل اولوب حکما اول بخاره روح حیوانی اطلاق ایدر لر اول بخاری لطیف حرارت غریزه پی حامل اولوب غایبه الغایه حار اولغله قلبی یمین و یسارندن احاطه ایدن آق جکر واسطه سیله لحظه لحظه هوای بارداسن شاقیله تنفسه محتاج اولمشدر قعر در یاهه طالان کسنه لر خصوصاً ترفه و تنعمه مألوف اولوب غواصلق صنعتنه اعتیاد ایتد ملوک و سلاطین استر سه صندوقه دخول اتسونده کیرسون بهر حال تنفس طبیعی ایچون لازم اولان هوا جو ف در یاده نصا بندن

تجسین و اشاعه و حق و صواب اولیٰ و نقل و تقریر و کتب تواریخه درج و تقریر بر ابله
 اخبار کاذبه نیک انتشارینه باعث اولور * وینه نقل اولتان اخبار و حکایاتک کذبینی موجب
 اولان اسبابدن برسبب دخی وارد که ذکر اولتان اسباب عدیده نیک جمله سندن اقدمدر
 اول سبب بودر که ربع مسکونده ساکن اولان طوایف امم و اصناف بنی آدمک مذهب
 و ملت و مشرب و عادت و ملک و دولت و کسب و صنعتلرینی و علم و معرفت و سایر احوال لرینک
 حقیقتلرینی و طبیعتلرینی بنیامکدر زیرا وجه ارضنده ظهور ایدن حوادث و قایعیدن
 هر نسنه که عدمدن وجوده کلوب ظهور ایلده بهر حال انک داننده کندویه مخصوص
 بر طبیعتی اولوب واکا مناسب نیمه احوال مخصوصه سی اولور مثلا هر دولتک بر طبیعتی
 و عادات و اداب مخصوصه سی اولوب و کذلک بدویترک و بلدیترک کنسیدلره مخصوص
 عادتلری و ادابلری وارد که هر برینه مخصوص اولوب آخرد بولنماز قیچن اخبار منقولهدن
 برخبر استماع اولنه بهر حال مثلا ملک و دولت مذهب و ملت و کسب و صنعت و علم و معرفت
 مقوله سندن برینه دائر اولغله بومورک طبايعی و حقیقتلری و حال و شانلری کرکی کچی
 معلوم اولدقده نقل اولتان خبرک مفهومی ملاحظه اولنوب حوادث و واقعات انواعدن
 هر نه مقوله نوعدن ایسه اول نوعک احوالنه متعلق قاعده له تطبیق و عقله عرض اولنغله
 صحیحی فاسددن صادقی کاذبدن فرق و تمیزه قدرت حاصل اولور بودر اولتان قاعده
 خبرک صدق و کذبینی بیلنکده سایر و جوهدن اولی و اقوادر * معلوم اوله که عالم کون
 و فسادده واقع اولان حوادث و وقایعک طبیعتلرینه و حقیقتلرینه کرکی کچی علم و وقوفی
 اولیان کسنه لر چوق کره بحسب العاده و قوعی محال اولان حکایاتی استماع ایتدکده
 مضمون خبرک نفس الامرده امکان و استعمالسنه نظر ایتسکله حق اولیٰ اوزره قبول
 و غیر بلره نقل ایدوب انلر دخی تصدیق و آخره نقل و تقریر و کتب تواریخه اخبار کاذبه
 درج و تقریر اولنغله سبب اولمشدر * از جمله امام مسعودی مروج الذهب نام تاریخنده
 دیار مصرده اسکندریه قلعه سی بناسی خصوصنده نقل ایتدیکی حکایه مستحیله کچی که
 اسکندر رومی قلعه اسکندریه نیک بناسنه مباشرت ایتدکده بحر سفید کارنده واقع اولغله
 شمسک غروبند نصکره در یادن بنی آدم شکلنده و وحوش حیوانات صورتلرنده اجنه
 بحر به چقبوب عمله نیک کوندز یاید قلمری بنایی هدم ایدوب فجر طلوعنده ینه دریاه کیدر لر دی
 بوجهنله اسکندر قلعه نیک بناسندن عاجز قالوب بعض حکما ایله بونلرک دفعی پابنده مشاوره
 ایتدکده در یادن خروج ایدن اجنه نیک صورتلری کچی اجساد معدنیه دن بعض طلسملر
 یاپلوب ساحل دریاده قلعه نیک بر اینه وضع اولنغی اوزره تدبیر ایتلریله اجنه نیک صورتلرینی
 رسم و تصویر ایچون قعر دریاه غوص اولنغی اقتضا ایتمکین اولا اخشاهدن مصنوع
 برسفینه ترتیب اولنوب و دروننه صرجه و بللوردن معمول اطراف مسدود بر صندوق وضع
 اولند قد نصکره اسکندر بالنفس اول صرجه صندوق ایچنه کوروب و قباغی محکم سد
 اولند قد نصکره اول سفینه معموله و دروننه وضع اولتان صندوق بللورین ایله قعر دریاه
 طالوب اجنه بحر به نیک صورتلرینی و رای بللوردن کرکی کچی مشاهد و معاینه ایدوب

کسب معاشده انواع تجارت و درلو درلو صنعت و علم کرده دقتار و بونلرک امثالی حالات
 ظهور ایدر که انشاء الرحمن کتاب اولده بواجمالک تفصیل و تحقیق نیجه فصول و مقدمه
 ضمننده درج و ذکر اولنور و کتب تاریخده نقل اولنان خبرلرک جمله سی صادق و واقعه
 مطابق اولیوب بعضیسی دخی کاذب و خلاف واقع اولغله حتی باطلدن فرق و تمیز
 اقتضا ایدر * و اخبار منقوله نك کذب و فسادنی موجب اسباب حدیده اولوب جمله دن
 بری ملل و مذاهدن بر ملت و مذهبه یا خود کندی مذاق و هواسنه اتباع و تقلید در زیر
 طبیعت انسان کندویه وارد اولان خبری قبوله اعتدال اوزره اولوب بولندیغی ملت
 و مذهبک یا مذاقنک اقتضاسی اوزره رد و قبولدن بر طرفه میل ایندیکی صورنده کرکی کبی
 اول خبرک صحت و فسادنی بیلکده دقت و حتی باطلدن فرق و تمیزه صرف همت ایدوب
 نفس الامر موافق و واقعه مطابق اولان خبری قبول و الاردا ایدر اما انسان بولندیغی
 ملته یا خود هواسنه طبیعت ایلوب مذهب و مشربنک اقتضاسی اوزره حرکت ایندکده
 مذاقنه موافق اولان خبری وهله اولاده قبول ایلوب مذهب و مشربنه میل سببیه
 اول خبرک صحت و فسادنی دیده بصیرتی اذعان ایده میوب مذاقنه موافق اولغله واقعه
 مخالف نیجه اخبار کاتبه بی قبول ایدوب نقل ایلر * و دخی اخبار منقولده کذب موجب
 اولان اسبابک بری دخی اول خبری نقل ایدن کسنه ره اعتماد اولنوب حقارنده حسن ظن
 اولغله نقل ایندیکی خبرلر صدقه جل اولمقدرد بومقوله خبرلرک صحیح و فاسدنی نقد
 و تمیز نقل و روایت ایدن کسنه لرک ظاهر حالنه نظر ایلر اکتفا اولنوب عقل و عدالت
 و بصیرتی تعقیب اولنوب ناقل مائل و مادل اولدیغی صورنده روایتی قبول اولنوب غافل
 و فاسق ایسه رد اولنور * وینه کذب اقتضا ایدن اسبابک بری دخی ناسک قول و فعلارنده
 حراد و مقصودلر یشه و قوفدن ذهول و غفلتدر نقل اخبار و آثار ایدن رجالک چوغی
 کوردکری یا خود ایشدکری نسنه ایلر قصد اولنان شئی بیله میوب کندی ظن و تخمینلری
 اوزره اومقوله خبرلری نقل و روایت ایندکرنده مقصوده مخالف اولغله سوزلری کاذب اولور
 * وینه کذب اخباری موجب اسبابک بری دخی نقل اولنان خبرلری استماع ایدن کسنه لرک
 عقلاری ضعیف اولغله هرایشدیکری خبری صادق ظن ایلوب اخره نقل ایدوب آخر دخی
 نقل ایده رک جمله ناس اراسنه شایع اوله رق اخبار کاذبه منشرا اولور بوسبب اسباب
 سائر دن چوق واقع اولور اکثر اوقاتده نافلاره و ثوق و اعتماددن نشئت ایدر
 * وینه اخبارک کذب بنی ایجاب ایدن سبیلرک بری دخی ارباب مناصب و اصحاب مراتبه
 مدح و ثنا و ایشدکری ایشلری همسین ایلر خلق تقرب و انتساب ایدوب اشرف و اعیاندن
 صادر اولان جمله اقوال و افعالی استحسان ایلر مداهنه و مدح و ثنا ضمننده مبالغه لر ایلوب
 و ذکر لر بنی خلقه اشاعت ایتلریله ناس اراسنده نفس الامر مخالف خبرلر شایع و مشهور
 اولمقدرد نفوس انسانیه ایسه مدح و ثنا و ذکر جلیلی محبتیه مقتون اولوب ناس دخی
 اقبال دنیا و اسباب جاه و دولته میل و رغبتیه مجبول اولغله امال دنیا طلبی اولان اصحاب
 مداهنه مجالس بکاره حاضر اولوب مذاق اکابره موافق نفس الامر مخالف اموری

ایکی حرف اراسنده متوسط تلفظ اولنه اول ایکی حرفک رسم کتابنده شکلبرینی فخر بر ایله
توسطنه علامت وضع ایلدم مشلا طوایف بر برلساننده حرف کاف لغت عربده مستعمل
اولان کاف حرفی کی تلفظ اولنمیبوب خالص کاف عربی ایله جیم عربی یاخوذ قاف عربی
اراسنده متوسط تلفظ اولنور بلسکین اسمی کی که قبیله بر بردن بر شخصک اسمیدر وقوم
بر بر کاف حرفی کاه جیمه قریب وکاه قافه قریب تلفظ ایتملیله علامت ودالات ایچون
اولا کاف حرفی رسم ایدوب کاه تختنه جیم نقطه سی اولتی اوزره بر نقطه وضع ایدوب
وکاه کافک فوقنه قاف نقطه سی اولتی اوزره بر یا ایکی نقطه وضع ایلیوب کاف ایله جیم
یا کاف ایله قاف اراسنده متوسط حرف اولوب ایکی وجهله استعمالسه اشارت ایلدم
واشبو کاف لغت بر برده مستعمل اولان حروفک اکثر بدر حرف کافدن غیری وارد اولان
سائر حروف بر بریه نک رسمی بو قیاس اوزره اولوب لغت عربیه حرف وفندن ایکی حرفک
ارا سنده متوسط اولان حرف بر بری به علامت اولتی اوزره اول ایکی حرف عربینک
شکل ورسمتی کتابت ایدر مکه اول ایکی حرف عربی نک شکلنه نظر ایلدنلر حرف بر بری بی
انلرک اراسنده متوسط اولوب مخرجلرینک اورتاسنی بولوب مخرج وسطنده
اول حرف بر بری بی قرائت وتلا وتده خطسا ایتمه ل
بوندن اقدام بالای تألیفده ذکر اولندیغی اوزره اشبو کتاب صحت نصاب بر مقدمه
واوچ کتاب اوزره مشتمل ومرتب ایدی مقدمه بو محله تمام اولوب بمشبهتہ تعالی شانہ
کتاب اوله شروع اولندی

مثال کن کن کن

✽ کتاب اول عمران عالمک حقیقت وماهیتی وا که عارض اولان بدویت وحضرت ✽
✽ وناسک بر برینه تغلب وکسب ومعاش وعلوم وصنایع وبونلرک امثالی وهر برینک ✽
✽ علل واسبابی بیساننده در ✽

معلوم اوله که افراد بنی آدم وآحاد امم تحصیل قوت وکسب معاشده بر برلینه معاونته
محتاج اولملریله وجه ارضده حیوانات کی منفردا ساکن اولتی بونلر ایچون متصور دکلدر
ومورخین وحکما اصطلاحلرنده عمران عالم طوایف بشرک روی زمینده بر بره کلوب
اجتماع وجهی اوزره سکون واقامتلرندن عبارتدر وعلم تاریخک حقیقتی افراد بشرک
عالمک عالمده اجتماعلرینک کیفیتی وبو اجتماع سببیه بونلره عارض اولان احوالک
بیاتی منضمین بر علم جلیلدر وحين اجتماعده بونلرک حال وشانلرینک اجالا یانی اولیله در که
اصناف بشرک بعضیمی توحش ایدوب یعنی وحشی حیوانلر کی شکلکدن بعد محملرده
ساکن اولورلر عرب وتانار وترکان قبیله لری کی بعضیمی دخی تانس ایدوب یعنی
قلعهلرده وقصبه وفریهلرده ساکن اولورلر وقبائل وعشایر بر برلینه معاونت ومظاهرت
ایدوب کده رک ایچلرندن بر قبیله قوت بولوب سائر عشیرتله غلبه واستیلا ایتمکله ملک
ودولت وسلطنت مرتبه سنه بالغ اولدقده مراتب دولت ومناصب سلطنت اقتضا
ابتدکده بادیده ساکن اولدقلری وقتده اکل وشربده ولباس ورکوبده وسائر خصوصلرده
اولان امر ضروری به قناعت ایتمیبود ندر یح ایله هر شبتک اعلا واکلنه میل وترقی ایتملیله

هر برینه مخصوص حروف وارد در که آخرک لغت رنده استعمال اول نماز بودند نضکره قبائل
 عرب دن طائفه کتاب کندیلرینک لغاتند. مستعمل اولان حروف مسموعه لری اوزرینه
 دلالت مصلحت چون صحایف و قراطبسه اشکال مخصوصه رسم و کتابت ایدوب کوفی
 و مغربی خط لرایله تکلم ابتد کبری حروف و الفاظی رسم و تصور ایدیلر الف باجیم را طاکبی
 یکریمی سکز حرفک آخرینه وارنجه اما طائفه عرب ایچون لغت لری حر و فندن اولیسان
 بر حرف وارد اولوب کتب و تحریر اقتضا ایدکده کندولسان لرنده مستعمل اولان حرفه
 مخصوص رسم اوزره کتابت ایتسه ل اول حرفه دلالت ایچوب بیانی مهمل و متروک اولور
 بعض کتاب عرب بومقوله حرفه دلالت قصد یله کنندی لغت لری حر و فندن اول حرف
 عجمینک مخرجه قریب قبلنده. یابعدنده واقع مخرجه لرنک برندن ظهور ایدن حرفک رسم
 کتابتنده شکلله اول حرف عجمی بی رسم و تحریرده اکتفا ایدیلر بو طریق ایله حرف
 مذ کوره دلالت و کفایت ایچوب بلکه اول حرف عجمی بی مخرچندن تبعید و تغییر ایتمکله
 شکل مذ کوره نظر ایدن لر حرف عربی ظن ایدر لر وقتسا که اشبوکنا بمن قبیله برر و بعض
 طوایف اعجامک اخبارینی مشتمل و محتوی اولوب و اثنای یابنده اول طوایفک اسم لری و بعض
 کله لری ذکر نده کندیلر مخصوص اولوب لغات مکتوبه عربیه و الفاظ منطوقه موضوعه مز
 جنسندن اولیسان نیجه حروف وارد اولمغله ان لری رسم و تحریره محتاج اولدق لکن
 حروف مذ کوره نک رسم کتابتنده ذکر ی سبق ایدن بعض کتاب عرب کبی لغت مز حر و فندن
 اول حرف عجمی نک مخرجه قریب اولوب ایکی طرفنده واقع اولان مخرجه لرنک ایچق برندن
 خروج ایدن حرفک شکل و رسمیه اکتفا ایچوب و بومقوله رسم بزه نسبتله اول حرف
 عجمینک اوزرینه دلالتده کافی اولمغله بو کونه طریق اختیار و بوبله اصطلاح ایلدکه
 کتابتنده اولیه بر حرف بربری یا عجمی وارد اولدقده ایکی طرفدن اول حرفک مخرجه قریب
 اولان مخرجه لرنک خروج ایدن ایکی حرف عربی نک رسم کتابتنده شکل لرنی معارسم و تحریر
 ایدوب اول حرف عجمی به علامت وضع ایلدیم تا که نظر ایدن لر اول ایکی حرف عربینک
 مخرجه لری اراستی بولوب مخرجه وسط سدن اول حرف بربری یا عجمی بی قرائته توسل ایدن لر
 و بن بو وضع و رسمی مصاحف قرآنیله ده ائمه قراءتک حروف اشعاری رسم لرندن اخذ
 ایلدیم اشعاری اصطلاحات فن قرائتن بر اصطلاح در بر قاج معنایه اطلاق اولدور اول بر حرفی
 مخرجه کندوبه قریب بر حرفه مزج ایدوب بین بر حالت متوسطه اوزره قرائت ایتمکدر
 بونده اشعاری مراد بومعنا در نته کیم سوره فاتحه ده ﴿ اهدنا الصراط المستقیم ﴾
 آیت کریمه سنده مشایخ قراء سبعه دن شیخ حزه حضرت لرنینک راوی اولی خلف صراط
 کله سنک صادقی ضاد ایله زا اراسنده متوسط قراءت ایدوب نه خالص صداد و نه خالص زا
 اولق اوزره تلاوت ایتمدی بونک حقیقتی اجرالسان قرادن اخذ و تعلمه موقوفدر اشعاری
 صاده علامت اولق اوزره اهل قرائت مصحف لرنده اول صاد حرفی یازوب و صداد
 کاسه سنک ایچنه زا شکلی دخی رسم ایدوب بویکی حرفک اراسنده توسطنه اشارت ایلدیلر
 کذلک بندخی قرایه اقتدا ایدوب هر حرف بربری و عجمی که بزم حروف عربیه مزدن

مثال ص

مسمی اولان سازك وصییان استعمال ایندکری دلی دودكك رأسنه وضع اولنان لسان
 مزمارکی خجیره نك آغزنده واقع اولوب گاه اچلوب گاه قسانور تا که طبیعت صوت
 وصدای امساک وارسالده استدیکی کی استعمال ایلیه ونفس وصدای بودرت عضو مرتب ایله
 اجرا اولنور * وکذلک انسانک نطق ایندیکی حرورف اشبو خجیره حلقومدن خروج
 ایدن اصواته عارض اولان کیفیات مختلفه دن عبارتدرکه انشاء از جن قریبا ذکر
 وتفصیلی کله جکدر اجالایانی اولیه درکه فچن انسان نطق وتکلم مراد ایلیه
 آلات نفس و بجماری هوا اولان اعضای مذکوریه بی اعمال ایله خجیره حلقومه
 محصور اولان هوایی خارجیه عنف وشدتله دفع وتحریک ایدوب فم خجیره ده موضوع
 ومعلق اولان کوچک دیل خجیره دن خروج ایدن هوایه مصادفه ومقاومت ایندکده صوت
 وصدای انسانی ظاهر وضربك شدت وضعیفه کوره صدای قوی وضعیف اولور واکر
 صوت انسانی حالی اوزره تمتد اولوب کتب علم قرائت وتجویدده تفصیل اولندیغی اوزره
 مخارج حرورف اولان اعضای مخصوصه دن برعضوه اعتماد ایدوب صوت وصدای تقطیع
 وتفریق اولنور سه حاصل اولان کیفیته حرف اطلاق اولنور اصول مخارج حرورف
 اوچ عضودری حلقدر وبری لسان وبری شغه درلکن بو اوچ عضودن هر برینک
 اولی وواسطی وآخری اعتبار ایله علی الرأی المختار عدد مخارج حرورف اونیدی به
 بالغ اولور حلقدن یعنی بوغازدن خروج ایدن حرورف الی درایکسی بوغازک اسفلندن
 خروج ایدر حرف ها ایله همزه کی ایکسی دخی اوسطندن خروج ایدر عین ایله خاکبی
 ایکسی دخی اولندن خروج ایدر غین ایله خاکبی بو الی حرورفه حرورف حلق اطلاق
 اولنوب بو نلر خجیره نك رأسنده اولان کوچک دیلک حلقه ضرب وصد منسدن حاصل
 اولور و بعض حرورف دخی اطراف لسانی اضراس تعیر اولنان یان دیشلرینه ضرب
 اینمکدن حاصل اولور ضاد کی وبعضیسی دخی وسط لسانک اوست چکه به ضربندن
 حاصل اولور جیم وشین ویا کی و بعض حرورف دخی ایکی شغه نك بر برینه انضمام ایله
 حاصل اولور میم ویا کی و بر حرفک مخرجنی ییلوب اجرا اینمکده قاعده بودرکه تکلمی
 مراد اولنان حرفک اولنسه برهمزه مکسوره کتوزوب اول حرفک آخرنی اسکان ایدرسک
 نه محله قرار ایدرسه مخرجی اولدر مثلاً با تکلمنده اب دیمک کی شغه ده قرار ایلدی حرف
 شفوی اولدیغی معلوم اولدی بوذکر اولنان اعضا که حلق ولسان وشغه در بو نلردن
 هر برینک اول و آخر وواسط واطرافنک بر محله ملاقات ومصادمه سی سبب ایله اصوات
 انسانی به کیفیات مختلفه عارض وحرورف متنوعه حاصل اولوب حس سمعه بر برلندن
 ممتاز اولورلر بوذکر اولنان حرورفی نطق وتکلمده جمله ام واناس منساوی اولوب
 بعض حرورف واردرکه بر طائفه به مخصوص اولوب طائفه آخرانی نطق وتکلم اینمزلر
 وقبائل عربک نطق ایندیکی حرورف البوم معلوم ومشهور اولان یکریمی سکر حرفه منحصر در
 ولغه عبرانیه ده نیجه حرورف واردرکه بزم لغتمزده اولوب و بزم لغاتمزده دخی نیجه حرورف
 واردرکه انلرک لغتمزده استعمال اولماز وکذلک افرنج وترک وبری و طوایف مجمدن

بر کیفیت و حالت عارض اولور که حس سمع واسطه سینه ادرک اولنوب اول حالته صوت
 اطلاق اولنور دیدیلر مثلا برطاش برطاشه و یا مضربه اوتار طنبوره ضرب اولنوب یا خود
 بدرخت ریشه داری اصلندن قلع و یا برخشب ایکی پاره قلدنقدن انله مجاور و ملاصق
 اولان هوایی جواننه دفع و تحریک و امواج ماکی تمویج ایدوب و علی التدریج اول هواده
 بر برینی متعاقب حلقه حلقه موجار ظهور ایندکده اول هواده برحالت حاصل اولور که
 سامعه ایله استماع اولنوب اکا صوت اطلاق ایدرر ته کیم آب ایله مملو برحوضک
 وسطنه بر حجر القا اولنوب دروننده مخزون اولان آبی تمویج و بربری ایچنده
 کارینه وارنجبه علی التدریج دواژموجیه ظهور ایندیکی کبی مادامکه
 تا شیرضربه هواده تموج باقی قاله صوت دخی باقی قالوب تموج منقطع اولد قده صوت
 دخی کسیلور بوسیدندر که جوفی خالی نسنه ره ضرب اولنوب و آصمه باصمه
 ساعتلر چالوب نیجه زمان صداسی هواده باقی قالوب استماع اولنور و سامعک اولدینی
 مکانه بعید محللرده طوب و خجیره کبی نسنه زانلدینی آده آتشی حس بصرا ایله مشاهده
 اولنوب بعده بر مقدار زمان هر ورنندن صکره صداسی استماع اولنور ذکر اولنان امور دلالت
 ایدر که صوت و صدا ضرب شدید و قلع عینفدن عبارت اولوب بلکه شدت ضربدن
 هوا تموج ایدوب و علی التدریج سامعک در یجه کوشنه ملاقی اولان هوایی دخی تمویج
 اینکله مبدأ فیاض جل شانه هواده برحالت خلق ایدوب اول حالته صوت اطلاق اولنور
 * و كذلك انسانه مخصوص اولان صدای خجیره حلقومدن خارج اولان هوا به عارض
 بر کیفیتدن عبارت اولوب کیفیت حدوثی کتب طب و تشریحده تصریح اولنوب یعنی اوزره
 بوبله تحقیق اولنمشدر که ماده حیات اولان روح حیوانی و حرارت غریزیه بی تعدیل
 و استنشاق هوای بارد ایله ترویج ایچون حضرت حکیم بی همت جل شانه کارگاه پندنه
 بعضی آلات و اعضا خلق و تکوین ایلدی که نفس انسانی انلری استعمال ایله جذب هوا
 و دفع بخار دخانی ایدوب ترویج قلب و تنفس ایدر و كذلك ضمیر رنده هر کوز اغراض
 و مقاصد لری بر برینه اعلام ایچون ترکیب حروف و کلمات ایلرر آلات انفساس و اصواتک
 بری ره دیدکری عضودر که ترکیبی آق جگر در بو عضو قلبی بمین و بسارندن احاطه
 ایدوب قلبک حرارتی تعدیل و ترویج ایدر خارجدن استنشاق اولنان هوای باردی
 جذب و قلبه ایصال ایندکده منبسط اولوب و هوای مستشق حرارت قلبه متسخن اولد قده
 خارجه دفع ایچون منقبض اولق جهتله آتش کوروی کبی دائماً اچیلوب قیا نور و بو
 آق جگره متصل بر عضو دخی واردر که اکا قصبه الزیه اطلاق اولنور و بو عضو مزمار
 شکلنده مستدیر الشکل بر عضو در که اعلاسی خجیره دیدکری عضوه متصل اولوب
 اسفلی صدر و ریه به منتهی اولور و آق جگره هوا قصبه الزیه واسطه سینه و اصل اولور
 و قصبه الزیه به متصل بر عضو دخی واردر که اکا خجیره اطلاق اولنور بو عضو اسفلی
 قصبه الزیه تک اعلاسنه ملاقی اولوب بو غولموقامش شکلنده بر عضو در و خجیره تک رأسنه
 معلق بر عضو دخی واردر که عریسی لهاته ترکیبی کوچک دیدلر بو عضو بعینه نغیر اسمیه

مذکورہ نك شرح و بیانہ متکفل بر تاریخ وضع و تصنیف ایدوب مسعود بنسك
 مروج الذهبہ عصر وزمانی ایچون اختیار ابتدیی مسلكہ سلوك ایلہ کہ کند ید نصکره
 کلن مورخ لرانی اصل انخا ایدوب اقتدا ایلہ و انشاء الرجن بندخی بوکابده اشبو قطر
 مغربده واقع آفاق واقطارده سنین ماضیه دن بوآنہ کلجه تبدل ایدن اوضاع و اطوار مالک
 ذکرینہ تصدی ایدوب بعضیسنی تصریح و بعضیسنی اخبار و حکایات ضمنده شرح و بیان
 ایدہ رم زیرا بوکابی تألیف و تدویندن قصد و غرضم دیار غربک واندہ واقع ام و طوایف
 و ممالک و دولک احوالی ذکر و بیانہ مخصوص و مقصور اولوب غیرى اقطارک احوالہ
 ضمنا اشارت اولمشدر زیرا جانب شرقک واندہ واقع ام و ممالکک احوالہ کرکی کبی
 اطلاع اولوب عصر مزده و السنہ ناسده مذکور اولان دیار شرقه متعلق اخبار
 و روایات دخی (لبس الخبر کالعبان) مدلولنجہ ہم مراد ایلد بکم شہک کنهنہ کافی
 و حقیقت حالہ علم یقین حصولہ وافی اولماغله کیت سبہ زانوی خامہ یہ اول وادیدہ
 رخصت تکاپو ویرلیدی اما امام مسعودی مروج الذهبہ ذکر ابتدیی کبی جانب
 شرقده واقع اکثر بلادہ بالذات شد رحل عزیمت ایدوب اطراف ممالکی رأی العین
 مشاهدہ و معاینہ اتمکله کندی عصر وزمانندہ جله آفاق واقطارده واقع ام
 و ممالکک احوالی استیفا و کتابندہ درج و املا ایلدی مع هذا دیار غربک احوالی کرکی کبی
 بسط و بیان ایدہ میوب نیجه ذکرى لازم و مهم اولان امورده اولدخی تقصیر ایلدی
 ﴿فوق کل ذی علم ہلیم﴾ آیت کریمہ سی منطوقی شریفی اوزرہ درجات علم و کمال
 متفاوت اولوب هر عالمک فوقده بر عالم بولنور کہ انک احاطة علمندن خارج اولان اموری
 فوقده اولان عالم ادراک ایدر ثم و ثم درجات علم و کمال متدرج اولدن زائل اولوب
 حقایق اشیا بکنهنہا انجق حضرت علام الغیوبک محاط علم شاملیدر و افراد بشر
 علم و عملده عاجز و قاصر و اعتراف قصور ذمت هبدہ متعین و واجبدر لکن اول کسده یہ کہ
 عون الہی قرین و بدرقہ توفیق رفیق اولہ سلوک ایندیکی مسالک و مذاهب اکا آسان
 اولوب سر منزل مقصودینہ واصل اولور بزدخی اللہ تعالی نک عون و عنایتیلہ و توفیق
 و اعانتیلہ اشبوکابی جمع و تألیفدن مطلوب و مقصود مز اولان نتایج افکار فن تاریخہ
 شروع ایلدک اللہ تعالی حضرتلری امر مزده اصابتہ توفیق ایدوب علی ما هو المراد
 اتمام و اختتامی مبسر و مقدر ایلہ و علیہ التکلان فی کل الامور

معلوم اولہ کہ اشبوکابده قبائل بربر و ترک و سائر امم اعجامک احوال و اخباری ذکر
 اولنوب و انلرہ مخصوص لغات بربریہ و کلمات عجمیہده بعض حروف وارد کہ لغت عربده
 مستعمل دکلدرد اومقوله حروف کابمزده وارد اولدقده اول حرفک کابندہ شکل و رسمنی
 و کیفیت وضعنی بیان ایچون بر مقدمہ قلیله ذکر و تمهید اولنقی لازم اولغله انی یاند نصکره
 کتاب اولہ شروع اولنور ﴿اساطین حکما انسان و حیوان و غیریدن صد ورایدن مطلقا
 صوتی تعریف ایدوب دیدیلر کہ صوت برشبی برشبنہ عنف و شدتله ضرب ایدوب یا خود پرشبی
 برشیدن عنف و شدتله تفریق ایتسک سبیلہ هوا متموج اولوب و اول نمودن ناشی هوا یہ

سلوك ايدوب آفاق واقطسارده امم و دلك احوالی بيانه تعرض ايتدی زيرا بکريشك
 عصر وزماننده واقع طوايف امم احوال و اطوارنده کثرت تبديل و تغير واقع اوليوب
 مسعودی ايله امام بکريشك وقتنه کلنجه سرور ايدن ازمه نك اکثر احوالی منشا به
 و موافق اولغله مسعودی تاريخنده درج اولان دستور ايله کتفا ايلدی اما بوعهد
 و هصرده که او اخر مائه ثمانده یعنی يدی يوزدن سکن يوز تمانه قریب اولان مدتده حالا
 مشاهده و معاینه ايتدی بکريشك احوالی ازمه سائقه ده جاری اولدیغی کي اوليوب
 بالجمله منقلب و متغیر اولدی و دیار غربک قدیمدن اهل و سکانی اولان طوايف بربر
 اوزرینه بشيوز تاريخندنبرو قبائل عرب تسلط و استیلا و کثرت و وفرت و قهر
 و غلبه لری سبيله بربريارک اکثر اوطانلرين يادرنن اخذ و انتزاع ايدوب والا ن يدرنده
 باقی قلان ممالکده دخی بربريلره مشارکت ايلدی لر و مائه خامسه دنبرو دیار غربده
 بوحالت متمادی و بوموال اوزره جاری اولوب شدت مصیبت اول غایته بالغ اولدی که
 اشبو مائه ثمانه نك متصفنده یعنی يدی يوز الی سنه سنه شرق و غربده معموره عالمه
 برطاعون عظیم اصابت ايلوب امم عالمی محو و افنا و محاسن دهردن چوق نسنه بی
 هبا ايلدی و بومصیبت عظیم برداهیه دها ایدیکه اصابت ايتدی کي دول و ممالکک
 ضعف و هرمی وقتنه مصادف و قوتی غایت و نهایته ايردی کي زمانه مصادم اولوب سایه
 درخت اقباللری ممدود ایدکن نقص و ادبار ايله تعقیب و شمشیر سوطولری تیر ایدکن همکونه
 سیف خطیب اولوب قوت و قدر تارینه و هن و فنور و قهر و غلبه لرینه ضعف و قصور
 ابراث ایتیکله ضابطه جمعیتلری پرمرده و پریشان و قلت افراد بشر ايله عمران عالم
 نقصان پذیر اولدی امصار و حصون خراب و بیاب آثار و علایم مندرس فی التراب اولوب
 دیار و منازل باسکاندن خالی دول و قبائله ضعف مستولی اولغله صحیفه غریبه ارضک اکثر
 سکانی فطره فسادن گذار و اقلیم عدمه فرار ایدوب يرلرند غیر یلر قرار ایلدی اویله
 ظن ایدر مکه دیار شرقه دخی ممالک غربه نازل اولان و بای عظمتک مثلی اصابت ایدوب
 تقدیر عزیز علیم ايله بومدتده اول ممالکده دخی سرایت ایتش اوله لکن شدت و کثرتی
 دیار شرقده اولان ممالک معموره به نسبت و رجال و اهل بسنک عدد و مقدارینه قیاس ایلدر
 خلاصه کلام کویا لسان کون و زمان نطقه کلوب عالمی نخول و انقباضه امر
 و دعوت و انلردخی اجابته سرعت ایدوب سبق قلم قضایله مدت قلیسه ده شرق و غربده
 قتی چوق ممالک خراب اولدی حضرت حی و باقی جل شاننه ساحه ارض ايله و اوزرنده
 ساکن عامه مخلوقات ملک محضی اولغله وارثی اولوب جله نك اموری قبضه حکم
 و تصرفنه رجوع ایلدی احوال عالم منقلب و اوضاع و اطوار امم متغیر اولدقده کویا
 خلق اصلندن متبدل و اجزای عالم بالکلیه متحول اولوب یکیدن برنششه ظهور و عالم
 کون و فسادده برخلق جدید حدوث ایتش اولور بناء علی ذلك بوعصر و زمان ایچون
 بمورخه احتیاج مقرر در که آفاق واقطسار عالمده واقع امم و مخلوقاتک متبدل و متحول
 اولان اوضاع و اطوار و عادات و مذاهب لرین جمع و تألیف و نفس الامر مطابقی احوال

واقارب سلطنتدن اولوب وزرا عدادينه ملحق اولغله بواجلدن تاريخلرند . انساب
 واحساب اصحابي رجالك وقضاة و حجاب وساثر اصحاب مراتبك اسم ونسبيني وساثر
 احوالريني ذكر وييا نه محتاج اولمشلرايدى اما كيدرك دولتين مذكور تين مندرس
 ودول آخر ظاهر اولوب عصرلرينك ما بيني متاعدا اولدقده قصص و غرض انجق ملوك
 سالفه بي ذاتلريله ييلوب ودول وسلطنتلرك بعضيلرينك بعضيلرينه قوت و غلبه ده
 نسبتلريني ومقاومت ومخاصمه ده غالب يامغلوب اولان رجالى بيلك لازم اولديسه بو وقتلرده
 تصنيف اولنان كتب تاريخده اصل ونسب ورتبه ومقاملرى طول عهد ايله مبهم
 ومنسى اولان دول قديمه نك ابنا ونسا ونقش خاتم والقاب ووزرا وقضاة وحاجبلريني
 اسم و رسملريله ذكر وييا نده برفاؤده معتد بها اولمديغى ظاهر در عصر من مورخلرينك
 بومقوله امورى تاريخلرند . ذكر واكشارلرينه سبب ذكر اولمديغى اوزره امويه وهباسبه
 دولتلرى مورخلرينه تقليد اولوب وانلرك قصص و غرضلرندن ذهول و غفلته مبنى برامر در
 مورخين متقدمينك تاريخلرى ايسه بولندقلرى دولتلرك اسلافنك احوالنى اخلافه
 ييسانى متضمن اولوب وابتلارى دخی آبا واجداد لرى اطوار وعاداتنه اقتدايه ميل و رغبت
 ايتلريله قضاة و حجاب وساثر اصحاب مراتب تاريخلرند ذكر اولمشيدي اما اول دولتلر
 مندرس ومنقضى اولوب ويزلرينه دول اخرى مستولى وعادات و اطوار لرى متبدل اولدقده
 تأليف اولنان تاريخلرده ملوك وسلطنتدن صكره دول قديمه رجالتندن آثار ومحاسنى عظيم
 واخبار و آثار لرى ملوك سالفه نك بعضيلرينه غالب اولان وزراى عظامك ذكرلرينه
 تعرض ايله اكتفا مناسب در حجاج و بنى المهلب و برامكه و بنى سهيل بن نوبخت
 وكافور اخشيدى ومنصور بن ابى عامر و بونلرك امثالى وزراى سلف سلطنت ملوكه منسلک
 اوللريله ايام و احوالرينه اشارت اولمق فائده دن خالى دكلدر ❖ بومقامده برفاؤده
 جليله ذكر ايدلم كه انكله شوفصلده كلامزى ختم ايدلم اول فائده بودر كه تاريخ دكلدر
 الا اھصار دن برعصره يا خود روم و ترك كچى برقبيله يه مخصوص اولان اخبارى ذكر
 و بيان دن عبارتدر اما جمله آفاق واقطاره و امم واعصاره عام وشامل اولان احوالك
 ذكرى مورخلرايچون اساس ومبنا اولوب غرض ومقصودلرينك اكثرى انك اوزرينه مبنى
 واخبار فن تاريخ بونكله متبين اولور مورخيندن بعضيلرى احوال عامه بي باشقه چه
 تأليف وتدوين دخی ايتديلر نته كيم امام مسعودى فن تاريخده مروج الذهب نام تأليف
 ايتديكى كتابده بومسلكه سالك اولوب اوچيوز اوتوز سنه سنده كندى عهد وعصرنده
 آفاق شرق وغربده واقع جمله اممك احوالنى بسط و بيان ومذاهب واديان وعادات
 و اطوارلرين شرح وعيان ايلوب امصار و بلدان وجبال وتلال وبحار وممالك دولى
 وفرق عرب وشعوب عجمك اوصاف و احوالرين ذكر وتفصيل ايلدى امام مسعودينك
 تاريخ مذكورى مورخين ايچون اصل واساس اولوب لدى الحاجه اول كتابه مراجمت
 ايدوب نقل ايتدكلرى اخبارك اكثرينى تحقيقده مدار تعويل ايتديلر ❖ مسعوديدن صكره
 ائمه تاريخدن امام بكري كلوب انجق مسالك وممالك احوالنى بيانده مسعودى مسلكنه

حصوله کله چک امور عظیمه انله تفویض و تقلید اولمشیدی بونلرک حال وشا نلری معلوم اولیجی ببارینی قضاه عصر ایله تسویه ایدنلر غلظت ایدوب حال وشا نلرین محمل صحیحک خلافتیه حال ابتدکلی ظاهر اولور و بو خصوصده غلط ایدنلرک اکثری اشوعصرده اندلس دیاری اهابلسندن رأی وفکری ضعیف عقل وتدیری سخیف ضعفا ی عرب طائفه سیدر زیر اعصار مدیده و ازمنه بعیده دن بر و دیار اندلسده واقع اولان حراب و قتال سیبیه بونلرک وطنلرنده تعاون و تناصر ایدر رجال قالمیوب و اندلسده ساکن قبائل عربک آفتاب اقباللری مغرب ادبارده افول و استیلاهی افرنج پر رنج ایله طوایف بر بردن قوت و وصولت اصحابی ملوک و امرانک عهده حجابیه لرندن دخی خروج ایتملریله مجرد نسب عربیلری باقی قالوب عز و دولت و قهر و غلبه به وسیله اولان اعوان و انصار لری مضمحل و پریشان اولدی کیده رکه تسلط اعدا ایله بونلر پامال مذلت و مسکنت اولوب بر بر رینه عون و نصرتیه قادر اولیان رعایا جمله سندن اولملریله دعایم دولتک قیامی و بمبانی عز و سلطنتک نظامی اسبابیندن ذاهل و غافل اولوب مجرد نسلبری و رجال دولت ایله اختلاط و مناسبتلری ککند یلرینسک عز و دولت و قهر و غلبه لرینه کفایت ایتمه سی ظنیله ایچلرندن اهل حرف و صنایعه وارنجیه تحصیل ملک و سلطنته سعی و نبل و حصولنه مرعی اولدیلر اما اول مائل متبصر که دیار غرب اقصا ده قبائل عرب دولتلرینسک احوالنه واقف اولوب و ایم و عشایر ارا سنده قهر و تغلب نه کونه اولدغن اذعان ایلیه ذکر اولسان امور ده غلط و وهمدن مصون واکانظر و اعتبارده خبط و خطادن مأمون اولوب نقل اولنان آثار و اخباری بصیرت ایله تأمل و محمل صحیحنه جل ایدر * وینه تاریخده اغراض و مقاصد دن ذهول ایله مورخینک خبط و خطالری متضمن اولان امور دندر اول خصوص که اکاز مره مورخین دول سالفه و ملوک ماضیه تک احوالی شرح و بیان ضمننده سلوک ایدوب تاریخلرینه ثبت و درج ابتدکلی ملوک و سلاطین ماضیه دن هر برینک اسم و نسبی و پدر و مادرینی و نسا و زوجاتی و هر ملکک لقب و خاتمی و وزیر و قاضی و حاجبینی ذکر ایدر لر و مورخین متأخرین بومسلکه سلوک و اختیار لرنده امویه و عباسیه وقتلرنده کندی دولتلری احوالی بیان ایچون تدوین کتب ایدن مورخلرک اثر و طریقلرینه تقلید ایدوب انلرک غرض و مقصد لرینه عدم و قوفدن نشئت ایتمشدر زیرا دولت امویه و عباسیه وقتلرنده تدوین کتب ایدن مورخین تاریخلرینی کندی اهل دولت و سلطنتلری ایچون وضع و تخصیص ایدوب اول دولتلرک اسلافک احوالی خلقلرینه شرح و بیان ایدر لر دی و اخلاف و ابنای دولت دخی آبا و اجداد لرینک سیر و طریقلرینه و حال و شانلرین بیلکه میل و رغبت و سلفلرینسک اوضاع و اطوارینه اقتدا و اقتضایه سعی و همت ایدوب حتی اطراف و اقطاردن بونلرک دولتلرینه انتساب قصد یله کنن اترک و ترکان کپی اجانب و اباعدک حال و شانلرینه لایق مناصب و مراتب ترینینده دخی اثر اسلافه تقلیده مراعات ایلر ایدی * و قضاه و حکام شرح شریف دخی دولت امویه و عباسیه ده اهل عصبیتیه

ملوك ووزرا و عظمای دولت تبلیغ آثار و تعلیم احكام دینیه دن فراخت ایدوب تدبیر امور ملك و سلطنته قیام و تعلیم علومی کندیلرینك غیرى رجاله تفویض ایتدیلر و حرفت و صنعت مقوله سندن اولغله معلمین و اساتذہ اصحاب ملك و سلطنت پانلرنده رتبه لری دون کسنه لر اولدی حجاجك باباسی یوسف ایسه طائف ایله مکه مکرمه آراسنده ساکن ثقیف قبیله سنك اشراف و اعیانندن اولوب و قبیله مزبوره قبائل عربدن کثرت اعوان و انصار ایله معروف و قریش قبیله سبله دعواى شرفده مجادله و مقاومتلری و بین القبائل قدر و شانلری معلوم و مشهور برقیله اولغله یوسفك تعلیم قرآن کریم ایله اشتغالی عهد مزده متعارف تعلیم صبیان ایدن مکتب خواجه لری کبی تحصیل معاش ایچون اولیوب بلکه ذکرى سبق ایتدیکی اوزره صدر سلامده اولیای دولت و سلطنته مخصوص اولان تبلیغ ایات بینات و تحدیث احادیث سید الکاشفات علیه افضل النجیات طریقیله اولغله عصر مز معلمینه قیاس اولنوب وهم و خطا اولمیه * و دخی غرض و قصد ده غلط باندنر اول امر که کتب تاریخ تتبع ایدن بعضی کسنه لر توهم ایتدیلر شول وجهله که ازمئه ماضیه و دول سالفه ده قضا تندن بعضیلری بالنفس معرکه حرب و قتاله حاضر و سردار عساکر اولوب اعدالیه محاربه و مبارزه یه تصدی ایتدیلر کی خبرنی عصر مز قاضیلرینك بعضیلری استماع ایتدکده قضاة اسلامی کندیلری کبی قاضی ظن ایدوب عقل قاصر لری اوزره سودای خامه دوشوب و ساوس نفسا نیه لرینه تبعیت و صدارت و امارت خولیارین ایتدیلمع هذا بو عصر لده رتبه قضائک حال و شاننی ازمئه سالفه ده اولدیغی منوال اوزره اولیوب اختلاف عصر ایله متغیر و متبدل اولمشدر حتی دیار اندلسده اشبیلیه اولکه سنده ملوک طوایفدن محمد بن عباد ایله ینه اندلسده آخر ملوک امویه اولان هشام بن حکمک امور دولتمده کندویه غالب امیر و حاجبی اولان منصور بن ابی عامرک باباری قضا تندن اولوب و اولاد لری کبی تدبیر حروب و مغازیده دخی مششار و مستشار ایدیلر بونلری عصر مزده طریق قضایه سالك اولان ضعیفای قضاة امثالندن عد ایدوب اختلاف عصر ایله رتبه قضاده واقع اولان اوضاع و اطوارک تبدل و انقلابنه تطفن ایده مدیلر ننه کیم کتاب اولک فصل قضاسنده انشاء الرحمن بو احوال مفصلا ذکر اولنه جقدر حالبو که منصور بن ابی عامر و محمد بن عباد دیار اندلسده امویه دولتنی اظهار و اعلا ایدن قبائل عربک اشراف و اعیانندن و اول دولته تعاون و تناصرا ایدن رجالدن اولوب بین القبائل قدر و منزلت لری معلوم خاندان عظیم الشانده نشئت ایتمشلرایدی و بونلرک نائل اولدقلری ملك و ریاسته اعتلا لری بو عصرده اولدیغی کبی رتبه قضاده بونلرکلری جهته اولوب بلکه عصر قدیمده منصب قضا دولترک قوم و قبیله سنه و عصبات سلطنته مخصوص اولوب اجانب و اباعده توجیهه اولنمز ایدی ننه کیم حالا و قتمزده مغرب دیارنده وزارت و صدارت خاندان دولت و اقارب سلطنته مخصوص اولدیغی کبی بونلرک احوالی شونندن قیاس اولنسونکه ابن ابی عامر و محمد بن عباد اشبیلیه ده طوایف افرنج ایله بالذات غزایه خروج و معارک حرب و قتاله هجوم و ولوج ایدوب و قبائل و رجالک متابعت و معاو تملریله

جمع ایدوب مدارسہ و مذاکرہ علمی صنعت اتخاذ ایدن اساتذہ کبریٰ تعلیم و تدریس
 ایتر زدی زیر قرآن عظیم الشان انلرک قبائل و عصبانیدن مبعوث و مرسل نبی آخر
 الزمانہ منزل کتابلری اولوب طریق سعادت رفیق حقہ انلری ہدایت ایلدی و ملت اسلام
 دینلری اولوب اعزاز و اظہارندہ اعدای خاسرین و کفرہ معاندین اوزرینہ رفع لوای غزا
 و بویولده سر و جانلرین فدا ایدوب کافہ امم اراسندن بوغز و شرفی احراز ایلہ کسب امتیاز
 ایتملریلہ احکام دین مبینی امته تبلیغ و تفہیمہ بالذات کندیلری قیام و تعلیمہ جد تام ایلوب
 لازمہ جاہ و عظمت اولان غلبہ کبر و نخوت ایلہ تبلیغ و تعلیمدن اسننکاف و استنکاف
 ایتمدیلر و بو خصوصہ شاهد کافی در کہ صدر دیوان نبوت علیہ افضل التحیہ
 حضرتلرینک زمان سعادت نشانلرنده اطراف و اقطارده سیراب ماء الحیات اسلام اولان
 قبائل عرب قبلندن داعیہ تعلم احکام دین ایلہ درکاہ رسالت پناہہ ورود ایدن سفرای
 عرب ایلہ کبار اصحاب کرامنی بعث و ارسال بیوروب انلردخی فرمان سلطان دین اوزرہ
 قبیلہ قبیلہ کزوب حدود اسلامی تعلیم و شرایع دین مبینی تفہیم بیورلردی حتی اشرف
 صحابہ دن سفرہ کرام بررہ عشرہ مبشرہ حضراتندن و شرف نسب و حسبہ انلرہ
 قریب نیچہ اجلہ اصحاب کرامی تبلیغ احکام اسلام ایچون نامزد سفارت بیور دیلر
 وقتا کہ قاعدہ دین اسلام مستقر اطراف و اقطارہ اٹاری منتشر اولوب عروق دوحہ
 شرع مبین ثابت و متین و فروع زکیہ سی ریاض طالمہ ظاہر و مستبین اولدقدہ ثمرات
 طیبه برکات نامیہ سنی آفاق و اقطارده ساکن امم بعیدہ اهل و اصحابی یذرندن تناول ایدوب
 اعتقاد و عملہ متعلق احکام دینین بی تعلمہ محتاج اولدیلر و تمادی عہد ایلہ ملک و ملتک
 احوالی دخی متبدل و کثرت آرا ایلہ اوضاع و اطواری متحول اولوب تعدد وقایع و تلاحق
 حوادث ایلہ اعمالده و فرت و معاملاتده کثرت سبیلہ علمای دین و ائمہ مجتہدین عظامہ
 مراجعت و نصوص قاطعہ و حجج ساطعہ دن احکام شرعیہ استنباطنہ حاجت مس
 ایلدیک مجتہدین حضراتی کتاب اللہ و سنت رسول اللہ دن عبادات و طاعات و معاملات
 و عقوباتہ دائر احکام شرعیہ استخراجنہ مبادرت بیوروب (جملہ نک مقصودی بر اما
 روایت مختلف) فحواسی اوزرہ هر بری سر منزل صدق و صوابہ وصول ایچون بر طریقہ
 سالک و امته رجح اولان اختلافاتہ مذاہب و مسالک متعدد اولدی ائمہ مجتہدین دخی
 آیات شریفہ نک و احادیث منیفہ نک معانی لغویہ و شرعیہ لرینی بیسان و حقہ اصابت
 و خطادن احتراز ایچون اصول و قواعد تمہید و ترتیب ایدوب لدی الحاجہ اول اصول
 و قواعد مراجعت و مراعات ایلہ اقتضا ایدن احکام شرعیہ بی استنباط ایتمدیلر و مجتہدین
 وقتند نصکرہ کلن علمای دین حضراتی دخی اصول شرعیہ و احکام فرعیہ نک مقدماتی
 اولان علمی فن فن تقسیم و ترتیب و کتب و تصانیفہ درج و ترویج ایلوب متعلمین و مبتدلرہ
 علی الترتیب تعلیم و تفہیم ایتملریلہ علم طول ممارست ایلہ حاصل اولور ملکہ اولوب تعلمہ
 محتاج اولغله اطراف و اقطارہ تعلیم دین مبین ایچون اساتذہ کوندر یلوب و اشبو کتایبہ
 فصل علم و تعلمہ ذکر اولندیغی اوزرہ تعلیم علوم حرف و صنایع مقولہ سندن محدود اولغله

اطوازی اختیار و اعتبار ایدوب و کندیلره مخصوص اولان اوضاع و عادتلری دخی بزنج سابق اجرا و اظهار ایتلریله اسئبلا ایتدکلری دولت ثانیه تک بعض عادتلرینه موافقت و بعضیسنه مخالفت ایدوب لکن اولکی دولتک اطوارینه مغایرت و مخالفتلری زیاده اولور بونلردن صکره کذلک هر ظهور ایدن دولتلردخی احوال و اطوارده سلفلرینه موافقت و مخالفت ایدوبک ترتیب و تدریج ایله طبقه بعیده ده بولنان دولتله اخلافک موافقتلری بالکلیه زائل و رسم و آیینلری بالجمله عاقل اولوب محو و منسی اولور مادامکه طوایف ائم بینلرینده ملک و سلطنت تداول و تعاقب ایده سلف و خلف میانلرنده اوضاع و اطوارده مخالفت و مغایرت مقرر اولور لکن فطرت انسانیه بونک اوزرینه مجبولدرکه ازمنه ماضیه ده مرور و دول سالغه ده ظهور ایدن اطوار و عادات انامی بولندیغنی عصرده مشاهده و معاینه ایتدیکی احواله قیاس و تشبیه ایدوب و طول زمان ایله کرکی کبی حقیقت حاله واقف اولوب غلط و خطا دن دخی مصون اولماغله حقه اصابت ایده مزله زبرا چوق کره ازمنه سالغه ده مرور ایدن وقایع ماضیه به دائر اخبار کثیره استماع اولوب و اول عصرلرده جاری اولان اطوار و احوالک تغیر و انقلابنه متغظن اولملریله وهله اولی ده استماع ایتدیکی خصوصی کنندی عصرلرنده مشهور و متعارف اولان اموره قیاس ایدوب اوله جه اعتقاد ایدر مع هذا ینلرنده فرق کثیر اولمغله جاده صدق و صوابدن عدول و کرویوه خط و خطایه دخول ایدرلر ❁ و بوبابنددر اول حکایه که انی مورخین عهد دولت امویه ده امیر عراقین اولان حجاجک احوالی بیان سیاقنده باباسی یوسف ثقفی ایچون زمره معلمیند اولوق اوزره نقل و روایت ایتدیلر مع هذا بو عصرلرده تعلیم و تدریس حرفه معاش و مایه اتعاش اولان صنعت و کار مقوله سندن معدود اولمغله ارکان دولت و اعیان سلطنت اولان رجال تعلیم و تدریس ایله اشتغالدن تعزز ایدوب و زمانلرده اولان معلمین و اساتذده اصحاب فقر و مسکنت و عجزه و وضعفای امتدن اولغین اصحاب حرف و صنایعدن نیجه کسندنلر امیر حجاجک باباسی یوسفک زمره معلمیند اولدیغنی استماع ایتدکده عصرلرده صنعت تعلیمی مکسب ایدن مکسب خواجهلری کبی معلم و وظیفه خوار اولوق زعمیله اهل اولدقلری مناصب عالییه به اعتلار نیغنی و حقارنده محال اولان رتب سامیه به نائل اولملری امید یله عمرلری منقضی ورشته کسسته تارا مللری منقطع اولوب نیجه سی دخی بودعوایه سلوک ایله عرضة تلف و هلاک اولدیلر بیلزلر که تعلیم دین صدر اسلامده و امویه و عباسیه دولتلرنده عصرلرده متعارف اولدیغنی اوزره حرفت و صنعت مقوله سی اولوب بلسکه شارعدن استماع و حفظ اولسان آیات شریفه و احادیث منیغه بی نقل و تعلیم و مجهول و مبهم اولان احکام دینییه بی امته تبلیغ و تفهیمدن عبارت اولمغله جناب رسالت پناه صلی الله تعالی علیه وسلم حضرتلرنده صکره دعایم دین اسلامی اقامت واحیا ایدن خلقای راشدین و ائمه مهذبین و سائر اهل انساب خلافت و اولیای دولت و سلطنت قرآن عظیمی و سنت نبی محترمی صدرا عن صدر حفظ و اتقان و علی وجه التبلیغ کندیلری بالذات امته نقل و بیان ایدرلردی بوخسه فی زماننا هذا تداول و متعارف اولدیغنی اوزره طلبه و تلامبذی

زیرا بر برینی تعاقب ایدن دول و سلطنتک اوضاح و اطوار و آداب و عادتک تبدیلی مدت مدیده و ازمنه بعیده هر و روندنصکره واقع اولوب تجدد و انقلابی سریع و قریب اولان امور دن اولمغله تبدلات و تغییرات عالمه هرکس واقف اوله میوب افراد نوع بشردن معدود کسنه لر یلور لر بونک اصل و بیانی اوله در که اطوار عالم و عادات امم دائما و تیره واحده اوزرینه قرار ایتمیوب بلکه ایام و ازمانک تبدل و انقلابیله بر حالدن بر حاله تحول و انتقال ایدر و بو حالت اشخاص بنی آدمک صغرو کبری و اوقات و ازمانک طول و قصری ومدن و امصارک عمار و خرابنده جاری اولدیغنی کبی آفاق و اقطار عالمده و دول و سلطنتکرده دخی واقع اولور زبرا جناب حقتک عادت شریفه سی بویله جاریدر که مظاهر اکوانده صفات جمال و جلالی علی طریق التعاقب جلوه ریز ظهور اولوب اطوار و احوال عالم و اوضاع و عادات امم متبدل و متقلب اولور * بوندن اقدم صحیفه عالمده فرس اولی و سریانیین و نبط و قبط و تیابعه و بنی اسرائیل امتلری ساکن اولوب هر قرنک رجالی دول و مملکتکرنده سیاست و صنعتکرنده لغات و اصطلاحکرنده و ابناهی جنس لریله معامله و مشارکتکرنده و تعمیر بلدان و امصارده کندیلره مخصوص آداب و عادتلری اولدیغنه اخبار و آثار لری شهادت ایدر بونلر دنصکره کذلک فرس ثانیه و روم و عرب دولتلری ظهور ایدوب طبقه اولی رجالتسه مخصوص اولان احوال و اطوار متبدل و تحول اولوب بونلرک بعض آیین و عادتلری امم اولی تک عاداته بحانس و مشابه و بغضیلری مباین و مغایر اولدی قرن ثانی دنصکره دخی افق بطحاده قبیله مضر و قریش مطلعندن مهر عالمتاب دولت اسلام طلوع ایدوب قرون اولی و ثانیه ده جاری اولان عادات و اطوار بالکلیه مضمحل اولوب خلف سلفدن اخذ ایله اکثری زمانمزمده متعارف اولان اطوار و رسومه منقلب اولدی بوندنصکره دخی دولت عرب مندرس و زمانلری منقرض اولوب بونلرک مبانی عز و اقباللرین تشدید و اسباب مجد و اجلا لرین تمهید ایدن اجله اسلاف کیدوب زمام حکم و تصرف عربک غیری انجام الیه کروب مشرقه اترک و مغربه بر بر یلر و شماه افرنج استیلا ایلدی بو دولتلر علی الترتیب منقرض و مندرس اولمق سببیه نیجه طوائف امم محو اولوب احوال و اطوار لری دخی انقلابات شستا ایله منقلب و اطول ازمنه مرور ایتمکله حال و شانلری منسی و مهمل اولدی و دول و سلطنتک احوال و اطوار بونک تبدل و انقلابنه سبب ظاهر اولدر که هر دولتک رجالتک اوضاع و اطواری (الناس علی دین ملوکهم) فحواسی اوزره همان پادشاهلرینک سیر و اخلاقنه تابع اولوب مملکتلری نه مشرب و مسلکده ایسه انلر دخی اول خلق ایله متخلق اولور لر و ملوک و سلاطیندن بری بر دولتله غلبه و استیلا ایتدکده کندیدن مقدم اول دولتک رجالتک مخصوص اولان قوانین معتاده به میل و مراعات ایدوب مقدار کثیرنی اخذ ایدر لر مع هذا ینه کندی عادات و اطوارنی دخی ترک و اهمال ایتمیوب اطوار اسلاف ایله کندی اینلرنی مزج و ترکیب ایدوب شهباز همتلری بویکی جناحله اوج سلطنتده پرواز ایدر بونلر دنصکره بر دولت دخی ظهور ایدوب دولت ثانیه به غالب اولدقده اول دولتک رجالی دخی مستولی اولدق لری دولتک بعض

درج و تحریر ایتدلیله فن تاریخ غث و سمین روایات و ایه ایه مخلوط و مشوش اولوب
 و کتبلرینه نظر ایدن لر دخی نور بصیرت ایه صحیح و فاسدنی فرق و تمیزه قادر اولما مغله
 فن تاریخ اکاذیب و مبالغات ایه مملو حکایه کتابی مقوله سی عد اولنوب عامه انام
 مطالعه سنه مشغول اولسدیلر بوتقدیر جه فن تاریخه تصدی ایدن کسنه حتی باطلدن
 صحیحی فاسددن فرق و تمیز ایچون سیاست ام و نظام عالمه دائر مصالح انامه عالم
 و حقایق اشیا و طبایع موجوداتی بئلك لازم اولوب اعصار ساله نك و اطراف واقعاتك
 و قرون ماضیه نك اطوار و اخلاق و عادتلرینه و ملل و مذاهب و سائر احوال مختلفه لر بته
 اطلاع تام تحصیلنه محتاج اولدیغندن ماعددا کندی زمانده موجود و متعارف اولان
 اموری دخی ضبط و احاطه ایدوب حاضر ایه ماضی موجود ایه غائب ارا سنده بولنان
 اطوار و احوالک موافقت و مماثلتنی یا خود مخالف و مغایرتی ضبط و اتقان ایلوب ایکی
 عصر و دولتده موافق یا مخالف بولنان اطوار و احوالک علتلرنی بیان ایلبه و دخی هر دولت
 و سلطنتک و هر دین و ملتک اصللرنی و ابتدای ظهور لرینی و حدوث و وقوعلرینک علل
 و اسبابی کرکی کپی بیلوب و بونلری وجود و ظهوره کتورن رجالک احوال و اخبار لرینه
 واقف اولتی لازمدرکه مورخ اولان کسنه جیع حوادث و وقایعک اسبابی اسباب
 ایدوب هر خبرک اصلنه کرکی کپی و قوف تام تحصیل ایتدکن نصرکه نقل اولنان حکایه بی
 معلومی اولان قواهد کلیه و قوانین عقلیه به عرض ایدوب منقولی معقوله تطبیق و نقلی
 عقل ایلبه توفیق قاعده سنه مراعات ایلبه اگر نقل اولنان ماده قانون و قاعده به مطابق
 و موجب و مقتضاسنه موافق اولوب عقل سلیم و طبع مستقیم تجویز ایتدیکی امور دن ایسه
 خبر مذکورک صحتنه اعتقاد و اعتماد ایلبه و الا تزیف و رد ایدوب اصفا
 و النغات ایتمه ائمه متقدمین علم تاریخک شانته اعتنا ایدوب امر عظیم عد ایتدک لری انجق
 بوذکر اولنان امور ایچوندر حتی اعلام مورخیندن محمد بن جریر طبری و امام بخاری
 و بونلردن اول ابن اسحاق و انلرک امثالی علمای امتک کباری فن تاریخده تصانیف معتبره
 تدوین ایدوب علم تاریخه انتساب ایلبه مشهور اولدیلر لکن مورخیندن قتی چوق کسنه
 علم تاریخده بوسرخنی دن ذهول ایدوب تألیف و تصنیفلری کندولرینک جهانی
 اظهار ایدوب و معارف و علومده کامل اولیان کسنه لر تاریخ مطالعه سنی استخفاف
 و احتقار ایدوب علم تاریخده تدوین و تصنیفه شروع و اسلافنه طفیل اولدیلر و کیده ریک
 مورخلرک حال و شانلری (اختلط المرعی بالهمل) مثلنه ماصدق اولوب یعنی ساربان اولان
 دوه لر باشلی باشنه کزن دوه لرله قارشوب غث و سمین صحیح و فاسد بولدقلرینی یازدیلر
 والی الله عاقبه الامور و علم تاریخده مورخینی اغفال ایدن برغلط خنی دخی اولدرکه
 مرور ایام و کرور اعوامله ام و رجالک قرنا بعد قرن احوال و اطوار لرینک تبدل و تغیرندن
 ذهول و غفلت اولنوب اصحاب تاریخدن قتی چوق کسنه بومعنایه تفتن ایتمکله نقل
 و روایت ایتدک لری اخبارده خبط و خطا ایتدیلر و بواضر قضیه دن بر درد ییدوا
 و داء شدید الخفادرکه دیده بصیرته حجاب غفلت اولوب حقیقت حالی ادرا که مانع اولور

اختلط المرعی بالهمل مثل
 مشهوردر مرعی مچک قتی
 عینک کسر یله ساربان اولان
 دوه لره دیرلر جل شول دوه
 سوری در که باشلی باشنه
 کزوب ساربان اولبه بلغای
 هر ب ضابطه و نظامی اولیان
 اموره بومثلی ضرب ایدرلر
 لترجم محمد صاحب

سادات اهل بیتدن اولدیغی صورتده دیار غربده مصامده قبیله سنه ریاست ادعاسی
 صحیح اولماز زیرا بین القبائل بر قوم اوزرینه رئیس اولان کسنه اباعن جسد اول قبیله نك
 اشرفدن اولمق لازم اولوب خارج ودخیل اولان شخص اول قبیله ده ریاسته مستحق
 اولماز نه کیم انشاء الرحمن اشبوکتاب اولک فصل نانیسنده کله جکدر مهدی ایسه
 دیار غرب اقصاده مصامده قبیله سنه رئیس اولوب جله اهل مصامده اکا اطاعت
 ومهدینک قبیله سی اولان هرغه جاعتندن اقارب وخویشانته متابعت ایدوب ریاستنی
 قبول ایتمیلر مهدی شرفادن اولدیغی تقدیرجه مصامده قبیله سندن خارج اولوب
 ریاسته اهل اولماغله تغلب ایله ظم ایتمش اولور دیور ریاستنه دخل ایدر لسه بویله جواب
 وریلور که مهدینک ریاستی شرفای اهل یته منسوب اولدیغی جهته اولوب بلکه
 هرغیه ومصامده قبیله لری مهدینک علم و دینده کمالنی وزهد وصلاحنی مشاهده
 وهرغیه قبیله سنده نشوونما بولمغله کند ی رضایله مهدی په اطاعت وتبیت
 ایتمشلرایدی وادعا ایلدیکی نسب فاطمی ناس قنده مندرس ومنسی اولور مهدی ایله
 عشیرتی یینلرنده مناقله ومذاکره اولنوردی بوتقدیر جسد نسب اول کویا منسلخ اولوب
 مهدینک آبا واجدادی هرغیه واقرباری اولان مصامده قبیله سنده مدت مدیده دن پرو
 نشئت ایتمکله بوقبیله لک اهل انساب قدیمه سندن معدود اولوب ونسب اهل بیتدن
 اولدیغی مرورازمنه ایله اول قبیله اهل البسی مبانده مجهول اولمغله ریاستنه خلل ویرمدی
 بونک امشالی قبائل اراسنده چوق کره واقع اولمشدرکه بر شخصک اصل وعرقی
 بوقبیله دن اولوب صکره آبا واجدادی قبیله اخرایه بر طریق ایله دخول ایدوب مدت
 مدیده مروردن صکره نسب اولی منسی وقبیله ثانیه انتسابی مشهور اولمغله ایکنجی
 قبیله نك جاعتنه رئیس وحاکم نصب اولمشدر بو بابد عرفجه ایله جریرک حضرت
 عمر رضی الله تعالی عنه زمان خلافتده بجیله قبیله سی ریاستنده اولان حکایه سنه نظر
 اولنسونکه عرفجه نك اصلی ازد قبیله سندن اولوب بعده بجیله قبیله سنه بر طریقله دخول
 واول قبیله یه انتساب ایله معروف اولغین بجیله قبیله سنک اشرفدن جریرایله ریاستده
 منازعه وحضرت عمر حضورنده مرافعه اولدیغی انشاء الرحمن اشبوکتابمزد ذکر
 اولنه جقدر نظر اولندقدده وجه حق متین اولور والله اعلم بالصواب
 معلوم اوله که بو آنه کلنجه ذکر اولنان حکایات واهیده مورخینک غلطلرینی بیان
 اشتغال وتطویل مقال ایله اشبوکتابی تألیفدن قصد وغرضمن تعلق ایدن صدودن
 خروج یاقلسدق تألیف کتابدن غرض ومقصود من دخی بودرکه فن تاریخده
 ثقات صحیح الیکلمات عدادنده اولان قدمای مورخیندن قتی چوق رجال ذکر ایتدیکنز
 حکایات امشالی احادیث و اخبارده کویوه خبط وخطایه سلوک ایدوب وحق وصواب
 اولمق زعیله صحایف انهانرنده مرسم اولدی بعده نظر وفکری ضعیف وعقل
 ورایی سخیف کافه مورخین متأخرین دخی حکایات مذکور بی انلردن اخذ وتلقی
 بالقبول ایدوب صحت وخطاسنده فکر وتأملسنز جریده حافظلرینه ثبت وکتابلرینه

اولدینغی محله بین الاهالی عزیز و محترم وقوم و جماعتی میاننده قدرینه کوره مکرم اولدقلرندن ماعدا امور مملکتده دخی مستشار و مؤتمن اولمیرله بونلر اولیسای نعلیری اولان ملوک یار غار و عدوتلریله مخاصمه ده اهوان و انصار اولدیله وقتا که محمد مهدی دیار غربه کلوب ملوک لمنویه تک خلافتده سوز سویلیوب و مملکتلرینده جاری بعضی اموره بونلره دخل و طعنه قیام و عاقبت ترتیب جیوش ایله محاربه یه اقدام ایتمکین فقهدا دخی ملکری دولتنده نائل اولدقلری حق نعمته رعایت و معاونت و مظاهرت ایله تحصیل رضای ولی نعمت ایچون محمد مهدی حقنده اطالالسان و اطلاق زبان ایدوب اقوال و افعالی کذب و تزویر نسبت و شانته لایق اولیان نیجه امره جسارت ایله اخذ انتقام قیدینه دوشدیله لکن مهدینک قدر و منزلتی عالی اولوب حال و شانی بونلرک دیدکلری کچی دکلدلر برجل حقنده نه نطن اولنور که دیار غربه فرید و وحید کلوب لمنویه دولتک رجال و اعیانته لوم و تویخیج و افعال منکره لری تعیر و تقبیح ایدوب علما و فقها سیه مباحثه و اجتهاد لرینه مخالفت ایلدکدنصکره اهل جبال و اصحاب جنک و جدال دن قبائل و عشایر عیدیده بی جمع و عبد المؤمن بن علی تک بیعتنه دعوت و بالذغس ملوک ایله حرب و قتاله مبادرت ایلیوب قوت و قدر تیری اعظم شوکت و سطونلری اشد اعوان و انصار لری اقوا ایکن شجره راسخه دولترین قلع و قمع ایلیوب جعیلرین پراکنده و پریشان ایلدی و اثنای محاربه ده مهدینک اشباع و اتباعی بولنه باش و جانلرین فدا ایدوب اولقدر نفوس تلف اولدیکه حسانی انجق عالم السر و النجوا ییلور و بوکه اتباع ایدن زمرة موحدین سر و جانلرین فدا ایتمک اوزره بیعت و عهد لرینه وفاء نفسلریله انی هلاکدن وقایت و صیانت ایلیوب دعوتی اظهار و کلمه حتی اهلاده روحلرین بذل ایله باری تعالی به تقرب و رضای شریفنی تحصیله توسل ایتدیله تا که سوزی جله یه غالب اولوب دیار غربه بریه عدوتینده واقع دولتله غلبه ایلدی مع هذا کند ی برلقمه و برخرقه یه قناعت ایدوب و اهل و عیاله قارشمیوب مکاره و شداید و صبر و ثبات ایله موصوف و عمری آخر اولنجه حظوظات دنیویه و مشتهیات نفسانیه دن برنسنه یه میل ایتماش ایدی حتی الذ شهوات نفسانیه دن اولوب اکثر نفوس میل و طلبنه مجبول و وجودنی تمنی ایتدکلری نسل و ذرینه دخی قطعاً رغبت ایتمدی بولیدی بیلمش اولدیمکه زخارف دنیویه دن بومر تبه اجتناب و احتراز ایدن کسنه اجتهاد و جهادده ایشلدیکی امور خلوص نینه مقارن اولدینغی تقدیرجه بونکله نه شی قصد ایلدی مع هذا اگر نیتی خیر و قصدی صالح اولسه مباشرت ایتدیکی امور نتیجه پذیر اولیوب مضحک و پریشان اولوردی زیرا الله تعالی حضرت تیرینک عبادی بیننده دائر عادت شریفه سی بونک اوزرینه جاریدر که اهل ظلم و بغیک عاقبتی محمود اولیوب امری غایتیه ابرمز اما فقها تک مهدینک نسب اهل بیته انصالی نئی و انکار لری انلر ایچون مهدی حقنده حجت اولماز زیرا مهدینک سیادت ادعاسی ثابت دکلدلر اگر ثابت دخی اولسه نغیه شهادت مقوله سی اولوب بطلان نسبه دلیل اولماز زیرا ناس نسب لرنده قوللریله مصدق اولدینغی معلومدر اگر فقها دیر لسه که مهدی

و اشرف شدن مدینه فاسده بنی عمران دیمکله معروف شرفا قالمشدر که یحیای جوطی
 ابن محمد بن یحیای عدام بن قاسم بن ادریس اصغر بن ادریس اکبر اولادندند حالا
 دیار فاسده اشبو بنی عمران اهل بیت نبوتک خیار و نقبا سندن اولوب جد امجدزی ادریسک
 منزلنده ساکنردر و بونلرک جله مغرب اهل البسنک اوزر زینه شرف و تقوقلری اولوب
 یانلرند قدر و شانلری عظیمدر نته کیم انشاء الله تعالی ادارسه احوالی ذکرینه کلامن
 منجر اولدوقده بونلرک احوالی تفصیل و بیان اولنور * و دخی ذکر اولنان مقالات فاسده
 و مذاهب باطله به ملحق اولان اموردندر اول امر که اتی مغرب فقها سندن رأی و اعتقادی
 ضعیف کسنه لرینه دیار غربده موحدین دولتک صاحب دعوتی علما و صلحادن
 محمد مهدی بن توهرت حقیقده زعم ایدوب مذهب و مسلککنه دخل و طغنه تصدی ایتدیلر
 محمد مهدی مذکور فی الاصل دیار غربده جبل سوسده ساکن اولان هرغه قبیله سندن
 اولوب تحصیل علم و کمال ایچون مکة مکرمه یه و سائر بلاد ه سفر ایدوب تفسیر و حدیث
 و اصولین و فقه شریفده فائق الاقران و نادره زمان اولدی و دخی فصیح اللسان
 و قوی الجنان اولوب کشت و کذار ایتدینکی محله ده امر بالمعروف و نهی عن المنکر ایدرک
 ینه دیار غربده کلوب علما و فقها سلیله بحث ایدوب غلبه ایلدی کیدرک صبت و صداسی
 آفاق و اقطاره منتشر اولوب دیار غربده متمکن مصامده و هرغه قبیله لر اعا نسیله
 عبد المؤمن بن علی نام کسنه نک بیعتنه خلقی دعوت و اطاعت و انقیادینه ترغیب ایدوب
 کتند و لذات دنیویه دن بالکلیه اعراض ایلدی مهدینک فوتندن صکره عبد المؤمنک
 دولت و سلطنتی و شوکت و سطوتی قوت بولوب اکثر مالک غربه مالک اولدی
 و محمد مهدینک اتباع و اعواننه موحدین اسمیه اولنغله عبد المؤمنک دولتی دخی موحدین
 دولتی ایله مشتهر اولدی دیار غربده لمتونه قبیله سی ملوکنه منسوب اولان فقها مهدینک
 علم و فضلنه و بین الانام قدر و منزلته حسد ایتلریله کندیدن ظهور ایدن توحید
 حقه قیام و اهل بنی و فسادی زجر و توبیخده اهتمامی تزویر و تلبیسه جل ایله نهمت
 و بویبده ادا ایتدینکی امورک جله سنی کذبیه نسبت ایتدیلر حتی اتباعی اولان طائفه
 موحدین مهدینک اهل بیت نبوته انتسابی و شرفادن اولسنی اعتقاد ایدوب فقهای
 مذکورین نفسلرنده مضمحل اولان حسده بنساء اتی دخی رد و انکار ایلدیلر زیرا
 بونلر زعمارنجیه علم فتوا و دیانت و تقواده مهدی ایله مساوات ادعاسنده اولوب صکره
 مهدینک رأی متبوع قولی مسموع اولوب دیار غربده مقتدای انام و ملتجای خاص و عام
 اولغله بونلردن متمساز اولدوقده بولطف خدا دادی مهدی به چوق کوروب مذاهبنه دخل
 و تشبیه و مدعای بنی تکذیب ایله قدر و شاننه تقیصه و یرمک قیدینه دوشدیلر * وینه فقها نک
 خصوصتارینه برسبب دخی بودر که مهدینک و اعوانی اولان موحدینک خصمسی اولان
 لمتونه قبیله سی ملوکی فقهای مغربه میل و محبت ایدوب غیریدن مشاهده ایتدکلری
 تعظیم و تکریمی بونلردن کور زردی زیرا لمتونه ملوکی دخی حلیسه عدل و صلاحله متحلی
 و زمان دولتلرنده اصحاب علم و کمالک قدر و شانی عالی اولوب فقها دن هر بری ساکن

سادات ایله ایچلرینه قارشوب سیادتده علاقه سی اولیان رجالدر اصلی بودر که اهل بیت رسالت پناهه اتصال و اشرف مخلوقاته انساب امر خطیر اولوب بونسب جلیلی ادعا آفاق واقطار عالمده موجود چله امم اوزرینه شرف عظیم دعواسی اولمغله بو خصوصه نهمت عروضی مقرر در و خاندان اهل بیتدن اشوبنی ادر یسک نسب عالیبری بونلرک موطنی اولان فاس شهرنده و سائر دیار مغربده برهمنه مشهور و شایع و وضوح و نظهوری بردرجه به واصل و بالغ اولدیکه اکا ایشمکه برکسه طمع ایدوب اولرتبه به وصوله قادر اوله مدی زیرا بونلرک سلسله انسابنی هر عصرده خلفدن جمع کثیر سلفدن جم غفیردن نقل و روایت ایدوب وجد امجد لری ادر یس اکبرک منزلی تأسبس و بنا ایتدیکی فاس شهرنده بنی ادر یس منازلی اراسنده موجود واحیا ایتدیکی مسجد شریف محله لرینه متصل و ملاصق اولوب و قرارگاه لری اولان بلده ده واقع مناره عظمتک رأسنه وضع ایتدیکی سیف مسلول حالاموجود و شهود اولدیغندن ماعدا دخی نیجه آثار و علامی واردر که خبر لری حدود تواری تجاوز ایدوب عبانه ملحق اولمغه یا قلمشدر جن اهل بیتدن بونلرک غیر ی سادات شرفای بنی ادر یسه الله تعالی حضرت لرنک احسان ایلدیکی آثاری مشاهده و بونلرک شرف نسب نیولرندن غیر ی اسلاف کرام واجداد عظام لرنک دیار مغربده اولان جلالت ملک و دولت لرنی ملاحظه ایلوب کندیلرینک رتبه سی بونلردن دون اولدیغنی اسنیقان و حسب و نسبه بنی ادر یسدن برینک بالغ اولدیغنی اوصاف کمالک عشر معشارینه بالغ اولیه جقلرنی اذعان ایلدکرنده بونلر حقدده دندان حقد و حسدی تیر ایدوب حقلرنده بولدقلرن سو بولدیلر و بنی ادر یسک غیر ی سادات اهل بیت که صحت نسبلری ادر سه حقدده ذکر اولسان آثار و علامات و شواهد بینات ایله مؤید اولمشدر انلرک غایت امری بولندقلری حالده کندولره حسن ظن اولنوب دهوای سیادتده صدقه جل اولتمقددر زیرا ناس نسبلری خصوصنده قوللریله مصدق اولدیغنی کتب شرعبده مسطور در لکن بنی ادر یسک انسابنی تواریله ثابت و آثار و علایم ایله متیقن و معلوم بونلرک حسادی اولان ساداتک نسبلری قوللریله مصدق و مظنون اولوب علم ایله ظن اراسنده فرق واضح اولدیغنی مقرر و محققدر چآنکه بونلر کندی حال لرنی و بنی ادر یسک احوالی تأمل ایدوب انلرک وقع و اعتبارنی و کندیلرینک انحطاط شان لرنی بیادکرنده بو طقمغه مجال لری اولوب وانلردن چوق کسنه بنی ادر یسک شرف شان لری زائل اولوب حقیر و وضع اوللرنی تمنی ایتدیلر و مجرد عرض و حسده بناء حقلرنده عناد و لجاج ایدوب نسبلرینه طعن ضعیف و قول سخیف ایله دخل ایلدیلر و نهمت تسبده کندیلرله مشارکت و اشتباه و احتمالده مشابهنه ایله تعلق و بهانه ایدوب کندی نسبلرنده ناسک ایتدیکی اشتباهی بونلر حقدده دخی اجرا اولمقی قیدینه دوشدیلر لکن بو ملاحظه فاسده بنی ادر یس حقدده تصور اولمقی غایه الغایه بعید درزرا مغرب دیارنده بزم ییلد بکمز رجالده برکسه یوقدر که وضوح نسبه آل حسندن ادر یس ذریتی هر تبه سنه بالغ اوله و اشبو عصرده سلسله اداره سنک عظاما

سلطانیه دن تحصیل وارسال ابتدکاری اچمه لری ادریس سکه سیله مسکوک ایدوب
 کوندر لردی مقصود لری ادریسک عظم شاتی خلفایه عرض وشوکت ظاهره
 وسطوت قاهره سیله تخویف ایلوب مؤاخذه ووظایفه سیله مأمور اولد قاری ادریس
 ماده سندن خلفانک سر رشته امیدلرین قطع ورقبه طاعتلری ربقه عبودیتلرندن
 خروج وادارسه یه تبعیت واطاعتلرینه مضطر اولارینی خلفایه اشعار ایلدیلم
 وکاهیجه دخی ادریسک شاتی حط و تزیل قصدیه خلفایه مداهنه ایدوب بالاده
 سبق ایدن طعن کاذب ایله نسبنه دخل و طعن ایلوب صدق و کذبنده مبالات ایتدیلم
 زیرا مغرب ایله بغداد اراسنده مسافه بعیده و حال صباوتنده اورنک خلافته جلوس ایدن
 صبیان بنی عباسک عقولی ضعیف اولوب و اترک و اجماعدن دولتلرینه تغلب ایدوب
 امر لری اولان اجملردخی هر قائلک قولنی قبول و تعقیب غراب دخی اولورسه استماع
 و تصدیق ایتدکر یچون نسب ادریسه دخل ایله خلفاینی تسلی ایتدیلم و بنی اغلب خلفای
 عبیدین ظهور بله دیار غربده مضمحل اولنجیه دق نسب ادریسه دخل و تشایعدن
 خانی اولوب بونلردن صکره بوکله شنیعه اراذل ناسک سمعلرینی قرع و انساب اهل یتنه
 طعن ایدنلرک بعضیلری دخی بونی حفظ ایدوب خلفای عباسیه دن بعضیلرینه اهل بیت
 حقنده منافسه وقتنده نقل ایله تقرب و انسابه وسیله ایلدی بونلرک نسبلرینه دخل
 ایدنلری الله تعالی تقبیح ایلیه که جاده شرع قویمدن عدول ایدوب هوارینه تابع اولدیلم
 زیرا ادریس اصغر باباسی ادریس اکبرک فراشندن حاصل والی الوفاات تحت نکا خنده
 اولان زوجه متروکه سندن متولد اولوب ولد ایسه شرعا فراشده منسوب و تابع اولغله
 ادریس اکبردن نسبی قطعی الثبوت و بونلرک دخل و طعنی موهوم اولوب موهوم
 و مظنون ایسه مقطوعه مقابل اولماز بوندن ما عدا اهل بیت رسالت پناهی زنا امشالی
 افعال شنیعه دن تزیه عقاید ایمانیه دندر زیرا الله سبحانه و تعالی حضر تلی اهل
 یتدن افعال قبیحه بی ازاله و نفوس شریفه لری اخلاق رذیله دن صیانت و تطهیر ایلوب
 بونلره محبت و حسن نطن ایله امر اولمشدر و ادریس اکبرک فراشی طاهر و ادریس اصغر انک
 فراشندن حاصل اولغله بونلره دخل و تشنیع ایدنلر حکم شرعه مخالفت ایله و زرنک جزاسنی
 کور لرین نسب ادریسه دخل ایدنلری رد و انکارده تطویل مسافه مقال ایتدم الا بوباید
 ریب و شک ابوابنی سد ایدوب و قلوب حساده مرکوز اولوب ادرسه یه بغض
 و عداوت و نسبلرینه کذب و افترا ایله قدح و طعنه جسارت ایدن کسنه لردن ایکی کوشمله
 استماع ایتدیکم کلمات باطله بی رد ایچون تفصیل مقال ایلدم یوخسه ادریس اصغرک
 صحت نسبی ظاهر و مجادله دن مصون اولوب و عیب و نقصان احتماله مجال اولیان مجمله
 ننی عیب ایله اشتغال دخی عیب اولدیغنی مقرر و معلومدر لکن بن سادات اهل بیت ایچون
 عالم دینساده خصمالرله مجادله ایدرم بوا مید ایله که انلر دخی بنم ایچون یوم قبامتده عدولرله
 مجادله ایدوب حمیده شفاعت ایدلر * معلوم اوله که ادرسه نک نسبلرینه طعن ایدنلرک
 اکثری ادریس اکبرک اعقاب و ذریتنه حسد ایدوب اهل یتنه منتمی اولان

هارون رشید بر وجهله اعدامنه ظفر بوله میوب عاقبت شماخ یدبله تسمیم واهلاک و بوحبله
ایله کریبان حیاتی چاک ایلدی و ادریس اصغر باباسی ادریس اکبر برینه سریر خلافت
جلوس ایدوب شوکت و سطوق قوت بویجی مأمون خلیفه و آندنصکره کلن خلفای
عباسیه دیار غربده کندیلرینک اعوان و انصارندن افریقیه امراسی بنی اغلبه فرمانلر
کوندروب نواحی غربده ادرسه نک آجدیغنی فرجه بی سد و طر فلرندن عباسیه
دولتنه اصابت و سرایتی مظنون اولان ضرر و کزندی دفع و صد ایلوب علاج واقعه
پیش از وقوع باید کرد مفهومی اوزره هنوز نائرة قهر و کینلری مرکز دائرة سلطنته
تجاوز ایتدین دفعی تدارکنی کورمک اوزره بی دربی اوامرا اکیده ارسالندن خالی دکلرایدی
اما امرای اغلبه ادرسه نک اعوان و انصاری اولان غرب اقصا بر بریلرله محاربه یه
قدر تلی اولدیغندن ماعدا کندیلرینک ملوکی اولان خلفای عباسیه اوزرینه اجانب
و اباعدک تغلب و تسلطی سببیه دولت عباسیه نک اختلالی و قته مصادف اولغله امرای
بنی اغلب بر بریلرله مدارات ایله معامله یه مضطر اولمشلرایدی زیرا عباسیه دولته
امرای اترک و اعجم غلبه ایدوب خلفانک زمام اختیار لری یدلرنده قالمغله توجیه
مناصب و ترتیب مواجده و تحصیل اموال سلطانیه و سایر خصوصلرده احکام دولت
وامور سلطنتی اغراض فاسده لری مقتضاسی اوزره دلدکاری کبی تصریف و تغلب
ایدر لری ته کیم عصر لرینک شاعری دیمشدر

✽ خلیفه فی قفص ✽ بین و صیف و بغا ✽ بقول ما قاله ✽ کما تقول البغیا ✽

بو بیت خلفای عباسیه دن مستعین خلیفه نک امور دولته عجز و اضطراری حقنده انشاد
اولمشدر و صیف ایله بغا امرای اترکدن دولت عباسیه متغبلرندن ایکی کسه نک
اسملریدر که متوکل خلیفه بی قتل ایدوب مستعینه اعانت و بیعت ایتمشلرایدی بغایله مراد
پا پاغان قوشیدر معناسی بویله درکه خلیفه مستعین و صیف ایله بغا ارا سنده محصور
مرغ قفص نشین کبی بر خلیفه درکه و صیف ایله بغا اگاهه دیرلرسه بودخی اتی سویلر پانغان
قوشنه بکررکه نه تعلیم اولنورسه اتی نطق ایدر دیمکدر صاحب تاریخسک بوییتی
ایراددن مقصودی خلفای عباسیه دولته امرای اترک و اعجم غلبه ایدوب نظاملری
مختل اولغله بنی اغلبک آنلره استناد ایله ادرسه یه مقاومتدن عجز و قصور لرین بیان ایلدی
چونکه امرای بنی اغلب خلفای عباسیه نک امر لری اوزره ادرسه ایله محاربه
و مدافعه یه قیام ایتدیلر حقلرنده تقصیر تهمتله عجز و نفاقدن خوفه دوشوب کندیلرندن
خلفانک سوء ظنلرینی دفع ایچون بسط اعذار کونا کونه عفو و عنایتلرین رجاسیا قنده
گاه مغرب زمینده ساکن کندوزره تابع ر جالک ضعف و احتقار لرین بیان ایدوب ادرسه
و بر بریلرله محاربه یه قدر تلی بو قدر دیوا هتذار ایلدیلر و گاه بلاد غرب اقصاده
خروج و ظهور ایدن ادر بسک و نسل و اعقابندن برینه قائم اولان ادرسه نک علوشانله
خلفای نخویف ایدوب حدوده قریب عباسیه ضبطنده اولان و لایرله تجاوز و تعدیلری
احتمالی تخریر ایلوب و اغلبه طرفلرندن خراش خلفایه عاید تحف و هدایای و اموال

ومغازیده بونک حضورنده بحارنایا به خوض ایتدیلرا کرنسب ادریسده ذکر اولسان
 شبهه مثلوهتمت آنره اطاعت ایدنلرک خاطر لرنده خلیجان ایدوب عقلاری احتمال
 ویزیدی یاخود آخردن ایشیدوب سعلرنی قرع ایدیدی استرسه عدوی خائن یارشمن
 منافقدن استماع ایتسونلر بونلرک بعضیلری آکایعت و تبعیتدن تخلف ایدرلردی بلکه
 ادریس اصغر حقهده بوکلات شنیعه بنی عباس امر اسندن افریقیه طرفنده انلرک ولات وعمالی
 اولان بنی اغلبدن صادر اولمشدر بونک ییانی او یله درکه خلفای عباسیه دن هادی زماننده
 مکّه مکرمه ده طائفه قریب محلهده فح دیمکله معروف موضعده بنی عباس ایله اهل بیت
 میاننده جریان ایدن محاربه ده ادریس اکبر مغربه فرار واول محلهده قرار ایتدیکی هادینک
 معلومی اولدقدن افریقیه ده امرای بنی اغلبه فرمان کوندروب ادریس اکبری تجسسسه
 جاسوسلر تعیین واخذ ایتک اوزره امر ایلدی برطریقسه ظفر بوله میوب ادریس اکبر
 سلامتله بلاد غرب اقصایه واصل اولوب آنده امری تمام ودعوتی نلساهر و مرادی
 حاصل اولدی وهارون رشید اتباعندن واضح نامنده برکسه وار ایدی مصر
 اسکندریه سنده طرفندن عامل ایدی واضح سادات کرامه کرلیجه محبت ایدوب شیعی
 المذهب اولغله ادریس اکبرک مغربه عزیمتی اثنا سنده اسکندریه به وصولنده واضحک
 اغماضی سببیه غرب اقصاده محل خلافتنه فوز ونجات بولشیدی بوخبر رشیده بالغ
 اولدقدن واضحی قتل ایلدی بعده رشید ادریس اکبرک قتل واعدامنده مکر و حیلله به
 سلوک ایدوب باباسی مهدی خلیفه نک اتباعندن شماخ نام برکسنه به ادریسی قسیم ایتک اوزره
 دسبسه تعلیم ایلدوب بلاد غرب اقصایه ارسال ایلدی شماخ دخی تعلیم رشید اوزره
 مغربه واروب اولسای نعمی اولان بنی عباسدن براءت وانقطعاعنی وادریس اکبره اتما
 وانسحاب داعیه سیله کلدیکنی اظهار ایلدکده ادریس صافدل دخی بوکا میل و محبت
 ایدوب بنده لکه قبول وعواطف جزیه سنه مظهر ایدوب خلوت وجلوته کندیوه انیس
 وجلبس ایلدی شماخ مزبور ادریس ایله برکون تنهاجه صحبت ایدرکن برتقریبله ادریسسه
 سم تناول ایتدیروب مونه باعث اولدی ادریس اکبرک موتی خبری بنی عباسه واصل
 اولدقدن یانلرنده احسن موافقهده واقع اولوب شاد وخرم اولدیلر ورجا و امیدلری اوزره
 غرب اقصاده سلسله ادارسه نک انقراضی اعتقادیله غائله تشویش واضطرابی
 برطرف ایتدیلر بو ایشاده ادریس اصغرک ولادت خبیری دخی تعقیب ایدوب بنی عباسه
 واصل اولدقدن مذاقارینه مخالف اولغله وهله اولیده تصدیق ایتدوب حاشا وکلا اصلی
 یوقدر دیوانکار اثنا سنده ادریس اصغر یعت اولنوب مغربه دعوت خلافت فاطمیه
 عودت وشوکت وسلطنتی قوت بولوب دولت ادارسه ادریس بن ادریسله متجدد اولدیغی
 خبری متحقق اولغله بنی عباسه باعث حزن وانکسار اولوب وقع سهامدن زیاده درونلری
 داغدار اولدی ودولت ادارسه نک قوت وشوکتی سببیه دیار غریبه دولت بنی عباسه ضعیف
 وهرم مستولی اولوب انلرله مقاومت ومدافعه به قدر تیری قاصر اولدی حتی ادریس اکبر
 اقصای بلاد غریبه ساکن اولوب وقبائل بربر طرفدن اکامداد و اعانت ایتلریله

و سبجلماسه امیری ابن مدراره نحر بر اندیکی فرمان بونلرک صحت نسبتند اصدق شاهد
 و اوضح دایلدرو ابتدا نسب اهل بیته اصحابندن نفی ایدن معتضد خلیفه در * معلوم اوله که
 دولت و سلطنت برسوق سلطانیدر که جمله بضایع علوم و صنایع اولطرفه جلب اولتوب
 حکم و مصالحی ضایع ایدنلر انده التماس ایدرلر و اطراف اقطارده واقع حوادث روزگار و روایات
 و اخبار حاملری او محل سامی یه سوق مطایا ایدوب انده رایج اولان نسنه کافه ناس قتنده
 رواج بولورا کراهالی دولت ظلم و جوردن اعراض ایله جاده صدق و صوابه سلوک ایلوب
 طریق مستقیمدن عدول ایتزسه اولسوق عظیمده ابر بزخالص العیارج حق و صواب رایج اولور
 اگر رجال دولت و سلطنت اعراض و حقوقده تابع و هوا و هوسه مطیع اولوب بغی و عدوان
 و کذب و بطلان سمسار لیله امتزاج و اختلاط ایدر سه انده زیوف فاسده و فلوس کاسده
 رایج اولور لکن اول کسه که صحیحی فاسد دن رایجی کاسد دن فرق و تمیزه قادر اوله انک
 عقل سلیمی و طبع مستقیم کنده یه محک و میزان اولوب خبر منقولک خالص و مغشوشی
 وزن و عیار و سنجیده ترازوی اعتبار ایدوب صحیحی قبول و فاسدنی رد ایدر * و دخی
 بو خبرک مثلی بلکه دخی ابعدر اول حکما یه که انی نینه سادات علویة حسینیه دن ادا رسه عنواتیله
 معروف اولان خلفای فاطمیندن ادریس بن ادریس بن عبدالله بن حسن بن حسین بن علی
 بن ابی طالب رضوان الله تعالی علیهم اجمعین حقیقه نقل اولتوب انک دخی نسبتند دخل
 و طعن ایدنلر حکما یه سی بوسباق اوزره در که ادریس اگر بلاد غرب اقصاده طنجه ده
 وفات ایتد کدنصکره ادریسک خاتونی حامل ایدی وضع حمل ایدوب برارکک ولدی
 دنیا یه کلدی آنی دخی ادریس اسمیله تسمیه ایدوب برینه خلیفه نصب ایدیلر بونلرک
 دخی اعداری اولان بنی عباس ادریس اصغرک نسبتنده قیل وقال ایدوب بابا سی
 ادریس اکبرک اتباعندن حرم کتخداسی راشد نام عبد مملوکنک ولدی اولوق
 اوزره وهم و اتهام ایتدیلر لکن بونه جهالتدر که ادریس اصغرک نسبتند دخل
 ایدنلر بیتلر میکه ادریس اکبرک جمله اقارب و خویشانی بلاد غرب اقصاده بربر
 قبیله سبیله بربرده اولوب و ادریس اکبر اقلیم حجازدن بلاد مغربه داخل اولدیغی
 کوندن وفاتی وقتنه کلنجه قباثل بر بر ایله بادیه ده سکون و اقامت ایدوب و اهل
 بادیه نک تولد اولاد و ظهور حمل مقوله سی احوالی بر برلندن خنی و مستور دکلدن
 زیرا انلر حضری و بلدیلر کبی سر برده اختیابده متمکن اولوب بو مقوله اموره
 ریب و شک طاری اوله جتی محللر دکل ایدی وانلرک جمله حرملری جیرانلری کوروب
 و صدالین استماع ایده جک محله واقع و منزللرینک جدارلری بر برینه متصل و متلاصق
 و بناری ایلوق اولوب مسکنلری اراسنده فاصله یوغیدی و ذکر سی ایدن راشد
 ادریس اکبر دکنصکره جمله ادا رسه نک حرملری امور نی کوروب و سایر اتباع و اشباعلری
 دخی محافظه و مراقبه ایدرلر ایدی و بلاد غرب اقصاده متمکن بر بریلر جمله ادریس
 اکبرک فوتند نصکره اوغلی ادریس اصغرک یعنی اوزرینه اجماع و اتفاق ایدوب
 رضالیه بوکا اطاعت و انقیاد و یولنده بذل روح ایتک اوزره بیعت ایلوب حر و ب

و كذلك عبيد بن خلفاسي بر جاعت ايديكه حقارنده دولت و سلطنت تخمين اولوب
 و اطراف و اما كنده اتباع و اشباعي مره بعد اخري بونلرك بعتلرينه خلق دعوت اتدكاري
 مشهور و بلغه اعدالزي اولان بن عباس بونلرك فرستلرين كوزه در رايدى بونلردخى مبادى
 حالزنده اختفا ايدوب اسم و رسملرين تبديل ايله بر مدت ازوا ايتشلرايدى نته كيم دنيلمشدر
 * فلو تسال الايام ما اسمى مادرت * و اين مكاني ما عرفن مكاني *

معناى بيت شاعر دير كه فرضا سن ايامه بنم اسمى سؤال ايلسك ييلوب جواب ويره مزدي
 و مكاني نه محلد در استفسار ايلسك مكاني دخى تعين ايد مزدي مقصود هبيد يينك
 ابتدائى امر ده اعين ناسدن احتجاب و ازوال بنه بيت مزبور ايله اسنشهاد در حتى
 عبيد الله مهديك جدى محمد بن اسمعيل بن امام جعفر صادق اسمنى اعوان و انصارى
 تبديل ايدوب مکتوم اسميله نسميه ايتشلرايدى زيرا بونلرك اعدالزي امام اسمعيلك
 محمد نام براوغلى اولديفن ييلوب اما شخصى معلوملري اولوب مجرد سوء قصد اعدا دن
 صيانت قصد ايله بونلرك اتباعى دخى خصم اسنك بلدكاري محمد اسمنى مکتومه تبديله اتفاق
 ايتشلرايدى بعد زمان عبيد بن قيروان وقا هر ده خروج و ظهور ايدوب بر تو اقباللري
 آفاق و اقطار ده لعان ايتدكده آل عباسك اعوان و انصارى بونلرك نسنه دخل و طعنه
 بونلكه توسل ايدوب امام اسمعيلك ولدى محمد اسميله موسوم و بونلرك جدى مکتوم
 اسميله مسمى بر شخص مجهولدر ديو اهل بيته انتسابلرين رد ايتديلر و بوراى ضعيف ايله
 خلفاى عباسيه په ارکان دولتي مدهانه ايدوب ممالك عباسيه دن ديارشام و مصر و حجازه
 مستولى اولوب عبيد بن اعوانسندن اولان بنى كمامه ايله محاربه په قادر اوليسان امرای بنى
 عباس انجق عبيد بنك اهل بيت نبوته انتسابلرين و شرافت و سيادتلرين نفي و رد ايله
 نفسلرندن و خليفه لرندن بونلرك مقاومتدن عجز و تقصيرلرين دفعه و سيله ايدوب خاطرلرين
 تسلى ايتديلر حتى خلفاى عباسيه دن قادر بالله زماننده دار المللك بغدادده قضاه
 عقد مجلس ايدوب بونلر اسمعيل بن امام جعفر اولادندن اولدقلرين نفي و اهل بيت نبوت
 سلسله سندن اولدقلرين تسجيل ايتديلر و مشاهير اعلام رجالدن بر جاعت بوماده په
 قضاه حضورنده شهادت ايدوب اعيان امتدن شريف رضا و قرنداشي مرتضا و ابن
 بطحاوى و هلمادن ابو حامد اسفراني و امام قدورى و شيخ ضيبرى و ابن اكفاني و ابوردي
 و فقيه شيعه ابو عبدالله بن نعمان و بونلرك امثالى مشاهير امتدن نيجه كسنه لر بونلرك
 نسبى غيره حل و اسناد و اهل بيته انتسابلرين رد ايتديلر و بوماده در تيو زاىكي تاريخنده
 قادر بالله ايامنده شهر بغداد ده بر يوم مشهود و مشهورده واقع اولدى و بونلرك
 بو خصوصه شهادتلى مجرد سما عله اولوب بين الناس بغداد ده شهرت و شيوعه مبنى
 و آل عباس رضالرين رعايته مبنى ايدى و بوماده په شهادت ايدنلرك اكثرى بونلرك نسنه
 دخل ايدن بنى عباس اتباعى اولوب مورخين دخى اشتدكاري كپى روايت و حفظ
 اتدكاري وجه اوزره حكايه ايتديلر لكن حق و صواب بونك خلافيدر و عباسيه دن
 معتضد خليفه عبيد الله مهديك اخذ و حبسى ايچون قيروان و البسى ابن اغلبه

و یروب جناب حقک عقاب و عذابندن خلاص ایتمز خلاصه نه مذهب باطل خساست
نسبی موجب ونه شرافت نسب صا حبنک مذهب حق اوزره اولسنی اقتضا ایدر
ز برا حضرت نوح علیه الصلاة والسلام کنعان نامنده براوغلی وارایدی کافر اولغله
سار کفار ایله طوفانده غرق اولدی مع هذا جناب رب العالمین جل شانہ حضرت نری
حضرت نوحک اهل و عیالی سفینه به جل ایله امر و غرقدن انجا ایله و عدیور مغله
حضرت نوح علیه السلام دخی کنعانه سفینه به رکوب ایله امر ایتمشیدی مزبور
امناع ایدوب سفینه به کرمکله حضرت نوح علیه السلام طوفانده غرق خوفنه
دوشوب وعد سابق الهی به بناء جناب حقنه مناجات ایدوب کنعانک نجاتی و خلاص
اولدیغی صورتده حکمتی استفسار ایلدکه جناب حق جل و علا حضرت نری حضرت
نوح علیه السلامه نه وجهله خطاب عزت بیورلیدیغی حبیب اکرم علیه الصلاة
و السلامه بیان ایدوب بیوررلرکه * قال یا نوح انه لبس من اهلك انه عمل غیر صالح
فلا تستلن ماليس لك به علم * معنای نظم شریف والله اعلم اولدرکه حضرت
رب العالمین بیوردیلرکه یا نوح اوغلاک کنعان سنک اهلکدن دکلد زبرا مؤمن ایله
کافر اراسنده ولایت منقطعدر یا خود غرقدن نجاتلرینه وعد کرم الهی سبق ایدن
اهلکدن دکلد زبرا کنعان عمل فاسد و کفر کاسد ایله متصفدر پس ابدی یا نوح سن بنم
درگاه عزتمدن اول نسنه بی سؤال و طلب ایتمه که سنک ایچون اول شبنه هم اولبه یعنی
طلب ایتدیکنک نسنه صوابمیدر خطامیدر معلومک اولبه زبرا حضرت رب العالمین
حضرت نوحک اهل و عیالی انجا و تخلیصه وعد بیور دقده اوغلی کنعان ایله خاتونی
کفر اوزره مصر اولملریله استثنا بیورمش ایدی مقتضای بشریت اوزره غلبه محبت
ولد حضرت نوحی مشغول ایتکله حقیقت حال کندویه مشنبه اولدیغنه بناء نجاتی
طلب ایتمشیدی والله اعلم بحقیقه الحال * بوندن مستفاد اولدیکه حضرت نوح علیه السلامک
نبوت و کنعانه ابوق اوغلاک کفرنه مانع اولیوب و عذاب غرقدن خلاصه وسیله
اولدی و کذلک حضرت رسول الله صلی الله تعالی علیه وسلم کریمه مکرمه لری حضرت
فاطمه زهرا رضی الله تعالی عنها به برکون و عطف و نصیحت طریقله بیور دیلرکه (یا فاطمه
اعلی فلن اغنی عنک من الله شئنا) معنای حدیث شریف اولدرکه یا فاطمه اعمال
صالحه به سعی ایله زبرا بن بر طریقله الله تعالی نک رحمت و کرمی یا طاعتی یرینه
سکاکت قایت ایتمز یا خود عمل ایتدیکنک صورتده جناب حقک عذابندن
بر عذابی سندن دفع ایدم دیمکدر بو حدیث شریفدن شرف نسب حضرت
رسول عالیحساب دخی زهد و صلاحی موجب و ذنب و عصیانه مانع اولدیغی معلوم
اولغله خلفای عبیدین حقنده دخی تمت رفض ثابت اولدیغی تقدیرجه نفی نسبی
اقتضا ایتدیکی متعین اولور هر اول کسه که بر شبنک حقیقته واقف اولوب
یقین حاصل ایلبه آکه لایق اولان ییلدیکنی کتم ایتوب حق اظهار ایلکدر زبرا
حضرت رب العالمین جل شانہ حق بیان ایدوب وسبیل صدق و صوابه قوللرنی هدایت ایلر

طائفه سنك حالته نظر و اعتبار اولنسونكه دهواسى كاذب و ادعاسى باطل اولمغه مدت
 قلیله ده دعواى متلاشى و اتباع و اعوانى متفرق و پریشان اولوب سریره مکر و کیدلری
 بیلنوب سوء عاقبت ایله ارتکاب ایندکلی افعال شنیعه تک جزاسنی بولدیلرا کر خلفای
 عبیدینک احوالی دخی بویله اولیدی ولو بعد مهله معروف اولوب مدت قلیله ده
 مضمحل و پریشان اولور زدی ننه کیم شعرای هر بدن زهیرک بیت مشهوری بومعنایه
 دلالت ایدر

* فهمتا کن عند امر من خلیقه * وان حالها تخفی علی الناس تعلم *

مأل بیت هر اول کسه که خصال حیده و ذمیبه دن برخصلت ایله متصف اولوب طبیعتی
 انک اوزرینه مجبول اوله اگر حال و شانی برمدت خلقه خفی اولور سه ده عاقبت ناس
 ا کا واقف اولوب مطلع اولور دیمکدر بوندن مقصود عبیدین حقهنده زعم اولنان اهل
 بیته انتساب دعواسی خلاف واقع اولیدی بای حال کان ظاهر اولور دی دیواسنشهاددر
 و بونلرک دولتی ایکوزیمش سنه مقداری زمان علی التوالی متمد اولوب جدانبیا ابراهیم
 خلیل علیه الصلاة والسلام مقام ومصلاسنه و موطن رسول ومدفن مقدسنه موقف
 حجاج ومهبط ملائکه یه یعنی مکة مکرمه ومدینه منوره حکومتلری روتق بولوب
 دولتلری انقراضی وقتنه دک بویله جه متمد اولدی و ابتدای ظهور لرندن انتهای سلطنتلری
 وقتنه دک جمله اتباع و اشباعی بونلره میل و محبت و اطاعت و تقیاد ده پابرجای قرار
 اولوب و امام اسمعیل بن جعفر صادق حضرتلری نسلندن اولد قلیینه اعتقاد ده ثابت
 و مستقر ایدیلر و بونلرک دولت و سلطنتلری زائل و نام و نشانلری محو و مضمحل
 اولدقدنصکره دخی بنه بونلرک خانداننه محب اولان اعوان و انصار ی نیجه دفعه
 خروج و مجمع ایدوب آل عبیدک اولاد و احفادندن موجود اولان صیبرک ناملریله خلقی
 یعتلرینه دعوت ایلوب و آبا و اجداد لرندن سلفلری ائمه تک وصیتلریله تعیین امامت
 و خلافتنه استحقاق قلیرنی زعم ایدیلرا کر نسلبرنده شک و ارتیاب ایده زدی بونلره معاونت
 و مظاهر ت ایله کندیلرین و رطه هلا که القا ایدوب بوللرنده باش و جانلرین فدا ایتمز زدی
 زیرا بر ذاتک امامت و خلافتنه خلقی داعی و بردولتک احداث و اقامتنه سعی اولان
 طائفه دعوت ایندکلی ذاتک امرنده اشنباه ایدوب علی رؤس الاشهاد ابراز و اظهار
 ایده جکی خصوصده و بیعتنه داعی اولدقلری شخصک احوالنده لسانلری قلیلرینه
 موافق اولماز * لکن مجبرکه بکار اهل سنت و جماعتدن شیخ المتکلمین عالم
 ربانی قاضی ابی بکر باقلانی حضرتلری خلفای عبیدینک نسللری حقنده زعم اولنان
 مقاله ضعیفه یه میل ایدوب سیادت و شرافتلرینه دخل ایلدی اگر قاضی ابی بکرک بونلرک
 نسب و سیادتلرینه دخل و تعرضی بونلر فساد اعتقاد ایله معروف و رفض و الحاد ایله
 موصوف اولدقلرینه منبى ایسه اولا رافضیت نسب و سیادته مانع اولوب و بونلره اقتدا
 ایدنلر دخی شیعی المذهب اولمغه یعتلرینه خلل و یرمز و کذلک عبیدینک اهل بیته
 انتساب و سیادت و شرافتلری اثبات کندیلرینک بولندیغی مذهب باطلده بونلره قائده

شرفده بولنوب عباسیه نك كندیلره سوء قصدندن خوف ایتمزله تجار زینه کروب
 بلاد شرفدن محل خلافتلری اولان دیار غربه رحلت و جانب مصره عزیمت ایدوب
 اسکندریه به وصول و ولوج و هیئت تجار ایله اندن دخی خروج ایتدکلری خبری خلفای
 عباسیه طرفندن مصر و اسکندر به والبسی اولان عباسی نوشیزی به بالغ اولدوقده بونلری
 اخذه وافر سواری تعیین ایدوب کوندردی نوشیزینک کوندردیکی آدملر بونلره بئشدیلر
 لکن هیئت و قیافتلری متغیر اولمغله بونلری تشخیص و اخذ ایله میوب امن و سلامت ایله
 مغربه واصل اولدیلر بعده خلفای عباسیه دن معتضد قیر و انده افریقیه امراسی اولان
 بنی اغلبه و كذلك بلاد غریبه سبجلماسه امراسی بنی مدراره فرمان کوندروب مهدینک
 و اوغلی ابی القاسمک یوللرین باغلوب جاسوسلر تعیین ایدوب اخذ ایتک اوزره امر ایلدکده
 حسب الامثال قبیله بنی مدراردن سبجلماسه و البسی البسع بونلری نجسسه آدملر تعیین
 ایدوب بعده البسع ساکن اولدیغی بلده ده مهدی ایله ابوالقاسم بر محله بولنوب البسعه
 کورتور دکرنده تحصیل رضای خلیفه ایچون مهدی بنی و اوغلی ابوالقاسمی حبس
 ایلدی بو احوال دولت هیدینک قیر و انده بنی اغلب امراسنه استیلا لرندن مقدمجه اولمش
 ایدی بعد ذلک ابو عبیدالله شبعی و ساطی ایله عبیدالله مهدینک اتباع و اعوانی کلوب
 البسعی قهر و مهدی بنی حبسندن اطلاق ایتدکلرندن صکره مهدی قیر و انده سریر خلافته
 جلوس ایلوب البسعی قتل ایلدیکی کتب توار یخده مسطور در کتدیکه مهدینک
 و اوغلی ابی القاسمک و سائر سلاله علیه لرندن ظهور ایدن خلفای عبیدینک شوکت
 و سطوتلری غالب اولوب ایتدا افریقیه و بلاد غریبه بعده یمنده بعده اسکندر به ده
 صکره ممالک مصر و شام و حجاز ده دعوتلری ظهور ایدوب صبت و صداری آفاق
 و اقطاره منتشر و مشتهر اولدی و خلفای عباسیه به مزاجسه ایدوب ضبط لرنده اولان
 ممالکی بولشوب مناصفه اوزره مقاسمه ایدشدیلر آرقالدیکه خلفای بنی عباسک مقر
 خلافتلری اولان بغداد و کوفه به دخی هجوم ایله لرندن الوب امر لرینه غالب اولر
 حتی خلفای عباسیه دولته تغلب ایدن ملوک دیالده دن بهاء الدوله بن عضد الدوله نك
 فی الاصل عبید و ممالیکندن اولوب صکره امراسلککنه منسلک اولان امیر ارسلان بساسیری
 بنی عباس طرفندن منصوب امرای عجم ایله بینلرند جاری محاصمه و محاربه به بناء اعداسنه
 رغما لشکر انبوه ایله بغداد کلوب خلفای عبیدیندن خلیفه مصر مستنصر علوی نك بغداد
 و عراق ده دعوتی اظهار ایدوب منابر جوامعه برسنه کماله مستنصر مزبورک نامنه خطبه
 اوقوندی و بونلرک اعتلای شان و علو مکانلری سببیه خلفای عباسیه نك دولتلری
 منززل و درجه لری منخط اولسدن زائل اولوب و ورای بجرده اندلس ملوک بنی امیه
 بونلرک محاصمه و محاربه سی خوفیه یاو بلاه دیوندا ایدرلری ایدی بو ذکر اولنان احوال
 و عظم آثار نسبی مشبه دعواسی کاذب کسنه حفته نیجه تصور اولنورکه مدت مدیده بلاد
 معموره و ممالک مشهوره ده دعوی خلافت ایدوب بنی عباس ایله مقاومت ایلر و کتب
 توار یخده تفصیل اولدیغی اوزره عباسیه وقتنده سواد کوفه ده خروج ایدن فرامطه

میل و رغبت ایله اربوب ❁ ذکر العیش نصف العیش ❁ فوا سنجہ مذا کره سندن ممنون
 و محظوظ اولورلر اکر اسلاف کرامک غیري احوالی تتبع واقفدا ایدوب وانلردن
 صدوری مشهور و حال و شانلرینه لایق صفات کمال و محاسن اخلاق جلیله رینه تقلید
 واقفایه سعی اتسه لر کندیلره خیرلوی ایدی بیلسه لر بویله ایدر لر دی حتی برکون
 انشاء ملوک عصر مزدن بعض امرای تعلم غنا و وطنبور و کان کبی سازلر چالغنه مشغول
 کوروب نصیحت بوزندن بوایش سزک علوشان ورتبه جاهکوزه لایق دکلدن
 دیدم اول امیردخی جواب اولق اوزره بکا خطاب ایدوب افندی خلفای عباسیه دن
 محمد مهدینک اوغلی و رشیدک قرنداشی ابراهیمی بیلز مسک که عصرنده صنعت موسیقی ده
 استاد اولوب زماننده اولان مغنیلرک رئیس ایدی دیدی بندخی تعجب برله یاسهمان الله
 دیوب چونکه اسلافک حال و شانسه رعایت و اتباعه سعی و همت ایدرسن ابراهیمک
 باباسی مهدی به و قرنداشی هارون رشیده نیچون اقتدا ایتمسک و بیلز مسککه ابراهیم
 رسوم خلافتی ترک ایدوب صنعت تغنی به مشغول اولغله منصب خلافتدن کروالیدی
 دیدیکنده نصیحتمی قبول ایتموب بدن اعراض ایلدی ❁ و دخی اخبار و اهیه دندرا
 اول حکایه که اکا سادات علویه دن و خلفای فاطمیندن عبیدین دیمکله معروف اولوب
 قبروان و قاهره به مالک اولان خلفا حقنده مورخیندن چوق کسنه ذاهب اولوب
 ذکر اولنان خلفانک سلسله نسبلرینی اهل بیتدن قطع وجد اجداری ائمه اثنا عشر دن
 امام جعفر صادق حضر تلرینک اوغلی اسمعیل نسبدن اولدق لرینی رد وانکار ایلدیلر
 بو حکایه تک اصلی بویله در که عهد خلافت عباسیه ده ابو عبدالله شعی محاسب نام
 کسنه بلاد مغربده بنی کاهمه قبیله سی و سائر انصار اهل بیت امانتله ذکر اولنان اسمعیل
 بن امام جعفر صادق اولادندن عبیدالله مهدینک خلافت و اطاعتنه خلقی دعوت وانلر
 دخی اجابت ایدوب کتب تاریخده تفصیل اولندیغی اوزره عبیدالله مهدی و اولادی
 ایکوز یتمش سنه مقداری زمان اول وقتلرده کرسی مملکت افریقیه اولان قبروان ایله
 محروسه قاهره ده مسند نشین خلافت اولدیلر و بوماده ده عامه مورخین عبیدین ایله
 مقاومت قادر اولیان ضعیفای خلفای عباسیه اتباعنک مغرباته و عبیدینک نسبلرینه
 دخل و طعن ایله خلیفه لرینه تقرب و مداهنه ایچون اختراع ابتد کلمی اقوال کاذبه به
 اعتماد ایلدیلر نه کیم کتابم زده بونلرک اخباری ضمیمه اول کا ذیب مخترعه تک بعضی
 انشاء الرحمن کله جکدر حال بو که مورخین زعملرینک خلافتی و ظنلرینک بطلاقی
 اقتضا ایدر نیجه ادله قویه قاطعه و شواهدینه واقعه به تفتندن غافل اولدیلر زیرا
 مورخین دولت عبیدینک ابتدای ظهور و کیفیت خروجی بیساننده بونک اوزرینه
 اجماع و اتفاق ایلدیلر که بونلرک صاحب دعوتی اولان ابو عبدالله شعی محاسب دیار
 مغربده بنی کاهمه قبیله سنه واروب ابتدا اهل بیتدن عبیدالله مهدینک اقرار بندن سید
 رضانک اطاعتنه خلقی دعوت ایدوب بو ائاده رضا فوت اولغله برینه عبیدالله مهدینک
 یخته داعی اولدیغی خبری اطرافه منتشر اولدقده مهدی و اوغلی ابی القاسم دیار

بسرایک سطوحندن زمینہ مائل وحرر وابر سیمدن مصنوع ومقتول حبال مشدودہ ایله
 آویخته برزنبیل کوروب کندیلہ ییلہ اولان خدام واتباعنی اول محلدہ توقیف وکندی
 زنبیلک ایچنه کوروب اوتوردقدنصکرہ زنبیلک ایلرنی تحریک ایلدی زنبیلک حرکتی
 اول سرایک سطوحندہ منتظر اولان کسهلر حس ایلدکلرندہ زنبیلی چکوب مأمون بالای
 سرایہ صاعد وواصل وبقصر معلا ویزم دلارایہ داخل اولدیکه لطف منظری وزیب
 وزینتی وصفدن مستغنی اولوب بساط مغر و شه سنک نظامی و اوائی مطبوعه سنک
 انتظامی چشم تماشایی حیران وعقل انسانی واله و پریشان ایدر بو اثنایده شکاف
 سرا پرده حجابدن برمهپاره عالم آرا و برباتوی تابنده روی ملک سپه مانند بدر منیر
 ظاهر اولوب تابش حسن و آتی دائره بزمی تنور و مشاهده نور جالی دیدہ مأمونی قریر
 ایلدی اول دختر طننا ز هزار شیوه و ناز ایله عبس ونوش ایچون مهیا اولان خوان هشتره
 مأمونی دعوت ایدوب اول لیلہ قرادہ ظهور تابشیر صبه دك مناوله نقل ونوش صهبا
 ایدرک همحال و امق و عذرا اولدیله بعدہ مأمون ینه چیقدیغی زنبیل ایله اشاعی اینوب
 موقف انتظارده مترصد اولان اتباعبله سراینه رجوع ایلدی لکن مأمون سرکرمی
 هوای عشق و غلبه مهر و محبت ایله صبر و آرام ایله میوب ایرته سی بورانک باباسی حسن بن
 سهیلی دعوت و بورانی کندویه عقد و تزویج ایتمک اوزره امر ایلد کده حسن بن سهیل
 دخی فرماننه اطاعت واجابت ایلوب مراسم اختطابه رعایت ودعوت عامه ایله خلقه
 رضیافت عظیمه اولندیغی مشهور و معروف در نقل مذکور بو محلدہ تمام اولدی
 * لکن بو حکایه ده ذکر اولنان امور مأمونک حال و شانندن دور اولوب کتب توارینخده
 تفصیل اولندیغی اوزره دین و علم و فضلا ایله مناظره و مباحثه ده واقامت صلوات و مداومت
 عبادتده و احکام شرعیه ده حدود الهی محافظه ده سعی مشکوری معروف و مشهور
 اولغله علی الدوام ادمان شرب مدام ایدن فساق و فجار عدادنه ملحق اولوب هشاق
 اعراب کبی خلال لیلیده دور اسواق و ابواب و معاشرت نسوان حسان ایچون زنبیل ایله
 منازلہ دخولی ارتکاب ایتمک بر وجهله صحیح اولماز و کذلک حسن بن سهیل کبی بروزیرک
 دختر سعد اختری بورانک دخی شرف شان عفت نشان و علوم منزلتده و باباسنک
 حرم سرای عصمتده اولان صون و عفافه دخی ملایم و مناسب اولماز لکن بو مقوله
 حکایاتک امثالی کتب توارینخده کثیر و معروف اولوب بطون صحایف اوراق بونلرله
 مشهور اولشدر وضع و تحدیثنه باعث اولدرکه لذات محرمة و مشتهیات انفسه انهماک
 ایدوب هتک پرده مرؤت ایدن اصحاب هوا و هوس اجرای شهوات نفسانیه لینه توغل
 و نیجه یکی بلتور نو هوسلری دخی کندوله تشریکه توسل ایچون بو مقوله حکایه لری
 پیدا و نقل و روایت ایدوب دخل ایدلرله سلفده کبار دولت و اعیان امتدن دخی امثالی
 صدور ایتمشدر دیونعلله آلت ایتمشدر بوندن اوتوری چوق کره کورلشدرکه اصحاب
 هوا و هوسدن نیجه کسنه ل اوراق کتب حکایاتی تبع ایدوب بو مقوله اخبار و حکایاتی

یحیی بن اکثم او یاغسون دیو یاب یاب فراشدن قلقوب و بالنفس کوزه ما وضع اولسان
 محلی بولوب تشنه لکنی دفع ایلدی و مأمون و ابن اکثم هر زمان صلاه صبحی معاجاعت
 ایله ادا ایدر لردی بو حالت ایسه ادمان خیره ملام اولدیغی ظاهر در و ابن اکثم
 اصحاب حدیث و کبار محدثیندن اولوب امام اجل احمد بن حنبل و اسمعیل قاضی
 حضرت نوری حقه، ثنا ایلدیلر و ابن اکثم دن امام ترمذی حضرت نوری حدیث تخریج
 ایدوب و کذلک امام بخاری دخی جامع صحیحک غیری تألیف لرنده حدیث روایت
 ایلدیکنی حافظ مزنی نقل ایلدی ابن اکثمک حالنه دخل و طعن کنیدیکن حدیث
 روایت ایدن اجله اعلام و کبار محدثینه قدح و تشنیعه راجع اولور زیرا اسناد حدیثه
 راویلرک عدالتی اقدم شروط اولغله بخاری و ترمذی کی حفاظ حدیث ابن اکثم دن
 تخریج حدیث ایلدی حسن حالنه شاهدین عادلین اولور و کذلک اهل هوا و هوسدن
 نیجه کسنه لربن اکثمی میل غلمان و محبت شبانه اتهام و محبوب دوستلر زمره سینه ادخال ایدوب
 علمای عاملین و فضلالی کاملین حقه بهتان و افتزایه اجترأ و افسانه کویلر و مداحلر
 السنه سنده جاری و ابن اکثمک اعداسنک مخترعات و مفتزیاتی اولان اخبار و اهویه به اعتماد و اسناد
 ایلدیلر زیرا ابن اکثم فضل و کالنده و مأمونه تقرب ایله عز و اقبالنده محسودانای عصر و زمان
 و حقه منافسه و مناقشه به شایان اولوب مکاید حساد ایله بومقوله قیل و قال زبان کذار
 اعدای پریشان مقال اولقی اغلب احتمالدر والا ابن اکثمک علم و دینده رتبه سی بومقوله
 تمهتدن برات ذمته دلیل اولوب حتی امام احمد بن حنبله ابن اکثم حقه ناسک سوء ظنی
 نقل اولند قده تعجب کنان سبحان الله سبحان الله دیوب بومقوله سوزی کیم سویلر دیوانسکار
 ایلدی وینه برکون اسمعیل قاضی نک ابن اکثم حقه نفوه اولنان کلیات حضورنده
 ذکر اولند قده انسکار شدید ایله انسکار ایدوب معاذ الله بونک مثلی عالم عامل و فاضل کاملک
 عدالتی حسا دبداندیشلرک کذب و دروغبله زائل اولما زدیورد ایلدی و دخی اسمعیل قاضی
 دیدیکه یحیی ابن اکثم ناسک رمی و اسناد ایتد کلری میل غلماندن کند پده برشی اولوب
 هر حالده جناب حقه ملتجی برذاتدر دیدی و بن انک محرم اسراری اولوب تنهاجه کند یله
 کوریشوب صحبت ایدرم جناب حقهک سخط و غضبندن زیاده خوف و خشیت
 اوزره بولورم لکن لطیفه و مزاحه مائل اولوب حسن خلق صاحبی اولغله خلق ظاهر
 حالنه نظر ایدوب حقه کفت و کوا ایتدیلر دیدی و ابن حیان ابن اکثمی روایت حدیثه
 علم و عدالتنه وثوق و اعتماد اولنان رجال حدیث عدادنده ذکر ایلوب دیدیکه ابن اکثم
 حقه نقل و اسناد اولنان اقوال قبیه به اعتماد اولنماقی کر کدر زیرا اکثری حلیه
 صحتدن عاریدر دیدی * و دخی سبق ایدن حکایات و اهیه امثالندندر اول حکایه که آنی
 عقد الفرید نام کتابک مؤلفی ابو عمر احمد بن هبدر به نقل و انبیا و بوکونه کتب و املا
 ایلدیکه مأمون خلیفه وزیر اعظمی حسن بن سهلک قرزی بورانی عقد و تزوج ایدوب
 نیجه کونلر ترتیب سور پر سرور اولدیغی معروف و مشهور در بونک اصلی بویله روایت
 اولدیکه مأمون بر کیمه بعض خواص اتباعیله شهر بغداد ایچنده تبدیل جامه کذرکن

حفلرنده سوء ظن اولمق مستبعددر و ائمه تار بخدن طبری و مسعودی و غیر یلری همدست
 وفاق اولوب بونک اوزرینه اتفاق ایتدیلمکه ملوک بنی امیه و خلفای عباسیه سپدن مصنوع
 خفیف رخت و بساطله رکوب ایدوب نطق و سیوف جام و سر و جلارنده متوسط الحال ایدیلر
 وابتدا بنی عباسدن حلیه ذهب ایله رکوب احداث ایدن معتز بن متوکل در که
 رشیددن صکره خلفانک نامیدر ملبوسا نلرنده دخی حال و شانا نلری حشمت و شهرتدن
 خالی ایدی مشار بلرنده دخی بویله جه اعتقاد اولنوب حسن ظن اولمق اقتضا ایدر
 خلفای سالغه عباسیه نک و رشیدک ملابس و مراه کبلرنده و ماکل و مشار بلرنده و سائر
 احوالرنده اعتدال اوزره اولدقلری ذکر ایتدیلمکز و جوهدن اتم واکل وجه ایله اول وقتده
 ظاهر اولور که انشاء الرحمن کتاب اولک مسائله شرح و بیانی تصمیم اولند بیغی اوزره
 هر دولت و سلطنتک مبادی حالرنده طبیعتی و هر خصوصده قدر حاجت ایله اکتفا ایدوب
 بذل و اسرافدن احتراز و اتقایه مجبول اولدیغی فهم اولند قدده مدعامن کرکی کبی ظاهر
 اولور * و دخی رشید ایله جعفر حقهنده ذکر اولسان خبره واکه قریب احادیث
 واهیه به مناسب اولان اخبار دندر که آنی مورخین مشاهیر فضلالی کرامدن مأمون خلیفه نک
 قاضی القضااتی و مصاحب ستوده صفاتی اولان بحیب بن اکتیم حقهنده نقل و روایت
 ایدوب دیر لکه مأمون خلیفه اکثر اوقاتده ابن اکتیم ایله طرح انجمن عیش و صفا
 و مناو له جام صهبا ایدوب مطربان خوش الحان و ساقیان سپنبرانه ذوق و صحبت
 ایدر لیدی حتی برکیجهینه ابن اکتیم مجلس خلیفه ده نوش مدام کفام ایله سرگرم نشاط
 اولوب و ساقی سپین ساقی دخی قدر معتساد دن زیاده جه جام پیانی ایله ابن اکتیمی مست
 و سرانداز ایلوب غلبه سکر ایله کندیدن کچد کده مأمون خلیفه ابن اکتیمک اوزرینه
 فلسکن دیدکلری شکوفه ریحان القا ادر و بوتای عرب کبی ازهار ایچنه دفن ایدیلر
 بعد زمان غائله سکر بر طرف اولوب افاقت بولد قدده مکر ساقی دلفریب ایله مبتلا اولدیغی
 حال و شانندن اعتداری منضمین بوا یکی بیغی انشاد ایلدی دیونقل ایتدیلم اول ایکی بیت بونلردر
 * یاسیدی و امیر الناس کلهم * * قد جار فی حکمه من کان یسقی *
 * انی غفلت عن الساقی فصیرتی * * کما ترانی سلب العقل والبدن *

معنای بیت ابن اکتیم مأمونه جور ساقیدن شکایت ایله خطاب ایدوب دیدیکه بنم افندم
 ولی نعمتم وای جمله ناسک سلطان عالیشان ساقی غدار حکمنده نهمج معتادی و حداعتدالی
 تجاوز ایدوب بکاجور و غدر ایلدی و بن دخی ساقی طننازک حسن جالنه ر بوده اولوب مکر
 و آندن غافل اولغله مشاهده میورد بیغی کبی عقل و دینی سلب ایلدی دیمکدر بو حکایه مأمون ایله
 ابن اکتیمک حال و شاننه بروجهله مناسب دکلدر زبر بونلرک کیفیتی رشیدک احوالی کبی اولوب
 و تناول ایتدکلری شربت دخی انجق نبید تمر ایدی و آل عباس یا نلرنده شربی دخی حرام دکل
 ایدی و ابن اکتیمک مأمونه مقارنتی انجق دینده خلت ولله محبت ایدی و ثابت اولمشدر که
 ابن اکتیم مأمون ایله معابر بیتده بیتوت ایدوب حتی مأمونک کرم خلق و حسن معاشرتی
 و عیایه محبتی سببیه برکیجه خوابدن بیدار اولوب و کندویه تشنه لک عارض اولغله

وهر بر قطعه سنی بر چنانچه وضع و ترتیب ایلد کدن صکره قطعه اولی بی اطعمه مطبوخه بی
 لذت ویره جک بعض اجزا ایله تریه ایدوب قطعه ثانیه نك اوزرینه قارلو و بوزلو
 صودوکوب قطعه ثالثه بی خالص شراب ایله مزج ایلسدی و قطعه اولی و ثانیه ایچون
 نونرا میر المؤمنینک طعامیدر دیلر له سه بالغی بعض اجزا ایله تریه ایدوب و مراد ایدر له سه
 ساده جه پشوردوب تناول یورسونلر دیدی و اوزرینه شراب صب ابتدیکی قطعه ایچون
 اشته بو این بختیشوع طبیبک طعامیدر دیوب اوچ لنگر بالغی خلیفه به کونوردیوب
 چاشنیکیره دفع ایلسدی تباشیر صبح بیدار ورشید خوابدن بیدار اولوب طبیبی تو بیخ
 وازار و بوکستا خلغی مقابله سنده تأدیب ایچون احضار ایلدکده طبیب مزبور چاشنیکیردن
 اوچ لنگری الوب حضور رشیده عرض ایلسدی ابتدا کسند و طعامی اولوق اوزره
 تعیین ایدوب خیر ایله مزوج اولان قطعه سمکه نظر ایدیلر کوردیلر که اجزای سمک
 بر برندن آیریلوب و خیر ایله برکونه امتزاج و اختلاط ایلیشکه اعتدال قوام ایله لعل مذا به
 دوغش بعده اجزا وادویه ایله مخلوط و مزوج و ماء بارد ایله آمیخته اولان ایکی قطعه
 باقیه به دخی نظر ایدیلر لون و طعمی فاسد و رایحه سی متغیر اولمش بولدیله خلیفه بلدیکه
 طبیبک مقصودی بالغی رشیددن منع و تحذیر ایله کندی تناول ایتمک ایچون منزله کوندرمش
 بلکه رشید شرب خردن مجتنب اولغله بالغی یاساده جه طبخ ایدروب اوزرینه ماء بارد
 شرب ایدر یا خود تریسه لو بعض اجزا ایله پشردوب تناول ایدر بو ایکی صورته دخی
 معده ده هضمی جید اولوب تعفن و فسادنی تمییل و تحقیق قصد یله بو وضعی
 ترتیب ایتدیکنه واقف اولدقده عذرنی قبول وجهه ده توصیه سنی تصدیق ایدوب حظ
 ایلسدی بو حکایه دن دخی رشیدک خردن اجتناب و اتقاسی ثابت اولوب و خواص
 ندماسی قنده معلوم و معروف اولدینی متین اولدی * و دخی مرویدر که رشیدک خواص
 وندماسندن و عصرینک شعرا سندن ابی نواس نام شاعر مشهورک شرب خرده
 انهمای رشیدک معلومی اولدقده حبس ایتمک اوزره عهد ایدوب ابی نواس دخی خوفندن
 تویه ایلبوب عشرتدن فراغت ایلسدی انجق رشید اهل عراق مذهبی اوزره شربی
 تجویز اولان نینذمر دیدکری شربی نوش ایدردی نینذمر اول شربدر که خرما بی صوده
 اصلدوب بعده طبخ ایدر امام اعظم و امام ابی یوسف حضرتلری قنده بو نك شربی
 مادامکه سکر مرتبه سنه و ارمیه و لهو و طرب قصد یله ایچلیه تجویز اولمشدر اما خیر
 شرب یله رشیدی اتهامه و حقنده نقل اولنان اخبار واهییه به تقلیده سبیل بو قدر زیر رشید
 حد ذاتنده عامه اهل اسلام قنده حرام اولان افعال شیعیه بی ارتکاب ایدر کسنه اولوب
 و آبا و اجدادی اولان سادات رجال ملابس و مراکب و سائر تناول و استعمال ایتدکری
 نسنه لده حد اعتدالی تجاوز ایچوب تعمده حرمت اسرافدن اجتناب ایدر لردی
 زیرا هنوز عنفوان دولت و مبادی سلطنتلری وقتی اولوب قبائل عرب عادت اوزره
 خشونت اخلاق و صلابت دینیه به مرعاتدن مفارقت ایتمامشرا یکن حکم شرع شریف
 ایله حلدن حرمت و ابا حلدن حظه چیقوب استعمالی منهی اولان تهمت شرب خیر ایله

واشارت ایند کده دیدیکه یا ابا عبدالله مالک حالا وجه ارضده کتاب وسنته بنمله سندن
 اعلم کسنه باقی قالوب و بی مشاغل دولت وسلطنت تألیف وتصنیفدن منع ایتمکله
 سن بر کتاب تألیف ایله که ناس انکله دینلرنده و دنیا لرنده انتفاع ایلسونلر و بو تألیفده
 جد من حضرت ابن عباس رضی الله تعالی عنهما تک احکام الهیه و امور شرعیه ده رخصت
 و وسعتلریدن و زمرة صحابه کرامدن حضرت ابن عمر رضی الله تعالی عنهما تک شدت و زهد
 و تقواده تصبلریدن اجتناب ایدوب افراط و تفریط جانلرنده متوسط و معتدل تسویه
 و توطئه طریق اوزره ناس ایچون بر کتاب ترتیب ایله دیدکده امام مالک حضرت نبری دخی
 والله العظیم خلیفه بوکون بکا تصنیفی تعلیم ایلدی دیوب کتاب مشهوری تألیف و موطأ
 اسمیه تسمیه ایلدی و ابو جعفر منصور ک اوغلی محمد مهدیکه رشید ک باباسیدر منصور ک
 حیاتنده مبلغ سن رشد و کماله بالغ اولوب منصور ک اوضاع و اطوارنی و مصرف اموالده نبذیر
 و تقیزدن احترازی مشاهده ایدردی بر کون مهدی باباسی منصور ک زمان خلافتنده
 زیارتنه واروب کوردیکه منصور کندی بنفسه مجلسنده خیاطلره عیالک کهنه لباسلرین
 یمالدوب انلرایله مشغول ایدی مهدی بوایشدن حظ ایتموب باباسی منصوره دیدیکه
 یا امیر المؤمنین عیالک بوسنه لک کسوه سی بنم اوزر مه اولسون واقچه سی بیت المالدن
 بنم وظیفه معینه مدن و برلسون دیدکده منصور مهدی به عطیه ک سنک اولسون یا که کرکز
 دیو جواب و یروپنه اوغلی مهدینک عطیه سندن وه بیت المالدن افاق ایله عیالک کسوه سنی
 تجدید ایلدی * امدی رشیدک عهد خلافتی جدی منصور کبی بر خلیفه تک زمانته قریب
 و اول خاندان معالی نشانده نشأت ایدوب انلرک حجر تریه لرنده مربی و اخلاق حسنه لر یله
 متخلق ایکن علی الدوام شرب مدام ایله نشوان اولوب خصوصاً سکر و ادمانی اعلان
 ایتمک حال و شاننه لایق اولماز حال بو که زمان جاهلیتده دخی اشرف قبائل عربک
 اجتناب نجرده حاللری معلوم اولوب و حدیقه لرنده کروم غرس اولنوب و شرب نجر انلرک
 اکثری قتنده مذموم ایدی و رشیدک کندی و بابا لری دین و دنیا لرنه متعلق
 امور مذمومه دن اجتناب و احترازه متوسط الحال اولوب محامد سنیله و اوصاف
 حمیده ایله متخلق و زهات عرب ایله یعنی عرضلرنه خلل و یرن معیاییدن احترازا ایله
 منصفلر ایدی و بو خصوصه جبریل بن بختیشوع طیبک قصه سنده امام طبری
 و مسعودینک نقل ایتدیکی حکایه دخی دلالت ایدر شول وجهله که ابن بختیشوع اطبای
 کفره دن فن طیده فائق بر طیب حاذق اولوب صنعت طبابتده مهارتی تقریبیله رشیده
 تقرب ایتمشیدی بر کون مجلس رشیده اثنای طعامده سفره یه بالقی احضار اولنوب
 طیب مزبور دخی اول مجلسده حاضر اولغله رشیدی تناولدن احتراز و احتما ایله
 توصیه ایدوب بعده چاشنیکیره بالخی کندی منزله کونورمک اوزره خفیه اشارت ایلدی
 رشید صاحب رشد بو اشارتدن آگاه اولغله شبهه یه واروب خدامدن برینه تنبیه ایتدیکه
 طیب مزبورک خانه سنه واروب بالخی تناول ایدرمی معاینه و خبر کتورمک اوزره کرلیجه
 امر ایلدی طیب مزبور دخی صده واقف اولغله اعتذار ایچون بالخی اوچ بخش ایدوب

تعریض و توییح ایلوب
 بنم ایچون نه مانع وارد که
 بنی خلق ایدن معبود حقیقی به
 عبادت ایتم دیدیکه کنی جناب
 حضرت باری جل شانہ
 سورة بس ده رسول اکرم
 علیه الصلاة والسلام
 حضرت لرینه حکایه یوردیلر
 بو آیت کریمه ده کلمه ماء
 استفهامیه عبادتدن مانع
 بنده نه وارد دیو سوآله محمول
 اولنوب بلکه اصلا مانع
 یوقدر دیو انکاره دلالت ایدر
 شه کیم ناس ینلرنده فلان
 ایسی ایشلمکه نه مانع وارد
 دیو سوآل و استفهام صورتنده
 مکالمه اولنور ایکن حقیقت
 سوآل مراد اولنوب هیچ
 مانع یوقدر دیو انکارده مبالغه
 مراد اولنور للترجم محمد
 صاحب

وانتقامی تسلیط ایلوب آخر الامر خانمانلرین تخریب ایتدیرلر نعوذ بالله من غلبه الرجال
 وسوء الحال ❁ اماذ کراوندیغی اوزره عباسه ایله جعفر حکایه سنی تمهید و تحقیق
 ایچون رشیدک عبش وعشرته میل و محبتی و باران صهبا کیشان ایله صحبت و معاشرت
 ایتمه سی خصوصنده نقل ایتدکری کلامری مغشوش و مشوش اولوب رشیدک ساحه
 عصمتی بومقوله تممندن میرا و دامن عفتی بوکونه لوث شناعتدن معرادر کتب توارینجده
 تفصیل اولندیغی اوزره رشیدک حسن حالی و منصب خلافت لایق اولان امور دینیه و دنیویه ده
 صلاح و عدالتی و علمای دین و اهل یقین ایله صحبتنه مداومتی و زهاد و عبادتدن فضیل بن
 عیاض و ابوالعباس محمد بن سماء و عمری کبی رجال ایله محاوره سی و سفیان ایله مکاتبه ایلوب
 بونلرک نصایح و مواعظندن بکاسی و حج شریف ایلوب مکّه مکرّمه ده اثنای طوافده صدق
 و اخلاصه دعاسی و عبادات و طاعاته مواظبت و اوقات صلوة خجسی مراقبه و محافظه ایلوب
 ادای صلاّه صبح ایچون وقت اوله شهود و حضوری و بونلرک امثالی حالات سنیه سی
 تهمت شربدن براءت ذمته شهادت ایدر حتی ائمه تارینجدن محمد بن جریر طبری و غیر باری
 رشید هر کون یوز رکعت نماز قیلوب برسنه غزا و برسنه حج شریف ایدردی دیور و ابیت
 ایلدیلم ❁ و هارون رشیدک ابن ابی مریم نام بر مضمحک مقلدی و ارایدی عادت ملوک اوزره
 اوقات خالیه ده و بعض لبالبده اضحوکات عجیبه سردیله رشیدی اکلندرردی بر کون هارون
 صلوات جهریه نک برنده سوره فاتحه دنصکره سوره یس شریف آیاتی ضم و تلاوت
 ائنا سنده ❁ و مالی لا عبده الذی فطرنی ❁ آیت کریمه سنی قرائت ایلوب ابن ابی مریم
 اول مجلسده حاضر ایدی آیت کریمه ده اولان کلمه ماء استفهامیه بی کانه استفهام
 حقیقی به حل و حاشا رشیدک کلامی منزله سنه تنزیل ایلوب کویا رشید بنی خلق ایدن
 الله ذوالجلاله نیچون قوللق ایتم دیو ابن ابی مریمدن سئوال و جواب طلب ایدرجه سنه
 ابن ابی مریمه خطاب ایتمش اولغله اولدخی والله یلم نیچون قوللق ایتمسن دیو لطیفه کونه
 رشیده جواب و یریک رشید دخی اثنای صلاتده نفسی ضبطه قادر اوله میوب مضطرا
 ضحک ایلدی و ابن ابی مریمه نگاه خشم آلود ایله نظر ایلوب یا ابن ابی مریم بن ادای
 صلاّه ایدرکن دخی مسخره لقمی ایدرسن دیو زجر و عتاب ایتدکدنصکره تکرار ابن ابی
 مریمه خطاب ایلوب قرآن ایله دینده تلاعبدن اتقا و احتراز ایله ده ماعداده بلدیگک کبی
 هجنت شرعیه سی اولیان مزاحلری ایله دیدی ❁ و دخی رشیدک اسلاف کرامی و اباء و اجداد
 عظامی علم و کمال و صلابت دین ایله معروف اولوب کنه ینک وقتی دخی انلرک زمانلرینه
 قریب اولغله اولدخی سیر اسلاف و انلرک اخلاق مرضیه سیمله تخلقه رتبه علیایه
 واصل ایدی و رشید ایله جدی ابو جعفر منصورک ارا سنده چوق زمان اولوب
 منصور وفات ایتدکده رشید حد بلوغه قریب مراهق حکمنه کیرمش ایدی
 و ابو جعفر منصور حضرتلری قبل الخلافه و بعد الخلافه علم و دین و محاسن اخلاقده
 کامل عالم و عامل ذات اولوب حتی ائمه اربعه اجتهاد دن امام مالک حضرتلری
 فن حدیثده معتمد و معتبر اولان کتب سنه دن موطأ نام کتاب مستطابک تألیغنه ترغیب

مفسرین بو آیت کریمه نک
 تفسیرنده تخریر ایتدیلمرکه
 حضرت عبسی علیه السلام
 زمان نبوتلرنده انطاکیه
 اهابسنی ایمانه دهوت ایچون
 طرفلرندن اوچ رسول
 کوندره مشلر ایدی انلردخی
 تبلیغ رسالت و دین عبسی به
 انطاکیه خلقنی دعوت
 ایلدکلرنده قبول ایتیب کفر
 و عناد زنده اصرار ایلدیلمر
 ایچلرندن انجیق حبیب نجار
 کوهر کرا نمایه ایمانی قبوله
 موفق اولوب کفر و شرکده
 اصرار ایدنلره ❁ و مالی لا عبده
 الذی فطرنی ❁ کریمه سی
 مضمون شریفی اوزره

حسب الامر بر مدت یحیائی منزلتده حبس ایلدی بعد زمان یحیای علوی جعفر دن عهد و امان خلیفه یه وفا ایله عفو و اطلاقنی رجا ایدوب جعفر دخی منصب صدارتده استقلالته مغرور اولوب زعمجه دمای اهل بیت نبوته احترامنی اشعار و حکمنده سلطان نامه تغلبنی اظهار ایچون خلیفه دن اذنسز تخلیه سبیل ایدوب یحیائی اطلاق ایلدی بو خصوص رشیده غمز اولوب جعفر دن سؤال ایلدکده جعفر اول امرده جوابده ترد ایدوب بعده حقیقت حال خلیفه نک معلومی اولدیغنه تظنن ایدیچک یحیا کندیدن استعطاف و استرحام ایدوب و اطاعت و انقیاد ده ثبات قدمنه اعتمادا اطلاق ایلدم دیو جواب و پردکده رشید صورت ظاهرده تحسین ایدوب بشاشت اظهار ایلدی اما بو خصوصی نفسنده اخفا و اضمار ایدوب جعفری وقومنی مؤاخذه به مدار ایتکله مظهر قهر و دمار و باشلرینه باران بلا امطار ایدوب کندولری و دار و دیار لری خاکله یکسان ایام و احوال عجیبه لری خلفلرینه مثل سائر اولغنه شایان اولدی برکسنه برامکه نک اخبار و احوالی تأمل صادق ایله تأمل ایدوب دولت عباسیه نک و بونلرک سیرت و طریقتلرینی تتبع و استقصا ایلسه بونلرک ذلت و نکبتلری شاننده تحریر ایتدیکم خبری محقق و اسبابی موثوق و مذهب بولوب بوندن غیرنی نسنه یه اعتماد ایتمز و بو بایده فضلالی اندلسدن ابو عمر احمد بن عبدربه نام ادیب کامل بعض مؤلفا تنده رشید ایله جدیدک عمی داود بن علی نک برامکه و زوال دولتتری حقیقده وارد اولان مذاکره لری بیاننده نقل ایلدیکی کلامه وینه فاضل مزبور نک مؤلفا تندن عقده الفرید نام کتابنک باب شعر اسنده بلغای عربدن اصمعی نک رشید ایله و فضل بن یحیا ایله بعض لیا لیده محاوره لرینه متعلق ذکر ایلدیکی مقاله یه نظر اولنسه بونلرک سبب قتلی امور دولتده استقلال و خلفایه و سائره تغلبلری سببیه خلیفه وقت و سائر ارکان دولتک غیرت و منافسه لرندن غیرنی نسنه اولدیغنی یقینا معلوم اولور و کذلک رشیدک خواص مقرینندن برامکه نک عدولری رشیده اسماع و برامکه حقیقده اولان غضبنی تحریک قصصه یله مجلس خلیفه یه حاضر بعض مغنی و خواننده لره بونلرک تغلبنی و خلیفه نک عجزنی مشعر اشعار عربدن کرلیجه ایکی بیت تعلیم ایدوب و مجلس خلیفه ده اشای غنا ده ترنم ایتک اوزره دسبسه و حیللری دخی تذلیل برامکه حقیقده نقل اولسان خبری مؤید در اول ایکی بیتدرکه عینیه نقل اولندی

* لیت هند انجرتنا ما تعد * * وشفت انفسنا مما تجعد *
 * واسئبت مرة واحدة * * اتما العاجز من لایئبت *

معنای بیت هند دید کلری عورت نولیدی و عدایتدیکی شئی بزه انجاز ایدوب ایشلییدی و نائل و اصل اولدیغنی شیدن نفسلرزه شفا و یریدی و نولیدی برکده ایشنده مستقل اولوب تغلب و تسلطدن خلاص اولیدی زیرا عاجز دکدر الا اول کسه درکه ایشنده مستقل اولیه دیمکدر مجلس رشیده مغنیلر بو ایکی بیتله ترنم ایدوب اسماع ایلدکده بلی والله امرنده مستقل اولیان کسه عاجز در دیو تصدیق ایلدی اشته برامکه نک حساد و اعدازی بو مقوله حبل و دسایس ایله رشیدک غیرت کامنه و حیت باطنه سنی تحریک ایدوب اوزر لرینه غضب

و خلیفه دن زیاده تعظیم و تکریم ایدر لردی کتد کجه بونلرک شان و شهرتی عظیم
 و جاه منزلتاری جسم اولوب وجوه انام بونلرک جاننه منصرف و رقاب اعظام و اکابر
 خضوعله طرفلرینه منعطف آمال و امانی کندیلره مقصور افاصلی بلدانده اولان ملوک
 و امرانک هدایاسی بونلره محصور ابدی بونلردن ماعددا خزیننه خاصه سلطانیه ده
 حفظی معتاد اولان اموال مقاطعات میریه دخی عمال و امانا طرفلرندن تقرب و استمالت
 طریقله طوغری بونلرک خزیننه لرینه کلوب امصار و نوا حیده اولان قرا و ضباعه استیلا
 و عظمای اقارب و ارکان و کبرایه افاضه عطا ایدوب رقاب عبودیتلرینه تحصیل من
 لایحصا وفک و تخلص اسارا و خاندان اشرف و بیوت انسابدن فقیر و معدوم اولاناری
 اغنا اتملرله خواص و مقربینی حقد و حسده دو شروب و لایه اطراف زوال دولتلرین
 نمئی ایدر اولدیلر و بوتقر بدله کین خفاده و ورای حجابده وجوه منافسه و حسدی کشف
 ایدوب کلپستر ناز و نعلرینه عقارب غمز و نفاق یور یوب حقلرنده قیمل و قاله آغاز
 ایلدیلر حتی جعفر اقرار بندن بی قحطیه نک کندوبه حسد اوزره اولدقلرینی حس ایدوب
 سائر اقارب و خویشانته و یردیکی عواطف و عطایای بونلره و برامکله یینلرنده بغض
 و شقاقه بادی و غمز و نفاقه مؤدی اولوب صورتده اقرب معناده عقرب و ظاهرده خصم
 حقیقته خصم اوللرله غمز و نفاقه سائر سعادت و وشتاقی سبق ایتدیلر و بو احوال برامکه نک
 سرمستی باده غرور و نخوت ایله ارتکاب ایتدکلری صفات جرایم و ذلایه اصرار ایدوب
 کبارت مخالفت و مباينته اجتراری سببيله هارون رشیدک بونلره کانون خشم و کینی
 فوران و طوفان قهر و غضبی طغیان ایتدیکی وقته مصادف اولدی جله مخالفتلرینک
 بری سادات علویه دن یحیی بن عبد الله بن حسن بن امام حسن بن امام علی
 خصوصنده اولان حکایه مشهوره درکه یحیی از بور نفس زکیه ایله ملقب ابو جعفر
 منصورک زمان خلافتده خروج ایدن محمد مهدینک قرن داشی اولوب بلاد دیلمدن
 کیلانده خروج و یانته لشکر عظیم جمع ایتدیکی رشیدک معلومی اولیجق و زراسندن
 جعفرک قرن داشی فضل بن یحیی بغداد دن لشکر انبوه و عسکر پرشکوه ایله سردار
 نصب ایدوب یحییانک اوزرینه کوندردی فضل دخی بلاد عجمدن ری شهرینه واروب
 انده مکث و قرار و یحیی از مزبوره تطف بسیار و هزار هزار درهم و دینار بذل ایدوب
 رشید جاننه اطاعت و انقیاد ائمه سنی مشعر مر اسلات و مکاتبات تقدیمد نصکره یحییان
 عبد الله علوی دخی کندوبه رشید دن امان نامه وارد اولور سه اطاعت ایتک اوزره
 جواب تحریر ایتدیکنی فضل بن یحیی رشیده اعلام اولدخی کندی خطیله امان نامه تحریر
 ایدوب فضل بن یحیی به ارسال و فضل دخی یحیی علوی به ایصال ایلدکده بلا توقف
 اطاعت و انقیاد و فضل بن یحیی ایله همعنان مر افقت دار السلام بغدادده واروب
 رشیده بولوشوب مظهر نوازش و التفات اولدیغی تاریخ طبریده مسطور در درت بش
 آی مقداری زمان مرورد نصکره بر بهانه ایله رشید یحیی علوی به غضب ایدوب
 جعفر بن یحیی به دفع و کندی منزلده قید و بند ایله حبسنی فرمان ایلوب جعفر دخی

عالمشاندن همت و عفت زائل اولدقدنه محله ظاهر و بمقوله دختر با کبره نژادک
 دامن عرضی آلوده لوٹ نهمت اولدقدنه کچیک ذیل عصمتی طاهر اولور و عباسه
 نسب طاهر و ظاهرنی جعفر بن یحیی ایله الحام وجع ایدوب اشرف قبائل اراسنده
 محفوظ و معتبر اولان شرف نسب عریسنی عبید محمد بن برعبد ایله نیجه تدنسن
 و تلویث ایدرکه جعفرک جدابعدی برمک مجوس فرسدن و عباسه نک اجداد عالی نهادی
 اولان سادات خلفای عباسیه نک بمالیکندن اولوب و برمکک اوغلی خالد دخی اول خاندان
 عالمشانه نیجه زمان خدمت و اتما ایله همد خلافت سفاحده مسند وزارت همتلا
 ایلدیکی کتب تاریخده مرسوم و بونلر مملوک و خادم عباسه سیده و مخدومه و بین العرب
 حفظ نسب قاعده محفوظه ایکن عباسه سلاله طاهره عریبه سنی مصاهرت جعفر ایله
 مزج ایدوب ینسلرند. قرابت تحصیلک ثمره سی مجرد زوجی جعفر وقاین اتا سی یحیی
 واسطه سیله برامکه نک دولتی کندویه جذب ایدوب اولاد برامکه یی سائر عصبیات
 و اقارب آل عباسه ترجیح ایله شانلرین اهلا و منازل عز و شرفه اعتلا و ارتقارین
 روا کورمکد ر بوايه عباسه نک حال و شانته و شرف نسب و استغناسنه مناسب دکلدر
 * و کذلک هارون الرشید دخی صاحب همت قریشی النسب بر خلیفه عالی حسب
 اولوب همشیره سی عباسه یی عییدا ماجدن برعبده تزویج ایله ینلرنده عقد مصاهرتی
 تجویز مخل رسم کفایت اولقله مستبعد در اکر برکسه عباسه ماده سنه نظر انصاف ایله
 نظر ایدوب عباسه یی زمانده بولنان اما ظم سلاطیندن خصوصاً مملوک عربدن برملکک
 دخترینه قیاس و نسبت و اول دولت و سلطنتک عییدن دن برینه عقد مصاهرتی تجویز
 ایلسه قبولندن استنکاف و استکبار ایدوب تکذ یننده اصرار ایتمه سی مقرر در عباسه ایله
 رشیدک سائر ناسه تفوق و تفضلی خود ظاهر در بلکه برامکه نک سبب ذلت و نکبت
 و زوال دولتری بو وجهله درکه بونلر دولت عباسیه اوزرینه مستول و اموال میریه یی
 دلدکری و جوهره بذل و صرفه متصدی اولوب منافع سلطنتی کندولره قصر و خلیفه یی
 امور مملکتده تصرفدن حجرا ایدوب حتی هارون رشیده زمان خلافتنده بعض امور
 صرف ایچون شیء سیر و مال قلیل اقتضا ایدوب طلب ایتدکده دسترس اولدیغی منقولدر
 برامکه ایسه مستوفی مطالب و مأرب و سلطنتده رشیده شریک غالب اولوب کنتدیجه آثار لری
 چون اولوب اطراف و اقطاره صیت و صداری یا بلوب رتبه وزارتدن کتبت و هجابت و ریاست
 عساکره و ارنجه جله مراتب دولت و مناصب سلطنتی اولاد و خدامنه توجیه و ماعدای یی
 بالجله محروم ایتشلر ایدی حتی منقولدر که دیوان رشیده یحیا بن خالد اولادندن مناصب
 عالیه سیف و قلعه متصرف یکر می بش کسسنه حاضر اولوب دار الخلافتده سائر اهل
 دولته مزاحم و مقاملرندن رفیع برله برلرینه کندولری قائم اولدیلر ز پرا هارون رشید
 حال صغرنده بونلرک بابازی یحیا برمکی نک حجر تربیه سنده و اغوش کفالتنده نشو و نما بولوب
 سر بر تخت خلافتنه جلوس ایتدکده یحیا یی ولی عهد و خلیفه مقامنه قوبوب وفرط
 اکر آمدن کندویه بابادیو خطاب ایتدیکنی خلق مشاهده ایدیکک یحیا یی رشیده تقدیم

مجلسارده خلوت وصحبته دن منع و تحذیر ایلدی فرموده رشیدی عباسه و جعفر
 بیک جانله قبول و انجیق بزم ملوکانه سنده عبش و عشرته مشغول اولدی لر لیکن غلبه
 شهوت نسا ایله کوندن کونه عباسه نک جعفره مبدل و محبتی افزون و لیلای حسن
 و آن ایکن قیس کی بجنون اولغله تسکین نازنه عشق و شوق ایچون هر چند که آتش
 دلسوز هواسنی آب زلال وصل جعفر ایله اطفاء مراد ایلدی جعفر بیم قهر خسروانی
 و مراعاة حقوق جهانبانی ایله مساعده ایچون آخر کار عباسه مانوسه مانوسه اولد قده
 طریق حبله به سلوک ایله جعفرک والده سی عتابه به اعلام حال ایدوب جعفر ایله هم
 آغوش وصال اولق خصوصتی تکلیف و اهمال و مسامحه دن تحذیر و تخویف ایلدی
 عتابه دخی عباسه بی تعلیمی اوزره حسن و بهاده یکا بر جاریه رعنا اولق اوزره اوغلی
 جعفره تعریف و بر کیمسه فراشی تشریف ایتمک اوزره وعد ایتمکله جعفر دخی اول
 بانوی تابنده رویک قدومه نگران و نشئه صهبایله سکران ایکن عتابه عباسه بی بر کیمه
 نهانیجه دعوت ایدوب جاریه موعوده اولق اوزره اوغلی جعفره عرض ایلدی جعفر
 دخی عباسه بی انجیق مجلس خلیفه ده کوروب و غلبه دهشت و کمال مهابت ایله جمال
 عباسه بی کرکی کی مشاهده به قدرتی اولوب صورت زیبا و حسن سیاسی بر خوشبجه
 صحیفه خاطرند ه مرسوم اولدیغی جهندن عتابه اوغلی جعفره هر جعه کیمه سی
 بر جاریه و بر مک معتادی اولغین عباسه دخی اول جواریدن اولق اعتقاد یله جعفر
 عباسه به تقرب ایدوب جملی ظهور و بر ولدی دخی وجوده کلوب رشید دن کتم
 و اخفا ایچون مکه مکرمه به ارسال ایلدی بو خبر رشیده غم اولد قده کتب توار یخده
 تفصیل اولدیغی اوزره جعفری قتل و باناسی یجیا ایله قرنداشی فضلی حبس ایدوب
 انلردخی محبوسا فوت اولدی لر سلسله برامکه نک انقراضنه سبب اولق اوزره اشبو
 عباسه حکما به سنی مورخین نقل و بیان ایلدی لر لیکن بو حکایه شنبه عباسه نک
 دین و حسب و علو نسب و جلالت شانندن زیاده بعید و سلسله نسب عالیسی آباء کرامندن
 اشراف امت و عظمای ملت اولان درت واسطه ایله امام ائمه دین سلطان المفسرین
 عبدالله بن عباس رضی الله تعالی عنهما حضرت ترینه منتهی اولوب خلفای عباسیه دن
 محمد مهدی بن عبد الله ابو جعفر منصور بن محمد سجاد بن علی ابی الخلفاء بن عبد الله
 ترجمان قرآن بن عباس عم پاک خیر اناس حضرت ترینک کریمه مکرمه لری و دختر سعد
 اختر لیدر بر خلیفه نک قزی و بر خلیفه نک قرنداشی اولوب صحبت مصطفویه
 و خلافت نبویه و دولت قویه ایله اراسته عصابه عصوبت نسبتی بی رحمت و شرافت
 عموم امام دین و ملت ایله پیراسته مطلع نور وحی مبین و مهبط ملائکه رب العالمین
 اولان خاندان عصمت نشان رسالت پناهی به منسوب اولدیغندن ماعدا انهمک
 لذات دنیویه و استغای شهوات نفسانیه دن مصون اولوب صلابت دین ایله معروف اولان
 عرب بادیه نشین طور و آیتلرینک هنوز بقاسی وقتنده دخی نشأت ایتمکله بویه خاندان

ابنیه عالیہ اصحابی اولماریله وصفه جل اولنوب صحرای عدنده مدینه مخصوصه ده
 یا برغیری محله شداد زعمجه حاشا جنت نظیری اولان بنای مخصوص مراد اولنما مقده
 هجنت یوقدر واکراین زبیر حضرتلری قرائتی کبی عاد ارمه مضافی دخی اولسه ارم ایله
 قبیله و عاد ایله قبیله مذکوره دن منشعب و منفصل برجماعت مخصوصه که لسان عربده
 اکا فصیله اطلاق اولنور مراد اولنوب فصیله تک قبیله به اضافتی قبیلندن اولور
 قریش کانه والیاس مضر وریعه نزار کبی که کانه قبیله سندن منفصل قریش مضر
 قبیله سندن منشعب الیاس نزار قبیله سندن منفصل زیعه دیمکدر معنای نظم جلیل دخی
 قبیله ارم دن متولد و منفصل قوم عاد دیمک اولور والا ارمی بنای مخصوصه جل ایدوب
 و معهود و مذکور باغ ارم ماده سنده نقل اولسان حکایات واهیه ایله قرآن کریمی تفسیر
 و صحندن بعید اولوب کتاب الهی جل و تاویلندن تنزیهی لازم اولان روایات ضعیفه ایله
 توجیه ضرورت یوقدر * بو عبد فقیر مترجم صاحب التفسیر تفسیر کشفاده بو محله
 نظر ایدوب صاحب کشف ابتدا عاد کلمه سنی قبیله عاد ایله و ارمی عطف بیان طریقله
 بو قبیله تک جداری ارم ایله تفسیر ایدوب عاد اولی به تخصیص ایلمش بعده ذات العمادی
 طوال القدود ایله تفسیر ایدوب یعنی اوزون بویلو اولوق اوزره عاد قومنی وصفه جل ایتمش
 وینه ذات العمادی اهل ابنیه عظیمه ایله دخی تفسیر ایلمش بعده مصنفک ایراد ایلمدیکی
 حکایه بی دخی صیغه ترمیض و قبیل ایله نقل و ختم مقال ایتمش صاحب کشفک تفسیر
 و توجیهنده اولان ترتیبی و صیغه ترمیض ایله حکایه مزبور بی نقلی خبر مذکورک ضعیفه
 و رأی مختاری اولمدیغه دلالت ایدر لکن صاحب تاریخ ابن خلدون باغ ارم حقیقه
 نقل اولنان کلامک ظاهر ندن مدینه ارمک موجود و حسدن غائب اولوب مشاهده سی
 اهل ریاضت یا خود سحره به مخصوص اولدیغنی فهم اولنمغله ظاهره مخالف
 امر بعید اولوب نظم جلیلی تفسیر و تاویل سیاقنده ایراد ایتدکرینه دخل و اعتراض
 ایلمدی و العلم عند الله تعالی * و صحایف کتب تاریخده مر قوم اولان حکایات
 مد خوله تک بری دخی بودر که عهد خلافت نبی عباسده برامکه عنوانه معروف وجود
 و سخا ایله موصوف اولان مشاهیر وزرا و امرای خلفای آل عباسدن هارون رشیدک
 سبب قهر و تذلیلی بیاننده کافه مورخین بو وجهله رفقش جریده روایت اولمشلردر که
 زمان سلطنت هارون الرشیده وزیر اعظم اولان جعفر بن یحیی بن خالد برمکی به
 رشیدک کمال علاقه سندن ناشی حل و عقد مصالح انامی کف کفایتنه تسلیم و حره سرای
 بزم خاص الخاص صحبته محرم و ندیم ایدوب مجلس ملوکانه سندن برآن مفارقتنه رضا
 و یرمزایدی و کذلک رشیدک عباسه نام بره مشیره سی دخی و ارایدیکه محبت و مودتده
 جمله اقاربنه تقدیم ایدوب نفوذ کلام و انبجاح مرام انامده نظیری عدیم ایدی رشید مائل
 عیش و عشرت و عباسه ایله جعفره میل و محبت اوزره اولغین بونلرله اداره اقداح مدام
 و نوش صهبای کلفام ایتمکی عمده اسباب نشاط اتخاذ ایدوب مجرد حل عقد و حرمت
 و تحصیل محرمیت ایچون یئلرند ه عقد نکاحه رخصت و کندنی مجلسندن غیر

بر رخاى و ارزمره اهل اسلامدن برکنسه شترککشته سنى تجسس ایچون بادیه هدنده
 کشت و کفار ایدرکن مدینه مزبوره یه کرسه کرکدر بوجواب و پردی بوئاده عبدالله
 ابن قلابه دخی اول مجلسده گوشه کرین اولوب کعب الاحبار دخی اول طرفه التفات
 و ابن قلابه بی کوردکده اشته وصف ایتدیکم شخص بودردیو یمین ایلدی ائمه تفسیردن
 ذکر اولنان رجالک نقلی بونده تمام اولدی * بو نقل اولنان مدینه ارمک خبری عهد
 معاویه دن الی یومنا هذا آفاق واقطار ارضدن بر محله موجود اولدیغی قطعاً مسموع
 اولیوب و مدینه مزبوره تک محلی اولمق اوزره زعم اولنان صحرای عدن وسط مملکت
 یمنده موجود اطراف واکافی علی وجه التعاقب معمر اولوب هر زمانده هر جانبندن
 طرق و مسالککنه رجال و ربکان مرور و عبور ایدرکن واردین و صا در بندن مدینه
 مزبوره بفردهک مشهود و معلومی اولیوب و کعب الاحباردن غیرى اخبار و آثاره
 واقف امدن دخی قطعاً منقول و مروی دکلدرد اگر مدینه ارمک احوالی نقل ایدنلر
 ایام سالغده موجود ایدی لکن مرور ایامه مندرس و نابود اولوب رسم و اثرى باقی قالمدی
 دیسه لر حقه قریب اولوردی لکن ظاهر کلاملرندن مدینه مزبوره تک صحرای
 هدنده موجود و باقی اولمسی فهم اولمغله خلاف ظاهر و مقتضای عقله مخالف اولور
 و بعض مورخین قوم عاد اقلیم شامه مالک اولد قلیینه بناء مدینه ارم دمشق الشام
 اولمق اوزره روایت دخی ایتدیلر و بعضیلری دخی مدینه مزبوره حالا موجود اولوب
 لکن هرکس مشاهده و معاینه ایده میوب اهل ریاضت یا خود اصحاب سحر رؤیت
 ایدرلر دیوهذیان ایلدیلر بونلرک زعملری حلیه صحتدن عاقل و خرافات اکاذیبه شبیه
 قول باطلدر * اعلام مفسرینی بو توجیه بعیده حامل و داعی اولان سبب اولد رکه
 نظم جلیله ارم ذات العماد کلام شریفنده کلمه جلیله ذات العماد کندویه اقرب اولان
 ارم کلمه سنه صفت اولمق مقتضای فاعده نحو و صناعت اعراب اولوب و عماد کلمه سنی
 دخی ستون بنایه جل ایدوب ارم ذات العماد دن ستون و عماد ایله مشید بنای مخصوص
 مراد ایلدیلر و ابن زبیر حضرتلری بعد ارم نص کریمنده عاد کله سندن تنوینی اسقاط
 و ارم کله سنه مضاف اولمق اوزره قرائت و روایت بیوروب ارم ذات العمادک اصحابی
 اولان قبیله عاد معناسی ترکیب اضافیدن منفهم اولمغله ارمی بنای مخصوصه جل
 ایتملرینی تأکید ایلدی صکره حکایات موضوعه یه شبیه اولان بو اخبار منقوله یه
 واقف اولد قلینده نظم جلیلی بو توجیه بعید و معنای غریب ایله توجیه و تفسیر ایتدیلر
 والا ذات العماد ترکیب شریفنده عماد ایله مراد عرب او به لرینه و چا در لرینه وضع
 اولنان چبقلر اولوب و قبیله عادى عطف بیان طریقله جد لری اولان ارمه نسبت ایله
 ایضاح و بونلر دکلی خیام اصحابی اولد قلین اظهار و افصاح ایدر اگر عماد ایله
 چادر درکری مراد اولیوب بنایه وضع اولنان ستون و اساطین مراد اولنسه دخی بنه
 ارم ایله نهج سابق اوزره قبیله عاد مراد اولوب و بو قبیله تک قوت قاهره ایله شهرت لرینه بناء
 ساکن اولد قلیرى محله ده انشا و احداث ایتدیگری اساطین کبار و ستون استوار ایله منی

بودر که مفسرین انی سور قرآنیه دن سورۃ فجرده ❦ الم ترکیف فعل ربك بعاد
 ارم ذات العماد ❦ ایت کریمه سی تفسیرنده نقل و روایت وارم کله سنی ذات العماد ایله
 وصف ایدوب اساطین عظام وستون استوار ایله منی برشهر مخصوص اولوق اوزره
 تفسیر و شرح و بیاننده بو وجهله نقل و تقریر ایتدیله که قرون اولیده عاد بن عوص بن
 ارمک شدید و شداد نام اینکی اوغلی وار ایدی بونلر ملوکدن اولوب و شدید شداد دن اکبر
 اولغله باباری هلاکند نصکره ابتدا شدید بعد هلاک شداد پادشاه قبیله عاد اولوب
 وقوت و شوکت و وسعت مملکتده شدید غالب اولغله بالجه ملوک ارض کندویه اطاعت
 و انقیاد ایتشله ایدی شداد مزبور و قبیله عاد عیده اصنامدن اولغله حضرت رب العباد
 جل شانہ عن الانداد شداد و قومی طریق هدایت قرین توحیده ارشاد ایچون حضرت
 هود علیه الصلاة والسلامی بونلر بعث ایدوب فرمان حق اوزره اول ذات برکنزیده صفات
 دخی شدادی محبه بیضای ایمانه دعوت و اوصاف جنات عالیاتی سرد و حکایت
 بیور دقلرنده عتو و عناده اصرار و جنت کبی برمدینه انشاسنه عزیمت برله قبول حق دن
 استسکاف و استکبار ایلوب ولایت یئنده صحرای عدنده مدینه ارم ذات العمادی
 بنا و مبلغ عدد عمری اولان طقوز یوز سنه تک اوچوزینی بوسعی بیهوده ایله
 افنا ایلدی دیور روایت ایلد کک لرندن صکره مدینه ارمک وصفنه آغاز
 ایدوب دیدیلر که مدینه ارم سکوف و حیطانی ذهب و فضه دن معمول وستون
 و عمادی زمره و یاقوتدن مصنوع قصور ککونا کون ایله آراسته و زبرجد اخضر
 و لعل رماندن پرداخته برک و بار ایله مزین اشجار بسیار و جداول سپین و انهار بی شمار ایله
 پیراسته برمدینه عظیمه اولوب مدت سیصد سالهده بناسی تمام اولغله بانسی اولان شداد
 شدید العناد قبیله عاد ایله سیرینه عزیمت و یکریمی درت ساعت مسافه قریب بر محله کلد کلرنده
 حضرت منتقم جبار و واحد قهار جل شانہ جانب سمان بر صیحه هائله ایله شدادی
 و قومی مظهر قهر و دمار ایدوب بالجه هلاک اولدیله دیو محمد بن جریر طبری و امام
 ثعالی و علامه زنجشیری و بونلرک امثالی مفسرین نقل و بیان ایلدیله و دخی روایت
 ایلدیله که عهد سلطنت معاویه زمره اصحاب کرامدن عبدالله بن قلابه رضی الله تعالی
 عنه دوه سنی ضایع ایدوب طلب و تحصیل ایچون بادیه یئنده صحرای عدنده تک
 و پو ایدرکن مدینه ارمه واصل و انده موجود اولان جواهر و لاییدن کوتوره ییلدیکی قدر
 نسنه آلوب بعده بوخبر معاویه رضی الله تعالی عنه حضرتلرینه بالغ اولغله ابن قلابه پی
 احضار و کیفیت حالی استفسار ایلوب اولدخی نقل ماجرا ایلدکده عهد خلافت
 فاروق منیع الجناب عمر بن الخطاب رضی الله تعالی عنه ده شرف اسلام ایله مشرف
 اولوب اخبار و آثار اوائله علم و وقوفده عالی کعب اولان کعب الاحباری حضورینه
 دعوت و ابن قلابه تک احوالی حکایت ایلوب صحرای عدنده ارم ذات العمادک
 حقیقتی استعلام ایلدی کعب الاحبار دخی مدینه مزبوره برنج سابق بنای شداد اولوب
 و سنک زمان سلطنتکده قزل یوزلو قرمز صقالو قصیر القامه فاشنده و یویننده

اولوب بروجمله سلوک و دخول و صوب مقصوده وصول ممکن اولمغله ینه ولایت ینه
عود و رجعت ایتمی خصوصی دخی مسلم دکلدر زیرا بلاد غربده بویله پروادی
نامسلوک اولیدی نقله سزا غریب و عجیب امر اولوب و هر عصرده هر جهتنن بلاد غربه
آمد شد ایدر فارس و راجل سفیر و مسافر کثیر اولغله بین الاهالی معروف و مشهور
اولوردی مع هذا بمقوله وادی اولدیغی قطعاً مسموع و منقول دکلدر و كذلك تبع
آخر اسعد ابو کرک و اولاد زینک جانب شرقده بلاد فارس و دیار روم و ماوراء النهرده
ارض ترکه استیلاری حکایه سنه دخی بویله جواب ویریلور که کرچه ولایت یندنن بلاد
شرقه موصل اولان طریق مسلك سويشیدن اوسع اولوب لکن جزیره عرب ایله
ماوراء النهر اسمیله مشهور اولان زمین ترکستان میاننده مسافه سفر غایت ایله بعید اولوب
و جزیره مزبوره ایله قبیله ترک ما یننه اهالی فارس و روم معترض و حائل اولغله
بونلرک شرقه سفر لرنده غربدن زیاده شدت و صعوبت مقرر در بوندن ماعداتبا بعنه
بلاد فارس و ممالک رومی ضبط و تسخیر ایتدکلری دخی قطعاً منقول و مسموع دکلدر
بلکه بونلرله اهل فارس میاننده کدران و جریان ایدن حرب و قتال بحر فارس جا نینده
دجله ایله فرات میاننده محصور و جزیره اسمیله مشهور اولان بلاد ایله بحرین اراسنده
واقع ارض عراق و عرب و لایتری حدودی اوزره اولمشدر که فارس ایله جزیره العرب
میاننده مشاع و مشترک محل در نته کیم تباعه اولی دن ذی الازمارک ملوک کیانیا نندن
کیکاوس ایله و تبع اصغر اسعد ابو کرک ینه کیانیا نندن کشتاسب ایله و کیانیا ن اقراضندن
سکره طویف ملوک ایله و انار د ن صکره ساسانیان ایله تباعه نک حدود مذ کوره ده
جریان ایدن وقایع حر و بی صحایف کتب توار یخده تفصیل اولمشدر امدی ملوک تبعک
جزیره عربدن رفع لوای استیلا و اقلیم فارسی کچوب ماوراء النهرده زمین ترکستان و بلاد
بته استیلاری و ممالک فرس و مرز بوم رومده متمکن امم عظیمة نک ارض ترک ایله
جزیره عرب میاننده حیولتی و ذکر اولندیغی اوزره امتداد مسافه و ازوده و علوفه یه
احتیاج لری جهتلرنندن بحسب العاده حیر امتناعه رسیده اولغله روایات مذ کوره موثوق
و معتد اولوب مدخوله و مختله اولور و اگر من جهة النقل صحیح دخی اولسه سرد اولنان
محدوری ملاحظه اولندقه صحته قادح اولسی مستغن عن البیاندر حال بوکه وجه
وجه و نقل صحیح ایله منقول دخی اولمغله عقلا و نقلاً مختل اولدیغی محل ارباب دکلدر و ائمه
تاریخندن ابن اسحاق قبائل یندنن اوس و خزرج قبیله لرینی بیان ائناسنده تبع آخر
دیار شرقه سفر ایتدی دیونقل ایلدیکی خبر بلاد عربیه مجاور اقلیم عراق و بلاد فارسه
مچولدر والا ماوراء النهرده ارض ترک و دیار بته استیلاری تقریر سابق اوزره بروجمله
صحیح اولماز امدی خبر مذ کورده وجه صحیح مسطور اولوب ماعداسنه اعتماد و اعتقاد
اولتماز بمقوله اخبار و آثار نقل اولندقه تأمل تام ایله تأمل اولوب قوانین صحیح
عقلیه یه عرض ایله ابریز خالص العیاری نقره مغشوشه دن انتقاد مبسر اولور والله الهادی
للصواب ❁ و دخی اشبو ذکر ایتدی کمز خبردن ابعده و هم و غلطده اسبق حکایاتک بری

بوخبرك جله سی حلیه صحنن عاری اولوب مزاج ترکیبی فاسد و عارضه وهم و غلط ایله
 علیل و قصاص و مداحلرك پرداخته ایتدکری حکایات موضوعه به شبهه و عدیل در
 زیر ملوک تباعه نک قلمرو مالکی جزیره العربده یمن اولکة سنه مقصور اولوب کرسی
 مملکتلری مدینه صنعاییدی و جزیره العرب اطلاق اولنان محلی اوج جانبندن دریا
 احاطه ایدوب طرف جنوبیسی بحر هند جانب شرقیسی بحر هند دن بصره طرفنه
 هابط اولان بحر فارس حد غریبی بنه بحر هند دن ملک مصر مضافاتندن بندر سوپسه
 نازل اولان بحر سویس ایله محدود انجق جانب شمالیسی طرف بره متصل و محدود جزیره
 شکنده برقطعه ارض اولدیغی کتب جغرافیاده مصور و مر سومدر و یمن اولکة سنندن
 بلاد مغربه سفر و کذر مراد ایدنلر آق دکر ایله بحر سویس میاننده محصور و بویکی
 بحر اراسنده یکدمر حله ممدود اولان مسالک و ممدون مرور ایدوب طریق آخری
 اولدیغی معلومدر مع هذا مراحل مزبوره اول ایا مده بنی کنعانن عمالقه عنوانیه معرف
 اولان ملوک جبارة دیار شامک داخل حدود سلطنتلری اولوب تباعه نک قلمرو حکومتلرندن
 خارج ایدی بنا برین مراحل مزبوره دن تباعه نک چند موفور و حبش نامحصور ایله
 دیار غربه مرور و عبوری و جبارة عمالقه ضبطنده اولان ممالکدن دیار دشمنه و وصوللری
 بحسب العاده رسیده رتبه استعماله در بوندن صکره عمالقه ممالک مصره و بنی اسرائیل
 دیار شامه استیلا و اولحوالیده واقع مدن و قریه رفیع لوای استعمال ایدوب بواشاده تباعه
 بونلرله محاربه به تصدی و بدلانده اولان ممالک و ممالکدن بعضیلرینی ضبط و تسخیر
 ایتدکری دخی قطعا مسموع و منقول دکلدن و كذلك ارض یمنندن بلاد غربه مسافه
 سفر مید و بعید و عساکرک علوفه و زواده لری کثیر اولوب اشنای راهده تحت تصرفلرنده
 اولیان ممالک و وصول و منازل نزوللرنده عساکر رعایانک تر کالرینی و حیوانلرینی نهب
 وفارت و مرور و عبور ایتدکری بلادک اها لسنه ایصال خسارت طریقیه تحصیل
 قوته محتاج اولوب و بوجمله تحصیل اولنان ذخایر دخی بحسب العاده کند و زره و دواب
 و مواشیلرینه کفایت ایتیه چکی امر مقرر در اگر مراحل مزبوره ده زواده راهلرین
 کندی تصرفلرنده اولان ممالکدن نقل اتسملر مسافه بعده ده عساکر موفوریه
 و دواب و مواشیلرینه کافی نفقات تحمیل ایده چک رواجل دخی عادت و فایتمکله بهر حال
 مرور و عبور ایتدکری طریقده واقع مراحل و منازل کندی مملکتلری اعمالندن اولتی
 لازمدر که اقدام سفریه اولان زاد و زواده تدارکنه امکان اوله اگر ملوک ممالک
 یمن ایله کذر کاهلرنده اولان مراحل و مسالک متصرف ملوک میانلرنده مصالحه و مسالمة
 اولتی تقریبیله تدارک اسباب معاش و تحصیل اقواته مساعدده و تراضی طرفین ایله لوازم
 ضروریلری حصوله توسل ایتدیلر فرض ایلسک بوصول دخی ابعده و بحسب العاده
 اشد اولغله خبر مند کورک ضعفنه و احادیث موضوعه دن اولدیغنه دلالت ایدر
 اما بین الانام اذوالقبیله مشهور اولان ملوک یمنندن آنفا ذکری مرور ایدن یاسرین
 ذی الاذهارک دیار غربه سفر ایدوب اشنای راهده بریه مغربده قومندن بر وادی به بالغ

ملوك تبابعة اولئك اعاضن من اولوب همد موسى عليه الصلاة والسلامه بانندن
مدت قليله مقدم زمانده تخت نشين ممالك يمن اولان افريقش بن قيس بن صيفي افريقبه
طرفنه اماله لجام عزيمت ايدوب بربر قبيله سندن قتل نفوس كثيره ايله اولحواليسده اولان
ممالكه ايصال مضرت ايلدى اول وقتده بربر قومي لغت عريه ايله تكلم ايتيوب عبراني
سرياني يوناني كبي لسان آخر ايله مكالمه ايدرلدى افريقش ملوك عربدن اولوب مالوف
اولديغى لسان ايله بونلرك تكلمنى ايشتمكده نجب برله ماهذه البريرة ديوب يعنى
بونه كونه صدادر ديمكله اول وقتدن بروطاشه مزبوره بربر اسميله موسوم ومشهور
اولديلر افريقش سفر مغربدن رجعت وبلاد يمنه عزيمت مراد ايتكده كنديله ييله
كلن قبائل حيردن برقاچ قبيله بى كندى طرفندن محافظه اولق اوزره بربر زمينه
البقيوب كندى قبيله مزبوره دى اول محلده مكث واقامت و بربر ايله مخالطه
ومعاشرت ايلوب حتى صنهاجه وكامه قبيله لرى افريقش زماننده افريقبه ده توطين اولنان
قبائل حيردن بربر شعبه اولق اوزره روايت اولمغله ائمة تاريخدن طبري جرجاني
مسعودى ييهقى ابن كلبي صنهاجه وكامه نك قبيله حيردن اولمسنه ذاهب اولديلر
لكن بربرلرك انسابنه كركى كبي واقف اولان علمائى انساب بوقولى رد ايدوب ديديلركه
صنهاجه وكامه قبائل بربردن منشعب ايكي فرقه اولوب قوم بربر دى بنى اسرائيل
استيلاسنده ديارشامدن بلاد غربه رحلت ايدن بنى كنعانندن برطاشه اولق اوزره
تصحیح اينديلر قول صحیح دى بودر ودخى مسعودى تاريخنده ذكر ايتديكه اذوالقبيله
ملقب اولان ملوك يمندن ذوالاذعار نام ملك حضرت سليمان عليه الصلاة والسلام
زماننده مغربه سفر ايدوب بلاد بنى نهب وغارت ايلدى وكذلك ذوالاذعارك اوغلى
ياسر دى پدر ندنصكره اول طرفه متوجه اولوب لکن اثنائى طرفه بره غريده قوملى
بروادى به مصادف اولمغله ككثرت رملدن مسلك بوله ميوب كرويه عودت ايلدى
وكذلك ملوك تبابعة دن تبع آخر اسعد ابو كرب نام ملك حقهده مرويدر كه ملك مزبور
اسعد زمرة كسانان ملوك فرسندن كشتاسب زماننده بلاد موصل ومالك اذر بيجاني
ضبط وتسخير وزمين تركستانده امم تركى قهر وتدمير ايتد كد نصكره ايتاسندن اوچ نفر كسسه
دخى بلاد فارسه وماوراء النهر ده امم ترك ضبطنده اولان بلاد صفده ودخى بلاد رومه
غزا ايدوب بيوك اوغلى حدود سمرقنده وارنجه بلاد فارسى قبضة نصرفه كوتوروب
سمرقند ايله چين اراسنده اولان مفازه بى قطع ومرو ايتاسنده بلاد صفده توجه ايدن
قرنداشى مقدم كتمكله اول مفازه ده اكاملقات ايدوب بوايكى برادر معا بلاد چينه
واروب اهابسى قتل وسبى وغنايم موفوره ايله قرار كاهلرى اولان ممالك يمنه عودتلىرى
ايتاسنده بلاد تبته وصول ودخول ايدوب وآنده قبائل حيردن برمقدار كسسه براغوب
الى الان اول بلادده قبيله حيردن آدم موجود اولق اوزره زهم ايدرلر وكذلك
بلاد رومه عازم اولان اوچنهي برادرلى دى مدينة قسطنطينيه به كلوب محاصره ايدوب
بلاد رومى نهب وغارت واهمالبسنه ايصال كزند وخسارت ايتدى ديور وايت اولدى

کریم ایله مدت قلبه ده علی خلاف العاده ذریتلری تکثیر و توفیر اولندی بوتقد برجه
 طور عاده مخالفدر دبو طعن و اعتراض اولتماز اگر برکسه عدد بنی اسرائیلک صحرای تیه ده
 التي بوزیک نفره بلوغی خبرنی و انبیاء عظامه تکثیر ذریتلریله وعد الهی و وحی ربانی
 صدور ایدوب توراته مسطور اولدیغنه دخل قصدیله معارضه ایدوب قوم یهود کلمات
 توراتی تبدیل واستدکری کبی تحریف ایند کلمی معروف و مشهور اولمغله توفیر نسل
 و ذریتلری حقهده وعد الهی سبقی و صحرای تیه ده عدد مذکور بلوغی خبرنی یا نلندن
 صحیفه توراته درج ایند یلر دبو اعتراض ایلسه بویه جواب و یریلور که محو و اثبات
 معناسنه تبدیل یعنی برکله بی رفع و یرینه کلمه اخر اوضع اتمک ائمه محققین قنده مقبول
 و مسلم اولیوب و تبدیل کلمات کتب الهیه حقهده وارد اولان آیات قرانیه و احادیث نبویه
 ظاهرندن صرف اولنوب بلکه صحف کتب الهیه ده وارد اولان کلام الهی بی اعتقاد
 فاسد لینه مطابقی معنای بعید ایله تاویل و توجیه ایدر لر دیکدر دیو امام بخاری
 حضرتلری صحیفهده ذکر ایلدی زیرا عرف و عادت انام اهل ادیانک کندوره نازل اولان
 کتب الهیه ده وارد کلمات شریفه بی محو و اثبات طریقله تبدیل ایتلرینه مانعدر
 امدی نسل بنی اسرائیلک نشو و نماده کثرتی و مدت قلبه ده عدد مذکور بلوغی انبیاء
 عظامه معجزه ظاهره و کرامت خارقه العاده اولوب بونلرک غیر قومی نسل و ذریتلرینک
 کثرت و وفرتلرنده بنه مقتضای عادت ایله عمل اولنوب علی خلاف القیاس بر خبر وارد
 اولور سه رد اولنور ❦ اما قوم بنی اسرائیل نشو و نماده علی خلاف العاده التي بوزیک
 نفره یادخی زیاده مبلغه بالغ اولدقده بالاده ذکر اولندیغی اوزره بینلرنده جنک و جدال
 و ترتیب صفوف قتال امری مشکل اولمق خصوصی صحیحدر لکن بینلرنده حرب
 و قتالی موجب سبب ظهور اتمکله واقع اولماشدر و کذلک ممالکدن هر مملکتته مخصوص
 صاحب ملک طرفندن توظیف و ترتیب اولنور عسا کر معینه سی اولوب زیاده اولدیغی
 صورنده مملکتک محملی اولیوب و مصر ایله شامک التي بوزیک عسکره و مواجب
 و مصارف لرنه وافی اولدیغی محذوری دخی وارددر لکن موسی علیه السلام
 عهد شریفنده بنی اسرائیل ایچون دولت و سلطنت اولیوب و هنوز مواجب الور عسکر
 ترتیب اولتما مشیدی انجق حق جل و علا بونلری تکثیر و توفیر ایلدیکه ارض بنی کنعانهکه
 ایالت شامدر بونلره اول بقعه مبارکه بی تخصیص و احسانه وعد کریمی سبق ایدوب
 اول بقعه تک اهل بسی اوزرینه استیلاری مصلحتیچون ذریتلرین توفیر ایله انجاز وعد
 الهی بیوردی بعد الاستیلا بینلرنده ملک و سلطنت ظهور ایدوب قدر کافی حارس و حامی
 ترتیب اولندی بوامورک جمله سی معجزات باهره و ایات ظاهره دن اولوب قیاس ایله عمل
 اولتما والله الهادی الی الحق ❦ و بودخی اخبار و اهیبه و حکایات ضعیفه دندر که کافه
 مورخین اول حکایه بی تابعه عنوانه معروف و مشهور اولان ولایت یمن و خطه جزیره
 العرب ملوک حقهده نقل ایدوب دیرلر که بونلر عهد قدیمده ولایت یمنده کر سی مملکتلری
 اولان شهر صنعادن قلوب مغرب زمینده واقع افریقیه و بربر ممالکنسه واروب حتی

نفر خواص و مقربین اولوب و درگاه سعادت پناه لرنده در تیوز رأس فرس رهوار صبارفتار
 هر بوط و موجود ایدی بوخبر اخبار صحیحه دن اولغله اعتماد اولنوب سائر کتب اسرائیلیاتده
 موجود عامه تک اخبار فاسده سنه التفات اولتماز و حضرت سلیمان علیه الصلاة والسلامک
 ایام سعادت ارتساملری بنی اسرائیلک دولت و سلطنتلرینک قوت و شوکتی وقتی اولوب
 و دائرة ملک و مملکتلرینک وسعت و قسطنتی زمانی ایکن عدد جنود و جیوشی الی یوز بیگه
 بالغ اولدیغی معلوم اولدقدن صکره صحرای تبه ده شیوخ و نسوان و صبیان دن ماعددا
 انجیق سنلری بکرمی به یادخی زیاده به بالغ اولان جنود بنی اسرائیل الی یوز بیگ نفره
 و اصل اولوق مسنبعد اولدیغی ظاهر اولور * و دخی ابنای عصر و زمانک جمله سنی
 کوررز که کنددی و قتلرند یا خود آ که قریب زمانلرده اولان دولتلرک عساکرینی
 و جیوش مسلمان و یا جنود نصارنک عدد و مقادیرنی خبر و یروب و یا خود ممالک سلطانبده
 حاصل و خزاین عامه به داخل اولان اموال میره بی و مصارف و مواجب مقرره بی
 و کذلک اعیان و ارکان دولتک دخل و خرجلرنی و اصحاب ثروت و یسار و اغنیای تجارک
 سرمایه لرنی عدد و احصایه شروع ایتد کلرند مبالغه لرایدوب حدود معستانه بی تجاوز
 و خاطر لرنه کلن نسنه لری تفوه ایدر لر قچن کتاب و محاسبین دفاتر و دوا وینه مراجعت
 ایله عساکرک اسامه لرنی یوقلوب و اکابر و اعیانک خرج و صرفلرینی و تجسارک سرمایه
 و فائده لرنی حساب و کتاب ایتد کلرند ناسک عدد و تقدیر ایتد کلری مرتبه لرنک عشر
 و معشارینه بالغ اولماز بونک سری بودر که نفس انسانیده عاده مخالف غریب و عجیب
 نسنه لری نقل و استماعه حرص و محبت و لسان اوزرینه کلانک مرور و ووردند سهولت
 اولوب و کلانی نقد و تزییف ورد و ابطال ایله مقابله ایدر کسنه دن غافل اولغله ارتکاب
 ایتدیگی مبالغنده کندوی عمده و خطاسنده محاسبه به چکوب سویلیدیکی خبرده زیاده
 و نقصاتی طوتوب تعدیل و توسط ایله مطالبه و بحث و تفتیش ایله مؤاخذه اولتماق
 اعتقادنه دوشمکله میدان سخنده ارخای عنان و مرعای کذب و دروغده بهایم کی اطلاق
 زمان ایدوب تجارت راجحه صدق و صوابی ترک و صفت خاسره کذب و لهوی اختیار
 ایتش اولور کذلک عدد جیوش بنی اسرائیل حفته وارد اولان خبردخی بوقیلدن عدد
 اولنوب مبالغت متعارفه به جل اولنور * و بعضیلر دیدیلر که برذر بتک مدت قلیله ده
 الی یوز بیگ مقداری عدده بلوغی بحسب العاده مسنبعد اولوق بنی اسرائیل قومنک
 غیریده جاریدر اما بنی اسرائیل معجزه طریقیله بومر تبه به بالغ اولدیلر بیرا منقولدر که
 بنی اسرائیلک آباء کرامی سلکنه منسلک اولان انبیاء عظام صلوات الله تعالی علیهم اجمعین
 حضراتدن ابراهیم و اسحق و یعقوب علیهم السلام حضرت لرینه وحی اولندیکه حضرت
 رب العالمین جل شانہ بونلرک ذریتلرنی روی سمانه موجود بلدلر دن و سطح زمینده
 واقع خرده طاشلر عددندن زیاده تکثیر و توفیر ایدوب مدت قلیله ده کثرت نسل و ذریت
 ایله بونلری سارندن ممتاز ایتک اوزره و عدالهی سبق ایتمکله اسامی سامیلری ذکر اولنان
 انبیاء عظام حضراتی حقلرند معجزه ظاهره و کرامت باهره اولوق حکمتنه بنه انجام و حد

بلاد یثرب و خیبری نجس اوز ایتمدیکی معروف و مشهور در و دخی معلوم اوله که اسرائیل
 کله سی لغت هبرانیه یا خود سر یانسه ده عبدالله معناسنه اولوب الله قولی دیمکدر زیرا
 اسرا لفظی عبد معناسنه و ایل کله سی لفظه جلاله مقامده مستعملدر بعده حضرت
 یعقوب نبی علیه الصلاة والسلام اسم سامیبری اولغسله بنی اسرائیل بنی یعقوب کی
 نسل و ذریئله اطلاق اولنور حضرت موسی علیه الصلاة والسلام دخی حضرت یعقوب
 علیه السلام اولاد کر آمدن و انبیاء بنی اسرائیل دن اولوب ائمه محققین نقلی اوزره سلسله
 نسب عالیبری اوج واسطه ایله حضرت اسرائیل علیه الصلاة والسلامه منتهی اولمشدر
 تورانده ترتیب سلسله نسب سامیبری موسی بن عمران بن هانک فحی یا خود کسریله
 بن لاوی لامک کسری یا خود قهبله بن یعقوب علیه السلام که اسرائیل الله در بووجهله
 مسطوردر و مهرة اعلام مورخیندن امام مسعودی نقلی اوزره حضرت موسی و یعقوب
 علیهما السلام اراسنده واقع مدت اینکوز بکرمی سنه در زیرا حضرت یعقوب علیه السلام
 اولاد صلیبه سی ایله و اولاد لرینک اولاد بله که لسان هریده انله اسباط اطلاق اولنور
 محروسه مصرده حضرت یوسف علیه الصلاة والسلامه تشریف بیورد قتلرنده اولاد
 و اسباطک عددی یتیم نفره بالغ اولمشیدی اولاد و اسباط اسرائیل که قوم بنی اسرائیلک
 اصولیدر محروسه مصرده مکث و اقامت و ملوک قبض اولان فراعنه مصرک تحت
 حکومتلرنده اولوب بعده فرمان الهی اوزره حضرت موسی علیه الصلاة والسلام ایله
 صحرای تبه خروج ایتمک لرنده مصره دخوللری و تبه صحراسنه خر و جلری میاننده
 مرورایدن مدت ذکر اولندیغی اوزره اینکوز بکرمی سنه اولوق اوزره رقرده قلم مسعودیدر
 بو تقدیرجه یتیم نفر کسنه نک نسل و ذریئتی درت قرنده اینکی یوز بکرمی سنه ده التي یوز
 ییک یادخی زیاده به بالغ اولوق اطوار تناسله جاری عادت الهیه دن بعد امر اولدیغی واضحدر
 اکر زمره مورخین جبهوش بنی اسرائیلک بو عدده بلوغی حضرت سلیمان علیه الصلاة
 والسلامک زمان شریفلرنده یا انلردن صکره مبعوث انبیاء بنی اسرائیل و قتلرنده اولوق اوزره
 زعم ایدر لسه بودخی بعید در زیرا حضرت سلیمان علیه السلام دخی جد امجد لری
 حضرت اسرائیله آباء کر آمدن اون بر واسطه ایله منتهی اولوب سلسله نسب شریفلری
 بویله مرتبدر که سلیمان بن داود بن البشای بن عویذ یا خود عوفذ بن باعز یا خود بو عزیز بن
 شلمون بن یحشون بن عمینا ذاب یا خود حینا ذاب بن رام بن خسرون یا خود بن خسرون
 بن بارس یا خود بیرس بن یهوذا بن یعقوب علیه السلام در و سلسله نسل و نسب اون بر
 بطنده دخی یتیم نفر دن التي یوز بیکه یادخی زیاده به منشعب اولوق بعید در مکر نیجه کره
 یوزه و نیجه بیکه بالغ اولسه جاژدر اما زعم اولنان مبلغه وصولی مستبعددر حالا مشاهده
 و معاینه ایله معلوم و اوقا تمزه قریب و قتلرده مشهور و معروف اولان بطون و قر و نک
 تناسل و توالد لرنده جاری عادت الهیه به نظر و اعتبار اولنوب نقل مذکور ی قیاس
 ایلسک زعملری باطل و نقللری کاذب اولوق اقتضا ایدر و کتب اسرائیلیانده ثابت
 اولمشدر که حضرت سلیمان علیه الصلاة والسلامک انجق اون اینکی بیک عسکری و بیک

تحمّل ایتمد یکنه حالامیا نمزده مألوف وعهد مزده معروف احوال ملک وسلطنت
 وهر مملکتک حمایت و حراستند معتبر و مرعی اولان حالت دلالت ایدر بوند نصکره
 کثرت و وفرتده بومقداره بالغ اولان جیوش اراسنده زحف و مقابله یا خود محاربه و مقاتله
 مراد اولنسه وقوعی مستبعد اولور زیرا التي یوزیک یا خود دخی زیاده عسکر اجتماعنه
 صالح میدان بولنیوب و ایکی یا خود اوج قات یادخی زیاده صف ترتیب اولنسه بونلر
 مدای بصردن بعید اولغله فریقینک بربر لبله مقاتله سی ممکن اولیوب و صفارک بری
 غالب اولد قده امتداد صفوف سببیه بری جانبی اوته جانبدن آگاه اولیوب نصرت
 و هزیمت متعین اولماز زمانمزده مشاهده اولنسان وقایع حروب و ترتیب صفوف بوماده
 شهادت ایدوب و حوادث عالمدن ازمنه ماضیهده مرور ایدن هرامر کندی جنسندن
 زمان مستقبلده ظهور ایده جک مادهیه ماء جارینک اولنک آخرینه مماثلتندن زیاده
 اشبه اولغله حاضر ابله غائبه استدلال اولنور و دخی ملوک فرسک دواتی بنی اسرائیل
 ملکندن چوق مرتبه اعظم اولوب حتی عهد سابقده مملکت فارس توابعندن مغرب
 عاملی اولان بخت نصر بنی اسرائیل اوزرینه رفع لوای و غا و مملکتلرینه استیلا ایدوب
 دارالملک ملت و سلطنتلری اولان بیت مقدسی تخریب و اموال وارزاقلرین نهب و بغنا
 ایندیکی بنی اسرائیلک ضعف حالته و فرسک عظیم شاننه شهادت ایدر و کذلک ملوک
 فرسک داخل قلمرو و ضبط و تسخیر لری اولوب عراقین و خراسان و ماوراء النهر و ابوابده
 واقع اولان مملکتلری دخی بنی اسرائیل ممالکندن ازید و اوسع ایکن جیوش فرسک
 عددی بالاده ذکر اولندیغی اوزره بنی اسرائیل عددی مبلغنه بلکه کا قریب مرتبه به
 بالغ اولماشدر زیرا خلیفه ثانی فاروق منیع الجناب حضرت عمر بن الخطاب رضی الله
 تعالی عنه طرفندن امیر چند اسلام اولان سعد بن ابی وقاص ایله آخر آکا سره عجم
 یزدجردک سردار مرداری رستم میاننده مداین فرسندن قادسیه ده واقع محاربه ده
 بولنسان جنود فرس و سائر وقتده اجتماع ایدن عسکر لرندن اعظم ایکن سیف الدین
 نقلی اوزره بللوا باشلی لری انجق یوزیکرمی بیک و توابع مقرله سی ایک یوزیکدن اکثر
 اولوب و حضرت عایشه صدیقه رضی الله تعالی عنها ایله و زهری رضی الله تعالی عنه
 روایتلری اوزره رستمک سعد بن ابی وقاص رضی الله تعالی عنه ایله قادسیه ده مقابله
 و مقاتله ایلدیکی عسکرک جله بللوا باشلی لری انجق التمش بیک اولق اوزره در
 علی کلنار و اینین اعظم جنود فرس بنی اسرائیل عددنه بالغ اولدی و پردخی اکر جیوش
 بنی اسرائیل نقل اولندیغی اوزره التي یوزیک یادخی زیاده اولیدی دائره ملک و دولتلری
 واسع و مملکت و ایالتلری منسح اولوردی زیرا دولت و سلطنتلرک ممالک و ولایتلری قلت
 و کثرتده انلری حمایه و اقامت ایدن رجالک قلت و کثرتنه تابع اولوب منعه و حجاتی
 قبل اولان دولتک مملکتلری قلیل و اعوان و انصاری کثیر اولان سلطنتک ممالکی کثیر
 اولدیغی اشبوتاً لیغیرک کتاب اولی فصولندن فصل ممالکده انشاء الرحمن تبیین و تفصیل
 اولنور قوم بنی اسرائیلک ممالکی ایسه ایالت شامدن اردن و فلسطینی و ارض حجازدن

❖ مقدمه علم تاریخ فضل و شرفی و مذاهب و مسالک تک تحقیق و مورخینک نقل ❖
❖ ابتدکاری اخبارک بعضی بنده غلط و وهمی و بعضی سبیلی بیاننده در ❖

معلوم اوله که علم تاریخ مذهب و مسلکی عزیز فائده سی کثیر و عمره و غایتی شریف بر فن لطیف در زیر انبیاء عظام و رسل کرام صلوات الله تعالی علیهم اجمعین حضراتک سیر حیدر زری و ملوک و سلاطینک دول و سلطنتلری و نظام عالمه دائر سیاستلری و سائر اہم ماضیہ تک اخلاق و اطوار و عادتلرینہ و قوف بوفن جلیلی تحصیلہ موقوف اولوب امور دینیہ و دنیویہ تک صلاح و کمالی مراد ایدن اخلاف امت اسلافہ اقتدا ایلہ تکمیل نظام معاش و معادہ بوفن ایلہ توسل ایدرلر بوجهتدن فن مزبور متعدد مأخذره و نیجه در لو معارف و علومه محتاج اولوب خصوصاً رأی صائب و فکر ناقب ایلہ تأمل و حقه وصولدن صکرہ ثبت و اطمینان نفسہ توقف ایدر کہ بونلر صاحبی طریق صوابہ دلالت و خبط و خطایہ میل و عد و لدن صیانت ایدرلر زیرا السنہ ناسده مذکور و صحایف کتب تاریخده مسطور اولان خبرلده یالکرن نقلہ اعتماد اولنوب عمران عالم و اجتماع بنی آدمده لازم اولان احواله و قوانین عادات انام و قواعد نظام دولته مراعات اولنوب ایشیدوب کورمد یکمز احوالی ییلوب مشہ اهدہ ایتدیگمز امورہ قیاس ایلسک یعنی ہر ایشندیگمز خبری نقل مجرده اعتماد تصدیق ایدوب عقل و عادتہ تطبیق ایتدیگمز صورتده کر یوہ خبط و خطایہ دخول و جادہ صدق و صوابدن عدول اولنق مقرر در چوق کرہ مفسرین و مورخین و ائمہ تقلدن نیجه کسنہ لر حکایت و روایت ابتدکاری و قایعده غث و سمین یالکرن نقلہ اعتماد و قوانین معقولہ بہ قبل العرض اعتقاد ایدوب نقل اولنان شبتک امثال و اشباہنہ قیاسی ترک و معیار حکمت ایلہ وزن و عبار اتجوب حوادث دهرک طبایع مخصوصہ و احوال معلومہ سنی ییلوب نقل اولنان اخبارہ نظر و بصیرت ایلہ امعان و امکان و امتناعی اذعان ایتملر بلہ شہراہ صدق و صوابدن خروج و صحرای و ہم و غلطہ و لوج ایتدیلر خصوصاً انشای حکایانده اموال و عساکر مقولہ سی نسہ لری عد و احصا اقتضا ایدوب تعدادہ مباشرت ابتدکلرنده مخالف قواعد و اصول نیجه کلام نامعقول ایراد ایلرلر کہ عقلہ عرض اولنوب کرکی کبی ملاحظہ اولنسه کذب و دروغ اولدیغنی ظاہر اولور نته کیم امام مسعودی و مورخیندن چوق کسنہ لرنی اسرائیل عسکرینی بیان سیاقندہ نقل ایدوب دبدیلر کہ حضرت موسی علیہ الصلوٰۃ والسلام بونلری صحرای تیہدہ عد و احصا بیورد قارندہ شیوخ و نسوان و صبیانندن ما عدا ایچلرنندن انجیق جل سلاحہ قادر و سنلری بکرمی بہ یا خود زیادہ بہ بالغ اولانلری حضور پر نور لرنن کچروب تعداد بیوروب الی یوز ییک یا خود دخی زیادہ ایدیلر دیور روایت ایلدیلر مع ہذا طوائف بنی اسرائیلک قرار کاهلری اولان مصر ایلہ شامک بوقدر عسکرہ تحملی و اتساعی خصوصندن غافل و ذاہل اولدیلر زیرا ممالککدن ہر مملکتک حفظ و حراستہ وافی و اعداسنی مدافعہ بہ کافی مقدار معین حارس و حامیلری اولور کہ اول مملکتک انجیق آنلرہ منجمل وارزاق و مواجبلرینہ متکفل اولوب وز زیادہ سنہ

انکله تکمیل ایدوب دیار غربده متمکن بر روزناته قبیله لرینه معاصر اولان ام نواحی
 وملوک امصار احوالی مباحثنی ذکر اولنان ملوک عجم و ترک اخبار یله تذیل ایلدم
 وبویابده سبیل اختصار و تلخیصه سلوک ایدوب دقت و غموضدن احتراز و سهولتلی
 عبارت ذکرینی اختیار ایلدم و ترتیده علی العموم انساب قبائل وام واصول طوائف عالم
 ذکر یله بدأ ایدوب بعده هر طائفه نك احوال مخصوصه لری بیانیه شروع ایلدم
 بتوفیق الله تعالی تألیف و تصنیف من احوال ام وسکان عالمک اخبار و آثارینی احاطه
 واستیعاب ایدوب صعب الحصول و عسیر الوصول نیجه حکم ومصالحی تسهیل وفهمه
 تقریب و حوادث دولک علل و اسبابینی تعریف و ترتیبینی متضمن اولغله مسائل حکمت
 و فضائل تاریخی جامع بر مجموعه مرغوبه اولدی وقتا کیم بوکتاب مستطاب امصار
 و بوادیده ساکن عرب و بر قبیله لرینسک خبر لرینی مشتمل و محتوی وانلره معاصر دول
 عظیبه نك احوال و آثارینی ذکرینی منظوی اولوب و حوادث ایامک مبتدأ و متها سنده
 اولان احوال و عبر و مصالحی یاتتی متضمن اولغله بن بو کتابینی (عنوان العبر
 و دیوان المبتدأ و الخبر فی ایام العرب و العجم و البربر و من عاصره من ذوی السلطان الاکبر)
 اسمیله تسمیه ایلدم و بن بوکتابده ام و دولک اول حدوث و ابتدای ظهور لرندن و بر لرینسه
 معاصر اولان ملوک و سلاطینک مناقب و مآثرندن بر شئی ترک ایتمیوب و قرون ماضیه
 و ملل سالقه نك تبدل و تغلیری و ممالک و مسالکده حکم و تصرف لری اسبابینی ذکر
 و تفسیرده قصور ایتمدم و دخی عمران عالم و اجتماع بنی آدمک عوارض ذاتیه سندن اولان
 دولت و ملت مدن و امصارده اقامت و بوادیده نقل و حرکت عزت و ذلت کثرت
 و قلت علم و صنعت کسب و تجارت ریج و خسارت مقوله سی امور و مروردهور
 و کرور عصور ایله بر برینی متعاقب احوال مختلفه جمهوردن بدویت و حضریته واقع
 و منتظر نقدر حالات و اطوار و ارایسه جمله سنی ذکر و تصریح و علل و پرهان لرینی کشف
 و توضیح ایلدم بفضله تعالی شانه بوکتاب منفرد الاسلوب اولوب صحایف اوراقه درج
 و نضیمین ابتدیکم علوم غریبه و حکم عجیبه یی محتوی اولغله بر تألیف مطبوع و تصنیف
 مرغوب اولدی حال بوکه اتراب و امثال مزماننده عجز و قصوری مقر و موقن و بو مقوله
 امر خطیره تصدیقه قلت بضاعه می معترف و مدعن اولوب فنون کالده ید بیضا اصحابینی
 اولان علمای اولی النهادن رجای صادق و امید واثق اولدر که بوکتابه عین انتقاد
 و امتحان ایله نظر ایدوب چشم تحسین و ارتضا ایله اماله طرف بصر بیور میوب واقع اولان
 خلل و قصوره واقف اولدقلرنده اصلاح و تصحیح بیوره لر زیرا اصحاب علم و کاله نسبه
 بضاعه من قلیل اولوب و قصور و خطایی اعتراف لوم و طغندن تخلص و انجا ایدوب اخوان
 و احبابدن دخی لطف و کرم مأمول و مر تجادر انجیق جناب کبریا جل شانه حضر نلرندن
 سؤال و نیاز ایدرمکه اعمالی اخلص نیته مقرون ایدوب خصوصاً بو تألیف مزده
 سعجزی مشکور ایلیه آمین وهو حسبی و نعم الوکیل

اخباری بیانی اوزرینه بنا ایلدم زیرا مالک غربده بویکی قبیله تک مقام و ماواری
 یلنوب مدت مدیده سکون و اقامت و رفع لوای حکومت ایدوب زمان مکت و قرارری
 مدید و آحاد و افرادی کثیر و مزید اولغله بویکی طائفه تک مالک غربدن دیار آخره نقل
 و حرکتی تصور اولنموب و اها البسی نوع بشر و بنی آدمدن بونلرک ماعدای بیلامکله
 نحریراونه جتی احوال دول و ام و اطوار عمران مالک قواعد و اصولی مغرب اها لبسنتک
 معلوم و مشهوری اولان دولت و مالکک بیانی ضمننده ادا اولنق فهمارینه قریب معنا
 اولغین بوا سلوب سهولت محبوب اوزره کابک مقاصدی تهذیب و ترتیب و افهام علما و خواصه
 قریب اولنوب تألیف و تبوییننده مسلك غریب اختراع و تنظیم و ترتیبند ه مذهب
 عجیب و اسلوب لطیف ابتداع اولندی و بونکاب مستطابده روی زمین وادیم خاکده
 افراد ام و آحاد بنی آدمک بربرلیله اجتماعدن عبارت اولان عمران و مدنک احوالی
 و بونلرک اجتماعرینه عارض و لازم اولان احوال و اعراض ذاتبهری برکونه شرح و بیان
 و کشف و عیان اولمشدرکه مطالعه ایدنر و قایع کون و حوادث دهرک علل و اسبابند
 و قوف ایله انتفاع ایدوب و اهل دول بیوت سلطنته ابوابندن نه کونه دخول و مراملرینه
 نه وجهله وصول بولدقارینی ییلدیروب منازل ملک و مراتب دولک طرق و اسبابنه
 اطلاع حاصل اولغله علم تاریخده آخره تقلید دن کف ید ایدرر و حضض تقلید دن
 ذروه تحقیقه هروجه وسیله اولغله سندن اول مرور و سندن صکره ظهور ایده جک
 ایام و امک احواله واقف اولورسون و بن بونکابی بر مقدمه و اوج کاب اوزرینه ترتیب ایلدم
 (مقدمه) علم تاریخک فضل و شرفی و مورخینک مذاهب و مسالکی
 و اصحاب تاریخک غلطلری بیاننده در

(کتاب اول) عمران عالم و آکا عارض اولان عوارض ذاتیه دن ملک و سلطنت و کسب
 و معاش و صنایع و علوم و بونلرک حدود و عروضنی موجب علل و اسباب بیاننده در
 (کتاب ثانی) قبائل عربک و ابتدای خلقتدن بو آنه کلنجه شعوب و اجناس و دولترینک
 خبرلری بیاننده اولوب و بونلرک معاصر اولان ام مشاهیرک بعضارینه و دولترلی احواله
 دخی اشارت اولنور نبط و سریانیین و فرس و بنی اسرائیل و قبط و یونان و روم کبی
 (کتاب ثالث) قبیله بربر و بونلرک اعوان و اتباعی اولان زنانه قبیله سنک اخباری
 بیاتی مشتمل اولوب بونلرک ابتدای ظهورلری و طوائف و اصنافی و بونلرک دیار مغربده
 مخصوص اولان ملک و دولک احوالی بیاننده در

بوندنصکره دیار شرقه عزیمت ایلد مکه انوار و آتارینی مشاهده و معاینه ایدوب و زیارتسگاه
 اولان اماکن متبرکه و مشاهد مقدسه زنده فرض و سنت انواعدن عبادات و طاعاته
 شغل ایلوب کتب و سفرلر زنده مسطور اولان آثار و احوال شرقه و قوف نام تحصیل ایلم
 بحمده سبحانه آفاق و اطرافنی کوروب و آثار و اخبارینه بعد الاطلاع ملوک بحکم
 و دول ترک اول دیارلر دن مالک اولدقاری ممالکی احواله متعلق بتلدیکم نیجه آثار
 و اخباره علم یقین حاصل اولغله کتاب ثالثده اول خبرلری دخی درج و تسطیر و نقصانمی

حوادث ایامک اصول و مبانی معلوم اولیوب نقل ایلدگری انواع وقایعک اجناس
 و فصولی بیان اولغا مغله حقیقت حال مجهول و مبهم قالمشدر ائمه متقدمینک فن تاریخده
 تدوین ایلدگری کتابلریده تحریر ایلدگری اخبار متداوله بی باعیانها بونلر تکریر و مواضع
 هدیده ده ذکر و تسطیر ایلوب کندیلرله متقدمین یئنلرنده یاخود زمانلرنده نشئت ایدن ائمه
 حال و شانلرینک بیاتی ترک ایلدیلر زیرا طبیعتلری تقلیده مجبول اولوب کتب اسلافده
 ذکر اولغیان وقایعک احوالی شرح و تفصیله قدرتلری اولغا مغله تألیقلری ائم حادئه تک
 احوالی بیاندن قاصر اولدی بوندنصکره دولتلرک ذکر لرینه تعرض ایلدکلرنده
 خبر لرینی علی الترتیب تنظیم ایلوب وزعاریجه نقل و روایتلرنده محافظه و اهتمام ایدرک
 تکمیلنه همت ایلوب کاه و هم و کاه اصابت ایلدیلر لکن بدایت و نه سابتلرینه تعرض
 ایتموب آفتاب اقباللرینک افق عالمده طلوعنی و شوکت و سطوتلری انوارینک سطوع
 و ظهورینی موجب سبیلرینی و غایتنه وصول و وقوفنی مقتضی اولان هلئلرینی ذکر ایتملرله
 کتب لرینه نظر ایدنلر ذکر اولنان سلطنتلرک مبادی ظهور لرینی و رتبه و درجه لری
 کیفیتلرینی بیله میوب ملوک و سلاطینک بر لرینه تغلب و تراجلرینک یاخود بر بری ارنجه
 تعاقب و تراجلرینک اسبابی تفحص ایلوب و خلقلرینک سفلرینه اوضاع و اطوارده
 مخالفتی یاخود موافقتی موجب اولان ماده لردن بحث و تفتیش ایتمکله محتاج اولدیلر
 نه کیم بومورک جمله سی انشاء الرحمن بو کتابک مقدمه سنده ذکر اولنور بو طائفه دنصکره
 کلان مورخلردخی کلاملرینی ایجاز و اختصارده افراط ایلوب و یازدقلری دولک انجق
 ملکلری اسملرینی ابراد ایلوب انساب و احسابلرین و احوال و اطوارلرین ترک و اهمال
 و اسماء ملوک اوزرینه عدد ایملرک حروف غبار ایلر رسم و اجال ایلدیلر ابن رشیق
 میران العمل نام تاریخنده و بونک اثرینه اقتدا ایدن کسنلر ایلدیکی کبی بو طائفه فوآند
 علم تاریخی ترک و اهمال و مورخین یئنلرنده معروف اولان مذاهب و منافی اجال ایلر
 اخلاص ایلدکلر یچون بونلرک سوز لرینه اعتبار اولنموب نه رأیلرنده ثبات و نه انتقال لرینه
 اعتماد و اعتداد اولماز وقتا که بن دخی کتب قومی مطالعه ایلوب کرکی کبی امور ماضیه
 و احوال حاضره بی ملاحظه ایتمسه بصر بصیرتدن رفع پرده غفلت برله چارسوی
 معارفده کشت و کنار ایلوب مفلس نهی دست نقد عرفان ایکن کندی خاطر فایزمدن
 برکالای نوتر ز تصنیف خریداری اولدیغنده بروفق مأمول اسعاف مسئوله مساعده
 ایتمکله فن تاریخده برکاب مستطاب انشاسنه موفق اولدمکله آفاق و اقطارده نشئت
 ایدن ائم و طوائفک احوالندن رفع حجاب و وجه لایقی اوزره حقیقت حالی اخبار
 و اعتباردن باب باب تفصیل اختیار اولنوب دول و عمران عالمک ابتدای ظهور لرینک علل
 و اسبابی کرکی کبی تحریر و نفس الامر ه مطابقی هر خصوصی کتب و تسطیر ایلدم و شرح
 و بیانی قصد اولنان احوال دول و عمران و اطوار حوادث و اکوانی حالاً بوعصر لده
 دیار مغربی تعمیر و احیا و اقطار و امصارنی مسکن و مأوی اتخاذ ایدن طوائف بر پروقبا ئل
 عربک احوالی و اول دیارده انلر مخصوص دولتلرک و بونلری سبق ایدن ملوک و انصارک

الله اعلم حروف غبار ایلر مراد
 مداخل زبجده استعمال اولنان
 حروف رقم در حسابلرنده
 منجمین قصر مسافه ایچون
 ایجد حرف لرینی ترکیب ایلوب
 عدد ایام و سنین و شهوره
 اشارت ایدرلر

اون اوچ نفر اعلام رجاله بالغ اولدیله ابن اسحاق طبری ابن کلبی محمد بن عمر واقدی
 سیف الدین بن عمر الاسدی امام مسعودی و مشاهیر فحول رجالدن بونلرک غیره کی
 اگرچه امام مسعودینک و واقدینک تاریخارنده ذکر اولنان بعض کلاملرینه حفظه ثقات
 و اعلام اثبات اراسنده معروف و مشهور نیجه طعن و تشنیع دخی وار ایسه ده لکن کافه
 مورخین ذکر اولنان ائمه اهللامک روایاتی قبول ایدوب اثرلرینه اتباع و تصنیفده
 طریقلرینه اقتدا و اقتفای اختیار ایلدیله صیر فیان بازار عرفان اولان اصحاب رشد
 و اذعان نقل اولنان اخبار و آثاره امعان نظر ایدوب میران عقل سلیم و معیار طبع مستقیم
 ایله صحیح و کاملنی اخذ و قبول فاسد و ناقصنی تزییف و رد ایدر زبیرا عمران عالم که افراد
 نوع بشر و آحاد بنی آدمک صحیفه ربع مسکونه اجتماعلرندن عبارتدر درلودلو طبیعتلری
 اولوب هر بری نیجه احوال و آتاری اقتضا ایدر و بواجتماعک طبایعی و لوازمی یلنوب
 موجب و مقتضالرینه و قوف تام تحصیل اولندقده کتب تاریخده نقل اولنان اخبار
 و حکایات اول طبایعه عرض وارجاع اولنوب اگر موافق و ملائم ایسه قبول و الاراد
 اولنور و ذکر سبب ایدن ائمه فن تاریخک اکثری تاریخارنده اقطار ارضدن برقطرده واقع
 ممالکک احوالنه قصر و تخصیص ایتوب صدر اسلامده دولت امویه و سلطنت عباسیه تک
 جمله آفاق و اطرافده ضبط و تسخیر ایتدکلری اولکه لری و زمانلرنده اخذ و بارتک ایتدکلری
 ممالکک احوالی بیسانه تصدی ایتدیله و ایچلرندن امام مسعودی و انک اثرینه تابع
 رجال کی بعض مورخین ملت اسلام ظهورندن مقدم واقع اولان دول و اممک
 احوالی دخی استیعاب و احاطه و جهی اوزره بیسان ایلدیله بونلر دن صکره کلان مورخلر
 اطلاقدن تقییده و عمومندن خصوصه میل و عدول ایدوب کرک کندی زمانلرنده و کرک
 ازمنه سالفه ده واقع عامه آفاق و اقطارده موجود دولک احوالی بیسانه تعرض ایتوب
 انجیق کندی عصرلرنده ظهور ایدن وقایعی کشیده سلاک نجر و بولندقلری دولتک
 و قلمر و حکومتلری اولان بلاد و امصارک احوالی جمع و تفسیر ایله اکتفا ایلدیله
 اندلس مورخی ابن حیان اندلسده واقع دولت امویه احوالی بیسان ایدوب و افریقیه مورخی
 ابن رقیب قیروان دولتک اخبارنی نجر بر ایتدیکی کی بونلر دن صکره کلوب فن تاریخده
 تألیف و تدوینه تعرض ایدن کسنلر طباع سلیمه اصحابندن اولماغله هنزلری مجرد تقلید
 اولوب غث و سمین جمع ایتدکلری اقوال و اخباری نقد و تمیزه قدرتلری اولماغله
 بولدقلرینی یازوب و اسلاف مورخینک نجر بر ایتدکلری منوال اوزره ازمنه سالفه ده
 دور ایدن احواله عصرلرنده واقع اولان اموری قیاس ایدرلر بیتلر که ایام ماضیه ده
 سبق ایدن احوال عالم و اطوار بنی آدم دور ایام و مرور احوامله منحول و متبدل اولوب
 قواعد و رسوم دول منقلب اولدیغندن ذهول ایله عصر و زمانلرینک آداب و عاداتنه
 موافق و مطابق ظن ایدوب و زمان سابقده مرور ایدن دول و سلطنتلرک اخبار و حکایاتی
 کتب اسلافندن جمع و نجر بر ایتدکلرنده اصلنی و حقیقتنی بیلیوب اجزاسی مجهول مجنون
 و شخصی مبهم صور اشباح کی مقالله کتبلرینی مملو ایتدیله نجر بر و تفریر ایتدکلری

علمای اولی الابصار ذوی الاستبصاره معلومدر که فن تاریخ شول فنون معتبره دندر که
 آتی جملہ ام و اجبال تداول و رکائب و رجال تحصیلتہ شد اولوب ار باب سوق
 و تجارت دخی معرفتہ میل و رغبت و ملوک و سلاطین حصولتہ سعی و ہمت ایلوب فهم
 و ادرا کتہ صغار و کبار طالبلردر زیرا فن تاریخ ظاہرینہ نظر ایلہ ایام و دول و قرون
 اولک خبرلر نی ضبط و بیان و کشف و عیانہ مقصور اولوب انلرک احوالی جامع اقوال
 غریبہ کتب و تخمق و حکایات عجیبہ نمیر و تحقیق اولوب بحالس و محافلدہ نقل و بیان
 اولدقدہ عقد انجمن جمعیت ایلہ استماعنہ جملہ اناام اجتماع ایلوب ام سابقہ و قرون
 سالفہ نک تغالیب دہر ایلہ حال و شانلرینک انقلابی و صحایف اقالیم ربع مسکونہ دول
 و سلطنتلرک ظهور لرینی و تدریج ایلہ ممالک و مسالکدہ و سعت و وسعتلرینی و آخرہ
 نقل و ارتحال ایلہ زواللری ککبفیلرینی بزہ ادا و افادہ ایدر اما فن تاریخ باطنی
 عالم کون و فسادہ ظهور ایدن حواد نک اصلنی تعلیل و تحقیق و معل و مبادیسنی ترتیدہ
 نظر دقیق مشتمل اولوب وقایع روز کارک کبفیلرینہ و سبیلرینہ فکر اثیق و علم عمیق
 متضمن اولغله حقایق اشیاہ و قوفدہ اصیل و عریق و علوم حکمتدن معدود و مستقل
 بر علم اولغہ لایق فن جلیلدر و دولت اسلامہ دہ تدوین کتب ایدن خول مورخین
 ایام ماضیہ نک اخبارنی جمع و تحریر و صفحات دفاترہ ایداع و تسطیر ایدوب نفس الامری
 بیان و حقیقت حالی شرح و عیانہ تقصیر ایتدیلر لکن فن مزبور دہ راجل و وظیفہ
 تاریخدن غافل بعض کسنلر کلوب اوہام ماطلہ لرینہ نبعبت ایلہ نیجہ دسایس باطلہ یی
 حق اولوق زعمبلہ ثبت و تحریر و نیجہ حکایات کاتبہ ترتیب و تصور ایلوب اسلاف مورخینک
 آثارینہ ضم و درج ایلدیلر بونلردنصکرہ کلان مورخلرک اکثری دخی بونلرک اثرینہ
 اقتدا و اقتفا و آثار و اخباری اشتدکری کچی بزہ ادا ایدوب وقایع کون و احوال عالمک
 هلل و اسبابی ملاحظہ و مراعات ایتوب کذب و بطلانی ظاہر اولان ترہات اخباری
 ترک ایتدیلر اکثر ازماندہ حتی باطلدن فرق و تمیز قلیل و دیدہ بصیرت غالب اوقاندہ
 ضعیف و کلیل اولوب نقل اولنان خبرلرہ غلط و وہم عارض و طاری و بی آدمدہ بر برینہ
 تقلید و اقتدا عرق نسب مجرا سنہ جاری اولدیفندن ماعدا فنون و علومہ بیکانہ و نا اهل
 اولنلرک مداخلہ و تعرضلری معلوم و مراعی جہسل بین الا نام مقصوم اولغسلہ بر بندن
 استماع ایتدکری خبرلری صحیح و فاسد نقل ایدوب صحایف مؤلفاتہ درج و تحریر
 ایدر لکن حق و صوابک برہانی واضح و معروف و شباطین اباطیل شہاب ثاقب نظر
 صائب ایلہ مردود و مقذوف اولوب ناقل اخبار و انار انجیق نقل و املا یہ اقتصار ایدر سہ دہ
 نقاد بصیرت رابچی کاسدن صحیحی فامد دن تقد و انتخاب ایدوب صفحات صدق
 و صواب مستبر و مجہلی اولور بودخی معلوم اولہ کہ ناسدن جمع کثیر و جم غفیر اخبار
 و وقایع روز کاری ضبط و تحریر و تواریخ دول و امم عالمی جمع و تسطیرہ تصدی ایدوب
 لکن مزید فضل و کمال ایلہ شہرہ آفاق واقطار و تصانیف اسلا فی صحف متأخرہ لرینہ
 درج ایدن ائمہ فن تاریخ قلیل اولوب عدد اناملی و حرکات عواملی نجاوز ایتوب یعنی

عدد انامل و حرکات عواملدن
 الله اعلم مراد اون اوچ
 عدد دیکدر بو وجہلہ کہ
 انامل پاریق اوچلرینہ اطلاق
 اولنور و پارمقدن تبادر ایدن
 ال پارمقلریدر کہ اوندر
 و حرکات عوامل دخی اوچدر
 رفع نصب جر در مجموعی
 اون اوچ اولور والله اعلم سہ

التقصيرك ادارة فكر فائزى وتحريك قلب قاصرينه توفيق واماله اولنوب هر چند كه بسط مقدمات اهدارايه اثبات عجز وتقصيره توسل اولدى لكن مانند شكل عقيم منبج مرام او لمامغله حيل متين توفيقه اهتمام اولنوب بيك يوز اوتوز سگزن سالنده ترجمه مذكوره به شروع ومبادرت اولنمشيدى وقت شروع و عدن بش سنه مرور ايدوب بيك يوز قرق اوج سالى حلوننده مقدمه مذكوره نك ثلثانى مرتبه سى ترجمه اولنوب لكن خطبه وديباچه سى هنوز ترتيب اولنمامغله ترجمه مذكوره نك فاتحه وخاتمه سى رقم زده براعه اهتمام اولنوب بدابت ونهاى نقصان وقصورينه دال واتمام آغاز انجامى رهين توفيق صمدى زوال جل شانہ عن الاشياء والامثال اولمغله كل امر بوقته مرهون فخواستجه سنين هجره به محمديه صلى الله عليه وسلم سنة ثلث واربعين ومائة والف شهر ربيع الاولى حلول ايدوب تقدير مالك الملك فعال لما يشاء واتفاق اصحاب آرا وشورا ايله تاج وهاج خلافت عظمى وافسر بالامى سلطنت كبرى لايق اورنك جهانبانى ووارث تخت عثمانى شوكتلو عظمتلو مهسابتلو كرامتلو رحمتلو سلطان محمود خان ابن السلطان مصطفى خان ايدو الله الملك المنان افند من حضرت نرينك پيرايه سر سعادتمند دولترى اولد فده فطرت سلطه زنده جوهره سلم وكاله رغبت و تزويج متاع عرفانه همت مر كوز اولمغله بو ترجمه پريشان اسلوب كسسته شيرازه به صرف لحاظه عنايت بيوروب خطبه وديباچه سى ترتيب و تحريراولنقى با بنده فرمان جهات مطاع واجب الاتباع لرى شرف ريز غر صدور اولمغله امتثال الامر العالى عنوان ترجمه اول سلطان مسعود محمود الفعالك نام نامى واسم سامبلياره تزيين وتوشيح اولنديكه شمه كريمه سى تقويت شريعت حضرت سيد المرسلين وسجيت مرضيه حبيده سى تايد احكام دين مابين نير رآى ناقبى رافع ظلام ظلم ويديداد وجو بيار رأفت ومر حتى سيراب ساز تشنه لبان عدل وداد در اول مهر منير مطلع خلافت وقطب اعظم مدار سلطنت جنابى كه علوشان سعادت نشانى محبوبان خيطة حدس وجواس وكوته نظران خطه عقل وقياس ايچون پايه برهان سلمى ايله ادنى مدار جنه وصول مستحيل الحوصلدر اول شهر يار نجسته كرده استوده اطوار كه نشانه خدمتك دلسوزى صفحه سبنه هر نظام غاشم وكشمكش دعاوى سر كشان اعادى به شمشير صارمى حاكم حاسمدر بر شهنشاه افاضل پرور وفواضل كستر در كه سرير سعادتمسير خلافتى جلوس همايون ميمت ما نوس لريله تشريف ايتده كده هاتف غيبى اداى خدمت تبريك وتهنيت ايچون بو مطلع كز بن وشهيت دلنشيني نطق وانشاد ايلدى ❁ بيت ❁ خسروا تخت خلافت سكا مسعود اولسون ❁ آخر وعاقبتك خير ايله محمود اولسون ❁ الا وهو المعز للدين والدين غياث الاسلام والمسلمين قاهر الجبارة والمتردين قانع الكفرة والمشركين حامى البلاد راعى العباد خليفه رب العالمين ظل الله فى الارضين سلطان ابن السلطان السلطان الممدوح محمود خان لازال اسمه الشريف حلبة فجار للمنا بروخيله واطنا جثمان الاعادى بالسنايك والخواهر ماتعاقب الضياء والظلام وتابعت الشهور والاهوام بالنبي الكريم وآله واصحابه العز والكرام آمين بحرمه طه وبس

واغصانی کثیر و فروع وافسانی عزیز اولوب اصول و موضوعاتی و منافع و غایاتی
 اعتباریله اقسام و انواعی مختلف و منفعتی و ندرت ازین جمله علم قصص و اخبار
 و فن تاریخ اعم سالفه و قرون سابقه تک احوالی حاوی و مناسبات اسلامی اخلافه
 حاکی اولمغله بر خوی نص کریم * فاعتبروا یا اولی الابصار * اعتبار و اعتنا یه
 صالح اولوب فضل و شرفی پراهن عقیده و دلائل نقلیه ایله ثابت و ظاهر و منافع جلیله سی
 واضح و باهر در بناء علیه اصحاب فضل و کالبدن بجم غیر و جمع کثیر انار الله براهینهم
 لسان تازی و دری و زبان ترکی ایله ضبط نوادر و اخبار و جمع حکایات و آثار ده کتب
 کثیره تدوین و تألیف ایدوب و جبر و بسبب تصانیف غیر محصوره ضمننده و قایع کونیه
 و حوادث یومیه بی درج و حصر ایندیگر لکن کتب و سنت و اجماع امت ایله ثابت و اسانید
 صحیحه ایله مثبت اولان قصص و اخبار دن ماعداد کتب توارینجه درج و ثبت اولنان
 حکایات اکثری کاذبه و باطله و حلیه سختدن عاظمه اولمغله صحیحی فاسد دن و رایجی
 کاسد دن فرق و تمیز ایچون بر قانونه احتیاج مس ایدوب یوامر ضرورینک تمهید
 و تقدیمی لازم و عنوان کتب توارینجه ذکر و واجب و مهم ایکن جمهور مورخین
 بومسک سدیله سلوک ره یاب توفیق اولوب فن تاریخ حلیه نقد تحقیق دن خالی قالمش
 ایدی وقتا که تقدیر مکور الیل و النهار ایله مائه مائه سنین هجریه حلول ایدوب اول
 قرن مسعود ده تألیف و تصنیفه تصدی ایدن اعلام فحول مغاربه دن مورخ ذوفنون
 علامه ابن خلدون ولی الدین عبدالرحمن الخضر می نام فاضل مشهور (عنوان العبر
 و دیوان المبتدأ و الخبر فی احوال العرب و العجم و البربر) اسمیله معروف و موسوم اولان
 تاریخ کبری پیرایه سلاک تألیف و کشیده سمط تصنیف ایندکده کم ترک الاول للآخر
 فحواسی اوزره بومعنی جلوه کر بحضای خاطر می و صورت نمای مرآت ضمیری اولوب
 تاریخ مذکور ک عنوانی نسق مذکور و دستور مسطور اوزره بر مقدمه بدیعه ایله توشیح
 و تزین ایدوب فن تاریخی احیا و قدر و شأنی اعلا ایلدی شویله که فن تاریخده ذکر اولوب
 احوال اعم و دوله دأر اخبار و آثار جزئییه بی التي اصله ارجاع و هر اصلی بر فصل مفصل
 ضمننده بیان و ادا ایدوب و هر فصلی فصول عدیده یه تقسیم و تفصیل ایله بر تألیف جلیل
 و تصنیف جلیله موفق اولدیکه اول فصول ضمننده مسطور و مندرج اولان اصول سته
 علی التفصیل کرکی کبی ضبط و اتقان اولوب کتب توارینجه ثبت و درج اولنان اخبار
 و آثار اول اصوله ارجاع و تطبیق و سنجیده میزان تحقیق اولندقدقه نقل اولنان آثار
 و اخبار ک صدق و کذب ظاهری و محکم اعتبارده عیاری ثابت اولور * لکن بو تألیف
 مرغوب عربی الاسلوب اولمغله نفعی خواصه مخصوص اولوب کلام عربی فهم و ادراکده
 راجل اولان رجال انتفاعدن محروم اولمغله مقدمه مذکور ک اسلوب ترکی اوزره ترجمه
 و انشاسی و فهمه قریب تعبیر ایله املا و اداسی ادای دین کبی واجب عهده همت و منفعت
 عامه بی منضم حالت اولمغله و پروجسه مشروح ترجمه مذکور یه بعض صدور علمانک
 شوقیه بو عبد قلیل البضاعة (محمد پیری زاده) جعل الله التقوی زاده فقیر صاحب



فرائد منظومہ محامد مسعودہ ولألی منضودہ اثنیۃ خمودہ نثار درکاه معلائی کبریا بہ
 حقیق وشایان درکہ مرا بای عالمہ رونما اولان صور کونا کون حوادیک برخواستی کریمہ
 * کل بوم ہونی شأن * مجلائی غیبین صحیفہ وجودہ ظہور و بروزنی شواہد
 حکمت بالغہ ودلائل قدرت باہرہ سی اولوب صحایف انفس و آفاقہ مسطور اولان
 آیات ینات صور کائنات حجج قاطعہ الوہیتی ادلہ ساطعہ ربوبیتیدر * اول مبدع
 بدیع الصنع والایجاد درکہ افعال متقنہ وآثار محکمہ سی عالم غیب وشہادت محاط
 علم محیطی اولدیغنیہ برہان مبین اولسوب ووجوب وجودہ افاضہ جود ایلہ تفرد
 ونوحدنہ دلیل میندر * وافضل صلوات زاکات واشرف تہیات طہیات مرکز دائرہ
 وجود صاحب الحوض المورود والمقام المحمود اولان خاتم الانبیاء رسول کبریا ابوالقاسم
 (محمد المصطفی صلی اللہ علیہ وسلم) حضرت تیرتک خاکبای مشکساینہ شایستہ ابلاغ
 واهدا ونیر اعظم ذات مسعودی مطلع غیبین عالم شہودہ پرتواندازظہور
 اولدقدہ بالجملہ آفاق ربیع مسکون انوار اسلام ایلہ تابان ودرخشان وظلمات کفر وضلال
 بی نام ونشان اولوب ام ناجیہ وقرون ماضیہ یہ مبعوث اولان جمیع انبیاء ومرسلین
 صلوات اللہ علیہم اجمعین حضرتتک افضل واشرفیدر * ودخی جات دین مبین
 وهدایہ شہراہ یقین اولان آل واصحابی واتباع واحزابی ارواحنہ کہ ہربری قلہ رفیعہ
 اسلامدہ علم نثار اولوب مناقب حسنہ وسیر مستحسنہ لری مثل سائر در رضوان اللہ تعالی
 علیہم اجمعین * اما بعد ارباب الباہہ ستیر وحق اولیبہ کہ جوہر علم وکمال حلیہ جمال
 انسان اولوب تحصیل علومدہ فکر ونظر صیامہ ومدتکہ ومدارسہ سی قیامہ معادل
 اولدیغنی صحایف کتب وآثار دہ مسطور در لکنی دوختہ ذات البصرہ علمک شعب



Handwritten Arabic script, possibly a signature or a date, located in the center of the page. The characters are stylized and somewhat faded.

Handwritten Arabic script, possibly a signature or a date, located in the lower center of the page. The characters are very faint and difficult to read.

محاکمات و مرافعاته ترك خواطر اصحاب حاجات و عدم قبول وسائل و شفاعات عادات
 مسلو كه سندن بولند بظن منفور بعض ذوات اولخين بنا برين مسكروه علما و ارباب
 فتاوى كند و سندن انفصال و بعض شكات ندادركيله ركاب سلطانه سوق و ايصال ابلد كرندن
 اوزرينه اقامه دعوى و نزد سلطان بنده عقد مجلس علما قيله رقى خصمانه غالب و ارباب
 اغراض عدم نيل مرآه ايله مخذول و خائب اولمشرايسه ده حفته بوكونه مناقشات
 و مناقشات حدوتندن دلگير و منحرف الضمير اولمظه قضادن استعفا و افاده علوم و تدريس
 اختيار از و ايدوب بديو سكرسان طغوز سنه سى جانب حجازه عزيمت و سلطان مشارالیه
 طرفندن نجهير اسباب سفریه سنه همتله باكمال رفاه و راحت اداى فریضه حج ايله
 عودت ايدوب بطه و قعه مشهوره تيمور ظهورنده سكرن يوز اوج سنه هجریه سنه سلطان
 ناصر الدين فرج معينه شامه روان و فتاده بجه تيمور بى امان اولوب هلمای شام سطوت
 تيمور دن دوچار بيم و الام اولدقنندن صاحب ترجمه بى امامه سبحة جمعيت و پيشواى
 سلك جماعت اتخاذايدرك حضور تيموره و اصل اولدقننده و هله اولی ده نظر تيمور فاضل
 مرحومه مصادف و عمامه خفيقه و هيت ظريفه سندن ظرافت طبع و لطافت خلقته
 واقف اولمظه صوب فضيلت اوينه خطبایا توجیه سوال و بالبداهه ابرا دقيلدبغى
 كلمات حكيمانه و مقدمات دلفريانه سندن كسب حظوظيت بال ايلد بكنندن اسير ايلكن
 سيمر مقامه اصعاد اتمش ايسه ده اطوار ظالمانه و اوضاع متلونانه سندن ناشى حفته اولان
 اجلالى جلاله و اسعافى اعسافه مبدل اوله جفى اذعان و فرس ايدرك بجه ازدراسندن
 تخلص كريسانه متزقب فرصت و تاريختك جلب و احضارى بهانه سيله جانب مصره
 راحله ران عزيمت اولوب بورشكله تيمور لىكى اغسال و مناع جان و مالى صوب سلامت
 ايصال ايلشدر سلطان برقوق زماننده معزز و مكرم اولدبغى كچي سلطان ناصر الدين
 فرج اوان سلطنتنده دخى مظهر اكرام و اعزاز و اعجابان مملكت و ارکان دولت نژدنده
 قدر او علم امر افزا اولوب برمدت پيرسيه مشيخته نائل و اخيرا تيمارستان قبائنده
 قبة الصالحه تدريس فقه و سر غمتمشبه ده تدريس حديث و طابفته و اصل اولدقندن
 بشقه دفعات متعدده ده قضاء مالكيه مسندينه صاعد و حتى اول منصب سامنده
 قاعد اولدبغى سكرن يوز سكرن سنه سى رمضان شريفك بكمى التيجى اربعا كوفى
 عالم عقبايه روان و جسد شريفى باب النصر خار جنده مقابر الصوفيه نام محله
 دفين خاك غفران اولدبغى مسطور كسب و قايع نويساندر رحمة الله عليه علامه مشارالیهك
 اشبوتاليف لطيفندن بشقه قصيده برده اوزرينه شرح منبى و نجه قصايد
 بى نظير و اشعار دلپذيرى موجود و مؤلفات ساره سى دخى اولدبغى بعض كتب تواربخته
 مذکور و مسرود ايسه ده اشهر آثار و ابهر يادكارى عنوان العبر و ديوان المبتدا
 و الخبر فى ايام العرب و النجم و البربر نام تاريخ مشهورينك
 اشبو مقدمه نقيسه سيدر

علمای اولی الابصار ذوی الاستبصاره معلومدرکه فن تاریخ شول فنون معتبره دندرکه
 آتی جمله ام واجبال تداول و رکائب و رجال تحصیلنه شد اولنوب ار باب سوق
 و تجارت دخی معرفتنه میل و رهبت و ملوک و سلاطین حصولنه سعی و همت ایلوب فهم
 و ادراکنه صغار و بکار طالبلردر زیرا فن تاریخ ظاهرینه نظر ایله ایام و دول و قرون
 اولک خبرلرینی ضبط و بیان و کشف و عیانه مقصور اولوب انلرک احوالی جامع اقوال
 غریبه کتب و تنقیح و حکایات عجیبه نحریر و تحقیق اولنوب مجالس و محافله نقل و بیان
 اولدقدغه عقد انجمن جمعیت ایله استماعنه جمله انام اجتماع ایلوب ام سابقه و قرون
 سالغه نک تقالیب دهر ایله حال و شانلرینک انقلابی و صحایف اقالیم ربع مسکونده دول
 و سلطنتلرک ظهورلرینی و تدریج ایله ممالک و مسالکده وسعت و فسختلرینی و آخره
 نقل و ارتحال ایله زواللری کبفتلرینی بزه ادا و افاده ایدر اما فن تاریخک باطنی
 عالم کون و فسادده ظهور ایدن حوادثک اصلنی تعلیل و تحقیق و همل و مبادیسنی ترتید
 نغز دقتی مشتمل اولوب وقایع روز کارک کبفتلرینه و سبیلرینه فکر انیق و علم عمیق
 متضمن اولغله حقایق اشیا به وقوفده اصیل و عریق و علوم حکمتدن معدود و مستقل
 بر علم اولغله لایق فن جلیلدر و دولت اسلامیه ده تدوین کتب ایدن خول مورخین
 ایام ماضیه نک اخبارنی جمع و نحریر و صفحات دفا تره ایداع و تسطیر ایدوب نفس الامری
 بیان و حقیقت حال شرح و عیانه تقصیر ایتدیلر لکن فن مزبورده راجل و وظیفه
 تاریخدن غافل بعض کسسهلر کلوب اوهام ماطله لینه تبعیت ایله نیجه دسایس باطله بی
 حق اولوق زعمبله ثبت و نحریر و نیجه حکایات کاذبه ترتیب و نصویر ایلوب اسلاف مورخینک
 آثارینه ضم و درج ایلدیلر بونلردنصکره کلان مورخلرک اکثری دخی بونلرک اثرینه
 اقتدا و اقتضا و آثار و اخباری اشتدکلی کی بزه ادا ایدوب وقایع کون و احوال عالمک
 همل و اسبابنی ملاحظه و مراعات ایتوب کذب و بطلانی ظاهر اولان ترهات اخباری
 ترک ایتدیلر اکثر ازمانده حتی باطلدن فرقی و تمیز قلیل و دیده بصیرت غالب اوقانده
 ضعیف و کلبل اولوب نقل اولندان خبرله غلط و وهم عارض و طاری و بی آمده بر برینه
 تقلید و اقتدا عرق نسب مجرا سنه جاری اولدینندن ماعدا فنون و علومه بیگانه و نا اهل
 اولنلرک مداخله و تعرضلری معلوم و مرعای جهل بین الانام مقسوم اولغله بر بردن
 استماع ایتدکلی خبرلری صحیح و فاسد نقل ایدوب صحایف مؤلفاته درج و نحریر
 ایدر لکن حق و صوابک برهانی واضح و معروف و شایطین اباطیل شهاب ناقب نظر
 صائب ایله مر دود و مقذوف اولوب ناقل اخبار و آثار انجیق نقل و املایه اقتصار ایدر سه ده
 نقاد بصیرت رایجی کاسد دن صحیحی فاسد دن نقد و انتخاب ایدوب صفحات صدق
 و صواب مستبیر و مجلی اولور بودخی معلوم اوله که ناسدن جمع کثیر و جم غفیر اخبار
 و وقایع روز کاری ضبط و نحریر و تواریخ دول و امم عالمی جمع و تسطیر تصدی ایدوب
 لکن مزید فضل و کمال ایله شهره آفاق و اقطار و تصانیف اسلافی صحف متأخره لینه
 درج ایدن ائمه فن تاریخ قلیل اولوب عدد اناملی و حرکات عواملی تجاوز ایتوب یعنی

عدد انامل و حرکات عواملدن
 الله اعلم مراد اون اوچ
 عدد دیمکدر بو وجهله که
 انامل پارمی اوچلرینه اطلاق
 اولنور و پارمقدن تبادر ایدن
 ال پارمقلریدر که اوندر
 و حرکات عوامل دخی اوچدر
 رفع نصب جر در مجموعی
 اون اوچ اولور والله اعلم

التقصيرك ادارة فكر فائزى ونحرك قلم قاصرينه توقيف واماله اولنوب هر چند كه بسط مقدمات اهدار ايله اثبات عجز وتقصيره توسل اولندى لكن مانند شكل عقيم منبج مرام اولماغله حبل متين توفيقه اهتمام اولنوب بيك يوز اوتوز سكرن سالنده ترجمه مذ كوره به شروع ومبادرت اولمشيدى وقت شروعدن بش سنه مرور ايدوب بيك يوز قرق اوچ سالى حلوننده مقدمه مذ كوره نك ثلثانى مرتبه سي ترجمه اولنوب لكن خطبه وديباچه سي هنوز ترتيب اولماغله ترجمه مذ كوره نك فاتحه وخاتمه سي رقم زده براعه اهتمام اولوبوب بدابت ونهاى نقصان وقصورينه دال واتمام آغاز انجامى رهين توفيق محمد بن زوال جل شانہ عن الاشياء والامثال اولماغله كل امر بوقته مرهون خوا سنجہ سنين هجره محمدية صلى الله عليه وسلم سنة ثلث واربعين ومائة والف شهر ربيع الاولى حلول ايدوب تقدير مالك الملك فعال لما يشاء واتفاق اصحاب آرا وشورا ايله تاج وهاج خلافت عظمى واقصر بالاي سلطنت كبرى لايق اورنك جهانباني ووارث تحت عثمانى شوكتلو عظمتلو مهتابلو كرامتلو رحمتلو سلطان محمود خان ابن السلطان مصطفى خان ايدو الله الملك المنان افند من حضرت بلربنك پيرايه سر سعادت مند دولتلى اولد قده فطرت سليمه زنده جوهر هلم وكاله رغبت ورويح متاع عرفانه همت مر كوز اولماغله بو ترجمه پريشان اسلوب كسسته شيرازه به صرف لحاظه عنايت بيوروب خطبه وديباچه سي ترتيب وتحريروالتمق بابنده فرمان جهات مطاع واجب الاتباعلى شرف ريز عز صدور اولماغله امتثال الامر العالى عنوان ترجمه اول سلطان مسعود محمود الفعالك نام نامى واسم سامبلر بيله تزيين وتوشيح اولنديكه شيمه كريمة سي تقويت شريعت حضرت سيد المرسلين وسجيت مرضيه حبيده سي تايد احكام دين مبين نير راى نافي رافع ظلام ظلم وييداد وجويبار رافت ومرحمتي سيراب ساز تشنه لبان عدل وداددر اول مهر منير مطلع خلافت وقطب اعظم مدار سلطنت جنابى كه علوشان سعادت نشانى محبوبان خبطة حدس وحواس وكوته نظران خبطة عقل وقياس ايچون پايه برهان سلمى ايله ادنى مدار جنه وصول مستحيل الحصولدر اول شهر يار نجسته كرده دار ستوده اطوار كه نشانه خدتك دلسوزى صفحه سبنه هر ظالم غاشم وكشمكش دعاوى سر كشان اعادى به شمشير صارمى حاكم حاسمدر بر شهنشاه افاضل پرور وفواضل كستر در كه سرير سعادت نصير خلافتي جلوس همايون ميمت ما نوس لريله تشريف ايتدهكده هاتف غيبي اداى خدمت تبريك وتهنيت ايچون بو مطلع كز بن وشهيت دلنشينى نطق وانشاد ايلدى ❁ بيت ❁ خسروا تحت خلافت سكا مسعود اولسون ❁ آخر وعاقبتك خير ايله محمود اولسون ❁ الا وهو المعز للدين والدين غياث الاسلام والمسلمين قاهر الجبارة والمتردين قانع الكفرة والمشركين حامى البلاد راعى العباد خليفه رب العالمين ظل الله فى الارضين سلطان ابن السلطان السلطان الممدوح محمود خان لازال اسمه الشريف حلية فخار للناس بروخيله واطنًا جثمان الاعادى بالسنايك والخوافر مانعاقب الضياء والظلام وتابعت الشهور والاهوام بالنبي الكريم وآله واصحابه العز والكرام آمين بجرمة طه وبس

واغصانی کثیر و فروع وافسانی عزیز اولوب اصول و موضوعاتی و منافع و غایاتی
 اعتباریله اقسام و انواعی مختلف و منفی و ندر ازین جمله علم قصص و اخبار
 و فن تاریخ اتم سالفه و قرون سابقه تک احوالی حاوی و منافع اسلافی اخلافه
 حاکی اولغله بر خوی نص کریم * فاعتبروا یا اولی الابصار * اعتبار و اعتنا یه
 صالح اولوب فضل و شرفی پراهین عقلمه و دلایل نقلیه ایله ثابت و ظاهر و منافع جلیله سی
 واضح و باهر در بناء علیه اصحاب فضل و کالدن جم غفیر و جمع کثیر انار الله پراهینهم
 لسان تازی و دری و زبان ترکی ایله ضبط نوادر و اخبار و جمع حکایات و آثار ده کتب
 کثیره تدوین و تألیف ایدوب و جبر و بسط تصانیف غیر محصوره ضمننده و قایع کونیه
 و حوادث یومیه بی درج و حصر ایندیبلر لکن کتب و سنت و اجماع امت ایله ثابت و اساسند
 صحیحه ایله مثبت اولان قصص و اخبار دن ماعد اکتب توار یخده درج و ثبت اولنان
 حکایات اکثری کاذبه و باطله و حلیه صحندن عاطله اولغله صحیحی فاسد دن و رایجی
 کاسد دن فرق و تمیز ایچون بر قانونه احتیاج مس ایدوب یوامر ضرور ینک تمهید
 و تقدیمی لازم و عنوان کتب توار یخده ذکر و واجب و مهم ایکن جمهور مورخین
 بومسلك سدیله سلوک ره یاب توفیق اولوب فن تاریخ حلیه نقد تحقیق دن خالی قالمش
 ایدی وقتا که تقدیر مکور اللیل و النهار ایله مائنه ثامنه سنین هجریه حلول ایدوب اول
 قرن مسعود ده تألیف و تصنیفه تصدی ایدن اعلام خول مغاربه دن مورخ ذوفنون
 علامه ابن خلدون ولی الدین عبدالرحمن الخضر می نام فاضل مشهور (عنوان العبر
 و دیوان المبتدأ و الخبر فی احوال العرب و العجم و البربر) اسمیله معروف و موسوم اولان
 تاریخ کیری پیرایه سلك تألیف و کشیده سمط تصنیف ایندکده کم ترک الاول للآخر
 خواسی اوزره بومعنی جلوه کر مجملای خاطر می و صور ثنای مرآت ضمیری اولوب
 تاریخ مذکور ک عنوانی نسق مذکور و دستور مسطور اوزره بر مقدمه بدیعسه ایله توشیح
 و تزین ایدوب فن تاریخی احیا و قدر و شأنی اعلا ایلدی شویله که فن تاریخده ذکر اولوب
 احوال اتم و دوله دائر اخبار و آثار جزئییه بی التي اصله ارجاع و هر اصلی بر فصل مفصل
 ضمننده بیان و ادا ایدوب و هر فصلی فصول عدیده یه تقسیم و تفصیل ایله بر تألیف جلیل
 و تصنیف جلیله موفق اولدیکه اول فصول ضمننده مسطور و مندرج اولان اصول سته
 علی التفصیل کرکی کی ضبط و اتقان اولوب کتب توار یخده ثبت و درج اولنان اخبار
 و آثار اول اصوله ارجاع و تطبیق و سنجیده میزان تحقیق اولندقدقه نقل اولنان آثار
 و اخبار ک صدق و کذب ظاهر و محک اعتبارده عیاری ثابت اولور * لکن بو تألیف
 مرغوب عربی الاسلوب اولغله نفی خواصه مخصوص اولوب کلام عربی فهم و ادراکده
 راجل اولان رجال انتفاعدن محروم اولغله مقدمه مذکور ک اسلوب ترکی اوزره ترجمه
 و انشاسی و فهمه قریب تعبیر ایله املا و اداسی ادای دین کی واجب عهده همت و منفعت
 عامه بی متضمن حالت اولغله و بوجه مشروح ترجمه مذکور یه بعض صدور علمانک
 شوقله بو عبد قلیل البضاعة (محمد پیری زاده) جعل الله التقوی زاده فقیر صاحب



فراند منظومہ محمد مسعودہ ولألی منضودہ اثنیہ محمودہ نثار درگاہ معلائی کبریا بہ
 حقیق وشایان درکہ خرا بای عالمده رونما اولان صور کونا کون حواد تک برخواستی کریمہ
 * کل بوم هونی شأن * بحملای غییدن صحیفہ وجودہ ظهور و بروز ی شواهد
 حکمت بالغہ ودلائل قدرت باهره سی اولوب صحایف انفس و آفاقدہ مسطور اولان
 آیات بینات صور کائنات حجج قاطعہ الوهیتی ادله ساطعہ ربوبیتدر * اول مبدع
 بدیع الصنع والایجاد درکہ افعال متقنه و آثار محکمہ سی عالم غیب وشهادت محاط
 علم محیطی اولدیغنه برهان مبین اولوب ووجوب وجودہ افاضہ جود ایلہ تفرده
 وتوحدنه دلیل میندر * و افضل صلوات زاکات و اشرف تحیات طیبات مرکز دائرہ
 وجود صاحب الحوض المورود والمقام المحمود اولان خاتم الانبیاء رسول کبریا ابوالقاسم
 (محمد المصطفی صلی الله علیه وسلم) حضرت ترینگ خاکبای مشکساینه شایسته ابلاغ
 واهدا ونیر اعظم ذات مسعودی مطلع غییدن عالم شهودہ پرتوانداز ظهور
 اولدقدہ بالجله آفاق ربع مسکون انوار اسلام ایلہ تابان ودرخشان وظلمات کفر وضلال
 بی نام ونشان اولوب امم ناجیه وقرون ماضیه به مبعوث اولان جمیع انبیاء ومرسلین
 صلوات الله علیهم اجمعین حضرت تک افضل و اشرفیدر * ودخی حیات دین مبین
 وهداة شهراه یقین اولان آل واصحابی واتباع واحزابی ارواحنه که هر بری قله رفیعہ
 اسلامده علم نثار اولوب مناقب حسنه وسیر مستحسنه لری مثل سائر در رضوان الله تعالی
 علیهم اجمعین * اما بعد ارباب البابه ستیر و خفی اولسه که جوهر علم و کمال حلیه جمال
 انسان اولوب تحصیل علومده فکر ونظر صیامه ومدت کوه ومدارسه سی قیامه معادل
 اولدیغی صحایف کتب و آثارده مسطور در لکنی دو سینه ذات البصره علیک شعب

واغصانی کثیر و فروع وافسانی غریز اولوب اصول و موضوعاتی و منافع و غایاتی اعتباریله اقسام و انواعی مختلف و متفا و تدر ازین جمله علم قصص و اخبار و فن تاریخ اتم سالغه و قرون سابقه نك احوالی حاوی و مناقب اسلافی اخلافه حاکمی اولغله برخواستی نص کریم * فاعتر و یا اولی الابصار * اعتبار و اعتنا یه صالح اولوب فضل و شرفی براهین عقلیه و دلائل نقلیه ایله ثابت و ظاهر و منافع جلیله سی واضح و باهر در بناء علیه اصحاب فضل و کالدن بجم غفیر و جمع کثیر انار الله براهینهم لسان تازی و دری و زبان ترکی ایله ضبط نوادر و اخبار و جمع حکایات و آثار ده کتب کثیره تدوین و تألیف ایدوب و جیر و بسط تصانیف غیر محصوره ضمننده و قایع کونیه و حوادث یومیه بی درج و حصر ایندی بلر لکن کتب و سنت و اجماع امت ایله ثابت و اساسند صحیحه ایله مثبت اولان قصص و اخبار دن ماعدا کتب تواریخیه درج و ثبت اولنان حکایاتک اکثری کاذبه و باطله و حلیه صحتمدن عاقله اولغله صحیحی فاسد دن و رایجی کاسد دن فرق و تمیز ایچون بر قانونه احتیاج مس ایدوب یوامر ضرورینک تمهید و تقدیمی لازم و عنوان کتب تواریخیه ذکری واجب و مهم ایکن بجمهور مورخین بومسلك سدیله سلوک ره یاب توفیق اولوب فن تاریخ حلیه نقد تحقیق دن خالی قالمش ایدی وقتا که تقدیر مکور اللیل و النهار ایله مائه ثمانه سنین هجریه حلول ایدوب اول قرن مسعود ده تألیف و تصنیفه تصدی ایدن اعلام فحول مغاربه دن مورخ ذوفنون علامه ابن خلدون ولی الدین عبدالرحمن الخضر می نام فاضل مشهور (عنوان العبر و دیوان المبتدأ و الخبر فی احوال العرب و العجم و البربر) اسمیله معروف و موسوم اولان تاریخ کیری پیرایه سلك تألیف و کشیده سمط تصنیف ایندکده کم ترک الاول للاخر فحواسی اوزره بومعنی جلوه کر بحملای خاطر ی و صور تنهای مرآت ضمیری اولوب تاریخ مذکورک عنواتی نسق مذکور و دستور مسطور اوزره بر مقدمه بدیعنه ایله توشیح و تزین ایدوب فن تاریخی احیا و قدر و شاننی اعلا بلدی شویله که فن تاریخیه ذکرا اولوب احوال اتم و دوله دائر اخبار و آثار جزئیه بی التي اصله ارجاع و هر اصلی بر فصل مفصل ضمننده بیان و ادا ایدوب و هر فصلی فصول عدیله تقسیم و تفصیل ایله بر تألیف جلیل و تصنیف جلیله موفق اولدی که اول فصول ضمننده مسطور و مندرج اولان اصول سته علی التفصیل کرکی کبی ضبط و اتقان اولوب کتب تواریخیه ثبت و درج اولنان اخبار و آثار اول اصوله ارجاع و تطبیق و سنجیده میزان تحقیق اولند قدغه نقل اولنان آثار و اخبارک صدق و کذبنی ظاهر و محک اعتبارده عیاری ثابت اولور * لکن بو تألیف مرغوب عربی الاسلوب اولغله نفعی خواصه مخصوص اولوب کلام عربی فهم و ادراکده راجل اولان رجال انتفاعدن محروم اولغله مقدمه مذکور نك اسلوب ترکی اوزره ترجمه و انشاسی و فهمه قریب تعبیر ایله املا و اداسی ادای دین کبی واجبه عهدده همت و منفعت عامه بی متضمن حالت اولغله و بوجه مشروح ترجمه مذکور یه بعض صدور علمانک شوقیله بو عبد قلیل البضاعة (محمد پیری زاده) جعل الله التقوی زاده فقیر صاحب



فرایند منظومه محامد مسعوده و لآلی منضوده اثنیه محموده نثار درگاه معلائی کبریا به
 حقیق و شایان در که مرا بای عالمده رونما اولان صور کونا کون حواد تک بر خوای کریمه
 * کل یوم هو فی شأن * بحملای غیبیدن صحیفه وجوده ظهور و بروز می شواهد
 حکمت بالغه و دلائل قدرت باهره سی اولوب صحایف انفس و آفاقده مسطور اولان
 آیات ینات صور کائنات حجج قاطعه الوهیتی ادله ساطعه ربوبیتدر * اول مبدع
 بدیع الصنع و الایجاد در که افعال متقنه و آثار محکمه سی عالم غیب و شهادت محاط
 علم محیطی اولدیغنه برهان مبین اولوب و وجوب وجودده افاضه جود ایله تفرد
 و توحده نه دلیل میندر * و افضل صلوات زاکات و اشرف تحیات طیبات مرکز دایره
 وجود صاحب الحوض المورود و المقام المحمود اولان خاتم الانبیاء رسول کبریا ابوالقاسم
 (محمد المصطفی صلی الله علیه و سلم) حضرت نرینک خاکبای مشکساینه شایسته ابلاغ
 و اهدا و نیر اعظم ذات مسعودی مطلع غیبیدن عالم شهوده پرتوانداز ظهور
 اولدقده بالجمله آفاق ربع مسکون انوار اسلام ایله تابان و درخشان و ظلمات کفر و ضلال
 بی نام و نشان اولوب ام ناجیه و قرون ماضیه به مبعوث اولان جمیع انبیاء و مرسلین
 صلوات الله علیهم اجمعین حضرت تک افضل و اشرفیندر * و دخی جات دین مبین
 و هدایه شهره یقین اولان آل و اصحابی و اتباع و احزابی ار و احنه که هر بری قلعه رفیعه
 اسلامده علم نثار اولوب مناقب حسنه و سیر مستنفری مثل سائر در رضوان الله تعالی
 علیهم اجمعین * اما بعد ارباب البابه ستیرو خفی اولدغه که جوهر علم و کمال حلیه جمال
 انسان اولوب تحصیل علومده فکر و نظر صیامه و مدبرانه و مدارسه سی قیامه معادل
 اولدیغی صحایف کتب و آثارده مسطوردر لکن دو خود ذات النضره علمک شعب

واغصانی کثیر و فروع وافسانی عزیز اولوب اصول و موضوعاتی و منافع و غایاتی اعتباریله اقسام و انواعی مختلف و متفاوت در ازین جمله علم قصص و اخبار و فن تاریخ اتم سالغه و قرون سابقه نك احوالی حاوی و مناقب اسلافی اخلافه حاکمی اولغله بر خوی نص کریم * فاعتبروا یا اولی الابصار * اعتبار و اعتنا یه صالح اولوب فضل و شرفی براهین عقلیه و دلائل نقلیه ایله ثابت و ظاهر و منافع جلیله سی واضح و باهر در بناء علیه اصحاب فضل و کالبدن جم غفیر و جمع کثیر انار الله براهینهم لسان تازی و دری و زبان ترکی ایله ضبط نوادر و اخبار و جمع حکایات و آثار ده کتب کثیره تدوین و تألیف ایدوب و جبر و بسط تصانیف غیر محصوره ضمننده و قایع کوبنه و حوادث یومیه بی درج و حضر ایندیلر لکن کتب و سنت و اجاع امت ایله ثابت و اساسند صحیحه ایله مثبت اولان قصص و اخبار دن ماعدا کتب توار یخده درج و ثبت اولنسان حکایات اکثری کاذبه و باطله و حلیه صحتدن عاطله اولغله صحیحی فاسد دن و رایحی کاسد دن فرق و تمیز ایچون بر قانونه احتیاج مس ایدوب یوا امر ضرورینک تمهید و تقدیمی لازم و عنوان کتب توار یخده ذکر ی واجب و مهم ایکن جمهور مورخین بومسلك سدیله سلو که رهیاب توفیق اولوب فن تاریخ حلیه نقد تحقیقن خالی قالمش ایدی وقتا که تقدیر مکور اللیل والنهار ایله مائه ثمانه سنین هجریه حلول ایدوب اول قرن مسعود ده و تألیف و تصنیفه تصدی ایدن اعلام فحول مغاربه دن مورخ ذوفنون علامه ابن خلدون ولی الدین عبدالرحمن الخضر می نام فاضل مشهور (عنوان العبر و دیوان المبتدأ و الخبر فی احوال العرب و العجم و البربر) اسمیله معروف و موسوم اولان تاریخ کیری پیرایه سلك تألیف و کشیده سبط تصنیف ایتدکه کم ترک الاول للآخر خواسی اوزره بومعنی جلوه کر بحلای خاطر ی و صور تنهای مرآت ضمیری اولوب تاریخ مذکورک عنواتی نسق مذکور و دستور مسطور اوزره بر مقدمه بدیعنه ایله توشیح و تزین ایدوب فن تاریخی احیا و قدر و شانی اعلا بلدی شویله که فن تاریخده ذکر اولنوب احوال اتم و دوله دأر اخبار و آثار جزئیه بی التي اصله ارجاع و هر اصل ی بر فصل مفصل ضمننده بیان و ادا ایدوب و هر فصلی فصول عدیده یه تقسیم و تفصیل ایله بر تألیف جلیل و تصنیف جلیله موفق اولدیکه اول فصول ضمننده مسطور و مندرج اولان اصول سته علی التفصیل کرکی کبی ضبط و اتقان اولنوب کتب توار یخده ثبت و درج اولنسان اخبار و آثار اول اصوله ارجاع و تطبیق و سنجیده میزان تحقیق اولنسدقده نقل اولنسان آثار و اخبارک صدق و کذب ی ظاهر و محک اعتبارده عیاری ثابت اولور * لکن بو تألیف مرغوب عربی الاسلوب اولغله نفعی خواصه مخصوص اولوب کلام عربی فهم و ادراکده راجل اولان رجال انتفاعدن محروم اولغله مقدمه مذکور نك اسلوب ترکی اوزره ترجمه و انشاسی و فهمه قریب تعبیر ایله املا و اداسی ادای دین کبی واجبه عهدده همت و منفعت عامه بی متضمن حالت اولغله و پر وجهه مشروح ترجمه مذکور یه بعض صدور علمانک شوقیله بو عبد قلیل البضاعة (محمد پیری زاده) جعل الله التقوی زاده فقیر صاحب



فرائد منظومہ محامد مسعودہ ولألی منضودہ اثنیۃ مجمودہ نثار درکام معالی کبریایہ
 حقیق وشایان درکہ مرابای عالمہ رونما اولان صور کونا کون حوادیک برخواستی کریمہ
 * کل یوم ہونی شأن * مجملای غیبین صحیفہ وجودہ ظہور و بروزی شواہد
 حکمت بالغہ ودلائل قدرت باہرہ سی اولوب صحایف انفس و آفاقہ مسطور اولان
 آیات ینات صور کائنات حج قاطعہ الوہیتی ادلہ ساطعہ ربوبیتیدر * اول مبدع
 بدیع الصنع والایجاد درکہ افعال متقنہ وآثار محکمہ سی عالم غیب وشہادت محاط
 علم محیطی اولدیغنیہ برهان مبین اولسوب ووجوب وجودہ افاضہ جود ایلہ تفرد
 وتوحدنہ دلیل میندر * وافضل صلوات زاکات واشرف تحیات طیبات مرکز دائرہ
 وجود صاحب الحوض المورود والمقام المحمود اولان خاتم الانبیاء رسول کبریابوالقاسم
 (محمد المصطفی صلی اللہ علیہ وسلم) حضرت نرینک خاکبای مشکساینہ شایستہ ابلاغ
 واهدا ونیر اعظم ذات مسعودی مطلع غیبین عالم شہودہ پرتواندازظہور
 اولدقدہ بالجملہ آفاق ربیع مسکون انوار اسلام ایلہ تابان ودرخشان وظلمات کفر وضلال
 بی نام ونشان اولوب ام ناجیہ وقرون ماضیہ بہ مبعوث اولان جمیع انبیاء ومرسلین
 صلوات اللہ علیہم اجمعین حضرتتک افضل واشرفیدر * ودخی جات دین مبین
 وهداۃ شہراہ یقین اولان آل واصحابی واتباع واحزابی ارواحنہ کہ ہربری قلہ رفیعہ
 اسلامدہ علم نثار اولوب مناقب حسنہ وسیر مستحسنہ لری مثل سائر در رضوان اللہ تعالی
 علیہم اجمعین * اما بعد ارباب الباہہ ستیروخنی اولسبہ کہ جوہر علم وکمال حلیہ جمال
 انسان اولوب تحصیل علوم مدہ فکر ونظر ضیامہ ومدت کہ ومدارسہ سی قیامہ معادل
 اولدیغنی صحایف کتب وآثار دہ مسطوردر لکنک دوہ ذات النضرہ علمک شعب



Handwritten text or markings, possibly a signature or initials, located in the lower middle section of the page.

Handwritten text or markings, possibly a signature or initials, located in the lower left section of the page.

محاکات و مرافعاته ترك خواطر اصحاب حاجات و عدم قبول وسائل و شفاعات عادات
 مسلو که سندن بولند بظندن منغور بعض ذوات اولمخين بنا برين ~~سکرو~~ و علماء و ارباب
 فناوی کند و سندن انفعال و بعض شکات ندار کيله رکاب سلطانه سوق و ایصال ایلد کزندن
 اوز رینه اقامه دعوی و نزد سلطانیده عقد مجلس علماء قیلنه رق خصمانه غالب و ارباب
 اغراض عدم نیل مرام ایله مخذول و خائب اولمش ايسه ده حفته بو کونه منافسات
 و مناقشات حدوتندن دلکبر و منحرف الضمیر اولمغه قضادن استعفا و افاده علوم و تدریسه
 اختیار ازوا ایدوب بدیوز سکسان طغوز سنه سی جانب حجازه عزیمت و سلطان مشارالیه
 طرفندن فجھیر اسباب سفریه سنه همتله با کمال رفاه و راحت ادای فریضه حج ایله
 عودت ایدوب بعده وقعه مشهوره تیمور ظهورنده سکز بوز اوج سنه هجریه سنه سلطان
 ناصر الدین فرج معینله شامه روان و فتاده پنجه تیموری امان اولوب هلمای شام سطوت
 تیموردن دوچاریم و الام اولدقلرندن صاحب ترجمه بی امامه سجه جمعیت و پیشوای
 سلاک جماعت اتخاذا ایدرک حضور تیموره و اصل اولدقلرنده و هله اولی ده نظر تیمور فاضل
 مرحومه مصادف و عمامه خفیفه و هیئت ظریفه سندن ظرافت طبع و لطافت خلقته
 واقف اولمغله صوب فضیلت اوینه خطس ابا توجیه سؤال و بالبداهه ابراد قیلد بیخی
 کلمات حکیمانه و مقدمات دلفریبانه سندن کسب حظوظ طیب بال ایلد بکنندن اسیر اینکن
 سیر مقامنه اصعاد ایتمش ايسه ده اطوار ظالمانه و اوضاع متلوانه سندن ناشی حفته اولان
 اجلالی جلاله و اسعافی اهنسافه مبدل اوله جفی اذعان و قمرس ایدرک پنجه از در اسندن
 تخلیص کریسانه متزقب فرصت و تار یخنک جلب و احضاری بهانه سیله جانب مصره
 راحله ران عزیمت اولوب بورن کله تیمور لنگی اغضال و متاع جان و مالی صوب سلامت
 ایصال ایلشدر سلطان برقوق زماننده معزز و مکرم اولدیغی کبی سلطان ناصر الدین
 فرج اوان سلطنتنده دخی مظهر اکرام و اعزاز و احسان مملکت و ارکان دولت زنده
 قدر او علماسر افراز اولوب برمدت بیبرسیه مشیخته نائل و اخیرا تیمارستان قبائلنده
 قبه الصالحده تدریس فقه و سر غمشیه ده تدریس حدیث و ظایفته و اصل اولدقلندن
 بشقه دفعات متعدده ده قضاء مالکبه مسندینه صاعد و حتی اول منصب سامیده
 قاعد اولدیغی سکز بوز سکز سنه سی رمضان شریفنک بکرمی التخی اربعا کونی
 عالم عقبا به روان و جسمد شریفی باب النصر خار جنده مقابر الصوفیه نام محلده
 دفین خاک غفران اولدیغی مسطور کتب و قایع نویساندر رحمة الله علیه علامه مشار الیهک
 اشو تالیف لطیفندن بشقه قصیده برده اوز رینه شرح منبئی و پنجه قصاید
 بی نظیر و اشعار دلپذیری موجود وه مؤلفات ساره سی دخی اولدیغی بعض کتب توار بجنده
 مذکور و مسرود ايسه ده اشهر آثار و ابهر یاد کاری عنوان العبر و دیوان المبدأ
 و الخبر فی ایام العرب و العجم و البربر نام تاریخ مشهورینک
 اشو مقدمه نفیسه سیدر



Handwritten text or signature, possibly a name or initials, located in the lower center of the page.

Handwritten text or signature, possibly a name or initials, located in the lower left quadrant of the page.

محاکات و مرافعاته ترك خواطر اصحاب حاجات و عدم قبول وسائل و شفاعات عادات
 مسلو که سندن بولند بقتدن منفور بعض ذوات اولمخین بنا برین صکروه علما و ارباب
 فتاوی کند و سندن انفعال و بعض شکات ندادار کبله رکاب سلطانه سوق و ایصال ایلد کلدن
 اوز رینه اقامه دعوی و نزد سلطانیده عقد مجلس علما قیلنه رقی خصمانه غالب و ارباب
 اغراض عدم نیل مرام ایله مخذول و خائب اولمشرا ایسه ده حقتده بوگونه مناقشات
 و مناقشات حدوتندن دلکبر و منحرف الضمیر اولمغله قضادن استعفا و اتاده علوم و تدریسله
 اختیار ازوا ایدوب بدیوز سکسان طقوز سنه سی جانب حجازه عزیمت و سلطان مشارالیه
 طرفندن نجهیر اسباب سفریه سنه همتله با کمال رفاه و راحت ادای فریضه حج ایله
 عودت ایدوب بعده وقعه مشهوره تیمور ظهورنده سکر یوز اوج سنه هجریه سنه سلطان
 ناصرالدین فرج معینله شامه روان و فتاده پنجه تیموری امان اولوب هلمای شام سطوت
 تیموردن دوچاریم و الام اولدقلرندن صاحب ترجمه بی امامه سبحة جمعیت و پیشوای
 سلاک جماعت اتخاذ ایدرک حضور تیموره واصل اولدقلرنده وهله اولی ده نظر تیمور فاضل
 مرحومه مصادف و عمامه خفیفه و هبت ظریفه سندن ظرافت طبع و لطافت خلقته
 واقف اولمغله صوب فضیلت اوینه خطسایا توجیه سوال و بالبداهه ابرا دقلدینی
 کلمات حکیمانه و مقدمات دلفریبانه سندن کسب حظوظیت بال ایلدیکندن اسیر اینکن
 سیر مقامنه اصعاد ایتمش ایسه ده اطوار ظالمانه و اوضاع متلونانه سندن ناشی حقتده اولان
 اجلالی جللاه و اسعافی اعسافه مبدل اوله جفنی اذعان و قفس ایدرک پنجه اذدراسندن
 تخلص کریسانه مرقب فرصت و تارینک جلب و احضاری بهانه سیله جانب مصره
 راحله ران عزیمت اولوب بورشکله تیمور لکنی اغسال و مناع جان و مالی صوب سلامت
 ایصال ایلشدر سلطان برقوق زماننده معزز و مکرم اولدینی کبی سلطان ناصرالدین
 فرج او ان سلطنتنده دخی مظهر اکرام و اعزاز و احسان مملکت و ارکان دولت بزدنده
 قدر او علماسر افرزا اولوب برمدت بیبرسیه مشیخته نائل و اخیرا تیمارستان قبائنده
 قبه الصالحده تدریس فقه و سر غمشیه ده تدریس حدیث و ظرافته واصل اولدقلندن
 بشقه دفعات متعدده ده قضاء مالکیه مسندینه صاعد و حتی اول منصب سامیده
 قاعد اولدینی سکر یوز سکر سنه سی رمضان شریفنک بکرمی التخی اربعا کونی
 عالم عقابیه روان و جسد شریفی باب النصر خار جنده مقابر الصوفیه نام محلده
 دفین خاک غفران اولدینی مسطور کتب و قایع نویساندر رجه الله علیه علامه مشارالیه
 اشبوتالیف لطیفندن بشقه قصیده برده اوز رینه شرح منبئی و پنجه قصاید
 بی نظیر و اشعار دلپذیری موجود و مؤلفات سائره سی دخی اولدینی بعض کتب توارینخده
 مذکور و مسرود ایسه ده اشهر آثار و ابهر یادکاری عنوان العبر و دیوان المبدأ

والخبر فی ایام العرب و العجم و البربر نام تاریخ مشهورینک

اشبو مقدمه نقبه سیدر

ویدیوز التمش التي تاربخنده بجایه صاحبی سلطان ابی عبدالله طرفندن ورود
 وتشریفنی متضمن وارد اولان نامه مودتعلامه اوزرینه بجایه جاننه توجه ایتمکله سلطان
 مشار الیه دخی ذات فاضلانہ سنہ تعظیما استقبال قدومی ایچون ترتیب موکب پرزینت
 ویاکمال دبدبه اعداد اولسان سرايه ایصال ایله حقندہ فرط رعایت ایلدکدن فضلہ
 جزئیات وکلیات امور سلطنتی بد استقلالنه تسلیم واعطنا وبوملابسه ایله شان ومنزلتی
 برقا تخی توفیر واعلا ایتمش اولمسبله اداره امور مملکت وتمشبت مصالح رعیتہ مباشرت
 وقبائل بر بردن ذر و جبال حصیانه عروج وکھوف کوه لج وعدوانه ولوج ایدرک
 برنیچه سنین اعطاء رسوم وعواندن امتناع ایلیان عربان او زررینه بالنفس سفرو حرکت
 ایدوب کاه لطف وتدبیر وکاه ضرب شمشیر ایله قبائل متوحشه بی دائره اطاعتہ ادخال
 وعواندن متراکک حکومتی استحصال ایتمک اوزره ایکن سلطان مشار الیه عزاده سی
 سلطان ابوالعباس غدربله وفات ایتمکله صاحب تلسان سلطان ابو جوصاحب ترجمه بی
 طرفنه دعوت وتعظیما لذاته وزرا سندن بر ذالته ارسال نامه وعرض مودت ایلدیکنه بناء
 یدییوز التمش طقوز سنہ سی بسکره به متعازم وسلطان مشار الیه خدمتده قائم اولوب
 یدییوز التمش التي سنہ سی دفعه ثانیه ده اندلسه عزیمت وسنه مذکورہ طرفنده تلسان
 جاننه عودت ایتمکله سلطان ابو جوص طرفندن جلب اهل بلاد وتالیف فوآد ایچون
 بعض اهالی قراوقبائل دشت پیا اوزرینه مأمور ووصوب مقصوده سائق ستورا ولمش ایسه ده
 منداس جهننه وصولنده مأموریت مذکورہ دن استعفا ایله احباء اولاد عریفدن
 جبل کزول قبیلہ سی طرفنه توجه وعدول ایتمکله قبیلہ مذکورہ قبلندن حسن قبول
 ونجی توجین بلادندن قلعه اولاد سلامه دیتکله معروف اولان بلده به نزول ایله
 شواغل خدمت وغوائل مأموریتدن تحلیه دماغ ودرت سنہ قدر اختیار کوشه فراغ ایدرک
 اشبو مقدمه نفیسه نک بوکونه طرز بدیع وطور متیع اوزره تالیفنه اهتمام مز یدوبش
 ماه طرفنده جمع وتسوید ایلدکدن صکره یدییوز سکسان سنہ هجره سنہ تونسه اعترام
 وتونس صاحبی سلطان ابی العباس تاربخ مز بوزک تکمیلنی رجا وایرام ایلدیکنه بناء
 اشبو مقدمه دن بشقه اخبار بربرو وقوعات سائرہ بی حاوی اولان اجزاء بقیه بی تصنیف
 وترقیم برله بر نسخہ سنی سلطان مشار الیه و بر نسخہ سنی دخی سلطان ابو فارس
 عبدالعزیز حضورینه تقدیم ایلمشدر بعده ادای فریضه حج ایچون تحصیل رخصت
 ویدییوز سکسان درت سنہ هجره سی منتصف شعبانده فک لنگر عزیمت ایدرک اول ملوک
 چراکسه اولان سلطان برقوقک سریر سلطنته جلوسندن اون کون صکره جه
 اسکندر به به مواصلته سنہ مذکورہ ذی القعدہ سنده مصره ورود وطلبه علومک
 التماسات واقعه زینہ مبنی جامع ازهرده مقام تدریسه قعود ایتمکله فضل وکالی
 معلوم عالی وادانی ومدرسه فحیه تدریسیله نائل التفات سلطان ابو جوص سکسان التي
 سنہ سنده قضاء مالکبه منصب جلیلہ بکام ومرجع خاص وعام اولهرق ایکی سنہ قدر
 اجرای احکام شرع منیف وارباب زور وباطیلی حدود شرعیه ایله تحویف ایلیوب

مهارت شامله و مشارکت کامله سی اولدینی کچی علم اداره امور ملکیه ده دخی بهره بهره سی اولدیفنه بناء اکثر ملوک غرب نزدنده خدمات جلیله ده استخدام اولنوب اولایدیوزالی اوج تاریخنجه علامت نویسک و وظیفه سیله تونس صاحبی سلطان ابی اسحاق خدمته واصل و یوما فیوما ولوله شهرت و دبیده فضیلتی سوامع اصاغروا کابره متواصل اولغله فاس پادشاهی سلطان ابوحنسان مشار الیهک خدمت و مصاحبتیه رغبت ویدیوزالی بش سنه هجریه سی اوائلنده مدینه فاسه جلب الیه حفته رعایت و اول وقتک اصول و اسلوبنجه عهده سنه علامت نویسی و دیوان سلطانی کتبی خدمت جلیله رین توجیه و عنایت ایدوب مدت یسیره ده طرف سلطانه کمال تقرب و اتصالی بادی حسد درون ادانی و اعالی اولدیفندن حفته سعایات حساد و تقولات ارباب فساد متکثر و بوملاسه الیه خاطر سلطان کندیسندن متغیر اوله رقی بی جرم و جنایت اول کنج فضائی کنج مجبسه القا الیه اهانته ویدیوزالی طغوز سنه سی سلطان مشار الیه عالم عقبایه رحلت ایتکله وزیر محاسن خصلت حسن بن عمر صاحب ترجمه بی قید حبسندن تخلص و رها و روی مرآت دلنده سکون ایدن غبار وحشت و اکداری دستمال استمال الیه احوادوش استحقاقنه الباس خلعت الیه مأموریت قدیمه سنه ارجاع و ایلا ایلد کد نصرکه مهمام سلطنت و زمام حکومت دست سلطان ابی سالمه مسلم اولدقده اوله عهده سنه کتایت سروا خیرا امور ضبطیه و دعاوی مأموریتلرینی تحویل و قبول تام و نفوذ کلام الیه درجه قدر و مقامی اوج کاله توصیل ایلشدر سلطان ابوسالم دار بقایه عازم و کرسی ملکه وزیر عمر بن عبدالله قائم اولغله میانه نرنده بعض مرتبه برودت حصوله کلیدیکندن یدییوزالتش درت تاریخنجه مدینه فاسدن مفارقت و اندلسه عزیمت ایتکله سلطان ابی عبدالله بن احرر قدومندن کسب حفظ و مسرت و موکب مظنطن الیه استقبال و کنندی قصورندن برقصه عالی به ایصال ایتدیرد کد نصرکه مجلسنه دعوت و اکسای خلعت الیه حفته اجرای مراسم احترام و تخصیص مرتبات متوالیه و ابذال انعامات عالییه الیه باره باره سنده ا کمال لوازم اکر آمدن صکره یدییوزالتش بش سنه سی خلا لنده قستانه قرالیله عقد صلح ایچون سلطان مشار الیه طرفندن سفارتله اشبیلیه جانینه اعزام اولنوب قرال مر قوم الیه بالملاقات اثنای مکالمه ده اقتضای وقت و حاله کوره بسط و ایراد ایلدیکی کلمات حکمت آیانندن قلب قرالی طرف فاضلانیه سنه منجذب و اشبیلیه ده اجدا دندن متروک اولوب امراء قرالی یدرنده مقصوب بولنسان بالجله املاک موروثه سنی کندوسنه رد و اعطا ایلک شرطیه معیننده فالسنی طالب اولش ایسه ده قبولندن امتناع و اعذار مانعه ادا عیله نزد سلطانی به اعاده اولنسنی رجا ایلدیکنه بناء کندوسنه طرف قرالیدن لجام زرین و برده سمین الیه طوناش راستر بهتر اهدا و کمال اعزاز و ایصال الیه متبوعی جانینه اعاده و اسرا اولنهرق وصولنده هدیه مذکوریه بی سلطان مشار الیه اعطا و بدلنه غرناطه فضا سنندن برقریه معهوره عهده امتلاکنه قید و املا برله سایه سلطانیده کسب مایه غنا و ترغه

ترجمه حال مؤلف کتاب

اشبو ترجمه نك اصلى اولان كتاب مؤلفى ابن خلدون نام ذات فضائل نمون بلاد مغربيه دن
 تونس شهرنده پديوز اونوز ايكي سنه هجر يه سى حدودنده زبور مهد شهود و زمان
 طفوليتندن وقت رشد و شايسته دكين حجره حجر پدره پرورشاب عز و سعود اوله رق
 اول قرآن عظيم لازم التعظيمى اتقان واحكام اوزره ثبت لوحه ذهن جلى وشاطبيه
 وراثيه قصيده لرني حفظله اول عصر ك مشاهير شيوخ قراسندن شيخ ابى عبدالله
 محمد بن بزال الانصار يدن قرآت سبع مشهوره بي تلمذ وتلقى ايدوب بكرى برختمه ده
 قرآت مذكوره بي مع الجمع والافراد عرض سامعه استاد و ختمه واحده اخرا ده جمع ايله
 انهار ملكه خداداد ايتش و علوم عربيه بي استاذ مذكور ايله والد ماجدى
 شيخ محمد التونسى الاشبلى الوابلى و شيخ ابو عبدالله محمد العر بى الحصابدى و شيخ ابو عبدالله
 محمد شواش المرازى و شيخ ابو العباس احمد بن القصار دن وفنون ادبيه بي علم كلام
 وادبده بحر زاخر و حبر ما هر اولان شيخ ابو عبدالله محمد بن محمد بن بحر دن تفصيل
 واديب مذكور اشارتيله كتاب حاسه و معلقات و ديوان مني و اشعار كتاب اغاني
 و بوكامائل نيمه اشعار بليغه حفظنه بذل جهد جزيل اليش وفقه و حديثى دخى
 صاحب الرحلتين شيخ شمس الدين ابى عبدالله محمد بن جابر و شيخ ابو عبدالله محمد بن
 عبدالله الجبائى و شيخ ابو القاسم محمد القصيدن اخذ و تلقى و رفته رفته علوم عقليه
 و نقليه درجه معلومانى كسب ترقى ايدوب مشايخ مذكوره دن ما عدا معاصر بواند قلمرى
 مشاهير جاهلر علما و صناديد مسانيد فضلان شيخ الفينا و شيخ ابو عبدالله محمد بن
 سليمان السطى و شيخ ابو محمد عبد المهيمن الحضرمى و شيخ ابو العباس احمد الزاوى
 و شيخ ابو عبدالله محمد بن ابراهيم الابلى وقاضى الجماعة شيخ ابى عبدالله محمد بن عبد السلام
 مجلسر يته ملازمتله استفاضه انوار انواع فيض و معرفت و هر بر لر زدن سمعا و عموما
 اخذ اجازت قبله رقى نهضه نادره ذاتى نوادر علوم ايله لبريز و خزانة عامره معلومانى
 جواهر مدخره فنون ايله مضبوط كنهينه پرويز اولمش ايكن بيه اقتناء ثمرات افانين
 فنونه حريص و مقدم و دور حلقات علوم مفروضه و مستونه يه مكب و مداوم اولوب
 باخصوص مؤلف مرحومه علم و فضيلت موروث جد و پدر و تعين و شهرت اجداد
 بزركوار دن قائم بر اثر اوله رقى عراقت اصل و اصالت نسلى معلوم وجدى محمد بن حسن
 قيادت جنود ايله اشبليده دن تونس ديه بخش قدوم اولوب بلده مذكوره ده استبطانله
 اراحت و راحل نقل و ثروت و سراوت و تصرف و امارت اوزره تعيش و تناسل ايدوب
 سلسله نسبلى صحابه كرامدن وائل نام ذات شريفه منتمى وائل اولور
 صاحب ترجمه نك لقي ولى الدين و كنيه سى بين الصفار و الكبار شهرت شعرا اولديغى
 وجهله ابن خلدون واسمى عبد الرحمن بن محمد بن محمد بن حسن بن محمد بن جابر بن محمد
 بن ابراهيم بن محمد بن عبد الرحمن بن خلدوندر علامه مرحومك كافه علوم جزئيه و كليده

- ۲۹۹ (فصل هادی عشر) اول ملك و دولته كه مجد و شرفده استقلال و نعمت و راحت اشتغال مستحکم اوله زواله مائل اولدیغی بیاننده در
- ۳۰۲ (فصل ثانی عشر) ملك و دولتک امتداد و بقاده اشخاص بنی آدم کبی عمر طبیعیسی اولدیغی بیاننده در
- ۳۰۵ (فصل ثالث عشر) رتبه رفیعه ملك و دولته نائل اولان رجال ابتداء ظهور لرنده بدویلر کبی قناعت طور رنده اولوب بعدده طور حضارته انتقال و عز و حشمته اشتغاللری بیاننده در
- ۳۱۰ (فصل رابع عشر) اوائل ظهور دولته وسعت نعمت ملك و دولته زیاده قوت ایراث ایلدیگی بیاننده در
- ۳۱۱ (فصل خامس عشر) انقلاب ادوار ایله اطوار دولت مختلف اولدیغی بیاننده در
- ۳۱۳ (فصل سادس عشر) دولت و سلطنتک اثری اصلنده قدرت لری نسبتی اوزره اولدیغی بیاننده در
- ۳۲۳ (فصل سابع عشر) ملوک و سلاطین ابتدای ظهور لرنده قرابت و باغیری سبب ایله کندوره منسوب اولان قبیله لرینی طرد قصد ایله اجنبی عسکر ترزینیه معاشرت ایتدیگری بیاننده در
- ۳۲۵ (فصل ثامن عشر) ملوک و سلاطینک اقارب و خویشانی زمره سندن اولوبوب دائرة رینه منسوب اولان اعوان و خدامک دولته حال و شانلری بیاننده در
- ۳۲۷ (فصل ناسع عشر) وقت ضعفده ملك و دولته تسلط ایدوب سلاطینی تنفیذ احکامدن منع ایدن متغلبه بیاننده در
- ۳۲۹ (فصل عشرین) متغلبه دولت سلاطینه و اهل بیت سلطنته مخصوص اولان القاب و شعارده مشارکت ایتدیگری بیاننده در
- ۳۳۰ (فصل هادی و عشرین) ملك و سلطنتک حقیقت و ماهیتی و اصناف و اقسامی بیاننده در
- ۳۳۱ (فصل ثانی و عشرین) ملوک و سلاطینک ریا و برابیه عنف و شدت و بطش وحدت ایله معامله لری دولته خلل ایراث ایلدیگی بیاننده در
- ۳۳۴ (فصل ثالث و عشرین) خلافت و امامت کله لرینک حقیقت و معناری بیاننده در
- ۳۳۶ (فصل رابع و عشرین) خلافت و امامتک شروط و احکامنده علماءک اختلاف لری بیاننده در

- ۲۶۹ (فصل ثالث و عشرين) مغلوب غالبه و تابع متبوعه زى و قيا فتده و سائر اطوارده مانل اولديغى بياننده در
- ۲۷۰ (فصل) طوائف امم عالمدين بر طائفه آخره مغلوب اولدوقده اول طائفه نك نسلى مدت قبله ده منقرض اولديغى بياننده در
- ۲۷۲ (فصل) طائفه عربك نهب و غارت اليه اسبيلارى دوز صحرا رده واقع محلازه مخصوص اولديغى بياننده در
- ۲۷۳ (فصل) طائفه عربك مستولى اولدوقرى بلا و ديار ازمه قبله ده خراب اولديغى بياننده در
- ۲۷۵ (فصل سابع و عشرين) طائفه عربك ملك و سلطنت و نظام و سياست مملكته لر نيك اسباب حصولى بياننده در
- ۲۷۶ (فصل) عربك سياست ملك و دولته عدم رغبلى اليه تدبير امورده قاصر اولدوقرى بياننده در
- ۲۷۸ (فصل) بره و بانيه ده ساكن اولان طوائف و قبائل اهل امصاره احتيا جلبرى احوالى بياننده در
- ۲۷۹ (فصل اول) كتاب اولك او چنچى فصل نك فصل اول دولت و سلطنت لرلك ابتدائى ظهورى عصبيت اسخابى قبائلك اعانت لر به موقوف اولديغى بياننده در
- ۲۸۰ (فصل ثانى) بردولت مر كزنده قرار ايتدك ن صكره اوليساي دولت قوم و قبيله سبله اعانتدن مستغنى اولديغى بياننده در
- ۲۸۲ (فصل ثالث) بعضا بردولت ابتدائى ظهورنده اطراف بعينه دن اعانت قصد يله رجال جمع اولوب كمدى قبيله لرى استعانتدن مستغنى اولديغى بياننده در
- ۲۸۴ (فصل رابع) قهر و غلبه اليه اطرافه امثلا ايدن دول عظيمه نك خروچى ديانته مبنى اولديغى بياننده در
- ۲۸۴ (فصل خامس) دول متدينه نك سائر دولت لره غلبه و تفوقى بياننده در
- ۲۸۵ (فصل سادس) دين و مذهب دعواسى حسب العادة الالهيه رجالك اعانت لر به موقوف اولديغى بياننده در
- ۲۹۰ (فصل سابع) هر دولت و سلطنت قوت و مكنتى اعتبار يله ممالكدن بر حصه سى اولوب اندن زياده محله نچار زى حالى بياننده در
- ۲۹۲ (فصل ثامن) اتداد وقت دولت و اتساع دائره مملكته اليه ارتفاع شان سلطنته باني عز و شانى تمهيد ساعى اولان رجالك قلت و كثر لر اعتبار يله مبنى اولديغى بياننده در
- ۲۹۴ (فصل تاسع) عصبيت اسخابى قبائل و عشائر كثير اولان محلا رده بنديان دولتك استحكامى قبل اولديغى بياننده در
- ۲۹۶ (فصل عاشر) طبيعت ملك و دولت مر كزنده قرار ايتدك ن صكره انفراد و استقلالى موجب اولوب سرور و جوره مقتضى اولديغى بياننده در



- ۲۳۳ (فصل خامس) اهل بادیه نك قوت وشجاعتده حضریله غلبه سی بیاننده در
- ۲۳۴ (فصل سادس) حضری وبلدیلك ضبط وسیاست حکام وولایة ایله مغلوب اولمیری وقوت وشجاعت وجین وهراسلری بیاننده در
- ۲۳۸ (فصل سابع) بادیه ده سکننا اتخاذ ونسب وحسب ایله عون ونصرت اولمسی بیاننده در
- ۲۴۰ (فصل ثامن) طوائف بشرک تعاون وتناصره مداراولان شوکت ودولت وغلبه لری بیاننده در
- ۲۴۲ (فصل تاسع) طوائف امم پشندره حفظ نسب وسائر موادك بیاننده در
- ۲۴۸ (فصل ماشر) اختلاط اجانب واباعد ایله انساک ضبط ونظامی نه وجهله مختل اولدیغی بیاننده در
- ۲۴۵ (فصل حادی عشر) قوت وصولت صاحبی قوم وقبیله اوزرینه ریاست کیفیتی بیاننده در
- ۲۴۸ (فصل ثانی عشر) شرف حسب ونسب حقیقتده اهل انساب جلیله دن قوت صاحبه مخصوص ایدوکی بیاننده در
- ۲۵۰ (فصل ثالث عشر) خاندان ملك وسلطنت واصحاب غنابه منسوب اولان عبید واحرارك شرفلری مخدوملرینه انساب واتجارینه تابع اولدیغی بیاننده در
- ۲۵۲ (فصل رابع عشر) اهل انساب ویوت واحساب سلاله سنك نهایت احوالری بیاننده در
- ۲۵۵ (فصل خامس عشر) اهل بادیه قهر وتغلبه سائر ناسه غالب اولدقلری بیاننده در
- ۲۵۷ (فصل سادس عشر) حصیه نسبه وسببه قوت وسطوتده ترقی ابدرك ملك وسلطنته منتهی اولدیغی بیاننده در
- ۲۵۹ (فصل سابع عشر) قبائل وعشارك ترفه ونعمه میل ورغبیلری دولت ورفته اعتلارینه مانع اولدیغی بیاننده در
- ۲۵۹ (فصل ثامن عشر) عصیت وسطوت اعجابی اولان قبائلک تحت اطاعت حکامه دخوللری طلب ملك ایله ظهورلرینه مانع اولدیغی بیاننده در
- ۲۶۱ (فصل ناسع عشر) قبائل وعشاره باج وخراج مثللو تکالیف وضعی مذلت وحقارتلری موجب اولدیغی بیاننده در
- ۲۶۳ (فصل عشرین) محاسن اخلاق وخصال حیده به اعتنا دولت وسلطنت علایمندن وعسکی خلاقی علایمندن اولدیغی بیاننده در
- ۲۶۶ (فصل حادی عشرین) دشت وباده ده خیمه وخرگاه ایله کشت وکذارایدن قبائل وعشارك دازه دولتلی سائرلرندن اوسع اولدیغی بیاننده در
- ۲۶۷ (فصل ثانی عشرین) دولت برخاندانندن زئیل اولدقده مادام سطوت عصیبتلری باقی ایله بنه اول سلسله نك اقرار بندن آخر خاندانه عودت ایتک مقرر اولدیغی بیاننده در

فهرست ترجمه مقدمه ابن خلدون

- ۰۰۸ (مقدمه) علم تاریخ فضل و شرفی و مؤرخینک مذاهب و مسالکینک تحقیقی و نقل ابتدکاری اخبارک بعضیسنده غلط و وهمی و بعضی سبیلی بیاننده در
- ۰۰۵ فائده جلیله تاریخ اعصاردن بر عصره یا خود روم و ترک کبی بر قبیله یه مخصوص اولان اخباری ذکر دن عبارت اولدیغی بیاننده در
- ۰۰۶ (کتاب اول) عمران عالمک حقیقی واکا عارض اولان بدویت و حضریت و ناسک بر برینه تغلب و کسب معاش و علوم و صنایع و بونلرک علل و اسبابی بیاننده در
- ۰۰۷ (فصل اولک اولکی مقدمه سی) افراد بشرک ربع مسکونده اجتماع اوزره سکون و اقامت لری ضروری اولسی بیاننده در
- ۰۰۷ (ایکنجی مقدمه) وجه ارضک معهور اولان محللری و انده موجود در یارک و نهر لک و اقلیم لک بعضی لری بیاننده در
- ۰۰۸ ایکنجی مقدمه تک تکله سی وسط ارضده فرض اولتان خط استوائک طرفی شمالیسنده واقع اراضینک عمارتی و خط استوائک جنوبیسی طرفنده بولتان اراضیدن اکثر اولدیغی بیاننده در
- ۱۴۳ (اوجنجی مقدمه) حرارت و پرودنده معتدل اولان اقلیم لرایله اهتدال دن خارج اولان اقلیم لک احوالی و بونلرده ساکن اولان نوع بشرک الواننده هوانک تأثیری و بنی آدمک سائر احوال کثیره سی بیاننده در
- ۱۴۹ (در دینی مقدمه) اقالیم سببه هواسنک ابدان و اجسادده والوان و اعراضده تأثیری مثلواها البسنک خلق و سیرت و مشرب و طبیعت لرنده دخی تأثیری اولدیغی بیاننده در
- ۱۵۱ (بشنجی مقدمه) معموره ربع مسکونده خصب و رخا و قحط و غلایله مختلف اولان بلاد ایله قلت اکل و کثرت خدائک طوائف بنی آدمک ابدان و اخلاق لرنده تأثیری بیاننده در
- ۱۵۷ (النجی مقدمه) غیبیدن خبر و یروب فطرت و خلقت و یارباضت ایله معیباته وقوف و اطلاع ابد نلرک اصنافی بیاننده در
- ۱۹۱ (فصل) رؤیا نلرک حقیقی بیاننده در
- ۲۱۳ ارسطونک کتاب سیاستی اخر ند مسطور حساب نیم بیاننده در
- ۲۲۵ (فصل اول) کتاب اولک ایکنجی فصلنک فصل اولی افراد بنی آدمک حال لرنک اختلافی تدبیر امر معاشده سالک اولدقلری مسالکک اختلافنه مربوط اولدیغی بیاننده در
- ۲۲۶ (فصل ثانی) سکان بریه و اهل بادیه دن قبائل عربک اوضاع و اطواری و احوال و اتاری امر طبیعی اولدیغی بیاننده در
- ۲۲۸ (فصل ثالث) بدویت حضریتدن اقدم و اسبق اولوب بادیه عمران حضرینک اصل و مددی اولدیغی بیاننده در
- ۲۲۹ (فصل رابع) اهل بادیه سکان امصار دن خبر و صلاح تحصیلنه افریه اولدیغی بیاننده در

Pîrî-zâde Mehmed Sâhib
and

Ahmed Cevdet Paşa.

Mukaddime-i İbn Haldûn tercomesi

Vol. 1

3 vols. & supplement £ 13-15-0

Istanbul 1275-1277

K 152 / 1

IBN KALDÛN ('Abd al-Rahmân b. Muḥ.)
Tercüme-i Mukaddime-i İbn Haldun. 3 vo
1859-60.

Turk.d.1126/

Turk. d. 1126 / 1

